

# सम्यग्ज्ञान चन्द्रिका ( उत्तरार्द्ध )



पण्डित प्रवर टोडरमलजी

आचार्य नेमीचन्द्र सिद्धान्तचक्रवर्ती विरचित गोम्मटसार कर्मकाण्ड की  
आचार्यकल्प पण्डित प्रवर टोडरमलजी कृत भाषा टीका

# सम्यग्ज्ञान-चन्द्रिका

(द्वितीय खण्ड उत्तरार्द्ध)

गोम्मटसार कर्मकाण्ड एवं उसकी भाषा टीका



प्रकाशक :

जिनश्रुत प्रकाशन समिति, जयपुर

एवं

पण्डित टोडरमल स्मारक ट्रस्ट

ए-4, बापूनगर जयपुर-302 015

**प्रथम संस्करण : 2 हजार**  
**(16 मार्च, 1995)**

**मूल्य : तीस रुपए**

**टाइपसेटिंग :**  
**प्रिन्टोमैटिक्स**  
**लालकोठी, जयपुर — 302 015**  
**फोन : 515480**

**मुद्रक :**  
**ग्राफिक ऑफसेट प्रिंटर्स**  
**गोपालजी का रास्ता**  
**जयपुर**

## Thanks & Our Request

This shastra has been donated by Daksha Nainesh Shah, London who has paid for it to be "electronised" and made available on the internet.

Our request to you:

1) Great care has been taken to ensure this electronic version of [Samyag Gnaan Chandrika Part 2 - Uttar Ardh \(Hindi\)](#) is a faithful copy of the paper version. However if you find any errors please inform us on [rajesh@AtmaDharma.com](mailto:rajesh@AtmaDharma.com) so that we can make this beautiful work even more accurate.

2) Keep checking the version number of the on-line shastra so that if corrections have been made you can replace your copy with the corrected one.

## Version History

Version Number	Date	Changes
001	28 Mar 2011	First electronic version

## प्रकाशकीय

आचार्य नेमीचन्द्र सिद्धान्तचक्रवर्ती विरचित गोम्मटसार कर्मकाण्ड की आचार्यकल्प पण्डित टोडरमलजी कृत भाषा टीका जो सम्यग्ज्ञान चन्द्रिका के नाम से विख्यात है उसके द्वितीय खण्ड का उत्तरार्द्ध प्रकाशित करते हुए हमें हार्दिक प्रसन्नता का अनुभव हो रहा है।

दिगम्बराचार्य नेमीचन्द्र सिद्धान्तचक्रवर्ती करणानुयोग के महान आचार्य थे। गोम्मटसार जीवकाण्ड, कर्मकाण्ड, लब्धिसार-क्षपणासार, त्रिलोकसार तथा द्रव्यसंग्रह ये महत्वपूर्ण कृतियाँ आपकी प्रमुख देन हैं। पण्डित प्रवर टोडरमलजी ने गोम्मटसार जीवकाण्ड, कर्मकाण्ड तथा लब्धिसार व क्षपणासार की भाषा टीकाएं पृथक्-पृथक् बनाई थीं। चूंकि ये चारों टीकाएं परस्पर एक दूसरे से सम्बन्धित तथा सहायक थीं अतः सुविधा की दृष्टि से उन्होंने उक्त चारों टीकाओं को मिलाकर एक ही ग्रन्थ के रूप में प्रस्तुत कर दिया तथा इस टीका ग्रंथ का नामकरण उन्होंने सम्यग्ज्ञान चन्द्रिका किया।

इस सम्बन्ध में पण्डित टोडरमलजी स्वयं लिखते हैं-

या विधि गोम्मटसार, लब्धिसार ग्रन्थनिकी,  
भिन्न-भिन्न भाषाटीका कीनी अर्थ गायकैं।  
इनिकै परस्पर सहायकपनौ देख्यौ,  
तातैं एककर दई हम तिनकौ मिलायकैं ॥  
सम्यग्ज्ञानचन्द्रिका धर्यो है याकौ नाम,  
सोई होत है सफल ज्ञानानन्द उपजायकैं।  
कलिकाल रजनी में अर्थ को प्रकाश करै,  
यातैं निजकाय कीजै इष्टभाव भायकैं ॥

इस ग्रन्थ की पीठिका के सम्बन्ध में मोक्षमार्ग प्रकाशक की प्रस्तावना लिखते हुए डॉ. हुकमचन्द भारिल्ल लिखते हैं-

“सम्यग्ज्ञानचन्द्रिका विवेचनात्मक गद्यशैली में लिखी गई है। प्रारम्भ में इकहत्तर पृष्ठ की पीठिका है। आज नवीन शैली के क्षेत्र में लगभग दो सौ बीस वर्ष पूर्व लिखी गई सम्यग्ज्ञानचन्द्रिका की पीठिका आधुनिक भूमिका का आरम्भ रूप है किन्तु भूमिका का आद्यरूप होने पर भी उसमें प्रौढ़ता पाई जाती है, उसमें हल्कापन कहीं भी देखने को नहीं मिलता। इसके पढ़ने से ग्रन्थ का पूरा हार्द खुल जाता है एवं इस गूढ़ ग्रन्थ के पढ़ने में आनेवाली पाठक की समस्त कठिनाईयाँ दूर हो जाती हैं। हिन्दी आत्मकथा के साहित्य में जो महत्व महाकवि पण्डित बनारसीदास के ‘अर्द्धकथानक’ को प्राप्त है, वही महत्व हिन्दी भूमिका साहित्य में सम्यग्ज्ञानचन्द्रिका की पीठिका का है।”

ग्रंथ का अधिकांश भाग गोम्मटसार जीवकाण्ड, लब्धिसार-क्षपणासार तथा गोम्मटसार कर्मकाण्ड का पूर्वाद्ध प्रकाशित होकर आपके समक्ष पहुँच ही चुके हैं और अब यह कर्मकाण्ड टीका का उत्तराद्ध आपके हाथों में है।

ग्रंथ का प्रकाशन बड़ा ही श्रमसाध्य कार्य है। इस ग्रंथ का मूल से बारीकी से मिलानकर इसकी प्रूफ रीडिंग करने में श्री सौभाग्यमलजी बोहरा, बापूनगर-जयपुर तथा मुद्रण कार्य में अखिलबंसल का योगदान रहा है अतः दोनों बधाई के पात्र हैं, जिन महानुभावों ने प्रस्तुत ग्रंथ की कीमत कम करने में सहयोग दिया है उनका भी हम आभार मानते हैं।

अब यह टीका ग्रंथ सम्यग्ज्ञानचन्द्रिका विभिन्न खण्डों के रूप में पूर्ण रूप से प्रकाशित हो चुका है। आशा है पाठकगण इस अमूल्य ग्रंथ से लाभान्वित होकर आत्मकल्याण का मार्ग प्रशस्त करेंगे ऐसी मंगलकामना है।

महामंत्री

जिनश्रुत प्रकाशन समिति, जयपुर

महामंत्री

पं. टोडरमल स्मारक ट्रस्ट, जयपुर

# विषय -सूची

## ५ स्थानसमुत्कीर्तनाधिकार

मंगलाचरण पूर्वक कथन प्रतिज्ञा	१
बंधादि स्थानों का प्रकृति संख्या सहित गुण स्थानों में कथन	२
मोहनीय कर्म के उदय स्थानों की तथा प्रवृत्तियों की संख्या का उपयोग	
योग-संयम-लेश्या और सम्यक्त्व की अपेक्षा से कथन	२७
मोहनीय के सत्वस्थानों का कथन	३६
नाम कर्म के ४१ जीव पदों का कथन	४२
नाम कर्म के बंधादिस्थान तथा भंग गुणस्थान और मार्गणाओं की अपेक्षा	४३
बंधोदयसत्व के त्रिसंयोगी भंग	१२५
बंधोदय सत्व स्थानों का चौदह जीव समासों की अपेक्षा कथन	१५५
बंधोदय सत्व स्थानों का चौदह - मार्गणाओं की अपेक्षा कथन	१५६
बंधादि त्रिसंयोग में एक आधार और दो आधेय की अपेक्षा कथन	१६४
बंधादि स्थानों में दो आधार एक आधेय की अपेक्षा कथन	१८४
नाम कर्म के संयोगी भेद पूर्ण	१९१

## ६ आस्रवाधिकार

मंगलाचरण पूर्वक वक्तव्य प्रतिज्ञा	१९१
आस्रवों का स्वरूप भेद सहित	१९२
मूलउत्तर प्रत्ययों का गुण स्थानों में कथन	१९२
आस्रवों के भेदों का कथन	१९६
कर्मों के बंध के कारण परिणामों का कथन	२०६

## ७ भावचूलिकाधिकार

मंगलाचरण वक्तव्य प्रतिज्ञा	२११
भावों के नाम भेद सहित	२११
भावों की उत्पत्ति का कारण	२१२
भावों के भेदों का नाम	२१२
उत्तर भावों के भेद दूसरी तरह से	२१७
भावों के स्थान भंग और पद भंगों का गुणस्थानों की अपेक्षा कथन	२२८
एकान्तमत के भेदों का स्वरूप	२५१
एकान्त भेदों के भेदों का स्वरूप	२५१
एकान्त मतों का झगडा मेंटने की युक्ति	२५७

एकान्तमतों के मिथ्या होने का कारण	२५८
<b>८ त्रिकरणचूलिकाधिकार</b>	
मंगलाचरण गुरु के लिए	२५९
तीन करणों का स्वरूप	२५९
अधःकरण का अंकों के संकेत से कथन	२६०
अधःकरण के काल का प्रमाण	२६७
अपूर्वकरण में अंकों की सहनानी	२६७
अपूर्वकरण के काल का प्रमाण	२६७
अनिवृत्ति करण का स्वरूप	२६९
<b>९ कर्मस्थितिरचनाधिकार</b>	
मंगलाचरण, वक्तव्य प्रतिज्ञा	२७०
कर्मस्थिति रचना का प्रकार	२७०
कर्मस्थिति रचना की अंकसंदृष्टि	२७३
कर्मस्थिति रचना की अर्थ संदृष्टि	२७४
सत्तारूप त्रिकोण यंत्र रचना के जोड़ देने की विधि	२९१
स्थिति के भेदों का कथन	२९५
स्थिति के कारण कषायाध्यवसाय स्थानों का मूल प्रकृतियों में कथन	२९६
स्थिति बंधाध्यवसाय स्थानों का प्रमाण	२९८
अध्यवसाय स्थानों में अनुकृष्टि विधान	३०४
स्थिति सम्बन्धी अनुभागबंधाध्यवसाय स्थानों का कथन	३१०
<b>ग्रंथकर्ता की प्रशस्ति</b>	
ग्रंथ रचने का प्रयोजन	३११
अजितसेन गुरु को नमस्कार	३११
चामुण्डराय को आशीर्वाद	३१२
दक्षिण कुक्कुट नाम से प्रसिद्ध जिन के प्रतिबिम्ब को जयशब्द	३१२
चामुण्डराय को विशेष आशीर्वाद	३१२
चामुण्डराय ने कर्णाटिकी वृत्ति बनाई इस पर आशीर्वाद देते हुए अपने समाचारों की पूर्णता	३१३



# गोम्मटसार कर्मकाण्ड

( उत्तरार्द्ध )

## सम्यग्ज्ञानचन्द्रिका

भाषा टीका सहित

स्थानसमुत्कीर्तनाधिकार ॥ ५ ॥

बंध उदय सत्ता सहित, कर्म थानकरि नष्ट ।

नेमिचंद्र जयवंत जगि, भए केवली स्पष्ट ॥ ५ ॥

ऐसै त्रिचूलिका-अधिकार कहि श्रीमत् नेमिचन्द्र-सिद्धांतचक्रवर्ती अपने इष्टदेव को नमस्कार पूर्वक आगै जो कार्य करिए है, ताकी प्रतिज्ञा करै हैं—

णमिऊण णेमिणाहं, सच्चजुहिद्विरणमंसियंघिजुगं ।

बंधुदयसत्तजुत्तं, ठाणसमुक्कित्तणं वोच्छं ॥ ४५१ ॥

नत्वा नेमिनाथं, सत्ययुधिष्ठिरनमस्कृतांघ्रियुगं ।

बंधोदयसत्वयुक्तं, स्थानसमुत्कीर्तनं वक्ष्ये ॥ ४५१ ॥

टीका - प्रत्यक्ष वंदनेवाला सत्य-युधिष्ठिर नामा पांडव ताकरि नमस्कार रूप किया है चरणयुगल जाका, ऐसा 'नेमिनाथ तीर्थकर' कौं नमि करि बंध, उदय, सत्तासंयुक्त-स्थानसमुत्कीर्तन कौं कहौंगा । सो किस वासतैं ? पूर्वै प्रकृतिसमुत्कीर्तन-अधिकार विषै जे प्रकृति कहीं, तिनका बंधादिक क्रम तैं हो है, वा बिना क्रम तैं हो हैं, ऐंसा प्रश्न होत संतैं, ऐसे हो हैं, ऐसैं जाननै के अर्थि स्थानसमुत्कीर्तन नामा अधिकार कहिए है ।

स्थान कहा कहिए ? एक जीव कैं एक काल विषै जितनी प्रकृति संभवैं, तिनके समूह का नाम स्थान है, तिसका व्याख्यान इस अधिकार विषै हैं ॥ ४५१ ॥

तहां प्रथम ही मूल प्रकृतिनि के बंध, उदय, उदीरणा सत्व का भेद लिए तिस स्थानसमुत्कीर्तन कौं गुणस्थाननि विषै छह गाथानि करि कहैं हैं—

छसु सगविहमद्विहं, कम्मं बंधंति तिसु य संत्तविहं ।

छव्विहमेकद्विहणे, तिसु एककमबंधगो एक्को ॥ ४५२ ॥

षट्सु सप्तविधमष्टविधं, कर्म बंधंति त्रिषु च सप्तविधं ।

षड्विधमेकस्थाने, त्रिषु एकमबंधकमेकं ॥ ४५२ ॥

**टीका -** मिश्र बिना अप्रमत्त पर्यंत छह गुणस्थाननि विषैँ आयु बिना सात प्रकार अथवा आयु सहित आठ प्रकार कर्म बंधैँ हैं । बहुरि मिश्र, अपूर्वकरण, अनिवृत्तिकरण—इन तीन विषैँ आयु बिना सात प्रकार ही कर्म बंधैँ हैं । बहुरि सूक्ष्मसांपराय विषैँ आयु, मोह बिना छह प्रकार ही कर्म बंधैँ हैं । उपशांतकषाय, क्षीणकषाय, सयोगी विषैँ एक वेदनीयकर्म ही बंधैँ हैं । अयोगी विषैँ बंध नाही है ॥ ४५२ ॥

चत्तारि तिण्णि तिय चउ, पयडिद्विहणाणि मूलपयडीणं ।

भुजगारप्पदराणि य, अवडिद्विहणाणि कमे होन्ति ॥ ४५३ ॥

चत्वारि त्रीणी-त्रीणि, चत्वारि प्रकृतिस्थानानि मूलप्रकृतीनाम् ।

भुजाकारल्पतराणि च, अवस्थितान्यपि क्रमेण भवन्ति ॥ ४५३ ॥

**टीका-** ऐसैँ मूल-प्रकृतिनि का सामान्यपनैँ बंधस्थानक आठ, सात, छह, एक प्रकृतिरूप च्यारि हैं । तहां उपशम-श्रेणी तैँ उतरने विषैँ भुजाकार-बंध तीन हैं । उपशांत-कषाय विषैँ एक का बंध था, तहां तैँ सूक्ष्मसांपराय विषैँ आया, तब छह का बंध कीया, सो एक तो यह भुजाकार-बंध भया । बहुरि सूक्ष्म-सांपराय विषैँ छह का बंध था, तहां तैँ अनिवृत्ति-करण विषैँ आया, तब सात का बंध भया, तहां एक यह भुजाकार बंध भया । बहुरि अपूर्वकरण विषैँ सात का बंध था, नीचले गुणस्थान विषैँ आठ का होई, तहां एक यह भुजाकार भया— ऐसैँ तीन भुजाकार हो हैं ।

१ ६ ७ बहुरि ऊपरि-ऊपरि गुणस्थान चढ़ने विषैँ अल्पतर-बंध तीन हैं । आठ-कर्म के बंध तैँ  
६ ७ ८ सात का बंध होई, तहां एक अल्पतर होइ । बहुरि सात तैँ छह का बंध भए एक  
अल्पतर होइ, छह तैँ एक का बंध भए एक अल्पतर होइ— ऐसैँ तीन अल्पतर हैं ।

८ ७ ६ बहुरि अपने ही स्थान विषैँ पहिले समयनि विषैँ जितने कर्मनि का बंध होइ, तितने  
७ ६ १ ही पिछले समय बंधैँ, तहां अवस्थित-बंध च्यारि हैं । पहिले आठकर्म का बंध था  
अर पीछैँ आठ का ही बंध होइ, तहां एक अवस्थित-बंध भया । सात पीछैँ सात का  
होइ, तहां एक भया । छह पीछैँ छह का होइ, तहां एक भया । एक पीछैँ एक का होइ, तहां एक  
भया । ऐसैँ अवस्थित-बंध च्यारि हैं ।

८	७	६	१
८	७	६	१

बहुरि उपशांत-कषाय तै उतरि सूक्ष्मसांपराय कौ छोडि अनिवृत्तिकरणादिक कौ प्राप्त न होइ, तातै एक का बंध पीछै सात का बंध वा एक का बंध पीछै आठ का बंध रूप — ए दोय भुजाकार-बंध नाही संभवै हैं । बहुरि अप्रमत्त वा अनिवृत्ति-करण में बीच के गुणस्थान छोडि उपशांतकषाय को प्राप्त न होइ ; तातै आठ पीछै एक का बंध रूप वा सात पीछै एक का बंध रूप — ए अल्पतर भी दोय बंध न करै हैं ।

इहां प्रश्न — जो उपशांतकषाय तै मरि करि देव-असंयत-गुणस्थानवर्ती होइ, तहां एक तै सात का बंध रूप वा एक तै आठ का बंध रूप होइ भुजाकार-बंध संभवै हैं, तै क्यों न कहे ?

ताका समाधान — अबद्धायु का तो मरण नाही, जातै एक तै सात का बंध रूप भुजाकार का अभाव है अर बद्धायु का मरण होइ, सो देव-असंयत-गुणस्थानवर्ती होइ ; तहां देवायु का छह महीना अवशेष रहे ही आयु का बंध होइ, तातै एक तै आठ का बंध रूप भुजाकार का अभाव है ; तातै न कहे ।

तहां जो पहिलै थोरी प्रकृतिनि का बंध करि पीछै बहुत प्रकृतिनि को बांधै, ताकै भुजाकार बंध कहिए, पहिले बहुत प्रकृतिनि का बंधकरि पीछे थोरी प्रकृतिनि को बांधै, ताकौ अल्पतर-बंध कहिए । पहिलै थोरी वा बहुत जितनी-प्रकृति बांधै, तितनी ही पीछै अनन्तर-समय विषै बांधै, ताकौ अवस्थित-बंध कहिए । किछू भी न बांधि करि पीछै बांधै, ताकौ अवक्तव्य-बंध कहिए । सो यह अवक्तव्य-बंध मूल-प्रकृतिनि विषै न संभवै है, उत्तर-प्रकृतिनि विषै ही संभवै है ।

ऐसै इनका स्वरूप जानना ॥ ४५३ ॥

**अट्टुदओ सुहुमोत्ति य, मोहेण विणा हु संतखीणेषु ।**

**घादिदराणं चउक्कस्सुदओ केवलिदुगे णियमा ॥ ४५४ ॥**

अष्टोदयः सूक्ष्म इति च, मोहेन विना हि शांतक्षीणयोः ।

घातीतराणां चतुष्कस्योदयः, केवलिद्विके नियमात् ॥ ४५४ ॥

टीका- सूक्ष्म-सांपराय पर्यंत आठौं मूलप्रकृतिनि का उदय है । उपशांतकषाय, क्षीणकषाय विषै मोह बिना सात का उदय है सयोगी-अयोगी विषै च्यारि अघातियानि का ही उदय है नियमकरि ॥ ४५४ ॥

**घादीणं छदुमट्टा, उदीरगा रागिणो हि मोहस्स ।**

**तदियाऊण पमत्ता, जोगंता होंति दोणहंपि ॥ ४५५ ॥**

घातिनां छद्मस्था, उदीरका रागिणो हि मोहस्य ।

तृतीयायुषोः प्रमत्ता, योग्यंता भवंति द्वयोरपि ॥ ४५५ ॥

**टीका** — घातिया-कर्म च्यारि, तिनका क्षीण-कषाय पर्यंत छद्मस्थ उदीरणा करने वाले हैं, तहां भी मोहनीय की उदीरणा करने वाले सूक्ष्मसांपराय पर्यंत सरागी ही हैं। बहुरि वेदनीय अर आयु की उदीरणा करने वाले प्रमत्त पर्यंत प्रमादी जीव ही हैं। बहुरि नाम अर गोत्र की उदीरणा करने वाले सयोगी पर्यंत हैं ॥ ४५५

**मिस्सूणपमत्तंते, आउस्सद्धा हु सुहुमखीणाणं ।**

**आवलिसिद्धे कमसो, सग पण दो चैवोदीरणा होंति ॥ ४५६ ॥**

मिश्रोनप्रमत्तंते, आयुषः अद्धा हि सूक्ष्मक्षीणयोः ।

आवलिशिष्टे क्रमशः, सप्त पंच द्वे चैवोदीरणा भवंति ॥ ४५६ ॥

**टीका**— भुज्यमान-आयु का आवली मात्र काल अवशेष रहैं, नियमकरि मिश्र-गुणस्थान तैं अन्य गुणस्थान कौं प्राप्त होइ, तातैं मिश्र बिना प्रमत्त पर्यंत पंच गुणस्थाननि कैं आयु विषैं आवली मात्र काल अवशेष रहै आयु बिना सांत की उदीरणा है। बहुरि सूक्ष्म-सांपराय विषैं तितना ही काल अवशेष रहैं, आयु, मोहनीय, वेदनीय बिना पांच की ही उदीरणा है। बहुरि क्षीण-कषाय विषैं तितना ही काल अवशेष रहैं, नाम, गोत्र इन दोऊनि की उदीरणा हैं ॥ ४५६ ॥

**संतोत्ति अट्ट सत्ता, खीणे सत्तेव होंति सत्ताणि ।**

**जोगिम्मि अजोगिम्मि य, चत्तारि हवंति सत्ताणि ॥ ४५७ ॥**

शांत इति अष्ट सत्ताः, क्षीणे सप्तैव भवंति सत्त्वानि ।

योगिनि अयोगिनि च चत्वारि भवंति सत्त्वानि ॥ ४५७ ॥

**टीका**— उपशांत-कषाय पर्यंत आठौं मूल-प्रकृतिनि का सत्व है। क्षीण-कषाय विषैं मोह बिना सात ही का सत्व है। सयोगी, अयोगी विषैं च्यारि अघातीनि का ही सत्व है ॥ ४५७ ॥

आगैं उत्तर-प्रकृतिनि के स्थान-समुत्कीर्तन कहै हैं—

**तिण्णि दस अट्ट ठाणाणि दंसणावरणमोहणामाणं ।**

**एत्थेव य भुजगारा, सेसेसेयं हवे ठाणं ॥ ४५८ ॥**

त्रीणि दश अष्ट स्थानानि दर्शनावरणमोहनाम्नां ।

अत्रैव च भुजाकाराः, शेषेष्वेकं भवेत् स्थानं ॥ ४५८ ॥

**टीका**— दर्शनावरण का वा मोहनीय का वा नाम का बंध-स्थान अनुक्रम तैं तीन, दश, आठ जानने ; तातैं भुजाकार-बंध भी इनहीं विषैं हैं, जातैं अवशेषनि विषैं ज्ञानावरण अर अंतराय का

तो पांच प्रकृतिनि का बंध रूप अर गोत्र, आयु, वेदनीय का एक-एक प्रकृति का बंधरूप एक-एक स्थान ही है ॥ ४५८ ॥

**णव छक्क चदुक्कं च य, बिदियावरणस्स बंधठाणाणि ।**

**भुजगारप्पदराणि य, अवट्टिदाणिवि य जाणाहि ॥ ४५९ ॥**

नव षट्कं चतुष्कं च, द्वितीयावरणस्य बंधस्थानानि ।

भुजाकाराल्पतराणि च अवस्थितान्यपि च जानीहि ॥ ४५९ ॥

टीका — दर्शनावरण के नव प्रकृति रूप अर स्त्यान गृद्धित्रिक बिना छह प्रकृतिरूप अर निद्रा, प्रचला बिना च्यारि प्रकृति रूप — ए तीन बंध-स्थान हैं, तिनके भुजाकार, अल्पतर, अवस्थित-बंध हैं । 'अपि' शब्द तैं अवक्तव्य-बंध भी है सोई कहिए है—

उपशम-श्रेणी से उतरनेवाला अपूर्वकरण का दूसरा भाग विषैं च्यारि प्रकृति रूप दर्शनावरण कौं बांधि तिस अपूर्वकरण के प्रथमभाग विषैं छह प्रकृतिरूप बांधैं, सो एक तौ यहु भुजाकार भया । बहुरि प्रमत्त, देशसंयत, असंयत, मिश्र विषैं छह प्रकृति रूप बांधैं अर पीछै मिथ्यादृष्टि होइ कर वा प्रथमोपशम-सम्यग्दृष्टि सासादन होइ करि नव प्रकृतिरूप बांधे, एक यहु भुजाकार भया — ऐसै भुजाकार-बंध दोय हैं ।

बहुरि प्रथमोपशम-सम्यक्त्व कौं सन्मुख भया मिथ्यादृष्टि अनिवृत्तिकरण का अंत समय विषैं नव प्रकृतिरूप बांधता, अनंतर-समय विषैं असंयत वा देश-संयत वा अप्रमत्त होइ करि छह प्रकृतिरूप बांधैं, तहां एक तौ यहु अल्पतर भया बहुरि उपशमक वा क्षपक अपूर्वकरण का पहिला-भाग का अंत-समय विषैं छह प्रकृतिरूप बांधता दूसरा भाग का प्रथमसमय विषैं च्यारि प्रकृतिरूप बांधैं, एक अल्पतर यहु भया— ऐसैं अल्पतर-बंध दोय हैं ।

बहुरि मिथ्यादृष्टि वा सासादन नव प्रकृतिरूप मिश्रादि अपूर्वकरण का प्रथम-भाग पर्यंत छह-प्रकृतिरूप, अपूर्वकरण का द्वितीयभाग तैं सूक्ष्म-सांपराय पर्यंत च्यारि प्रकृतिरूप बांधता, अनंतर-समय विषैं तितनी ही प्रकृतिरूप बांधे— ऐसैं अवस्थित-बंध तीन हैं ।

बहुरि उपशांत-कषाय किछू भी दर्शनावरण कौं न बांधता उतरने विषैं सूक्ष्म-सांपराय का प्रथमसमय विषैं च्यारि प्रकृतिरूप वा बद्धायुष्क मरि देव-असंयत होइ छह प्रकृतिरूप बांधे — ऐसै अवक्तव्य-बंध दोय हैं ॥ ४५९ ॥

इस कहे अर्थ कौं प्रगट करै हैं—

**णव सासणोत्ति बंधो, छच्चेव अपुव्वपढमभागोत्ति ।**

**चत्तारि होत्ति तत्तो, सुहुमकसायस्स चरिमोत्ति ॥ ४६० ॥**

६ ]

[ गोम्पटसार कर्मकाण्ड उत्तरार्द्ध गाथा- ४६१, ४६२, ४६३, ४६४ ]

नव सासन इति बंधः, षट् चैव अपूर्वप्रथमभाग इति ।

चतस्रो भवन्ति ततः, सूक्ष्म कषायस्य चरम इति ॥ ४६० ॥

टीका- दर्शनावरण कौं नव प्रकृतिरूप सासादन पर्यंत ही बांधै है । ऊपरि अपूर्वकरण का प्रथम-भाग पर्यंत छह-प्रकृति रूप बांधै है, ताके ऊपरि सूक्ष्मसांपराय का अंतसमय पर्यंत च्यारि-प्रकृति रूप बांधै है ॥ ४६० ॥

खीणोत्ति चारि उदया, पंचसु णिदासु दोसु णिदासु ।

एक्के उदयं पत्ते, खीणदुचरिमोत्ति पंचुदया ॥ ४६१ ॥

क्षीण इति चतस्र उदयाः पंचसु निद्रासु द्वयोर्निद्रयोः ।

एकस्यामुदयं प्राप्तायां, क्षीणद्विचरम इति पंचोदयाः ॥ ४६१ ॥

टीका - दर्शनावरण का उदय-स्थान जागताजीव विषैँ मिथ्यादृष्टि तैँ क्षीण-कषाय का अंत-समय पर्यंत चक्षुदर्शनावरणादिक च्यारि प्रकृति रूप जानना । निद्रावानजीव विषैँ प्रमत्तपर्यंत स्त्यानगृह्यादिक पंचनि विषैँ एक का उदय होतैँ अर ऊपरि क्षीण-कषाय का द्विचरम-समय पर्यंत निद्रा, प्रचला विषैँ एक का उदय होतैँ— पंच प्रकृति रूप जानना । ऊपरि दर्शनावरण के उदय का अभाव है ॥ ४६१ ॥

मिच्छादुवसंतोत्ति य, अणियट्टीखवगपढमभागोत्ति ।

णवसत्ता खीणस्स दुचरिमोत्ति य छच्चदूवरिमे ॥ ४६२ ॥

मिथ्यात्वादुपशांत इति च, अनिवृत्तिक्षपकप्रथमभाग इति ।

नवसत्ता क्षीणस्य द्वि, चरम इति छ षट्चतुरपरिमे ॥ ४६२ ॥

टीका - दर्शनावरणीय का सत्व-स्थान मिथ्यादृष्ट्यादिक उपशांत-कषाय पर्यंत क्षपक-श्रेणी विषैँ अनिवृत्तिकरण का प्रथम-भाग पर्यंत नव-प्रकृति रूप ही है । ऊपरि क्षीण-कषाय का द्विचरम-समय पर्यंत छह-प्रकृति रूप ही है, जातैँ स्त्यानगृह्यादिक त्रिक अनिवृत्ति का प्रथम-भाग ही में नष्ट हो है । बहुरि क्षीण-कषाय का अंत-समय विषैँ निद्रा, प्रचला बिना च्यारिरूप ही है । सयोगी, अयोगी विषैँ ताके सत्त्व का अभाव है ॥ ४६२ ॥

बावीसमेक्कवीसं, सत्तारस तेरसेव णव पंच ।

चदुतियदुगं च एक्कं, बंधट्टाणाणि मोहस्स ॥ ४६३ ॥

द्वाविंशतिरेकविंशतिः, सप्तदश त्रयोदशैव नव पंच ।

चतुस्त्रिकद्विकं चैकं, बंधस्थानानि मोहस्य ॥ ४६३ ॥

टीका — मोहनीय के बंधस्थान बाईस, इकईस, सतरह, तेरह, नव, पांच, च्यारि, तीन, दोय, एक प्रकृति रूप दश जानने ॥ ४६३ ॥

बावीसमेक्कवीसं, सत्तर सत्तार तेर तिसु णवयं ।

थूले पणचदुतियदुगमेक्कं मोहस्स ठाणाणि ॥ ४६४ ॥

द्वाविंशतिरेकविंशतिः, सप्तदशसप्तदश त्रयोदश त्रिषु नवकं ।

स्थूले पंचचतुष्कत्रिकद्विकमेकं मोहस्य स्थानानि ॥ ४६४ ॥

टीका - तिन मोहनीय के बंधस्थाननि विषैँ मिथ्यादृष्टि विषैँ तो बाईस-प्रकृति रूप स्थान है । सासादन विषैँ इकईस-प्रकृति रूप है । मिश्रअसंयत विषैँ सतरह-प्रकृति रूप है । देशसंयत विषैँ तेरह-प्रकृति रूप है । प्रमत्तादि तीन विषैँ प्रत्येक नव-नव प्रकृति रूप है । अनिवृत्तिकरण विषैँ पांच, च्यारि, तीन, दोय, एक प्रकृति रूप पांच स्थान हैं ॥ ४६४ ॥

उगुवीसं अट्टारस, चोदस चोदस य दस य तिसु छक्कं ।

थूले चदुतिदुगेक्कं, मोहस्स य होंति धुवबंधा ॥ ४६५ ॥

एकोनविंशतिरष्टादश, चतुर्दश चतुर्दश च दश च त्रिषु षट्कं ।

स्थूले चतुस्त्रिद्विकैकं, मोहस्स च भवंति धुवबंधाः ॥ ४६५ ॥

टीका - मिथ्यादृष्ट्यादिक अनिवृत्तिकरण के भागपर्यन्त जे स्थान कहे, तिन विषैँ क्रम तैँ उगणीस, अठारह, चौदह, चौदह, दश, छह, छह, छह, च्यारि, तीन, दोय, एक तो धुवबंधी-प्रकृति पाइए है । जिनका बंध होइ ही होइ, सो धुवबंधी कहिए है ॥ ४६५ ॥

सगसंभवधुवबंधे, वेदेक्के दोजुगाणमेक्के य ।

ठाणो वेदजुगाणं, भंगहदे होंति तब्भंगा ॥ ४६६ ॥

स्वकसंभवधुवबंधे, वेदे एका द्वियुगयोरेका च ।

स्थानं वेदयुगानां, भंगहते भवंति तद्भंगाः ॥ ४६६ ॥

टीका— कही जे अपनी-अपनी धुव-बंधी प्रकृति तिनविषैँ यथासंभव तीन वेदनि विषैँ एक वेद अर हास्य-शोक का युगल में अर रति-अरति का युगल में एक-एक मिलाएं स्थान हो है । बहुरि वेदनि के प्रमाण कौँ युग के प्रमाण तैँ गुणैँ जो-जो प्रमाण होइ, तितने-तितने एक-एक स्थान विषैँ प्रकृतिनि के बदलने तैँ भंग जानने । सोई कहिए है—

८]

[ गोमटसार कर्मकाण्ड उत्तरार्द्ध गाथा- ४६६, ४६७

मिथ्यादृष्टि का बंध कूट विषै एक मिथ्यात्व, सोलह-कषाय, भय-जुगप्सा-ए उगणीस तो ध्रुव-बंधी अर तीन वेद विषै एक वेद, दोय-युगलनि विषै एक-एक औसै वाईस प्रकृति रूप स्थान हैं। इहां कूट के आकारि ऐसै रचना हो है—

२	।	भ	
२	।	२	
०	।	१	। १
		१६	
		१	

तातै इहां कूट-संज्ञा धरि है। तहां तीन वेदनि कौ हास्य-रति के युग्म तै गुणै छह भए, सो इस स्थान विषै छह भंग जानने। कैसे ? उगणीस ध्रुव-बंधी, पुरुष-वेद, हास्य, रति ऐसै एक भंग। बहुरि पुरुष-वेद की जायगा स्त्री-वेद भए दूसरा भंग। बहुरि तहां नपुंसक-वेद भए तीसरा भंग। बहुरि हास्य-रति की जायगा शोक-अरति भए, तैसै ही तीन भंग और होइ— ऐसै छह भंग जानने। वाईस का बंध छह प्रकार करि हो है। ऐसै ही अन्यत्र भी प्रकृतिनि के बदलने तै भंग जानने। बहुरि सासादन बंध कूट विषै सोलह-कषाय, भय, जुगप्सा— ए अठारह तो ध्रुव बंधी हैं अर इन विषै पुरुष, स्त्री दोय वेदनि मैस्यौं एक वेद अर दोऊ युगलनि मैस्यौं एक-एक मिलाएं इकईस प्रकृति रूप स्थान हो हैं।

२	।	भ	जु
२	।	२	
०	।	१	। १
		१६	
		०	

तहां वेद दोय-दोय युग्म तै गुणै च्यारि-भंग हो हैं। बहुरि मिश्र-बंध कूट विषै बारह कषाय, भय, जुगप्सा— ए चौदह ध्रुव-बंधी, इन विषै पुरुष-वेद अर दोऊ युगलनि मैस्यौं एक-एक मिलाएं सतरह-प्रकृति रूप स्थान हो हैं।

२		
२	।	२
१		
१२		

तहां एक वेद कौ दोय युग्म तै गुणै दोय भंग हो हैं। बहुरि असंयत विषै भी मिश्रवत् चौदह ध्रुव बंधी सतरह प्रकृति रूप स्थान, दोय भंग जानने। बहुरि देशसंयत बंध कूट विषै आठ कषाय भय, जुगप्सा— ए दशध्रुव-बंधी। इन विषै पुरुष वेद, दोय युगलनि मै एक-एक मिलाएं तेरह प्रकृति रूप स्थान हो हैं।

२		
२	।	२
१		
८		

तहां एक वेद कौ दोय युग्म तै गुण दोय भंग हो हैं। बहुरि प्रमत्त बंधकूट विषै च्यारि कषाय, भय, जुगप्सा— ये छह ध्रुव-बंधी इन विषै पुरुषवेद, दोऊ जुगलनि मै एक-एक मिलाएं नव प्रकृतिरूप स्थान हो हैं तहां एकवेद, दोय युग्म तै गुणै

२		
२	।	२
१		
८		

दोय भंग हो हैं। इहां अरति, शोक बंध तै व्युच्छिति रूप भए। बहुरि अप्रमत्त, अपूर्वकरण बंध कूट विषै च्यारि संज्वलन, भय, जुगप्सा— ए ध्रुव-बंधी इन विषै पुरुष-वेद, हास्य, रति मिलै नव प्रकृतिरूप स्थान हो हैं।

२
२
१
४

इहां भंग एक ही है। इहां हास्य, रति, भय, जुगप्सा बंध तै व्युच्छिति रूप भए। बहुरि अनिवृत्ति करण का बंध-कूट विषै च्यारि कषाय ध्रुव-बंधी तिनमै पुरुष वेद मिलै पांच



प्रकृति रूप स्थान हो हैं ५ भया । बहुरि तिसही का दूसरा-भाग विषै कषाय-चतुष्क ध्रुव-यहाँ पुरुष-वेद व्युच्छिति १ बंधी रूप स्थान हो है । । ४ । तहां भंग एक । इहां क्रोध व्युच्छिति भया । बहुरि तीसरा-भाग विषै तीन कषाय ध्रुव-बंधी रूप स्थान हो है । ३ । तहां भंग एक । इहां मान-व्युच्छेद भया । बहुरि चौथा-भाग विषै दोय-कषाय ध्रुव-बंधी प्रकृति रूप स्थान हो है । । २ । तहां भंग एक । । १ । इहां माया व्युच्छेद भई । बहुरि पाँचवां-भागविषै लोभ ध्रुव-बंधी प्रकृति रूप स्थान हो है । भंग एक है ॥ ४६६ ॥

औसै भंग कहे तिनकी संख्या कहै हैं—

**छब्बावीसे चदु इगिवीसे दो दो हवंति छट्टोत्ति ।**

**एक्केक्कमदो भंगो, बंधट्टाणेसु मोहस्स ॥ ४६७ ॥**

षट् द्वाविंशतौ चत्वार एक, विंशतौ द्वौ द्वौ भवंति षष्ट-इति ।

एकैकोतो भंगो, बंधस्थानेषु मोहस्य ॥ ४६७ ॥

टीका— मिथ्यादृष्ट्यादिक अनिवृत्तिकरण पर्यंत मोहनीय के बंधस्थान विषै भंग, बाईस-प्रकृति रूप स्थान विषै छह, इकईस-प्रकृति-रूप विषै च्यारि, ऊपरि प्रमत्त पर्यंत दोय-दोय, ऊपरि सर्व-स्थाननि विषै एक-एक जानना ॥ ४६७ ॥

**दस वीसं एक्कारस, तेत्तीसं मोहबंधठाणाणि ।**

**भुजगारप्पदराणि य, अवट्टिदाणिवि य सामण्णे ॥ ४६८ ॥**

दशसु विंशतिरेकादश, त्रयस्त्रिंशत् मोहबंधस्थानानि ।

भुजाकाराल्पतराणि च, अवस्थितान्यपि च सामान्ये ॥ ४६८ ॥

टीका— पूर्वे मोहनीय के बंध स्थान दश कहे, तिनके भंग विवक्षा बिना कीये भुजाकार-बंध वीस हैं । अल्पतर-बंध ग्यारह हैं अवस्थित-बंध तैतीस हैं ॥ ४६८ ॥

इनका लक्षण कहै हैं—

**अप्पं बंधंतो बहुबंधे बहुगादु अप्पबंधेवि ।**

**उभयत्थ समे बंधे, भुजगारादी कमे होंति ॥ ४६९ ॥**

अल्पं बध्नतो बहुबंधे बहुकादल्पबंधेऽपि ।

उभयत्र समे बंधे, भुजाकारादयः क्रमेण भवंति ॥ ४६९ ॥

टीका — अल्प-थोरी प्रकृति कौ बांधता पीछै अनंतर-समय विषै बहुत प्रकृतिनि कौ बांधै, तब भुजाकार-बंध हो हैं । बहुरि बहुत प्रकृति कौ बांधता पीछै अनंतर-समय विषै थोरी-प्रकृति

कों बांधै, तब अल्पतर-बंध हो है । बहुरि तिन दोऊनि विषै थोरी वा बहुत प्रकृति कों बांधता चकार तैं अवक्तव्य । दोय बंधनि विषै भी जेती प्रकृति पहिलै बांधता था, तितनी ही पीछै द्वितीयादिक समयनि विषै बांधै, तब अवस्थित-बंध हो है ॥ ४६९ ॥

आगै सामान्य अवक्तव्य-भंगनि की संख्या कहै हैं—

**सामण्णअवत्तव्वो, ओदरमाणम्मि एक्कयं मरणे ।**

**एक्कं च होदि एत्थवि, दो चेव अवट्टिदा भंगा ॥ ४७० ॥**

सामान्यावक्तव्यः, अवतरमाणोः एको मरणे ।

एकश्च भवत्यत्रापि, द्वौ चैवावस्थितौ भंगौ ॥ ४७० ॥

**टीका** — सामान्यपनै भंग विवक्षा कों बिना कीएं अवक्तव्य-बंध उपशम-श्रेणी उतरने विषै एक है, एक तहां मरण होतैं संतै हो है— ऐसैं दोय हो हैं । बहुरि द्वितीयादि समयनि विषै तैसैं ही बंध होतैं अवस्थित-बंध भी इहां दोय हो हैं । अब इन भुजाकारादिक बंधनि के उपजने का विधान कहिए है—

उपशम-श्रेणी उतरनेवाला अनिवृत्तिकरण जो एक संज्वलन-लोभ कों बांधता उतर करि माया, लोभ दोय कों बांधै अथवा बद्धायु तहां मरि देव-असंयत होइ सतरह कौ बांधै— ऐसैं एक प्रकृतिरूप स्थाननि विषै दोय भुजाकार भए । बहुरि तिन दोऊनि कों बांधता उतरिकरि मान सहित तीन कों बांधै अथवा मरि देव-असंयत होइ सतरह कों बांधै— ऐसैं दोय प्रकृतिरूप स्थान विषै भी दोय भुजाकार भए । बहुरि तिन तीनों को बांधता नीचैं उतरि च्यारि संज्वलन कों बांधै वा मरि देव-असंयत होइ सतरह कों बांधै— ऐसैं तीन प्रकृतिरूप विषै भी दोय भए । बहुरि च्यारि कों बांधता उतरि नीचला भाग विषै पुरुष वेद सहित पांच बांधै वा मरि देव-असंयमी होइ सतरह बांधै— ऐसैं च्यारि प्रकृतिरूप स्थान विषै दोय भए । बहुरि पांच कों बांधता उतरि करि अपूर्वकरण विषै नव बांधै वा मरि देव असंयमी होइ सतरह बांधै— ऐसैं पंच प्रकृतिरूप बंध स्थान विषै दोय भए ।

बहुरि अपूर्वकरण वा अप्रमत्त वा प्रमत्त नव कौ बांधता संता अनुक्रम तैं उतरि देशसंयत होइ तेरह बांधै वा असंयत होइ वा मरि देव-असंयत होइ सतरह बांधै वा प्रथमोपशम-सम्यक्त्वी, सासादन होइ इकईस बांधै अर प्रथमोपशम सम्यक्त्वी वा वेदकसम्यक्त्वी-मिथ्यादृष्टि होइ बाईस बांधै— ऐसैं नव प्रकृतिरूप बंध-स्थाननि विषै च्यारि भुजाकार भए ।

बहुरि तेरह प्रकृति कों बांधता संता असंयत वा देव-असंयत होइ सतरह बांधै वा प्रथमोपशम-सम्यक्त्वी सासादन होइ इकईस बांधै वा प्रथमोपशम सम्यक्त्वी वेदक-सम्यक्त्वी मिथ्यादृष्टि होइ बाईस बांधै— ऐसैं तेरह प्रकृतिरूप बंध स्थान विषै तीन भुजाकार भए । बहुरि सतरह प्रकृतिनि कों बांधता संता प्रथमोपशम-सम्यक्त्वी सासादन होइ इकईस बांधै वा

प्रथमोपशम-सम्यक्त्वी वेदक-सम्यक्त्वी, मिश्र गुणस्थानवर्ती जीव मिथ्यादृष्टि होइ बाईस-प्रकृति बांधै—असैं सतरह-प्रकृतिरूप बंध-स्थान विषैं दोय भुजाकार भए । बहुरि इकईस-प्रकृति कौ बांधता संता मिथ्यादृष्टि होइ बाईस कौ बांधै— असैं इकईस-प्रकृतिरूप बंध-स्थान विषैं एक भुजाकार भया ।

असैं भुजाकार-बंध बीस जानने ।

अब अल्पतर-बंध कहिए हैं—

अनादि वा सादि मिथ्यादृष्टि तीन-करण करता अनिवृत्ति-करण का अंत समय विषैं बाईस का बंध करता संता अनंतर-समय विषैं प्रथमोपशम-सम्यक्त्वी होइ वा सादि-मिथ्यादृष्टि सम्यक्त्व-मोहनीय के उदय तैं वेदक-सम्यक्त्वी होइ, दोन्यों ही अप्रत्याख्यान के उदय होतैं असंयत होइ सतरह बांधैं वा प्रत्याख्यान का उदय होतैं देशसंयत होइ तेरह बांधैं वा संज्वलन के उदय होतैं अप्रमत्त होइ नव बांधैं— असैं बाईस-प्रकृतिरूप बंध-स्थान विषैं तीन अल्पतर हैं ।

बहुरि वेदक-सम्यग्दृष्टि वा क्षायिक-सम्यग्दृष्टि असंयत सतरह कौ बांधता देशसंयत होइ तरह बांधै वा अप्रमत्त होइ नव बांधैं— असैं सतरह का बंधस्थान विषैं दोय हैं । बहुरि तेरह कौ बांधता अप्रमत्त होइ नव बांधैं । बहुरि नव बांधता अपूर्व-करण वा अनिवृत्तिकरण का प्रथम-भाग विषैं पाँच बांधैं । बहुरि पाँच बांधता दूसरा भाग विषैं च्यारि बांधैं । च्यारि बांधता तीसरा भाग विषैं तीन बांधैं, तीन बांधता चौथा भाग विषैं दोय बांधैं, दोय बांधता पाँचवा भाग विषैं एक बांधैं— असैं इन स्थाननि विषैं एक-एक अल्पतर है ।

या प्रकार सर्व अल्पतर-बंध ग्यारह जानने ।

बहुरि कहे जे दोय अवक्तव्य, बीस भुजाकार, ग्यारह अल्पतर, तिनविषैं जेती प्रकृतिनि का बंध कह्या, तितनी ही प्रकृतिनि का बंध द्वितीयादिक समयनि विषैं जहां होइ, तहां अवस्थित-बंध कहिए ; तातैं अवस्थित-बंध तेतीस जानने ॥ ४७० ॥

आगै विशेष भुजाकारादिकनि की संख्या कहै हैं—

**सत्तावीसहियसयं, पणदालं पंचहत्तरिहियसयं ।**

**भुजगारप्पदराणि य, अवट्टिदाणिवि विसेसेण ॥ ४७१ ॥**

सप्तविंशाधिकशतं, पंचचत्वारिंशत्पंचसप्तत्यधिकशतं ।

भुजाकाराल्पतराणि च, अवस्थितान्यपि विशेषेण ॥ ४७१ ॥

**टीका** - विशेषपनै करि भंगनि की अपेक्षा भुजाकार-बंध एकसौ सत्ताईस हैं, अल्पतर पैतालीस हैं । अवस्थित एकसौ पिचहत्तरि हैं । ते भुजाकार कहिए हैं—

मिथ्यादृष्टि विषैं बाईस का बंध, तिसतैं, अधिक बंध मोहनीय का नाही, तातैं तहाँ तो शून्य है । बहुरि सासादन विषैं बन्ध-योग्य इकईस प्रकृति, तहाँ भंग-च्यारि, सो सासादन तैं मिथ्यादृष्टि

विषै आवै, तहां एक-एक भंग की अपेक्षा मिथ्यादृष्टि के विषै बाईस का बंध के छह भंगनि करि भुजाकार कहिए, तब चौईस भए ।

औसै ही मिश्र विषै सतरह का बंध विषै दोय भंग सोई इहां तै मिथ्यादृष्टि विषै आवै हैं, तातै मिथ्यादृष्टि का बाईस का बंध विषै छह भंगनि की अपेक्षा भुजाकार कहिए— तब बारह ए होइ ।

बहुरि असंयत विषै सतरह का बंध दोय प्रकार सो इहां तै सासादन विषै आवै, तहां इकईस का बंध च्यारि प्रकार, तिनकी अपेक्षा आठ भुजाकार अर मिथ्यादृष्टि विषै आवे तहां बाईस का बंध छह प्रकार तिनकी अपेक्षा बारह भुजाकार ऐसै बीस भए ।

बहुरि देशसंयत विषै तेरह का बंध दोय प्रकार, इहां तै मिश्र विषै वा असंयत विषै वा मरि देव असंयत विषै आवे, तहां सतरह का बंध दोय प्रकार, तिनकी अपेक्षा च्यारि भुजाकार अर सासादन विषै आवै, तहां इकईस का बंध च्यारि प्रकार, तिनकी अपेक्षा आठ भुजाकार अर मिथ्यादृष्टि विषै आवै तहां बाईस का बंध छह प्रकार, तिनकी अपेक्षा बारह भुजाकार— औसै चौईस भए ।

बहुरि प्रमत्त विषै नव का बंध दोय प्रकार, सो इहां तै देशसंयत विषै आवै, तहां तेरह का बंध दोय प्रकार, तिनकरि च्यारि भुजाकार अर मिश्र, असंयत विषै आवै, तहां सतरह का बंध दोय प्रकार, तिस — करि च्यारि भुजाकार अर सासादन विषै, आवै, तहां इकईस का बंध च्यारि प्रकार, तिनकरि आठ भुजाकार अर मिथ्यादृष्टि विषै आवै, तहां बाईस का बंध छह प्रकार, तिनकरि बारह भुजाकार— औसै सर्व अठ्ठाईस भए ।

बहुरि अप्रमत्त विषै बंध एक प्रकार, इहां तै मरि देव असंयत होइ, तहां सतरह का बंध दोय प्रकार तिनकरि दोय भुजाकार हैं । प्रमत्त विषै आवै, तहां नवका बंध है ही, तातै भुजाकार तिसकी अपेक्षा न कहा ।

बहुरि अपूर्व-करण विषै नव का बंध, तहां भी औसै ही दोय भुजाकार हैं । बहुरि अनिवृत्ति करण का प्रथम भाग विषै पंच का बंध एक प्रकार, इहां तै अपूर्व-करण विषै आवै, तहां नव का बंध एक प्रकार, तिसकरि एक भुजाकार अर मरि देव-असंयत होइ, तहां सतरह का बंध दोय प्रकार तिनकरि दोय भुजाकार— एवं तीन बहुरि दूसरा भाग विषै च्यारि का बंध, इहां तै प्रथम भाग विषै आइ पाँच का बंध करै, ताकी अपेक्षा एक भुजाकार अर मरि देव-असंयत होइ, तहां सतरह का बंध दोय प्रकार, तिनकरि दोय भुजाकार— एवं तीन औसै ही तीसरा भाग विषै तीन का बंध, तहां दूसरा भाग विषै च्यारि का बंध की अपेक्षा एक अर देव-असंयत की अपेक्षा दोय — ऐसै तीन भए । अर चौथा भाग विषै दोय का बंध, तहां तीसरा-भाग विषै तीन का बंध करि एक अर देव-असंयत विषै सतरह का बंध करि दोय— ऐसै तीन भुजाकार अर पाँचवां-भाग विषै एक का बंध तहां चौथा भाग विषै दोय का बंध करि एक वा देव-असंयत विषै सतरह का बंध करि दोय— औसै तीन भुजाकार है ।

असैं सर्व मिलिकरि भुजाकार-बंध एकसौ सत्ताइस हैं ॥ ४७१ ॥

सो इनहीं कौ कहैं हैं—

णभ चउवीसं बारस, वीसं चउरदुवीस दो हो य ।

थूले पणगादीणं, तिय तिय मिच्छादिभुजगारा ॥ ४७२ ॥

नभश्चतुर्विंशं द्वादश, विंशं चतुरष्टविंशं द्वौ द्वौ च ।

स्थूले पंचकादीनां: त्रयस्त्रयो मिथ्यादिभुजाकाराः ॥ ४७२ ॥

टीका - भंगनि की विवक्षा करि विशेष भुजाकार मिथ्यादृष्टि विषै नास्ति, सासादन विषै चौईस, मिश्र विषै बारह, असंयत विषै बीस, देशसंयत विषै चौईस, प्रमत्त विषै अठाईस, अप्रमत्त विषै दोय, अपूर्व-करण विषै दोय-स्थूल जो अनिवृत्तिकरण तीहि विषै पंचकादिक का बंध विषै तीन-तीन भुजाकार तिनके पांचौं भाग- विषै पंद्रह - सर्व मिलि एकसौ सत्ताईस भुजाकार-बंध हैं ॥ ४७२ ॥

अल्पतरा पुण तीसं, णभ णभ छहोणिण दोणिण णभ एक्कं ।

थूले पणगादीणं, एक्केकं अंतिमे सुण्णं ॥ ४७३ ॥

अल्पतरा: पुनस्त्रिंशन्न, भोनभ: षट् द्वौ द्वौ नभ एकः ।

स्थूले पंचकादीमामेकैकः अंतिमे शून्यं ॥ ४७३ ॥

टीका - बहुरि अल्पतर-बंध कहिए हैं— मिथ्यादृष्टि विषै बाईस का बंध छह प्रकार इहां तैं मिश्र, असंयत विषै जाइ, तहां सतरह का बंध दोय प्रकार, सो एक-एक प्रकार विषै, छह-छह प्रकार बाईस का बंध की अपेक्षाकरि बारह अल्पतर, अर देश-संयत विषै जाइ तहां तेरह का बंध दोय प्रकार, तिनकरि बारह-अल्पतर, अर अप्रमत्त विषै जाइ, तहां नव का बंध एक प्रकार, तहां तिस करि छह अल्पतर - असैं तीस भए ।

मिथ्यादृष्टि-जीव है सो सासादन, प्रमत्त बिना अप्रमत्त पर्यंत जाइ है, तातैं सासादन का च्यारि प्रकार इकईस का बंध की अपेक्षा अर प्रमत्त का दोय प्रकार नवका बंध की अपेक्षा अल्पतर इहां न कहे । बहुरि सासादन तैं पडि मिथ्यादृष्टि ही हो है, तातैं इकईस का बंध कैं भुजाकार-बंध संभवै हैं, ऊपरि चढ़े नाही तातैं अल्पतर का अभाव है ; तातैं शून्य कह्या बहुरि मिश्र तैं पडै तौ मिथ्यादृष्टि विषै आवै, तहां भुजाकार-बंध ही संभवै । अर चढ़े तौ असंयत विषै जाइ, तहां जो सतरह का बंध मिश्र विषै था सोई असंयत विषै रह्या, तहां अवस्थित-बंध संभवै, तातैं मिश्र विषै अल्पतर-बंध नाही ; शून्य है ।

बहुरि असंयत विषै दोय प्रकार सतरह का बंध, इहां तैं देशसंयत विषै जाइ तहां तेरह का बंध दोय प्रकार तिनकरि च्यारि अल्पतर अर अप्रमत्त विषै जाइ, तहां नव का बंध एक प्रकार

तिसकरि दोय अल्पतर— एवं छह, बहुरि देश संयत विषैं तेरह का बंध दोय प्रकार, इहां तैं अप्रमत्त विषैं जाइ, तहां नव का बंध एक प्रकार तिसकरि दोय अल्पतर हैं । बहुरि प्रमत्त विषैं नव का बंध दोय प्रकार, इहां तैं अप्रमत्त विषैं जाइ, तहां नव का बंध एक प्रकार, तिसकरि दोय अल्पतर हैं ।

इहां प्रश्न — जो प्रमत्त विषैं वा अप्रमत्त विषैं नव ही का बंध पाइए, सो इहां तौ समान संख्या है, सो अवस्थित संभवै अल्पतर कैसें कहो हो ?

ताका समाधान-प्रमत्त विषैं अरति, शोक के बंध का व्युच्छेद भया है, तिस अपेक्षा अल्पतर-बंध भंगविवक्षा विषैं संभवै है ।

बहुरि अप्रमत्त तैं अपूर्व-करण विषैं जाइ, सो इहां दोऊनि विषैं समान नव का बंध है, तहां अल्पतर न संभवै है ; तातैं शून्य है । बहुरि अपूर्व-करण विषैं नव का बंध एक प्रकार अर अनिवृत्तिकरण का— प्रथम-भाग विषैं पंच का बंध एक प्रकार तिसकरि एक अल्पतर है । बहुरि अनिवृत्ति-करण विषैं एक प्रकार पाँच का बंध कै, एक प्रकार च्यारि का बंध की अपेक्षा एक अर एक प्रकार च्यारि का बंध कै एक प्रकार तीन का बंध की अपेक्षा एक अर एक प्रकार तीन का बंध कै एक प्रकार दोय का बंध की अपेक्षा एक अर एक प्रकार दोय का बंध कै एक प्रकार एक का बंध की अपेक्षा एक अल्पतर है ।

बहुरि अनिवृत्तिकरण का पंचम-भाग विषैं एक का बंध, सो इहां तैं सूक्ष्मसांपराय विषैं जाइ, तहां बंध का अभाव है, सो तहां अवक्तव्यबंध संभवै है, अल्पतर बंध नाहीं ; तातैं शून्य है ।

अैसें अल्पतर-बंध पैतालीस हैं ।

बहुरि एकसौ सत्ताईस भुजाकार कहे, पैतालीस अल्पतर कहे, तीन अवक्तव्य कहेंगे । इन सबनि विषैं, जितनी-जितनी प्रकृतिनि का पहिले समय बंध होइ, तितनी ही प्रकृतिनि का जहां द्वितीयादिक समयनि विषैं बंध होइ, तहां अवस्थित-बंध कहिए ; तातैं अवस्थित-बंध एकसौ पिचहत्तरि हैं ॥ ४७३ ॥

**भेदेण अवत्तव्वा, ओदरमाणम्मि एक्कयं मरणे ।**

**दो चेव होंति एत्थवि, तिण्णेव अवट्टिदा भंगा ॥ ४७४ ॥**

भेदेन अवक्तव्या, अवतरति एकको मरणे ।

द्वौ चैव भवतोऽत्रापि, त्रय एवावस्थिता भंगाः ॥ ४७४ ॥

**टीका** — बहुरि भंगविवक्षा हो तैं विशेष करि अवक्तव्य-बंध कहिए है । सूक्ष्मसांपराय है, सो मोह बंध तैं रहित है, तहां तैं उतरि अनिवृत्तिकरण होइ संज्वलन लोभ कौ बांधै, सो एक तौ यहु अवक्तव्यबंध अर चढ़ने विषैं वा उतरने विषैं बद्धायु जो सूक्ष्मसांपराय सो मरि देव-असंयत होइ करि दोय प्रकार सतरह-प्रकृति बांधै, तिनकी अपेक्षा दोय अवक्तव्य— अैसें

तीन अवक्तव्य-बंध हैं। इहां भी द्वितीयादिक समयनि विषैँ समान प्रकृति का बंध भएँ तीन अवस्थित-बंध हो हैं, सो ऊपरि कहे ही थे ॥ ४७४ ॥

ऐसैँ मोहनीय के सामान्य-विशेष भुजाकार आदि च्यारि-प्रकार बंध कहि, अब मोहनीय ही के उदय स्थान कहिए हैं—

**दश णव अट्ट य सत्त य, छप्पण चत्तारि दोण्णि एक्कं च ।**

**उदयट्टाणा मोहे, णव चैव य होंति णियमेण ॥ ४७५ ॥**

दश नवाष्ट च सप्त च, षट् पंच चत्वारि द्वे एकं च ।

उदयस्थानानि मोहे, नव चैव च भवन्ति नियमेन ॥ ४७५ ॥

टीका — दश, नव, आठ, सात, छह, पाँच, च्यारि, दोय, एक प्रकृतिरूप मोहनीय के उदय-स्थान नव ही हैं नियम करि ॥ ४७५ ॥

**मिच्छं मिस्सं सगुणो वेदगसम्मेव होदि सम्मत्तं ।**

**एक्का कसायजादी, वेददुजुगलाणमेक्कं च ॥ ४७६ ॥**

मिच्छं मिश्रं स्वगुणे, वेदकसम्ये एव भवति सम्यक्त्वं ।

एका कषायजातिर्वेदद्वियुगलयोरेकं च ॥ ४७६ ॥

टीका - मोहनीय की उदय-प्रकृतिनि विषैँ मिथ्यात्व अर मिश्र—ए दोऊ मिथ्यादृष्टि अर मिश्र अपना-अपना गुणस्थान विषैँ उदय हो हैं। अर सम्यक्त्व-मोहनीय है, सो वेदक-सम्यक्त्वी कें असंयतादिक च्यारि-गुणस्थाननि विषैँ उदय हो हैं। ऐसैँ गुणस्थाननि विषैँ उदय नियम कौँ दिखाइ उदय के कूटादिक कहैँ हैं। अनंतानुबंध्यादिक च्यारि कषायनि की क्रोध, मान, माया, लोभ रूप च्यारि जाति, तहां एक जाति का उदय पाइए। तीन वेदनि विषैँ एक वेद का उदय पाइए हास्य-शोक का युगल अर रति-अरति का युगल इन दोऊ युगलनि विषैँ एक-एक का उदय पाइए ॥ ४७६ ॥

**भयसहियं च जुगुच्छा, सहियं दोहिवि जुदं च ठाणाणि ।**

**मिच्छादिअपुव्वंते, चत्तारि हवंति णियमेण ॥ ४७७ ॥**

भयसहितं च जुगुप्सासहितं द्वाभ्यामपि युतं च स्थानानि ।

मिथ्याद्यपूर्वति, चत्वारि, भवंति नियमेन ॥ ४७७ ॥

टीका - बहुरि एक जीव कें एक काल विषैँ भय ही का उदय होइ वा जुगुप्सा ही का उदय होइ वा दोऊनि का उदय होइ वा दोऊनि का उदय न होइ, यातैँ इनकी अपेक्षा च्यारि कूट करने। कूट-आकार ऐसैँ रचना करनी—

## अनंतानुबंधी-सहित मिथ्यादृष्टि-कूट ।

२	१	१	०
२ २	२ २	२ २	२ २
१ १ १	१ १ १	१ १ १	१ १ १
४ ४ ४ ४	४ ४ ४ ४	४ ४ ४ ४	४ ४ ४ ४
१	१	१	१

तहां नीचैँ ही नीचैँ तो एक मिथ्यात्व का एक का अंक लिखना । ऊपरि अनंतानुबंध्यादिक च्यारि-च्यारि कषाय लिखने रूप यथा संभव क्रोध आदि कषायनि के च्यारि जायगा च्यारि-च्यारि के अंक, जहां जिसका उदय होइ सो तहां जानना । बहुरि तिस ऊपरि तीन वेदनि विषैँ एक वेद के तीन जायगा एक-एक के अंक लिखने, सो जिसका उदय होइ, सोई तहां जानना । बहुरि तिसके ऊपरि दोय युगलनि विषैँ एक-एक प्रकृति का उदय, तिनके दोय जायगा दोय-दोय के अंक लिखने, सो जिन हास्य, रति का वा अरति-शोक का उदय पाइए, सोई तहां जानने । ताके ऊपरि प्रथम कूट विषैँ भय-जुगुप्सा दोन्योँ जानने, दूसरा कूट विषैँ केवल भय ही जानना । तीसरा कूट विषैँ जुगुप्सा ही जाननी । चौथा कूट विषैँ दोऊनि का अभाव रूप शून्य जानना । तिनके चार्योँ कूटनि विषैँ क्रम तैँ दोय एक-एक विंदी लिखनी— अैसेँ च्यारि कूट करने ।

सो प्रथम कूट विषैँ दश प्रकृतिरूप उदय स्थान जानना । दूसरा, तीसरा कूट विषैँ नव-नव प्रकृतिरूप उदय स्थान चौथा कूट विषैँ आठ प्रकृतिरूप उदय स्थान जानना । सो ए तौ च्यार्योँ कूट अनंतानुबंधी सहित मिथ्यादृष्टि गुणस्थान के जानने । बहुरि इन च्यार्योँ कूटनि विषैँ मिथ्यात्व कौँ दूर कीजिए, तब च्यार्योँ कूट सासादन के जानने ।

## सासादन कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
४ ४ ४ ४	४ ४ ४ ४	४ ४ ४ ४	४ ४ ४ ४

बहुरि इनविषैँ मिथ्यादृष्टि की जायगा मिश्र मोहनीय मांडिए अर कषाय च्यारि-च्यारि लिखे थे, तहां तीन-तीन ही लिखिए, जातैँ ऊपरि के कूटनि विषैँ एक काल एक जीव कैँ जो क्रोध का उदय है, सो अनंतानुबंध्यादिक च्यारि रूप है । इन कूटनि विषैँ अनंतानुबंधी बिना तीन रूप ही है । अैसेँ ही मानादिक का उदय जानना, सो ये च्यारि कूट मिश्र गुणस्थान के जानने ।



## मिश्र-कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
३ ३ ३ ३	३ ३ ३ ३	३ ३ ३ ३	३ ३ ३ ३
१	१	१	१

बहुरि इन विषैँ मिश्र मोहनीय की जायगा सम्यक्त्व मोहनीय मांडिए, तब च्यारि कूट वेदक सम्यक्त्व युत अविरत गुणस्थान के जानने ।

## वेदक असंयत कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
३ ३ ३ ३	३ ३ ३ ३	३ ३ ३ ३	३ ३ ३ ३
१	१	१	१

बहुरि इन विषैँ जहां तीन-तीन कषाय लिखी, तहां दोय-दोय कषाय लिखिए जातैँ अप्रत्याख्यान का भी उदय नाही है— सो ए च्यार्यौँ कूट देशसंयत के होइ ।

## वेदक देशसंयत के कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
२ २ २ २	२ २ २ २	२ २ २ २	२ २ २ २
१	१	१	१

बहुरि इन विषैँ प्रत्याख्यान घटाइ, दोय-दोय कषाय लिखे थे, तहां एक-एक कषाय लिखिए— सो ए च्यार्यौँ कूट प्रमत्त के होइ ।

## वेदक प्रमत्त के कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
१ १ १ १	१ १ १ १	१ १ १ १	१ १ १ १
१	१	१	१

बहुरि प्रमत्तवत् चार्यौँ कूट अप्रमत्त के हैँ—

## वेदक अप्रमत्त के कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
१ १ १ १	१ १ १ १	१ १ १ १	१ १ १ १
१	१	१	१

बहुरि इनविषै सम्यक्त्व प्रकृति घटाइए तब ए च्यार्यौं कूट अपूर्वकरण के होइ ।

## अपूर्वकरण के कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
१ १ १ १	१ १ १ १	१ १ १ १	१ १ १ १

असै मिथ्यादृष्ट्यादिक अपूर्वकरण पर्यंत ही च्यारि-च्यारि कूट हैं नियम करि । इहां छह हास्यादिक की व्युच्छित्ति भई ; तातैं अनिवृत्तिकरण का प्रथमभाग विषै संज्वलन च्यारि कषायनि विषै एक कषाय, तीन वेदनि विषै एक वेद का उदय रूप एक ही कूट है । बहुरि इन विषै वेद कौं घटाए दूसरा भाग विषै संज्वलन च्यारि कषायनि विषै एक का उदयरूप एक ही कूट है । इनविषै क्रोध कौं घटाए तीसरा भाग विषै तीन संज्वलन कषायनि विषै एक का उदयरूप एक ही कूट है । बहुरि इनविषै मान को घटाए चौथा भाग विषै दोय संज्वलन कषायनि विषै एक का उदयरूप एक ही कूट है । बहुरि इनविषै माया कौं घटाए पांचवां भाग विषै बादर संज्वलन लोभ का उदयरूप एक ही कूट है ।

## अनिवृत्तिकरण के कूट

प्रथम भाग	द्वितीय भाग	तृतीय भाग	चतुर्थ भाग	पंचम भाग
१ १				
१ १ १ १	१ १ १ १	१ १ १	१ १	१

बहुरि सूक्ष्मसांपराय विषै सूक्ष्म लोभ का उदय रूप एक ही कूट है ।

सूक्ष्म सांपराय कूट
१

असै कूटाकार करि उदय कहा है ॥ ४७७ ॥

आगैं मिथ्यादृष्टि विषै वा असंयतादिक च्यारि गुणस्थाननि विषै विशेष संभवै है सो कहिए

है—

अणसंजोजिदसम्मे, मिच्छं पत्ते ण आवलित्ति अणं ।

उवसमखइये सम्मं, ण हि तत्थवि चारि ठाणाणि ॥ ४७८ ॥

अनसंयोजितसामान्ये, मिथ्यं प्राप्ते न आवलीति अनं ।

उपशमक्षायिके सम्यं, नहि तत्रापि चत्वारि स्थानानि ॥ ४७८ ॥

**टीका** — अनंतानुबंधी का जाकै विसंयोजन भया अँसा वेदक सम्यग्दृष्टि, सो मिथ्यात्वकर्म के उदय तँ मिथ्यादृष्टि गुणस्थान कौं प्राप्त होइ, ताकै आवली काल पर्यंत अनंतानुबंधी का उदय नाही है, जातँ मिथ्यात्व कौं प्राप्त होइ, पहले समय जो समय प्रबद्ध बांधै, ताका अपकर्षण करि आवली प्रमाण काल पर्यंत उदयावली विषै प्राप्त करने कौं समर्थपना नाही अर अनंतानुबंधी का बंध मिथ्यादृष्टि विषै ही है । पूर्वे अनंतानुबंधी थी, ताका विसंयोजन कीया ; तातँ तिस जीव कै आवली काल प्रमाण अनंतानुबंधी का उदय नाही, तिसकी अपेक्षा मिथ्यादृष्टि विषै अनंतानुबंधी रहित च्यारि कूट और जानने ।

अनंतानुबंधीरहित मिथ्यादृष्टि के कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
३ ३ ३ ३	३ ३ ३ ३	३ ३ ३ ३	३ ३ ३ ३
१	१	१	१

इनविषै पहिला कूट नव प्रकृति रूप, दूसरा-तीसरा विषै आठ प्रकृति रूप, चौथा विषै सात प्रकृति रूप, उदय स्थान जानने । बहुरि उपशम सम्यक्त्व विषै अर क्षायिक सम्यक्त्व विषै सम्यक्त्व मोहनीय का उदय नाही, वेदक सम्यक्त्व ही विषै है ; तातँ असंयत, देशसंयत, प्रमत्त, अप्रमत्त के पूर्वे जे सम्यक्त्व मोहनीय सहित च्यारि-च्यारि कूट कीए हैं, ते वेदक सम्यक्त्वी की अपेक्षा जानने । तिन सबकूटनि विषै सम्यक्त्व मोहनीय घटाइए, तब उपशम क्षायिक की अपेक्षा असंयत, देशसंयत, प्रमत्त, अप्रमत्त विषै च्यारि-च्यारि और कूट हो हैं ।

वेदक रहित असंयत कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
३ ३ ३ ३	३ ३ ३ ३	३ ३ ३ ३	३ ३ ३ ३

## वेदक रहित देशसंयत कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
२ २ २ २	२ २ २ २	२ २ २ २	२ २ २ २

## वेदक रहित प्रमत्त कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
१ १ १ १	१ १ १ १	१ १ १ १	१ १ १ १

## वेदक रहित अप्रमत्त कूट

२	१	१	०
२ २	२ २	२ २	२ २
१ १ १	१ १ १	१ १ १	१ १ १
१ १ १ १	१ १ १ १	१ १ १ १	१ १ १ १

पुव्विल्लेसुवि मिलिदे, अड चउ चत्तारि चदुसु अट्टेव ।

चत्तारि दोण्णि एक्कं, ठाणा मिच्छादिसुहुमंते ॥ ४७९ ॥

पूर्वेष्वपि मिलितेषु, अष्ट चत्वारि चत्वारि चतुर्षु अष्टैव ।

चत्वारि द्वे एकं, स्थानानि मिथ्यादिसूक्ष्मांते ॥ ४७९ ॥

टीका - ए पीछें कहे कूट तिनविषैं पहिले कहे थे कूट, ते मिलाएं संतैं मिथ्यादृष्टि विषैं आठ, सासादन मिश्र विषैं च्यारि-च्यारि, असंयतादिक च्यारि विषैं आठ-आठ, अपूर्वकरण विषैं च्यारि, अनिवृत्तिकरण विषैं दोय, सूक्ष्मसांपराय विषैं एक-कूट जानने ॥ ४७९ ॥

इनविषैं अपुनरुक्त् स्थान कहैं हैं-

दसणवणवादि चउतियतिट्ठाण णवडुसगसगादि चऊ ।

ठाणा छादि तियं च य, चदुवीसगदा अपुव्वोत्ति ॥ ४८० ॥

दशनवनवादि चतुस्त्रिक, त्रिस्थानं नवाष्टस सप्तसप्तादि चतुष्कं ।

स्थानानि षडादि त्रिकं च च, चतुर्विंशगता अपूर्व इति ॥ ४८० ॥

**टीका** - मिथ्यादृष्टि विषै दश के आदि च्यारि उदय स्थान हैं, ते दश प्रकृति रूप, नव प्रकृति रूप, आठ प्रकृति रूप, सात प्रकृति रूप हैं। बहुरि सासादन अर मिश्र विषै नव के आदि तीन-तीन स्थान हैं; ते नव, आठ, सात, प्रकृति रूप हैं। बहुरि असंयत विषै नव के आदि च्यारि स्थान हैं, ते नव, आठ, सात, छह प्रकृति रूप हैं। बहुरि देशसंयत विषै आठ के आदि च्यारि स्थान हैं, ते आठ, सात, छह, पांच प्रकृति रूप हैं। बहुरि प्रमत्त वा अप्रमत्त विषै सात के आदि च्यारि स्थान हैं; ते सात, छह, पांच, च्यारि प्रकृतिरूप हैं। बहुरि अपूर्वकरण विषै छह के आदि तीन स्थान हैं; ते छह, पांच, च्यारि प्रकृतिरूप हैं—ए सर्वस्थान प्रत्येक चौईस चौईस भंगनिकरि संयुक्त हैं।

इन मिथ्यादृष्टि आदि पंच गुणस्थाननि विषै अपुनरुक्त स्थान कहे, तिन विषै किसी की संख्या समान होतैं भी प्रकृति भेद अपेक्षा अपुनरुक्तपना हैं।

जैसे नव-नव प्रकृतिरूप स्थान बहुत कहे, तथापि तिनविषै प्रकृति अन्य-अन्य पाइए है; तातैं अपुनरुक्तता ही जाननी। जातैं मिथ्यादृष्टि विषै स्थान हैं, ते मिथ्यात्वसहित हैं, सासादन विषै मिथ्यात्वरहित हैं, मिश्र विषै मिश्रमोहनीय सहित हैं, असंयत विषै सम्यक्त्वमोहनीय सहित हैं, देशसंयत विषै प्रत्याख्यानरहित हैं। ऐसैं प्रकृति भेद तैं अपुनरुक्तता जाननी।

**एक्क य छक्केयारं एयारेयारसेव णव तिण्णि ।**

**एदे चउवीसगदा चदुवीसियार दुगठाणे ॥ ४८१ ॥**

एकं च षट्कमेकादश, एकादशैकादशैव नव त्रीणि ।

एतानि चतुर्विंशतिगतानि, चतुर्विंशैकादश द्विकस्थाने ॥ ४८१ ॥

**टीका** - सर्व गुणस्थाननि विषै मिल करि दश प्रकृतिरूप तौं एक स्थान हैं, सो मिथ्यादृष्टि विषै ही हैं। बहुरि नव प्रकृतिरूप छह स्थान हैं। पहिले कूटनि विषै दोय, पिछले कूटनि विषै एक—ऐसैं मिथ्यादृष्टि विषै तीन अर सासादन, मिश्र, असंयत विषै पहिले कूटनि विषै एक, एक-एक—ऐसैं छह स्थान हैं। बहुरि आठ प्रकृतिरूप, सात प्रकृतिरूप, छह प्रकृतिरूप, ग्यारह-ग्यारह स्थान हैं। तहां मिथ्यादृष्टि विषै पहिले कूटनि विषै एक, पिछले कूटनि विषै दोय—ऐसैं तीन, सासादन मिश्र विषै दोय-दोय, असंयत विषै पहिले कूटनि विषै दोय, पिछले कूटनि विषै एक—ऐसैं तीन, देश संयत विषै पहिले कूटनि विषै एक—ऐसैं आठ प्रकृति रूप ग्यारह स्थान जानने।

बहुरि पिछले कूटनि विषै एक मिथ्यादृष्टि विषै, एक-एक सासादन मिश्र विषै, एक पहिले, दोय पिछले कूटनि करि—तीन असंयत विषै, दोय पहिले, एक पिछले कूटनि करि—तीन देश संयत विषै, एक-एक प्रमत्त-अप्रमत्त के पहिले कूटनि विषै—ऐसैं सात प्रकृतिरूप ग्यारह स्थान जानने।

बहुरि एक असंयत के पिछले कूटनि विषैँ एक-एक पहिले, दोय पिछले कूटनि करि — तीन देश संयत विषैँ दोय पहिले, एक पिछले कूटनि करि — तीन-तीन प्रमत्त-अप्रमत्त विषैँ एक अपूर्वकरण विषैँ छह प्रकृतिरूप ग्यारह स्थान जानने । बहुरि पांच प्रकृतिरूप नव स्थान हैं, ते एक देश संयत का पिछला कूट विषैँ एक पहिले, दोय पिछले कूटनि करि — तीन-तीन प्रमत्त-अप्रमत्त विषैँ दोय अपूर्वकरण विषैँ जानने । बहुरि च्यारि प्रकृतिरूप स्थान तीन हैं, ते एक-एक प्रमत्त-अप्रमत्त के पिछले कूट विषैँ एक अपूर्वकरण विषैँ जानने ।

असैँ ए सर्व स्थान कहे तिन एक-एक स्थान विषैँ चौईस-चौईस भंग हैं ।

जसैँ दश प्रकृतिरूप स्थान विषैँ च्यारि क्रोधादि कषायनिका उदय एक-एक वेद विषैँ होइ । असैँ बारह भंग भए, ते बारह भंग हास्य, रति सहित अर बारह भंग अरति, शोक सहित — एसैँ चौईस भंग भए ।

असैँ ही अन्य स्थाननि विषैँ चौईस-चौईस भंग जानने ।

बहुरि दोय प्रकृतिरूप एक स्थान हैं, ताके चौईस भंग हैं । बहुरि एक प्रकृतिरूप एक स्थान है ताके ग्यारह भंग हैं ॥ ४८१ ॥

इनि दोऊ प्रकृतिरूप स्थाननि के भंगनि का विधान कहैँ हैं—

**उदयट्टाणं दोण्हं पणबंधे होदि दोण्हमेकस्स ।**

**चदुविहबंधट्टाणे सेसेसेयं हवे ठाणं ॥ ४८२ ॥**

उदयस्थानं द्वयोः पंचबंधे भवति द्वयोरेकस्य ।

चतुर्विधबंधस्थाने शेषेष्वेकं भवेत्स्थानं ॥ ४८२ ॥

**टीका-** अनिवृत्तिकरण विषैँ पांच प्रकृति का जहाँ बंध पाइये ऐसा एक भाग अर चार प्रकृति का जहाँ बंध पाइये तहाँ भी कितने इक काल वेदनि का उदय है तातैँ सो एक भाग — असैँ इन दोऊनि विषैँ तीन वेद अर च्यारि संज्वलन विषैँ एक का उदय तैँ दोय प्रकृतिरूप स्थान पाइए, तहां च्यारि-च्यारि कषाय एक-एक वेद विषैँ पाइए, यातैँ बारह भंग भए । दोऊ भागनि विषैँ चौईस भंग भए ।

बहुरि पक्षांतर जो कनकनंदी आचार्य का आम्नाय, ताकी अपेक्षा करि च्यारि प्रकृति का जहाँ बंध पाइए, तिसका अंत समय विषैँ वेदनि के उदय का अभाव ही हैं ; तातैँ तिसविषैँ अर तीन, दोय, एक प्रकृति का जहाँ बंध पाइए, तिनविषैँ अर बंध न पाइए, तिसविषैँ क्रम तैँ च्यारि,

तीन, दोय, एक-एक संज्वलन कषायनि विषैँ एक-एक का उदय पाइए, तहां भंग अनुक्रम तैँ च्यारि, तीन, दोय, एक, एक जानने ।

असैँ एक प्रकृतिरूप बंध स्थाननि विषैँ ग्यारह भंग जानने ॥ ४८२ ॥

इस ही अर्थ के प्रगट करने कौँ च्यारि सूत्र कहैँ हैं—

**अणियट्टिकरणपढमा, संढित्थीणं च सरिस उदयद्धा ।**

**ततो मुहुत्तअंते कमसो पुरिसादिउदयद्धा ॥ ४८३ ॥**

अनिवृत्तिकरणप्रथमात् षंढरुस्त्रियोश्च सदृशी उदयाद्धा ।

ततो मुहुर्तातः क्रमशः पुरुषाद्युदयाद्धा ॥ ४८३ ॥

टीका - अनिवृत्तिकरण के प्रथम भाग के प्रथम समय तैँ लगाय नपुंसक, स्त्रीवेद का उदय का काल परस्पर समान है अस्तोक है । तिस तैँ पुरुषवेद, संज्वलन क्रोध, मान, माया, लोभ का उदय काल अनुक्रम तैँ यथासंभव अंतर्मुहूर्त करि अधिक-अधिक जानना ॥ ४८३ ॥

**पुरिसोदण चडिदे बंधुदयाणं च जुगवदुच्छित्ती ।**

**सेसोदयेण चडिदे उदयदुचरिमहि पुरिसबंधछिदी ॥ ४८४ ॥**

पुरुषोदयेन चटिते, बंधोदययोश्च युगपदुच्छित्तिः ।

शेषोदयेन चटिते, उदयद्विचरमे पुरुषबंधच्छित्तिः ॥ ४८४ ॥

टीका - पुरुषवेद का उदय सहित जो श्रेणी चढे, ताकैँ पुरुषवेद की बंध व्युच्छित्ति अर उदय व्युच्छित्ति दोनों युगपत् हो हैं । अथवा 'चकार' तैँ बंध की व्युच्छित्ति उदय का द्विचरम समय विषैँ हो है । बहुरि शेष स्त्री, नपुंसकवेद का उदय सहित जो श्रेणी चढैँ हैं, ताकैँ पुरुषवेद की बंध व्युच्छित्ति तिन वेदकनि के उदय के द्विचरम विषैँ हो हैं ॥ ४८४ ॥

**पणबंधगम्मि बारस भंगा दो चेव उदयपयडीओ ।**

**दोउदये चदुबंधे बारेव हवंति भंगा हु ॥ ४८५ ॥**

पंचबंधके द्वादश, भंगा द्वे चैव उदयप्रकृति ।

द्वयुदये चतुर्बंधे, द्वादशैव भवंति भंगा हि ॥ ४८५ ॥

टीका - पांच प्रकृति का जहां बंध पाइए, असा अनिवृत्तिकरण विषैँ दोय उदय प्रकृति हैं, तहां च्यारि कषाय, तीन वेदनि करि भंग बारह हैं

१	१	१
१	१	१

असैँ ही च्यारि प्रकृति का जहां

बंध पाइए, जैसे अनिवृत्तिकरण विषै भी दोय का उदयरूप स्थान विषै बारह भंग हैं ॥ ४८५ ॥

कोहस्स य माणस्स य मायालोहाणियट्टिभागम्हि ।

चदुत्तिदुगेक्कं भंगा सुहुमे एक्को हवे भंगो ॥ ४८६ ॥

क्रोधस्य च मानस्य च, मायालोभानिवृत्तिभागे ।

चतुस्त्रिद्विकैकभंगाः, सूक्ष्मे एको भवेद्भंगः ॥ ४८६ ॥

टीका — क्रोध, मान, माया, लोभ का उदयरूप अनिवृत्तिकरण के चारि भाग, जिन विषै चारि, तीन, दोय एक प्रकृतिनि का बंध पाइए, तिनविषै अनुक्रम तै कषाय बदलने की अपेक्षा ही चारि, तीन, दोय, एक भंग है अर सूक्ष्मसांपराय मोहनीय का बंध रहित, तहां सूक्ष्मलोभ का उदय रूप स्थान विषै एक भंग है— जैसे ग्यारह भए ॥ ४८६ ॥

आगै सर्व उदय स्थाननि को वा तिनकी प्रकृतिनि की संख्या कहै हैं—

बारससयतेसीदी ठाणवियप्पेहिं मोहिदा जीवा ।

पणसीविसदसगेहिं पयडिवियप्पेहिं ओघम्मि ॥ ४८७ ॥

द्वादशशशीति, स्थानविकल्पैर्मोहिता जीवाः ।

पंचाशीतिशतसप्तभिः, प्रकृतिविकल्पैरोधे ॥ ४८७ ॥

बं ५	बं ४	बं ४	बं ३	बं २	बं १	सू १०
उ २	उ २	उ १	उ १	उ १	उ १	उ १
भं १२	भं १२	भं ४	भं ३	भं २	भं १	भं १

४	४	४	बं ४	बं ३	बं २	बं १
५	५	५	क्रो	बं ४	बं ३	बं २
न	स्त्री	पु		मा	बं ४	बं ३
					या	बंध
						लो

१०	९	८	७	६	५	४	३
१	६	११	११	११	९	३	१



**टीका** - ओघ कहिए गुणस्थान तिनविषैँ सर्व मोहनीय के उदयस्थान दश प्रकृतिरूप एक, नवरूप छह, आठ सात, छहरूप ग्यारह-ग्यारह, पांच रूप नव, च्यारि रूप तीन, दोय रूप एक मिलिकरि तरेपन भए । तहां एक-एक के चौईस-चौईस भंग; तातैं चौईसकरि तरेपन कौं गुणैँ बारहसैँ बहत्तरि भए अर एक प्रकृतिरूप स्थान के ग्यारह भंग— अैसैं सर्व बारहसैँ तियासी भए ।

अब तिन स्थाननि की जे प्रकृति, तिनकी अपेक्षा कहिए हैं—

दश प्रकृतिरूप एक स्थान की दश प्रकृति, नव रूप छह की चौवन, आठरूप ग्यारह की अठ्यासी, सातरूप ग्यारह की सतहत्तरि, छहरूप ग्यारह की छ्यासठि, पांचरूप नव की पैतालीस, च्यारिरूप तीन की बारह, दोय रूप एक की दोय सर्व मिलैं तीनसैँ चौवन प्रकृति भई । तहां चौईस भंगनि करि गुणैँ चौरासीसैँ छिनवैँ अर एक प्रकृतिरूप के ग्यारह भंग मिलाएं पिच्यासीसैँ सात ८५०७, सर्व प्रकृति अपेक्षा भेद हो हैं ।

इन स्थान भेदनिकरि वा प्रकृति भेदनिकरि त्रिकाल संबन्धी त्रिलोक के चराचर जीव मोहित हैं ॥ ४८७ ॥

आगैं अपुनरुक्त् स्थाननि की संख्या अर तिनकी प्रकृति कहैं हैं—

**एक्क य छक्केयारं दससगचदुरेक्कयं अपुणरुत्ता ।**

**एदे चदुवीसगदा बार दुगे पंच एक्कम्मि ॥ ४८८ ॥**

एकं च षट्कैकादश, दशसप्ततुरेकमपुनरुक्त्तानि ।

एतानि चतुर्विंशगतानि, द्वादश द्विके पंच एकस्मिन् ॥ ४८८ ॥

**टीका** - दश प्रकृति रूप एक स्थान, नव रूप छह स्थान, आठ रूप ग्यारह स्थान, सात रूप दश ही स्थान पूर्वेँ ग्यारह कहे थे, तिन विषैँ पहिले कूटनि विषैँ सम्यक्त्व मोहनीय सहित वेदक सम्यक्त्ववाले कैँ प्रमत्त-अप्रमत्त् के सात प्रकृति रूप दोय स्थान कहे, ते दोऊ स्थान समान हैं ; तातैं इनमैं एक स्थान पुनरुक्त् भया ; तातैं दश ही कहे । बहुरि छह प्रकृति रूप सात ही सात ही स्थान पूर्वेँ ग्यारह कहे थे, तिन विषैँ वेदक सहित पहिले कूटनि विषैँ छह प्रकृति रूप दोय कूट प्रमत्त के कीएं अर दोय अप्रमत्त के कीएं, तिनके समानता पाइए है ; तातैं इनविषैँ दोय ही गिने दोय पुनरुक्त् कहे । अर वेदकरहित पिछिले कूटनि विषैँ छह प्रकृति रूप स्थान कौं लीएं एक कूट प्रमत्त का कीया एक अप्रमत्त का कीया । सो ए दोऊ कूट अपूर्वकरण का छह प्रकृति रूप कूट के समान हैं ; तातैं दोय कूट पुनरुक्त् कहे थे ।

ऐसैं च्यारि कूटनि के च्यारि स्थान पुनरुक्त, ते घटाइ दीए ।

बहुरि पांच प्रकृति रूप च्यारि ही स्थान हैं । पूर्वे नव कहे थे, तिनविषैं वेदक सहित पहिले कूटनि विषैं एक प्रमत्त का कह्या था, एक अप्रमत्त का कह्या था— ते दोऊ समान हैं ; तातैं इनविषैं एक पुनरुक्त कह्या । बहुरि वेदक रहित पिछले कूटनि विषैं एक देश संयत का दोय-दोय प्रमत्त-अप्रमत्त का अर दोय अपूर्वकरण का इन सात नि विषैं दोय दोय प्रमत्त अप्रमत्त के दोय अपूर्वकरण के समान हैं ; तातैं च्यारि पुनरुक्त कहे हैं— ऐसैं पंच स्थान पुनरुक्त घटाइ दीए ।

बहुरि च्यारि प्रकृतिरूप एक ही स्थान है । पूर्वे तीन कहे थे, तिनविषैं ते तीनों ही समान हैं तातैं दोय पुनरुक्त घटाइ दीए ; जिन विषैं प्रकृतिनि की समानता पाइये ऐसैं पुनरुक्त स्थान घटाएं इस प्रकार स्थान रहे, तिनका जोड़ दीएं चालीस भए, ते एक-एक स्थान चौईस-चौईस भंगनिकरि संयुक्त हैं तातैं चौईस करि गुणें नवसैं साठि भए । इनविषैं दोय प्रकृति रूप स्थान के चौईस भंग कहे थे तिनविषैं बारह पुनरुक्त छोडि बारह गिने अर एक प्रकृति रूप स्थानके ग्यारह भंग कहे थे तिनविषैं छह पुनरुक्त भंग छोडि पंच गिने ऐसैं सतरह उनविषैं और मिलाइए ॥ ४८८ ॥

**णवसयसत्तरिहिं ठाणवियप्पेहिं मोहिदा जीवा ।**

**इगिदालूणत्तरिसयपयडिवियप्पेहिं णायव्वा ॥ ४८९ ॥**

नवशतसप्तसप्ततिभिः स्थानविकल्पैर्मोहिता जीवाः ।

एकचत्वारिंशदेकोनसप्ततिशतप्रकृतिविकल्पैर्जातव्याः ॥ ४८९ ॥

**टीका** — ऐसैं नवसैं सतहत्तरि भेद भए तिनकी प्रकृति कहिए है— दश रूप एक स्थान की दश, नवरूप छह स्थाननि की चौवन, आठ रूप ग्यारह स्थाननि की अठ्यासी, सातरूप दशस्थाननि की सत्तरि, छहरूप सात स्थाननि की वियालीस, पांच रूप च्यारि स्थाननि की वीस, च्यारि रूप एक स्थानकी च्यारि इनका जोड़ दीएं दोयसैं अठ्यासी भई इनकों भंग चौईस करि गुणिए तब गुणहत्तरिसैं बारा हुवा तिनविषैं दोय प्रकृति रूप के बारह-बारह भंग एक-एक प्रकृतिके गिने तातैं चौईस अर एक प्रकृति रूप पंच ऐसैं गुणतीस मिलाएं गुणहत्तरिसैं इकतालीस ६९४१ भेद भए इन स्थान भेदनिकरि अर प्रकृति भेदनिकरि त्रिकाल संबंधी त्रिलोकवासी चराचर संसारी जीव मोहित हैं ॥ ४८९ ॥

आगैं मोहका उदय रूप स्थान वा तिनकी प्रकृति गुणस्थाननि विषैं उपयोगादिक की अपेक्षा करि कहिए है—

उदयद्वाणं पयडिं सगसगउवजोगजोगआदीहिं ।

गुणयित्ता मेलविदे पदसंखा पयडिसंखा य ॥ ४९० ॥

उदयस्थानं प्रकृतिं, स्वकस्वकोपयोगयोगादिभिः ।

गुणयित्वा मेलपिते, पदसंख्या प्रकृतिसंख्या च ॥ ४९० ॥

टीका - पुव्विल्लिसुवि मिलिदे इत्यादिक गाथा करि कही स्थाननि की संख्या अर तिन स्थानकनि विषै प्रकृतिनि की संख्या, तिनकौं अपने-अपने गुणस्थाननि विषै संभवै ऐसै उपयोग वा योग, आदि शब्द तैं संयम, देशसंयम, लेश्या, सम्यक्त्व इनकरि गुणिए बहुरि सबका जोड़ दीजिए जो प्रमाण होइ, तितनी तहां मोह की स्थान-संख्या वा प्रकृति-संख्या जाननी ॥ ४९० ॥

सोई कहिए हैं—

मिच्छदुगे मिस्सतिये पमत्तसत्ते जिणे य सिद्धे य ।

पण छस्सत्त दुगं च य उवजोगा होंति दो चेव ॥ ४९१ ॥

मिथ्याद्विके मिश्रत्रये, प्रमत्तसप्तके जिने च सिद्धे च ।

पंच षट् सप्त द्विकं च च, उपयोगा भवंति द्वौ चैव ॥ ४९१ ॥

टीका - उपयोग है सो मिथ्यादृष्ट्यादिक दोय गुणस्थाननि विषै तीन अज्ञान, दोय दर्शन— ऐसैं पांच हैं । मिश्रादिक तीन विषै तीन ज्ञान, तीन दर्शन— ऐसैं छह हैं प्रमत्तादिक सात विषै च्यारि ज्ञान, तीन दर्शन— ऐसैं सात हैं । सयोगी-अयोगी जिन विषै वा सिद्ध विषै केवलज्ञान-केवलदर्शन— ए दोय हैं । तहां मिथ्यादृष्टिविषै पहले कूटनि करि एक तौ दश प्रकृतिरूप अर दोय नव-नव रूप अर एक आठ रूप— ए च्यारि स्थान हैं । तिनकी प्रकृतिनि का जोड़ छत्तीस भया । बहुरि पिछले कूटनि करि नव रूप एक अर आठ-आठ रूप दोय अर सात रूप एक— ऐसैं च्यारि स्थान, तिनकी बत्तीस-प्रकृति— इनकौं मिलाएं आठ-स्थान, अडसठि-प्रकृति, तिनकौं पांच-उपयोगकरि गुणै चालीस-स्थान, तीनसै चालीस-प्रकृति हो हैं ।

बहुरि सासादन विषै एक नव रूप अर दोय आठ-आठ रूप अर एक सात रूप— ऐसैं च्यारि स्थान, बत्तीस प्रकृति, तिनकौं पंच उपयोग करि गुणै बीस-स्थान, एकसौ साठि प्रकृति हो हैं । बहुरि मिश्र विषै एक नव रूप अर दोय आठ-आठ रूप अर एक सात रूप— ऐसैं च्यारि-स्थान तिनकी बत्तीस-प्रकृति, इनकौं छह उपयोग करि गुणै चौईस स्थान, एकसौ वाणवै प्रकृति हो हैं ।

बहुरि असंयत विषै पहिले कूटनिकरि नव रूप एक अर आठ-आठ रूप दोय अर सात रूप एक— ऐसैं च्यारि स्थान, तिनकी बत्तीस-प्रकृति अर पिछले कूटनि करि आठ रूप एक अर सात-सात रूप दोय अर छह रूप एक— ऐसैं च्यारि स्थान, तिनकी अट्ठाईस-प्रकृति इनकौं मिलाएं आठ-स्थान, साठि-प्रकृति, तिनकौं छह उपयोग कर गुणै अड़तालीस-स्थान, तीनसै साठि-प्रकृति हो हैं ।

बहुरि देशसंयत विषैँ पहिले कूटनि करि एक आठ रूप अर दोय सात-सात रूप अर एक छह रूप— ऐसैँ च्यारि-स्थान-अठ्ठाईस-प्रकृति पिछले कूटनि करि एक सात रूप अर दोय छह-छह रूप अर एक पंच रूप ऐसैँ— च्यारि-स्थान, चौईस-प्रकृति मिलाएं तैँ, आठ-स्थान-बावन-प्रकृति, तिनकौँ छह उपयोग करि गुणैँ अड़तालीस-स्थान, तीन से बारा-प्रकृति हो हैं ।

बहुरि प्रमत्त विषैँ वा अप्रमत्त विषैँ पहिले कूटनि करि एक सात रूप अर दोय छह-छह रूप अर एक पांच रूप— ऐसैँ च्यारि-स्थान, चौईस-प्रकृति पिछले कूटनि करि एक छह रूप अर दोय पांच-पांच रूप अर एक च्यारि रूप— ऐसैँ च्यारि-स्थान, बीस-प्रकृति मिलाएं तैँ आठ-स्थान, चवालीस-प्रकृति, तिनकौँ सात उपयोगनिकरि गुणैँ छप्पन-छप्पन स्थान, तीनसैँ आठ, तीनसैँ आठ-प्रकृति हो हैं ।

बहुरि अपूर्वकरण विषैँ छह रूप एक अर पांच-पांच रूप दोय अर च्यारि रूप एक— ऐसैँ च्यारि-स्थान, बीस-प्रकृति तिनकौँ सात उपयोगनिकरि गुणैँ अठ्ठाईस-स्थान, एकसौ चालीस-प्रकृति हो हैं ।

इन सबनि का जोड दीए ४०, २०, २४, ४८, ४८; ५६, ५६, २८ तीनसौ बीस स्थान भए, तिनकौँ चौबीस-भंगनि करि गुणैँ छिहत्तरिसैँ असी-स्थान भए । बहुरि प्रकृति सर्व ३४०, १६०, १९२, ३६०, ३१२, ३०८, ३०८, १४० मिलि इकईससैँ बीस भई । तिनकौँ चौबीस-भंगनि करि गुणैँ पचास हजार आठसैँ असी प्रकृति भई ।

बहुरि अनिवृत्तिकरण विषैँ दोय-प्रकृति रूप एक स्थान, तिनकौँ सात उपयोगनि करि गुणैँ स्थान सात, प्रकृति-चौदह होइ तिनकौँ बारह भंगनि करि गुणैँ चौरासी-स्थान, एकसौ अडसठि-प्रकृति हो हैं । बहुरि अवेद-भागरूप अनिवृत्ति-करण विषैँ एक प्रकृति रूप एक-स्थान, तिनकौँ सात-उपयोग करि गुणैँ सात-स्थान, सात प्रकृति, तिनकौँ च्यारि-भंगनि करि गुणैँ अठ्ठाईस-स्थान, अठ्ठाईस-प्रकृति हो हैं ।

बहुरि सूक्ष्मसांपराय विषैँ एक प्रकृति रूप एक-स्थान, तिनकौँ सात उपयोगनिकरि गुणैँ सात-स्थान, सात-प्रकृति इहां भंग एक ही है—

ऐसैँ इनका जोड दीएं ८४ । २८ । ७ एकसौ उगणीस-स्थान अर १६८, २८, ७— दोय सैँ तीन-प्रकृति हो हैं । इनकौँ पूवैँ अपूर्वकरण पर्यंत कहे स्थान प्रकृति तिन विषैँ मिलाइए ॥ ४९१ ॥

**णवणउदिसगसयाहिय सत्तसहस्सप्पमाणमुदयस्स ।**

**ठाणवियप्पे जाणसु उवजोगे मोहणीयस्स ॥ ४९२ ॥**

नवनवतिसप्तशताधिक, सप्तसहस्रप्रमाणमुदयस्य ।

स्थानविकल्पा जानीहि, उपयोगे मोहनीयस्य ॥ ४९२ ॥

**टीका** - ऐसे उपयोग का आश्रय करि मोहनीय के उदय-स्थानों के भेद निन्याणवै अधिक सातसैँ संयुक्त सात हजार जानहु ७७९९ ॥ ४९२ ॥

एक्कावण्णसहस्सं तेसीदिसमण्णियं वियाणाहि ।

पयडीणं परिमाणं उवजोगे मोहणीयस्स ॥ ४९३ ॥

एकपंचाशत्सहस्रं, त्र्यशीतिसमन्वितं विजानीहि ।

प्रकृतीनां परिमाणं, मुपयोगे मोहनीयस्य ॥ ४९३ ॥

टीका - बहुरि उपयोग आश्रय करि मोहनी के प्रकृतिनि का प्रमाण इकावन हजार तियासी जानहु (५१०८३) ॥ ४९३ ॥

आगै योग आश्रय करि कहै हैं—

तिसु तेरं दस मिस्से णव सत्तसु छट्टयम्मि एक्कारा ।

जोगिम्मि सत्त जोगा अजोगिठाणं हवे सुण्णं ॥ ४९४ ॥

त्रिषु त्रयोदश दश मिश्रे, नव सप्तसु षष्ठे एकादश ।

योगिनि सप्त योगा, अयोगिस्थानं भवेत् शून्यम् ॥ ४९४ ॥

टीका - योग मिथ्यादृष्टि, सासादन, असंयत विषैं तेरह-तेरह, मिश्र विषैं दश, देशसंयतादिक सप्तनि विषैं नव-नव, प्रमत्त विषैं ग्यारह, सयोगी विषैं सात, अयोगी विषैं शून्य हैं ॥ ४९४ ॥

आगै मिश्रयोग युक्त अर केवल पर्याप्तयोग युक्त गुणस्थान तिनकों विशेष करि कहै हैं—

मिच्छे सासण अयदे पमत्तविरदे अपुण्णजोगगदं ।

पुण्णगदं च य सेसे पुण्णगदे मेलिदं होदि ॥ ४९५ ॥

मिच्छे सासने अयते, प्रमत्तविरते अपूर्णयोगगतं ।

पूर्णगतं च च शेषे, पूर्णगते मिलितं भवति ॥ ४९५ ॥

टीका - मिथ्यादृष्टि विषैं, सासादन विषैं, असंयत विषैं, प्रमत्तविरति विषैं— इनि च्यारि विषैं अपर्याप्त-योग कौं प्राप्त अर पर्याप्त-योग कौं प्राप्त मिलाइ करि स्थान-प्रमाण अर प्रकृति-प्रमाण हो है । बहुरि अवशेष-गुणस्थान विषैं केवल पर्याप्त-योग ही कौं प्राप्त स्थान-प्रमाण वा प्रकृति-प्रमाण हो हैं । सोई कहिए हैं—

मिथ्यादृष्टिविषैं पहिले कूटनिकरि स्थान च्यारि, प्रकृति छत्तीस जोगनि करि गुणै बावन-स्थान, च्यारिसै अडसठि-प्रकृति हो हैं । बहुरि

८
९९
१०
३६

तिनकों तेरह अनंतानुबंधी

का विसंयोजन रूप अंतर्मुहूर्त विषैं मरण नाहीं; तातैं पिछले कूटनि करि च्यारिस्थान, बत्तीस-प्रकृति

७
८८
९
३२

तिनकों दश जोगनि करि गुणै स्थान-चालीस, प्रकृति-तीनसौ बीस हो है । बहुरि

३० ]

[ गोमटसार कर्मकाण्ड उत्तरार्द्ध गाथा - ४९५, ४९६ ]

सासादन विषै स्थान-चारि, प्रकृति-बत्तीस कहिएगा ; तातैं बारहयोगिनि कर गुणै

७
८८
९
३२

तिनकौं वैक्रियिक-मिश्र का जुदा स्थान-अड़तालीस, प्रकृति-तीनसै

चौरासी हो हैं । बहुरि मिश्र विषै स्थान-चारि, प्रकृति-बत्तीस

७
८८
९
३२

तिनकौं दश योगनि करि

गुणै स्थान-चालीस, प्रकृति-तीनसै बीस हो हैं । बहुरि असंयत विषै आठ-स्थान, साठि-प्रकृति

७	६
८८	७७
९	८
३२	२८

तिनकौं कार्माण, औदारिकमिश्र, वैक्रियिकमिश्र का जुदा कहिएगा ; तातैं दश योगनि करि गुणै स्थान-अस्सी, प्रकृति-छस्सौ हो हैं । बहुरि देशसंयत विषै

स्थान-आठ, प्रकृति-बावन

६	५
७७	६६
८	७
२८	२४

तिनकौं नव योगनिकरि गुणै स्थान-बहत्तरि, प्रकृति-चारसै

अड़सठि हो हैं । बहुरि प्रमत्त विषै, अप्रमत्त विषै स्थान-आठ, प्रकृति-चवालीस,

५	४
६६	५५
७	६
२४	२०

तिनकौं आहारक-द्विक का जुदा कहिएगा ; तातैं नवयोगनि करि गुणै स्थान-बहत्तरि, बहत्तरि, प्रकृति-तीनसै छिनवै, तीनसै छिनवै हो हैं । बहुरि अपूर्वकरण विषै च्यारि-स्थान, बीस-प्रकृति

४
५५
६
२०

तिनकौं नव योगनि करि गुणै स्थान-छत्तीस, प्रकृति-एकसौ असी हो हैं । इहां पर्यंत स्थान वा प्रकृति जितने होहिं, तिनकौं चौबीस भंगनि करि गुणिए ।

बहुरि अनिवृत्तिकरण विषै सवेदभाग विषै एक-स्थान, दोय-प्रकृति इनकौं नव योगनि करि गुणै नव-स्थान, अठारह-प्रकृति हो हैं इनकौं बारह-भंगनि करि गुणिए । अर अवेदभाग विषै एकस्थान, एक-प्रकृति नव योगनि करि गुणै नव-स्थान, नव-प्रकृति हो हैं, इनकौं च्यारि भंगनि करि गुणिए । बहुरि सूक्ष्मसांपराय विषै एक-स्थान, एक-प्रकृति ; इनकौं नव योगनि करि गुणै नव-स्थान, नव-प्रकृति हो हैं । इनको एक भंगकरि गुणिए ॥ ४९५ ॥

आगैं जुदे राखे योग, तिनका विशेष दोय गाथानि करि कहैं हैं—

सासणअयदपमत्ते वेगुव्वियमिस्स तं च कम्मयियं ।

ओरालमिस्स हारे अडसोलडवग्ग अडुवीससयं ॥ ४९६ ॥

सासनायतप्रमत्ते, वैगूर्विकमिश्रं तच्च कार्माणं ।

ओरालमिश्रमाहारे, अष्टषोडशाष्टवर्ग अष्टविंशशतं ॥ ४९६ ॥

टीका - सासादन का वैक्रियिक-मिश्रयोग विषै स्थान-अष्ट का वर्ग चौसठि तीहिं प्रमाण

है अर प्रकृति-पांचसै बारह हैं । कैसे ? च्यारि कूट सासादन विषै कीए थे, तिनविषै तीन वेदनि विषै एक का उदय कह्या था । इहां नपुंसक-वेद बिना दोय ही वेदनि विषै एक का उदय जानना । सो नव रूप एक अर आठ-आठ रूप दोय अर सात रूप एक— तिनके च्यारि-स्थान अर बत्तीस-प्रकृति, तिनकौं च्यारि-कषाय, दोय-वेद युगलनि तैं भए सोलह भंग तिनकरि गुणै चौसठि-स्थान, पांचसै बारह-प्रकृति हो हैं ।

बहुरि असंयत का वैक्रियिक-मिश्र अर कार्माण-योगनि विषै पूर्वोक्त आठ कूटनि विषै स्त्री-वेद बिना दोय-वेदनि विषै एक का उदय जानना ; तातैं तिन कूटनि विषै आठ-स्थान, साठ-प्रकृति तिनकौं च्यारिकषाय, स्त्रीवेदविना दोय वेद, दोय जुगलनि तैं भए सोलह-भंग, तिनकरि गुणै अर दोय योगनि करि गुणै सोलह-वर्गप्रमाण दोयसै छप्पन्न-स्थान हो हैं । अर प्रकृति-उगणीससै बीस हो हैं ।

बहुरि असंयत का औदारिक-मिश्रयोग विषै स्त्रीवेद, नपुंसक- वेद दोऊ नाहीं ; तातैं पूर्वोक्त आठ-कूटनि विषै तीन-तीन जायगा वेद लिखे थे, तहां एक-एक जायगा लिखना । तहां आठ-कूटनि के आठ-स्थान, साठि प्रकृति, तिनकौं च्यारि-कषाय, एक-वेद, दोय-जुगलनि तैं भए आठ-भंग तिनकरि गुणिए, एक योगकरि गुणिए — ऐसैं आठ वर्गप्रमाण चौसठि-स्थान हैं अर च्यारिसै असी-प्रकृति हैं ।

बहुरि प्रमत्तसंयत का आहारक-आहारकमिश्र रूप दोय-योगनिविषै भी स्त्री, नपुंसक वेद नाहीं ; तातैं स्त्री, नपुंसक वेदरहित आठ-कूटनि के आठ-स्थान, चवालीस-प्रकृतिनि कौं आठ-भंगनिकरि गुणै अर आहारक, आहारक-मिश्र योगनिकरि गुणै एकसौ अट्ठाईस-स्थान अर सातसै च्यारि-प्रकृति हो हैं ॥ ४९६ ॥

आगैं तिस घटाया वेद कौं आप ग्रंथकर्ता निषेधै हैं—

**णत्थि णउंसयवेदो इत्थीवेदो णउंसइत्थिदुगे ।**

**पुव्वुत्तपुण्णजोगग चदुसुट्ठाणेषु जाणेज्जो ॥ ४९७ ॥**

नास्ति नपुंसकवेदः, स्त्रीवेदो नपुंसकस्त्रीद्विकं ।

पूर्वोक्तापूर्णयोग, चतुर्षु स्थानेषु ज्ञातव्यं ॥ ४९७ ॥

टीका- पूर्वोक्त अपर्याप्त-योग कौं प्राप्त च्यारि-स्थान, तिनविषै सासादन का वैक्रियिक-मिश्रयोगविषै नपुंसक-वेद नाहीं, जातैं सासादनवाला मरि नरक विषै उपजै नाहीं । बहुरि असंयत का वैक्रियिक-मिश्र वा कार्माणयोग विषै स्त्री-वेद नाहीं, जातैं असंयतवाला मरि स्त्री विषै उपजै नाहीं । बहुरि असंयत का औदारिक-मिश्र योग विषै अर प्रमत्त का आहारक-दोय योगनि विषै स्त्री-नपुंसक दोय वेद नाहीं— ऐसा जाना ।

इहां मिथ्यादृष्ट्यादिक अपूर्वकरण-पर्यंत जेते स्थान होंइ, तिनकौं एकठे करि चौबीस-भंगनि

करि गुणिए जो प्रमाण होइ, तिसविषैं अनिवृत्ति का सवेद-अवेद भाग का वा सूक्ष्मसांपराय का एकसौ तरेपन-स्थान मिलाइए अर अपर्याप्त-सासादन-असंयत-प्रमत्त का पीछे कहे पांच सै बारह-स्थान, ते मिलाइए सबका जोड़ दीजिए ॥ ४९७ ॥

**तेवण्णवसयाहिय बारसहस्सप्पमाणमुदयस्स ।**

**ठाणवियप्पे जाणसु जोगं पडि मोहणीयस्स ॥ ४९८ ॥**

त्रिपंचाशन्नवशताधिक, द्वादशसहस्रप्रमाणमुदयस्य ।

स्थानविकल्पान् जानीहि योगं प्रति मोहनीयस्य ॥ ४९८ ॥

**टीका -** ऐसैं योग का आश्रय करि सर्व मोहनीय के उदय-स्थान तरेपन सहित नवसै अधिक बारह हजार जानहु (१२९५३) । बहुरि प्रकृति भी मिथ्यादृष्ट्यादिक अपूर्वकरण पर्यंत सर्व-प्रकृति एकठी करि तिनकौं चौईस-भंगनि करि गुणै जो प्रमाण होइ, तिसविषैं अनिवृत्तिकरण के सवेद-अवेद भाग वा सूक्ष्म-सांपराय की दोयसै इकसठि प्रकृति मिलाइए ॥ ४९८ ॥

बहुरि तहां कहा करिए ? सो कहैं हैं—

**बिदिये बिगिपणमयदे खदुणवएक्कं खअट्टुचउरो य ।**

**छट्टे चउसुण्णसगं पयडिवियप्पा अपुण्णम्हि ॥ ४९९ ॥**

द्वितीये द्व्येकपंचकमयते, खद्विनवैकं खाष्टचत्वारश्च ।

षष्ठे चतुःशून्यसप्त, प्रकृतिविकल्पा अपूर्णे ॥ ४९९ ॥

**टीका -** सासादन का वैक्रियिक-मिश्र विषैं प्रकृति-विकल्प दोय, एक, पंच अंक रूप पांचसौ बारह (५१२), असंयत का वैक्रियिक-मिश्र, कार्माण विषैं विंदी, दोय, नव, एक अंक रूप उगणीससै बीसचकार तैं असंयत का औदारिक-मिश्रयोग विषैं विंदी, आठ, च्यारि अंक रूप च्यारिसै असी प्रमत्त का आहारक-द्विक विषैं च्यारि, शून्य, सात अंक रूप सातसै च्यारि हैं, सो इनका जोड़ देय तिनही में मिलाइए ॥ ४९९ ॥

**पणदालछस्सयाहिय अट्टासीदीसहस्समुदयस्स ।**

**पयडीणं परिसंखा जोगं पडि मोहणीयस्स ॥ ५०० ॥**

पंचचत्वारिंशत्षट्शताधि, काष्ठाशीतिसहस्रमुदयस्य ।

प्रकृतीनां परिसंख्या, योगं प्रति मोहनीयस्य ॥ ५०० ॥

**टीका -** ऐसैं योग आश्रय करि मोहनीय के सर्व उदय-प्रकृतिनि के भेद पैतालीस सहित छसै अधिक अट्टासी हजार हैं (८८६४५) ॥ ५०० ॥

आगै संयम का आश्रय करि कहिए हैं—



तेरससयाणि सत्तरि सत्तेव य मेलिदि हवंतित्ति ।

ठाणवियप्पे जाणसु संजमलंबेण मोहस्स ॥ ५०१ ॥

त्रयोदशशतानि सप्तति, सप्तैव च मिलिते भवंतीति ।

स्थानविकल्पा जानीहि, संयमालंबेन मोहस्य ॥ ५०१ ॥

टीका - संयम के अवलंबन करि मोहनीय के उदय-स्थान के भेद मिलाएं तेरहसै सतहत्तरि हैं, ते जानहु । सोई कहिए है— प्रमत्त, अप्रमत्त विषैँ सामायिकादिक तीन संयम हैं, तिनकरि आठ-आठ स्थानकनि कौं गुणैँ चौबीस-चौबीस स्थान हो हैं अर तिन स्थाननि की प्रकृति चवालीस, तिनकौं गुणैँ एकसौ बत्तीस, एकसौ बत्तीस-प्रकृति हो हैं । बहुरि अपूर्वकरण विषैँ सामायिकादिक दोय संयम, तिनकरि तहां कै च्यारि-स्थान गुणैँ आठ-स्थान हो हैं अर बीस-प्रकृतिनि कौं गुणैँ चालीस-प्रकृति हो हैं, सो इनकौं तो चौवीस-भंगनि कर गुणिए । बहुरि अनिवृत्तिकरण का सवेद-भाग विषैँ एक-स्थान, दोय-प्रकृति, तिनकौं दोय संयम करि गुणैँ दोय-स्थान, च्यारि-प्रकृति होइ । इनकौं बारह-भंगनि करि गुणिए अवेद-भाग विषैँ एक-स्थान, एक-प्रकृति, इनकौं दोय-संयम करि गुणैँ दोय-स्थान, दोय-प्रकृति होइ । इनकौं च्यारि भंगनि करि गुणिए । बहुरि सूक्ष्मसांपराय विषैँ संयम एक, सो तहां एक-स्थान, एक-प्रकृति ही है, भंग भी एक ही है ।

इहां प्रमत्तादिक तीन के छप्पन-स्थानकनि कौं चौबीस करि गुणैँ तेरासौ चवालीस अर अनिवृत्तिकरणादिक के तेतीस मिलाए तैं तेरह सौ सतहत्तरि उदय-स्थान के भेद हो हैं ॥ ५०१ ॥

तेवण्णतिसदसहियं सत्तसहस्सप्पमाणमुदयस्स ।

पयडिवियप्पे जाणसु संजमलंबेण मोहस्स ॥ ५०२ ॥

त्रिपंचाशत्यशतसहितं, सप्तसहस्रप्रमाणमुदयस्य ।

प्रकृतिविकल्पान् जानीहि, संयमाबलंबेन मोहस्य ॥ ५०२ ॥

टीका - संयम के अवलंबन करि मोहनीय का उदय-प्रकृति भेद प्रमत्तादिक तीन का तीनसै च्यारि कौं चौबीस करि गुणिए ७२९६ । तिन विषैँ अनिवृत्तिकरणादि की सत्तावन मिलाएं तरेपन सहित तीनसै अधिक सात हजार जानहु (७३५३) ॥ ५०२ ॥

आगैँ गुणस्थान विषैँ संभवती लेश्या कहिए है—

मिच्छचउक्के छक्कं देसतिये तिण्णि होंति सुहलेस्सा ।

जोगित्ति सुक्कलेस्सा अजोगिठाणं अलेस्सं तु ॥ ५०३ ॥

मिथ्यचक्तुष्के षट्कं, देशत्रये तिस्रो भवंति शुभलेश्याः ।

योगी इति शुक्ललेश्या, अयोगिस्थानमलेश्यं तु ॥ ५०३ ॥

**टीका** - मिथ्यादृष्ट्यादिक च्यारि गुणस्थाननि विषैँ प्रत्येक छह-लेश्या हैं । देशसंयतादिक तीन विषैँ तीन शुभ-लेश्या ही हैं । ऊपरि अपूर्वकरणादि सयोगी पर्यंत विषैँ शुक्ल-लेश्या ही है । अयोगी-गुणस्थान लेश्यारहित है ॥ ५०३ ॥

कही लेश्या का आश्रय करि मोह के स्थान वा प्रकृतिनि की संख्या दोय गाथानिकरि कहै हैं—

**पंचसहस्सा बेसय सत्ताणउदी हवंति उदयस्स ।**

**ठाणवियपपे जाणसु लेस्सं पडि मोहणीयस्स ॥ ५०४ ॥**

पंचसहस्राणि द्विशतसप्तनवतिः भवंति उदयस्य ।

स्थानविकल्पा जानीहि, लेश्यां प्रति मोहनीयस्य ॥ ५०४ ॥

**टीका** - ए कही गुणस्थाननि विषैँ लेश्या तिनकौँ आश्रय करि सर्व मोहनीय के उदय-स्थान पांच हजार दोय सै सत्याणवै, हे शिष्य तू जानि (५२९७) ॥ ५०४ ॥

**अट्टत्तीससहस्सा बेण्णिसया होंति सत्ततीसा य ।**

**पयडीणं परिमाणं लेस्सं पडि मोहणीयस्स ॥ ५०५ ॥**

अष्टत्रिंशत्सहस्राणि, द्विशतानि भवंति सप्तत्रिंशच्च ।

प्रकृतीनां परिणामं, लेश्यां प्रति मोहनीयस्य ॥ ५०५ ॥

**टीका** - लेश्या प्रति मोहनीय के उदय-प्रकृतिनि का प्रमाण अठतीस हजार दोयसै सैंतीस हैं (३८२३७) । सोई कहिए है— मिथ्यादृष्टि विषैँ स्थान-दश आदि च्यारि, नव आदि च्यारि तिन आठ-स्थाननि कौँ छह लेश्यानि करि गुणैँ अडतालीस-स्थान भए अर तिनकी अड़सठि-प्रकृतिनि कौँ छह लेश्यानि करि गुणैँ प्रकृति च्यारिसैं आठ भई । बहुरि सासादन विषैँ नव आदिक च्यारि-स्थान ते षट् लेश्या करि गुणैँ स्थान-चौईस हो हैं अर तिनकी बत्तीस-प्रकृतिनि कौँ गुणैँ प्रकृति-एकसौँ वाणवैं हैं । बहुरि मिश्र विषैँ स्थान-नव आदि च्यारि, प्रकृति-बत्तीस तिनकौँ छह लेश्यानि करि गुणैँ स्थान-चौईस, प्रकृति-एकसौँ बाणवैं हो हैं ।

बहुरि असंयत विषैँ स्थान नव आदि च्यारि, अष्ट आदि च्यारि— ऐसैँ आठ, अर तिनकौँ प्रकृति-साठि । तिनकौँ छह लेश्यानि करि गुणैँ स्थान-अठतालीस, प्रकृति-तीनसैँ साठि हो हैं । बहुरि देशसंयत विषैँ स्थान-अष्ट आदि च्यारि, सप्त आदि च्यारि मिलि करि स्थान-आठ, प्रकृति-बावन । तिनकौँ तीन लेश्यानि करि गुणैँ स्थान-चौईस, प्रकृति-एकसौँ छप्पन हो हैं । बहुरि प्रमत्त विषैँ वा अप्रमत्त विषैँ स्थान-सप्त आदि च्यारि, छह आदि च्यारि मिलिकरि स्थान-आठ । तिनकौँ प्रकृति-चवालीस, तिनकौँ तीन लेश्यानि करि गुणैँ स्थान-चौईस-चौईस, प्रकृति-एकसौँ बत्तीस, एक सौँ बत्तीस हो हैं । बहुरि अपूर्वकरण विषैँ स्थान-छह आदिक च्यारि, तिनकौँ

प्रकृति-बीस, तिनकों शुक्ल-लेश्या करि गुणै स्थान-चारि, प्रकृति-बीस हो हैं ।

इहां पर्यंत स्थान वा प्रकृतिनि कौं चौबीस करि गुणिए ।

बहुरि अनिवृत्तिकरण विषै सवेदभाग विषै स्थान-एक प्रकृति-दोय । तिनकौं शुक्ल-लेश्याकरि गुणै स्थान एक प्रकृति दोय इनकौं बारह भंगनि करि गुणिए । अवेद भाग विषै स्थान एक प्रकृति एक शुक्ल-लेश्या करि गुणै भी स्थान-एक, प्रकृति-एक । इनकौं च्यारि-भंगनिकरि गुणिए । बहुरि सूक्ष्मसांपराय विषै स्थान-एक, प्रकृति-एक, शुक्ल-लेश्या करि गुणै भी स्थान-एक, प्रकृति-एक । इनकौं एक-भंग करि गुणिए ।

इहां अपूर्वकरण पर्यंत स्थान वा प्रकृतिनि का जोड देय तिनकौं चौबीस करि गुणि, बहुरि अनिवृत्तिकरणादिक का सतरह-स्थान तो स्थानप्रमाण विषै अर गुणतीस-प्रकृति, प्रकृति-प्रमाण विषै मिलाएं पूर्वोक्त स्थान भेद वा प्रकृति-भेद का प्रमाण हो हैं ॥ ५०५ ॥

आगैं सम्यक्त्व का आश्रय करि कहैं हैं—

**अदुत्तरीहिं सहिया तेरसयसया हवंति उदयस्स ।**

**ठाणवियप्पे जाणसु सम्मत्तगुणेण मोहस्स ॥ ५०६ ॥**

अष्टसप्तिभिः सहितानि, त्रयोदशकशतानि भवंति उदयस्य ।

स्थानविकल्पा जानीहि, सम्यक्त्वगुणेन मोहस्य ॥ ५०६ ॥

टीका - सम्यक्त्व-गुण करि सहित मोहनीय के उदय-स्थान के विकल्प अठहत्तरि सहित तेरासै (१३७८) जानहु ॥ ५०६ ॥

**अट्टेव सहस्साइं, छव्वीसा तह य होंति णादव्वा ।**

**पयडीणं परिमाणं, सम्मत्तगुणेण मोहस्स ॥ ५०७ ॥**

अष्टैव सहस्राणि, षड्विंशतिस्तथा च भवंति ज्ञातव्याः ।

प्रकृतीनां परिमाणं, सम्यक्त्वगुणेन मोहस्य ॥ ५०७ ॥

टीका - सम्यक्त्व-गुण करि सहित मोहनीय के प्रकृतिनि का प्रमाण आठ हजार छब्बीस जानना (८०२६) । सोई कहिए है— असंयत विषै क्षायोपशमिक-सम्यक्त्व के स्थान-नव आदि च्यारि

७
८८
९

तिनकी प्रकृति-बत्तीस । औपशमिक-क्षायिक के स्थान-अष्ट आदि च्यारि ८, ७,

७, ६ ; प्रकृति-अट्टाईस सो दोऊ सम्यक्त्वनि के मिलाएं स्थान-आठ प्रकृति-छप्पन । बहुरि देश-संयत विषै क्षायोपशम-सम्यक्त्व के स्थान-अष्ट आदि च्यारि ८, ७, ७, ६, प्रकृति-अट्टाईस । औपशमिक वा क्षायिक के जुदे-जुदे स्थान-सप्त आदि च्यारि ७, ६, ६, ५ प्रकृति-चौईस सो

दोऊ सम्यक्त्वनि के स्थान-आठ, प्रकृति-अठतालीस ।

बहुरि प्रमत्त विषै वा अप्रमत्त विषै क्षायोपशमिक के स्थान सप्त आदिक च्यारि-च्यारि ७, ६, ६, ५, तिनकी प्रकृति चौईस-चौईस । औपशमिक वा क्षायिक विषै स्थान-छह आदि च्यारि-च्यारि ६, ५, ५, ४ तिनकी प्रकृति बीस-बीस । सो दोऊ सम्यक्त्वनि के स्थान-आठ-आठ, प्रकृति-चालीस-चालीस । बहुरि अपूर्वकरण विषै क्षायोपशमिक नाहीं, औपशमिक-क्षायिक विषै स्थान-छह आदि च्यारि ६, ५, ५, ४, तिनकी प्रकृति-बीस । सो दोऊ सम्यक्त्वनि के स्थान-आठ, प्रकृति-चालीस ।

इहां पर्यंत स्थान प्रकृतिनि कौं चौबीस-भंगनि करि गुणिए ।

बहुरि अनिवृत्तिकरण विषै सवेद-भाग विषै स्थान-एक, प्रकृति-दोय, सो औपशमिक-क्षायिक करि स्थान-दोय, प्रकृति-च्यारि, इनकौं बारह-भंगनि करि गुणिए अवेदभाग विषै स्थान-एक, । सो दोऊ सम्यक्त्वनि के दोय, प्रकृति-एक, सो दोऊ सम्यक्त्वनि की दोय इनकौं च्यारि भंगनिकरि गुणिए । बहुरि सूक्ष्म-सांपराय विषै स्थान एक, सो दोऊ सम्यक्त्वनि के दोय, प्रकृति-एक, सो दोऊ सम्यक्त्वनि की दोय, इनकौ एक भंग करि गुणिए ।

इहां अपूर्वकरण पर्यंत स्थान वा प्रकृतिनि कौं जोडि, तिनकौं पृथक चौबीस करि गुणिए तहां अनिवृत्तिकरणादिक के स्थान वा प्रकृति तिनकौं गुणकार तैं गुणै स्थान तो स्थान-प्रमाण विषै अर प्रकृति-प्रकृति-प्रमाण विषै मिलाएं, पूर्वोक्त स्थान-प्रमाण अर प्रकृति-प्रमाण हो हैं ।

इसप्रकरण विषै जैसे गुणास्थाननि विषै उपयोग, योग, संयम, लेश्या, सम्यक्त्वनि के आश्रयकरि मोहनीय के उदय-स्थान वा तिसके प्रकृति-भेद कहे, तैसे ही जीव-समासनि विषै वा गति आदि विशेष-मार्गणानि विषै वा आगै कहिए हैं इकतालीस जीव-पद तिनविषै आगम के अनुसारि मोहनीय के उदय-स्थान-भेद वा प्रकृति-भेद कहने ॥ ५०७ ॥

आगै मोहनीय के सत्त्व का प्रकरण ग्यारह गाथानि करि कहै हैं—

**अट्ट य सत्त य छक्क य चदुतिदुगेगाधिगाणि वीसाणि ।**

**तेरस बारैयारं, पणादि एगूणयं सत्तं ॥ ५०८ ॥**

अष्ट च सप्त च षट्कं च, चतुस्त्रिद्विकैकमधिकानि विंशतिः ।

त्रयोदश द्वादशैकादश, पंचादि एकोनकं सत्त्वं ॥ ५०८ ॥

टीका - आठ, सात, छह, च्यारि, तीन, दोय, एक करि अधिक वीस अर तरेह, बारह, ग्यारह अर पंचादिक एक-एक घाटि प्रकृति रूप सत्त्व-स्थान हैं । २८, २७, २६, २४, २३, २२, २१, १३, १२, ११, ५, ४, ३, २, १ । सोई कहिए है—

तीन दर्शनमोह, पचीस चारित्र मोह— ऐसे अठाईस प्रकृति रूप सत्त्व हैं । तिनविषै

सम्यक्त्व-मोहनीय की उद्वेलना भए सत्ताईस प्रकृतिरूप सत्त्व हो हैं । तिनविषैँ मिश्रमोहनीय की उद्वेलना भए, छब्बीस-प्रकृति रूप सत्त्व हो हैं । बहुरि अट्ठाईस में अनंतानुबंधी का विसंयोजन भए, चौबीस प्रकृति रूप सत्त्व हो हैं । तिनविषैँ मिथ्यात्व का क्षय भए, तेईस प्रकृति रूप सत्त्व हो हैं । बहुरि मिश्रमोहनीय का क्षय भए, बाईस प्रकृतिरूप सत्त्व हो हैं । बहुरि सम्यक्त्व-मोहनीय का क्षय भए, इकईस-प्रकृति रूप सत्त्व हो हैं । बहुरि अप्रत्याख्यान, प्रत्याख्यानरूप मध्यम आठ-कषाय का क्षय भए, तेरह-प्रकृति रूप सत्त्व हो हैं ।

बहुरि स्त्रीवेद वा नपुंसक वेद विषैँ एक का क्षय भए, बारह-प्रकृति रूप सत्त्व हो हैं । बहुरि स्त्रीवेद वा नपुंसक-वेद विषैँ अवशेष एक वेद का क्षय भए, ग्यारह-प्रकृति रूप सत्त्व हो हैं । बहुरि छह हास्यादिक नोकषायनि का क्षय भए, पंच-प्रकृति रूप सत्त्व हो हैं । बहुरि पुरुषवेद का क्षय भए, च्यारि-प्रकृति रूप सत्त्व हो हैं ।

बहुरि संज्वलन-क्रोध का क्षय भए, तीन-प्रकृति रूप सत्त्व हो हैं । बहुरि संज्वलनमान का क्षय भए, दोय-प्रकृति रूप सत्त्व हो हैं । बहुरि संज्वलन-माया का क्षय भए, एक-वादर लोभरूप सत्त्व हो हैं । बहुरि वादर-लोभ का क्षय भए, सूक्ष्म-लोभ रूप सत्त्व हो हैं । सो वादर वा सूक्ष्म, एक लोभ प्रकृति ही है, तातैँ दोऊ का एक ही स्थान कह्या है— ऐसैँ पंद्रह सत्त्व-स्थान हैं ॥ ५०८ ॥

आगैँ ए गुणस्थाननि विषैँ कैसे संभवै है ? सो कहै हैं—

**तिण्णेगे एगेगं दो मिस्से चदुसु पण णियट्ठीए ।**

**तिण्णि य थूलेकारं सुहुमे चत्तारि तिण्णि उवसंते ॥ ५०९ ॥**

त्रीण्येकस्मिन्नेकस्मिन्नेकं द्वे मिश्रे चतुर्षु पंच निवृत्तौ ।

त्रीणि च स्थूले एकादश, सूक्ष्मे चत्वारि त्रीण्युपशांते ॥ ५०९ ॥

टीका - मिथ्यादृष्टि विषैँ तीन, सासादन विषैँ एक, मिश्र विषैँ दोय, असंयतादिक च्यारि विषैँ पाँच-पाँच, अपूर्वकरण विषैँ तीन, अनिवृत्तिकरण विषैँ ग्यारह, सूक्ष्म-सांपराय विषैँ च्यारि, उपशांत-कषाय विषैँ तीन सत्त्व-स्थान संभवै हैं ॥ ५०९ ॥

ते कौन ? सो कहै हैं—

**पढमंतिंयं च य पढमं पढमं चउवीसयं च मिस्समिह ।**

**पढमं चउवीसचऊ अविरददेसे पमत्तिदरे ॥ ५१० ॥**

प्रथमत्रयं च च प्रथमं, प्रथमं चतुर्विंशकं च मिश्रे ।

प्रथमं चतुर्विंशचतुष्कं, अविरतदेशे प्रमत्तेतरे ॥ ५१० ॥

टीका - मिथ्यादृष्टि विषैँ तीन-सत्त्व-स्थान अठाईस, सत्ताईस, छब्बीस रूप, जातैँ

सम्यक्त्व-मोहनीय, मिश्र मोहनीय की उद्वेलना मिथ्यादृष्टि विषै चारों गति के जीव करै हैं । बहुरि सासादन विषै अठाईस रूप एक ही हैं । बहुरि मिश्र विषै अठाईस रूप वा चौबीस रूप दोय हैं, जातैं अनंतानुबंधी के विसंयोजनवाले भी मिश्रमोहनीय के उदय तैं मिश्र विषै आवै हैं । बहुरि असंयत आदिक च्यारि गुणस्थाननि विषै पाँच-पाँच स्थान अट्टाईस, चौईस, तेईस, बाईस, इकईस प्रकृतिरूप हैं, जातैं अनंतानुबंधी का विसंयोजन अर तीन दर्शन मोह का क्रम तैं क्षय इनविषै संभवै है ॥ ५१० ॥

**अडचउरेक्काबीसं उवसमसेढिम्हि खवगसेढिम्हि ।**

**एक्काबीसं सत्ता अडुकसायाणियट्टित्ति ॥ ५११ ॥**

अष्टचतुरेकविंशतिः, उपशमश्रेण्यां क्षपकश्रेण्यां ।

एकविंशतिः सत्ता, अष्टकषायानिवृत्तिरिति ॥ ५११ ॥

**टीका** - बहुरि उपशमश्रेणी विषै अपूर्वकरणादिक च्यारि गुणस्थाननि विषै तीन-तीन, स्थान अट्टाईस, चौईस, इकईस प्रकृतिरूप हैं, जातैं अनंतानुबंधी विसंयोजनवाले वा तीनों दर्शनमोह, च्यारि अनंतानुबंधी का जिनके क्षय भया, ते भी तहां चढै हैं । बहुरि क्षपकश्रेणी विषै, अपूर्वकरण विषै अर अनिवृत्तिकरण विषै आठ-कषाय नष्ट भए पहिले, इकईस-इकईस प्रकृतिरूप एक-एक स्थान है ॥ ५११ ॥

**तेरस बारैयारं तेरस बारं च तेरसं कमसो ।**

**पुरिसित्थिसंढवेदो दयेण गदपणगबंधम्हि ॥ ५१२ ॥**

त्रयोदश द्वादशैकादश, त्रयोदश द्वादश च त्रयोदश क्रमशः ।

पुरुषस्त्रीषंढवेदोदयेन गतपंचकबंधे ॥ ५१२ ॥

**टीका** - ताके ऊपरि जो पुरुष-वेद का उदय सहित श्रेणी चढै हैं, ताके पुरुष-वेद च्यारि संज्वलन— इन पांच-प्रकृतिनि का जहां बंध, ऐसा अनिवृत्तिकरण का भाग विषै तेरह-प्रकृतिरूप, बारह प्रकृति रूप, ग्यारह प्रकृतिरूप तीन स्थान हैं । बहुरि अष्ट-कषाय का क्षय के अनंतरि अनिवृत्ति-करण विषै स्त्री, नपुंसक-वेद का अनुक्रम तैं क्षय हो हैं ; तातैं स्त्री वेद का उदय सहित जो श्रेणी चढै है, ताकैं सो तेरह प्रकृति रूप स्थान हैं अर नपुंसक वेद का क्षय भए बारह-प्रकृति रूप स्थान हैं । बहुरि जो जीव नपुंसक-वेद का उदय सहित श्रेणी चढै, ताकैं तहां सो तेरह प्रकृतिरूप स्थान ही है, जातैं ताकैं नपुंसक<sup>१</sup>(?) स्त्री वेद का युगपत क्षपणा का प्रारंभ है ॥ ५१२ ॥

१ (?) यहां संस्कृत टीका में पुरुषवेद है, पर हिन्दी की सभी प्रतियों में नपुंसक मिला है ।

पुरिसोदयेण चडिदे अंतिमखंडंतिमोत्ति पुरिसुदओ ।

तप्पणिधिमिदराणं अवगदवेदोदयं होदि ॥ ५१३ ॥

पुरुषोदयेन चटिते, अंतिमखंडांतिम इति पुरुषोदयः ।

तत्प्रणिधौ इतरयोरपगतवेदोदयो भवति ॥ ५१३ ॥

टीका - पुरुष-वेद का उदय सहित क्षपक-श्रेणी कौं चढै तिहिं विषै अंत का खंड का अंत-समय पर्यंत पुरुष-वेद का उदय की प्रथमस्थिति का काल विषै नपुंसक-वेद-क्षपणा-खंड वा स्त्री-वेद-क्षपणा-खंड वा पुरुष-वेद-क्षपणा-खंडनि विषै अंत का खंड का अंत-समय पर्यंत निरंतर पुरुष-वेद का उदय अर बंध पाइए है । बहुरि तिसही पुरुष-वेद-क्षपणा का अंत का खंड का निकटि अन्य नपुंसक-स्त्री वेदनि का उदय का अभाव हो है ॥ ५१३ ॥

ऐसैं होतैं कहा हो है ? सो कहै हैं—

तट्टाणे एक्कारस सत्ता तिण्होदयेण चडिदाणं ।

सत्तण्हं समग छिदी पुरिसे छण्हं च णवगमत्थित्ति ॥ ५१४ ॥

तत्स्थाने एकादश, सत्ता: त्रिकोदयेन चटितानां ।

सप्तानां समकं छित्ति: पुरुषे षण्णां च नवकमस्तीति ॥ ५१४ ॥

टीका - तीहिं पुरुषवेद का उदयसहित श्रेणी चढ्या, ताका अनिवृत्तिकरण का सवेदभाग का अंत का खंड विषै, बहुरि तिसही खंड के निकटि अनिवृत्तिकरण का तिस अंत का खंड का काल विषै, स्त्री-नपुंसक वेद का उदयकरि सहित चढै, तिनके स्त्रीनपुंसक-वेद का उदय का अभाव रूप दोय-स्थान विषै, पुरुषवेदसहित सात-नोकषाय अर च्यारि संज्वलन— इन ग्यारह प्रकृतिरूप सत्त्वस्थान हैं । बहुरि तीन में किसी वेद का उदय सहित श्रेणी चढे होहु, तिनकैं सात-नोकषाय क्षपणा का प्रारंभ अर तहां अंत का खंड का अंत-समय विषै तिन सातों की सत्त्व की व्युच्छित्ति युगपत् हो है, याकौं भए च्यारि ही का सत्त्व रहै हैं ।

तहां इतना विषेष— जो पुरुषवेद का उदय सहित श्रेणी चढ्या है, ताकैं एक समय घाटि दोय आवली प्रमाण समय-प्रबद्धनि विषै एकसमय घाटि आवली प्रमाण क्षय भए पीछैं, अवशेष आवली प्रमाण संपूर्ण पुरुषवेद कैं नवक समय-प्रबद्ध पाइए हैं ; तातैं ताकैं छह-नोकषायनि ही का सत्त्व की व्युच्छित्ति है । सो पुरुषवेद सहित चढनेवाले कैं पांच का सत्त्व रहै हैं ।

जिनका बंध भए थोरा काल भया संक्रमणादि करनेयोग्य जे निषेक न भए, ऐसैं नूतन समय प्रबद्ध के निषेक, तिनका नाम नवक-समयप्रबद्ध जानना ।

तैं वे नवक-समयप्रबद्ध अपने-अपने बंध के प्रथम समय तैं लगाय आवली प्रमाण-कालविषै अन्य अवस्थान धरैं ; तातैं इस आवलीकाल कौं अचलावली कहिए । तिस अचलावली कौं व्यतीत भए संतै, समय-समय प्रति एक-एक फालि जो समय विषै संक्रमण होनेयोग्य परमाणूनि का समूह, ताकौं अन्यप्रकृतिरूप परिणमाइ उदय में ल्यावना, सोई परमुख करि उदय होना

तिसरूप होतें आवली काल विषे क्षय होत संतें, एकसमय घाटि दोय आवली काल विषे सर्व उच्छिष्टावलिमात्र निषेकनि करि सहित क्षय हो हैं ।

इहां नवक समयप्रबद्ध कह्या, तहां गले पीछै अवशेष समयप्रबद्ध के निषेक रहे, ते समयप्रबद्ध के अंश हैं, तातें तिन निषेकनि कौ समयप्रबद्ध कहिए है । नवक-समय-प्रबद्ध की सहनानी च्यारि का अंक है, तिस समय-प्रबद्ध की अचलावली प्रमाण आबाधा है । तिसविषे उदयादिक रूप न हो हैं ताकी सहनानी च्यारि बिंदी हैं ।

बहुरि उच्छिष्टावलि जो उदय कौ प्राप्त भए जे कर्म, तिनके आवली मात्र अवशेष रहे निषेक अर जे उदय कौ प्राप्त न भए कर्म, तिनके आवलि मात्र निषेक उलंघि स्थिति का अंतकांडक की अंतफालि का पतन विषे आवली मात्र अवशेष रहे निषेक, ते क्षपणा विना संक्रमविधान करि अन्य प्रकृतिरूप होई परमुख उदय करि समय-समय प्रति एक-एक निषेक अनुक्रमतें गलन होइ विनसैं हैं ।

**भावार्थ-** ऐसा जो वेदक्षपणाकाल विषे पुरुषवेद का नवक-समय-प्रबद्ध का सत्त्व अवशेष रहै है, सो क्रोधक्षपणाकाल विषे क्रोधरूप परिणमि विनसैं हैं ; तातें तहां पांच का भी सत्त्व जाना ।

निषेक संक्रमादिक स्वरूप वर्णन पूर्वे कीया था, सो जानना । बहुरि इनका विशेष कथन इहां भाषा विषे आगे क्षपणासार अनुसारि कथन लिखेंगे, तहां जानना ॥ ५१४ ॥

इस अर्थ कौ कहि अनिवृत्तिकरण विषे सत्त्व-स्थाननि का विशेष कहै हैं—

**इदि चदुबंधवखवगे तेरस बारस एगार चउसत्ता ।**

**तिदुइगिबंधे तिदुइगि णवगुच्छिष्टाणमविवक्खा ॥ ५१५ ॥**

इति चतुर्बंधक्षपके त्रयोदश द्वादशैकादश चतुःसत्ता ।

त्रिद्विकैकबंधे त्रिद्विकैकं नवकोच्छिष्टयोरविवक्षा ॥ ५१५ ॥

**टीका -** इस कहे विधान करि जो नपुंसकवेद सहित श्रेणी चढै हैं, ताकें वेदसहित अनिवृत्ति का भाग जिस-विषे मोहनीय की च्यारि-प्रकृति का बंध पाइए, तहां तेरह प्रकृतिरूप सत्त्व है । बहुरि जो स्त्रीवेद का उदय सहित चढै, ताकें तहां ही बारह-प्रकृतिरूप सत्त्व है । बहुरि नपुंसक वा स्त्रीवेद का उदय सहित श्रेणी चढै, तिनकें वेद का उदय रहित अर च्यारि प्रकृति का जहां बंध, ऐसैं भाग विषे ग्यारह प्रकृतिरूप सत्त्व है । बहुरि नपुंसक वा स्त्रीवेद का उदय सहित श्रेणी चढै, तिनकें सात-नोकषाय का क्षय भए, च्यारि प्रकृतिरूप सत्त्व स्थान है । अर पुरुषवेद का उदय सहित श्रेणी चढै, ताकें च्यारि वा पांच प्रकृति रूप भी सत्त्व-स्थान है, जातें ग्यारह का सत्त्व-स्थान संबंधी पुरुषवेद के नवक-समय-प्रबद्ध की विवक्षा है । बहुरि ताके ऊपरि तीनू ही वेदों का उदय सहित श्रेणी चढै, तिनके तीन, दोय, एक प्रकृति का जिनविषे बंध पाइए, ऐसैं तीन भागनि विषे क्रम तें तीनरूप, दोयरूप, एकरूप सत्त्वस्थान पाइए है ।



## क्षपक अनिवृत्तिकरण के सत्त्वस्थाननि का यंत्र

बंध ४	सत्त्व ११	बंध ४	सत्त्व ११	बंध ४ वा ५	सत्त्व ११
व्युच्छिति नोकषाय ७	बंध ४	सत्त्व ११	व्युच्छिति नोकषाय ७	बंध ५	सत्त्व ११
	बंध ४	सत्त्व १३		बंध ५	सत्त्व १२
	बंध ५	सत्त्व १३		बंध ५	सत्त्व १३
	बंध ५	सत्त्व १३		बंध ५	सत्त्व १३
		सत्त्व २१			सत्त्व २१
नपुंसक-वेद सहित श्रेणी चढ़ने वालों के		स्त्रीवेदसहित श्रेणी चढ़ने वालों के		पुरुषवेद सहित श्रेणी चढ़ने वालों के	

इहां पूर्ववत् नवक-बंध के समय घाटि दोग आवली प्रमाण समय-प्रबद्ध अर उच्छिष्टावलिमात्र उदय तैं अवशेष प्रथमस्थिति के निषेक हैं, तथापि तिनकी विवक्षा इहां नाहीं है। जैसे पुरुषवेद के नवक-समय-प्रबद्ध का सत्त्व अवशेष रहै है, ते क्रोध क्षपणाकालविषै परमुख होइ विनसै है, तैसे क्रोध, मान, माया के भी नवक-समयप्रबद्ध के सत्त्व अवशेष रहि, क्रम तैं मान, माया, लोभ का क्षपणाकाल विषै परमुख होइ विनसै हैं; परंतु तिनकी विवक्षा न ग्रही जो विवक्षा होती तो जैसे च्यारि का सत्त्व की जायगा पांच का भी सत्त्व कह्या तैसे तीन दोग एककी जायगा च्यारि तीन दोग का भी सत्त्व कहते सो विवक्षा नाहीं तातैं तीन दोग ही का सत्त्व कह्या है ऐसे अनिवृत्तिकरण विषै उपशम श्रेणी विषै तो अठ्ठाईस चौईस इकईस रूप तीन सत्त्व स्थान हैं क्षपक श्रेणी विषै इकईस तेरह बारह ग्यारह पंच च्यारि तीन दोग एकरूप नवस्थान, तिनविषै इकईस रूपस्थान उपशमक वा क्षपक दोऊ विषै कह्या तातैं पुनरुक्त है। तातैं ग्यारह सत्त्वस्थान कहे। बहुरि सूक्ष्मसांपराय विषै उपशमश्रेणी विषै अठ्ठाईस चौईस इकईस रूप तीन स्थान, क्षपकश्रेणी विषै सूक्ष्म लोभरूप एक स्थान ऐसे च्यारि हैं। सो लोभ कैसा है? अनिवृत्तिकरण विषै अनुक्रमतैं अनंतवे अनंतवे भाग वादर संज्वलन लोभ का अश्वकर्ण करण सहित कबहुं न भया ऐसा अपूर्वस्पर्धक करण हो है। बहुरि तिन स्पर्धकनिका स्थूल खंडरूप वादर कृष्टि करण हो है। बहुरि तिन वादर कृष्टिनि का सूक्ष्म खंडरूप सूक्ष्मकृष्टि करण हो है तिन सूक्ष्मकृष्टिनिका उदय अनिवृत्ति विषै नाहीं ते सूक्ष्मसांपराय विषै उदय कौ प्राप्त होवै ऐसा जानना। अश्वकर्णादिक का स्वरूप क्षपणासार अनुसार आगैं इहां लिखैंगे तहां जानना। बहुरि उपशांतकषाय विषै अठ्ठाईस चौईस इकईस रूप तीन स्थान हैं। ऊपरि मोहनीय के सत्त्व का अभाव है ॥ ५१५ ॥

आगैं मोहनीय के बंधस्थाननि विषै सत्त्वस्थान कैसे पाइए? सो गाथा दोग करि कहैं हैं—

तिण्णेव दु बावीसे इगिवीसे अट्टवीस कम्मंसा ।

सत्तरतेरेणवबंधगेसु पंचेव ठाणाणि ॥ ५१६ ॥

पंचविधचदुविधेसु य छ सत्त सेसेसु जाण चत्तारि ।

उच्छिष्टावलिणवकं अविवेक्खिय सत्तठाणाणि ॥ ५१७ ॥ जुम्मं ।

त्रय एव तु द्वाविंशतौ एकविंशतौ अष्टविंशतिः कर्मांशाः ।

सप्तदशत्रयोदशनवबंधकेषु पंचैव स्थानानि ॥ ५१६ ॥

पंचविधचतुर्विधेषु च षट् सप्त शेषेषु जानीहि चत्वारि ।

उच्छिष्टावलिणवकमविवेक्ष्य सत्त्वस्थानानि ॥ ५१७ ॥

**टीका** - मोहनीय का जहां बार्हस बंधरूप स्थान हैं तहां कर्मांश कहिए सत्त्व स्थान ते अठईस सत्ताईस छबीस प्रकृतिरूप तीन हैं । बहुरि इकवीस का बंध जहां है तहां अठईस रूप ही सत्त्व स्थान हैं । बहुरि सतरह वा तेरह वा नवका बंध स्थाननि विषैं अठईस चौईस तेईस बाईस इकईस रूप पांच-पांच सत्त्व स्थान हैं । बहुरि पांच का बंध स्थानविषैं अठईस चौईस तेरह बारह ग्यारह प्रकृतिरूप ऐसैं छह सत्त्व स्थान हैं । बहुरि च्यारि का बंध स्थानविषैं छह पूर्वोक्त एक च्यारि प्रकृतिरूप ऐसैं सात सत्त्व स्थान हैं । इहां पांच प्रकृतिरूप सत्त्वस्थान नवक बंध रूप समय प्रबद्ध वा उच्छिष्टावलीकी इहां विवक्षा नाही तातैं न कह्या । बहुरि तीन का बंध स्थानविषैं अठईस चौईस इकईस अर तीन प्रकृति रूप च्यारि सत्त्व स्थान हैं । बहुरि दोयका बंध स्थान विषैं अठईस चौईस इकईस अर दोय प्रकृति रूप च्यारि स्थान हैं । बहुरि एकका बंध स्थानविषैं अठईस चौईस इकईस अर एक प्रकृतिरूप च्यारि सत्त्व स्थान हैं । ए सत्त्व स्थान उच्छिष्टावली नवक समय प्रबद्धकी विवक्षा विना कहे हैं । ऐसैं जीवनि कै ऐसैं बंध स्थान होतैं ऐसैं सत्त्व स्थान पाइए है ॥ ५१६-५१७ ॥

दसणवपण्णरसाइं बंधोदयसत्तपयडिठाणाणि ।

भणिदाणि मोहणिज्जे एत्तो णामं परं वोच्छं ॥ ५१८ ॥

दशनवपंचदश बंधोदयसत्त्वप्रकृतिस्थानानि ।

भणितानि मोहनीये इतो नाम परं वक्ष्यामि ॥ ५१८ ॥

**टीका** - मोहनीय विषैं दश बंध स्थान नव उदय स्थान पंद्रह सत्त्व स्थान कहे यातैं आगैं नाम कर्म के कहैंगे ॥ ५१८ ॥

तहां प्रथम ही नामकर्म के स्थाननि के आधारभूत इकतालीस पद तिनकौं दोय गाथानि करि कहे हैं—

णिरया पुण्णा पण्हं बादरसुहुमा तहेव पत्तेया ।

वियलाऽसण्णी सण्णी मणुवा पुण्णा अपुण्णा य ॥ ५१९ ॥

**सामण्णतित्थकेवलि उहयसमुग्घादगा य आहारा ।**

**देवावि य पज्जत्ता इदि जीवपदा हु इगिदाला ॥ ५२० ॥ जुम्मम् ।**

निरयाः पूर्णाः पंच वादरसूक्ष्माः तथैव प्रत्येकाः ।

विकला असंज्ञिनः संज्ञिनो मनुष्या पूर्णा अपूर्णाश्च ॥ ५१९ ॥

सामान्यतीर्थकेवलिन उभयसमुद्घातगाश्च आहाराः ।

देवा अपि च पर्याप्ता इति जीवपदा हि एकचत्वारिंशत् ॥ ५२० ॥

**टीका** - नारकी सर्व पर्याप्त ही हैं बहुरि पृथ्वी अप तेज वायु साधारण वनस्पती ए वादर वा सूक्ष्म तिनकी दश अर प्रत्येक वनस्पती वेन्द्री, तेन्द्री, चौन्द्री असंज्ञी पंचेन्द्री अर संज्ञी पंचेन्द्री अर मनुष्य ऐसै सतरह पर्याप्त वा अपर्याप्त तिनके चौतीस भए । बहुरि सामान्य केवली तीर्थकर केवली अर समुद्घात कौ प्राप्त सामान्य केवली तीर्थकर केवली ए च्यारि अर आहारक अर देव ए छह पर्याप्त ही हैं ऐसै इकतालीस जीव पद हैं । तहां नामकर्म का बंधस्थाननि की विवक्षाकरि कर्मपद है जातै इन प्रकृतिरूप नाम कर्म का बंध हो है । उदय सत्त्व की विवक्षाकरि जीवपद हैं जातै इनका उदय सत्त्व जीव कें पाइए है । सोई कहिए है—

नरकगति नाम १ बहुरि पृथ्वीकाय स्थावर विशेषरूप वादर एकेन्द्री १ पृथ्वीकाय स्थावर विशेषरूप सूक्ष्म एकेन्द्री १ अपकाय स्थावर विशेषरूप वादर एकेन्द्री १ अपकाय स्थावर विशेषरूप सूक्ष्म एकेन्द्री १ तेजः काय स्थावर विशेषरूप वादर एकेन्द्री १ तेजः काय स्थावर विशेषरूप सूक्ष्म एकेन्द्री १ वायुकाय स्थावर विशेषरूप वादर एकेन्द्री १ वायुकाय स्थावर विशेषरूप सूक्ष्म एकेन्द्री १ साधारण स्थावर विशेषरूप वादर एकेन्द्री १ साधारण स्थावरविशेषरूप सूक्ष्म एकेन्द्री १ स्थावर वादर विशेषरूप प्रत्येक वनस्पती एकेन्द्री १ ए ग्यारह नाम कर्म एकेन्द्री जातिनामा नामकर्म एकेन्द्री के निमित्त तैं हैं । बहुरि त्रस विशेषरूप वेन्द्री १ त्रस विशेषरूप तेन्द्री १ त्रस विशेषरूप चौन्द्री १ त्रस विशेषरूप असंज्ञी पंचेन्द्री १ त्रस विशेषरूप संज्ञी पंचेन्द्री १ अर मनुष्यगति नाम १ ए सतरह पर्याप्त नामकर्म के विशेषकौ धरै पर्याप्त पद जानने, अपर्याप्त नाम विशेष धरै अपर्याप्त जानने । बहुरि च्यारि केवली केवल जीवपद ही हैं इनविषै कर्मपद नाहीं जातै केवलीपना जीव का स्वभाव है । बहुरि आहारपद भी जीवपद ही है जातै देवगतिविना और गति सहित आहारकका बंध नाहीं तातै देवगति विषै आहारकपदकौ गर्भित कीया बहुरि पर्याप्त विशेषरूप देवगति नाम । ऐसै नारक देवगति रूप दोय पद अर तिर्यच मनुष्यगति के चौतीस पद ऐसै मिलिकरि च्यारि केवली आहारक विना कर्मपद छतीस ही जानने अर जीवपद सर्व इकतालीस जानने ॥ ५१९-५२० ॥

**तेवीसं पणवीसं छव्वीसं अट्टवीसमुगतीसं ।**

**तीसेक्कतीसमेवं एक्को बंधो दुसेढिम्हि ॥ ५२१ ॥**

त्रयोविंशतिः पंचविंशतिः षड्विंशतिरष्टविंशमेकोनत्रिंशत् ।

त्रिंशदेकत्रिंशदेवमेको बंधो द्विश्रेण्यां ॥ ५२१ ॥

**टीका** - नामकर्म के बंधस्थान तेईस पचीस छवीस अठाईस गुणतीस तीस इकतीस एक प्रकृतिरूप आठ हैं तिन विषै आदि के सात स्थान अपूर्व करण के छठे भाग पर्यंत यथासंभव पाइए है । एक प्रकृतिरूप दोऊ श्रेणीनि विषै अपूर्वकरण के सातवें भाग के प्रथम समय तैं सूक्ष्मसांपराय के अंत समयपर्यंत बंधै हैं ॥ ५२१ ॥

ते बंधस्थान किस कर्म पद सहित बंधै हैं सो दो सूत्रनिकरि कहै हैं—

**ठाणमपुण्णेण जुदं पुण्णेण य उवरि पुण्णगेणेव ।**

**तावदुगाणणदरेणणदरेणामरणिरयाणं ॥ ५२२ ॥**

**णिरयेण विणा तिण्हं, एक्कदरेणेवमेव सुरगइणा ।**

**बंधंति विणा गइणा, जीवा तज्जोगपरिणामा ॥ ५२३ ॥ जुम्मं ॥**

स्थानमपूर्णेन युतं, पूर्णेन चोपरि पूर्णकेनैव ।

आतपद्विकयोरन्यतरेणान्यतरेणामरनिरययोः ॥ ५२२ ॥

निरयेन विना त्रयाणा, मेकतरेणैवमेव सुरगतिना ।

बंधंति विना गतिना, जीवास्तद्योग्यपरिणामाः ॥ ५२३ ॥ युग्मम् ॥

**टीका** - तेईस प्रकृतिरूपस्थान अपर्याप्त-प्रकृति सहित बंधै हैं । पचीसरूप स्थान पर्याप्त-प्रकृति सहित बंधै हैं, चकार तैं अपर्याप्त-प्रकृति सहित भी बंधै हैं । छब्बीस आदिक स्थान पर्याप्त-प्रकृति सहित ही बंधै हैं, तहां भी छब्बीसरूप स्थान आतप-उद्योत विषै एक कोई प्रकृति सहित बंधै हैं । अठाईस प्रकृतिरूप स्थान देवगति वा नरक गति विषै एक गति प्रकृति सहित बंधै हैं । गुणतीस रूप स्थान अर तीस रूप स्थान तिर्यच आदि तीन विषै एक गति-प्रकृति सहित बंधै हैं । इकतीस प्रकृतिरूप स्थान देवगति-प्रकृतिसहित बंधै हैं । एक प्रकृतिरूप स्थान किसी गति प्रकृति सहित नाही बंधै हैं ।

ऐसैं इन स्थाननि कौं जीव तींह-तींह स्थानयोग्य परिणामनि करि युक्त भए बांधै हैं ॥५२२-५२३ ॥

ते आतप-उद्योत प्रकृति प्रशस्त हैं, ते किस पद सहित बंधै हैं सो कहैं हैं—

**भूवादरपज्जत्तेणादावं बंधजोग्गमुज्जोवं ।**

**तेउतिगूणतिरिक्खप, सत्थाणं एयदरगेण ॥ ५२४ ॥**

भूवादरपर्याप्तेनातापो बंधयोग्य उद्योतः ।

तेस्त्रिकोनतिर्यक्, पशस्तानामेकतमेन ॥ ५२४ ॥

**टीका** - पृथ्वीकाय-बादरपर्याप्त सहित ही आतप-प्रकृति बंधयोग्य है, अन्य सहित बंधे नाही । बहुरि उद्योत-प्रकृति है, सो तेज, वायु, साधारण-वनस्पती संबंधी बादर-सूक्ष्म अन्य संबंधी सूक्ष्म ये अप्रशस्त हैं, तातैं इन-विना अवशेष तिर्यच संबंधी बादर-पर्याप्त आदि प्रशस्त-प्रकृतिनि विषैं किसी प्रकृति सहित बंध योग्य हैं, तातैं पृथ्वीकाय बादर-पर्याप्त सहित आतप, उद्योत विषैं एक प्रकृति संयुक्त छब्बीस-प्रकृति रूप बंध-स्थान हो हैं वा बादर-अष्कायिक-पर्याप्त, प्रत्येक-वनस्पती-पर्याप्त विषैं किसी करि सहित उद्योत-प्रकृतिसंयुक्त छब्बीस प्रकृतिरूप बंध-स्थान हो हैं ।

बहुरि वेद्री, तेंद्री, चौद्री, असंज्ञी-पंचेंद्री, संज्ञी-पंचेंद्री विषैं किसी एक प्रकृति करि सहित उद्योत-प्रकृति संयुक्त तीस प्रकृतिरूप बंधस्थान संभवै है ॥ ५२४ ॥

**णरगइणामरगइणा, तित्थं देवेण हारमुभयं च ।**

**संजदबंधद्वाणं, इदराहि गईहिं णत्थित्ति ॥ ५२५ ॥**

नरगतिनामरगतिना, तीर्थं देवेनाहारमुभयं च ।

संयतबंधस्थानमि, तराभिर्गतिभिर्नास्तीति ॥ ५२५ ॥

**टीका** - तीर्थकर, आहारक ए विशेष प्रशस्त-प्रकृति हैं, तातैं तीर्थकर-प्रकृति कौ देव-नारक-असंयत तौ मनुष्यगति सहित ही बांधै है अर मनुष्य-असंयतादि च्यारि-गुणस्थानवर्ती देवगति सहित ही बांधै है । बहुरि आहारक-द्विक वा तीर्थकर, आहारक दोऊ, देव-गति सहित ही बांधैं हैं, जातैं संयत के योग्य जो बंधस्थान, सो देवगति बिना अन्य गति सहित बंधै नाही है । सो इसही सूत्र करि ते देव, नारकी तो मनुष्यगति संयुक्त तीस-प्रकृतिरूप स्थान कौं अर मनुष्य हैं, ते देवगति संयुक्त गुणतीस-प्रकृतिरूप स्थान कौं तीर्थकर-सहित बांधै हैं ।

बहुरि अप्रमत्त, अपूर्वकरण का षष्ठम-भाग पर्यंत देवगति-संयुक्त आहारक-द्विक सहित तीस-प्रकृतिरूप स्थान कौं अर तीर्थकर, आहारक-द्विक सहित इकतीस-प्रकृतिरूप स्थान कौं बांधै हैं— ऐसा कह्या है ॥ ५२५ ॥

आगैं तेईस आदि स्थाननि विषैं प्रकृति जानने के अर्थि पाठ का अनुक्रम गाथा तीन करि कहैं हैं—

**णामस्स णवधुवाणि य, सरूणतसजुम्मगाणमेक्कदरं ।**

**गइजाइदेहसंठाणाणूणेक्कं च सामण्णा ॥ ५२६ ॥**

**तसबंधेण हि संहदि, अंगोवंगाणमेगदरंग तु ।**

**तप्पुण्णेण य सरगम, णाणं पुण एगदरंगं तु ॥ ५२७ ॥**

पुण्णेण समं सव्वेणुस्सासो णियमदो दु परघादो ।

जोगट्ठाणे तावं उज्जोवं तित्थमाहारं ॥ ५२८ ॥ विसेसयं ।

नाम्नो नव ध्रुवाश्च स्वरोनत्रसयुग्मकानामेकतमकं ।

गतिजातिदेहसंस्थानानूनामेका च सामान्याः ॥ ५२६ ॥

त्रसबंधे हि संहत्यंगोपांगानामेकतरकं तु ।

तत्पूर्णेन च स्वरगमनानां पुनः एकतरकं तु ॥ ५२७ ॥

पूर्णेन समं सर्वेणोच्छ्वासो नियमतस्तु परघातः ।

योगस्थाने आतप उद्योतः तीर्थमाहारः ॥ ५२८ ॥ विशेषकं ।

**टीका** - नामकर्म की तैजस १ कार्मण १ अगुरुलघु १ उपघात १ निर्माण १ वर्णादिक च्यारि ए नव तौ ध्रुवबंधी हैं इनका तो निरंतर सर्वजीवनि कै बंध है । बहुरि स्वर विना नव युग्म त्रस १ वादर १ पर्याप्त १ प्रत्येक १ स्थिर १ शुभ १ सुभग १ आदेय १ यशस्कीर्ति १ ऐसैं इनके प्रतिपक्षी स्थावरादिक तिनकरि संयुक्त नव युगल तिन एक एक युगल विषैं एक प्रकृति का बंध होइ ऐसैं नव प्रकृति ए भई बहुरि च्यारि गति पांच जाति तीन शरीर छह संस्थान च्यारि आनुपूर्वी इन विषैं एक-एक का बंध होइ ऐसैं पांच प्रकृति ए भई सर्व मिलि तेईस प्रकृति भई, सो ए तौ सामान्य हैं, इनका तो बंध सर्व कै हैं ।

बहुरि त्रसपर्याप्त वा अपर्याप्तनि विषैं एक किसी प्रकृति सहित छह-सहनन, तीन-अंगोपांगनि विषैं एक-एक का बंध योग्य है, अन्य सहित नाहीं । बहुरि त्रस-पर्याप्त सहित ही सुस्वर-दुःस्वर विषैं एक का वा प्रशस्त-अप्रशस्तविहायोगति विषैं एक का बंध-योग्य है, अन्य सहित नाहीं । बहुरि पर्याप्त सहित वर्तमान सर्व ही त्रस, स्थावर तिनकरि सहित उस्वास, परघात बंध योग्य है, अन्य सहित नाहीं है । बहुरि पूर्वगाथोक्त योग्य नामपद ही विषैं आतप, उद्योत, तीर्थकर, आहारक-द्विक बंध योग्य हैं ॥ ५२६-५२८ ॥

तित्थेणाहारदुगं, एक्कसराहेण बंधमेदीदि ।

पक्खित्ते ठाणाणं, पयडीणं होदि परिसंखा ॥ ५२९ ॥

तीर्थेनाहारद्विकमेकसराहेण बंधमेतीति ।

प्रक्षिप्ते स्थानानां, प्रकृतीनां भवति परिसंख्या ॥ ५२९ ॥

**टीका** - तीर्थकर सहित आहारक-द्विक है सो 'एकसराहेण' कहिए एक काल करि युगपत बंध कौ प्राप्त हो हैं ; तातैं पूर्वोक्त सामान्य तेईस का बंध कह्या, तिसविषैं यथायोग्य-प्रकृति मिलाएं स्थाननि की वा प्रकृतिनि की संख्या हो है ॥ ५२९ ॥

तिसही कौ दोय गाथानि करि कहैं हैं—

एयक्खअपज्जत्तं, इगिपज्जत्तबित्तिचपणरापज्जत्तं ।

एइंदियपज्जत्तं, सुरणिरयगईहिं संजुत्तं ॥ ५३० ॥

पज्जत्तगवित्तिचपमणु, सदेवगदिसंजुदाणि दोण्णिण पुणो ।

सुरगइजुदमगइजुदं, बंधट्टाणाणि णामस्स ॥ ५३१ ॥ जुम्मं ॥

एकाक्षपर्याप्त, मेकपर्याप्तं द्वित्रिचपनरापर्याप्तं ।

एकेन्द्रियपर्याप्तं, सुरनिरयगतिभ्यां संयुक्तं ॥ ५३० ॥

पर्याप्तकद्वित्रिचपं, मानुषदेवगतिसंयुते द्वे पुनः ।

सुगतियुतमगतियुतं, बंधस्थानानि नाम्नः ॥ ५३१ ॥ युग्मम् ॥

टीका - नामकर्म के एक-जीव कै एकसमय विषै बंध संभवै, असै बंधस्थान कहिए है— तहां पूर्वोक्त नव-ध्रुवबंधी आदि आनुपूर्वी पर्यंत तेईस-प्रकृति, सो तिनविषै स्थावर, अपर्याप्त, तिर्यच-गति, एकेन्द्रिय-जाति संयुक्त जो बंध, सो एकेन्द्री-अपर्याप्तयुत तेईस का बंध-स्थान है २३ ए अ । बहुरि यामें अपर्याप्त-प्रकृति घटाई पर्याप्त, उस्वास, परघात ए तीन मिलाइए, तब

१

एकेन्द्री-पर्याप्त युत पचीस का बंध-स्थान हो है । बहुरि इन विषै स्थावर, पर्याप्त एकेन्द्रीजाति, उस्वास, परघात — इन पंचनि कौं घटाइ त्रस, अपर्याप्त, वेन्द्री-जाति, स्फाटकसंहनन, औदारिक-अंगोपांग ए पांच मिलाइए तब द्वीन्द्रिय-अपर्याप्तयुत पचीस का स्थान होइ ।

बहुरि इनविषै वेन्द्री-जाति घटाइ, तेंद्री-जाति मिलाइए, तब त्रीन्द्रिय-अपर्याप्त युत पचीस का स्थान होइ । बहुरि इनविषै तेंद्री-जाति घटाइ, चौंद्री-जाति मिलाइए, तब चतुरिन्द्रिय-अपर्याप्त युत पचीस का स्थान होइ है । बहुरि इनविषै चौंद्री-जाति घटाइ, पंचेन्द्री-जाति मिलाइए, तब पंचेन्द्रिय-अपर्याप्त युत पचीस का स्थान होइ । बहुरि इनविषै तिर्यच-गति घटाइ, मनुष्य-गति मिलाइए, तब मनुष्य-अपर्याप्त युत पचीस का स्थान होइ

ए प वि ति च पं म अ

१ १ १ १ १ १

असै ए पचीस-प्रकृतिरूप बंध-स्थान छह भए । बहुरि तिस मनुष्यगति युत पचीस का स्थान विषै त्रस, अपर्याप्त मनुष्यगति, पंचेन्द्री-जाति, सृपाटिका-संहनन, औदारिक-अंगोपांग— ए छह प्रकृति घटाइ, स्थावर, पर्याप्त, तिर्यच-गति, एकेन्द्री-जाति, उस्वास, परघात— ए छह अर आतप इन सातनि कौं मिलाएं, एकेन्द्री-पर्याप्त युत छब्बीस का बंधस्थान हो है । बहुरि इनविषै आतप घटाइ, उद्योत मिलाएं भी एकेन्द्री-पर्याप्त युत छब्बीस का ही बंधस्थान हो है ।

ए छब्बीस-प्रकृतिरूप दोय स्थान भए ।

अब अठाईस-प्रकृतिरूप कहै हैं—

नव-ध्रुवबंधी, त्रस, बादर, पर्याप्त, प्रत्येक, स्थिर-अस्थिर विषै एक, शुभ-अशुभ विषै एक, सुभग, आदेय, यशस्कीर्ति-अयशस्कीर्ति विषै एक, देवगति, पंचेद्री-जाति, वैक्रियिक-शरीर प्रथम-संस्थान, देव-गत्यानुपूर्वी, वैक्रियिक-अंगोपांग, सुस्वर, प्रशस्तविहायोगति, उस्वास, परघात— इन अठाईसरूप देवगति युत अठाईस का स्थान हो है ।

बहुरि नव-ध्रुवबंधी, त्रस, बादर, पर्याप्त, प्रत्येक, अस्थिर, अशुभ, दुर्भग, अनादेय, अयशस्कीर्ति, नरकगति, पंचेद्री-जाति, वैक्रियिक-शरीर, हुंड-संस्थान, नरकगत्यानुपूर्वी, वैक्रियिक-अंगोपांग, दुःस्वर, अप्रशस्तविहायोगति, उस्वास, परघात— इन रूप नरकगतियुत अठाईस का स्थान हो है ।

ए दोय अठाईस के बंधरूप स्थान भए ।

बहुरि नव-ध्रुवबंधी, त्रस, बादर, पर्याप्त, प्रत्येक, स्थिर-अस्थिर विषै एक, शुभ-अशुभ विषै एक, दुर्भग, अनादेय, यशस्कीर्ति-अयशस्कीर्ति विषै एक, तिर्यचगति, वेद्रीजाति, औदारिक-शरीर, हुंडस्थान, तिर्यच-गत्यानुपूर्वी, असंप्राप्तासृपाटिका-संहनन, औदारिक-अंगोपांग, दुःस्वर, अप्रशस्तविहायोगति, उस्वास, परघात— इन रूप द्वीन्द्रिय-पर्याप्त युत गुणतीस का स्थान हो है ।

बहुरि इनविषै वेद्री-जाति घटाइ, तेद्री-जाति मिलाएं, त्रीन्द्रिय-पर्याप्तयुत गुणतीस का स्थान होइ । बहुरि इन विषै तेद्री-जाति घटाइ चौद्री-जाति मिलाएं चतुरिन्द्रिय-पर्याप्त युत गुणतीस का स्थान हो है ।

बहुरि इनविषै चतुरिन्द्रिय-जाति घटाइ, पंचेन्द्रिय-जाति मिलाइए अर इहां स्थिर-अस्थिर, शुभ-अशुभ, सुभग-दुर्भग, आदेय-अनादेय, यशस्कीर्ति-अयशस्कीर्ति, छह-संस्थान, छह-संहनन, सुस्वर-दुःस्वर, प्रशस्त-अप्रशस्तविहायोगति इनविषै कोई एक-एक कोई प्रकृति ग्रहण कीजिये, तब पंचेन्द्रिय-पर्याप्त युत गुणतीस का स्थान हो है ।

बहुरि इनविषै तिर्यच-गति, तिर्यचगत्यानुपूर्वी घटाइ, मनुष्यगति अर मनुष्यगत्यानुपूर्वी मिलाएं पर्याप्त-मनुष्ययुत गुणतीस का स्थान हो है ।

बहुरि नव-ध्रुवबंधी, त्रस, बादर, पर्याप्त, प्रत्येक एक, स्थिर-अस्थिर विषै एक शुभ-अशुभ विषै एक, सुभग, आदेय, यशस्कीर्ति-अयशस्कीर्ति विषै एक, देवगति, पंचेद्री-जाति, वैक्रियिक-शरीर, प्रथम संस्थान, देवगत्यानुपूर्वी, वैक्रियिक-अंगोपांग, सुस्वर, प्रशस्तविहायोगति, उस्वास, परघात, तीर्थकर— इन रूप देव युत गुणतीस का स्थान हो है । याकौ असंयतादि च्यारि-गुणस्थानवर्ती मनुष्य ही बांधै हैं ।



असैँ गुणतीसरूप छह कहे ।

बहुरि द्वीन्द्रिय, त्रीन्द्रिय, चतुरिन्द्रिय, पंचेन्द्रिय-पर्याप्त युत गुणतीस के च्यारि कहे थे, तिनविषैँ उद्योत प्रकृति मिलाए, पर्याप्त द्वीन्द्रिय युत तीस का, पर्याप्त त्रीन्द्रिय युत तीस का, पर्याप्त-चतुरिन्द्रिय युत तीस का, पर्याप्त-पंचेन्द्रिय युत तीस का— ए च्यारि-बंध-स्थान हो है ।

बहुरि पर्याप्त- मनुष्य युत गुणतीस का विषैँ तीर्थकर-प्रकृति मिलाए असंयत देव-नारकी के बंध-योग्य मनुष्यगति युत तीस का स्थान हो है । विशेष इतना— जो इहां स्थिर-अस्थिर विषैँ, शुभ-अशुभ विषैँ, यशस्कीर्ति-अयशस्कीर्ति विषैँ, सुभग-दुर्भग विषैँ एक-एक कोई प्रकृतियुत स्थान जानना ।

बहुरि देवगति युत गुणतीस का स्थान विषैँ तीर्थकर-प्रकृति घटाइ, आहारक-द्विक मिलाइए, तब देव-गतियुत तीसका स्थान हो है, याकौँ अप्रमत्त-गुणस्थानवर्ती बांधैँ है ।

असैँ तीस-प्रकृतिरूप छह-स्थान भए । बहुरि देवगति-तीर्थयुत गुणतीस का स्थान विषैँ आहारकद्विक मिलाए, अप्रमत्त के बंध-योग्य देवगति युत इकतीस का स्थान हो है । असैँ अपूर्वकरण का छठा-भागपर्यंत बंध-योग्य इकतीस-प्रकृतिरूप एक-स्थान है । बहुरि एक यशस्कीर्ति-प्रकृतिरूप अपूर्वकरण के सातवें-भागतैँ सूक्ष्मसांपरायपर्यंत एक का स्थान है ।

असैँ नामकर्म के बंध-स्थान कहे ॥ ५३०-५३१ ॥

आगैँ इन नाम-कर्मनि के बंध-स्थाननि के भंग कहैँ हैं—

### नामकर्म के बंधस्थाननि का यंत्र

तेईस का स्थान १	१ एकेंद्री पर्याप्त उद्योत युत २६	तीस के स्थान ६
१ एकेंद्री अपर्याप्त युत २३	अठाईस के स्थान २	१ वेंद्री पर्याप्त उद्योत युत ३०
पचीस का स्थान ६	१ देवगति युत २८	१ तेंद्री पर्याप्त उद्योत युत ३०
१ एकेंद्री पर्याप्त युत २५	१ नरकगति युत २८	१ चौंद्री पर्याप्त उद्योत युत ३०
१ वेंद्री अपर्याप्त युत २५	गुणतीस के स्थान ६	१ पंचेंद्री पर्याप्त उद्योत युत ३०
१ तेंद्री अपर्याप्त युत २५	१ वेंद्री पर्याप्त युत २९	१ मनुष्य तीर्थ युत ३०
१ चौंद्री अपर्याप्त युत २५	१ तेंद्री पर्याप्त युत २९	१ देव आहारक युत ३०
१ पंचेंद्री अपर्याप्त युत २५	१ चौंद्री पर्याप्त युत २९	इकतीस का स्थान १
१ मनुष्य अपर्याप्त युत २५	१ पंचेंद्री पर्याप्त युत २९	१ देव, आहारक, तीर्थ युत ३१
छब्बीस के स्थान २	१ मनुष्य पर्याप्त युत २९	एक का स्थान १
१ एकेंद्री पर्याप्त आतप युत २६	१ देव तीर्थ युत २९	१ यशस्कीर्तिरूप १

संठाणे संहडणे, विहायजुम्मे य चरिमछज्जुमे ।

अविरुद्धेक्कदरादो, बंधट्टाणेसु भंगा हु ॥ ५३२ ॥

संस्थाने संहनने, विहायोयुग्मे च चरमषड्युग्मे ।

अविरुद्धे एकतरात्, बंधस्थानेषु भंगा हि ॥ ५३२ ॥

टीका — छह-संस्थान, छह-संहनन, विहायोगति-युगल, प्रत्येक, स्थिर, शुभ, सुभग, आदेय, यशस्कीर्ति अर इनके प्रति-पक्षीरूप छह-युगल इनविषैँ एक-एक का बंध पाइए, सो इनकौँ ऊपरि-ऊपरि स्थापन करि अविरुद्ध एक-एक का ग्रहण कीएं, प्रकृति के बदलने तैं भंग हो हैं । सो इन सबनि कौँ ६, ६, २, २, २, २, २, २ परस्पर गुणन कीएं छियालीससैँ आठ भंग हो हैं ।

जैसैं प्रथम-संस्थान सहित स्थान कह्या, पीछैं दूसरा सहित कह्या औसैं अक्ष संचार करि एक-एक प्रकृति बदलने तैं ए भंग हो हैं, औसा भावार्थ जानना ॥ ५३२ ॥

तत्थासत्थो णारयसव्वापुण्णेण होदि बंधो दु ।

एक्कदराभावादो, तत्थेक्को चेव भंगो दु ॥ ५३३ ॥

तत्राशस्तो नारक, सर्वापूर्णेन भवति बन्धस्तु ।

एकतराभावात्, तत्रैकश्चैव भंगस्तु ॥ ५३३ ॥

टीका — तिन प्रशस्त-अप्रशस्त-बंधरूप प्रकृतिनि विषैँ नरकगति सहित हुंड-संस्थान, अप्रशस्त-विहायोगति आदि एक-एक अप्रशस्त-प्रकृतिनि ही का बंध है । बहुरि त्रस-स्थावर सहित जो अपर्याप्त, तीहिं सहित दुर्भग, अनादेय आदि अप्रशस्त-प्रकृतिनि ही का बंध है, जातैं इनविषैँ बंध-योग्य एक प्रकृति का प्रतिपक्षी-प्रकृतिनि का बंध नाहीं, संस्थानादि विषैँ जाका बंध है, तिस एक-एक ही प्रकृति का बंध है, तातैं पूर्वेँ इकतालीस-पद कहे थे, तिनविषैँ नरक-गति सहित अठाईस का स्थान विषैँ अर एकेन्द्रिय युत ग्यारह-पदनि के अपर्याप्तयुत तेईस का स्थाननि विषैँ अर त्रस-सहित छह-पद, तिनके अपर्याप्त युत पचीस का स्थाननि विषैँ एक-एक ही भंग है ॥ ५३३ ॥

२३	२५
१	१

तत्थासत्थ एदि हु, साधारणथूलसव्वसुहुमाणं ।

पज्जत्तेण य थिरसुह, जुम्मेक्कदरं तु चदुभंगा ॥ ५३४ ॥

तत्राशस्ता एति हि, साधारणस्थूलसर्वसूक्ष्माणाम् ।

पर्याप्तेन च स्थिरशुभ, युग्मैकतरं तु चतुर्भगाः ॥ ५३४ ॥

टीका — तिन एकेन्द्रिय के ग्यारह भेदनि विषैँ साधारण-वनस्पती-वाटर-पर्याप्त अर सर्व सूक्ष्म-पर्याप्त-सहित पचीस का बंध-स्थान विषैँ भी तिन पूर्वोक्त-प्रकृतिनि विषैँ एक-एक अप्रशस्त

ही का बंध है । विशेष इतना-स्थिर-अस्थिर विषैँ कै स्थिर का बंध होइ, कै अस्थिर का होई । अर शुभ-अशुभ युगल विषैँ कै शुभ कै अशुभ का बंध होइ ; तातैँ इन दोऊ-युगलनि करि साधारण-वादर-वनस्पती-पर्याप्त सहित पचीस का स्थान विषैँ अर पृथ्वी, अप, तेज, वायु, साधारणनिका सूक्ष्म-पर्याप्त-सहित पचीस का स्थान पांच-स्थानकनि विषैँ च्यारि-च्यारि भंग जानने ॥ ५३४ ॥

**पृथ्वीआऊतेऊ, वाऊपत्तेयवियलसण्णीणं ।**

**सत्थेण असत्थं थिर, सुहजसजुम्मट्टभंगा हु ॥ ५३५ ॥**

पृथिव्यप्तेजोवायु, प्रत्येकविकलासंज्ञिनां ।

शस्तेनाशस्तं स्थिर, शुभयशोयुग्ममष्टभंगा हि ॥ ५३५ ॥

**टीका** — पृथ्वी, अप, तेज, वायु, प्रत्येक-वनस्पती, वेंद्री, तेंद्री, चौंद्री, असंज्ञी-पंचेंद्री इनके अविरोद्ध त्रस-वादर-पर्याप्तादिक यथासंभव तैँ भए पचीस, छब्बीस, गुणतीस, तीस के स्थाननि विषैँ दुर्भंग, अनादेयादिकनि का तो एक-एक अप्रशस्तहीनि का बंध है । अर स्थिर-अस्थिर, शुभ-अशुभ, यशः-अयशः— इन तीन युगलनि विषैँ एक-एक प्रशस्त वा अप्रशस्त किसी का बंध हो है ; तातैँ इन तीन युगलनि की प्रकृति बदलने तैँ आठ-आठ भंग हो है ।

पृथ्वीकाय-वादर-पर्याप्त युत पचीस का स्थान, आतपयुत वा उद्योत युत छब्बीस का स्थान, बहुरि अपकाय-वादर-पर्याप्त युत पचीस का स्थान, उद्योत सहित छब्बीस का स्थान, बहुरि तेज-कायिक-वादर-पर्याप्त युत पचीस का स्थान, बहुरि वायुकायिक-वादर-पर्याप्तयुत पचीस का स्थान, बहुरि प्रत्येक-वनस्पति-पर्याप्तयुत पचीस का स्थान अर उद्योतयुत छब्बीस का स्थान, बहुरि वेंद्री, तेंद्री, चौंद्री, असंज्ञी-पंचेंद्री-पर्याप्त-सहित गुणतीस, तीस के बंध-स्थान— तिनविषैँ आठ-आठ भंग हैं ॥ ५३५ ॥

अवशेष तिर्यच-पंचेंद्री पर्याप्तयुत संज्ञी-कर्म-पद विषैँ अर मनुष्यगति-पर्याप्तयुत मनुष्य-कर्मपद विषैँ गुणतीस अर तीस का स्थाननि विषैँ भंग कहने कौँ गुणस्थाननि विषैँ विभाग करैँ हैं—

**सण्णिणस्स मणुस्सस्स य, ओधेक्कदरं तु मिच्छभंगा हु ।**

**छादालसयं अट्ट य, बिदिये बत्तीससयभंगा ॥ ५३६ ॥**

संज्ञिनो मनुष्यस्य च, अधिकतरं तु मिथ्याभंगा हि ।

षट्चत्वारिंशच्छतमष्ट च, द्वितीये द्वात्रिंशच्छतभंगाः ॥ ५३६ ॥

**टीका** — तिर्यच-गति-पर्याप्त-युत संज्ञी का गुणतीस का स्थान अर उद्योत-युत तीस का स्थान विषैँ अर मनुष्य-गति-पर्याप्त युत गुणतीस का स्थान विषैँ सामान्य छह-संस्थान, छह-संहनन, विहायोगत्यादिक सात युगल । सो इन विषैँ एक-एक करि सर्व-प्रकृतिनि का बंध संभवैँ है ;

तातैं छह-संस्थानादिकनि कै एक-एक करि बदलने तैं पूर्वोक्त एक-एक स्थान विषैं छियालीससे आठ भंग हो है, ते ए मिथ्यादृष्टि विषैं ही हैं ।

बहुरि मनुष्य-गतियुत तीस का स्थान तीर्थकर सहित है, सो इसका बंध असंयत देव-नारकनि ही कै हैं ; तातैं मिथ्यादृष्टि कै बंध-स्थान भंगनि विषैं यहु न कह्या । बहुरि सासादन का उद्योत-रहित गुणतीस का स्थान विषैं अर उद्योत सहित तीस का स्थान विषैं पांच-संस्थान, पांच-संहनन, सात-युगलनि विषैं एक-एक करि बंध संभवै, सो इनकी एक-एक प्रकृति बदलने तैं बत्तीससै-बत्तीससै भंग हो हैं । सासादन का मनुष्य-गति पंचेंद्री-पर्याप्त युत गुणतीस का स्थान विषैं भी असैं ही बत्तीससै भंग हैं ॥ ५३६ ॥

**मिस्साविरदमणुस्स, ट्ठाणे मिच्छादिदेवजुदठाणे ।**

**सत्थं तु पमत्तंते, थिरसुहजसजुमगट्ठभंगा हु ॥ ५३७ ॥**

मिश्राविरतमनुष्य, स्थाने मिथ्यादिदेवयुतस्थाने ।

शस्तं तु प्रमत्तांते, स्थिरशुभयशोयुग्मकाष्टभंगा हि ॥ ५३७ ॥

**टीका** — देव-नारकी-मिश्र, असंयत-गुणस्थानवर्ती कै पर्याप्त-मनुष्यगतियुत गुणतीस का स्थान विषैं, बहुरि देव-नारकी-असंयत कै मनुष्यगति-पर्याप्त-तीर्थकर युत तीस का स्थान विषैं स्थिर-अस्थिर, शुभ-अशुभ, यश-अयश इन तीन जुगलनि विषैं तो कोऊ एक-एक प्रकृति का बंध है अर और संस्थानादिक विषैं एक-एक प्रशस्त-प्रकृति ही का बंध है दुर्भग दुःस्वर अनादेय, अप्रशस्त-विहायोगति आदि का बंध-व्युच्छेद सासादन विषैं ही भया तातैं तीन युगलनि की प्रकृति बदलने तैं एक-एक पूर्वोक्त-स्थान विषैं आठ-आठ भंग हैं ।

बहुरि तिर्यच-मनुष्य, मिश्र, असंयत-गुणस्थानवर्ती के तिर्यच-मनुष्य विषैं मनुष्यगति का बंध-व्युच्छेद सासादन ही विषैं भया ; तातैं ते पूर्वोक्त दोऊ-स्थान न कहे । बहुरि मिथ्यादृष्ट्यादि असंयतपर्यंत जीवनि के देवगति संयुक्त अट्ठाईस का स्थान विषैं अर असंयत-जीव कै देवगति, तीर्थकरयुत गुणतीस का स्थान विषैं अर देश-संयत, प्रमत्त-जीव कै देव गतियुत अट्ठाईस का स्थान अर देवगति-तीर्थकर युत गुणतीस का स्थान विषैं प्रशस्तनि ही का बंध है, तथापि अस्थिर, अशुभ, अयशस्कीर्ति इनका प्रमत्त पर्यंत बंध है ; तातैं तीन-युगलनि तैं इन स्थाननि विषैं आठ-आठ भंग संभवै हैं । बहुरि अप्रमत्त अपूर्वकरण के देवगति युत अट्ठाईस का तीर्थकर युत गुणतीस का तीर्थकर रहित आहाराकद्विक युत तीस का तीर्थकर, आहाराक-द्विक युत इकतीस का— इन च्यारयों स्थाननि विषैं प्रतिपक्षी अप्रशस्त-प्रकृतिनि का बंध नाहीं ; तातैं एक-एक ही भंग संभवै हैं । बहुरि अपूर्वकरण का अंतभाग का प्रथम-समय तैं लगाय सूक्ष्मसांपराय का अंतसमय पर्यंत यशस्कीर्ति बंधरूप एक ही का स्थान विषैं एक ही भंग है ॥ ५३७ ॥

आगैं पर्याय कौ छोड़ना या पर्याय विषैं उपजना तिनकाँ कहै हैं—

**णेरयियाणं गमणं, सण्णीपज्जत्तकम्मतिरियणरे ।**

**चरिमचऊतित्थूणे, तेरिच्छे चैव सत्तमिया ॥ ५३८ ॥**

नैरयिकाणां गमनं, संज्ञिपर्याप्तकर्मतिर्यग्नेरे ।

चरमचतुष्कतीर्थोनि, तिरिश्चि चैव सप्तमिकाः ॥ ५३८ ॥

**टीका** - गमन कहिये मरिकरि उपजना सो नारकी धर्मादि तीन-पृथ्वी वालेनि कै तौ गर्भज-पंचेंद्री-पर्याप्त-सैनी-कर्मभूमियां तिर्यच वा मनुष्यनि विषै ही गमन हैं, जातैं अर्धचक्री, सकलचक्री, बलभद्र विना पंद्रह-कर्मभूमि के तिर्यच, मनुष्यनि विषै अर लवणोद-कालोद समुद्र वा स्वयंप्रभाचल पर्वत परैं आधा स्वयंभूरमण-द्वीप विषै वा सर्व स्वयंभूरमण-समुद्र विषै अर स्वयंभूरमण-समुद्र के परैं च्यारयो कूणां, जातैं त्रस-नाली चौकोर है, स्वयंभूरमण समुद्र गोल है ; तातैं तिन च्यारयो कूणानि विषै भी पंचेंद्री तिर्यच हैं, सो इनविषै आदि के तीन नरक तैं निकसि जीव हैं, सो जलचर-स्थलचर-नभचर तिर्यच विषै उपजैं हैं ।

बहुरि तीस भोगभूमि, छिनवै-कुभोगभूमि के तिर्यच-मनुष्य विषै वा मानुषोत्तर अर स्वयंप्रभाचल के बीच जघन्य-भोगभूमि असंख्याते-द्वीप-समुद्रनि विषै हैं, तहां के तिर्यचनि विषै नाहीं उपजैं हैं ।

बहुरि अंजना-पृथ्वीवाले तीर्थकर बिना अर अरिष्ठावाले चरम-शरीरी विना अर मघवीवाले सकल-संयमी विना पूर्वोक्त तिर्यच वा मनुष्यनि विषै उपजैं हैं । बहुरि माधवीवाले देश-संयत, असंयत, मिश्र, सासादन विना पूर्वोक्त मिथ्यादृष्टि-तिर्यचनि विषै ही उपजैं हैं, जातैं तिर्यच बिना अन्य-आयु का इनकैं बंध नाहीं ॥ ५३८ ॥

**तत्थतणऽविरदसम्मो, मिस्सो मणुवदुगमुच्चयं णियमा ।**

**बंधदि गुणपडिवण्णा, मरंति मिच्छेव तत्थ भवा ॥ ५३९ ॥**

तत्रतनोऽविरतसम्यक्, मिश्रो मानवद्विकमुच्चकं नियमात् ।

बध्नाति गुणप्रतिपन्ना, प्रियंते मिथ्ये एव तत्र भवाः ॥ ५३९ ॥

**टीका** - 'तत्रतनः' कहिए सातवां माधवी-नरक विषै उपज्या जीव असंयत-सम्यग्दृष्टी अर मिश्र-गुणस्थानवर्ती सो, अपने-अपने गुणस्थान विषै मनुष्य-गति वा आनुपूर्वी अर उच्चगोत्र इनकौं नियम करि बांधै है । बहुरि तहां के उपजे सासादन, मिश्र, असंयत-गुणस्थान कौं प्राप्त भए जीव, ते जिस काल मरैं, तिसकाल मिथ्यादृष्टि-गुणस्थान विषै प्राप्त होइ करि ही मरैं हैं ॥ ५३९ ॥

**तेउदुगं तेरिच्छे, सेसेगअपुण्णविलयगा य तहा ।**

**तित्थूणणरेवि तहाऽसण्णी घम्मे य देवदुगे ॥ ५४० ॥**

तेजोद्विकं तिरश्चि, शेषैकापूर्णविकलकाश्च तथा ।

तीर्थोन्नरेऽपि तथा, असंज्ञी धर्मे च देवद्विके ॥ ५४० ॥

**टीका** — तिर्यचगति विषै वादर वा सूक्ष्म पर्याप्त वा अपर्याप्त जे तेजस्कायिक वा वातकायिक जीव हैं, ते मरि करि तिर्यच-गति ही विषै नियम तैं उपजै हैं, जातैं सर्व भोग-भूमिया पंचेंद्री विना अन्य सर्वत्रिलोकवर्ती वादर-सूक्ष्म, पर्याप्त-अपर्याप्त पृथ्वी, अप, तेज, वायु, साधारण, पर्याप्त-अपर्याप्त-प्रतिष्ठित, अप्रतिष्ठित प्रत्येक, वेंद्री, तेंद्री, चौंद्री, सैनी-असैनी पंचेंद्री— इन सर्वतिर्यचनि विषै तेजकाय, वायुकाय के जीव उपजै हैं ।

बहुरि अवशेष वादर वा सूक्ष्म पर्याप्त वा अपर्याप्त पृथ्वीकायिक वा अप्कायिक, बहुरि नित्य-निगोदिया, चतुर्गति-निगोदिया पर्याप्त वा अपर्याप्त, बहुरि प्रतिष्ठित वा अप्रतिष्ठित-प्रत्येक, अपर्याप्त वा पर्याप्त बहुरि वेंद्री, तेंद्री, चौंद्री— इतने जीव मरि करि तेज वायु-वत् तिर्यचनि विषै अर तरेसठि-शलाका पुरुष बिना मनुष्यनि विषै उपजै हैं ।

इतना विशेष-जो नित्य-चतुर्गति सूक्ष्म-निगोद तैं आए मनुष्य सम्यक्त्व वा देश-संयम को ग्रहैं हैं अर सकल-संयम को न ग्रहैं अर असंज्ञी-पंचेंद्री हैं, सो पृथ्वीकायिकवत् तिर्यच, मनुष्यनि विषै वा प्रथम-नरक विषै वा भवनवासी, व्यंतरदेवनि विषै उपजै हैं । बहुरि अन्य देव, नारकीनि विषै उपजै नाहीं हैं, जातैं असंज्ञी कै आयु का उत्कृष्ट स्थिति-बंध पत्य के असंख्यातवें भाग प्रमाण ही है ॥ ५४० ॥

सण्णीवि तहा सेसे, णिरये भोगेवि अच्युदंतेवि ।

मणुवा जंति चउग्गदि, परियंतं सिद्धिठाणं च ॥ ५४१ ॥

संज्ञी अपि तथा शेषे, निरये भोगेऽपि अच्युतांतेऽपि ।

मानवा यांति चतुर्गति, पर्यंतं सिद्धिस्थानं च ॥ ५४१ ॥

**टीका** — बहुरि संज्ञी-तिर्यच भी असंज्ञी-पंचेंद्रीवत् सबनि विषै अर सर्व नारकीनि विषै वा सर्व भोग-भूमियांनि विषै वा अच्युत-स्वर्गपर्यंत सर्व देवनि विषै उपजै हैं । बहुरि कर्मभूमिया-पर्याप्त मनुष्य हैं, ते संज्ञीवत् सर्व जीवनि विषै वा कल्पातीत-अहमिंद्र-देवनि विषै उपजै हैं । बहुरि अपर्याप्त-मनुष्य हैं, ते कर्मभूमिया-तिर्यचनि विषै वा तीर्थकरादि विशेष पद रहित सामान्य-मनुष्यनि विषै उपजै हैं ।

बहुरि तीस-भोगभूमि के तिर्यच वा मनुष्य अर असंख्यात-द्वीप-समुद्र संबंधी जघन्य, तिर्यच संबंधी भोगभूमि के तिर्यच ते सम्यग्दृष्टी तो सौधर्म-ईशान विषै उपजै हैं अर तेई मिथ्यादृष्टी-सासादन अर कुभोगभूमिया मनुष्य ते भवनत्रिक-देवनि विषै उपजै हैं । बहुरि चरम-शरीरी मनुष्य हैं, ते स्वात्मोपलब्धिरूप सिद्धिस्थान कौं प्राप्त हो हैं ॥ ५४१ ॥

आहारगा दु देवे, देवाणं सण्णिकम्मतिरियणरे ।

पत्तेयपुढविआऊ, बादरपज्जत्तगे गमणं ॥ ५४२ ॥

भवणतियाणं एवं, तित्थूणणरेसु चैव उप्पत्ती ।

ईसाणंताणेगे, सदरदुगंताण सण्णीसु ॥ ५४३ ॥ जुम्मं

आहारकास्तु देवे, देवानां संज्ञिकर्मतिर्यग्गरे ।

प्रत्येकपृथिव्यव्वादरपर्याप्तके गमनं ॥ ५४२ ॥

भवनत्रिकाणामेवं, तीर्थोन्नरेषु चैवोत्पत्तिः ।

ईशानान्तयोरेकस्मिन्, शतारद्विकांतानां संज्ञिषु ॥ ५४३ ॥ युगमम्

**टीका** - आहारक देह सहित मरे प्रमत्त-संयमी, तिनका गमन वैमानिक-देवनि विषै ही हैं । बहुरि देव सर्वार्थ-सिद्धि पर्यंतनि का पंद्रह-कर्मभूमि के मनुष्यनि विषै ही गमन हैं, अन्यत्र नाही । बहुरि सहस्रार पर्यंत देवनि का तिन मनुष्यनि विषै वा पंद्रह-कर्मभूमि लवणोद, कालोद समुद्र स्वयंभूरमण द्वीप का अपरार्थ स्वयंभूरमण-समुद्रवर्ती संज्ञी-पर्याप्त जलचर, स्थलचर, नभचर तिर्यचनि विषै उपजना है ।

बहुरि ईशान पर्यंत देवनि का तिन पूर्वोक्त मनुष्य, तिर्यचनि विषै वा वादर-पर्याप्त पृथ्वी, अप, प्रत्येक-वनस्पतीरूप एकेंद्रिय विषै भी उपजै हैं । बहुरि भवनत्रिक-देवनि का भी सौधर्म-ईशानवत् ही उपजना है । विशेष इतना-जो मनुष्यनि विषै तीर्थकरादिक तरेसठि-शलाका-पुरुषनि विषै ते नाही उपजै हैं ॥ ५४२-५४३ ॥

असै च्यारयों गति के जीवनि का च्यवन-उत्पत्ति कौं संक्षेपता करि कहि, आगै तिन नामकर्म के बंध-स्थाननि कौं चौदह-मार्गणानि विषै आठ-गाथानि करि कहै हैं—

णामस्स बंधठाणा, णिरयादिसु णवयवीस तीसमदो ।

आदिमछक्कं सव्वं, पणछण्णववीस तीसं च ॥ ५४४ ॥

नाम्नः बंधस्थानानि, निरयादिषु नवकविशं त्रिंशदतः ।

आदिमषट्कं सर्वं, पंचषट्नवविशं त्रिंशच्च ॥ ५४४ ॥

**टीका** - नामकर्म के बंधस्थान नरकादि-गति विषै क्रम तै नरकगति विषै तौ गुणतीस, तीस के दोय स्थान बांधै हैं । तहां पंचेद्री-पर्याप्त-तिर्यच-गति युत अर मनुष्य-गतियुत गुणतीस के स्थान कौं तौ मघवी पर्यंत बांधै हैं अर पंचेद्री-पर्याप्त-तिर्यच-गति युत गुणतीस का वा उद्योत युत तीस का स्थान कौं माघवी पर्यंत बांधै हैं अर पर्याप्त-मनुष्य-गति-तीर्थकर सहित तीस के स्थान कौं मेघा-पृथ्वी पर्यंत ही बांधै है ।

बहुरि मार्गणानि विषै गुणस्थान विवक्षाकरि तिन स्थाननि का लगावना सुगम है, जातै गति, इंद्री, पर्याप्तादिक के विशेषस्थान २ प्रति कहे हैं । तहां नारकी-मिथ्यादृष्टि वा सासादन सो तिर्यच-गति युक्त वा मनुष्य-गति युक्त गुणतीस के स्थान कौं बांधै है । सम्यग्मिथ्यादृष्टी

मनुष्य-गतियुक्त गुणतीस कौं ही बांधै हैं, जातैं तिर्यच-गतिद्विक अर उद्योत का बंध-व्युच्छेद सासादन विषैं ही भया है । बहुरि असंयत-मनुष्य-गति युत गुणतीस के स्थान कौं वा आदि के तीन नरकनि विषैं मनुष्यगति-पर्याप्त-तीर्थकर सहित तीस के स्थान कौं बांधै है ।

बहुरि तिर्यच-गति विषैं आदि के छह-स्थान हैं, तहां स्थावर-वादर-अपर्याप्त-एकेन्द्री सहित वा स्थावर-सूक्ष्म-अपर्याप्त-तिर्यचगति एकेन्द्री सहित तेईस के स्थान कौं बांधै हैं । बहुरि एकेन्द्री-वादर-पर्याप्त सहित वा एकेन्द्री-सूक्ष्म-पर्याप्त सहित वा त्रस-अपर्याप्त वेंद्री वा तेंद्री वा चौंद्री वा पंचेंद्री-जाति तिर्यचगति सहित वा त्रस-अपर्याप्त-मनुष्यगति सहित पचीस के स्थान कौं बांधै हैं ।

बहुरि पृथ्वीकाय विशेषरूप वादर-एकेन्द्री-जाति-आतप-तिर्यच-गति सहित वा तेजकाय, वातकाय, साधारण विना अन्य एकेन्द्री वादर-अपर्याप्त-उद्योत-तिर्यच-गति सहित छवीस के स्थान कौं बांधै है । बहुरि त्रस-पर्याप्त-नरकगति सहित वा त्रस-पर्याप्त-देवगति सहित अठाईस के स्थान कौं बांधै हैं । बहुरि त्रस-पर्याप्त वेंद्री वा तेंद्री वा चौंद्री वा पंचेंद्री तिर्यच-गति सहित वा त्रस-पर्याप्त-मनुष्य-गति सहित गुणतीस के स्थान कौं बांधै है । बहुरि त्रस-वादर-पर्याप्त-वेंद्री वा तेंद्री वा चौंद्री वा पंचेंद्री-तिर्यचगति उद्योत सहित तीस के स्थान कौं बांधै हैं ।

ऐसैं छह स्थान हैं ।

बहुरि लब्धि-अपर्याप्त तिर्यच हैं, सो अठाईस के विना पांच ही स्थाननि कौं बांधै हैं । बहुरि मनुष्यगति विषैं सर्व ही स्थाननि कौं बांधै है । बहुरि देवगति विषैं पचीस, छवीस, गुणतीस, तीस के च्यारि-स्थाननि कौं बांधै हैं ॥ ५४४ ॥

**पंचक्वत्रसे सव्वं, अडवीसूणादिछक्कयं सेसे ।**

**चउमणवयणोराले, सड देवं वा विगुव्वदुगे ॥ ५४५ ॥**

पंचाक्षत्रसे सर्व, मष्टविंशोनादिषट्कं शेषे ।

चतुर्मनोवचनौराले, सर्व देवं वा वैगूर्वद्विके ॥ ५४५ ॥

**टीका** — इंद्रिय-मार्गणा विषैं तौ पंचेन्द्रिय विषैं अर काय-मार्गणा विषैं त्रस विषैं तौ सर्व बंध-स्थान हैं । बहुरि अवशेष एकेन्द्रियादिक च्यारि विषैं अर पृथ्वीकायादिक पांच विषैं आदि के छह-स्थानकनि विषैं अठाईस का विना पांच-पांच स्थान जानने । बहुरि च्यारि मनोयोग, च्यारि वचन-योग, औदारिक-काय-योग— इनविषैं तो सर्व बंध-स्थान हैं । बहुरि वैक्रियिक, वैक्रियिकमिश्र विषैं देवगतिवत् च्यारि स्थान हैं ॥ ५४५ ॥

**अडवीसदु हारदुगे, सेसदुजोगेसु छक्कमादिल्लं ।**

**वेदकसाये सव्वं, पढमिल्लं छक्कमण्णाणे ॥ ५४६ ॥**



अष्टविंशद्विकमाहारद्विके, शेषद्वियोगयोः षट्कमाद्विमं ।

वेदकषाये सर्व, प्राथमिकं षट्कमज्ञाने ॥ ५४६ ॥

**टीका** - आहारक, आहारकमिश्र योग विषै अठाईस, गुणतीस के दोय स्थान हैं । शेष कार्माण, औदारिकमिश्र विषै आदि के छह-स्थान हैं । इहां देवगति, आहारक-द्विक सहित स्थान न संभवै हैं, जातैं इसका बंध अप्रमत्त, अपूर्वकरण विषै ही संभवै हैं । बहुरि कार्माण वा औदारिकमिश्र सहित तिर्यच वा मनुष्य मिथ्यादृष्टि विषै अठाईस का बंध नाही, जातैं 'कम्मे उरालमिस्सं' इस सूत्र करि देवद्विक, नरकद्विक का तहां बंध का अभाव है ।

बहुरि कार्माण-योग सहित तिर्यच-मनुष्य सासादन विषै सर्व एकेन्द्री-वादर सूक्ष्म-पर्याप्त-अपर्याप्त सहित तेईस, पचीस, छवीस का अर नरकगति-देवगति संयुक्त अठाईस अर विकलत्रय संयुक्त गुणतीस, तीस का— इन विना अवशेष तिर्यच-पंचेन्द्री वा मनुष्यगति संयुक्त गुणतीस वा तीस के दोय बंध-स्थान हैं । इहां 'मिच्छुदुगे देवचऊ तित्थं णहि' इस वचन करि देवगतियुत अठाईस के स्थान का अभाव जानना । बहुरि कार्माण सहित तिर्यच-मनुष्य असंयत विषै देवगति युत अठाईस का स्थान अर कार्माण सहित मनुष्य-असंयत विषै देवगति, तीर्थ सहित गुणतीस का भी स्थान जानना ।

बहुरि तीनों वेदनि विषै अर च्यारयों क्रोधादिक-कषायनि विषै सर्व बंध-स्थान हैं, तहां विशेष कहिए हैं—

नपुंसक-वेद विषै गुणतीस, तीस के दोय-स्थान, आदि के तीन नरकनि विषै जानने । बहुरि नपुंसक-वेद सहित तिर्यचगति विषै एकेन्द्री-वादर-सूक्ष्म-अपर्याप्त युत तेईस का, एकेन्द्री-वादर-सूक्ष्म-पर्याप्त युत पचीस का, त्रस-अपर्याप्त-वेद्री, तेंद्री, चौंद्री, पंचेन्द्री-तिर्यच मनुष्य-गति युत पचीस का, एकेन्द्री-वादर-पर्याप्त-आतप वा उद्योत युत छवीस का तिर्यच वा मनुष्य-गति पर्याप्त युत गुणतीस का, तिर्यच-गति-पर्याप्त उद्योतयुत तीस का अर तिर्यच-पंचेन्द्री-नपुंसक-वेदी विषै नरक-देव युत अठाईस का भी स्थान पाइए है । बहुरि तिर्यच-स्त्रीवेदी पुरुष-वेदी विषै छह-स्थान जानने ।

बहुरि मनुष्य-लब्ध्यपर्याप्तक नपुंसकवेदी विषै, एकेन्द्री-विकलत्रय विषै जे कहे, ते पंच-स्थान जानने । बहुरि पर्याप्त-मनुष्य द्रव्य नपुंसक, स्त्री, पुरुष वेदी ते पुरुष, स्त्री, नपुंसक-वेद के उदय करि भाव पुरुष, स्त्री, नपुंसकवेदी हो हैं, तीर्थकर, देव विना । तहां भाव-नपुंसक, स्त्री, पुरुष वेद विषै गुणस्थान अपना-अपना सवेद-अनिवृत्तिकरणपर्यंत जानने । तहां नव-नव बंध-स्थान वेदनि विषै जानने ।

**विशेष इतना**— जो क्षपकश्रेणीवाला नपुंसक, स्त्रीवेदी विषै देवगति तीर्थयुत गुणतीस का वा इकतीस का स्थान न पाइए है, जातैं केई चरम-शरीरीनि कै तहां क्षपकश्रेणी विषै तीर्थकर का बंध संभवै भी है, तथापि ते जीव क्षपक-श्रेणी विषै पुरुष-वेद का उदय सहित ही चढै हैं ।

बहुरि तीर्थकर-बंध का प्रारंभ चरम-शरीरीनि कै असंयत, देशसंयत गुणस्थान विषै होई तौ तिनकै तपकल्याण आदि तीन ही कल्याण होई अर प्रमत्त, अप्रमत्त विषै होइ, तो ज्ञान, निर्वाण ये दो ही कल्याण होइ अर जो पूर्वभव विषै ही तीर्थकर का बंध प्रारंभ किया होइ, तौ ताकै गर्भावतरण आदि पांचों-कल्याण होइ, अइसा विशेष जानना ।

बहुरि कषाय-मार्गणा विषै क्रोधादिकनि कै अनंतानुबंधी आदि भेद करि च्यारि भेद हो हैं, तथापि जाति का आश्रय करि एकत्वपना ही ग्रह्या है, जातैं इहां शक्ति की प्रधानता करि भेद कहने की इच्छा नाही हैं । सोई कहिए है—

बारहकषायनि के स्पर्धक तौ सर्वघाती ही हैं, ते देशघाती नाही हैं अर संज्वलन के स्पर्धक-सर्वघाती वा देशघाती दोऊ हैं ; तातैं अनंतानुबंधी क्रोध, मान, माया, लोभ विषै एक का उदय होत संतैं अप्रत्याख्यानादिक तीनों का भी उदय है ही, जातैं अनंतानुबंधी का उदय सहित औरनि का उदय कै भी सम्यक्त्व, संयम-गुण का घातकपणा है । बहुरि तैसैं ही अप्रत्याख्यान-क्रोधादिक विषै एक का उदय होतैं प्रत्याख्यानादिक दोय का भी उदय है ही, जातैं अप्रत्याख्यान का उदय की साथि तिन दोऊनि का उदय भी देश-संयम कौं घातै है । बहुरि प्रत्याख्यान-क्रोधादिक विषै एक का उदय होतैं संज्वलन का भी उदय है ही, जातैं प्रत्याख्यानवत् संज्वलन भी सकल-संयम कौं घातै है । बहुरि केवल संज्वलन कौं उदय होतौ, प्रत्याख्यानादिक तीन का उदय नाही हो है, जातैं और कषायनि के स्पर्धक सकल-संयम के विरोधी हैं ।

बहुरि केवल प्रत्याख्यान, संज्वलन का भी उदय होतैं, शेष दो कषायनि का उदय नाही है, जातैं अवशेष कषायनि के स्पर्धक देश, सकल-संयम कौं घातैं हैं । बहुरि केवल-अप्रत्याख्यानादिक तीन का उदय होतैं, अनंतानुबंधीनि का उदय नाही हैं, जातैं अनंतानुबंधी के स्पर्धक सम्यक्त्व, देशसंयम, सकल-संयम को घातै हैं ।

या प्रकार अनंतानुबंधीनि के अर तिसके उदय की साथि अप्रत्याख्यानादिकनि कै चारित्रमोहपणां कौं होत संतैं भी सम्यक्त्व, संयम का घातकपणा कह्या । बहुरि अनंतानुबंधी का उदयरहित अप्रत्याख्यानादिनि के उदय हैं, ते देशसंयम कौं घातैं हैं । बहुरि अप्रत्याख्यान का उदयरहित प्रत्याख्यान, संज्वलन का उदय है, सो सकल-संयम कौं घातै है । बहुरि प्रत्याख्यान का उदय रहित केवल संज्वलन-देशघातियानि का उदय यथाख्यात कौं घातै हैं ।

असै शक्ति-साधारण विवक्षा करि सोलह-कषायनि के क्रोधादिक भेद करि च्यारि-कषाय ही अंगीकार कीए हैं तीह कारण करि सम्यक्त्व देशसंयम, सकल-संयमनि का असंयत, देशसंयत, प्रमत्तादिक विषै उपजना कह्या है ।

इहां प्रश्न— जो अनंतानुबंधी की शक्ति करि और कषायनि की शक्ति कैसैं समान हो है ? ताका उत्तर—

## आवरणदेसघादंतरायसंजलणपुरिससत्तरसं ।

चउविहे भावपरिणदा तिविहा भावा हु सेसाणं ॥ १८२ ॥ गो. कर्म.

देशघाती च्यारि ज्ञानावरण, तीन दर्शनावरण अर पंच अंतराय, च्यारि संज्वलन, पुरुषवेद— ए सतरह-प्रकृति तौ च्यारि प्रकारकरि अनुभागरूप परिणमै हैं । बहुरि अवशेष मिश्र-मोहनी बिना केवलज्ञानावरणादिक सर्व घातिया वीस, नोकषाय आठ, अघातिया-पिचहत्तरि— ए तीनप्रकार अनुभागरूप परिणमै हैं । सो अनुभाग-बंध का कथन विषैं पूर्वे कथन कीया है; तातैं अनुभाग-शक्ति के विशेष तैं अनंतानुबंधीवत् अन्यकषायनि कै भी सम्यक्त्वादिक का घात करने तैं सादृश्यपना संभवै है ।

सो मिथ्यात्व सहित उदय होय कषाय ते सम्यक्त्व कौं घातै हैं । अनंतानुबंधी सहित उदय होइ ते सम्यक्त्व-संयम कौं घातै हैं । अप्रत्याख्यान सहित उदय होइ ते देशसंयम, सकल-संयम कौं घातै है, प्रत्याख्यान सहित उदय होइ ते सकल संयम कौं घातै हैं । संज्वलन के देशघाती-स्पर्धकनि का उदय है, सो यथाख्यात कौं घातै हैं— अैसें बारह कषाय अर सर्वघाती-संज्वलन के स्पर्धकनि विषैं कोई प्रकारकरि भेद है, तथापि शक्ति की समानता तैं समान कार्य कौं करै है ; तातैं इहां अनंतानुबंधी आदि भेद न कहे । क्रोधादिक च्यारि-कषाय ही कहे ।

तहां क्रोध विषैं नामकर्म के बंधस्थान नारक विषैं तो गुणतीस, तीस के दोय, तिर्यचगति विषैं आदि के छह, मनुष्यनि विषैं सर्व, देव विषैं देवगतिवत् च्यारि हैं । अैसें ही मान, माया लोभ विषैं भी जानने ।

बहुरि ज्ञानमार्गणा विषैं तीन कुज्ञाननि विषैं आदि के छह, तहां नारकीनि कै ज्ञाननि विषैं तौ तिर्यचगति, मनुष्यगति पर्याप्त सहित गुणतीस अर उद्योत सहित तीस के दोय हैं । अर एकेन्द्री, विकलेन्द्री कौं कुमति, कुश्रुत विषैं नरकगति-देवगति संयुक्त अठाईस का बिना योग्य तिर्यच, मनुष्ययुत तेईस कानै आदि देकरि पंच हैं । बहुरि पंचेन्द्री-तिर्यच-मनुष्य-अपर्याप्त का कुमति, कुश्रुत सहित मिथ्यादृष्टि विषैं भी तेई पांच हैं । बहुरि कुज्ञान तीन सहित मिथ्यादृष्टि, सासादनवर्ती पर्याप्त-पंचेन्द्री तिर्यच-मनुष्यविषैं यथायोग्य चतुर्गतियुत छह स्थान हैं ।

बहुरि भवनत्रिक सौधर्मद्विक विषैं तिर्यच-गति सहित यथायोग्य पचीस, छवीस, गुणतीस, तीस के अर मनुष्यगतियुत गुणतीस का— ए पांच हैं । बहुरि सनत्कुमारादि सहस्रारपर्यंत विषैं संज्ञी-पंचेन्द्री-पर्याप्त-तिर्यच-मनुष्यगति सहित गुणतीस का अर उद्योतसहित तीस का ये दोय हैं । बहुरि आनतादि नवग्रैवेयक पर्यंत विषैं मनुष्यगति सहित गुणतीस का ही है, जातैं 'तदो णत्थि सदर चऊ' इस वचन तैं तहां तिर्यग्गति युत स्थान का अभाव है ।

अैसें कुज्ञानवाले जीवनि की अपेक्षा तीन कुज्ञाननि विषैं छह-स्थान कहे हैं ॥ ५४६ ॥

सण्णाणे चरिमपणं, केवलजहखादसंजमे सुण्णं ।

सुदमिव संजमतिदए, परिहारे णत्थि चरिमपदं ॥ ५४७ ॥

सज्जाने चरमपंच, केवलयथाख्यातसंयमे शून्यं ।

श्रुतमिव संयमत्रितये, परिहारे नास्ति चरमपदं ॥ ५४७ ॥

**टीका** - मति, श्रुत, अवधि, मनःपर्याय ज्ञाननि विषैँ अठाईस के तैं लगाय पांच-स्थान पाइए हैं । जातैं इहां तेईसकानैं आदि देकरि तीन का अभाव है । तहां मतिज्ञानादिक तीन हैं, ते पर्याप्त-अपर्याप्त नारकी अर संज्ञी-तिर्यच अर मनुष्य-देव इनविषैँ पाइए । तहां नारकीनि विषैँ मनुष्यगतियुक्त गुणतीस का वा आदि तीन-पृथ्वी विषैँ मनुष्य-गति, तीर्थकर सहित तीस का - ए दोय स्थान हैं । सौंधर्मादिक देवनि विषैँ भी तेई दोन्यों स्थान हैं । भवनत्रिक विषैँ मनुष्यगति युक्त गुणतीस ही का है । बहुरि तिर्यच विषैँ देवगति सहित अठाईस ही का है । मनुष्य विषैँ देवगति सहित अठाईस वा देवगति, तीर्थकर सहित गुणतीस का है ।

असैं मतिज्ञानादिक तीन विषैँ कहे ।

मनःपर्यय सहित च्यारि ज्ञाननि विषैँ प्रमत्त विषैँ, तेई अठाईस, गुणतीस के दोय-स्थान हैं । बहुरि अप्रमत्त, अपूर्वकरण का षष्ठम-भाग पर्यंत ते दोऊ अर देवगति, आहारक-द्विकयुक्त तीस का अर देवगति, तीर्थकर, आहारकयुक्त इकतीस का असैं च्यारि हैं अर अपूर्वकरण के सातवें-भाग तैं सूक्ष्मसांपराय पर्यंत यशस्कीर्तिरूप एक— असैं पंच-स्थान हैं ।

बहुरि केवलज्ञान विषैँ नामकर्म का बंध का अभाव है ।

बहुरि सामायिकादिक तीन संयमनि विषैँ श्रुतज्ञानवत् पांच स्थान हैं । तहां परिहार-विशुद्धि विषैँ अंत का एक स्थान नाही है ; तातैं च्यारि ही हैं । तहां 'सं' कहिए एकीभाव करि सम-भाव विषैँ 'अय' कहिए गमन-परिणमन, सौ समय कहिए । समय सोही सामायिक, अथवा समय है प्रयोजन जाका सो सामायिक कहिए । एतावन्मात्र क्षेत्रकाल का नियम होतैं तिष्ठ्या जो मुनि, ताकैं महाव्रत हो हैं । केवल स्थूल-सूक्ष्म जीवहिंसादिक का त्याग कीएं ही महाव्रत न हो हैं, जातैं असी क्रिया तो चारित्र-मोह का उदय होतैं अर्हत-लिंग का धारी मिथ्यादृष्टि विषैँ भी संभव है ।

जैसे राजकुल विषैँ प्राप्त राजमान्य-जन कौं राजा कहिए, तैसे तिस क्रिया कौं उपचार तैं महाव्रत कहिए है ; तातैं देशकाल का तावत् जितना योग्य तितना प्रमाणकरि एकत्वरूप वृत्ति सोई सामायिक है यह सिद्धि भया ।

तहां प्रमाद-योगनि करि प्राणनि का हिंसन सो हिंसा, याका त्याग सो अहिंसा-महाव्रत अर अनृत स्तेय, अब्रह्म, परिग्रह का त्याग, ते सत्यादिक-महाव्रत हैं । बहुरि सम्यक् ईर्या, भाषा, एषणा, आदाननिक्षेपण, उत्सर्ग— ए पांच समिति हैं । बहुरि सम्यक् योगनि का निग्रह ते तीन गुप्ति हैं । काय, वचन, मन का व्यापाररूप योग, तिनकी स्वेच्छा-प्रवृत्ति का त्याग सोई निग्रह कहिए ।

ते गुप्ति विषय-सुख का अभिलाष-निमित्त-प्रवृत्ति का निषेध के अर्थि भई हैं ; तातैं सम्यक् कहिए, सो ए सत्यादिक सर्व अहिंसा-व्रत के पालने के अर्थि भले उपाय हैं ; तातैं ए तेरह भेद

हैं ते सर्व सावद्य तैं मैं त्यागी हूँ— अैसें अंगीकार कीया सामायिक, तिसविषैं गर्भित हैं । ताही तैं श्रीवर्धमान-स्वामीकरि पूर्वले उत्तम-संहनन के धारी जिनकल्प आचरणरूप परिणए मुनि, तिनकैं सो सामायिकरूप एक प्रकार ही चारित्र कहा है । बहुरि पंचमकाल विषैं स्थविरकल्पी हीन संहनन के धारी, तिनकौं सो चारित्र तेरह प्रकार कहा है ।

बहुरि नियत-क्षेत्र वा नियत-अनियतकाल विषैं प्रमाद तैं अनर्थ-दोषकरि सामयिक विषैं विलोपभएं सम्यक् प्रतिक्रिया-ताके शुद्ध करने का उपाय वा विकल्प जे भेद ता का त्याग सो छेदोपस्थापन कहिए । बहुरि परिहार कहिये प्राण हिंसा का त्याग तिहिं करि विशेषता रूप शुद्धता जिस विषय होइ सो परिहार-विशुद्धि कहिये । बहुरि सूक्ष्म है सांपराय कहिए कषाय जिसविषैं, सो सूक्ष्मसांपराय कहिए ।

बहुरि मोहनीय का समस्त उपशम तैं वा क्षय तैं आत्मस्वभाव विषैं अवस्थितिरूप उपेक्षा-उदासीनता है लक्षण जाका, सो यथाख्यात है । पूर्वैं चारित्र के धारीनि करि मोह का क्षय वा उपशम करि पाया सो यथाख्यात कहिए । 'यथा' शब्द अनंतर-वाची है, सो समस्त मोह का क्षय वा उपशम के अनंतरि प्रगट हुआ, सो यथाख्यात है, अथवा 'तथाख्यात' भी याकौं कहिए, जातैं जैसा आत्मस्वभाव अवस्थित था, तैसा ही प्रगट हूवा ।

सो इनविषैं सामायिक, छेदोपस्थापन विषैं तौ प्रमत्त विषैं देवगति युक्त अठाईस का, देवगति-तीर्थकर सहित गुणतीस का— ए दोय हैं । अप्रमत्त, अपूर्वकरण का षष्ठम-भागपर्यंत दोय तो तेई अर देवगति, आहारक युत तीस अर तीर्थकर, आहारक सहित इकतीस के च्यारि हैं । बहुरि अपूर्वकरण का सातवां-भाग अर अनिवृत्तिकरण विषैं एक का है— अैसें पांच-बंधस्थान हैं । बहुरि परिहारविशुद्धि विषैं सामायिकवत्, प्रमत्त विषैं दोय, अप्रमत्तविषैं च्यारि हैं, इहां श्रेणी चढ़ने के अभाव तैं एक का स्थान नाही है ॥ ५४७ ॥

**अंतिमठाणं सुहुमे, देसाविरदीसु हारकम्मं वा ।**

**चक्खुजुगले सव्वं, सगसगणाणं व ओहिदुगे ॥ ५४८ ॥**

अंतिमस्थानं सूक्ष्मे, देशाविरत्योः आहारकर्म वा ।

चक्षुर्युगले सर्वं, स्वकस्वकज्ञानं वा अवधिद्विके ॥ ५४८ ॥

**टीका** — सूक्ष्मसांपराय-संयम विषैं अंत का एक का ही स्थान है । यथाख्यात विषैं केवलज्ञानवत् बंधका शून्य है । बहुरि देशसंयम विषैं आहारकवत् देवगतियुत अठाईस का अर देवगति, तीर्थकर युत गुणतीस का— ए दोय हैं । तहां देशसंयम सहित तिर्यच विषैं देवगतियुत अठाईस का ही है । बहुरि असंयम विषैं कार्माणवत् आदि के छह-स्थान हैं ।

तहां नारकी-मिथ्यादृष्टि, सासादन विषैं पंचेन्द्री-पर्याप्त-तिर्यचगतियुक्त वा मनुष्यगतियुक्त गुणतीस अर उद्योत-सहित तीस का— ए दोय हैं । मिश्र विषैं मनुष्यगति युत गुणतीस का ही

है। असंयत विषै घर्मादि तीन विषै मनुष्य-गतियुत गुणतीस अर मनुष्यगति तीर्थ सहित तीस का— ए दोय हैं। अवशेष पृथ्वीनि विषै मनुष्यगतियुक्त गुणतीस का ही है।

बहुरि तिर्यचगति विषै तेईसकानै आदि देकरि छह हैं। तहां इतना विशेष— जो पर्याप्त-अपर्याप्त एकेन्द्री, विकलेन्द्रीनि विषै अर अपर्याप्त-पंचेन्द्री विषै नरकगति-देवगतियुत अठाईस का बंधस्थान नाही है। बहुरि बादर-सूक्ष्म, पर्याप्त-अपर्याप्त तेजःकायिक, वातकायिकनि विषै मनुष्यगति-अपर्याप्तयुक्त पचीस का अर पर्याप्त-मनुष्यगतियुत गुणतीस का— ए दोय नाही हैं।

बहुरि प्रथमोपशम-सम्यक्त्व तीह संयुक्त देशव्रत, ताकी विराधनाकरि सासादन भया अैसा तिर्यच, सो तिर्यच-गतियुत वा मनुष्यगति युत गुणतीस का अर उद्योत युत तीस का अर देवगतियुत अठाईस का— अैसै तीनस्थान बांधै है। मरण विषै नरक बिना और गतिनि विषै उत्कृष्ट एक समय घाटि छह-आवली, जघन्य एक समय पर्यंत अपर्याप्त-दशा में सासादन हो है; तातै सासादन-तिर्यच है, सो 'णहि सासणो अपुण्णे साहारणसुहुमगे य तेउदुगे' इस वचन तै एकेन्द्री, विकलेन्द्री, संज्ञी, असंज्ञी जीव ही अपर्याप्त-सासादनवर्ती हैं, सो नरकगति वा देवगति युत अठाईस कौ न बांधता शरीर-पर्याप्त के पहिले ही सासादनपणां छांडि नियम तै मिथ्यादृष्टी होइ, पर्याप्त-अवस्था के ऊपरि ही नरकगतियुत वा देवगति युत अठाईस के स्थान कौ बांधै है।

“मिच्छदुगे-देवचऊ तित्थं णहि” इस वचन तै संज्ञी, असंज्ञी भी अपर्याप्त-दशायुक्त सासादन विषै अठाईस का स्थान बांधै है। बहुरि तिर्यच मिश्र व असंयत-गुणस्थानवर्ती है, सो संज्ञी-पर्याप्त ही हैं, सो मिश्र विषै तो देवगति युत अठाईस कौ ही बांधै हैं, जातै 'उवरिम छण्हं च छिदी' इस वचन तै तिर्यच, मनुष्यगति बंधने का याकै अभाव है। बहुरि असंयत विषै भी सोई स्थान बांधै हैं, जातै तिर्यच -जीव विषै तीर्थकर, आहारक का बंध नाही है। बहुरि असंयम सहित मनुष्य विषै मिथ्यादृष्टिविषै लब्धि-अपर्याप्तक मनुष्य कै तौ नरकगति, देवगति युत अठाईस का बिना तेईसकानै आदि देकरि छह-स्थान हैं। बहुरि पर्याप्त-मनुष्य कै च्यारयों गति सहित छहौं-स्थान पाइए हैं।

बहुरि 'चदुगदि मिच्छो सण्णी' इत्यादिक सामग्री सहित जीव करणलब्धि का अंत-समय विषै दर्शन-मोह कौ उपशमाइ प्रथमोपशम-सम्यक्त्वी भया वा प्रथमोपशम-सम्यक्त्व सहित देशव्रती वा महाव्रती भया। तिस उपशम-सम्यक्त्व का अंतर्मुहूर्त-काल विषै एक समय तै लगाय छह-आवली पर्यंत कोई काल अवशेष रहै अनंतानुबंधीनि का अप्रशस्त-उपशम भया था, तिस विषै एक कोई क्रोधादिक का उदय होतै, पाया था जो प्रथमोपशम-सत्यक्त्व गुण, ताका घात करि सासादन भया, अैसा मनुष्य, सो एकेन्द्री, विकलेन्द्री का तो मिथ्यादृष्टी विषै ही बंध है; तातै पंचेन्द्री-पर्याप्त-तिर्यच गति वा मनुष्यगतियुत गुणतीस का स्थान कौ वा उद्योतयुत तीस का कौ वा देवगतियुत अठाईस का कौ बांधै है।

बहुरि मरणविषै तिर्यच वा मनुष्य वा देव यावत् काल अपर्याप्त-दशा विषै सासादन रहै, तावत् काल तौ गुणतीस वा तीस के दोय ही बांधै नरकगति, देवगति युत अठाईस का कौं न बांधै । बहुरि सासादन का काल पूर्ण भए पीछै मिथ्यादृष्टि होइ, तहां जितना-काल निवृत्ति-अपर्याप्त-दशा का अवशेष रहै, तिसविषै अठाईस का विना पचीसकानैआदि देकरि पांच-स्थाननि कौं बांधै । बहुरि पर्याप्त-अवस्था विषै अठाईस का सहित छह-स्थान बांधै ।

बहुरि कर्मभूमिया वा भोगभूमिया-मनुष्य मिश्र-वा असंयत-गुणस्थानवर्ती, सो देवगतियुत अठाईस कौं ही बांधै है, जातैं नरक-तिर्यच गति का सासादन ही विषै बंध-व्युच्छेद भया है । बहुरि विग्रहगति विषै तीर्थकर वा निवृत्त्यपर्याप्त-अवस्था विषै तीर्थकर वा गर्भ-अवस्था विषै तीर्थकर वा जन्म-अवस्था विषै तीर्थकर वा कुमार-अवस्था विषै तीर्थकर वा जाकैं देवायु, नरकायु का पूर्वे बंध भया अर पीछै तीर्थकर-बंध का प्रारंभ कीया— अैसा जीव वा तीर्थकर-सत्त्व का धारी चरमशरीरी मनुष्य-असंयत गुणस्थानवर्ती, सो देवगति तीर्थकर सहित गुणतीस का स्थान कौं ही बांधै है ।

बहुरि असंयम सहित देव सो पर्याप्त-दशा विषै मिथ्यादृष्टि-भवनत्रिक-सौधर्मद्विकवाले तौ एकेन्द्री-पर्याप्त-तिर्यचगति सहित पचीस का वा आतप, उद्योत युक्त छवीस का वा पंचेन्द्री-पर्याप्त-तिर्यच-मनुष्यगति युत गुणतीस का वा तिर्यच-उद्योत सहित तीस का— अैसैं च्यारि स्थान कौं बांधै है, और सानत्कुमारादि दश स्वर्गवाले मनुष्य-तिर्यच गति सहित गुणतीस का वा तिर्यचगति-उद्योत सहित तीस का स्थान कौं बांधै हैं । बहुरि आनतादि स्वर्ग अर नवग्रैवेयकवाले ते मनुष्यगति सहित गुणतीस का स्थान कौं ही बांधै हैं ।

अब देवनि की निवृत्त्यपर्याप्त-अवस्था विषै बंध कहैं हैं ; तातैं देव विषै कौन कैसे उपजै हैं ? सो कहै हैं—

मनुष्यलोक संबन्धी तीस भोगभूमि के तिर्यच, मनुष्य वा मानुषोत्तर-स्वयंप्रभ-पर्वत के बीचि असंख्यात द्वीप-समुद्र संबन्धी जघन्य तिर्यच भोगभूमि के संज्ञी-तिर्यच वा लवणोद, कालोद विषै छिनवै कुमानुष-द्वीपवासी कुमनुष्य, सो नियम तैं अपनी-आयु के नव महीने अवशेष रहैं आठ अपकर्षनि विषै कही त्रिभाग अवशेष विषै देवायु कौं बांधि भुज्यमान-आयु का नाश तैं भवनत्रिक विषै वा कल्पवासिनी-स्त्री विषै मिथ्यादृष्टि होइ उपजै, तहां यावत् शरीर-पर्याप्ति पूर्ण न होई, तावत् निवृत्त्यपर्याप्त हैं ।

इहां औरनि के कथन निमित्त प्रासंगिक-गाथा कहिए है—

**सव्वदुत्ति सुदिट्ठी महव्वई भोगभूमिजा सम्मा ।**

**सोहम्मदुगं मिच्छा भवणतियं तावसा य वरं ॥ ५४६ ॥ त्रिलोकसार ॥**

मिथ्यादृष्टि भोगभूमिया अर तापसी ते वरं उत्कृष्टपनै भवनत्रिक विषै उपजै हैं अन्यत्र नाहीं ।

बहुरि भरत, ऐरावत, विदेहवासी वा स्वयंभूरमण-द्वीप का अपरार्ध अर स्वयंभूरमण, लवणोद, कालोद समुद्र तिनके वासी जीव कैई जलचर, थलचर, नभचर संज्ञी-पर्याप्त भद्र-मिथ्यादृष्टी अर उपशम-ब्रह्मचर्य सहित वानप्रस्थ वा एकजटी, शत-जटी, सहस्रजटी वा नागा वा कांजी भक्षणकरनेवाले वा कंदमूल, पत्र, पुष्प, फल के खानेवाले वा अकाम-निर्जरा संयुक्त वा एकदंडी, त्रिदंडी मिथ्यातपश्चरण रूप परिणए ते कायक्लेशादि आचरण करि कोई अपनी-अपनी विशुद्धता के अनुसारि भवनत्रिकादिक अच्युत-स्वर्गपर्यंत उपजै हैं ।

‘अकाम’ कहिए अपने अभिलाष बिना बंधनादिक करि क्षुधा-तृषा का सहना, ब्रह्मचर्य धारना, भूमि विषैँ सोवना, मलादिक धारना, परीषहादिक सहना इन करि जो निर्जरा होइ सो अकाम-निर्जरा कहिए ।

बहुरि मिथ्यादर्शन सहित, मोक्ष उपाय रहित बहुत काय-क्लेश करना कपटरूप बहुत व्रत धारना सो बालतप कहिए— ए भी देव विषैँ उपजने कौं कारण हैं । सो इहां तिनके उपजने की प्रासंगिक-गाथा कहिए है—

**चरिया य परिव्वाजा बम्होत्तरचुदपदोत्ति आजीवा ।**

**अणुदिसअणुत्तरादो चुदा ण केसवपदं जंति ॥ ५४७ ॥ त्रिलोकसार ॥**

‘चरकाः’ कहिए नागा, परिव्राजक कहिए संन्यासी, एकदंडी, त्रिदंडी ए उत्कृष्ट भवनत्रिकादिक ब्रह्मस्वर्गपर्यंत उपजै हैं । बहुरि आजीवा कहिये कांजी के भक्षण करनेवाले उत्कृष्ट भवनत्रिकादिक अच्युत-स्वर्गपर्यंत उपजै हैं । बहुरि अनुदिश, अनुत्तर-विमानवासी देव द्विचरम-शरीरी हैं ; तातैं ते मरि नारायण, प्रतिनारायण नरकगामी जीवनि विषैँ नाहीं उपजै हैं । बहुरि सादि वा अनादि वा अभव्य जो मिथ्यादृष्टी अर्हत के द्रव्य-लिंग का धारी, बाह्य छै प्रकार तप विषैँ मग्न, त्रिकाल देववंदनादिक क्रिया सहित, दर्शन-चारित्र मोहरूप घातिया-कर्म का जाकैं उदय पाइए, उपशम-ब्रह्मचर्यादिक संयुक्त द्रव्यलिंगी, सो उपरिम-ग्रैवेयक पर्यंत उपजै हैं । बहुरि ऊपरि नाहीं ।

यहाँ प्रासंगिक गाथा कहिए है—

**णरतिरियदेसअयदा उक्कस्सेणचुदोत्ति णिगंथा ।**

**णरअयददेसमिच्छा गेव्वेज्जंतौत्ति गच्छंति ॥ ५४५ ॥ त्रिलोकसार ॥**

तिर्यच-मनुष्य देशसंयत वा असंयत ते उक्कृष्टपनैँ अच्युत-स्वर्गपर्यंत उपजै हैं अर द्रव्य तौ जिनरूप-महाव्रती भावां असंयत वा देश-संयत वा मिथ्यादृष्टी ते उपरिम-ग्रैवेयक पर्यंत उपजै हैं— अिसैँ देवनि विषैँ उपजना कहा ।

तिन विषैँ निर्वृत्यपर्याप्त मिथ्यादृष्टी-भवनत्रिक देव वा कल्पवासिनी-स्त्री वा सौधर्म-ईशानवाले जे एकेन्द्री-पर्याप्तयुत पचीस का अर आतप, उद्योतयुत पर्याप्त-तिर्यचगति-एकेन्द्री सहित-छवीस



का अर पंचेन्द्री-पर्याप्त-तिर्यच गतियुक्त वा मनुष्यगति युक्त गुणतीस का वा उद्योत सहित तीस का— अैसेँ च्यारि-स्थाननि कौं बांधे है । बहुरि तैसेँ ही सनत्कुमारादिक दशस्वर्ग के वासी पंचेन्द्री-पर्याप्त तिर्यच-गतियुत वा मनुष्यगतियुत गुणतीस कौं अर उद्योत तिर्यचगति पंचेन्द्री सहित तीस कौं बांधे है । बहुरि आनतादि उपरिम त्रैवेयकवाले मनुष्यगतियुक्त गुणतीस कौं ही बांधे हैं, जातैं तिर्यचगति सहित गुणतीस, तीस का इहां बंध नाहीं ।

अैसेँ संक्षेप तैं असंयम-सहित मिथ्यादृष्टि-जीवनि कैं देवगति अपेक्षा तैं नामकर्म के बंधस्थान कहे । इहां जीवसमास, पर्याप्ति, प्राणादिक की विवक्षा करि ग्रंथ बधने के भय तैं न कहैं हैं । परमागम के ज्ञायकनि करि लगायलेने ।

आगै असंयत सहित अपर्याप्त-सासादन विषैं कहिए हैं—

संज्ञी-पर्याप्त-गर्भज विशुद्धता सहित साकार ज्ञान उपयोग का धारी-मिथ्यादृष्टि अैसेा भोगभूमिया-तिर्यच तौ जातिस्मरण वा देव-संबोधन तैं अर तीस-भोगभूमि का तिर्यच जातिस्मरण वा देव-संबोधन वा चारणमुनि-संबोधन तैं प्रथमोपशम-सम्यक्त्व कौं ग्रहिकरि असंयत-गुणस्थानवर्ती होय अर स्वयंप्रभाचल-पर्वत के परैं कर्मभूमि का तिर्यच जातिस्मरण वा देव-संबोधन तैं प्रथमोपशम-सम्यक्त्व कौं पाइ असंयत होइ वा प्रथमोपशम-सम्यक्त्व सहित देशसंयम कौं पाइ देश-संयत होइ । बहुरि पंद्रह कर्मभूमि के वासी तिर्यच जातिस्मरण वा देव, मनुष्य-संबोधन वा जिन-बिम्बदर्शन तैं तैसेँ ही असंयत वा देशसंयत होइ ।

बहुरि तैसेा ही मनुष्य तैसेँ ही असंयत वा देशसंयत होइ वा कोई मनुष्य प्रथमोपशम-सम्यक्त्व सहित महाव्रत अंगीकार करि अप्रमत्त-गुणस्थानवर्ती होइ । यहु अप्रमत्त कोई उतरि करि प्रमत्त विषैं आवै । बहुरि कोई जीव द्वितीयोपशम-सम्यक्त्व कौं अंगीकार करि श्रेणीं चढ़ि अनुक्रम तैं उतरि असंयत वा देशसंयत वा प्रमत्त होइ ।

ए प्रथम-द्वितीयोपशम-सम्यक्त्व के धारी जीव ते अपने पर्याय का अंत विषैं जघन्य एक समय, उत्कृष्ट छह-आवली अवशेष रहैं, केई एक अनंतानुबंधी-कषाय के उदय करि सासादन होइ केई पूर्वे देवायु बांध्या था ते मरि करि अर केई पूर्वे आयु न बांध्या, ते तहां अंत-समय विषैं देवायु बांध, मरि करि देव-निर्वृत्ति-अपर्याप्त सासादन-गुणस्थानवर्ती होइ, ते भवनत्रिक-कल्पवासिनी-स्त्री, सौधर्म-द्विकवाले देव तो तहां पंचेन्द्री-तिर्यच, मनुष्यगति-पर्याप्तयुत गुणतीस का वा तिर्यचगति-उद्योत पर्याप्तयुत तीस का स्थान कौं बांधे हैं । अर सासादनकाल कौं उलंघि मिथ्यादृष्टि होइ, तिन दोऊ स्थाननि कौं अर यावत् शरीर-पर्याप्ति पूर्ण न होइ, तावत् एकेन्द्री पर्याप्त युत पचीस का वा उद्योत, आनप एकेन्द्री पर्याप्तयुत छवीस का स्थान कौं बांधे हैं ।

बहुरि सनत्कुमारादि दश स्वर्गवाले तहां तिन गुणतीस, तीस के दोऊ स्थाननि ही कौं बांधे

हैं। बहुरि आनतादि स्वर्ग अर नवग्रैवेयकवाले तहां मनुष्यगतियुत गुणतीस के स्थान ही कौ बांधै हैं।

बहुरि सासादन का काल व्यतीत भए पीछे तिस निर्वृत्ति-अपर्याप्त-मिथ्यादृष्टिवत् स्थाननि कौ बांधै हैं। बहुरि भवनत्रिकादिक उपरिम-ग्रैवेयक पर्यंत मिश्र-गुणस्थानवर्ती अर पर्याप्त भवनत्रिक, कल्पवासिनी स्त्री, असंयत-गुणस्थानवर्ती, ते मनुष्यगतियुत गुणतीस के स्थान कौ बांधै हैं। बहुरि वैमानिक-देव, तीर्थ रहित तिसही गुणतीस के स्थान कौ अर तीर्थ सहित तीस के स्थान कौ बांधै हैं।

बहुरि चक्षु-दर्शन अर अचक्षुदर्शन विषै सर्व बंध-स्थान हैं। तहां चक्षु-दर्शनसहित नारकी गुणतीस, तीस के दोय स्थान कौ बांधै हैं। चौद्री-जीव अठाईस के स्थान बिना तिर्यच-मनुष्यगतियुत तेईसकानै आदि देकर छह स्थान बांधै हैं। पंचेन्द्री-तिर्यच तेईसकानै आदि देकरि छह-स्थान बांधै है। मनुष्य सर्व-स्थाननि को बांधै है। देव यथायोग्य पचीस, छवीस, गुणतीस, तीस के च्यारि-स्थाननि कौ बांधै हैं।

बहुरि अचक्षुदर्शन सहित नारकी चक्षुदर्शनवत् दोय कौ अर एकेन्द्रिय आदि चौद्रिय पर्यंत नरक-देवगतियुत अठाईस के बिना तेईस आदि पांच कौ अर पंचेन्द्री-तिर्यच तिस सहित छह कौ अर मनुष्य-सर्वस्थाननि कौ अर देव चक्षुदर्शनवत् च्यारि-स्थाननि कौ बांधै हैं।

बहुरि अवधि-दर्शन विषै अवधिज्ञानवत् अंत के पांच-स्थान हैं। असंयत देवनारकी विषै वा असंयत, देशसंयत संज्ञी-पर्याप्त, तिर्यच विषै वा असंयतादि क्षीणकषाय पर्यंत मनुष्य विषै देशावधि-ज्ञान है अर प्रमत्तादि क्षीणकषाय चरम-शरीरी विषै परमावधि वा सर्वावधि पाइए है, सो असै अवधिज्ञानी जीवनि कै ही अवधि-दर्शन पाइए है।

तहां अवधि-दर्शन के धारी धर्मादि तीन नरकवाले तीर्थकर, मनुष्यगतियुत तीस कौ अर तीर्थकर सत्त्व रहित धर्मादिवाले वा अंजनादिवाले मनुष्यगति गुणतीस कै कौ बांधै हैं। बहुरि तिर्यच हैं, ते देवगतियुत अठाईस के कौ बांधै हैं। बहुरि मनुष्य हैं, ते देवगतियुत अठाईसकानै आदि देकरि एक का पर्यंत पांच कौ बांधै हैं। बहुरि देव हैं ते सौधर्मादिकवाले तीर्थ-सत्त्व सहित तीर्थकर, मनुष्यगतियुत तीस कै कौ अर तीर्थ-सत्त्व रहित वा भवनत्रिकादिक ते मनुष्यगतियुत गुणतीस के कौ बांधै हैं। बहुरि केवल-दर्शन केवलज्ञानवत् बंध शून्य है ॥ ५४८ ॥

**कम्मं वा किण्हतिये, पणुवीसाछक्कमडुवीसचऊ ।**

**कमसो तेऊजुगले, सुक्काए ओहिणाणं वा ॥ ५४९ ॥**

कर्म वा कृष्णात्रये, पंचविंशतिषट्कमष्टाविंशचतुष्कं ।

क्रमशः तेजोयुगले, शुक्लायामवधिज्ञानं वा ॥ ५४९ ॥

**टीका** — कृष्णादिक अशुभ तीन-लेश्या विषै कार्माणयोगवत् आदि के छह बंध-स्थान हैं। बहुरि तेजो-लेश्या विषै पचीसकानै आदि देकरि छह हैं। बहुरि पद्मलेश्या विषै अठाईसकानै

आदि देकरि च्यारि हैं । बहुरि शुक्ल-लेश्या विषै अवधिज्ञानवत् अंत के पंच-स्थान हैं । तहां वर्णनाम नामकर्म के उदय तैं भया शरीर का वर्ण द्रव्यलेश्या, सो इहां ग्रहण न करी । मोह का उदय वा उपशम वा क्षय वा क्षयोपशम तैं भई जीव की चंचलता रूप भाव-लेश्या, सो इहां ग्रहण करी है, सो लेश्या कृष्णादिक भेद तैं छह प्रकार हैं ।

तहां प्रथम-नरक का प्रथम इंद्रक विषै कपोत का जघन्य-अंश है । तीसरा-नरक का द्विचरम-इंद्रक विषै कपोत का उत्कृष्ट-अंश है । बहुरि तीसरा-नरक का अंत इंद्रक विषै नील का जघन्य-अंश है । पंचम-नरक का द्विचरम इंद्रक विषै नील का उत्कृष्ट-अंश है । बहुरि पंचम नरक का अंत इंद्रक विषै कृष्ण का जघन्य-अंश है । बहुरि सप्तम-नरक का अवधिस्थान इंद्रक विषै कृष्ण का उत्कृष्ट-अंश है । तिन जघन्य उत्कृष्ट-स्थानकनि का मध्य विषै तिन-तिन लेश्यानि का मध्यम-अंश जानने । तिन नरकनि विषै उपजने कौं यौग्य कौन जीव है ? सो कहिए है—

मिथ्यादृष्टी जीव घर्मा-पृथ्वी विषै कर्मभूमिया छहौं-संहनन के धारी असंज्ञी, सरीसृप, पंखी, सर्प, सिंह, स्त्री, मछला, मनुष्य उपजै हैं । तहां वंशा विषै सरीसृपादिक ही उपजै हैं, असंज्ञी नाहीं उपजै हैं । मेघा विषै पंखी आदिक ही उपजै हैं । अंजना विषै आदि के पंच-संहनन के धारक सर्पादिक ही उपजै हैं । अरिष्टा विषै सिंहादिक ही उपजै हैं । मघवी विषै आदि के च्यारि-संहनन के धारक स्त्री, मछले, मनुष्य ही उपजै हैं । माघवी विषै आदि संहनन के धारक मछले वा मनुष्य ही उपजै हैं ।

ते तिन नरकनि विषै उपजे शरीर-पर्याप्ति पूर्ण भएं वा न पूर्ण भएं तिर्यच-मनुष्यगति युत गुणतीस वा तीस के स्थाननि कौं बांधै हैं । सातवौं-पृथ्वी विषै तिर्यचगतियुक्त ही गुणतीस, तीस के स्थाननि कौं बांधै हैं । बहुरि सासादनवाले भी तैसैं ही तिर्यच, मनुष्यगतियुत दोऊ-स्थाननि कौं बांधै हैं । बहुरि मिश्र अर असंयतवाले मनुष्यगति युत गुणतीस ही कौं बांधै हैं ।

बहुरि धर्माविषै निर्वृत्यपर्याप्त वा पर्याप्त-क्षायिक वा वेदक-सम्यग्दृष्टी वा कृतकृत्य-वेदक-तीर्थसत्त्व रहित, सो तौ मनुष्यगति गुणतीस के कौं अर तीर्थसत्त्व सहित, सो मनुष्यगति, तीर्थसहित तीस के कौं बांधै हैं । बहुरि वंशा, मेघा विषै तीर्थकरसत्त्व सहित जीव सो पर्याप्ति पूर्ण भएं नियम करि मिथ्यात्व कौं छोडि सम्यग्दृष्टी होइ तीस के कौं ही बांधै हैं । बहुरि तिर्यचगति विषै पर्याप्तादिक तीनप्रकार सर्व एकेन्द्री, वेन्द्री, तेन्द्री, चौद्रीनि विषै वा लब्धि-अपर्याप्त, निर्वृत्यपर्याप्त, असंज्ञी विषै वा मिथ्यादृष्टि नरकादिकस्यो आया, तीहि विषै वा सासादन-अपर्याप्त-संज्ञी विषै तीन-अशुभलेश्या ही हैं । बहुरि पर्याप्त-मिथ्यादृष्टी-असंज्ञी विषै कृष्णादिक च्यारि-लेश्या हैं ।

बहुरि पर्याप्त-सासादन मिश्र, अपर्याप्त असंयत-संज्ञी-तिर्यच तिसविषै, छह अर पर्याप्त-भोगभूमि विषै निर्वृत्यपर्याप्तक-असंत विषै जघन्य-कपोत ही है । अर पर्याप्त-अवस्था विषै मिथ्यादृष्टी वा सम्यग्दृष्टी कैं तीन शुभ-लेश्या ही हैं, जातैं तहां के उपजै जीवनि कैं शरीर-पर्याप्ति पूर्ण होतैं, तीन शुभ-लेश्या ही आगम विषै कहीं हैं ।

बहुरि ए कहे तिर्यच-जीव तिनविषैं वादर-सूक्ष्म पृथ्वी, अप, तेज, वायु, नित्यनिगोद, चतुर्गतिनिगोद अर प्रतिष्ठित-अप्रतिष्ठित प्रत्येक अर वेन्द्री, तेन्द्री, चौन्द्री अर संज्ञी-असंज्ञी पंचेन्द्री— ए उगणीस प्रकार तिर्यच लब्धि— अपर्याप्तक अर इन उगणीस प्रकार लब्धि अपर्याप्तकनि तैं वा तिर्यच-पर्याप्तकनि तैं अर पर्याप्त वा अपर्याप्त कर्मभूमिया-मनुष्यनि तैं इन सर्व मिथ्यादृष्टीनि तैं आयकरि जे केई तीन-अशुभलेश्या सहित तिर्यच-जीव उपजैं, ते अठाईस का बिना तेईसकानैं आदि देकरि पांचस्थाननि कौं बांधै हैं ।

बहुरि तेजकाय, वातकाय के जीव तिर्यचगतियुत ही तिन-पंचस्थाननि कौं बांधै हैं । बहुरि ते उगणीस प्रकार लब्धि-अपर्याप्त-तिर्यच, उगणीस प्रकार पर्याप्त-तिर्यच, दोय प्रकार मनुष्य मिलि भए चालीस प्रकार मिथ्यादृष्टि, ते अशुभ तीन-लेश्या करि मरे हुए पूर्वोक्त उगणीस प्रकार पर्याप्त-तिर्यच मिथ्यादृष्टीनि विषैं उपजैं हैं । तहां विशेष—

जो तेजःकाय, वातकाय विषैं तौ अशुभलेश्यानि का मध्यम-अंश करि ही उपजैं हैं अर भवनत्रिक सौधर्म-द्विक के देव मिथ्यादृष्टी तेजोलेश्या का मध्यम-अंश करि अर तिर्यच-मनुष्य अशुभ तीन-लेश्या का मध्यम-अंश करि मरे हुए केई बादर पृथ्वी, अप्रतिष्ठित-प्रत्येकनि विषैं उपजैं हैं । बहुरि भवनत्रिकादिक सहस्रारपर्यंत देव सर्व नारकी मिथ्यादृष्टीतिर्यचायु का जिनकैं बंध भया ते अपनी-अपनी लेश्यानि करि मरे हुए कर्मभूमिया-गर्भज-संज्ञी-तिर्यचनि विषैं उपजैं हैं । तहां ते पूर्वोक्त उगणीस-प्रकार के तिर्यच-चतुर्गति तैं आयकरि उपजे निर्वृत्यपर्याप्त मिथ्यादृष्टि सर्व ही अठाईस का बिना तेवीसकानैं आदि देकरि पांच-स्थाननि कौं बांधै हैं ।

बहुरि अनंतानुबंधी विषैं किसी एक प्रकृति का उदय तैं प्रथमोपशम-सम्यक्त्व कौं विराधि करि सासादन होइ पूर्वे बांधी हैं तिर्यचायु जिनि— असै जीव मरि कैं वा जिनकैं आयुबंध न भया ते केई, तिसही अंतकाल विषैं तिर्यचायु कौं बांधि मरि कैं तिर्यच विषैं उपजैं, तहां कर्मभूमियां-तिर्यच, मनुष्य तो बादर पृथ्वी, अप, प्रत्येक-वनस्पती, विकलत्रय, संज्ञी-असंज्ञी विषैं उपजैं ।

ईशानपर्यंत देव अपनी-अपनी लेश्या सहित मरि वादर-पृथ्वी, अप, प्रत्येक-वनस्पती विषैं उपजैं । भवनत्रिकादि सहस्रार पर्यंत अर छठा-नरकपर्यंत नारकी कर्मभूमिया-गर्भज-संज्ञी-तिर्यचनि विषैं उपजैं । ते ए सासादन-तिर्यच होइ तिर्यच, मनुष्यगति पर्याप्तयुत गुणतीस वा तीस का कौं बांधै हैं । बहुरि अपना-अपना सासादन का काल भए पीछैं नियम करि मिथ्यादृष्टि होइ, यावत् शरीर पर्याप्ति पूर्ण न होइ, तावत् निर्वृत्ति-अपर्याप्तक तिर्यच मिथ्यादृष्टि विषैं कहे तेईसकानैं आदि देकरि पांच-स्थान तिनकौं बांधै हैं ।

इहां प्रश्न—

जो सासादन का तो उत्कृष्टकाल भी छह आवली प्रमाण अर आयु बंध का जघन्यकाल भी अंतर्मुहूर्तप्रमाण सो पूर्व-उत्तर दोऊ पर्यायनि विषैं सासादन कैसें संभवै ?

ताका समाधान—

जो अंतर्मुहूर्त के भेद बहुत हैं, एक आवली तैं लगाय समय-समय बधता समय-समय घाटि मूहूर्त पर्यंत अंतर्मुहूर्त के भेद हैं ; तातैं आयुबंध का काल इहां केई आवली प्रमाण ही जानना ।

बहुरि तिर्यच-असंयतविषैं पूर्वे जिनकैं तिर्यचायु का बंध भया औसै देवनारकी वेदक-सम्यग्दृष्टी, अपनी-अपनी लेश्या सहित मरि उपजै हैं, तहां सातवां नरकवाले नाही, जातैं इनका मरण-मिथ्यादृष्टि विषैं ही हैं । तहां उपजे तिर्यच-असंयत-गुणस्थानवर्ती निर्वृत्त्यपर्याप्तक ते देवगतियुत अठाईस का स्थान कौं बांधै हैं । पर्याप्त पूर्ण भएं देश संयत-गुणस्थान पर्यंत प्राप्त हो हैं । तहां असंयतपर्यंत छहौं लेश्या हैं । देशसंयत विषैं तीन शुभलेश्या ही हैं ।

इहां प्रश्न—

जो शुभाशुभलेश्यानि विषैं एक जीव अनुक्रम तैं परिनमै है कि युगपत् परिनमै है ?

तहां समाधान-जो आत्मा संक्लेशता की हानिकरि तौ उत्कृष्ट कृष्णलेश्या तैं जघन्य-कपोतपर्यंत, अर संक्लेश की वृद्धि तैं जघन्य-कपोत तैं उत्कृष्ट कृष्ण पर्यंत असंख्यात-लोकप्रमाण षट्-स्थानपतित वृद्धिहानि कौं लीएं लेश्या का स्थाननि विषैं अनुक्रम तैं परिनमै है । बहुरि विशुद्धता की वृद्धिकरि तेजो, पद्म, शुक्ल-लेश्या का जघन्यादिक अंशनि विषैं अर विशुद्धता की हानिकरि शुक्ल, पद्म, तेजोलेश्यानि का उत्कृष्टादि अंशनि विषैं अनुक्रम तैं परिनमै है । तिन लेश्यानि का मूल-कारण कषायनि का उदयरूप अनुभाग-स्थाननि करि अनुरंजित योगनि की प्रवृत्ति है ।

तैं कषाय च्यारि हैं— तिनविषैं विवक्षित क्रोध-कषाय का अनुभाग स्थान का उदय है, सो जीव कौं नरक, तिर्यच, मनुष्य, देवगतिनि विषैं उपजावै हैं । तिस क्रोध की शक्ति शिलाभेद, पृथ्वीभेद, धूलिरेखा, जलरेखा समान च्यारि हैं । तहां सर्वघातिया-शक्ति सहित जे उदय-स्थान, तिनके नीचे प्रमत्तादिक संयमी जीवन विषैं ही सम्भवेँ ऐसी देश घातिया रूप पूर्व स्पर्धक है नाम जाका ऐसी शक्ति है । ताके नीचै-नीचै अपूर्व-स्पर्धक है नाम जाका वा बादरकृष्टि है नाम जाका वा लोभ-कषाय विषैं सूक्ष्मसांपराय-गुणस्थाननि विषैं सूक्ष्मकृष्टि है नाम जाका औसी शक्ति है । औसै समस्त क्रोध-कषाय के अनुभागरूप उदयस्थान असंख्यात-लोक मात्र षट्स्थानपतित-हानि कौं लीएं असंख्यात-लोकप्रमाण है ।

तिनकौं यथायोग्य असंख्यात-लोक का भाग दीजिए, तहां एक-भाग बिना बहुभाग प्रमाण तौ संक्लेश-स्थान हैं । एक भाग प्रमाण विशुद्धिस्थान हैं । तिनविषैं लेश्यापद चौदह हैं । लेश्यानि के अंश छवीस हैं, तिनविषैं मध्य के आठ-अंश आयु के बंध कौं कारण हैं । इहां संदृष्टि-यंत्र आदि विशेष पूर्वे जीवकांड विषैं कषायमार्गणा-अधिकार विषैं कहा है सो जानना ।

ते मध्यम-अंश तेजोलेश्या का जघन्यस्थान के अनंतरि अपना अनंतगुणवृद्धिरूप मध्यम-स्थानस्योँ लगाय कपोतलेश्या का जघन्य-स्थान के अनंतरि अनंतगुणवृद्धि कौं लीएं उस ही का मध्यम-स्थान पर्यंत अथवा कपोत-लेश्या का जघन्यस्थान के अनंतर-अनंतगुणवृद्धिरूप

तिस ही कपोत का मध्यम-स्थान तैं लगाय तेजोलेश्या का जघन्य-स्थान के अनंतर-अनंतगुणवृद्धिरूप जो तेजोलेश्या का मध्यम-स्थान, तहां पर्यंत पद्म, शुक्ल, कृष्ण, नील इनका जघन्य-अंश अर च्यारिगति संबन्धी आयु के कारण वा नरक बिना तीन-आयु के वा नरक, तिर्यच बिना दोय आयु के वा केवल देव-आयु के बंध के कारण च्यारि अंश— अैसें आठ मध्यम-अंश आयु के बंध कौं कारण हैं ।

**इहां प्रश्न-** जो पद्म, शुक्ल, कृष्ण, नील लेश्या का जघन्य-अंशनि कौं मध्यम-अंश कैसें कहिए ?

**ताका समाधान-** जो शुभ-अशुभ लेश्या का भेद की अपेक्षा ए वीचि के अंश हैं ; तातैं इनिकौं मध्यम-अंश कहिए ।

बहुरि अवशेष कृष्णादिक के जघन्य, मध्यम, उत्कृष्ट भेद तैं अठारह-अंश, ते च्यारि-गति के गमन कौं कारण हैं । मरण इन अठारहौं-अंशनि विषैं हो है । तिनविषैं तीन अशुभ-लेश्यानि के नव-अंश तौ नरकगति तिर्यचगतिविषैं उपजावनहारे हैं । अर अगले शुभ-अशुभ लेश्यानि के अंश तिर्यच, मनुष्य, देवगति विषैं गमन कौं कारण है ।

**बहुरि लेश्यानि का संक्रमण कहिए है-**

संक्रमण नाम स्थान तैं अन्य-स्थान प्राप्त होने का है । सो वृद्धि करि कृष्ण और शुक्ललेश्या का अपने स्थानक विषैं ही हैं, जातैं संक्लेश वा विशुद्धता की वृद्धि होतैं कृष्ण वा शुक्ललेश्या कौं छोडि कोई अन्य लेश्या कौं प्राप्त न होई । बहुरि हानि विषैं अपने उत्कृष्ट-अंश तैं जघन्य-अंशपर्यंत स्वस्थान विषैं अर कृष्ण के नील, कपोत, तेज, पद्म, शुक्ल का उत्कृष्ट पर्यंत अर शुक्ल के पद्म, तेज, कपोत, नील कृष्ण का उत्कृष्ट पर्यंत परस्थान विषैं संक्रमण हो हैं ।

बहुरि अवशेष लेश्यानि कै संक्लेश वा विशुद्धता की हानि विषैं अपने-अपने उत्कृष्ट तैं अपने-अपने जघन्य पर्यंत तौ स्वस्थान-संक्रमण है अर नील, कपोत कै अपने-अपने जघन्य तैं शुक्ल के उत्कृष्ट पर्यंत अर पद्म, तेज कै अपने-अपने जघन्य तैं कृष्ण का उत्कृष्ट पर्यंत परस्थान संक्रमण है ।

बहुरि वृद्धि विषैं अपने-अपने जघन्य तैं अपने-अपने उत्कृष्ट पर्यंत तो स्वस्थान-संक्रमण है अर नील, कपोत कै अपने-अपने उत्कृष्ट तैं कृष्ण कै उत्कृष्ट पर्यंत अर पद्म, तेज कै अपने-अपने उत्कृष्ट तैं शुक्ल का उत्कृष्ट पर्यंत परस्थान-संक्रमण है ।

बहुरि स्वस्थान विषैं परस्थानवत् अन्य लेश्या कै समान शक्तिरूप स्थान कौं न प्राप्त हो हैं । जातैं अपना-अपना लक्षण कौं छोडैं नाही । बहुरि स्वस्थान-संक्रमण विषैं सर्व लेश्यानि के उत्कृष्ट तैं अनंतर अपना-अपना मध्यम-स्थान विषैं कृष्णादिक तीन विषैं संक्लेश की अर पीतादिक तीन विषैं विशुद्धता की हानि अनंत-भाग पाइए है, जातैं-लेश्यानि का उत्कृष्ट-स्थान

है, सो अपने अनंतरवर्ती मध्यम-स्थान तैं उर्वक कहिए-अनंत-भागरूप कहा है । बहुरि तिन लेश्यानि के जघन्य के अनंतर अपना मध्यम-स्थान विषैं वृद्धि अनंतभागरूप ही है, जातैं तिन लेश्यानि का जघन्य-स्थान है, सो अष्टांक कहिए अपना अनंतरवर्ती स्थान तैं अनंत-गुणरूप है । बहुरि परस्थान-संक्रमण विषैं तिन लेश्यानि कैं जघन्य तैं अनंत गुणहानि पाइए है, जातैं अन्य लेश्या की अपेक्षा जघन्य कैं अष्टांक कहिए अनंत गुणपणा पाइए है ।

असैं ए लेश्या पाइए हैं, सो कथन जीवकांड विषैं लेश्या-अधिकार विषैं विशेष कहा है सो जानना ।

सो तिर्यच-मिथ्यादृष्टि विषैं तौ मिथ्यात्व सहित अनंतानुबंधी आदि सर्वघातिया-क्रोध का चतुष्क व मान का चतुष्क व माया का चतुष्क व लोभ का चतुष्क उदयरूप हो है । बहुरि सासादन विषैं मिथ्यात्व बिना उदय हो है । बहुरि मिश्र विषैं अनंतानुबंधी बिना जुदी ही जाति का सर्वघातिया-सम्यग्मिथ्यात्व सहित उदय हो है । बहुरि असंयत विषैं सम्यग्मिथ्यात्व बिना दर्शन-मोह का क्षयोपशम विषैं देशघातिया सम्यक्त्व-मोहनी सहित अर उपशम, क्षय विषैं सम्यक्त्व-मोहनी रहित उदय हो है ।

बहुरि देश-संयत विषैं अप्रत्याख्यान रहित दर्शनमोह का क्षयोपशम विषैं सम्यक्त्वमोहनी सहित अर उपशम विषैं सम्यक्त्व-मोहनी रहित उदय हो है । तिर्यच देशसंयत विषैं संक्लेशी हानि तैं भए तीन-शुभलेश्या कौ कारण कषायनि के उदयस्थान ते सर्व-कषायनि के उदयस्थान के असंख्यातवैभागप्रमाण हैं, तौ भी असंख्यात-लोकप्रमाण हैं ।

बहुरि अवशेष बहुभाग प्रमाण छह-लेश्या कौ कारण उदयस्थान हैं, तैं मिथ्यादृष्ट्यादिक च्यारि-गुणस्थाननि विषैं हो हैं । तहां मिथ्यादृष्टि विषैं तेईसकानैं आदि दैकरि छह-स्थान बंधै हैं । सासादन विषैं अठाईसकानैं आदि दैकरि तीन-स्थान बंधै हैं । मिश्रादिक तीन गुणस्थाननि विषैं अठाईस का कौ ही बांधै हैं ।

बहुरि मुनष्य पूर्वभव विषैं दान योग्य द्रव्य कौ दाता का गुणसहित होइ तीनप्रकार पात्र कौ दान दीया वा अनुमोदना करी अर तिर्यच-अनुमोदना ही करी तिसकरि मिथ्यादृष्टिपण तैं तिर्यचायु कौ बांधि तीन अशुभलेश्या सहित मरण करि भोगभूमि विषैं तिर्यच-मिथ्यादृष्टी होइ, सो अपर्याप्त-दशा विषैं तिर्यचगतियुक्त गुणतीस वा तीस का अर मनुष्यगतियुत गुणतीस का स्थान कौ बांधै हैं ।

बहुरि जाकैं तिर्यचायु का बंध भया अर मरणदशा विषैं प्रथमोपशम-सम्यक्त्व कौ पाय अनंतानुबंधी के उदय तैं विराधना करि तिर्यच वा मनुष्य तौ भोगभूमि विषैं अर नारकादिक कर्मभूमि विषैं तीन अशुभ-लेश्यासहित सासादन होइ करि तिर्यच उपज्या, तहां तिर्यच वा मनुष्य सहित गुणतीस अर तीस कौ ही बांधै हैं, जातैं “मिच्छदुगे देवचऊ तित्यं णहि” इस वचन तैं देवगतियुत अठाईस के का बंध पर्याप्त विषैं ही है ।

बहुरि कर्मभूमि का तिर्यच, मनुष्य वेदक-सम्यग्दृष्टी वा मनुष्य-क्षायिक-सम्यग्दृष्टी पूर्वे जाकै तिर्यचायु का बंध भया, सो तीनप्रकार पात्र दानकरि वा दान की अनुमोदना करि तीन, दोय, एक पल्य प्रमाण आयु धारै तीन-भोगभूमि विषै कपोतलेश्या का जघन्य-अंश सहित उपजि करि वेदक-सम्यग्दृष्टी वा कृतकृत्य-वेदक-सम्यग्दृष्टी वा क्षायिक-सम्यग्दृष्टी तिस अपर्याप्त-दशा विषै देवगतियुत अठाईस का स्थान कौ ही बांधै हैं, 'भोगे सुरद्वीसं सम्मो' इति वचन तै जानना ।

बहुरि पर्याप्त-दशा के ऊपरि च्यारयों गुणस्थानवर्ती भोगभूमिया तीन शुभलेश्या संयुक्त ही हैं । तहां मिथ्यादृष्टि अर सासादन तौ देवगतियुत अठाईस का वा तिर्यच, मनुष्ययुत गुणतीस का वा उद्योतयुत तीस का इन तीन-स्थाननि कौ बांधै हैं । बहुरि मिश्र असंयत है, सो देवगतियुत अठाईस का स्थान कौ ही बांधै है, जातै तिर्यत, मनुष्यगतियुत स्थाननि का सासादन ही विषै व्युच्छेद भया ।

असै लेश्यासहित तिर्यचनि विषै बंधस्थान कहे ।

अब मनुष्यगति विषै कहिए हैं—

लब्धि-अपर्याप्तक-मनुष्य विषै तौ तीन अशुभ-लेश्या ही हैं । निवृत्ति-अपर्याप्तक कै छहौं लेश्या हैं, सो मिथ्यादृष्टि विषै तो तेवीस, पचीस, छव्वीस, गुणतीस, तीस के पाँच स्थान बंधै हैं । सासादन विषै गुणतीस, तीस के दोय स्थान बंधै हैं । असंयत विषै देवगति युत अठाईस का वा देव, तीर्थयुत गुणतीस का बंधै हैं ।

बहुरि पर्याप्त-दशा विषै छहौं लेश्या पाइए, तहां मिथ्यादृष्टि विषै तेईसकानै आदि दैकरि छह-स्थान बंधै हैं । सासादन विषै अठाईसकानै आदि दैकरि तीन देव २८ तिर्यच, मनुष्य २९, तिर्यच-उद्योत ३० बंधै हैं । बहुरि मिश्र विषै देवयुत अठाईस का ही बंधै हैं । असंयत विषै वा तीन शुभलेश्या सहित देश-संयत वा प्रमत्त विषै देवयुत अठाईस, देव, तीर्थयुत गुणतीस का बंधै हैं ।

अप्रमत्त विषै ते दोन्युं अर आहारक सहित तीस, इकतीस के— असै च्यारि बंधै हैं । अपूर्वकरण विषै शुक्ल लेश्या ही है, तहां ते च्यार्यों अर अंत-भाग विषै एक का— एसै पाँच बंधै हैं । वादर अनिवृत्तिकरण, सूक्ष्मसांपराय विषै एक का ही बंधै हैं । उपशांतादिक विषै बंध का अभाव है । बहुरि भोगभूमि विषै भोगभूमियां-तिर्यचवत् बंध जानना ।

अब देवगति विषै कहिए हैं—

भवनत्रिक-अपर्याप्त विषै तीन-अशुभलेश्या ही हैं । पर्याप्त विषै तेज का जघन्य-अंश है । पर्याप्त, अपर्याप्त वैमानिक देवनि विषै सौधर्म-युगल का प्रथम-इंद्रक-श्रेणीबद्ध प्रकीर्णकनि विषै तौ तेज का जघन्य-अंश है । द्वितीय-इंद्रक तै सनत्कुमारद्विक का षष्ठम-इंद्रक पर्यंत मध्यम-अंश



है । सातवां-इन्द्रक-श्रेणीबद्धनि विषै तेज का उत्कृष्ट, पद्म का जघन्य-अंश है । ब्रह्मद्विक का च्यारि इन्द्रक, लांतवद्विक का दोय इन्द्रक, शुक्रद्विक का एक इन्द्रक— इनविषै पद्म का मध्यम अंश है । शतार-युगल का एक इन्द्रक विषै पद्म का उत्कृष्ट, शुक्ल का जघन्य-अंश है । आनत-चतुष्क का छह इन्द्रक, नवग्रैवेयकनि का नव अनुदिशनि का एक इन्द्रक वा अनुत्तरनि का श्रेणीबद्धनि विषै शुक्ल का मध्यम-अंश है । सर्वार्थसिद्धि विषै उत्कृष्ट-अंश है ।

जहां देवनि का जन्म होइ औसै आवास, ते वैमानिक-देवनि के तौ तरेसठि-पटल हैं । भवनवासीनि के रत्नप्रभा-पृथ्वी का खर-भाग, पंक-भाग विषै सात कोडि बहतरि लाख भवन हैं । व्यंतरनि के असंख्यात द्वीप-समुद्र हैं । ज्योतिषीनि कै सुदर्शन-मेरु तैं ग्यारहसै इकईस योजन उरै पृथ्वी तैं सातसै निवै योजन ऊपरि नवसै पर्यत एकसै दश योजन की मोटाई में लोक पर्यत पण्णट्टी प्रमाण प्रतरांगुल करि भाजित जगत्प्रतर प्रमाण विमान हैं ।

तहां मिथ्यादृष्टी कर्मभूमियां मनुष्य-संज्ञी-गर्भज-तिर्यच तौ कृष्णादिक च्यारि लेश्यावाले भवनत्रिक में उपजै हैं । गर्भज-असंज्ञी तेजो लेश्यावाले भवनवासी व्यंतर ही विषै उपजै हैं, जातैं असंज्ञी कै उत्कृष्ट देवायु का स्थिति बंध पत्य के असंख्यात वै भाग प्रमाण ही हैं । बहुरि तिर्यच संबंधी मानुषोत्तर स्वयं-प्रभाचल के वीचि जघन्य-भोगभूमि, तीनप्रकार मनुष्य भोगभूमि, छिनवै कुभोगभूमि के उपजै तेजो-लेश्यावाले जीव भवनत्रिक विषै उपजै हैं । सम्यग्दृष्टि-भवनत्रिक विषै नाहीं उपजै हैं ।

बहुरि जिनकैं देवायु बंध भया औसैं तिर्यच-मनुष्य सो प्रथमोपशम-सम्यक्त्व कौं अनंतानुबंधी एक-प्रकृति का उदय तैं घात करि च्यारूं लेश्यानि करि तहां सासादन विषै उपजै हैं, ते भवनत्रिक निर्वृत्यपर्याप्तक मिथ्यादृष्टी तौ अठाईस का बिना पचीसकानै आदि देकरि च्यारि-स्थान बांधै हैं ए प २५, प २६, ति म २९, ति उ ३० । बहुरि सासादन गुणतीस, तीस के दोय बांधै हैं (ति म २९, ति उ ३०) । बहुरि मनुष्य वा तिर्यग लोक संबंधी कर्मभूमियां तिर्यच वा नागा-संन्यासी इत्यादिक वा जिनद्रव्यलिंगी आदि तेजो-लेश्या करि सौधर्मद्विक विषै मिथ्यादृष्टी उपजै हैं, ते निर्वृत्यपर्याप्तक देव पचीस, छवीस, गुणतीस, तीस के स्थाननि कौं बांधै हैं । (एप २५ एप २६ आउ तिम २९ तिउ ३०) ।

बहुरि देश-संयतपर्यत तौ तिर्यच प्रथमोपशम-सम्यक्त्व कौं अर प्रमत्तपर्यत मनुष्य प्रथम-द्वितीयोपशम-सम्यक्त्व कौं विराधि देवायु का जिनकैं बंध भया, ते तेजो लेश्या करि सौधर्मद्विक विषै सासादन विषै उपजै है । तहां निर्वृत्ति-अपर्याप्तक विषै गुणतीस, तीस के दोय स्थाननि कौं बांधे है (तिम २९ ति उ ३०) ।

बहुरि सर्वभोगभूमिया-वेदक-क्षायिक सम्यग्दृष्टी अर कर्मभूमिया वेदकसम्यग्दृष्टी अर कर्म-भूमिया देशसंयत पर्यत तिर्यच अर तीर्थकर सत्त्व सहित वा रहित अप्रमत्त पर्यत मनुष्य देवायु बंध संयुक्त, ते तेजो-लेश्या करि सौधर्मद्विक विषै उपजै, तहां असंयत-गुणस्थानवर्ती

निर्वृत्ति-अपर्याप्त विषै तीर्थकर सत्त्व सहित तौ तीर्थयुत तीस के कौं अर तीर्थकर सत्त्व रहित मनुष्यगति युत गुणतीस के कौं बांधै हैं ।

पद्म, शुक्ल संयुक्त भोगभूमिया असंयत वा पद्म, शुक्लवाले और असंयतादिक वा शुक्ल-लेश्यावाले अपूर्वकरणादिक भी मरण समय के नीचै गुणस्थाननि विषै तेजो-लेश्या कौं पाइकरि ही सौधर्मद्विक विषै उपजै हैं । तहां उत्तरदिशा के श्रेणीबद्ध अर वायु-ईशान कौण के प्रकीर्णकविमान तौ उत्तरदिशानि विषै ईशान-इन्द्र संबंधी हैं, अवशेष दक्षिण-दिशा का सौधर्म इन्द्र सम्बन्धी हैं, इतना ही सौधर्म-ईशान विषै भेद है । बहुरि सानत्कुमार-युगल विषै चक्र-इन्द्रक श्रेणीबद्ध पर्यंत तेजो-लेश्या है, तथापि तहां भोगभूमिया उपजै नाहीं, अवशेष उपजै हैं, ते निर्वृत्त्यपर्याप्तक मिथ्यादृष्टि, सासादन तो तिर्यच, मनुष्य गतियुत गुणतीस, तीस के स्थाननि को बांधै हैं (तिम २९ तिउ ३०) ।

बहुरि असंयत-मनुष्यगतियुत गुणतीस अर मनुष्य, तीर्थयुत तीस का बांधै हैं । बहुरि ऊपरि अष्ट-स्वर्गनि विषै नागा इत्यादिक कर्मभूमियां तिर्यच, मनुष्य, देवायु बंध सहित , ते पद्मलेश्या करि उपजै हैं, ते भी तैसै ही मिथ्यादृष्टि, सासादन, तिर्यच-मनुष्य युत दोय अर असंयत-मनुष्य, तीर्थयुत दोय स्थाननि को बांधै हैं ।

बहुरि आनतादिक च्यारि स्वर्ग, नव ग्रैवेयक विषै शुक्ललेश्या हैं, तहां मिथ्यादृष्टि, सासादन विषै मनुष्यगतियुत गुणतीस अर तहां के असंयत अर अनुदिश, अनुत्तर के वासी असंयत, ते मनुष्ययुत गुणतीस का वा मनुष्य, तीर्थयुत तीस का स्थान कौं बांधै हैं । इहां प्रासंगिक गाथा कहिए हैं—

**णरतिरियदेशअयदा उक्कस्सेणच्चुदोत्तिणिगंगांथा ।**

**णरअयददेसमिच्छा गेवेज्जंतोत्ति गच्छंति ॥ १ ॥ ५४५ ॥ त्रिलोकसार ॥**

मनुष्य, तिर्यच देशव्रती वा असंयत उत्कृष्ट अच्युत-स्वर्गपर्यंत उपजै हैं । द्रव्य, निर्ग्रन्थ, भाव, असंयत, देश-संयत, मिथ्यादृष्टि ऊपरि ग्रैवेयक पर्यंत उपजै हैं ।

**सज्वदोत्ति सुदिट्ठी महव्वई भोगभूमिजा सम्मा ।**

**सोहम्मदुगं मिच्छा भवणतियं तावसा य वरं ॥ २ ॥ ५४६ ॥**

त्रिलोकसार ॥

सर्वार्थसिद्धिपर्यंत सम्यग्दृष्टी-महाव्रती उपजै हैं, भोगभूमिया सम्यग्दृष्टी तौ सौधर्म-युगल विषै मिथ्यादृष्टी भवनत्रिक विषै उपजै हैं । तापसी उत्कृष्टपनै भवनत्रिक विषै उपजै हैं ।

**चरियाय परिव्वाजा बम्होत्तरचुदपदोत्ति आजीवा ।**

**अणुदिसअणुत्तरादो चुदा ण केसवपदं जंति ॥ ३ ॥ ५४७ ॥ त्रिलोकसार ॥**

नागा संन्यासी ब्रह्मोत्तर पर्यंत उपजै हैं । कांजीभिक्षु अच्युतपर्यंत उपजै हैं । अनुदिश अनुत्तर विमान तैं चए जीव नारायण, प्रति नारायण न हो हैं ।

**सोहम्मोवरदेवी सलोगपालाय दक्खिणमरिंदा ।**

**लोयंतिय सव्वट्टा चुदा तदो णिव्वुदिं जंति ॥ ४ ॥ ५४८ ॥ त्रिलोकसार ॥**

सौधर्मदेव की शची नामा पट्टदेवी अर लोकपालनि करि सहित सौधर्मादिक दक्षिण-दिशा के इन्द्र अर लौकांतिक देव, सर्वार्थसिद्धिवासी देव— ए चय करि मनुष्य होइ निर्वाण ही कौं पावैं हैं ।

**णरतिरियगदीहितो भवणतियादो य णिग्गया जीवा ।**

**ण लहंते ते पदवीं तेसट्टिसलागपुरिसाणं ॥ ५ ॥ ५४९ ॥ त्रिलोकसार ॥**

मनुष्य, तिर्यच-गति तैं वा भवनत्रिक तैं च्युत भए जीव ते तरेसठि-शलाका पुरुषनि की पदवी को न प्राप्त हो हैं ।

**सुहसयणंगो देवा जायंते दिणयरोव्व पुव्वणगे ।**

**अंते मुहुत्तपुण्णा सुगंधिसुहफाससुचिदेहा ॥ ६ ॥ ५५० ॥ त्रिलोकसार ॥**

शुभ-शय्या, स्थान विषैं प्राप्त भए देव उदयाचल विषैं सूर्यवत् जन्म कौं धारैं हैं, ते अंतर्मुहूर्त विषैं संपूर्ण सुगंध, शुभ स्पर्श पवित्र देहयुक्त हो हैं ।

**आणंदतूरजयथुदिरवेण जम्मं विचुज्झ सं पत्तं ।**

**दट्टूण सपरिवारं गयजम्मं ओहिणाणं च ॥ ७ ॥ ५५१ ॥ त्रिलोक ।**

आनंद के वाजित्र, जयकार, स्तुति शब्द करि अपने पाए जन्म कौं जानि, परिवार सहित सर्व कौं देखि, अवधिज्ञान कौं प्राप्त होइ ।

**धम्मं पसंसिदूणं णहादूण दहेभिसेयलंकारं ।**

**लद्धा जिणाभिसेयं पूजं कुव्वंति सद्धिटी ॥ ८ ॥ ५५२ ॥ त्रिलोक ।**

धर्म की प्रशंसा करि, द्रह विषैं स्नानकरि, अति उज्जल शरीर, अलंकार सहित होइ, जिन-प्रतिमा का अभिषेक वा पूजन कौं सम्यग्दृष्टि करैं हैं ।

**सुरबोहियावि मिच्छा पच्छा जिणपूजणं पकुव्वंति ।**

**सुहसायरमज्झगया देवा ण विदंति गयकालं ॥ ९ ॥ ५५३ ॥ त्रिलोक ।**

मिथ्यादृष्टि हैं ते और देवनि करि संबोधे हुए पीछें जिन पूजन करें हैं ।

ते देव सुख-सागर में मग्न भए, गये काल कौं न जानै हैं ।

**महपूजासु जिणाणं कल्लाणेषु य पजांति कप्पसुरा ।**

**अहमिंदा तत्थविया णमंति मणिमौलिघडिदकरा ॥ १० ॥ ५५४ ॥ त्रिलोक. ।**

महापूजा, इन्द्रध्वज, अष्टाह्निकादि विषै वा तीर्थकर के कल्याणनि विषै कल्पवासी देव जावैं हैं । अहमिंद्र अपने स्थान तिष्ठते ही मणि मुकटनि तैं हस्त लगाय नमस्कार करें हैं ।

**विविहतवयरणभूसा णाणसुचीसीलवत्थसोम्मंगा ।**

**जो तेसिमेव वस्सा सुरलच्छी सिद्धिलच्छी य ॥ ११ ॥ ५५५ ॥ त्रिलोकसार ।**

जे विविधतपश्चरण करि आभूषित हैं । ज्ञान करि पवित्र हैं । शीलरूपी वस्त्र धरैं हैं । सौम्य अंग लीए हैं, तिन ही कैं देव-लक्ष्मी वा मुक्तिलक्ष्मी वश्य हो है ।

असैं देव कहे, तहां लेश्या का वर्णनकरि बंध-स्थान कहे ।

या प्रकार कही थीं असंयत विषै छह लेश्या, देशविरतादि तीन विषै तीन शुभ-लेश्या, ऊपरि शुक्ल लेश्या, अयोगी लेश्या रहित है । तहां तीन अशुभ-लेश्यानि विषै तेईसकानैं आदि दैकरि छह बंध-स्थान हैं । तेजो-लेश्या विषै पचीसकानैं आदि देकरि छह-स्थान हैं । पद्मलेश्या विषै अठाईसकानैं आदि देकरि चारि-स्थान हैं । शुक्ललेश्या विषै अठाईसकानैं आदि देकरि पंच-स्थान हैं, ते सूक्ष्म-सांपराय पर्यंत यथा-संभव जानने ॥ ५४९ ॥

**भव्वे सव्वभव्वे, किण्हं वा उवसमम्मि खइए य ।**

**सुक्कं वा पम्मं वा, वेदकसम्मत्तठाणाणि ॥ ५५० ॥**

भव्वे सर्वमभव्वे, कृष्णा वा उपशमे क्षायिक च ।

शुक्लं वा पद्मं वा, वेदकसम्यक्त्वस्थानानि ॥ ५५० ॥

टीका — भव्य-मार्गणा विषै सर्व बंध-स्थान हैं, जातैं ताकें सर्व गुणस्थान संभवैं हैं । बहुरि अभव्य विषै कृष्णलेश्यावत् चतुर्गतिसहित तेईसकानैं आदि दैकरि छह-स्थान मिथ्यादृष्टि संबन्धी ही संभवैं हैं ।

बहुरि सम्यक्त्व-मार्गणा-विषै उपशम, क्षायिक-विषै तौ शुक्ल-लेश्यावत् अठाईसकानैं आदि दैकरि पंच-स्थान हैं । वेदक विषै पद्मलेश्यावत् अठाईसकानैं आदि दैकरि चारि-स्थान हैं । तहां सम्यक् का जो भाव सो सम्यक्त्व है, सो संसार के नाश कौं कारण जे जीवादिक पदार्थनि का यथार्थ -प्रतीति श्रद्धान, सो है लक्षण जाका, असा भव्य जीव का परिणामविशेष, सो सम्यक्त्व कहिए । सो सम्यक्त्व तीन प्रकार है— औपशमिक, क्षायिक, वेदक तहां औपशमिक दोय प्रकार है— प्रथमोपशम-सम्यक्त्व, द्वितीयोपशम-सम्यक्त्व । तहां—

**दंसणमोहक्खवणा, खवगा चडमाण पढमपुव्वाय ।**

**पढमुवसम्मा तमतम, गुणपडिवण्णा य ण मरंति ॥ ५६० ॥ गाथा ॥ गो. कर्म. ।**

दर्शन-मोह की क्षपणा करनेवाले वा क्षपक-श्रेणीवाले वा चढ़तैं अपूर्व-करण का प्रथम भाग विषैं उपशम-श्रेणीवाले वा प्रथमोपशम-सम्यक्त्व के धारी वा तमतम-सातवां-नरक विषैं सासादनादि गुण के धारी— ए मरैं नाहीं ; तातैं तिन दोऊनि विषैं प्रथमोपशम-सम्यक्त्व है, सो च्यार्यो गति के पर्याप्त विषैं ही होइ अपर्याप्त विषैं न होइ । बहुरि द्वितीयोपशम-सम्यक्त्व पर्याप्त-मनुष्य वा निर्वृत्यपर्याप्त वैमानिक-देवनि विषैं होइ । बहुरि क्षायिक-सम्यक्त्व धर्मानारकी, भोगभूमिया तिर्यच, भोगभूमिया-कर्मभूमिया मनुष्य, वैमानिक-देव इनकैं पर्याप्त वा अपर्याप्त दशा विषैं हो है । बहुरि वेदक-सम्यक्त्व च्यारिगति के पर्याप्तक वा निर्वृत्यपर्याप्तक-जीवनि कैं हो है । तहां प्रथमोपशम-सम्यक्त्व कैसे जीव कैं होइ है ? सो कहैं हैं—

**चदुगदि मिच्छो सण्णी, पुण्णो गव्भज विसुद्धसागारो ।**

**पढमुवसम्मं गेणहदि, पंचमवरलद्धिचरिमम्मि ॥ लब्धिसार ॥ २ गाथा ॥**

च्यारि-गति का मिथ्यादृष्टि, सो भी सैनी ही होइ, असैनी न होइ, सो भी लब्धि-अपर्याप्तक, निर्वृत्यपर्याप्तक नहोइ, पर्याप्तक ही होइ, सो भी सन्मूर्छन न होइ, गर्भज वा उपपादज ही होइ, सो भी संक्लेशी न होइ, विशुद्ध-परिणामी होइ । सो भी अनाकार-दर्शनोपयोग युक्त न होइ, विशेष ग्रहणरूप साकारोपयोग का धारी होइ तहां भी—

**चत्तारिवि खेत्ताइं आउगबंधेण होदि सम्मत्तं ।**

**अणुवदमहव्वयाइं ण लहइ देवाउगं मोत्तुं ॥ ५ ॥ ३३४ गाथा ॥ गो. कर्म. ।**

च्यारिगति का आयु पूर्वे बांध्या होइ, तौ भी सम्यक्त्व होइ दोष नाहीं । बहुरि अणुव्रत, महाव्रत, देवायु बिना और आयु का बंध जाकैं भया होइ, ताकैं न होइ इस वचन तैं बद्धायु हो वा अबद्धायु हो, सौ भी सादि-मिथ्यादृष्टी होइ वां अनादि मिथ्यादृष्टि होइ, तहां सादि-मिथ्यादृष्टि कैं जो सम्यक्त्व-मोहनी, मिश्र-मोहनी का सत्त्व पाइए है, तौ ताकैं तीन दर्शन-मोह, च्यारि अनंतानुबंधी— ए सात प्रकृति हैं अर जो सम्यक्त्व-मोहनी मिश्रमोहनी का सत्त्व नाही है, तो पंच-प्रकृति हैं अर अनादि-मिथ्यादृष्टि कैं पांच ही प्रकृति हैं ।

सो क्षयोपशम, विशुद्धि, देशना, प्रायोग्यता, करण, लब्धि के परिणामनि करि प्रशस्तोपशमन-विधान करि तिन प्रकृतिनि कौं युगपत् उपशमाइ अंतर्मुहूर्त कालपर्यंत प्रथमोपशम-सम्यक्त्व कौं अंगीकार करता कोई जीव, अप्रत्याख्यान कषाय के उदय तैं इकतालीस

१- यह गाथा प्रथम पाद भिन्नता सहित उपलब्ध है । ५६० गाथा कर्म. में प्रथम पाद में 'मिस्सा आहारध्याय है । प्रथम पद का भाव ५६१ गाथा के तृतीयपाद "किदकरणिज्जं जाव दु"

पाप-प्रकृतिनि का बंध कौं निवारता असंयत हो है । वा कोई जीव प्रत्याख्यान के उदय तैं इकावन-प्रकृति के बंध कौं दूर करता देश-संयत हो हैं । वा कोई जीव संज्वलन के उदय तैं इकसठि-प्रकृतिनि के बंध कौं दूर करता अप्रमत्त हो है, सो अप्रमत्त, संख्यात हजारां बार अप्रमत्त तैं प्रमत्त विषैं, प्रमत्त तैं अप्रमत्त विषैं आवै जाय हैं ।

सो तिस प्रथमापेशम-सम्यक्त्व के ग्रहण के प्रथम समय तैं गुण-संक्रमणकरि तिस सम्यक्त्व के परिणाम तैं जैसे घरटीकरि कोदों नाज तीन भाग कीजिये, तैसैं मिथ्यात्व-द्रव्य कौं मिथ्यात्व, मिश्र, सम्यक्त्व भेदकरि तीन प्रकार करै हैं ।

तहां नारकी तौ असंयत ही हो है, सो मनुष्य युत गुणतीस का वा मनुष्य तीर्थयुत तीस का इन दोऊनि कौं तो धर्मादिक-तीन विषैं बांधै हैं । अवशेष पृथ्वीनि विषैं मनुष्य युत गुणतीस के कौं ही बांधै हैं ।

इहां प्रश्न— “अविरदादि चत्तारि तित्थयरबंधपारंभया णरा केवलिदुगंते” इस वचन तैं अविरतादि च्यारि गुणस्थानवाले मनुष्य ही केवली-द्विक कैं निकटि तीर्थकर-बंध के प्रारंभक कहे, नरक विषैं कैसे तीर्थकर का बंध है ?

तहां समाधान—

जिनकैं पूर्वे नरकायु बंध भया होइ, पीछै प्रथमोपशम वा वेदक-सम्यक्त्व विषैं तीर्थकर-बंध का प्रारंभ मनुष्य करै पीछै मरण समय मिथ्यादृष्टि होइ तृतीय पृथ्वी पर्यंत उपजैं । तहां शरीर-पर्याप्ति पूर्ण भए पीछै तिन दोऊनि मैस्यौं किसी सम्यक्त्व कौं पाइ समय-प्रबद्ध विषैं तीर्थकर का भी बंध करै हैं ।

तहां प्रश्न— जो प्रथमोपशम-सम्यक्त्व की प्राप्ति विषैं साकारोपयोग कहा है सो नरक विषैं कैसे संभवै ?

ताका समाधान— तीसरी पृथ्वीपर्यंत देव का संबोधन तैं वा निसर्ग-सहज स्वभाव तैं, तहां भी साकारोपयोग हो है ।

इहां प्रश्न— जो निसर्ग विषैं पदार्थनि का अबबोध है कि नहीं । जौ है तौ वह भी अधिगमज हीभया अर नहीं है तौ तत्त्वज्ञान बिना सम्यक्त्व कैसे नाम पाया ?

ताका समाधान— दोऊनि विषैं अंतरंगकारण दर्शनमोह का उपशम, क्षय, क्षयोपशम की समानता है, ताकौं होतैं जहां आचार्यादिक का उपेदश करि तत्त्वज्ञान होइ सो अधिगमज है, तीहिं बिना होइ सो निसर्गज है ।

बहुरि प्रथमोपशम सम्यग्दृष्टी तिर्यच असंयत वा देशसंयत होइ, सो देवगतियुत अठाईस के स्थान कौं ही बांधै है ।

बहुरि प्रथमोपशम-सम्यग्दृष्टि मनुष्य सो असंयत वा देशसंयत वा प्रमत्त तौ देवगतियुत अठाईस का देव तीर्थ सहित गुणतीस का स्थान कौं बांधै हैं । जातैं इस सम्यक्त्व विषैं भी तीर्थकर-बंध का प्रारम्भ हो हैं ।

बहुरि अप्रमत्त ते दोन्यों अर आहारकयुत तीस वा इकतीस— अैसें च्यारि-स्थान बांधै है । बहुरि प्रथमोपशम-सम्यक्त्वी देश-असंयत ही है, सो उपरिम-ग्रैवेयक पर्यंत ही है, सो मनुष्यगतियुत गुणतीस कौं ही बांधै हैं । तीर्थकर सहित तीस बांधै नाही, जातैं देवायु का बंध सहित तीर्थकर-बंधवाले कैं जैसें सम्यक्त्व तैं भ्रष्टता न होइ, तैसें अबद्धायु-देव कैं भी न होइ । अर सम्यक्त्व तैं भ्रष्ट होइ मिथ्यादृष्टि विषैं प्राप्त भएं बिना प्रथमोपशम-सम्यक्त्व की प्राप्ति नाही ।

बहुरि द्वितीयोपशम-सम्यक्त्व कौं वेदक-सम्यग्दृष्टी अप्रमत्त ही तीन-करण के परिणामनि करि सातौं प्रकृतिनि कौं उपशमाय ग्रहण करै है । तिस द्वितीयोपशम सम्यक्त्व का अंतर्मुहूर्त-काल का प्रथम-समय विषैं देवगतियुत अठाईसकानैं आदि देकरि च्यारि कौं बांधै है, सो यहु उपशम-श्रेणी के चढ़ने कौं तीन-करण करता अघःप्रवृत्तकरण कौं तो सातिशय-अप्रमत्त ही करैं है, सो समय-समय अनंतगुणी विशुद्धता को धारता सातादिक प्रशस्त — प्रकृतिनि कौं गुड, खंड, शर्करा, अमृतरूप च्यारि प्रकार अनुभाग-बंध कौं समय-समय प्रति अनंतगुणा बधावता असाता आदि अप्रशस्त-प्रकृतिनि का अनुभाग-बंध कौं समय-समय अनंतगुणा घटावता निंब, कांजीररूप दोयप्रकार बांधता, बहुरि सर्व प्रकृतीनि का स्थितिबंध कौं घटावता अपूर्वकरण गुणस्थान कौं प्राप्त हो है । ताका प्रथम-समय तैं लगाय छठा-भाग पर्यंत तिनही च्यारि बंधस्थानकनि बांधता, सातवां-भाग विषैं वा अनिवृत्तिकरण विषैं वा सूक्ष्मसांपराय विषैं एक का कौं बांधै है ।

बहुरि उपशांत-कषाय विषैं अंत-समय पर्यंत नाम-कर्म कौं न बांधता अनुक्रम तैं उतरि अप्रमत्त-गुणस्थान कौं प्राप्त भया, तहां अप्रमत्त तैं प्रमत्त विषैं प्रमत्त तैं अप्रमत्त विषैं हजारों वार गमनागमन करै, पीछैं प्रमत्त तैं संक्लेश का वश करि प्रत्याख्यानावरण के उदय तैं देशसंयत होइ करि वा अप्रत्याख्यान के उदय तैं असंयत होइ करि प्रमत्तवत् दोय स्थाननि कौं बांधै, अैसें द्वितीयोपशम-सम्यक्त्व विषैं आठ गुणस्थान हैं ।

बहुरि सो देवायु का बंध सहित जीव चढ़तैं अपूर्वकरण का प्रथम-भाग विना अन्यत्र अर उतर तैं सर्वत्र कहीं जो मरण होइ तौ वैमानिक-दैव विषैं यथासंभव उपजै, तहां निर्वृत्ति-अपर्याप्त अवस्था विषैं मनुष्ययुत गुणतीस का वा मनुष्य, तीर्थयुत तीस का स्थान कौं बांधै है ।

अैसें उपशम-सम्यक्त्व कहा ।

बहुरि दोऊ प्रकार के उपशम-सम्यक्त्व विषैं इकतीस-प्रकृतिरूप जो नाम-कर्म का बंधस्थान, ताका सत्त्व सहित प्रमत्त तींहविषैं मिथ्यात्व का उदय न होइ । इकतीस के बंधस्थान की प्रकृतिनि का सत्त्व जाकैं पाइए, सो प्रमत्त तैं मिथ्यादृष्टि विषैं न आवै ।

बहुरि तीर्थ-सत्त्व, आहारक-सत्त्व लीएं असंयतादिक तीन विषै अनंतानुबंधी का उदय न होइ ; तातैं तहां तैं तिस सत्त्ववाला सासादन विषै न आवै । बहुरि तीर्थकर का सत्त्व होतैं मिश्रमोहनी उदय न हो हैं ; तातैं तहां तैं तिस सत्त्ववाला मिश्रगुणस्थान विषै न आवै है, जातैं तिस-तिस कर्म का सत्त्वयुक्त जीवनि कै सो-सो गुणस्थान नाहीं संभवै है । एक जीव कै तीर्थकर अर आहारक का सत्त्व होतैं मिथ्यादृष्टि-गुणस्थान न हो है । आहारक का सत्त्व होतैं सासादन न हो है । तीर्थकर का सत्त्व होतैं मिश्र न हो हैं— असैं जानना ।

आगै क्षायिक-सम्यक्त्व का विधान कहिए है— प्रासंगिक गाथा—

**दंसणमोहक्खवणापट्टवगो कम्मभूमिजो मणुजो ।**

**तित्थयरपादमूले केवलिसुदकेवलीमूले ॥ ११० ॥ लब्धिसार ।**

**णिट्टवगो तट्टाणे विमाणभोगावणीसु धम्मे य ।**

**कदकरणिज्जो चदुसुवि गदीसु उप्पज्जदे जम्हा ॥ १११ ॥ लब्धिसार ।**

दर्शन-मोह की क्षपणा का प्रारंभक तौ कर्मभूमिया मनुष्य तीर्थकर वा केवली वा श्रुतकेवली के पदमूल विषै ही हो है अर निष्ठापक तहां ही वा वैमानिक-देव वा भोगभूमिया वा घर्मा-नरकवाला हो है, जातैं कृतकृत्य-वेदक सम्यग्दृष्टी च्यार्यो गति विषै उपजै है । सोई कहिए है—

सामग्री विशेष संयुक्त असंयतादि च्यारिगुणस्थाननि विषै कोई गुणस्थानवर्ती जो वेदक-सम्यग्दृष्टी-जीव, सो अधःप्रवृत्तकरण का प्रथम-समय तैं लगाय पूर्वोक्त प्रकार विशुद्धता का बंधना, सातादि प्रशस्त-प्रकृतिनि का अनुभाग-बंध बधावना, असातादि अप्रशस्त-प्रकृतिनि का अनुभाग-बंध घटावना, सर्व प्रकृतिनि का स्थिति-बंध घटावना— ए च्यारि आवश्यक करता तिस अधः प्रवृत्त करण कौ पूर्ण करि अनंतर-समय विषै अपूर्वकरण कौ प्राप्त भया । तहां तिन पूर्वोक्त च्यारि आवश्यकनि करि सहित समय-समय प्रति जो प्रथमोपशम-सम्यक्त्व की उत्पत्ति विषै वा देशसंयत विषै वा सकल-संयत विषै असंख्यातगुणा, असंख्यातगुणा गुणश्रेणीरूपी द्रव्य है, तिसतैं असंख्यातगुणा अनंतानुबंधी का द्रव्य कहिये परमाणुनि का समूह ताकौ अपकर्षण करि जुदे ग्रहि करि अपूर्वकरण, अनिवृत्तिकरण का दोऊ काल तैं इहां गुण-श्रेणी-आयाम का काल किछू अधिक है, तथापि सकल-संयम का गुण-श्रेणी का काल तैं संख्यात गुणा घाति है । तिस विषै व्यतीत भये पीछे अवशेष जेता रहता जाय तिस गुण श्रेणी काल विषै तिस अपकर्षण कीए हुए द्रव्य कौ देवै हैं ।

**भावार्थ—** सत्त्वरूप मोहनीयकर्म के परमाणुनि विषै जेते अनंतानुबंधी के परमाणू हैं, तिनविषै पूर्वोक्त गुण श्रेणी विषै देने कौ अपकर्षण करि जेते परमाणू जुदे करे, तितने परमाणू तिस पूर्वोक्त गुणश्रेणी का काल के जितने समय होंइ, तिनविषै समय-समय प्रति असंख्यात-असंख्यात



गुणे होइ निर्जरावै है । बहुरि पूर्व तैं असंख्यातगुणा संक्रमद्रव्य कौं संक्रमावै है । अनंतानुबंधी के द्रव्य कौं अन्य-कषायनिरूप परिणमावै है । बहुरि पूर्व तैं असंख्यातगुणे आयाम जो समयनि का जो प्रमाण, ताकौं लीए संख्यात हजार कर्मनि के स्थिति कांडक का स्थान तिनिका घात करै है— पूर्वे सत्ता विषैं कर्मनि की स्थिति थी, ताकौं घटावै है । बहुरि तितने ही नए कर्मनि के स्थिति-बंध का अपसरण जो घटावना, ताकौं करै है । बहुरि एक-एक स्थिति कांडक का घात करने का काल विषैं पूर्व तैं अनंतगुणा अनुभाग के अविभाग-प्रतिच्छेदादिकरूप आयाम कौं लीए अनुभाग-कांडकनि का नाश करै है । असैं करता संता अपूर्वकरण कौं पूर्ण करै है ।

तिसके अनंतर-समय विषैं अनिवृत्ति-करण हो है ।

**अणियट्टे अब्बाए अणस्स चत्तारि होति पव्वाणि ।**

**सायरलक्खपुधत्तं पल्लं दूरावकिट्टिउच्छिड्डं ॥ १ ॥ ११३ गाथा ॥ लब्धिसार ।**

तहां अनिवृत्तिकरण का प्रथम-समय विषैं सत्त्वरूप अनंतानुबंधी की स्थिति पृथक्त्व लक्ष-सागर प्रमाण है । ताके ऊपर तिस अनिवृत्तिकरण के काल कौं संख्यात का भाग दीजिए, तहां एक-भाग विना अवशेष बहुभाग प्रमाणकाल कौं गएं पल्य का संख्यातवां-भाग प्रमाण एक-एक कांडक जो एक-एक बार इतनी-इतनी स्थिति घटावना, सो असैं संख्यात सहस्र-स्थिति के कांडकनि करि असैनी का बंध के समान हजार सागर प्रमाण स्थिति राखै है ।

बहुरि ताके ऊपर तितने ही प्रमाण कौं लीएं, तितने ही कांडकनि करि चौद्री का बंध के समान सौ सागर की स्थिति राखै हैं । बहुरि ताके ऊपर तितने प्रमाण कौं लीएं, तितने ही कांडकनि करि तेंद्री का बंध समान पचास-सागर की स्थिति राखै है । बहुरि ताके ऊपर तितने आयाम कौं लीएं तितने ही कांडकनि करि वेंद्री का बंध समान पचीस सागर की स्थिति राखै है । बहुरि ताके ऊपर तितने आयाम कौं लीएं, तितने ही कांडकनि करि घटाइ एकेंद्री का बंध समान एक सागर स्थिति राखै हैं । बहुरि ताके ऊपर तितने आयाम कौं लीएं, तितने ही कांडकनि करि घटाइ पल्यप्रमाण स्थिति राखै है ।

बहुरि ताके उपरि पल्य का असंख्यातवां-भाग मध्ये एक-भाग बिना बहु-भाग प्रमाण आयाम कौं लीएं, तितने ही कांडकनि करि स्थिति कौं घटाइ दूरापकृष्टि है नाम जाका, असै पल्य के असंख्यातवैं भाग प्रमाण स्थिति राखै है । बहुरि ताके ऊपर तितने ही आयाम कौं लीएं, तितने ही कांडकनि करि उच्छिष्टावली है नाम जाका, असै आवलीप्रमाण स्थिति राखै है । इतनीस्थिति अवशेष रहैं विसंयोजन वा उपशमन वा क्षपणा क्रिया न होइ सके ; तातैं याकौं उच्छिष्टावली कहिए, ते अवशेष रहे आवलीकाल के निषेक तिस आवली-कालविषैं एक-एक निषेक करि अन्य-प्रकृतिरूप परिणमि करि गएं हैं ।

असैं अनंतानुबंधी-चतुष्क है, सो तिस उच्छिष्टावली का अंत-समय विषैं विसंयोजनरूप कीया हुवा अन्य बारह-कषाय वा नव नो कषायरूप प्राप्त कीया ।

अंतो मुहुत्तकालं विस्समिय पुणोवि तिकरणं किरिय ।

अणियट्टीए मिच्छं मिस्सं सम्मं कमेण णासेई ॥ १ ॥११७ गाथा ॥ लब्धिसार ।

बहुरि ताके अनंतरि अंतर्मुहूर्त विश्राम लेइकरि अनंतानुबंधी का विसंयोजन कीएं पीछै अंतर्मुहूर्त भया तब, बहुरि तीन-करण करै, तहां अनिवृत्तिकरण का काल का संख्यातभागनि में एक-भाग बिना बहुभाग गए एक-भाग अवशेष रहैं पहिलैं मिथ्यात्व कौं, पीछै सम्यग्मिथ्यात्व कौं, पीछै सम्यक्त्व-प्रकृति कौं अनुक्रम तैं क्षय करै है ।

तहां दर्शन-मोह की क्षपणा का प्रारंभ का प्रथम-समय विषैं स्थायी जो सम्यक्त्वमोहनी की प्रथम स्थिति, ताका काल विषैं अंतर्मुहूर्त अवशेष रहै तहां का अंतसमय पर्यंत तौ प्रस्थापक कहिए । बहुरि तिसके अनंतरि समय तैं प्रथम-स्थिति का अंत निषेक पर्यंत निष्ठापक कहिए, सो प्रस्थापक तौ असंयतादि च्यारि-गुणस्थाननि विषैं कोई गुणस्थानवर्ती मनुष्य ही है । बहुरि निष्ठापकबद्धायु की अपेक्षा वैमानिक-देव वा घर्मा-नारक वा भोगभूमिया-तिर्यच वा मनुष्य-निर्वृत्यपर्याप्तक भी हो है अर अबद्धायु की अपेक्षा मनुष्य निष्ठापक हो है ।

बहुरि कृतकृत्य-वेदक का काल अंतर्मुहूर्त गए पीछैं जीव क्षायिक-सम्यग्दृष्टी हो है । सो यहु क्षायिक-सम्यग्दृष्टी कोई कर्मभूमि का मनुष्य तीर्थबंध का प्रारंभ करि वा न प्रारंभकरि चरम-शरीरी तिस ही भव विषैं क्षपकश्रेणी चढि घातियाकर्महनि सातिशय वा निरतिशय-केवली हो है । अर जो तीसरा-भव विषैं मुक्त होना होइ, तौ देवायु ही कौं बांधि वैमानिक-देवनि ही विषैं उपजि दिव्यभोगनि कौं भोगि चय करि पंद्रह-कर्मभूमिनि विषैं उत्तम-संहनन का धारी होइ घातिकर्मनि कौं नष्ट करै है ।

ए क्षायिक-सम्यग्दृष्टी यथासंभव अठाईसका कौं आदि दैकरि पांच-स्थान बांधै हैं ।

आगै वेदक विषैं कहिए हैं—

असंयतादिक च्यारि-गुणस्थानवर्ती मनुष्य द्वितीयोपशम-सम्यग्दृष्टी केई मरि वैमानिक-देवनि विषैं असंयत भए ते वेदक-सम्यग्दृष्टि हो हैं । बहुरि कर्मभूमिया मनुष्य प्रथमोपशम-सम्यग्दृष्टी ते अपने अपने उपशम-सम्यक्त्व का अंतर्मुहूर्तकाल गए पीछैं, सम्यक्त्व-मोहनी के उदय तैं वेदक-सम्यग्दृष्टी हो हैं । बहुरि कर्मभूमियां-मनुष्य सादि-मिथ्यादृष्टि ते सम्यक्त्व-मोहनी के उदय तैं मिथ्यात्व का उदयरूप निषेकनि का अभावकरि असंयतादिक च्यारि-गुण-स्थाननि विषैं मिथ्यात्व तैं वेदक-सम्यग्दृष्टी होइ, तीर्थकर-प्रकृति कौं बांधै वा कोई जीव न बांधै, सो ए वेदक-सम्यक्त्वी अर कृतकृत्य-वेदक-सम्यक्त्वी हैं ।

ते असंयतादिक तीन तौ अठाईस, गुणतीस के दोय अर अप्रमत्त अठाईसकानैं आदि देकरि च्यारि-स्थानकनि कौं बांधै हैं ।

बहुरि नरक-गति विषैँ प्रथमोपशम-सम्यग्दृष्टी अपने काल के अनंतर-समय कौँ प्राप्त होइ करि मिश्रगुणस्थानी वा सादि-मिथ्यादृष्टी होंहिं ते मिश्र-प्रकृति वा मिथ्यात्व-प्रकृति के उदय निषेकनि कौँ मिटाइ सम्यक्त्व-प्रकृति के उदय तँ वेदक-सम्यग्दृष्टी होइ करि घर्मादिक तीन विषैँ तो तीर्थकर रहित वा सहित गुणतीस, तीस के स्थाननि कौँ बांधै है । शेष पृथ्वीनि विषैँ मनुष्यगति सहित गुणतीस के कौँ ही बांधै हैं ।

बहुरि कर्मभूमिया वा भोगभूमिया तिर्यच अर भोगभूमियां मनुष्य ते प्रथमोपशम-सम्यक्त्व कौँ छोडि सादि-मिथ्यादृष्टी होइ, ते मिथ्यात्व के उदय निषेकनि कौँ मिटाइ सम्यक्त्व-मोहनी के उदय तँ वेदक-सम्यग्दृष्टी होहिं, ते जीव अर भोगभूमियां कृतकृत्य-वेदक-सम्यग्दृष्टी ते देवगति युत अठाईस के कौँ ही बांधै हैं ।

बहुरि देव कृतकृत्यवेदक-सम्यग्दृष्टी गुणतीसकानै आदि दैकरि दोय-स्थान बांधै हैं । मनु मती । अर प्रथमोपशम-सम्यग्दृष्टी देव वा देव पर्याय ही विषैँ जिनके वेदक-सम्यक्त्व २९ ३०

भया—असैँ देव हैं, ते मनुष्य युत गुणतीस के कौँ ही बांधै हैं । बहुरि भवनत्रिकादिक उपरिम-ग्रैवेयक पर्यंत सादि-मिथ्यादृष्टी जीव तीन करणनि कौँ बिना कीएं यथा संभव सम्यक्त्व-मोहनी के उदय तँ मिथ्यात्व कौँ छोडि वेदक-सम्यग्दृष्टी होइ मनुष्यगतियुत गुणतीस के कौँ ही बांधै है ॥ ५५० ॥

**अडवीसतिय दु साणे, मिस्से मिच्छे दु किणहलेस्सं वा ।**

**सण्णीआहारिदरे, सव्वं तेवीसछक्कं तु ॥ ५५१ ॥**

अष्टविंशत्रयं तु साने, मिश्रे मिथ्ये तु कृष्णलेश्या वा ।

संज्ञाहारेतरयोः, सर्वं त्रयोविंशषट्कं तु ॥ ५५१ ॥

**टीका** - सासादन-सम्यक्त्व विषैँ अठाईसकानै आदि दैकरि तीन कौँ बांधै हैं । तहां निर्वृत्त्यपर्याप्तक वादर-पृथ्वी, अप, प्रत्येक-वनस्पती, वेंद्री, तेंद्री, चौंद्री, सैनी-असैनी तिर्यच, मनुष्यनि विषैँ वा पर्याप्त नारकीनि विषैँ वा पर्याप्त-अपर्याप्त भवनत्रिकादि सहस्रार पर्यंत देवनि विषैँ गुणतीसकानै आदि दैकरि दोय ही बांधै हैं । तिम तितु । बहुरि पर्याप्त-संज्ञी-तिर्यच, मनुष्य

२९ ३०

विषैँ देवगतियुत अठाईस कानै आदि दैकरि तीन बांधै हैं— दे तिम तितु । बहुरि पर्याप्त-

२८ २९ ३०

अपर्याप्त आनतादि उपरिम-ग्रैवेयक पर्यंत मनुष्यगति युत गुणतीस के कौँ ही बांधै हैं ।

बहुरि अनुदिश, अनुत्तरनि विषैँ सासादन है नाही ।

बहुरि मिश्ररुचि विषै अठाईसकानै आदि दैकरि दोय ही बांधै है । तहां पर्याप्त देव, नारकीनि विषै मनुष्ययुत गुणतीस के कौ ही बांधै हैं । तिर्यच, मनुष्य विषै देवगतियुत अठाईस के कौ ही बांधै हैं । अनुदिश, अनुत्तर विषै मिश्र है नाहीं ।

बहुरि मिथ्यारुचि विषै कृष्णलेश्यावत् तेईसकानै आदि दैकरि छह-स्थाननि कौ बांधै है । तहां निर्वृत्यपर्याप्त, पर्याप्त-नारकीनि विषै छह-पृथ्वीनि विषै तिर्यच मनुष्यगतियुत गुणतीस, तीस के कौ बांधै है । सातवी-पृथ्वी विषै तिर्यचगतियुत ही दोऊनि कौ बांधै है । बहुरि तिर्यचगति विषै लब्धि-अपर्याप्त, निर्वृत्यपर्याप्तक वादर-सूक्ष्म पृथ्वी, अप, तेज, वायु, साधारण-प्रत्येक वनस्पती, वेन्द्री, तेन्द्री, चौन्द्री, असैनी-सैनी तिर्यच अर मनुष्यनि विषै अठाईस का विना तेईसकानै आदि दैकरि पंचस्थान बांधै हैं ।

तहां विशेष- जो तेज, वायु विषै मनुष्यगतियुत पचीस, गुणतीस का नाहीं बांधै हैं । बहुरि-पर्याप्त-असंज्ञी-संज्ञी तिर्यच वा मनुष्यनि विषै तेईसकानै आदि दैकरि छह बांधै । बहुरि लब्धि-अपर्याप्त निर्वृत्यपर्याप्तक मनुष्यनि विषै अठाईस का बिना पांच ही बांधै हैं । बहुरि देवगति विषै निर्वृत्यपर्याप्तक वा पर्याप्त विषै भवनत्रिकादिक ईशान पर्यंत तौ पचीस, छब्बीस, गुणतीस, तीस के च्यारि बांधै हैं । अर सनत्कुमारादि दश स्वर्गनि विषै गुणतीसकानै आदि दैकरि दोय बांधै हैं । आनतादि उपरिम-प्रैवेयक पर्यंतनि विषै गुणतीस का ही बांधै है । अनुदिश, अनुत्तरनि विषै मिथ्यादृष्टि है नाहीं । इहां प्रासंगिक-गाथा कहिए है—

**चदुरेक्कदुपण पंच य छत्तिगठाणाणि अप्पमत्तंता ।**

**तिण्णुवसमगे संते त्तियतियतियदोण्णि गच्छंति ॥ १ ॥ ५५६ कर्मकाण्ड ।**

निज गुणस्थान कौ छांडि अनंतर समय विषै किस-किस गुणस्थान कौ प्राप्त होइ ? सो कहिए है— मिथ्यादृष्टि है सो सासादन, प्रमत्त विना अप्रमत्तपर्यंत च्यारि गुणस्थाननि कौ प्राप्त हो है । सासादन है सो एक मिथ्यादृष्टि को ही प्राप्त हो है । मिश्र है सो मिथ्यादृष्टि अर असंयत इन दोय कौ प्राप्त हो है । असंयत अर देशसंयत ए दोऊ हैं, ते प्रमत्त विना अप्रमत्तपर्यंत पांच, पांच कौ प्राप्त हो हैं । प्रमत्त है सो अप्रमत्त पर्यंत छह कौ प्राप्त हो है । अप्रमत्त वा अपूर्वकरणादि तीन उपशम-श्रेणीवाले आप तैं ऊपरले-गुणस्थान चढ़ें वा नीचले गुणस्थान उतरें, मरण होइ तौ देव पर्यायरूप असंयत होइ, असै तीन-तीन कौ प्राप्त हो हैं । उपशांत-कषाय उतरै तौ सूक्ष्मसांपराय विषै आवै, मरण होइ तौ देव असंयत होइ— असै दोय कौ प्राप्त हो है ।

तहां गति अपेक्षा नारकी-मिथ्यादृष्टि है सो मिश्र, असंयत कौ, सासादन है, सो मिथ्यादृष्टि ही कौ, मिश्र है सो मिथ्यादृष्टि, असंयत कौ, असंयत है सो मिश्रपर्यंत तीन कौ प्राप्त हो है ।

बहुरि तिर्यच मिथ्यादृष्टि है, सो मिश्रादि देशसंयत पर्यंत तीन कौ, सासादन है, सो मिथ्यादृष्टि ही कौ, मिश्र है सो मिथ्यादृष्टि असंयत कौ, असंयत है सो देश-संयतपर्यंत च्यारि कौ, देशसंयत है सो असंयत पर्यंत च्यारि कौ प्राप्त हो है ।

बहुरि मनुष्य-मिथ्यादृष्टि है, सो सासादन, प्रमत्त विना अप्रमत्त पर्यंत च्यारि कौं, सासादन है सो मिथ्यादृष्टि ही कौं, मिश्र है सो मिथ्यादृष्टि वा असंयत कौं, असंयत है, सो प्रमत्त विना अप्रमत्त पर्यंत पांच कौं, देशसंयत है, सो भी प्रमत्त बिना अप्रमत्त पर्यंत पांच कौं, प्रमत्त है सो अप्रमत्त पर्यंत छह कौं, अप्रमत्त है सो प्रमत्त वा अपूर्वकरण वा मरण भए देव-असंयत कौं, अपूर्वकरण है सो चढने विषै अनिवृत्तिकरण कौं उतरतै अप्रमत्त कौं मरण भए देव-असंयत कौं, अनिवृत्तिकरण है, सो चढने विषै सूक्ष्मसांपराय कौं, उतरने विषै अपूर्वकरण कौं, मरण भए देव-असंयत कौं, सूक्ष्मसांपराय है, सो चढने विषै उपशांत-कषाय कौं, उतरने विषै अनिवृत्तिकरण कौं, मरण भए देव-असंयत कौं, उपशांत-कषाय है, सो उतरने विषै सूक्ष्मसांपराय कौं, मरण भए देव-असंयत कौं प्राप्त हो है ।

बहुरि क्षपकश्रेणी विषै चढना ही है उतरना नाही ; तातै अपूर्वकरण-अनिवृत्तिकरण कौं, अनिवृत्तिकरण सूक्ष्मसांपराय कौं सूक्ष्मसांपराय क्षीणकषाय कौं, क्षीणकषाय-सयोगी कौं, सयोगी-अयोगी कौं, अयोगी-सिद्धपद कौं प्राप्त हो है ।

बहुरि देव-मिथ्यादृष्टि है, सो मिश्र अर असंयत कौं, सासादन है सो मिथ्यादृष्टि कौं, मिश्र है सो मिथ्यादृष्टि अर असंयत कौं, असंयत है सो मिश्रपर्यंत तीन कौं प्राप्त हो है ।

बहुरि संज्ञी अर आहारमार्गणा विषै नामकर्म के सर्व बंधस्थान हैं । असंज्ञी-अनाहारक विषै तेवीसकानै आदि देकरि छह ही हैं, तहां संज्ञी विषै नारकी विषै तौं, गुणतीस, तीस के दोय हैं, तिम तिउमती बहुरि तिर्यच विषै तीर्थकर, आहारक-वर्जित छह-स्थान हैं । बहुरि मनुष्य विषै

२९ ३०

सर्व-स्थान हैं । देवविषै अठाईस का बिना पचीसकानै आदि दैकरि च्यारि हैं ए प २५ ए प २६ आउ तिम २९ तिउ मती ३० ।

बहुरि असंज्ञी-मार्गणा विषै लब्धि-अपर्याप्त, निर्वृत्यपर्याप्त, पर्याप्त, वादर-सूक्ष्म-पृथ्वी, अप, तेज, वायु, साधारण, प्रत्येक, वेन्द्री, तेन्द्री, चौंद्री, पंचेन्द्रीनि विषै तीर्थकर, आहारक-रहित छह-स्थान हैं ।

बहुरि आहार-मार्गणा विषै देवनरक विषै गुणतीस, तीस के तिर्यच विषै तेईसकानै आदि दैकरि छह, मनुष्य विषै सर्व-स्थान हैं । अनाहार-मार्गणा विषै विग्रहगति विषै देवनरक विषै गुणतीस, तीस के दोय, पूर्वोक्त गुणतीस प्रकार तिर्यचनि विषै तेईसकानै आदि दैकरि छह तिनविषै देवयुत अठाईस का असंयत ही विषै संभवै है ।

मनुष्यविषै तेईसकानै आदि दैकरि छह— ए अ २३ ए प वि ति च प म २५ ए प आ उ २६ दे २८ वि ति च प म दे ती २९ वि ति च प उ इहां ३० सैनानीनि विषै विशेषनि का आदि-अक्षर जानना ।

औसैं नामकर्म के बंधस्थान मार्गणानि विषैं जानने, जातैं तत्त्वरुचि-सम्यक्त्व है । तत्त्वनि का सम्यग्ज्ञान बोध है । तिन सहित जीवनि का न विराधना चारित्र है— सोई मोक्षमार्ग है ॥ ५५१ ॥

आगैं पुनरुक्त-भंगनि कौं कहैं हैं—

णिरयादिजुदट्टाणे, भंगेणप्पप्पणम्मि ठाणम्मि ।

ठविदूणमिच्छभंगे, सासणभंगा हु अत्थित्ति ॥ ५५२ ॥

अविरदभंगे मिस्सय, देसपमत्ताण सव्वभंगा हु ।

अत्थित्ति ते दु अवणिय, मिच्छाविरदापमादेसु ॥ ५५३ ॥ जुम्मं ॥

निरयादियुतस्थाने, भंगेनात्मात्मनि स्थाने ।

स्थापयित्वा मिथ्यभंगे, सासनभंगा हि अस्तीति ॥ ५५२ ॥

अविरतभंगे मिश्रक, देशप्रमत्तानां सर्वभंगा हि ।

अस्तीति तांस्तु अपनीय, मिथ्याविरताप्रमादेषु ॥ ५५३ ॥ जुम्मं ॥

**टीका** - नरक आदि गतियुत स्थान, तिनकौं अपने-अपने भंगनि करि सहित अपने-अपने गुणस्थाननि विषैं स्थापने । तहां मिथ्यादृष्टि के बंधस्थाननि के भंगनि विषैं सासादन के बंधस्थाननि के भंग आयगए अर असंयत के बंधस्थाननि के भंगनि विषैं मिश्र, देशसंयत, प्रमत्त के बंधस्थाननि के भंग आय गए, जातैं इनिके भंगनि कैं परस्पर समानता पाइए है ; तातैं सासादन के भंगनि कौं घटाइकरि अर मिश्र, देशसंयत, प्रमत्त के भंग घटाइ करि मिथ्यादृष्टि असंयत, अप्रमत्त विषैं बंधस्थाननि के भंग हो हैं ।

तहां मिथ्यादृष्टि विषैं नरकयुत अठाईस का स्थान विषैं भंग एक है । तिर्यच-गतियुत तेईस का विषैं एक, पचीस का विषैं आठ, छब्बीस का विषैं आठ, गुणतीस का विषैं छियालीससैं आठ, तीस का विषैं छियालीससैं आठ भंग हैं । मनुष्ययुत पचीस का विषैं एक गुणतीस का विषैं छियालीससैं आठ-भंग हैं । देवगतियुत अठाईस का विषैं आठ-भंग हैं ।

बहुरि सासादन विषैं नरक-गतियुत नाही है । तिर्यचगतियुत गुणतीस का विषैं बत्तीससैं, तीस का विषैं बत्तीससैं, मनुष्यगतियुत गुणतीस का विषैं बत्तीससैं, देवगतियुत अठाईस का विषैं आठ भंग हैं ।

बहुरि मिश्र, असंयत विषैं नरक, तिर्यच-गतियुत स्थान नाही हैं ; तातैं मिश्र विषैं मनुष्यगतियुत गुणतीस का विषैं “च्यारि भंग हैं । देवयुत अठाईस का विषैं आठ हैं । बहुरि असंयत विषैं मनुष्ययुत गुणतीस, तीस का ; देवयुत अठाईस, गुणतीस, का इन च्यारयो विषैं आठ-आठ भंग हैं ।” देश-संयत, प्रमत्त विषैं देवयुत अठाईस, गुणतीस का विषैं आठ-आठ भंग हैं ॥ ५५२-५५३ ॥

भुजगारा अप्पदरा, अवट्टिदावि य सभंगसंजुत्ता ।

सव्वपरट्टाणेण य, णेदव्वा ठाणबंधम्मि ॥ ५५४ ॥

भुजाकारा अल्पतरा, अवस्थिता अपि च स्वभंगसंयुक्ताः ।

सर्वपरस्थानेन च, नेतव्याः स्थानबंधे ॥ ५५४ ॥

टीका - ते पूर्वोक्त बंध हैं, ते भुजाकार अल्पतर अवस्थित, चकार तैं अवक्तव्य— अैसेँ च्यारि-प्रकार हैं । ते अपने-अपने भंगनिकरि संयुक्त नामकर्म के बंधस्थाननि विषैं स्वस्थान वा परस्थान वा सर्वपरस्थान करि सहित ल्यावने ॥ ५५४ ॥

तिन स्वस्थानादिकनि का लक्षण कहैं हैं—

अप्पपरोभयठाणे, बंधट्टाणाण जो दु बंधस्स ।

सट्टाण परट्टाणं, सव्वपरट्टाणमिदि सण्णा ॥ ५५५ ॥

आत्मपरोभयस्थानानि, बंधस्थानानां यत्तु बंधस्य ।

स्वस्थानं परस्थानं, सर्वपरस्थानमिति संज्ञा ॥ ५५५ ॥

टीका - आत्मस्थान कहिए विवक्षित निज-गुणस्थान अर परस्थान कहिए तिस विवक्षित-गुणस्थान तैं अन्य-गुणस्थान अर उभयस्थान कहिए अन्य ही गति अर अन्य ही गुणस्थान, सो इन तीनों विषैं मिथ्यादृष्टि, असंयत, अप्रमत्त के बंधस्थान संबंधी भुजाकारादिक-बंध, सो अनुक्रम तैं स्वस्थानभुजाकारादिक, परस्थान-भुजाकारादिक, सर्व परस्थान भुजाकारादिक अैसेी तीन संज्ञा-धारक हो हैं ॥ ५५५ ॥

चदुरेक्कदुपण पंच य, छत्तिगठाणाणि अप्पमत्तंता ।

तिसु उवसमगे संते, त्ति य तियतिय दोण्णि गच्छंति ॥ ५५६ ॥

चतुरेकद्विपंच पंचच, षट्त्रिकस्थानान्यप्रमत्ताताः ।

त्रिषु उपशामके शांत, इति च त्रिकत्रिकं द्वे गच्छंति ॥ ५५६ ॥

टीका - मिथ्यादृष्ट्यादिक निज-निज गुणस्थान कौं छोडैं अनुक्रम तैं च्यारि, एक दोय, पाँच, पाँच, छह, तीन, गुणस्थानकनि कौं अप्रमत्तपर्यंतवाले प्राप्त हो हैं । बहुरि अपूर्वकरणादिक तीन उपशामवाले तीन, तीन कौं, उपशांत-कषायवाले दोय गुणस्थानकनि कौं प्राप्त हो हैं ॥ ५५६ ॥

ते गुणस्थान कौंन ? सो कहैं हैं—

सासणपमत्तवज्जं, अपमत्तंतं समल्लियइ मिच्छो ।

मिच्छत्तं बिदियगुणो, मिससो पढमं चउत्थं च ॥ ५५७ ॥

अविरदसम्भो देसो, पमत्तपरिहीणमप्पमत्तंतं ।

छट्टाणाणि पमत्तो, छट्टगुणं अप्पमत्तो दु ॥ ५५८ ॥ जुम्मं ।

सासनप्रमत्तवर्ज्यं, मप्रमत्तांतं समाश्रयति मिथ्यः ।

मिथ्यात्वं द्वितीयगुणो, मिश्रः प्रथमं चतुर्थं च ॥ ५५७ ॥

अविरतसम्यो देशः, प्रमत्तपरिहीनमप्रमत्तांतं ।

षट्स्थानानि प्रमत्तः, षष्ठगुणमप्रमत्तस्तु ॥ ५५८ ॥ युग्मम् ।

टीका - मिथ्यादृष्टी है सो सासादन, प्रमत्त कों वर्जि करि मिश्रादिक अप्रमत्त पर्यंत च्यारि-गुणस्थाननि कौं प्राप्त हो हैं । बहुरि दूसरा सासादन-गुणस्थानवर्ती, सो मिथ्यादृष्टि ही कौं प्राप्त हो है । बहुरि मिश्र है, सो पहिला अर चौथा गुणस्थाननि कौं प्राप्त होहै । बहुरि असंयत, देशसंयत है, सो प्रमत्त बिना अप्रमत्तपर्यंत पांच-पांच गुणस्थाननि कौं प्राप्त हो है । बहुरि प्रमत्त है, सो अप्रमत्त पर्यंत छह कौं प्राप्त हो है । बहुरि अप्रमत्त, छठे गुणस्थान कौं अर 'तु' शब्द तैं उपशमक-क्षपक अपूर्वकरण कौं वा मरण भएं देव-असंयत को प्राप्त हो है ॥ ५५७-५५८ ॥

उवसामगा दु सेढिं, आरोहंति य पडंति य कमेण ।

उवसामगेसु मरिदो, देवतमत्तं समल्लियई ॥ ५५९ ॥

उपशामकास्तु श्रेणि, मारोहयंति च पतंति च क्रमेण ।

उपशामकेषु मृतो, देवतमत्तं समाश्रति ॥ ५५९ ॥

टीका - अपूर्वकरणादिक उपशमश्रेणीवाले उपशमश्रेणी कौं अनुक्रम तैं चढै हैं अर अनुक्रम तैं ही उतरैं हैं । बहुरि उपशम-श्रेणी विषैं मरे हुए महर्द्धिक देव हो हैं । "तहां एक ऊपरला-गुणस्थान चढने का, एक नीचला गुणस्थान उतरने का, मरण भएं एक देव-असंयत— अिसैं तीन-तीन स्थाननि कौं अपूर्वकरण, अनिवृत्तिकरण, सूक्ष्मसांपराय प्राप्त हो हैं । उपशांत-कषाय तैं चढै नाही ; तातैं एक पडने का सूक्ष्मसांपराय अर मरण भएं देव-असंयत इन दोय ही कौं प्राप्त हो हैं" ॥ ५५९ ॥

उपशम-श्रेणी विषैं मरण कहाँ हो है ? सो कहने के अर्थि सूत्र कहैं हैं—

“मिस्सा आहारस्स य, खवगा चडमाणपढमपुव्वा य ।

पढमुवसम्मा तमतम, गुणपडिवण्णा य ण मरंति ॥ ५६० ॥

मिश्राहाराश्रयकाः, क्षपकाः चटमानप्रथमापूर्वाश्च ।

प्रथमोपशमसम्यक्त्वास्त, मस्तमोगुणप्रतिपन्नाश्च न मरंति ॥ ५६० ॥

टीका - मिश्र गुणस्थानवर्ती अर निर्वृत्त्यपर्याप्त अवस्थारूप मिश्रकाययोगी अर क्षपकश्रेणीवाले अर चढतैं अपूर्वकरण, उपशमक का प्रथमभागवाले अर प्रथमोपशम-सम्यक्त्व



के धारक अर महातमप्रभा पृथ्वी के सासादन, मिश्र, असंयत-नारकी ए मरण कौं प्राप्त न हो हैं ॥ ५६० ॥

अणसंजोजिदमिच्छे, मुहुत्तअंतं तु णत्थि मरणं तु ।

किदकरणिज्जं जाव दु, सव्वपरट्टाण अट्टपदा ॥ ५६१ ॥”

अनसंयोगे मिथ्ये, मुहूर्तातरिति नास्ति मरणं तु ।

कृतकरणीय यावत्तु, सर्वपरस्थानान्यष्टपदानि ॥ ५६१ ॥

टीका - अनंतानुबंधी का विसंयोजन करि जो मिथ्यात्व कौं प्राप्त होय, ताका अंतर्मुहूर्त पर्यंत मरण नहीं है । बहुरि दर्शनमोह का क्षय करनेवाला है, सो यावत् कृतकृत्यपणा होय तावत् मरै नहीं ॥ ५६१ ॥

कृतकृत्यपणां भएं पीछें मरै, सो बद्धायु-कृतकृत्य प्रति पूर्वोक्त तीन-स्थाननि विषैँ सर्वपरस्थाननि का अर्थवान पद हैं । तिनकौं कहै हैं—

देवेषु देवमणुवे, सुरणरतिरिये चउग्गईसुंपि ।

कदकरणिज्जुप्पत्ती, कमसो अंतोमुहुत्तेण ॥ ५६२ ॥

देवेषु देवमनुष्ये, सुरनरतिरश्चि चतुर्गतिष्वपि ।

कृतकरणीयोत्पत्तिः, क्रमशोऽतर्मुहूर्तेन ॥ ५६२ ॥

टीका - कृतकृत्यवेदक-काल अंतर्मुहूर्त है, ताका च्यारि-भाग कीजिए, तहां क्रम तैं प्रथम-भाग का अंतर्मुहूर्त करि मरया हूवा देव विषैँ उपजै है । दूसरा का देव विषैँ वा मनुष्य विषैँ, तीसरा का देव वा मनुष्य वा तिर्यच विषैँ, चौथा भाग का देव वा मनुष्य वा तिर्यच वा नरकनि विषैँ एक विषैँ उपजै हैं ॥ ५६२ ॥

तिविहो दु ठाणबंधो, भुजगारप्पदरवट्टिदो पढमो ।

अप्पं बंधंतो बहु, बंधे बिदियो दु विवरीयो ॥ ५६३ ॥

तदियो सणामसिद्धो, सव्वे अविरुद्धठाणबंधभवा ।

ताणुप्पत्तिं कमसो, भंगेण समं तु वोच्छामि ॥ ५६४ ॥ जुम्मं ।

त्रिविधस्तु स्थानबंधो, भुजाकाराल्पतरावस्थितः प्रथमः ।

अल्प बध्नन् बहुबंधे द्वितीयस्तु विपरीतः ॥ ५६३ ॥

तृतीयः स्वनामसिद्धः, सर्व अविरुद्धस्थाबंधभवाः ।

तेषामुत्पत्तिं क्रमशो, भंगेन समं तु वक्ष्यामि ॥ ५६४ ॥

टीका - बहुरि नामकर्म के बंधस्थान तीन प्रकार है— भुजाकार, अल्पतर, अवस्थित, तहां पहिलैँ थोरी प्रकृतिनि कौं बांधे ता पीछें बहुत प्रकृतिनि कौं बांधें तहां पहिला भुजाकार-बंध

कहिए । बहुरि पहलैं बहुत प्रकृतिनि कौं बांधै ता पीछैं थोरी प्रकृतिनि कौं बांधै, तहां दूसरा अल्पतर-बंध कहिए है । बहुरि तीसरा अपने नाम ही तैं सिद्ध है, जितनी प्रकृति का पूर्व समय विषैं बंध होइ, तितनी का ही पीछैं अनंतर-समय विषैं होइ, तहां अवस्थित कहिए । ते सर्व भुजाकारादिक हैं, ते अविरोद्ध-बंधस्थाननि करि उपजै हैं । तिनकी उत्पत्ति कौं क्रम तैं भंगनि करि सहित कहौं हौं ॥ ५६३-५६४ ॥

सो कहिए हैं—

**भूवादरतेवीसं, बंधंतो सव्वमेव पणुवीसं ।**

**बंधदि मिच्छाइट्टी, एवं सेसाणमाणेज्जो ॥ ५६५ ॥**

भूवादरत्रयोविंशं, बध्नन् सर्वमेव पंचविंशतिं ।

बध्नाति मिच्छादृष्टिः, एवं शेषाणामानेयः ॥ ५६५ ॥

**टीका** - वादर-पृथ्वी-कायादिक इकतालीस पद पूर्वे कहे थे, तिनविषैं भंगनि सहित स्थान कहिए हैं । तहां अपर्याप्त-पृथ्वी, अप, तेज, वायु साधारण इनके सूक्ष्म-वादर अर प्रत्येक— अैसें एकेन्द्री के ग्यारह भेदनि करि तेईस का बंध-स्थान ग्यारह प्रकार है । तहां भंग एक-एक ही हैं ; तातैं ग्यारह भए । बहुरि पचीस का स्थान विषैं वादर-पर्याप्त-पृथ्वी, अप, तेज, वायु प्रत्येक भेदरूप पंच तिन विषैं तौ स्थिर, शुभ, यश-युगल तैं भए आठ-आठ भंग पाइए, तिनके चालीस भए ।

बहुरि पर्याप्त, वादर, साधारण अर सूक्ष्म पृथ्वी, अप तेज, वायु, साधारण इन रूप छह विषैं स्थिर शुभ युगल तैं च्यारि-च्यारि भंग पाइए, तिनके चौईस भए । बहुरि अपर्याप्त वेन्द्री, तेन्द्री, चौन्द्री, असंजी-संजी पंचेन्द्री तिर्यच अर मनुष्य इन रूप छह विषैं अप्रशस्तनि का ही बंध हैं ; तातैं एक-एक ही भंग हैं, तिनके छह भए ।

अैसें सर्व पचीस का स्थान विषैं सत्तरि भेद भए ।

बहुरि छब्बीस का स्थान विषैं वादर-पृथ्वी-काय-आताप युत अर उद्योतयुत दोय तौ ए अर उद्योतयुत अप्-काय, वनस्पतीकाय इन च्यारिरूप विषैं स्थिर, शुभ, यश युगल तैं आठ-आठ भंग हैं, तिनके सर्व छबीस के स्थान विषैं बत्तीस भेद भए ।

बहुरि अठाईस का स्थान विषैं देवगतियुत विषैं तौ तिन तीन युगलनि तैं आठ-भंग पाइए अर नरकगतियुत विषैं अप्रशस्तनि ही का बंध है ; तातैं एक ही भंग पाइए । अैसें अठाईस के स्थान विषैं नव-भेद जानने ।

बहुरि गुणतीस के स्थान विषैं पर्याप्त-वेन्द्री, तेन्द्री, चौन्द्री, पंचेन्द्रीरूप च्यारि विषैं तौ तिनही तीन युगलनि तैं आठ-आठ भंग, तिनके बत्तीस अर तिर्यचगतियुत, मनुष्यगतियुत— इन दोय विषैं प्रत्येक संस्थान, संहनन, सप्त युगलनि तैं छियालीससै आठ भंग, तिनके वाणवैसै सोला— अैसें गुणतीस के स्थान विषैं वाणवैसै अडतालीस भेद भए ।

बहुरि तीस के विषै उद्योतयुत पर्याप्त वेन्द्री, तेन्द्री, चौन्द्री, पंचेन्द्रीयुत च्यारि विषै तौ तिनही तीन युगलनि तै आठ-आठ भंग, तिनके बत्तीस अर संज्ञी-तिर्यच-उद्योतयुत एक विषै छियालीससै आठ भंग— अिसै तीस के स्थान विषै छियालीससै चालीस भेद भए ।

ए मिथ्यादृष्टि-गुणस्थान विषै बंधस्थान हैं, सो इनतै भुजाकारादिक नानाकाल की अपेक्षा कहिए है—

सो पहिलै तेईस का स्थान कौ बांधता था, पीछै पचीसकानै आदि दैकरि बांधै, तहां भुजाकार-बंध होइ । तहां वादर-पृथ्वी-काययुत तेवीस के एक भेद कौ बांधता, पीछै पचीसकानै आदि दैकरि स्थाननि के सर्व-भेदनि कौ बांधै तेवीसके ग्यारह-भेदनि कौ बांधता कितने भेदनि कौ बांधै ? अिसै पंच-त्रैराशिक करने तिन पंच-त्रैराशिकनि विषै प्रमाणराशि तौ तेवीसका का एक ही भेद सर्वत्र जानना । बहुरि फलराशि अनुक्रम तै पचीसके के सत्तरि भेद, छबीसके के बत्तीस भेद, अठाईसके के नव भेद, गुणतीसके के वाणवैसै अडतालीस भेद, तीसके के छियालीससै चालीस भेद । बहुरि इच्छाराशि सर्वत्र तेवीस के ग्यारह भेद ।

सो फल कौ इच्छाकरि गुणै प्रमाण का भाग दीएं ए सब भेदनि का प्रमाण हो है, सो सर्व इच्छाराशि ग्यारह ही है, तातै सर्व फलराशि ७० । ३२ । ९ । ९ । २४८ । ४६४० । का जोड दीएं तेरह हजार नवसै निन्याणवै गुण्य भए, तिनकौ इच्छाराशिरूप ग्यारह गुणकारकरि गुणिए तब एकलाख तरेपन हजार नवसै निवासी (१५३९८९) भेद भए । प्रमाणराशि एक ही है, तिसका भाग दीएं भी तितने ही रहैं, सो इतने तौ तेईस के भुजाकार भए ।

बहुरि पचीस का बंध करि ता पीछै छबीस कानै आदि दैकरि बांधै, तब भुजाकार होइ, सो एक भेदरूप पचीसका का बंधकरि छबीस आदि सबनिके सर्वभेदनि का बंध होइ, तौ पचीसके के सत्तरि-भेदनि करि कितने बंध हो है ? अिसै च्यारि-त्रैराशिक करने । तिनविषै प्रमाणराशि सर्वत्र पचीसके का एक भेद, फलराशि क्रम तै छबीसके के बत्तीस भेद, अठाईसके के नव भेद, गुणतीसके के वाणवैसे अडतालीस भेद, तीसके के छियालीससे चालीस भेद इच्छाराशि सर्वत्र पचीसके के सत्तरि भेद । सो सर्व फलराशि का जोड दीएं ३२ । ९ । ९ । ९२४८ । ४६४० । तेरह हजार नवसै गुणतीस भए । तिनकौ इच्छाराशि सत्तरिकरि गुणिए तब नव लाख पिचहत्तरि हजार तीस भए, सो इतने पचीसके के भुजाकार जानने ।

बहुरि छबीसका का बंध कर ता पीछै अठाईस आदिक का बंध करै, तब भुजाकार होय सो छबीसके का एक भेद का बन्ध कर सर्व अठाईस का आदि सबनि के सब भेदन का बंध करै तो छबीसके के बत्तीस-भेदनिकरि कितने बंध भेद होइ ? अिसै इहां तीन-त्रैराशिक करने । तिनविषै प्रमाणराशि तौ सर्वत्र छबीसके का एक भेद, फलराशि क्रम तै अठाईसके का नव भेद, गुणतीसके का वाणवैसै अडतालीस भेद तीसके का छियालीससै चालीस भेद इच्छाराशि सर्वत्र छबीस के बत्तीस भेद । सो सर्व फलराशि का जोड दीएं ९ । ९२४८ । ४६४० । तेरह हजार आठसै सित्याणवै होइ, तिनकौ इच्छाराशि बत्तीस करि गुणै च्यारि लाख चवालीस हजार सातसै च्यारि होइ । सो इतने छबीस के भुजाकार जानने ।

बहुरि अठाईसके का बंध कर तापीछैं गुणतीस, तीस का बंध करै तब भुजाकार होइ, सो एक प्रकार अठाईसके का बंध करि गुणतीस, तीस के सब भेदनि का बंध करै, तब नवप्रकार अठाईस के करि कितने बंध भेद होइ ? औसैं दोय त्रैराशिक करने ।

तिनविषैं प्रमाणराशि सर्वत्र अठाईसके का एक भेद, फलराशि क्रम तैं गुणतीसके का बाणवैसे अठतालीस भेद, तीसके का छियालीससै चालीस भेद, इच्छाराशि सर्वत्र अठाईसके का नव भेद, सो फलराशि का जोड दीएं ९२४८ । ४६४० । तेरह हजार आठसै अठ्यासी तिनकौं इच्छाराशि नवकरि गुणैं एक लाख चौइस हजार नवसै वाणवै होइ, सो इतने अठाईसके के भुजाकार हैं ।

बहुरि गुणतीसके का बंध कर ता पीछैं तीसके का बंध करै, तब भुजाकार होइ, सो गुणतीसके के एक भेद कौं बंध करता तीसके के सर्व भेदनि कौं बंध करै, तौ गुणतीसके के वाणवैसै अठतालीस भेदनि करि केते बंध भेद होइ ? औसैं एक त्रैराशिक भया । तिसविषैं प्रमाणराशि गुणतीसके का एक भेद, फलराशि तीसके के छियालीससै चालीस भेद, इच्छाराशि गुणतीसके के बाणवैसे अठतालीस भेद, सो फलराशि छियालीससै चालीस कौं इच्छाराशि वाणवैसै अठतालीस करि गुणिए, तब च्यारि कोडि गुणतीस लाख दश हजार सातसै बीस भेद होइ, सो इतने गुणतीसके के भुजाकार भए ॥ ५६५ ॥

### नाम-कर्म के स्थाननि का भुजाकार-बंध ल्यावने कौ त्रैराशिक-यंत्र

२३ १	३० ४६४०	२३ ११	२५ १	३० ४६४०	२५ ७०	२६ १	३० ४६४०	२६ ३२	२८ १	३० ४६४०	२८ ९	२९ १	३० ४६४०	२९ ९२४८
२३ १	२९ ९२४८	२३ ११	२५ १	२९ ९२४८	२५ ७०	२६ १	२९ ९२४८	२६ ३२	२८ १	२९ ९२४८	२८ ९	प्रमाण	फल	इच्छा
२३ १	२८ ९	२३ ११	२५ १	२८ ९	२५ ७०	२६ १	२८ ९	२६ ३२	प्रमाण	फल	इच्छा			
२३ १	२६ ३२	२३ ११	२५ १	२६ ३२	२५ ७०	प्रमाण	फल	इच्छा						
२३ १	२५ ७०	२३ ११	प्रमाण	फल	इच्छा									
प्रमाण	फल	इच्छा												

तेवीसट्टाणादो, मिच्छतीसोत्ति बंधगो मिच्छो ।

णवरि हु अट्टावीसं, पंचिंदियपुण्णगो चेव ॥ ५६६ ॥

त्रयोविंशतिस्थानान्मिथ्यात्वत्रिंशदिति बंधको मिथ्यः ।

नवरि हि अष्टाविंशं, पंचेन्द्रियपूर्णकश्चैव ॥ ५६६ ॥

टीका - ए तेवीस का आदि तैं लगाय मिथ्यादृष्टि विषैं बंध-योग्य तीस के स्थानपर्यंतनि के कहे भुजाकार, तिन कूं मिथ्यादृष्टी-जीव बांधै है । संदृष्टि— २३ २५ २६ २८ २९

१५३९८९ ९७५०३० ४४४७०४ १२४९९२ ४२९१०७२०

तहां विशेष जो अठाईसके कौं पर्याप्त-पंचेन्द्री ही बांधै है ॥ ५६६ ॥

तथा भोगभूमिया कैं तिनकौं कहैं हैं—

भोगे सुरद्वीसं, सम्पो मिच्छो य मिच्छगअपुण्णे ।

तिरिउगतीसं तीसं, णरउगुतीसं च बंधदि हु ॥ ५६७ ॥

भोगे सुराष्टविंशं, सम्यो मिथ्यश्च मिथ्यकापूर्णं ।

तिर्यगेकोनत्रिंशत् नरैकोनत्रिंशच्च बध्नाति हि ॥ ५६७ ॥

टीका - भोगभूमिया विषैं पर्याप्त-पंचेन्द्री सम्यग्दृष्टी वा मिथ्यादृष्टी चकार तैं निर्वृत्त्यपर्याप्त-सम्यग्दृष्टी है, सो देवगतियुत अठाईस के कौं ही बांधै है । बहुरि निर्वृत्त्यपर्याप्तक मिथ्यादृष्टी-तिर्यग्गतियुत गुणतीस, तीस कौं अर मनुष्यगतियुत गुणतीस के कौं बांधै है ॥

५६७ ॥

मिच्छस्स ठाणभंगा, एयारं सदरि दुगुणसोल णवं ।

अडदालं बाणउदी, सदाण छादाल चत्तधियं ॥ ५६८ ॥

मिथ्यस्य स्थानभंगा, एकादश सप्ततिः द्विगुणषोडश नव ।

अष्टचत्वारिंशद्द्वानवतिः, शतानां षट्चत्वारिंशच्चत्वारिंशदधिकं ॥ ५६८ ॥

टीका - पूर्वोक्तप्रकार मिथ्यादृष्टी के स्थान-भेद तेवीसके के ग्यारह, पचीसके के सत्तरि, छबीसके के दूणे सोला ताके बत्तीस, अठावीसके के नव, गुणतीसके के वाणवैसै अडतालीस, तीसके के छियालीससै चालीस जानने ॥ ५६८ ॥

आगैं अल्पतर-भंगनि कौं कहैं हैं—

गाथा ५६८ के आधार से

३०	४६४०
२९	९२४८
२८	०००९
२६	००३२
२५	००७०
२३	००११

विवरीयेणप्पदरा, होंति हु तेरासिएण भंगा हु ।

पुव्वपरट्टाणाणं, भंगा इच्छा फलं कमसो ॥ ५६९ ॥

विपरीतेनाल्पतरा, भवंति हि त्रैराशिकेन भंगा हि ।

पूर्वापरस्थानानां, भंगा इच्छा फलं क्रमशः ॥ ५६९ ॥

३०	४३४७६८००
२९	११२८२५६
२८	१०१७
२६	२५९२
२५	७७०

**टीका -** भुजाकार-भंगनि के निमित्त जे त्रैराशिक कीए थे, तिनकों विपरीत त्रैराशिक कीएं अल्पतर-भंग हो हैं, जातैं पहले-स्थानरूप भंगनि कौं इच्छाराशि कीएं पिछले-स्थाननि के भंगनि कौं फलराशि कीएं अनुक्रम तैं भेद हो हैं । सो कहिए है—

तीस का बंध करता था, सो गुणतीस आदिक का बंध करैं, तब अल्पतर होइ । तहां तीसके का एक भेद का बंध करि गुणतीस आदिक के सब भेदनि का बंध करै तौ छियालीससै चालीस, तीस के भेदनि करि केते बंध होइ ? इहां पंच त्रैराशिक करने, तिनविषैं प्रमाणराशि सर्वत्र तीसके का एक भेद, फलराशि क्रम तैं गुणतीसके का वाणवैसै अठतालीस, अठाईसके का नव, छबीसके का बत्तीस, पचीसके का सत्तरि, तेवीसके का ग्यारह, इच्छाराशि सर्वत्र तीसके के छियालीससै चालीस भेद, सो फलराशि का जोड़ दीएं तरेणवैसे सत्तरि गुण्य होंइ, तिनकों इच्छारूप छियालीससै चालीस करि गुणिए तब च्यारि कोडि चौतीस लाख छिहंतरि हजार आठसै भए, सो इतने तौ तीसके के अल्पतर हैं ।

बहुरि गुणतीसके का बंध करि तापीछैं अठाईस आदि का बंध करै, तब अल्पतर होंइ, सो गुणतीसके का एक का बंधकरि सर्व अठाईसके का आदि के भेद बंधै, तौ वाणवैसै अठतालीस भेदरूप गुणतीसके के बंध करि केते भेद होइ ? इहां च्यारि-त्रैराशिक होंइ, तिनविषैं प्रमाणराशि सर्वत्र गुणतीसके का एक भेद, फलराशि क्रम तैं अठाईसके का नव, छबीसके का बत्तीस, पचीसके का सत्तरि, तेवीसके के ग्यारह, इच्छाराशि सर्वत्र गुणतीसके के वाणवैसै अठतालीस भेद सो फलराशि का जोड़ दीएं एकसौ बाईस, तिनकों इच्छाराशि वाणवैसै अठतालीस करि गुणैं ग्यारह लाख अठाईस हजार दोयसै छप्पन भेद हो हैं । सो इतने गुणतीसके के अल्पतर हैं ।

बहुरि अठाईस के का बंधकरि तापीछैं छबीस के का आदि का बंध करै तब अल्पतर होइ, सो अठाईस का एक भेद का बंधकरि सर्व छबीस आदिक के भेदनि का बंध करै, तौ अठाईस के के नव भेदनिकरि केते बंध होइ ? इहां तीन-त्रैराशिक, तिनविषै प्रमाणराशि सर्वत्र अठाईस के का एक भेद, फलराशि क्रम तैं छबीसके का बत्तीस, पचीसके के सत्तरि, तेवीसके के ग्यारह, इच्छाराशि सर्वत्र अठाईसके के नव, तहां फलराशि का जोड, दीएं एकसौ तेरह, इनकौं इच्छाराशि नवकरि गुणै एक हजार सतरह हो हैं सो इतने अठाईसके के अल्पतर हैं ।

बहुरि छबीसके का बंधकर ता पीछैं पचीस तेवीसके का बंध करै तब अल्पतर होइ, सो छबीसके का एक भेद का बंधकरि पचीस, तेवीस के सर्व-भेदनि कौं बांधें तौऊ छबीस के बत्तीस भेदनिकरि केते बंध भेद होइ ? सो इहां दोय त्रैराशिक, तिनविषै सर्वत्र प्रमाणराशि छबीस का एक भेद, फलराशि क्रमतैं पचीसके के सत्तरि, तेवीसके के ग्यारह, इच्छाराशि सर्वत्र छबीसके के बत्तीस । तहां फलराशि का जोड इक्यासी कौं इच्छा बत्तीसकरि गुणै पचीससै वाणवै होइ, सो इतने छबीसके के अल्पतर हैं ।

बहुरि पचीस कौं बांधता पीछैं तेवीस कौं बांधै तब अल्पतर होइ, सो पचीस का एक भेद बांधकरि तेवीस के ग्यारह-भेदनि कौं बांधै तौ सर्व पचीसके के सत्तरि-भेदनि करि केते बंध भेद होइ ? इहां एक-त्रैराशिक तिसविषै प्रमाणराशि पचीस के के एक भेद, फलराशि तेवीसके के ग्यारह-भेद, इच्छाराशि पचीसके के सत्तरि-भेद । सो फल सत्तरि कौं इच्छा ग्यारह करि गुणै सातसै-सत्तरि होइ, सो इतने पचीसके के अल्पतर जानने ॥ ५६९ ॥

नामकर्म के बंध-स्थाननि के अल्पतर भंग ल्यावने कौ त्रैराशिक का यंत्र—

प्रमाण	फल	इच्छा												
३० १	२३ ११	३० ४६४०	प्रमाण	फल	इच्छा									
३० १	२५ ७०	३० ४६४०	२९ १	२३ ११	२९ ९२४८	प्रमाण	फल	इच्छा						
३० १	२६ ३२	३० ४६४०	२९ १	२५ ७०	२९ ९२४८	२८ १	२३ ११	२८ ९	प्रमाण	फल	इच्छा			
३० १	२८ ९	३० ४६४०	२९ १	२६ ३२	२९ ९२४८	२८ १	२५ ७०	२८ ९	२६ १	२३ ११	२६ ३२	प्रमाण	फल	इच्छा
३० १	२९ ९२४८	३० ४६४०	२९ १	२८ ९	२९ ९२४८	२८ १	२६ ३२	२८ ९	२६ १	२५ ७०	२६ ३२	२५ १	२३ ११	२५ ७०

आगै ए कहै- भेद तिनका त्रैराशिकादिक बिना थोरे में ज्ञान होइ असा विधान कहैं हैं—

लघुकरणं इच्छंतो, एयारादीहिं उवरिमं जोगं ।

संगुणिते भुजगारा, उवरीदो होंति अप्पदरा ॥ ५७० ॥

लघुकरणमिच्छत, एकदशादिभिरूपरिमं योग्यं ।

संगुणिते भुजाकारा, उपरितो भवंत्यल्पतराः ॥ ५७० ॥

टीका — थोरे में ज्ञान होइ ऐसा लघुकरण कौं बांधता विवेकी है सो ग्यारह आदि अंकनि करि ऊपरि के अंक मिलाएं जो प्रमाण होइ, ताकौं गुणै भुजाकार हो है ऐसा जानहु । तहां सत्तरि, बत्तीस, नव, बाणवैसै अठतालीस, छियालीससे चालीस का, (७० । ३२ । ९ । ९२४८ । ४६४०) जोड देय १३९९९ । ग्यारह करि गुणै तेवीस के भुजाकार १५३९८१ हो हैं । बत्तीस आदि का ३२ । ९ । ९२४८ । ४६४० । जोड देय १३९२९ सत्तरि करि गुणै पचीसके के ९७५०३० हो हैं । नव आदिक का ९ । ९२४८ । ४६४० । जोड देय १३८९७ बत्तीस करि गुणै छबीसके के ४४४७०४ हो है । ऊपरि के दोय-स्थाननि के भंग ९२४८ । ४६४० । तिनिका जोड देय १३८८८ । नव करि गुणै अठाईसके के १२४९९२ हो हैं । ऊपरि का छियालीससै चालीस कौं बाणवैसे अठतालीस करि गुणै गुणतीसके के ४२९१०७२० हो हैं । ए सर्व मिलि मिथ्यादृष्टि के भुजाकार-भंग हो है । बहुरि अल्पतर-भंग ल्यावने कौं ऊपरि का तीस आदि का स्थान का भंगनि करि नीचे के सर्व भंगनि कौं जोडि गुणै अल्पतर हो हैं । सो कथन ऊपरि करि आए हैं, सो जानि लेना ।

यह अल्पतर-भंगनि का यंत्र

गुण्य	गुणकार	सर्वभंग
९३७०	४६४०	४३४७६८००
१२२	९२४८	११२८२५६
११३	९	१०१७
८१	३२	२५९२
११	७०	७७०

सो इन अल्पतरनि का जोड दीएं सर्व-मिथ्यादृष्टि के अल्पतर हो हैं । बहुरि भुजाकार, अल्पतर दोऊनि कौं मिलाएं जो प्रमाण होइ, तितने मिथ्यादृष्टि के अवस्थित-भंग हैं ॥ ५७० ॥

ते कितने भए ? सो कहैं हैं—

भुजगारण्यदराणं, भंगसमासो समो हु मिच्छस्स ।

पणतीसं चउणउदी, सट्ठी चोदालमंककमे ॥ ५७१ ॥

भुजकाराल्पतरयो, भंगसमासो समो हि मिथ्यस्य ।

पंचत्रिंशत् चतुर्नवतिः, षष्टिः चतुश्चत्वारिंशदंकक्रमेण ॥ ५७१ ॥

टीका — मिथ्यादृष्टि विषै कहे भुजाकार अर अल्पतर तिन दोऊनि की संख्या समान है । सो कितनी है ?— पैतीस, चौराणवै, साठि, चवालीस इतने अंक क्रम तैं मांडैं च्यारि कोडि



छियालीस लाख नव हजार च्यारिसे पैतीस हो है, सो इतनी संख्या है ४४६० ९४३५ । इतने ही भुजाकार हैं । इतने ही अल्पतर हैं । तिन दोऊनि कौं मिलाएं आठ कोडि वाणवै लाख अठारह हजार आठसै सत्तरि (८९२१८८७०) होइ इतने अवस्थित-भंग हैं । जातैं भुजाकार वा अल्पतर-भंगनि विषैं जिस-जिस प्रकृति-भंग का बंध होइ तिस ही का बंध द्वितीयादिक समय विषैं जहां होइ, तहां अवस्थित-बंध हो है । इहां परस्पर भंगनि कौं गुणि भुजाकारादिक-भंग ल्यावने का अभिप्राय यहु है, जो एक-एक भंगकरि अन्य-भंगनि की अपेक्षा भुजाकारादिक जानने । ५७१ ॥

आगैं असंयत विषैं तिनकौं कहैं हैं—

**देवद्वीस णरदेवुगुतीस मणुस्सतीस बंधयदे ।**

**तिछणवणवदुगभंगा, तित्थविहीणा हु पुणरुत्ता ॥ ५७२ ॥**

देवाष्टविंशं नरदेवैकोनत्रिंशत् मनुष्यत्रिंशत् बंधोऽयते ।

त्रिषट्त्नवनवद्विकभंगा, स्तीर्थविहीना हि पुनरुक्ताः ॥ ५७२ ॥

टीका — देवगतियुत अठाईस का विषैं वा मनुष्ययुत गुणतीस का विषैं वा-देवयुत गुणतीस का विषैं वा मनुष्ययुत तीस का विषैं तीन, छह, नव, नव दोय इन अंकनिकरि छत्तीस हजार नवसै वाणवै भुजाकार हो हैं ॥ ५७२ ॥

इन विषैं तीर्थकर रहित भंग हैं, ते पुनरुक्त हैं, मिथ्यादृष्टि के भंग विषैं आयगये । सोई कहिए है—

**देवद्वीसबंधे, देवुगुतीसम्मि भंग चउसट्टी ।**

**देवुगुतीसे बंधे, मणुवत्तीसेवि चउसट्टी ॥ ५७३ ॥**

देवाष्टविंशबंधे, देवैकोनत्रिंशति भंगाः चतुष्पष्टिः ।

देवैकोनत्रिंशति, बंधे मानवत्रिंशत्यपि चतुष्पष्टिः ॥ ५७३ ॥

टीका — देवयुत अठाईस कौं बांधि मनुष्य-असंयत तीर्थकर-बंध का प्रारंभ करै, तब तीर्थ सहित गुणतीस कौं बांधै, तब दोऊनि के आठ-आठ भंगनि कौं परस्पर गुणैं चौसठि भंग भए, बहुरि तीर्थ, देवसहित गुणतीस कौं बांधि मनुष्य-असंयत पीछैं देव वा नारकी असंयत होइ, तहां तीर्थ, मनुष्ययुत तीस कौं बांधै । तहां भी दोऊनि के आठ-आठ भंगनि कौं परस्पर गुणैं चौसठि हो हैं ॥ ५७३ ॥

**तित्थयरसत्तणारय, मिच्छो णरऊणतीसबंधो जो ।**

**सम्मम्मि तीसबंधो, तियछक्कडछक्कचउभंगा ॥ ५७४ ॥**

तीर्थकरसत्त्वनारकमिथ्यो नरैकोनत्रिंशद्वन्धो यः ।

सम्यंचि त्रिंशद्वन्धः, त्रिकषट्काष्टषट्कचतुर्भंगाः ॥ ५७४ ॥

**टीका** — तीर्थकर का सत्त्वसंयुक्त नारकी-मिथ्यादृष्टी, सो अपर्याप्त-अवस्था विषै छियालीससै आठ भंगनिकरि मनुष्ययुत गुणतीस कौं बांधै, पीछै शरीर-पर्याप्ति पूर्ण भएँ सम्यक्त्व कौं पाइ तीर्थ,मनुष्य सहित तीस कौं बांधै, ताके आठ-भंग, सो इनि भंगनि कौं परस्पर गुणै छत्तीस हजार आठसै चौसठि होंइ । इनविषै पूर्वोक्त एकसौ अठाईस मिलाएँ छत्तीस हजार नवसै वाणवै असंयत विषै भुजाकार हो है ॥ ५७४ ॥

आगैं असंयत विषै अल्पतर-भंगनि कौं कहै हैं—

**बावत्तरि अप्पदरा, देवुगुतीसा दु णिरयअडवीसं ।**

**बंधंत मिच्छभंगे, णवगयतित्था हु पुणरुत्ता ॥ ५७५ ॥**

द्वासप्ततिरल्पतरा, देवैकोनत्रिंशत्तु निरयाष्टाविंशतिः ।

बध्नन् मिथ्यभंगेनापगततीर्था हि पुनरुक्ताः ॥ ५७५ ॥

**टीका** - पूर्वे नारकायु जाकैं बंध्या ऐसा मनुष्य-असंयत सो तीर्थकर का प्रारंभ करि तीर्थ, देव सहित गुणतीस कौं बांधै, ताके आठ-भंग, बहुरि पीछै मरण-समय नरक कौं सन्मुख भया, तहां अंतर्मुहूर्त मिथ्यादृष्टी होइ नरकगतियुत अठाईस कौं बांधै, ताका एक-भंग, इनकौं परस्पर गुणै आठ भंग भए । बहुरि देव, नारक असंयत तीर्थ, मनुष्ययुत तीसके कौं बांधै ताके आठ-भंग, पीछै मरि तीर्थकर पदवीरूप माता का गर्भ विषै अवतरै, तहां, तीर्थ, देवसहित गुणतीसके कौं बांधै, ताके भी आठ-भंग । इनकौं परस्पर गुणै चौसठि, इनकौं जोडै बहत्तरि अल्पतर-भंग असंयत विषै हो हैं । तीर्थकर रहित मनुष्यगतियुत गुणतीस कौं बांधि, पीछै देवयुत अठाईस कौं बांधै, ताके चौसठि-भंग पुनरुक्त हैं । पूर्वे मिथ्यादृष्टि के भंगनि विषै आयगये ; तातैं न कहे ॥ ५७५ ॥

आगैं अप्रमत्तादिक विषै भुजाकार-भंगनि कौं कहैं हैं—

**देवजुदेवकड्डाणे, णरतीसे अप्पमत्तभुजयारा ।**

**पणदालिगिहारुभये, भंगा पुणरुत्तगा होंति ॥ ५७६ ॥**

देवयुतैकस्थाने, नरत्रिंशति अप्रमत्तभुजाकाराः ।

पंचचत्वारिंशदेका, हारोभयेषु भंगाः पुनरुक्तका भवन्ति ॥ ५७६ ॥

**टीका** — देवगतियुत एक स्थान विषै वा मनुष्यगतियुत, तीर्थकरयुत तीस का स्थान विषै अप्रमत्त-गुणस्थान विषै पैतालीस-भुजाकार हो हैं । बहुरि तीर्थकर सहित अर आहारक सहित अर तीर्थ, आहार के दोऊ युक्त तीन स्थाननि विषै जे भंग हैं, ते पुनरुक्त हैं ॥ ५७६ ॥

तिन पैतालीस भुजाकारनि का विधान कहैं हैं—

इगि अड अट्टिगि अट्टिगि, भेदड अट्टड दुणव य वीस तीसेक्के ।

अडिगिगि अडिगिगि बिहि उण, खिगि इगिइगितीस देवचउ कमसो ॥५७७ ॥

एकमष्ट अष्टैकमष्टैक, भेदमष्टाष्टाष्ट द्विनव च विंशतित्रिंशदेकान् ।

अष्टैकमेकमष्टैकैकं द्वाभ्यामेकोन, खैकैकैकत्रिंशदेवचतुष्कं क्रमशः ॥ ५७७ ॥

टीका — नीचली-पंक्ति के एक, आठ, आठ, एक, आठ, एक, एक, एक, एक, एक भंगनि करि सहित अठाईस, अठाईस, अठाईस, गुणतीस, गुणतीस, तीस, इकतीस, इकतीस, इकतीस, इकतीस, रूप स्थानकनि विषैं ऊपरि—पंक्ति के आठ, एक, एक, आठ, एक, एक, एक, एक, एक, एक भंगनि करि सहित गुणतीस, तीस, इकतीस, तीस इकतीस, इकतीस अर देवयुत च्यारि-स्थाननि कौं क्रम तैं बांधैं । जैसे नीचली-पंक्ति विषैं कहे, तिनकौं बांधता था, पीछैं ऊपरि की पंक्ति के बंधस्थाननि कौं बांधै, सो एक-एक ऊपरली पंक्ति का स्थान-भंगनि तैं एक-एक नीचली-पंक्ति का स्थान-भंगनि कौं गुणैं सर्व पैतालीस-भुजाकार हो हैं । सोई कहिए हैं—

अप्रमत्त-गुणस्थानीय एक-भंग सहित देवगति अठाईस का कौं बांधता था, पीछैं प्रमत्त विषैं जाय तीर्थकर का प्रारंभ करि तीर्थ, देवयुत गुणतीसका कौं आठ-भंगनि करि सहित बांधैं, तिन दोऊनि के भंगनि कौं परस्पर गुणैं आठ भए । बहुरि प्रमत्त आठ-भंगनि करि देवयुत अठाईस का कौं बांधता था, पीछैं अप्रमत्त होइ आहारक-द्विकसहित तीसका कौं एक-भंग करि बांधैं— जैसे आठ ए भए । बहुरि प्रमत्त आठ भंगनि करि अठाईसका कौं बांधता था, पीछैं अप्रमत्त होइ तीर्थ, आहारक सहित इकतीसका कौं एक भंग करि सहित बांधैं— जैसे आठ ए भए ।

बहुरि अप्रमत्त तीर्थ, देव सहित गुणतीसका कौं एक भंगनि करि बांधता मरि देव-असंयत होइ, आठ-भंगनि करि मनुष्य, तीर्थ सहित तीसका कौं बांधैं— जैसे आठ ए भए । बहुरि प्रमत्त देवगति युत गुणतीसका कौं आठ भंगनि करि बांधता अप्रमत्त होइ तीर्थ, आहारक सहित इकतीसका कौं एक भंग करि बांधैं— जैसे ए आठ भए । बहुरि अप्रमत्त एक भंग करि आहारक सहित तीसका कौं एक-भंगकरि बांधता, तीर्थ-बंध प्रारंभ करि एक-भंग करि इकतीसका कौं बांधैं, जैसे एक यहु भया ।

बहुरि उतरनेवाला अपूर्वकरण सातवां-भंग विषैं एक-भंग लीएं एक-प्रकृतिरूप एकका कौं बांधता नीचैं आइ देवगतियुत अठाईसका कौं वा देव, तीर्थयुत गुणतीसका कौं वा देव, आहारकयुत तीसका कौं वा देव, आहारक, तीर्थ युत इकतीसका कौं एक एक भंग करि बांधैं— तिनके च्यारि भए । जैसे पैतालीस-भुजाकार होइ हैं ॥ ५७७ ॥

आगैं अप्रमत्तनि के अल्पतर-भंग कहैं हैं—

इगिविहिगिगिखखतीसे, दस णव णवडधियवीसमट्टुविहं ।

देवचउक्केक्केक्के,

अपमत्तप्पदरछत्तीसा ॥ ५७८ ॥

एकविधिकमेकखत्रिंशत्, दशनव नवाष्टाधिकविंशमष्टविधं ।

देवचतुष्कमेकैकेन,

अप्रमत्ताल्पतरषट्त्रिंशत् ॥ ५७८ ॥

टीका — एक-एक भंग सहित एक, एक, शून्य, शून्य अधिक तीस प्रकृतिरूप स्थानकनि कौं बांधता आठ-आठ भंगनि करि दश, नव, नव, आठ अधिक बीस प्रकृतिरूप स्थान अर एक-एक भंगकरि देवगतियुत च्यारि स्थाननि कौं बांधै—असै अप्रमत्त विषै छत्तीस अल्पतर हो हैं । सोई कहिए हैं—

अप्रमादाल्पतर				अवक्तव्यभंग					
म	प्र	प्र	प्र	१	१	१	१	१ म म	अल्पतर ३६
३०	२९	२९	२८	१	१	१	१	१ २९ ३०	
८	८	८	८	१	१	१	१	८ ८	
अ	अ	अ	अ	२८	२९	३०	३१	० ० ०	अवक्तव्य १७
३१	३१	३०	३०	१	१	१	१		
१	१	१	१	१	१	१	१		

अप्रमत्त देवगति, आहारक, तीर्थसहित इकतीस का एक भंग करि बांधता मरि करि देव-असंयत होइ आठ-भंगनि करि मनुष्य, तीर्थ सहित तीसका कौं बांधै— असै आठ भए । बहुरि अप्रमत्त एक प्रकार इकतीसका कौं बांधता प्रमत्त होइ आठभंगनि करि देव, तीर्थयुत गुणतीसका कौं बांधै— असै ए आठ भए । बहुरि अप्रमत्त एक भंग करि देव, आहारकयुत तीसका कौं बांधता तीर्थ के बंध का प्रारंभ करि आठ-भंगनि करि देवगति, तीर्थ सहित गुणतीसका कौं बांधै— असै आठ ए भए ।

बहुरि अप्रमत्त एक-भंग करि आहारक, देवयुत तीसका कौं बांधता प्रमत्त होइ आठ-भंगनि करि देवगतियुत अठाईसका कौं बांधै असै आठ भए । बहुरि अपूर्वकरण है, सो चढने विषै एक-एक भंग सहित देवयुत अठाईस देव, तीर्थयुत गुणतीस ; देव आहारकयुत तीस, देव-आहारक, तीर्थयुत इकतीस के स्थाननि कौं बांधता सप्तम-भाग विषै एक-भंग सहित एक प्रकृतिरूप स्थान कौं बांधै, तहां च्यारि-भंग भए— असै छत्तीस अल्पतर जानने ॥ ५७८ ॥

आगै भुजाकारादिकनि कौं एकठे करै हैं—

सव्वपरट्टाणेण य, अयदपमत्तिदरसव्वभंगा हु ।

मिच्छस्स भंगमज्जे, मिलिदे सव्वे हवे भंगा ॥ ५७९ ॥

सर्वपरस्थानेन च, अयतप्रमत्तेतरसर्वभंगा हि ।

मिच्छस्य भंगमध्ये, मिलिते सर्वे भवन्ति भंगाः ॥ ५७९ ॥

टीका- सर्व परस्थाननि करि वा स्वस्थाननि करि वा स्वपरस्थाननि करि संयुक्त जे असंयत अप्रमत्तादिक के सर्व भुजाकारादिक भंग, तिनकों मिथ्यादृष्टि कै भुजाकारादिक-भंगनि विषै मिलाएं नामकर्म के सर्व भुजाकारादिक बंध हो हैं ॥ ५७९ ॥

सर्व नामबंधस्थाननि के भंगनि का यंत्र

भुजाकार मिथ्यादृष्टि ४४६०९४३५ असंयत ३६९९२ अप्रमत्त ४५	अल्पतर मिथ्यादृष्टि ४४६०९४३५ असंयत ७२ अप्रमत्त ३६	अवस्थित मिथ्यादृष्टि ८९२१८८७० असंयत ३७०६४ अप्रमत्त ८१ उपशांतमोड़ १७	अवक्तव्य उपशांत-कषायविषै १७
जोड ४४६४६४७२	जोड ४४६०९५४३	जोड ८९२५६०३२	जोड १७

आगै तिन भंगनि की प्राप्ति का साधारण-उपाय गाथा दौयकरि कहैं हैं—

भुजगारा अप्पदरा, हवंति पुव्ववरठाणसंताणे ।

पयडिसमोऽसंताणोऽपुणरुत्तेत्ति य समुद्धिद्वो ॥ ५८० ॥

भुजकारा अल्पतरा, भवंति पूर्वापरस्थानसंताने ।

प्रकृतिसमः असंतानो, ऽपुनरुक्तेत्ति च समुद्धिष्टः ॥ ५८० ॥

टीका — पहिला स्थान थोरी-प्रकृतिरूप, ताकों बहुत प्रकृतिरूप स्थानकनि करि यथा संभव लगाएं भुजाकार हो हैं । बहुरि पिछले स्थान बहुत-प्रकृतिरूप, तिनकों थोरी-प्रकृतिरूप स्थाननि करि यथासंभव लगाएं अल्पतर हो है । बहुरि प्रकृतिनि की समान संख्या होतैं भी 'असंतानः' कहिए प्रकृति का समुदाय प्रकृति भेदकरि संयुक्त होय तौं अपुनरुक्त ही कहिए, जैसें तीर्थ बिना संहनन सहित भी गुणतीस का बंध है अर तीर्थसहित संहनन बिना भी गुणतीस का है, सो इनविषै गुणतीस की समानता होतैं भी तीर्थकर अर संहनन-प्रकृति के भेद तैं अपुनरुक्तपणां कहिए, अैसा कहा है ॥ ५८० ॥

भुजगारे अप्पदरे, ऽवत्तव्वे ठाइदूण समबंधो ।

होदि अवट्टिंदबंधो, तब्भंगा तस्स भंगा हु ॥ ५८१ ॥

भुजकारानल्पतरानवक्त्व्यान् स्थापयित्वा समबंधः ।

भवति अवस्थितबंधः, तद्भंगास्तस्य भंगा हि ॥ ५८१ ॥

टीका - भुजाकार, अल्पतर, अवक्तव्य इन भंगनि कौं स्थापि करि जिन-जिन भंगसहित प्रकृतिनि का तिनविषै एक समय बंध होइ करि तिनही भंग सहित प्रकृतिनि का जहां द्वितीयादिक

समयनि विषै समान बंध होइ, तब अवस्थित-बंध कहिए; तातैं तिन तीन के जितने भंग, तितने अवस्थित के भंग जानने ॥ ५८१ ॥

आगैं तिन अवक्तव्य-भंगनि कौं कहै हैं—

**पडिय मरियेक्कमेक्कू, णतीस तीसं च बंधगुवसंते ।**

**बंधो दु अवत्तव्वो, अवड्ढिदो बिदियसमयादी ॥ ५८२ ॥**

पतित्वा मृतवैकमेको, नत्रिंशत्रिंशच्च बंधकोपशांते ।

बंधस्तु अवक्तव्यो, ऽवस्थितो द्वितीयसमयादिः ॥ ५८२ ॥

**टीका** — उपशांत-कषाय विषै किसी भी नाम-कर्म-प्रकृति कौं न बांधता पीछै सूक्ष्म-सांपराय कौं प्राप्त होइ एकका कौं बांधै सो एक तो यहु । बहुरि मरण भए देव-असंयत होइ आठ-आठ भंगनि करि मनुष्ययुत गुणतीसका कौं वा मनुष्य, तीर्थ सहित तीसका कौं बांधै सो दोऊनि के सोलह भए— अैसे सतरह अवक्तव्य-बंध के भंग जानने । अर तिनही के समान बंध द्वितीयादिक समय विषै होइ, तहां अवस्थित भी इतने ही जानने ।

**दोहा— जे तरंग भव उदधि के, नाम-बंध के थान ।**

**तीन जगत के जीव सब, तिनकरि वेष्ठित जान ॥ १ ॥**

आगैं नामकर्म के उदयस्थाननि कौं बाईस-गाथानि करि कहै हैं—

**विग्रहकम्मसरीरे, सरीरमिस्से सरीरपज्जत्ते ।**

**आणावचिपज्जत्ते, कमेण पंचोदये काला ॥ ५८३ ॥**

विग्रहकर्मशरीरे, शरीरमिश्रे शरीरपर्याप्ते ।

आनवचः पर्याप्ते, क्रमेण पंचोदये कालाः ॥ ५८३ ॥

**टीका** — ते नामकर्म के उदयस्थान जिस-जिस काल विषै उदय-योग्य हैं, तहां ही होइ; तातैं नियतकाल है । ते काल विग्रहगति वा कार्माण शरीर विषै मिश्र-शरीर विषै, शरीरपर्याप्ति विषै, आनपान-पर्याप्ति विषै, भाषा-पर्याप्ति विषै अनुक्रम तैं पांच जानने । कार्माण-शरीर जहां पाइए, सो कार्माण- काल; यावत् शरीर पर्याप्ति पूर्ण न होइ, तावत् शरीर मिश्रकाल; शरीरपर्याप्ति पूर्ण भए यावत् सासोसास-पर्याप्ति पूर्ण न होइ, तावत् शरीरपर्याप्तिकाल; सासोसास पर्याप्ति पूर्ण भए यावत् भाषापर्याप्ति पूर्ण न होइ, तावत् आनपान-पर्याप्तिकाल, भाषा-पर्याप्ति पूर्ण भए पीछै सर्व अवशेष आयुप्रमाण भाषापर्याप्ति-काल कहिए । इहां विग्रहगति अर कार्माण दोय विशेषण कीए सो समुद्घात केवली का कार्माण ग्रहण के निमित्त कहे हैं—

एकं व दो व तिणिण व, समया अंतोमुहुत्तयं तिसुवि ।

हेट्टिमकालूणाओ, चरिमस्स य उदयकालो दु ॥ ५८४ ॥

एको वा द्वौवा त्रयो वा, समया अंतर्मुहूर्तकास्त्रिष्वपि ।

अधस्तनकालोनः, चरमस्य चौदयकालस्तु ॥ ५८४ ॥

टीका - तिन पंच कालनि का प्रमाण क्रम तै विग्रहगति का कार्माण-शरीर विषै एक समय वा दोय समय वा तीन समय है । अपर्याप्तिरूप मिश्रशरीर विषै अर शरीर-पर्याप्ति विषै अर उस्वास-निश्वास-पर्याप्ति विषै अंतर्मुहूर्त-अंतर्मुहूर्तकाल है । भाषा-पर्याप्ति विषै पूर्वोक्त च्यारि कालनि का प्रमाण घटाएं अवशेष सर्व भुज्यमान-आयु प्रमाण काल जानना ॥ ५८४ ॥

तिन पंच-कालनि कौ जीव-समासनि विषै कहै हैं—

सव्वापज्जत्ताणं, दोणिणवि काला चउक्कमेयक्खे ।

पंचवि होंति तसाणं, आहारस्सुवरिमचउक्कं ॥ ५८५ ॥

सर्वापर्याप्तानां, द्वावपि कालौ चतुष्कमेकाक्षे ।

पंचापि भवन्ति त्रसाना, माहारस्योपरिमचतुष्कं ॥ ५८५ ॥

टीका - ते काल सर्व ही लब्धि-अपर्याप्तकनि विषै आदि के दोय ही हैं । बहुरि एकेन्द्री विषै आदि के च्यारि हैं । त्रस विषै पांचौ हैं । आहारक-शरीर विषै पहले बिना ऊपरि के च्यारि-काल हैं ॥ ५८५ ॥

कम्मोरालियमिस्सं, ओरालुस्सासभास इदि कमसो ।

काला हु समुग्घादे, उवसंहरमाणगे पंच ॥ ५८६ ॥

कामौरालिकमिश्र, मौरालोच्छ्वासभाषेति क्रमशः ।

काला हि समुदघाते, उपसंहरमाणके पंच ॥ ५८६ ॥

टीका - समुदघात-केवली विषै कार्माण औदारिकमिश्र, औदारिक-शरीरपर्याप्ति, उश्वास-निश्वास पर्याप्ति, भाषा-पर्याप्ति— अिसै पंच-काल अनुक्रम तै हो हैं । ते ए पांचौ-काल प्रदेशनि कौ समेटतै ही हैं, फैलावतै तीन ही काल हैं ॥ ५८६ ॥

सोई कहिए हैं—

ओरालं दंडुगे, कवाडजुगले य तस्स मिस्सं तु ।

पदरे य लोगपूरे, कम्मे व य होदि णायव्वो ॥ ५८७ ॥

ओराल दंडद्विके, कपाटयुगले च तस्य मिश्रं तु ।

प्रतरे च लोकपूरे, कर्मणि वा च भवन्ति ज्ञातव्यः ॥ ५८७ ॥

टीका - दंड का करने वा समेटनेरूप युगल विषै औदारिक-शरीरपर्याप्ति काल है। कपाट का करने, समेटनेरूप युगल विषै औदारिकमिश्र शरीर-काल है। प्रतर का करना वा समेटन विषै अर लोकपूर्ण विषै कार्माण-काल है— अैसे विस्तार करतैं तौ तीन ही काल हैं, अर समेटतैं मूलशरीर विषै प्रवेश करने का प्रथम-समयतैं लगाय संज्ञी-पंचेन्द्रीवत् अनुक्रम तैं पर्याप्त पूर्ण करै है ; तातैं पांचौ-काल संभवै हैं ॥ ५८७ ॥

आगैं नामकर्म के उदयस्थाननि का क्रम तैं उपजने का विधान च्यारि-गाथानि करि कहैं हैं—

णामध्रुवोदयवारस, गड़जाईणं च तसतिजुम्माणं ।

सुभगोदज्जजसाणं, जुम्मेक्कं विग्रहे वाणू ॥ ५८८ ॥

नामध्रुवोदयद्वादश, गतिजातीनां च त्रसत्रियुग्मानां ।

सुभगोदययशसां, युग्मैकं विग्रहे वानुः ॥ ५८८ ॥

टीका - तैजस, कार्माण, वर्णादिक, स्थिर, अस्थिर, शुभ, अशुभ, अगुरुलघु, निर्माण— ए बारह ध्रुवोदयी हैं। सबिन कैं निरंतर-उदय इनका पाइए है। बहुरि च्यारि-गति विषै, पांच-जाति विषै, त्रसस्थावर विषै, वादर-सूक्ष्म विषै, पर्याप्त-अपर्याप्ति विषै, सुभग-दुर्भग विषै, आदेय-अनादेय विषै, यशस्कीर्ति-अयशस्कीर्ति विषै, च्यारि आनुपूर्वी विषै एक-एक का उदय होय। ऐसे इकईस प्रकृति रूप इकईस का स्थान विग्रह गति ही विषै उदय हो हैं, जातैं इकईस विषै आनुपूर्वी कही है, सो आनुपूर्वी का उदय विग्रहगति विषै ही है। ऋजुगति विषै इकईस के स्थान का उदय नाही, चौबीस का आदि का ही उदय है ॥ ५८८ ॥

मिस्सम्मि तिअंगाणं, संठाणाण च एकगदरगं तु ।

पत्तेयदुगाणेक्को, उवघादो होदि उदयगदो ॥ ५८९ ॥

मिश्रे त्रयंगानां, संख्यानानां चैकतरंक तु ।

प्रत्येकद्विकयोरेक, उपघातो भवत्युदयगतः ॥ ५८९ ॥

टीका - बहुरि तिस इकईस का स्थान विषै आनुपूर्वी घटाइए अर औदारिककादिक तीन शरीरनि विषै एक, छह-संस्थाननि विषै एक, प्रत्येक-साधरण विषै एक, अर उपघात— ए च्यारि मिलाइए, तब चौबीस का स्थान हो है, सो यहु त्रस वा स्थावर के शरीर का मिश्रकाल विषै उदय हो हैं ॥ ५८९ ॥

तसमिस्से ताणि पुणो, अंगोवंगाणमेगदरगं तु ।

छण्हं सहंडणाणं, एगदरो उदयगो होदि ॥ ५९० ॥

परघादमंगपुणो, आदावदुगं विहायमविरुद्धे ।

सासवची तप्पुणो, कमेण तित्थं च केवलिणि ॥ ५९१ ॥ जुम्मं ।



त्रसमिश्रे तानि पुनः, अंगोपांगानामेकतरकं तु ।  
 पण्णां संहनाना, मेकतरमुदयकं भवति ॥ ५९० ॥  
 परघातमंगपूर्णे, आतापद्विकं विहायोऽविरुद्धे ।  
 श्वासवचसी तत्पूर्णे, क्रमेण तीर्थं च केवलिनि ॥ ५९१ ॥ युग्मम्

टीका - ते पूर्वोक्त च्यारि, अर तीन अंगोपांग विषैँ एक, छह-संहनन विषैँ एक— अैसेँ छह, मिश्रशरीरी-त्रस विषैँ उदय योग्य हैं । बहुरि परघात है, सो त्रसस्थावरनि के शरीर-पर्याप्ति विषैँ ही उदय हो है । बहुरि आतप-उद्योत वा प्रशस्त-अप्रशस्त विहायोगति सो अविरुद्ध-योग्य व स्थावरनि कैँ पर्याप्त-प्रकृति-कालविषैँ ही उदय हो है । बहुरि उश्वास अर स्वरद्विक ए अपने-अपने पर्याप्ति-काल विषैँ ही उदय हो हैं । तीर्थकर-प्रकृति केवली विषैँ ही उदय हो है ॥ ५९०-५९१ ॥

आगैँ एक-एक जीव विषैँ, एक-एक समय विषैँ जे-जे संभवैँ ऐसे नामकर्म के उदयस्थान नाना जीवनि प्रति कहे तिनही कौँ कहैँ हैं—

**वीसं इगिचउवीसं, तत्तो इगितीसओत्ति एयधियं ।**

**उदयट्टाणा एवं, णव अट्ट य होंति णामस्स ॥ ५९२ ॥**

विंशमेकचतुर्विंशं, तत एकत्रिंशदिति एकाधिकं ।  
 उदयस्थानान्येवं, नवाष्ट च भवंति नाम्नः ॥ ५९२ ॥

टीका - वीस का, इकवीस का, चौबीस का इसतैँ एक-एक अधिक इकतीस का पर्यंत अर नव का आठ का— ए बारह नामकर्म के उदय स्थान हैं ॥ ५९२ ॥

**चदुगदिया एइंदी, विसेसमणुदेवणिरयएइंदी ।**

**इगिबितिचपसामण्णा, विसेससुरणारगेइंदी ॥ ५९३ ॥**

**सामण्णसयलवियलवि, सेसमणुस्ससुरणारया दोण्हं ।**

**सयलवियलसामण्णा, सजोगपंचक्खवियलया सामी ॥ ५९४ ॥ जुम्मं ।**

चतुर्गतिका एकेन्द्रिया, विशेषमनुदेवनिरयैकेन्द्रियाः ।  
 एकद्वित्रिचपसामान्या, विशेषसुरनारकैकेन्द्रियाः ॥ ५९३ ॥  
 सामान्यसकलविकलवि, शेषमनुष्यसुरनार का द्वयोः ।  
 सकलविकलसामान्याः, सयोगपंचाक्षविकलकाः स्वामिनः ॥ ५९४ ॥ युग्मम् ।

टीका - तिन स्थाननि का स्वामी कहिए है— इकईस के स्थान के चतुर्गति के जीव स्वामी हैं । चौबीसके के एकेन्द्री-स्वामी हैं । पचीसके के विशेष मनुष्य, देव, नारकी, एकेन्द्री स्वामी हैं । छबीसके के एकेन्द्री, वेन्द्री, तेन्द्री, चौंद्री, पंचेन्द्री सामान्य-जीव स्वामी हैं । सताईसके के विशेष मनुष्य वा देव, नारकी, एकेन्द्री स्वामी हैं । अठाईस, गुणतीसके के सामान्य-पुरुष सकलेन्द्री,

विकलेन्द्री, विशेष पुरुष, देव, नारकी स्वामी हैं। तीसके के सकलेन्द्री-विकलेन्द्री सामान्य पुरुष स्वामी हैं। इकतीसके के सयोगकेवली वा पंचेन्द्री, वेन्द्री, तेन्द्री, चौन्द्री स्वामी हैं। नवके के अर आठके के अयोग-केवली स्वामी हैं।

जिस स्थान का जो स्वामी कहा तिसकैं तक स्थान संबंधी प्रकृतिनि का उदय जानना। सो इहां इन स्थाननि का प्रगट कथन कीजिए है—

ध्रुवोदयीं बारह, च्यारिगति विषैं एक, पंच-जाति विषैं एक, त्रस-वादर, पर्याप्त, सुभग, आदेय, यशस्कीर्ति अर इनका प्रतिपक्षीरूप छह-युगल, तिनविषैं एक-एक, च्यारि आनुपूर्वी विषैं एक— अिसैं इकईस-प्रकृतिरूप स्थान हैं। सो याका उदय कार्माण शरीर सहित च्यारयों गतिसंबंधी वक्र गमनरूप जो विग्रहगति, तिसही विषैं हो है, अन्यत्र नाहीं, जातैं यहु स्थान आनुपूर्वी सहित है। बहुरि इसविषैं आनुपूर्वी कौं घटाइए अर औदारिक तीन शरीरनि विषैं एक, छह-संस्थाननि विषैं एक, प्रत्येक-साधारण विषैं एक, अर उपघात— इनि च्यारयों कौं मिलाएं चौबीस-प्रकृतिरूप स्थान हो है सो यहु एकेन्द्री कैं अपर्याप्त विषैं शरीर-मिश्रयोग होतैं ही उदय हो है अन्यत्र नाहीं ; जातैं इसविषैं अंगोपांग वा संहनन नाहीं है।

बहुरि इसविषैं परघात मिलैं एकेन्द्री का शरीर-पर्याप्ति विषैं उदय-योग्य पचीस का स्थान हो है अथवा आहारक-अंगोपांग मिलैं विशेष-मनुष्य कैं आहारक-शरीर का मिश्रकाल विषैं उदय-योग्य पचीस का स्थान हो है। अथवा वैक्रियिक-अंगोपांग मिलैं देव, नारकी कैं शरीर-मिश्रकाल विषैं उदय-योग्य पचीस का स्थान हो है— अिसैं तीन पचीस के स्थान भए।

बहुरि एकेन्द्री कैं उदय-योग्य पचीस का स्थान विषैं आतप वा उद्योत विषैं एक कौं मिलैं एकेन्द्री का शरीर-पर्याप्ति विषैं उदय-योग्य छबीस का स्थान हो है। अथवा तिस एकेन्द्री का पचीस का स्थान विषैं उश्वास मिलैं एकेन्द्री के उश्वास-निश्वास पर्याप्ति विषैं उदय-योग्य छबीस का स्थान हो है। अथवा चौबीस का स्थान विषैं औदारिक-अंगोपांग अर एक संहनन मिलैं वेन्द्री, तेन्द्री, चौन्द्री, पंचेन्द्री सामान्य-मनुष्य नितिशय-केवली का कपाट युगल इनका औदारिक-मिश्रकाल विषैं उदय-योग्य छबीस का स्थान हो है— अिसैं तीन छबीस के स्थान भए।

बहुरि चौबीस का स्थान विषैं आहारक-अंगोपांग, परघात, प्रशस्तविहायोगति— ए तीन मिलैं प्रमत्त-गुणस्थानी कैं आहारक-शरीर पर्याप्ति विषैं उदय-योग्य सताईस का स्थान हो है। अथवा पूर्वोक्त समुद्घात-केवली का छबीस का स्थान विषैं तीर्थकर-प्रकृति मिलैं तीर्थकर-समुद्घात-केवली कैं उदय-योग्य सताईस का स्थान हो है। अथवा पूर्वोक्त चौबीस का स्थान विषैं वैक्रियिक-अंगोपांग, परघात अर नारकी कैं अप्रशस्तविहायोगति, देव कैं प्रशस्तविहायोगति— अिसैं तीन मिलैं देव, नारकी कैं शरीर-पर्याप्ति विषैं उदय-योग्य सताईस का स्थान हो है अथवा पूर्वोक्त चौबीस का स्थान विषैं परघात अर आतप, उद्योत विषैं एक अर उश्वास इन तीनों कौं मिलैं एकेन्द्री कैं उश्वास-पर्याप्ति विषैं उदय-योग्य सताईस का स्थान हो है— अिसैं च्यारि सताईस के स्थान भए।

बहुरि तिस चौबीस के स्थान विषै औदारिक-अंगोपांग, एक-संहनन, परघात, यथायोग्य विहायोगति इन च्यारि कौ मिलै सामान्य-मनुष्य वा मूलशरीर विषै प्रवेश करता समुद्घातरूप सामान्य-केवली वा वेंद्री, तेंद्री, चौंद्री, पंचेंद्री इनकै शरीर-पर्याप्ति विषै उदय-योग्य अठाईस का स्थान हो है । अथवा चौबीस का विषै आहारक-अंगोपांग, परघात, प्रशस्तविहायोगति, उश्वास—ए च्यारि मिलै आहारक-संयुक्त कै आहारक-शरीर का उश्वास सपर्याप्त विषै उदय-योग्य अठाईस का स्थान हो है । अथवा चौबीस का विषै वैक्रियिक-अंगोपांग, परघात, यथासंभव विहायोगति, उश्वास इन च्यारि कौ मिलै देव, नारकी कै उश्वास-पर्याप्ति विषै उदय-योग्य अठाईस का स्थान उदय हो है—अैसे तीन अठाईस के स्थान भए ।

बहुरि सामान्य-मनुष्य वा समुद्घात-केवली का अठाईस का स्थान विषै उश्वास-प्रकृति मिलै सामान्य-मनुष्य का वा मूल-शरीर विषै प्रवेश करता समुद्घात-केवली का उश्वास-पर्याप्ति विषै उदय योग्य गुणतीस का स्थान हो है ।

अथवा चौबीस का विषै औदारिक-अंगोपांग, एक-संहनन, परघात, एक-विहायोगति, उद्योत मिलै वेंद्री, तेंद्री, चौंद्री, पंचेंद्री का शरीर-पर्याप्ति विषै उदय-योग्य गुणतीस का स्थान हो है । अथवा पूर्वोक्त चौबीस का विषै एक अंगोपांग, एक-संहनन, परघात, एक-विहायोगति, उश्वास मिलै वेंद्री, तेंद्री, चौंद्री, पंचेंद्री का उश्वास-पर्याप्ति विषै उदय-योग्य गुणतीस का स्थान हो है । अथवा चौबीस का विषै औदारिक-अंगोपांग, संहनन, परघात, प्रशस्तविहायोगति, तीर्थकर मिलै समुद्घात-तीर्थकर-केवली का शरीरपर्याप्तिनि विषै उदय-योग्य गुणतीस का स्थान हो है ।

अथवा चौबीस का विषै आहारक-अंगोपांग, परघात, प्रशस्तविहायोगति, उश्वास, सुस्वर मिलै प्रमत्त का आहारक-शरीर का भाषापर्याप्ति विषै उदय-योग्य गुणतीस का स्थान हो है । अथवा देव, नारक का अठाईस का स्थान विषै देव कै सुस्वर, नारकी कै दुस्वर मिलै देव, नारकी कै भाषापर्याप्ति विषै उदय-योग्य गुणतीस का स्थान हो है—अैसे गुणतीस के छह स्थान भए ।

बहुरि चौबीस का विषै अंगोपांग, संहनन, परघात, विहायोगति, उच्छ्वास मिलै गुणतीस होइ इनविषै उद्योत मिलै वेंद्री, तेंद्री, चौंद्री, पंचेंद्री का उश्वास-पर्याप्ति विषै उदय योग्य तीस का हो है । वा दोय स्वर विषै एक मिलै सामान्य-मनुष्य वा पंचेन्द्री वा विकलत्रय कै भाषापर्याप्ति विषै उदय-योग्य तीस का हो है । अथवा चौबीस विषै औदारिक-अंगोपांग, वज्रवृषभ संहनन, परघात, प्रशस्तविहायोगति, उश्वास मिलै गुणतीस होइ । तिनविषै तीर्थकर-प्रकृति मिलाएं समुद्घात-तीर्थकर-केवली का उश्वास-पर्याप्ति विषै उदय-योग्य तीस का स्थान हो है वा दोयस्वर विषै एक मिलै सामान्य-समुद्घात-केवली का भाषापर्याप्ति विषै उदय-योग्य तीस का हो है—अैसे तीस के स्थान च्यारि कहे ।

बहुरि सामान्य-सयोग-केवली का भाषापर्याप्ति संबंधी तीस का विषै तीर्थकर-प्रकृति मिलाएं तीर्थकर-केवली का भाषापर्याप्ति विषै उदय-योग्य इकतीस का स्थान हो है अथवा पूर्वोक्त चौईस का विषै अंगोपांग, संहनन, परघात, उद्योत, विहायोगति, उश्वास-सुस्वर-दुःस्वर विषै एक—औसैं सात मिलैं वेंद्री, तेंद्री, चौंद्री, पंचेंद्री का भाषापर्याप्ति विषै उदय-योग्य इकतीस का हो है ।

औसैं इकतीस के स्थान दोय कहे, या प्रकार एक-जीव के एककाल विषै उदय के स्थान कहे ॥ ५९३-५९४ ॥

एगे इगिवीसपणं, इगिछव्वीसडुवीसतिण्णि णरे ।

सयले वियलेवि तहा, इगितीसं चावि वचिठाणे ॥ ५९५ ॥

सुरणिरयविसेसणरे, इगिपणसगवीसतिण्णि समुघादे ।

मणुसं वा इगिवीसे, वीसं रूवाहियं तित्थं ॥ ५९६ ॥

वीसदु चउवीसचऊ, पणछव्वीसादिपंचयं दोसु ।

उगुतीसति पणकाले, गयजोगे होंति णव अट्टं ॥ ५९७ ॥ विसेसयं ।

एकस्मिन्नेकविंशति, पंच एकषड्विंशाष्टविंशतीणि नरे ।

सकलविकलेऽपि तथा, एकत्रिंशच्चापि वचः स्थाने ॥ ५९५ ॥

सुरनिरयविशेषनरे, एकपंचसप्तविंशतीणि समुद्भते ।

मनुष्यं वा एकविंशे, विंशं रूपाधिकं तीर्थं ॥ ५९६ ॥

विंशद्विकं चतुर्विंशच्चतुष्कं पंचषड्विंशादिपंचकं द्वयोः ।

एकोनत्रिंशत्त्रिकं पंचकालेषु, गतयोगे भवंति नवाष्ट ॥ ५९७ ॥ विशेषकं ।

टीका — पूर्वोक्त पंचकालनि विषै यथासंभव अनुक्रम तैं एकेन्द्री विषै उदय-योग्य इकईस का आदि पांच-स्थान हैं । बहुरि मनुष्य विषै उदय-योग्य इकईस का, छबीस का अर अठाईस का आदि तीन—औसैं पंच-स्थान हैं । बहुरि सकलेंद्री, विकलेंद्री, तिर्यच विषै उदय-योग्य इकईस का, छबीस का अर अठाईस का आदि तीन अर भाषापर्याप्ति विषै इकतीस का—औसैं छह स्थान हैं । बहुरि देव, नारकी अर आहारक वा केवल सहित विशेष मनुष्य— इनविषै उदय-योग्य इकईस का पचीस का अर अठाईस का आदि तीन—औसैं पांच-स्थान हैं । तहां समुद्घात-केवली का कार्माणकाल विषै इकवीस का स्थान विषै आनुपूर्वी बिना सामान्य-केवली कैं बीस का ही उदय-स्थान है । तीर्थकर-केवली के तीर्थकर-प्रकृति सहित इकईस का उदय-स्थान है ।

॥ नामकर्म के उदय स्थाननि का यंत्र ॥

बीस का स्थान एक ॥ १ ॥

समुद्घातकेवली का कार्माण विषैँ उदययोग्य ॥ २० ॥

इकईस के स्थान ॥ २ ॥

चार्योगति के विग्रहगति विषैँ उदययोग्य ॥ २१ ॥

तीर्थकरकेवली का कार्माण विषैँ उदय योग्य ॥ २१ ॥

चौबीस का स्थान एक ॥ १ ॥

एकेंद्री का मिश्रशरीर विषैँ उदय-योग्य ॥ २४ ॥

पचीस का स्थान तीन ॥ ३ ॥

एकेंद्री का शरीरपर्याप्ति विषैँ उदय-योग्य ॥ २५ ॥

आहारक का शरीरमिश्रकाल विषैँ उदय-योग्य ॥ २५ ॥

देवनारक कैँ, शरीरमिश्रकाल विषैँ उदय-योग्य ॥ २५ ॥

छबीस के स्थान तीन ॥ ३ ॥

एकेंद्री का शरीरपर्याप्तिकाल विषैँ उदय योग्य ॥ २६ ॥

एकेंद्री का उश्वासपर्याप्ति विषैँ उदय-योग्य ॥ २६ ॥

वेंद्री, तेंद्री, चौंद्री, पंचेंद्री, सामान्य मनुष्य निरतिशयकेवली का औदारिक-मिश्रकाल विषैँ उदय-योग्य ॥ २६ ॥

सत्ताईस के स्थान च्यारि ॥ ४ ॥

आहारक-शरीरपर्याप्ति विषैँ उदय-योग्य ॥ २७ ॥

तीर्थकर-समुद्घातकेवली कैँ उदय-योग्य ॥ २७ ॥

देव नारकी का शरीरपर्याप्ति विषैँ उदय योग्य ॥ २७ ॥

एकेंद्री का उश्वास पर्याप्ति विषैँ उदय योग्य ॥ २७ ॥

अठाईस के स्थान तीन ॥ ३ ॥

सामान्य मनुष्य सामान्यकेवली, वेंद्री, तेंद्री, चौंद्री, पंचेंद्री कैँ शरीरपर्याप्ति विषैँ उदय योग्य ॥२८ ॥

आहारक का उश्वास-पर्याप्ति विषैँ उदय-योग्य ॥ २८ ॥

देव नारकी का उश्वास-पर्याप्ति विषैँ उदय योग्य ॥ २८ ॥

गुणतीस के स्थान छह ॥ ६ ॥

समुद्घात केवली का उश्वास-पर्याप्ति विषैँ उदय योग्य ॥ २९ ॥

वेंद्री, तेंद्री, चौद्री, पंचेंद्री का शरीरपर्याप्ति विषै उदय-योग्य ॥ २९ ॥

वेंद्री, तेंद्री, चौद्री, पंचेंद्री का उश्वास-पर्याप्ति विषै उदय-योग्य ॥ २९ ॥

समुद्घात-तीर्थकर का शरीर-पर्याप्ति विषै उदय-योग्य ॥ २९ ॥

आहारक-शरीर भाषापर्याप्ति विषै उदय-योग्य ॥ २९ ॥

देव, नारक का भाषापर्याप्ति विषै उदय योग्य ॥ २९ ॥

तीस के स्थान च्यारि ॥ ४ ॥

वेंद्री, तेंद्री, चौद्री, विकलत्रय कै भाषापर्याप्ति विषै उदय-योग्य ॥ ३० ॥

सामान्य मनुष्य, पंचेन्द्री, विकलत्रय कै भाषापर्याप्ति विषै उदय-योग्य ॥ ३० ॥

तीर्थकर-समुद्घात-केवली का उश्वासपर्याप्ति विषै उदय-योग्य ॥ ३० ॥

सामान्य समुद्घात-केवली का भाषापर्याप्ति विषै उदय-योग्य ॥ ३० ॥

इकतीस के स्थान ॥ २ ॥

तीर्थकर-केवली का भाषापर्याप्ति विषै उदय-योग्य ॥ ३१ ॥

वेंद्री, तेंद्री, चौद्री, पंचेंद्री का भाषापर्याप्ति विषै उदय-योग्य ॥ ३१ ॥

नव का स्थान एक । १ । अयोग केवली कै उदय-योग्य ॥ ९ ॥

आठ का स्थान । १ । अयोग केवली कै उदय-योग्य ॥ ८ ॥

असै केवली का कार्माण विषै तो बीस, इकवीस के दोय-स्थान हैं । अर विग्रहगति का कार्माण विषै इकवीस का ही है । शरीर-मिश्रकाल विषै चौवीस का आदि च्यारि-स्थान हैं । शरीर पर्याप्तिकाल विषै पचीस का आदि पंच-स्थान हैं । आनपान-पर्याप्ति विषै छवीस का आदि पंच-स्थान हैं । भाषापर्याप्तिकाल विषै गुणतीस का आदि तीन-स्थान हैं । अयोगी विषै तीर्थकर कै नव का अर सामान्य कै आठ का उदय जानना ॥ ५९५-५९७ ॥

नामकर्म के उदय-स्थान जैसै संभवै तिनिका-यंत्र

जिनके पाइए तिनका नाम	एकेन्द्री	देव	नारक	तिर्थच	मनुष्य	सामान्य केवली	तीर्थकर केवली	विशेष मनुष्य
भाषापर्याप्ति विषै	०	२९	२९	३० ३१	३०	३०	३१	२९
आनपानविषै	२७ २६	२८	२८	३० २९	२९	२९	३०	२८
शरीरपर्याप्ति विषै	२६ २५	२७	२७	२९ २८	२८	२८	२९	२७
शरीरमिश्रविषै	२४	२५	२५	२६	२६	२६	२७	२५
कार्माणविषै	२१	२१	२१	२१	२१	२०	२१	०

अयोगी-गुणस्थाननि के दोय-स्थाननि का स्वरूप कहैं हैं—

गयजोगस्स य बारे, तदियाउगगोद इदि विहीणेसु ।

णामस्स य णव उदया, अट्टेव य तित्थहीणेसु ॥ ५९८ ॥

गतयोगस्य च द्वादश, तृतीयायुष्कगोत्रमिति विहीनेषु ।

नामश्व नव उदया, अष्टैव च तीर्थहीनेषु ॥ ५९८ ॥

टीका - अयोग-केवली कैं बारह उदय-प्रकृति हैं । तिनविषैं वेदनीय, आयु, गोत्र की तीन-प्रकृति बिना नव-प्रकृति नामकर्म की का उदय जानना । तीर्थकर बिना आठ का जानना । औसैं नव का, आठ का उदय जानना ॥ ५९८ ॥

आगैं नाम के उदयस्थाननि विषैं भंग कहिए हैं—

संठाणे संहडणे, विहायजुम्मे य चरिमचदुजुम्मे ।

अविरुद्धेक्कदरादो, उदयट्टाणेसु भंगा हु ॥ ५९९ ॥

संस्थाने संहनने, विहायोयुग्मे च चरमचतुर्युग्मे ।

अविरुद्धैकतरस्मात्, उदयस्थानेषु भंगा हि ॥ ५९९ ॥

या । अ ११
आ । अ ११
सु । अ ११
सु । दु ११
प्र । प्र ११
सं । ११११११
सं । ११११११
युति : ११५२

टीका — छह-संस्थान, छह-संहनन, दोय-विहायोगति, सुभग-युगल, स्वरयुगल, आदेय-युगल, यशस्कीर्ति-युगल, इनविषैं अविरुद्ध एक-एक का ग्रहण करतैं भंग हो हैं । जैसैं संस्थान विषैं समचतुरस्र की अपेक्षा उदयस्थान कहा, वाकौं पलटि न्यग्रौध-परिमंडल की अपेक्षा कहा । औसैं सबनि विषैं अक्ष-संचार विधान तैं भंग हो हैं सो छह-संस्थानादिक कौं ६, ६, २, २, २, २, २ परस्पर गुणैं ग्यारहसै बावन-भंग हो है ॥ ५९९ ॥

तिनविषैं नारकादि इकतालीस-जीव-पदनि विषैं भंग संभवै, तिनकौं तीन गाथानि करि कहैं हैं—

तत्थासत्था णारय, साहारणसुहुमगे अपुण्णे य ।

सेसेगविगलऽसण्णी, जुदठाणे जसजुगे भंगा ॥ ६०० ॥

तत्राशस्ता नारक, साधारणसूक्ष्मके अपूर्णे च ।

शेषैकविकलासंज्ञि, युतस्थाने यशायुग्मे भंगाः ॥ ६०० ॥

**टीका** - तिन उदय-प्रकृतिनि विषैँ नारकी अर साधारण-वनस्पती अर सर्व ही सूक्ष्म अर सर्व ही लब्धि-अपर्याप्तक, इनविषैँ अप्रशस्त-प्रकृतिनि ही का उदय है ; तातैँ तिनके पंच कालसंबंधी सर्व उदय-स्थाननि विषैँ एक-एक भंग है । बहुरि अवशेष एकेंद्री, विकलेंद्री, असैनी-पंचेन्द्री इनविषैँ और तो अप्रशस्त-प्रकृतिनि ही का उदय है अर यशस्कीर्ति, अयशस्कीर्ति इनि दोऊनि विषैँ एक किसी का उदय है ; तातैँ तिनके उदय-स्थाननि विषैँ दोय-दोय भंग जानने— एक यशस्कीर्ति सहित उदय-स्थान, एक अयशस्कीर्ति सहित उदयस्थान— असैँ दोय जानने ॥ ६०० ॥

सण्णिम्मि मणुस्सम्मि य, ओघेक्कदरं तु केवले वज्जं ।

सुभगादेज्जजसाणि य, तित्थजुदे सत्थमेदीदि ॥ ६०१ ॥

संज्ञिनि मनुष्ये च, ओघैकतरं तु केवले वजू ।

सुभगादेययशांसि च, तीर्थयुते शस्तमेतीति ॥ ६०१ ॥

**टीका** - संज्ञी-जीव विषैँ मनुष्य विषैँ छह-संस्थान, छह-संहनन, विहायोगति आदि पंच-युगल, इनविषैँ एक-एक का उदय पाइए ; तातैँ सामान्यवत् ग्यारहसैँ बावन-भंग मनुष्य के उदयस्थाननि विषैँ यथासंभव जानने । बहुरि केवलज्ञान विषैँ वज्रवृषभ-नाराच, सुभग, आदेय, यशस्कीर्ति इनही का उदय पाइए ; तातैँ केवलज्ञान संबंधी स्थाननि विषैँ छह-संस्थान, दोय-युगल इनविषैँ एक-एक का उदय की अपेक्षा चौईस-चौईस ही भंग जानने । बहुरि तीर्थकर-केवली कैँ अंत के पंच-स्थान अप्रशस्तविहायोगति, दुःस्वर इनिका भी उदय नाहीं । सर्व प्रशस्तप्रकृतिनि ही का उदय है ; तातैँ ताके उदयस्थाननि विषैँ एक-एक ही भंग है ॥ ६०१ ॥

देवाहारे सत्थं, कालवियप्पेसु भंगमाणेज्जो ।

वोच्छिण्णं जाणित्ता, गुणपडिवण्णेसु सव्वेसु ॥ ६०२ ॥

देवाहारे शस्तं, कालविकल्पेषु भंग आनेयः ।

व्युच्छिन्नं ज्ञात्वा, गुणप्रतिपन्नेषु सर्वेषु ॥ ६०२ ॥

**टीका** - च्यारि प्रकार देवनि विषैँ वा आहारक सहित प्रमत्त विषैँ प्रशस्त-प्रकृतिनि ही का उदय है ; तातैँ तिन के सर्वकाल संबंधी उदय-स्थान विषैँ एक-एक ही भंग है । बहुरि सासादनादिक



गुणस्थान कौं प्राप्त भए, तिनविषै वा विग्रहगति का कार्माणादिक कालनि विषै व्युच्छित्ति भई प्रकृतिनि कौं जानि, अवशेष प्रकृतिनि के यथासंभव भंग जानने ॥ ६०२ ॥

वीसादीणं भंगा, इगिदालपदेसु संभवा कमसो ।

एक्कं सट्ठी चेव य, सत्तावीसं च उगुवीसं ॥ ६०३ ॥

वीसुत्तरछच्चसया, बारस पणत्तरीहिं संजुत्ता ।

एक्कारससयसंखा, सत्तरससयाहिया सट्ठी ॥ ६०४ ॥

ऊणत्तीससयाहिय, एक्कावीसा तदोवि एकट्ठी ।

एक्कारससयसहिया, एक्केक्क विसरिसगा भंगा ॥ ६०५ ॥ विसेसयं ।

विंशादीनां भंगा, एकचत्वारिंशत्पदेषु संभवाः क्रमशः ।

एकः षष्टिः चैव च, सप्तविंश च एकोनविंशं ॥ ६०३ ॥

विंशोत्तरषट् च शतानि, द्वादश पंचसप्ततिभिः संयुक्ता ।

एकादशशतसंख्या, सप्तदशशताधिकाः षष्टि ॥ ६०४ ॥

एकोनत्रिंशच्छताधि, कैकविंशं ततोऽपि एकषष्टिः ।

एकादशशतसहिता, एकैकं विसदृश का भंगाः ॥ ६०५ ॥ विशेषकं ।

**टीका** - बीसकानै आदि दैकरि जे स्थान कहे तिनविषै इकतालीस-जीवपदनि की अपेक्षा भंग संभवै, ते अनुक्रम तैं कहिए हैं—

तहां बीस का उदय सामान्य-समुद्घात-केवली कैं प्रतरलोक-पूरण का कार्माणकाल विषै है । तिसविषै एक ही भंग है । बहुरि इकवीस के भंग कहिए है— देवगति का विग्रहगतिरूप कार्माण विषै एक ही भंग है । तीर्थकर कैं समुद्घात संबंधी कार्माण विषै एक ही भंग है । मनुष्यगति का विग्रहगतिसंबंधी कार्माण विषै सुभग आदेय यशस्कीर्ति इन तीन युगलनि विषै एक एक के उदय तैं आठ भंग हैं । संज्ञी पंचेन्द्री का कार्माण विषै भी तैसैं ही आठ भंग है । वेंद्री, तेंद्री, चौंद्री, असंज्ञी इनके कार्माण विषै यशस्कीर्ति के युगल तैं भए दोय भंग हैं, तिनके आठ भए वादर-पृथ्वी अप, तेज, वायु, प्रत्येक-वनस्पती— इन पंचनि के कार्माण विषै भी यशस्कीर्ति के युगल तैं भए दोय-दोय भंग हैं, तिनके दश भए । सूक्ष्म-पृथ्वी, अप, तेज, वायु, सूक्ष्म-बादर-साधारण— इन छहौं के कार्माण विषै एक-एक ही भंग हैं, तिनके छह-भंग भए । नारकी कैं कार्माण विषै एक ही भंग है । लब्धि-अपर्याप्तक-सूक्ष्म-पृथ्वीकायादिक भेद तैं सतरह प्रकार तिनके कार्माण विषै एक-एक ही भंग है, तिनके सतरह भए ।

अैसैं इकईस के स्थान विषै साठि-भंग हैं ।

बहुरि चौबीस के स्थाननि विषै भंग कहिए है—

ताका उदय पर्याप्तजीवनि का शरीर-मिश्रकाल विषै हैं। तहां बादर-पृथ्वी, अप, तेज, वायु, प्रत्येक— इन पंचनि विषै यशस्कीर्ति युगल तैं भए दोय-भंगनि तैं दशभए। सूक्ष्म-पृथ्वी, अप, तेज, वायु, वादर-सूक्ष्म-साधारण इनविषै एक-एक भंग तैं छह भए। बहुरि लब्धि— अपर्याप्तक ग्यारह, तिनकै शरीर-मिश्रकालविषै उदय है, तहां एक-एक ही भंग है, तिनके ग्यारह भए।

असै चौबीस का स्थान विषै सत्ताईस-भंग हैं।

बहुरि पचीस का विषै देव, आहारक, नारकी इनकै तौ एक-एक भंग तैं तीन भए। बहुरि शरीर-पर्याप्ति विषै बादर-पृथ्वी, अप, तेज, वायु, प्रत्येकनि के दोय-दोय भंग तैं दश भए। सूक्ष्म-पृथ्वी, अप, तेज, वायु, सूक्ष्म—बादर-साधारण इनकै एक-एक भंग तैं छह भए।

असै पचीस के स्थान विषै उगणीस-भंग हैं।

बहुरि छबीस का स्थान विषै शरीरमिश्रकाल विषै वेंद्री, तेंद्री, चौंद्री, असंज्ञीनि कैं यशस्कीर्ति युग्म तैं भए दोय-दोय भंगनि करि आठ हो हैं। संज्ञी-तिर्यच अर मनुष्य इनि विषै छह-संहनन, छह-संस्थान, सुभग, आदेय, यशस्कीर्ति युगल इनकरि दोयसै अठ्यासी-दोयसै अठ्यासी-भंग भए। तिनके पांचसै छिहतरि हो है (५७६)। तीर्थ रहित सामान्य-समुद्घात-केवली कैं छह-संस्थाननि के बदलने तैं छह-भंग हो हैं। बहुरि लब्धि-अपर्याप्तक छह, तिनके एक-एक भंग तैं छह-भंग हो है। बहुरि शरीर-पर्याप्ति काल विषै बादर-पृथ्वीकाय के आतप, उद्योत सहितपने तैं दोयस्थान तिनविषै यश-युग्म तैं दोय-दोय भंग, तिनके च्यारि भए। बहुरि बादर-अपकाय, प्रत्येक-वनस्पती इनविषै भी दोय-दोय भंग तैं च्यारि भए। बहुरि उश्वास-पर्याप्तिकाल विषै वादर-पृथ्वी, अप, तेज, वायु, प्रत्येक इनविषै यश-युग्म तैं दोय-दोय भंगनि तैं दश भए। सूक्ष्म-पृथ्वी, अप, तेज, वायु, सूक्ष्म-वादर-साधारण, इनविषै एक-एक भंग तैं छह भए।

असै छबीस के स्थान विषै छसै बीस-भंग हैं।

बहुरि सत्ताईस के स्थान विषै तीर्थकर-समुद्घात-केवली का शरीर-मिश्रकाल विषै एक भंग है। देव, आहारक, नारकीनि का शरीर-पर्याप्ति काल विषै एक-एक भंग, तिनके तीन भए। उश्वास-पर्याप्तिकाल विषै बादर-पृथ्वीकाय के आतप, उद्योत तैं दोय-स्थान, तिनविषै दोय-दोय भंग तैं च्यारि भए। बादर-अप, प्रत्येक के दोय-दोय भंग तैं च्यारि भए— असै सत्ताईस के स्थान विषै बारह-भंग हैं।

बहुरि अठाईस के स्थान विषै शरीर-पर्याप्तिकाल विषै निरतिशय-समुद्घात-केवली कैं विहायोगति-युगल, छह-संस्थान करि बारह-भंग हो हैं। मनुष्य अर संज्ञी-तिर्यच विषै सुभग, आदेय, यशस्कीर्ति, विहायोगति कैं युगल, छह-संस्थान, छह-संहनन इनकरि प्रत्येक पांचसै छिहतरि भंग होइ, तिनके ग्यारहसे बावन भए (११५२)। वेंद्री, तेंद्री, चौंद्री, असंज्ञी विषै यश-युग्म तैं दोय-दोय भंग हैं, तिनके आठ भए। देव, नारकी, आहारक— इनका आनपान-पर्याप्तिकाल विषै एक-एक भंग, तिनके तीन भए।

औसैं अठाईस के स्थान विषैं ग्यारहसै-पिचहत्तरि भंग हैं (११७५) ।

बहुरि गुणतीस के स्थान विषैं शरीर-पर्याप्तिकाल विषैं तीर्थकर-समुद्घात-केवली कैं एक-भंग है । संज्ञी-तिर्यच-उद्योत सहित ताकैं पूर्वोक्त प्रकार पांचसै छिहंतरि भंग हैं (५७६) । वेंद्री, तेंद्री, चौद्री, असंज्ञी-उद्योत सहित, तिनकैं दोय-दोय भंग तैं आठ-आठ भंग हैं । बहुरि उश्वास-पर्याप्ति विषैं निरतिशय-समुद्घात-केवली कैं संस्थान-छह, विहायोगति युगल करि बारह-भंग हैं । मनुष्य विषैं वा संज्ञी-पंचेन्द्री विषैं पूर्वोक्त प्रकार प्रत्येक पांचसै छिहंतरि भंग हैं, तिनके ग्यारहसै बावन भए (११५२) । वेंद्री, तेंद्री, चौद्री, असंज्ञी, उद्योत रहित, तिनके दोय-दोय भंग करि आठ भंग हैं । बहुरि भाषा-पर्याप्तिकाल विषैं देव, आहारक, नारकी कैं एक-एक भंग करि तीन भए ।

औसैं गुणतीस के स्थान विषैं सतरहसै साठि-भंग हैं ।

बहुरि तीस के स्थान विषैं उश्वास-पर्याप्तिकाल विषैं तीर्थकर-समुद्घात-केवली कैं एक-भंग हैं । उद्योत सहित संज्ञा कैं पूर्वोक्त प्रकार पांचसै छिहंतरि भंग हैं (५७६) । उद्योत सहित वेंद्री, तेंद्री, चौद्री, पंचेन्द्री कैं दोय-दोय भंग तैं आठ भंग हैं । बहुरि भाषा-पर्याप्तिकाल विषैं तीर्थरहित सामान्यकेवली कैं छह-संस्थान, विहायोगति युगल, स्वरयुगल करि चौबीस-भंग हैं । मनुष्य विषैं छह-संस्थान, छह-संहनन, सुभग, आदेय, यशस्कीर्ति, विहायोगति, स्वर के युगल इनिकरि ग्यारहसै बावन भंग हैं (११५२) । उद्योतरहित संज्ञी-पंचेन्द्री-तिर्यच विषैं भी तैसैं ही ग्यारहसै बावन-भंग हैं (११५२) । वेंद्री, तेंद्री, चौद्री, असंज्ञी कैं दोय-दोय भंगकरि आठ-भंग हैं ।

औसैं तीस के स्थान विषैं गुणतीससै इकईस-भंग हैं (२९२१) ।

बहुरि तीर्थरहित-समुद्घात-केवली कैं भाषापर्याप्तिकाल विषैं चौईस-भंग हैं, ते पुनरुक्त हैं, जातैं पूर्वे कहे तिनविषैं अर इनविषैं किछू विशेष नाहीं । बहुरि इकतीस के स्थान विषैं भाषा-पर्याप्ति विषैं तीर्थकर-केवली कैं एक भंग है । उद्योत सहित संज्ञी-पंचेन्द्री विषैं पूर्वोक्त प्रकार ग्यारहसै बावन भंग हैं (११५२) । उद्योत सहित वेंद्री, तेंद्री, चौद्री, असंज्ञी-पंचेन्द्री के दोय-दोय भंगनि तैं आठ भए— औसैं इकतीस के स्थान विषैं ग्यारहसै इकसठि-भंग हैं (११६१) ।

तीर्थसहित-समुद्घात-केवली विषैं एक-भंग है, सो पुनरुक्त है । अयोग-केवली विषैं तीर्थकर सहित नव का, ताका एक-भंग है । बहुरि तीर्थकर रहित आठ ताका एक-भंग ।

औसैं सर्व मिलि सात हजार सातसै अठावन (७७५८) भंग भए ॥ ६०३-६०५ ॥

तिन पुनरुक्त-भंगनि कौं कहैं हैं—

**सामण्णकेवलिस्स स, मुग्घादगदस्स तस्स वचि भंगा ।**

**तित्थस्सवि सगभंगा, समेदि तत्थेक्कमवणिज्जो ॥ ६०६ ॥**

सामान्यकेवलिनः, समुद्घातगतस्य तस्य वचसि भंगाः ।

तीर्थस्यापि स्वकभंगाः, समा इति तत्रैकोपनेयः ॥ ६०६ ॥

**टीका** - भाषा-पर्याप्तिकाल विषै सामान्यकेवली वा समुद्घात सहित सामान्यकेवली कै तीस के स्थान विषै चौईस-चौईस भंग समान हैं। बहुरि तीर्थकर-केवली कै वा समुद्घात-तीर्थकर-केवली कै इकतीस के स्थान विषै एक-एक भंग है, सो समान है ; तातैं ए पचीस भंग पुनरुक्त हैं, ते ग्रहण न करने ॥ ६०६ ॥

आगैं गुणस्थान विषै तिन-भंगनि कौ कहैं हैं—

**णारयसण्णमणुस्ससुराणं उवरिमगुणाण भंगा जे ।**

**पुणरुत्ता इदि अवणिय, भणिया मिच्छस्स भंगेसु ॥ ६०७ ॥**

नारकसंज्ञिमनुष्यसुराणामुपरितनगुणानां भंगा ये ।

पुनरुक्ता इत्यपनीय, भणिता भंगेषु ॥ ६०७ ॥

**टीका** - नारकी, संज्ञी-तिर्यच, मनुष्य, देव इनकैं ऊपरि के सासादनादिक गुणस्थाननि विषै जे भंग हैं, ते मिथ्यादृष्टि के भंगनि के समान हैं ; तातैं तिन पुनरुक्त-भंगनि कौ दूरिकरि एक मिथ्यादृष्टि ही का भंगनि विषै ते भी कहे, सोई कहिए है—

मिथ्यादृष्टि विषै इकईसके के साठि-भंगनि विषै तीर्थकर संबन्धी एक बिना गुणसठि भंग हैं। चौबीसके के सत्ताईस-भंग हैं। पचीसके के उगणीस विषै आहारक-शरीर-मिश्र संबन्धी एक बिना अठारह-भंग हैं। छबीसके के छसै बीस विषै सामान्य समुद्घात-केवली के छह-भंग बिना छहसै चौदह भंग हैं। सत्ताईसके के बारह विषै आहारक, तीर्थकर के दोय बिना दश-भंग हैं। अठाईस के ग्यारहसै पिचहत्तरि भंगनि विषै सामान्य-समुद्घात-केवली के बारह, आहारक का एक, इन तरेह बिना ग्यारहसै बासठि-भंग हैं। गुणतीस के सतरहसै साठि-भंगनि विषै सामान्य-समुद्घात-केवली के बारह, तीर्थकर-समुद्घात-केवली का एक, आहारक का, एक इन चौदह बिना सतरसै छियालीस-भंग हैं। तीसके के गुणतीससै इकईस-भंगनि विषै सामान्य-केवली के चौईस, तीर्थकर-केवली का एक, इन पचीस विना अठाईससै छिनवै-भंग हैं। इकतीसके के ग्यारहसै इकसठि-भंगनि विषै तीर्थकर का एक बिना ग्यारहसै साठि-भंग है।

बहुरि सासादन-गुणस्थान विषै इकईसके के बादर-पृथ्वी, अप, प्रत्येक के छह ; वेंद्री, तेंद्री, चौद्री, असंज्ञी के आठ, संज्ञी आठ ; मनुष्य के आठ ; देव का एक— अिसैं इकतीस-भंग हैं। चौबीसके के बादर-पृथ्वी, अप, प्रत्येक के ही छह-भंग हैं। पचीसके का देवगति का एक-भंग है। छबीसके के वेंद्री, तेंद्री, चौद्री, असंज्ञी के आठ, संज्ञी-पंचेंद्री के दोयसै अठ्यासी, मनुष्य के दोयसै अठ्यासी— अिसैं पांचसै चौरासी-भंग हैं। इस गुणस्थान विषै सत्ताईस, अट्ठाईस का उदय नाही है, जातैं शरीर-पर्याप्ति आदि कालनि विषै ऐकेंद्रियादिक कै मिथ्यादृष्टिपनां ही संभवै है। बहुरि गुणतीसके के देव, नारकी का एक-एक तैं दोय-भंग हैं। तीसके का भाषापर्याप्ति विषै संज्ञी-तिर्यच के ग्यारहसै बावन, मनुष्य के ग्यारहसै बावन— अिसैं तेईससै च्यारि-भंग हैं। इकतीसके का संज्ञी का भाषापर्याप्ति विषै उद्योत सहित स्थान का ग्यारासै बावन-भंग हैं।

बहुरि मिश्रगुणस्थान विषै गुणतीसके का देवनारकी का भाषापर्याप्ति विषै एक-एक करि दोय-भंग हैं। तीसके के संज्ञी अर मनुष्य का मिलाएं तेईससै च्यारि-भंग हैं। इकतीसके के उद्योत सहित संज्ञी के ग्यारहसै बावन-भंग हैं।

बहुरि असंयत-गुणस्थान विषै इकवीसके के च्यार्यौ गति का एक-एक भंग करि च्यारि-भंग हैं। पचीसके के घर्मा-नारक, वैमानिक-देव के एक-एक करि दोय-भंग हैं। छबीसके का भोगभूमिया-तिर्यच के शुभ ही का उदय है; तातैं एक अर कर्मभूमियां-संज्ञी-तिर्यच के छह-संस्थान, छह-संहनन तैं छत्तीस—असै सैंतीस-भंग हैं। सत्ताईसके के घर्मानारक, वैमानिक-देव का एक-एक करि दोय-भंग हैं। अठाईसके के भोगभूमियां-तिर्यच, घर्मा-नारकी, वैमानिक देव इनिके उश्वास-पर्याप्ति विषै एक-एक करि तीन, मनुष्य के छह-संस्थान, छह-संहनन, विहायोगति-युगल तैं बहत्तरि—असै पिचहत्तरि-भंग हैं।

गुणतीसके के भोगभूमियां-तिर्यच, मनुष्य के प्रशस्त ही का उदय है; तातैं एक-एक भंग करि तिनके आनपान-पर्याप्ति विषै दोय अर देव, नारकी का भाषापर्याप्ति विषै एक-एक भंग करि दोय अर कर्म-भूमिया-मनुष्य का आनपान-पर्याप्ति विषै पूर्वोक्त प्रकार बहत्तरि—असै छिहत्तरि-भंग हैं। तीसके के भोगभूमियां-तिर्यच-उद्योत सहित, ताका आनपान-पर्याप्ति विषै एक अर संज्ञी-तिर्यच वा मनुष्य-कर्मभूमिया, तिन दोऊनि के मिलाएं तेईससै च्यारि—असै तेईससै पांच-भंग हैं। इकतीसके के संज्ञी-तिर्यच के ही ग्यारहसै बावन-भंग हैं।

बहुरि देशसंयत-गुणस्थान विषै तीसके के संज्ञी-तिर्यच के संस्थान-छह, संहनन-छह, विहायोगति युगल, स्वरयुगल तैं एकसौ चवालीस, असै ही मनुष्य के एकसौ चवालीस—असै दोयसै अठ्यासी भंग हैं। उद्योत सहित इकतीसके के संज्ञी-पंचेन्द्री का पूर्वोक्त प्रकार एकसौ चवालीस-भंग हैं।

बहुरि प्रमत्त विषै आहारक का शरीर-मिश्र विषै पचीसके का एक, शरीर-पर्याप्ति विषै सत्ताईसके का एक, आनपानपर्याप्ति विषै अठाईसका का एक, भाषापर्याप्ति विषै गुणतीसका का एक-भंग है। औदारिक-शरीर का भाषापर्याप्ति संबन्धी तीसके के छह-संस्थान, छह-संहनन, विहायोगति-युगल, स्वर-युगल तैं भए एकसौ चवालीस भंग हैं।

बहुरि अप्रमत्त विषै तीसके के तैसै ही एकसौ चवालीस भंग हैं।

बहुरि उपशम-श्रेणीवाले च्यारि-गुणस्थाननि विषै प्रत्येक छह-संस्थान, तीन-संहनन, स्वर-युगल, विहायोगति-युगल तैं बहत्तरि-बहत्तरि भंग हैं।

बहुरि क्षपकश्रेणी वाले आदि-गुणस्थाननि विषै छह-संस्थान, एक-संहनन, विहायोगतियुगल, स्वरयुगल ये चौईस-चौईस भंग हैं।

बहुरि सयोगी विषै समुद्घातरूप कार्माण विषै वीसका एक-भंग हैं। तीर्थ सहित इकवीसका

११८]

[गोम्मटसार कर्मकाण्ड उत्तरार्द्ध गाथा- ६०८, ६०९, ६१०

का एक-भंग हैं। औदारिक-मिश्र विषै छबीस के छह-संस्थाननि करि छह-भंग हैं। तीर्थसहित सत्ताईसका का एक-भंग है। अठाईसका का मूल-शरीर विषै प्रवेश करता शरीर-पर्याप्ति विषै छह-संस्थान, विहायोगति के युगल तैं बारह-भंग हैं। तीर्थ-सहित गुणतीसका का एक, सामान्य-केवली का आनपान-पर्याप्ति विषै बारह—औसैं तेरह-भंग हैं। तीर्थ-सहित तीसका का एक, भाषापर्याप्ति विषै सामान्यकेवली का छह-संस्थान, स्वर-विहायोगति युगल तैं चौईस—औसैं पचीस-भंग हैं। तीर्थ सहित इकतीस का एक-भंग है।

बहुरि अयोगी विषै नव का एक-भंग है। अष्ट का एक-भंग है ॥ ६०७ ॥

**अडवण्णा सत्तसया, सत्तसहस्सा य होंति पिंडेण ।**

**उदयट्टाणे भंगा, असहायपरक्कमुद्धिडा ॥ ६०८ ॥**

अष्टपंचाशत्सप्तशतानि, सप्तसहस्राणि च भवन्ति पिंडेन ।

उदयस्थाने भंगा, असहायपराक्रमोद्धिष्टाः ॥ ६०८ ॥

**टीका** — सहाय-रहित-पराक्रम के धारी वर्धमान-स्वामी, तिन बीस का आदि बारह-नामकर्म के उदय-स्थान तिनविषै अपुनरुक्त-भंग हैं ते मिलाइ करि, अठावन अधिक सातसै सहित सातहजार (७७५८) कहे हैं। इहां नारकी, संज्ञी-पंचेंद्री-तिर्यच, मनुष्य देव— इनके मिथ्यादृष्टि-गुणस्थान विषै जे भंग कहे, तिनके सासादनादिक विषै जे भंग कहे, तिनस्यों जिनके समान हैं, ते सासादनादिक के भंग-पुनरुक्त जानने ॥ ६०८ ॥

आगैं नामकर्म का सत्त्वस्थान का प्रकरण उगणीस-गाथाकरि कहै हैं—

**तिदुइगिणउदी णउदी, अडचउदोअहियसीदि सीदी य ।**

**ऊणासीदट्टत्तरि, सत्तत्तरि दस य णव सत्ता ॥ ६०९ ॥**

त्रिद्वयेकनवतिः नवतिः, अष्टचतुर्द्व्यधिकाशीतिरशीतिश्च ।

एकोनाशीत्यष्टसप्तती, सप्ततिः दश च नव सत्त्वानि ॥ ६०९ ॥

**टीका** — तरेणवै, बाणवै, इक्याणवै, निवै, अठ्यासी, चौरासी, वियासी, अस्सी, गुण्यासी, अठहत्तरि, सतहत्तरि, दश, नव-प्रकृतिरूप नामकर्म के सत्त्वस्थान तेरह हैं ॥ ६०९ ॥

तिनका विधान कहै हैं—

**सव्वं तित्थाहारुभ, ऊणं सुरणिरयणरदुचारिदुगे ।**

**उव्वेल्लिदे हदे चउ, तेरे जोगिस्स दसणवयं ॥ ६१० ॥**

सर्व तीर्थाहारो, भयोनं सुरनिरयनरद्विचतुर्विके ।

उद्वेल्लिते हते चतुष्कं, त्रयोदश योगिनो दश नवकं ॥ ६१० ॥

**टीका** - सर्व-नामकर्म की प्रकृतिरूप तरेणवै का स्थान है । सर्व प्रकृतिनि में स्यों तीर्थकर घटतै बाणवै का स्थान हो है । आहारक-द्विक घटै इक्याणवै का हो है । तीर्थकर, आहारक-द्विक दोन्यों घटै निवै का हो है । बहुरि तिस निवै के स्थान विषै देवगति वा आनुपूर्वी की उद्वेलना भए अठ्यासी का हो है । इसविषै भी नारकचतुष्टक की उद्वेलना भए चउरासी का हो है । इसविषै भी मनुष्यिक की उद्वेलना भए बियासी का हो है । बहुरि “णिरयतिरक्ख दु वियलं” इत्यादि गाथोक्त अनिवृत्तिकरण विषै क्षय गई तेरह-प्रकृति ते तरेणवै मै स्यों घटै अस्सी का हो है । बाणवै मै स्यों घटै गुण्यासी का हो हैं । इक्याणवै मै स्यों घटै अठहत्तरि का हो है । निवै मै स्यों घटै सतहत्तरि का हो है । बहुरि अयोगकेवली विषै दश का अर नव का स्थान है । औसै— सर्व नाम-कर्म के सत्त्वस्थान जानने ॥ ६१० ॥

### नामकर्म के सत्त्व-स्थाननि का यंत्र

- |  |   |
|--|---|
| १ तरेणवै का स्थान सर्व-प्रकृतिरूप  | १ बाणवै का स्थान तीर्थकररहित  |
| १ इक्याणवै का स्थान आहारक-द्विकरहित  | १ निवै का स्थान तीर्थकर, आहारक-द्विकरहित                            |
| १ अठ्यासी का स्थान तीर्थकर, आहारक- द्विक, देवद्विक करि रहित                          | १ चौरासी का स्थान तीर्थकर, आहारकद्विक, देवद्विक, नरकचतुष्क करि रहित |
| १ बियासी का स्थान तीर्थकर, आहारकद्विक, देवाद्विक, नरकचतुष्क, मनुष्यद्विक करि भी रहित | १ अस्सी का स्थान अनिवृत्तिकरण विषै तेरह क्षयगई तिनकरि रहित          |
| १ गुण्यासी का स्थान तेरह अर तीर्थकर-रहित   | १ अठहत्तरि का स्थान तेरह अर आहाराद्विक रहित                         |
| १ सतहत्तरि का स्थान तेरह अर तीर्थकर, आहारक-द्विक रहित                                | १ दश का स्थान तीर्थकर-अयोगी कै अंतसमय सत्तारूप                      |
| १ नव का स्थान सामान्य-अयोग-केवली कै अंतसमय सत्तारूप                                  |   |

तिन दश का नव का स्थाननि विषै प्रकृतिनि कौं कहै हैं—

**गयजोगस्स दु तेरे, तदियाउगगोदइदि विहीणेसु ।**

**दस णामस्स य सत्ता, णव चेव य तित्थहीणेसु ॥ ६११ ॥**

गतयोगस्य तु त्रयोदशसु, तृतीयायुष्कगोत्रेति विहीनेषु ।

दश नामश्च सत्ता, नव चैव च तीर्थहीनेषु ॥ ६११ ॥

**टीका** - बहुरि अयोगकेवली विषै सत्त्वप्रकृति ‘उदयगवारणराणू’ इत्यादि गाथुं, सोई कहिए तेरह है, तिनविषै वेदनीय, मनुष्यायु, उच्चगोत्र घटाएं, नामकी दश-प्रकृति के तीर्थकर-प्रकृति बिना नव का हो है ॥ ६११ ॥

-भागप्रमाण कांडक

आगैं उद्वेलन के स्थाननि का विशेष कहैं हैं—

**गुणसंजादप्पयडिं, मिच्छे बंधुदयगंधहीणम्मि ।**

**सेसुव्वेल्लणपयडिं, णियमेणुव्वेल्लदे जीवो ॥ ६१२ ॥**

गुणसंजातप्रकृतिं, मिथ्ये बंधोदयगंधहीने ।

शेषोद्वेल्लनप्रकृतिं, नियमेनोद्वेल्लयति जीवः ॥ ६१२ ॥

**टीका** — मिथ्यादृष्टि विषैं जिनि प्रकृतिनि के बंध का वा उदय का गंध कहिए बासनामात्र, सोभी नाहीं ऐसी सम्यक्त्वादि-गुण तैं उपजीं सम्यक्त्व-मोहनी, मिश्रमोहनी, आहारकद्विक — इनि च्यारि-प्रकृतिनि का, बहुरि अवशेष-उद्वेलन-प्रकृतिनि के उद्वेलन मिथ्यादृष्टि ही विषैं हो हैं ॥६१२ ॥

ताका अनुक्रम कहैं हैं—

**सत्थत्तादाहारं, पुव्वं उव्वेल्लदे तदो सम्मं ।**

**सम्मामिच्छं तु तदो, एगो विगलो य सगलोय ॥ ६१३ ॥**

शस्तत्वादाहारं, पूर्वमुद्वेल्लयति ततः सम्यक् ।

सम्यग्मिच्छं तु तत, एको विकलश्च सकलश्च ॥ ६१३ ॥

**टीका**— आहारकद्विक प्रशस्त-प्रकृति है ; तातैं च्यार्योगति का मिथ्यादृष्टि-जीव पहिलें आहारकद्विक की उद्वेलना करै, तहां पीछैं सम्यक्त्वमोहनी, ता पीछैं सम्यग्मिथ्यात्व-मोहनी की करै, तहां पीछैं अवशेष देवद्विकादिक की एकेंद्री वा विकलेंद्री वा पंचेंद्री उद्वेलना करै है ॥ ६१३ ॥

तिस उद्वेलना के अवसर का काल कहैं हैं—

**वेदगजोगे काले, आहारं उवसमस्स सम्पत्तं ।**

**सम्मामिच्छं चेगे, वियलि वेगुव्वछक्कं तु ॥ ६१४ ॥**

वेदकयोग्ये काले, आहारमुपशमस्य सम्यक्त्वं ।

२ सम्यग्मिच्छं चैकस्मिन् विकले वैगूर्वषट्कं तु ॥ ६१४ ॥

**उव्वा**— वेदक-योग्य-काल विषैं तो आहारक-द्विक की उद्वेलना करै है अर उपशमकाल-प्रकृति वा सम्यग्मिथ्यात्व-प्रकृति की अर एकेंद्री, विकलेंद्री जीव वैक्रियिक-षट्क है ॥ ६१४ ॥



तिन दोऊ कालनि का लक्षण कहैं हैं—

**उदधिपुधत्तं तु तसे, पल्लासंखूणमेगमेयक्खे ।**

**जावय सम्मं मिस्सं, वेदगजोग्गो य उवसमस्स तदो ॥ ६१५ ॥**

उदधिपृथक्त्वं तु तसे, पल्यासंख्योनमेकमेकाक्षे ।

यावच्च सम्यं मिश्रं, वेदकयोग्यश्च उपशमस्य ततः ॥ ६१५ ॥

**टीका -** सम्यक्त्व-मोहनी अर मिश्रमोहनी— इनकी जो पूर्वे स्थितिबंधी थी, सो वह सत्तारूप स्थिति त्रस कैं तौ पृथक्त्व-सागर प्रमाण अवशेष रहै अर एकेंद्री कैं पल्य का असंख्यातवां-भाग करि हीन एक-सागर प्रमाण अवशेष रहै, तावत्काल तौ वेदक-योग्य काल कहिए । बहुरि ताके ऊपरि जो तिसतैं भी सत्तारूप स्थिति घाटि होइ, तहां उपशम-काल कहिए ॥ ६१५ ॥

आगैं तेज, बातकायिक कैं उद्वेलन-प्रकृतिनि कौं कहैं हैं—

**तेउदुगे मणुवदुगं, उच्चं उव्वेल्लदे जहण्णिदरं ।**

**पल्लासंखेज्जदिमं, उव्वेल्लणकालपरिमाणं ॥ ६१६ ॥**

तेजोद्विके मनुष्यद्विकमुच्चमुद्वेल्लयते जघन्येतरत् ।

पल्यासंख्येयिम, मुद्वेल्लनकालपरिमाणं ॥ ६१६ ॥

**टीका -** तेजकायिक, बात-कायिक विषैं मनुष्यद्विक, उच्चगोत्र— ए तीन उद्वेलनरूप हो हैं । तिस उद्वेलन करने के काल का प्रमाण जघन्य वा उत्कृष्ट पल्य के असंख्यातवें भाग प्रमाण जानना । इतने कालकरि तिनकी सर्व-स्थिति के निषेकनि कौं उद्वेलना रूप करै हैं ॥ ६१६ ॥

सोई कहिए है—

**पल्लासंखेज्जदिमं, ठिदिमुव्वेल्लदि मुहुत्तअंतेण ।**

**संखेज्जसायरठिदिं, पल्लासंखेज्जकालेण ॥ ६१७ ॥**

पल्यासंख्येयिमां, स्थितिमुद्वेल्लयति मुहूर्तांतरेण ।

संख्येयसागरस्थितिं, पल्यासंख्येयकालेन ॥ ६१७ ॥

**टीका -** पूर्वे जो बंधी थी— ऐसी सत्तारूप स्थिति तामैं पल्य का असंख्यातवां-भाग प्रमाण स्थिति कौं एक-अंतर्मुहूर्त-काल विषैं उद्वेलना करै, तौ संख्यात-सागर प्रमाण मनुष्यद्विकादिक की सत्तारूप स्थिति कौं कितने काल विषैं उद्वेलना करै ? यहु प्रश्न होतैं, तहां उत्तर ऐसा कि— पल्य का असंख्यातवां-भाग प्रमाणकाल विषैं तिस सर्व-स्थिति की उद्वेलना करै, सोई कहिए है—

इस स्थिति का अग्रतन-भाग विषैं पल्य के अर्धच्छेदनि के असंख्यातवैं-भागप्रमाण कांडक

१२२ ]

[ गोम्पटसार कर्मकाण्ड उत्तरार्द्ध गाथा- ६१८, ६१९, ३३३ ]

अधोगलन रूप अंतर्मुहूर्त करि अधिक, सो याकों तौ प्रमाण-राशि करिए । बहुरि तिस-कांडक का पडना-उद्वेलनारूप होना, ताका काल-अंतर्मुहूर्त है, याकों फलराशि करिए । बहुरि सर्वस्थिति संख्यात-सागर प्रमाण, याकों इच्छाराशि करिए । फल कौं इच्छा करि गुणै प्रमाण का भाग दीएं पत्य का असंख्यातवांभाग ही लब्धि-राशि का प्रमाण हो है । इहां अंतर्मुहूर्त विषै जितनी स्थिति के निषेक उद्वेलनारूप कीए, ताका ही नाम कांडक जानना ॥ ६१७ ॥

आगैं सम्यक्त्वादिक की विराधना केती बार होइ ? सो कहैं हैं—

**सम्मत्तं देसजमं, अणसंजोजणविहिं च उक्कस्सं ।**

**पल्लासंखेज्जदिमं, वारं पडिवज्जदे जीवो ॥ ६१८ ॥**

सम्यक्त्वं देशसंयत, मनसंयोजनविधि चोत्कृष्टं ।

पल्यासंख्येयं वारं, प्रतिपद्यते जीवः ॥ ६१८ ॥

टीका — प्रथमोपशम-सम्यक्त्व अर वेदक-सम्यक्त्व अर देशसंयम अर अनंतानुबंधी का विसंयोजन का विधान इन च्यारि कौं उत्कृष्टपनै जीव पत्य का असंख्यातवांभाग का जितने समय होंहि, तितनी बार छोडि ग्रहण करै है, पीछै नियम करि सिद्धि पद ही कौं पावै है ॥ ६१८ ॥

**चत्तारि वारमुवसम, सेढिं समरुहदि खविदकम्मंसो ।**

**वत्तीसं वाराइं, संजममुवलहिय णिव्वादि ॥ ६१९ ॥**

चतुरोवारानुपशम, श्रेणिं समारोहति क्षपतिकर्माशः ।

द्वात्रिंशद्धारान्, संयम, मुपलभ्य निर्वाति ॥ ६१९ ॥

टीका — उत्कृष्टपनै उपशम-श्रेणी कौं च्यारि-बार ही चढै, पीछै क्षय किए हैं, कर्म का अंश जाने— ऐसा होइ क्षपक-श्रेणी ही चढै । बहुरि सकल-संयम कौं उत्कृष्टपनै वत्तीसवार ही धारै, पीछै निर्वाण ही कौं पावै ॥ ६१९ ॥

**तित्थाहाराणुभयं, सव्वं तित्थं ण मिच्छगादितिये ।**

**तस्सत्तकम्मियाणं, तग्गुणठाणं ण संभवई ॥ १ ॥ ३३३ कर्मकाण्ड ।**

तीर्थाहारोभयं, सर्वं तीर्थं न मिथ्यकादित्रये ।

तत्सत्त्वकर्मकाणां, तद्गुणस्थानं न संभवति ॥ १ ॥

टीका — मिथ्यादृष्टि विषै एक-जीव अपेक्षा तीर्थकर, आहारकद्विक इनि दोऊनि करि सहित स्थान न पाइए हैं । कै तो तीर्थकर ही का सत्त्व होइ, कै आहारक-द्विक ही का सत्त्व होइ, अर नाना-जीव अपेक्षा दोऊनि का सत्त्व मिथ्यादृष्टि विषै है । बहुरि सासादन विषै नानाजीव अपेक्षा भी आहारक, तीर्थकर सहित सत्त्वस्थान नाही है । बहुरि मिश्र विषै तीर्थकर सहित सत्त्वस्थान

नाही है, आहारक-सहित है ; जातैं तिनकर्मनि की सत्तासहित जीवनि कै सो गुणस्थान न संभवै है । सोई कहिए है—

तीर्थकर, आहारक दोऊ का सत्त्व होतैं मिथ्यात्व का उदय होइ नाहीं । तीर्थकर वा आहारक विषैं एक का भी सत्त्व होतैं मिथ्यात्व-रहित अनंतानुबंधी का उदय होइ नाहीं । तीर्थकर का सत्त्व होतैं मिश्रमोहनी का उदय होइ नाहीं, आहारकद्विक का सत्त्व होतैं मिश्र-मोहनी का उदय होइ ॥ ६१९ ॥

आगैं च्यारि-गति की विवक्षा करि गुणस्थान विषैं नामकर्म के सत्त्वस्थान लगावै हैं—

**सुरणरसम्मे पढमो, सासणहीणेसु होदि बाणउदी ।**

**सुरसम्मे णरणारय, सम्मे मिच्छे य इगिणउदी ॥ ६२० ॥**

सुरनरसम्ये प्रथमं, सासनहीनेषु भवति द्वानवतिः ।

सुरसम्ये नरनारक, सम्ये मिश्ये चैकनवतिः ॥ ६२० ॥

टीका — तरेणवै का सत्त्वस्थान देव-असंयत-सम्यग्दृष्टी विषैं वा मनुष्य-असंयतादिक, सम्यग्दृष्टी विषैं संभवै है । बहुरि बाणवै का स्थान सासादन रहित च्यांर्यो गति के जीवनि विषैं संभवै है । बहुरि इक्याणवै का स्थान देव-सम्यग्दृष्टी विषैं अर मनुष्य, नारकी-सम्यग्दृष्टी वा मिथ्यादृष्टी विषैं संभवै ॥ ६२० ॥

**णउदी चदुग्गदिम्मि य, तेरसखवगोत्ति तिरियणरमिच्छे ।**

**अडचउसीदी सत्ता, तिरिक्खमिच्छम्मि वासीदी ॥ ६२१ ॥**

नवतिः चतुर्गतौ च, त्रयोदशक्षपक इति तिर्यग्नरमिश्ये ।

अष्टचतुरशीतिः सत्ता, तिर्यग्मिश्ये द्वयशीतिः ॥ ६२१ ॥

टीका — बहुरि निवै का स्थान अनिवृत्तिकरण विषैं तेरह-प्रकृति क्षय हो हैं, तिसतैं नीचैं सर्वत्र च्यार्योगति के जीवनि विषैं संभवै है । बहुरि अट्टासी, चौरासी के दोऊ-स्थान तिर्यच वा मनुष्य मिथ्यादृष्टि विषैं ही संभवै है, जातैं 'सपदे उप्पण्णठाणेवि' इस गाथा तैं एकेंद्रीयादिक विषैं, जहां देवद्विकादिक की उद्वेलना होइ, तहां भी ऐसी सत्ता पाइए । बहुरि सो जीव मरि तिर्यच विषैं वा मनुष्य विषैं जहां उपजैं, तहां भी ऐसी सत्ता पाइए । बहुरि वियासी का स्थान मिथ्यादृष्टी-तिर्यच विषैं ही संभवै है, जातैं मनुष्यद्विक की उद्वेलना तेज, बातकायिक कै होइ, तहां ऐसी सत्ता होइ, बहुरि वह मरि करि भी तिर्यच ही विषैं उपजैं, अन्यत्र नाही तहां ऐसी सत्ता होइ ॥ ६२१ ॥

३३३वीं गाथा में प्रथम पाद में 'णुभयं' के स्थान पर 'जुगवं' है ।

सीदादिचउट्टाणा, तेरसखवगादु अणुवसमगेसु ।

गयजोगस्स दुचरिमं, जाव य चरिमहि दसणवयं ॥ ६२२ ॥

अशीत्यादिकचतुः स्थानानि, त्रयोदशक्षपकादनुपशामकेषु ।

गतायोगस्य द्विचरमं, यावच्च चरमे दशनवकं ॥ ६२२ ॥

टीका - असीकानें आदि देकरि च्यारि-स्थान तेरह-प्रकृति क्षयसहित अनिवृत्तिकरण तैं लगाय अयोगी का द्विचरमसमयपर्यंत जानने दश का नव का सत्त्व अयोगी का अंतसमय विषैं बहुरि संभवै है ॥ ६२२ ॥

आगैं इकतालीस जीव-पदनि विषैं कहै हैं—

णिरये वा इगिणउदी, उणदी भूआदिसव्वतिरियेसु ।

बाणउदी णउदी अडचउ, बासीदी य होंति सत्ताणि ॥ ६२३ ॥

निरये द्वयेकनवतिर्न, वतिर्भादिसर्वतिर्यक्षु ।

द्वानवतिर्नवतिरष्टच, तुद्वयशीतिश्च भवन्ति सत्त्वानि ॥ ६२३ ॥

टीका - नाम-कर्म के सत्त्वस्थान नारकीनि विषैं बाणवै, इक्याणवै, निवै के— ए तीनू हैं । पृथ्वीकायिकादिक सर्व तिर्यचनि विषैं बाणवै, निवै, अद्यासी, चौरासी, वियासी के पांच-पांच स्थान हैं ॥ ६२३ ॥

बासीदिं वज्जिता, बारसठाणाणि होंति मणुवेसु ।

सीदादिचउट्टाणा, छट्टाणा केवलिदुगेसु ॥ ६२४ ॥

द्वयशीतिं वर्जयित्वा, द्वादशस्थानानि भवन्ति मानवेषु ।

अशीत्यादिचतुःस्थानानि, षट्स्थानानि केवलिद्विकयोः ॥ ६२४ ॥

टीका - मनुष्य विषैं वियासी का बिना अवशेष बारह-सत्त्वस्थान हैं । सयोग-केवली विषैं अस्सी का आदि च्यारि-स्थान हैं । अयोगी विषैं असी का आदि छह-स्थान हैं ॥ ६२४ ॥

समविसमट्टाणाणि य, कमेण तित्थिदरकेवलीसु हवे ।

तिदुणवदी आहारे, देवे आदिमचउक्कं तु ॥ ६२५ ॥

समविषमस्थानानि च, क्रमेण तीर्थतरकेवलिनोर्भवेयुः ।

त्रिद्विनवतिराहारे, देवे आदिमचतुष्कं तु ॥ ६२५ ॥

टीका - केवली विषैं स्थान कहे सयोगी विषैं च्यारि, अयोगी विषैं छह तिनविषैं तीर्थकर सहित विषैं समरूप, तीर्थकर-रहित विषैं विषमरूप प्रकृति जाननी । सयोगी विषैं असी, अठहत्तरि

के, अयोगी विषै ते दोय अर दश का— अैसेँ ए स्थान सम गिणती कौँ धरैँ तीर्थकर के सत्त्वसहित हैं । बहुरि सयोगी विषैँ गुण्यासी, सतहतरि के, अयोगी विषैँ ते दोय अर नव का— ए स्थान गिणती कौँ धरैँ सामान्य-केवली के सत्त्वरूप हैं । बहुरि आहारक विषैँ तरेणवै, बाणवै के दोय सत्त्वस्थान हैं । बहुरि वैमानिक-देवनि विषैँ आदि के च्यारि-स्थान हैं ॥ ६२५ ॥

**बाणउदिणउदिसत्ता, भवणतियाणं च भोगभूमीणं ।**

**हेट्टिमपुढविचउक्क भ, वाणं च य सासणे णउदी ॥ ६२६ ॥**

द्वानवतिनवतिसत्ता, भवनत्रिकाणां च भोगभूमीनां ।

अधस्तनपृथिवीचतुष्कभ, वानां च च सासने नवतिः ॥ ६२६ ॥

टीका - भवनत्रिक-देवनि कैँ सर्व भोगभूमिया मनुष्य-तिर्यचनि कैँ अंजनादिक च्यारि नीचली पृथ्वी के नारकीनि कैँ बाणवै, निवै के दोय ही सत्त्वस्थान हैं । बहुरि सर्व ही सासादनवतीँ जीवनि कैँ निवै का ही एक स्थान है ॥ ६२६ ॥

**मूलुत्तरपयडीणं, बंधोदयसत्तठाणभंगा हु ।**

**भणिदा हु तिसंजोगे, एत्तो भंगे परूवेमो ॥ ६२७ ॥**

मूलोत्तरप्रकृतीनां, बंधोदयसत्त्वस्थानभंगा हि ।

भणिता हि तिसंयोगे, इतो भंगान् प्ररूपयामः ॥ ६२७ ॥

टीका - मूल-प्रकृति वा उत्तर प्रकृति तिनके बंध, उदय, सत्त्वरूप स्थान वा भंग कहे । इहां तैँ आगैँ बंध, उदय, सत्ता इनिका तिसंयोग विषैँ स्थान वा भंगनि कौँ हम प्ररूपण करैँ हैं ॥ ६२७ ॥

सोई कहिए हैं—

**अट्टविहसत्तछब्बं, धगेसु अट्टेव उदयकम्मंसा ।**

**एयविहे तिवियप्पो, एयवियप्पो अबंधम्मि ॥ ६२८ ॥**

अष्टविधसप्तषट्बं, धकेषु अष्टैव उदयकर्माशाः ।

एकविधं त्रिविकल्प, एकविकल्पोबंधे ॥ ६२८ ॥

टीका - मूल प्रकृति ज्ञानावरणादि भेद तैँ आठ प्रकार हैं तहां जिस जीव के आठप्रकार वा सात प्रकार वा छह प्रकार मूल-प्रकृतिनि का बंध होइ, ताकैँ उदय अर सत्त्व आठ-आठ प्रकार ही का जानना । बहुरि जाकैँ एकप्रकार मूल-प्रकृति का बंध है, ताकैँ उदय सात प्रकार, सत्त्व आठप्रकार अथवा उदय अर सत्त्व दोन्युँ सात-सात प्रकार वा उदय अर सत्त्व दोन्युँ

च्यारि-च्यारि प्रकार पाइए है । बहुरि जाकैं एक भी मूल-प्रकृति का बंध नाहीं, ताकैं उदय वा सत्त्व दोन्युं च्यारि-च्यारि का ही है ॥ ६२८ ॥

ब	८	७	६	१	१	१	०
उ	८	८	८	७	७	४	४
स	८	८	८	८	७	४	४

आगैं इनिकौं गुणस्थाननि विषैं जोडे हैं—

मिस्से अपुव्वजुगले, विदियं अपमत्तओत्ति पढमदुगं ।

सुहुमादिसु तदियादी, बंधोदयसत्तभंगेसु ॥ ६२९ ॥

मिश्रेऽपूर्वयुगले, द्वितीयमप्रमत्त इति प्रथमद्विकं ।

सूक्ष्मादिषु तृतीयादि, बंधोदयसत्त्वभंगेषु ॥ ६२९ ॥

टीका - तिन बंध, उदय, सत्त्व के भंगनि विषैं गुणस्थानकनि प्रति मिश्र विषैं अर अपूर्वकरण, अनिवृत्तिकरण विषैं सात मूल-प्रकृतिनि का बंध अर आठ का उदय, आठ का सत्त्व ऐसा दूसरा ही भंग पाइए है । बहुरि मिश्र विना अवशेष मिथ्यादृष्ट्यादि अप्रमत्त पर्यंत छह विषैं आठ-आठ ही का बंध, उदय, सत्त्वरूप प्रथम-भंग अर सात का बंध आठ-आठ का उदय वा सत्त्व असा दूसरा-भंग पाइए है । बहुरि सूक्ष्म-सांपराय, अयोगी पर्यंतनि विषैं क्रम तैं तीसरा-भंग नें आदि दैकरि छह का बंध आठ-आठ का उदय, सत्त्व, अर एक का बंध, सात का उदय, आठ का सत्त्व अर एक का बंध, सात-सात का उदय-सत्त्व, अर एक का बंध च्यारि-च्यारि का उदय-सत्त्व, अर बंध का अभाव च्यारि-च्यारि का उदय-सत्त्व—असैं यथासंभव भंग पाइए हैं ॥ ६२९ ॥

मि	सासा	मि	असं	देश	प्रमत्त	अप्रमत्त	अपू	अनि	सू	उप	क्षीण	सयो.	अयो.
बं८।७	बं८।७	बं७	बं८।७	बं८।७	बं८।७	बं८।७	बं७	बं७	बं६	बं१	बं१	बं१	बं०
उ८।८	उ८।८	उ८	उ८।८	उ८।८	उ८।८	उ८।८	उ८	उ८	उ८	उ७	उ७	उ४	उ४
स८।८	स८।८	स८	स८।८	स८।८	स८।८	स८।८	स८	स८	स८	स८	स७	स४	स४

आगैं उत्तर-प्रकृतिनि विषैं कहैं हैं—

बंधोदयकम्मंसा, णाणावरणांतरायिए पंच ।

बंधोपरेमेवि तहा, उदयंसा होंति पंचेव ॥ ६३० ॥

बंधोदयकर्मांशा, ज्ञानावरणांतराययोः पंच ।

बंधोपरमेऽपि तथा, उदयांशा भवन्ति पंचैव ॥ ६३० ॥

टीका - ज्ञानावरण अर अंतराय इनकी पांच-पांच प्रकृति सूक्ष्म-सांपराय पर्यंत बंध, उदय, सत्त्वरूप हैं । बंध का अभाव भएँ उपशांत-मोह, क्षीण-मोह विषैँ उदय अर सत्त्वरूप ही पांच-पांच प्रकृति हैं । इहां अंश नाम सत्त्व का जानना ॥ ६३० ॥

बिदियावरणे णवबंधगेषु चदुपंचउदय णवसत्ता ।

छब्बंधगेषु एवं, तह चदुबंधे छडंसा य ॥ ६३१ ॥

उवरदबंधे चदुपंचउदय णव छच्च सत्त चदु जुगलं ।

तदियं गोदं आउं, विभज्ज मोहं परं वोच्छं ॥ ६३२ ॥ जुम्मं ।

द्वितीयावरणे नवबंधकेषु चतुःपंचोदयः नवसत्ता ।

षडबंधकेषु एवं, तथा चतुर्बंधे षडंशाश्च ॥ ६३१ ॥

उपरतबंधे चतुःपंचोदयो नव षट् च सत्त्व चतुष्कं युगलं ।

तृतीयं गोत्रमायुर्विभज्य मोहं परं वक्ष्ये ॥ ६३२ ॥ युग्मं ।

ज्ञानावरणांतरायगुणस्थानेषु तत्संख्यागरचना—

मि	सा	मि	अ	दे	प्र	अ	अ	अ	सू	उ	क्षी
५	५	५	५	५	५	५	५	५	५	०	०
५	५	५	५	५	५	५	५	५	५	५	५
५	५	५	५	५	५	५	५	५	५	५	५

टीका - दूसरा दर्शनावरण विषैँ नव का जिनकैँ बंध— औसैँ मिथ्यादृष्टि-सासादन, तिनकैँ उदय पांच का वा च्यारि का अर सत्त्व नव ही का जाननां । बहुरि छह का जिनके बंध पाइए— औसैँ मिश्रादिक दोऊ श्रेणीरूप अपूर्वकरण का प्रथम-भागपर्यंत, तिनकैँ भी औसैँ ही उदय-च्यारि का वा पांच का सत्त्व नव का है । बहुरि च्यारि का जिनकैँ बंध— औसैँ अपूर्वकरण के दूसरे-भाग तैँ लगाय उपशमक-सूक्ष्म-सांपराय पर्यंत वा सोलह-प्रकृति का क्षय करनेवाला क्षपक-अनिवृत्ति-करण पर्यंत विषैँ, उदय तैँसैँ ही च्यारि वा पांच का है । सत्त्व नव का है अर सोलह-प्रकृति क्षपक तैँ ऊपरि सूक्ष्म-सांपराय पर्यंत उदय तौ तैँसैँ ही अर सत्त्व-छह का है । बहुरि जिनके बंध का अभाव भया, तिनकैँ उदय तैँसैँ ही च्यारि वा पांच का है । सत्त्व

उपशांत-कषाय विषै नव का, क्षीणकषाय विषै द्विचरम-समय पर्यंत छह का है। बहुरि क्षीणकषाय का अंतसमय विषै उदय वा सत्त्व दोन्यूं ही च्यारि-च्यारि का है। बहुरि वेदनीय, गोत्र, आयु के त्रिसंयोग-भंगनि का विभाग करि गुणस्थाननि विषै लगाइ आगै मोहनीय के कहोंगा ॥६३१-६३२ ॥

मि	सा	मि	असं	देश	प्र	अप्र	अपू	उक्ष	अनि	उक्ष	सू	उक्ष	उ	क्षी
बं९	९	६	६	६	६	६	६।४	६।५	४	४	४	४	०	०।०
उ।४५	४।५	४।५	४।५	४।५	४।५	४।५	४।५	४।५	४।५	४।५	४।५	४।५	४।५	४।५।४
स९	९	९	९	९	९	९	९	९	९	९।६	९	६	९	६।४

सादासादेक्कदरं, बंधुदया होंति संभवदुणे ।

दोसत्तं जोगिति य, चरिमे उदयागदं सत्तं ॥ ६३३ ॥

छट्टोत्ति चारि भंगा, दो भंगा होंति जाव जोगिजिणे ।

चउभंगाऽजोगिजिणे, ठाणं पडि वेयणीयस्स ॥ ६३४ ॥ जुम्मं ।

सातासातैकतरं, बंधोदयौ भवतः संभवस्थाने ।

द्विसत्त्वं योगीति च, चरमे उदयागतं सत्त्वं ॥ ६३३ ॥

षष्ठ इति चत्वारो भंगा, द्वौ भंगौ भवतो यावद्योगिजिनं ।

चतुर्भंगा अयोगिजिने, स्थानं प्रति वेदनीयस्य ॥ ६३४ ॥ युग्मं ।

टीका - साता वा असाता विषै एक ही का बंध वा उदय, योग्य-स्थान विषै हो है। बहुरि सत्त्व है सो सयोगी पर्यंत दोय-दोय ही का है। अयोगी विषै उदय जाका होइ, तिसही का सत्त्व है; तातैं वेदनीय के गुणस्थान प्रतिभंग-छठा प्रमत्तपर्यंत तौ साता का बंध वा उदय, सत्त्व दोऊनि का अथवा साता का बंध असाता का उदय, सत्त्व दोऊनि का अथवा असाता का बंध, साता का उदय, सत्त्व दोऊनि का अथवा असाता ही का बंध वा उदय अर सत्त्व दोऊनि का— अैसें च्यारि-भंग हैं। बहुरि ऊपरि सयोगी पर्यंत केवल साता ही का बंध है; तातैं साता ही का बंध वा उदय अर सत्त्व-दोऊनि का अथवा साता का बंध, असाता का उदय, सत्त्व दोऊनि का— अैसें दोय ही भंग हैं। बहुरि अयोगी विषै बंध का तौ अभाव है; तातैं साता का उदय, सत्त्व दोऊनि का अथवा असाता का उदय, सत्त्व दोऊनि का अथवा साता ही का उदय, साता ही का सत्त्व अथवा असाता ही का उदय असाता ही का सत्त्व— अैसें च्यारि-भंग हैं ॥ ६३३-६३४ ॥

आगै गोत्र के कहैं हैं—



णीचुच्चाणेकदरं, बंधुदया होंति संभवद्वाणे ।

दोसत्ताजोगिति य, चरिमे उच्चं हवे सत्तं ॥ ६३५ ॥

नीचोच्चयोरेकतरं, बंधोदयौ भवतः संभवस्थाने ।

द्विसत्त्वमयोगीति च, चरमे उच्चं भवेत्सत्त्वं ॥ ६३५ ॥

टीका - गोत्रिद्विक का बंधरूप यथासंभव स्थान विषै उच्च वा नीच विषै एक ही का बंध वा उदय हो है । बहुरि सत्त्व अयोगी का द्विचरम समय पर्यंत दोऊनि का है । ऊपरि एक उच्च ही का है ॥ ६३५ ॥

बं	नी	ना	उ	उ	नी	०	०
उ	नी	उ	उ	नी	नी	उ	उ
स	उ	२	२	२	नी	उ	उ

उच्चुव्वेल्लिदतेऊ, वाउम्मि य णीचमेव सत्तं तु ।

सेसिगिवियले सयले, णीचं च दुगं च सत्तं तु ॥ ६३६ ॥

उच्चोद्वेल्लिततेजसि, वायौ च नीचमेव सत्त्वं तु ।

शेषैकविकले सकले, नीचं च द्विकं च सत्त्वं तु ॥ ६३६ ॥

टीका - उच्चगोत्र की उद्वेलना जिनकै भई— ऐसै तेजकायिक-बातकायिक, तिनकै नीचगोत्र ही का सत्त्व है । बहुरि अवशेष एकेंद्री, विकलेंद्री, सकलेंद्री कै सत्त्व नीच ही का वा दोऊनि का है ॥ ६३६ ॥

सोई कहिए है—

उच्चुव्वेल्लिदतेऊ, वाऊ सेसे य वियलसयलेसु ।

उप्पण्णपढमकाले, णीचं एयं हवे सत्तं ॥ ६३७ ॥

उच्चोद्वेल्लिततेजसि, वायौ शेषे च विकलसकलेषु ।

उत्पन्नप्रथमकाले, नीचमेकं भवेत्सत्त्वं ॥ ६३७ ॥

टीका - उच्चगोत्र की उद्वेलना संयुक्त तेजकायिक, बातकायिक विषै एक नीच गोत्र ही का सत्त्व है । बहुरि तेज, बातकायिक मरि जहां उपजै ऐसै एकेंद्री, विकलेंद्री, सकलेंद्री-तिर्यच, तिनविषै उपजने तै अंतर्मुहूर्त पर्यंत पहिले-काल विषै एक नीच ही का सत्त्व है । पीछै उच्च काँ बांधै, तब तिनके दोऊनि का सत्त्व हो है ॥ ६३७ ॥

**मिच्छादिगोदभंगा, पण चदु तिसु दोणिण अट्टाणेसु ।**

**एक्केक्का जोगिजिणे, दो भंगा होंति णियमेण ॥ ६३८ ॥**

मिथ्यादौ गोत्रभंगाः, पंच चत्वारः त्रिषु द्वौ अष्टस्थानेषु ।

एकैकोऽयोगिजिने, द्वौ भंगो भवन्ति नियमेन ॥ ६३८ ॥

**टीका** - नियम करि गोत्र के भंग गुणस्थाननि विषै कहिए हैं— मिथ्यादृष्टि विषै नीच का बंध अरं उदय, सत्त्व दोऊनि का अथवा नीच का बंध, उच्च का उदय, सत्त्व-दोऊनि का अथवा उच्च का बंध अर, उदय, सत्त्व-दोऊनि का अथवा उच्च का बंध, नीच का उदय, सत्त्व दोऊनि का अथवा नीच ही का बंध, उदय, सत्त्व— औसै पंच-भंग हैं । बहुरि सासादन विषै अंत का नीच ही का बंध, उदय, सत्त्वरूप भंग नाही, अवशेष च्यारि हैं ; जातैं तेजोद्विक विषै सासादन नाही है । बहुरि मिश्रादिक तीन विषै उच्च का बंध अर उदय, सत्त्व दोऊनि का अथवा उच्च का बंध, नीच का उदय, सत्त्व दोऊनि का— औसै दोय-दोय भंग हैं ।

बहुरि प्रमत्तादि सूक्ष्मसांपराय पर्यंत विषै उच्च ही का बंध उच्च ही का उदय, सत्त्व दोऊनि का एक-एक ही भंग है । ऊपरि सयोगी पर्यंत बंध का अभाव, उच्च का उदय, सत्त्व-दोऊनि का— औसा ही एक-भंग है । अयोगि विषै उच्च का उदय, सत्त्व दोऊनि का वा उच्च ही का उदय अर सत्त्व— औसै दोय-भंग हैं ॥ ६३८ ॥

आगैं आयु के बंध-तेरह गाथा सूत्रनि करि कहै हैं—

**सुरणिरया णरतिरियं, छम्मासवसिडुगे सगाउस्स ।**

**णरतिरिया सव्वाउं, तिभागसेसम्मि उक्कस्सं ॥ ६३९ ॥**

**भोगभूमा देवाउं, छम्मासवसिडुगे य बंधंति ।**

**इगिविगला णरतिरियं, तेउदुगा सत्तगा तिरियं ॥ ६४० ॥ जुम्मं ।**

सुरनिरया नरतिर्यंच, षण्मासावशिष्टके स्वकायुषः ।

नरतिर्यंचः सर्वायुषि, त्रिभागशेषे उत्कृष्टं ॥ ६३९ ॥

भोगभूमा देवायुः, षण्मासावशिष्ट के च बंधंति ।

एकविकला नरतिर्यंचं, तेजोद्विकौ सप्तकाः तिर्यंचं ॥ ६४० ॥ युग्मं ।

**टीका** - जिस उदयागत-आयु कौ भोगवै है, तिस भुज्यमान-आयु के उत्कृष्ट छहमास अवशेष रहैं देवनारकी हैं, ते मनुष्यायु वा तिर्यंचायु कौ बांधै हैं । तिस काल विषै बंधयोग्य हो हैं । बहुरि मनुष्य, तिर्यंच भुज्यमान-आयु का तीसरा-भाग अवशेष रहैं, च्यार्यौ आयु कौ बांधै हैं । बहुरि भोगभूमियां छह-मास अवशेष रहैं देवायु ही कौ बांधै । बहुरि एकेंद्री वा विकलेंद्री है, सो मनुष्यायु वा तिर्यंचायु ही कौ बांधै । बहुरि तेजकायिक वा बातकायिक वा सप्तम-पृथ्वी के नारकी तिर्यंचायु ही कौ बांधै ॥ ६३९-६४० ॥

औसैं आयु का बंधविधान कहि उदय, सत्त्व का विधान कहैं हैं—

सगसगदीणमाउं, उदेदि बंधे उदिण्णगेण समं ।

दो सत्ता हु अबंधे, एक्कं उदयागदं सत्तं ॥ ६४१ ॥

स्वकस्वकगतीनामायुरुदेति बंधे उदीर्णकेन समं ।

द्वे सत्त्वे हि अबंधे, एकमुदयागतं सत्त्वं ॥ ६४१ ॥

टीका - नरकादिकनि कैं अपनी-अपनी गति संबंधी ही एक आयु उदय हो है । बहुरि सत्त्व परभव की आयु का बंध भए उदयागत-आयु सहित दोय आयु का है । एक बध्यमान, एक भुज्यमान । बहुरि अबद्धायु कैं एक उदय आया, भुज्यमान-आयु ही का सत्त्व है ॥ ६४१ ॥

एक्के एक्कं आऊ, एक्कभवे बंधमेदि जोग्गपदे ।

अडवारं वा तत्थवि, तिभागसेसे व सव्वत्थ ॥ ६४२ ॥

एकस्मिन्नेकमायु, रेकभवे बंधमेति योग्गपदे ।

अष्टवारं वा तत्रापि, त्रिभागशेषे एवं सर्वत्र ॥ ६४२ ॥

टीका - एक जीव एक-भव विषैं एक ही आयु कौं बांधै, सोभी योग्गकाल विषैं आठ बार ही बांधै, तहां सर्वत्र तीसरा-तीसरा भाग अवशेष रहैं बांधै है ॥ ६४२ ॥

इगिवारं वज्जित्ता, वड्ढी हाणी अवड्ढिदी होदी ।

ओवट्टणघादो पुण, परिणामवसेण जीवाणं ॥ ६४३ ॥

एकवारं वर्जयित्वा, वृद्धिर्हानिरवस्थितिर्भवति ।

अपवर्तनघातः पुनः, परिणामवशेन जीवानां ॥ ६४३ ॥

टीका - आठ अपकर्षनि विषैं पहिलीवार बिना, द्वितीयादिक बार विषैं पूर्वे जो आयु बांध्या था, तिसकी स्थिति की वृद्धि वा हानि वा अवस्थिति हो है ।

भावार्थ - पहलैं आयु की स्थिति जो बांधी थी, पीछैं दूसरीवार वा तीसरीवार इत्यादिक बांधै, तब पहिली स्थितिस्थ्यों अधिक वा हीन वा जेती की तेती स्थिति बांधैं । तहां जो वृद्धि होइ, तौ पीछैं जो अधिक स्थिति बंधी तिसही की प्रधानता जाननी । बहुरि जो हानि होइ तौ पहिली अधिक स्थिति बंधी थी, ताकी प्रधानता जाननी । बहुरि आयु के बंध को करते जीव, तिनके परिणामनि के वश तैं अपवर्तन भी हो है ।

अपवर्तन नाम घटने का है, सो याकौं अपवर्तनघात कहिए, जातैं उदय आया आयु के अपवर्तन का नाम कदलीघात है । बहुरि तीसराभाग-तीसराभाग अवशेष रहैं, आयु बंधै ही बंधै,

१३२ ]

[गोम्मटसार कर्मकाण्ड उत्तरार्द्ध गाथा- ६४४, ६४५

औसा एकांत नियम नाही । तिस काल विषै आयु के बंध होने की योग्यता हो है, तहां आयु बंधै वा न बंधै, अर अन्यकाल विषै आयु का बंध होइ ही नाही, यहु नियम है । अपकर्षनि का वर्णन पूर्वै करि आए हैं ; तातैं इहां नाही कीया है ॥ ६४३ ॥

**एवमबंधे बंधे, उवरदबंधेवि होंति भंगा हु ।**

**एक्कस्सेक्कम्मि भवे, एक्काउं पडि तये णियमा ॥ ६४४ ॥**

एवमबंधे बंधे, उपरतबंधेऽपि भवन्ति भंगा हि ।

एकस्यैकस्मिन् भवे, एकायुः प्रति त्रयो नियमात् ॥ ६४४ ॥

**टीका** — औसै पूर्वोक्त रीति करि बंध वा अबंध वा उपरत-बंधकरि एक जीव कै एक पर्याय विषै एक-आयु प्रति तीन-भंग नियम तैं हो हैं । तहां वर्तमान-काल विषै जहां परभव संबंधी आगामी-आयु का बंध होइ, तहां बंध-आगामी-आयु एक, उदय भुज्यमान-आयु एक, सत्त्व-भुज्यमान-बध्यमान आयु दोय पाइए, तहां बंध कहिए । बहुरि जे आगामी-आयु का अतीतकाल विषै बंध न भया, वर्तमान-काल विषै भी न हो है, तहां बंध का अभाव अर उदय, सत्त्व एक भुज्यमान-आयु पाइए तहां अबंध कहिए । बहुरि जहां आगामी-आयु का पूर्वै बंध भया होइ अर वर्तमान-काल विषै बंध न होता होइ, तहां बंध का अभाव अर उदय भुज्यमान-आयु एक का अर सत्त्व पूर्वबद्ध वा भुज्यमान-आयु दोय का होइ, तहां उपरत-बंध कहिए— औसै एक-एक आयु प्रति तीन-तीन भंग जानने ॥ ६४४ ॥

**एक्काउस्स तिभंगा, संभवआऊहिं ताडिदे णाणा ।**

**जीवे इगिभवभंगा, रूऊणगुणूणमसरित्थे ॥ ६४५ ॥**

एकायुषस्त्रिभंगाः, संभवायुर्भिस्ताडिते नाना ।

जीवेषु एकभवभंगा, रूपोणगुणोणमसदृशे ॥ ६४५ ॥

**टीका** — ते एक-एक आयु के तीन-तीन भंग, तिनकी विवक्षित-गति विषै जेता आगामी-आयु का बंध संभवै, तीहिं संख्याकरि गुणै जो-जो प्रमाण होइ, तितने नाना-जीव अपेक्षा एक-एक भवसंबंधी भंग हो हैं । सो नरक, देव-गति विषै तो तिर्यच-मनुष्य दोय आयु ही का बंध संभवै है । सो दोयकरि उन तीन-भंगनि कौ गुणै छह-छह भंग हो हैं । बहुरि मनुष्य, तिर्यच-गति विषै च्यार्यो आयु का बंध संभवै है ; तातैं च्यारि करि उन तीनों-भंगनि कौ गुणै बारह-बारह भंग हो हैं ।

बहुरि असदृश कहिए अपुनरुक्त-भंग की विवक्षा लीजिये, तब बध्यमान-आयु की संख्यारूप जो गुणकार कह्या था, तिसमें एक घटाएं जो प्रमाण रहै, तितना पूर्वोक्त-भंगनि मैस्यो घटाएं अपुनरुक्त-भंग हो हैं, सो देव, नरकगति विषै बध्यमान-आयु दोय का गुणकार था, तामैं एक

घटाएं एक रह्या, सो एक-एक पूर्वोक्त छह-छह भंगनि मैस्यों घटाएं पांच-पांच अपुनरुक्त-भंग हो हैं । ते कहिए है—

नरक-गति विषैं बंध एक मनुष्यायु, उदय एक नरकायु, सत्ता दोय-मनुष्य-आयु नरकायु अथवा बंध एक तिर्यचायु, उदय एक नरकायु, सत्ता दोय-तिर्यच आयु, नरक आयु । असैं बंध अपेक्षा तौ दोय भंग हैं । असैं ही देवगति विषैं नरकायु की जायगा देवायु कहना । बहुरि अबंध की अपेक्षा मनुष्य, तिर्यचायु का बंध नाही— असैं दोय-भंग हैं, परि दोऊ समान हैं । जातैं दोऊनि विषैं बंध का अभाव, उदय स्वकीय-भुज्यमान-आयु, सत्ता एक स्वकीय-भुज्यमान-आयु ; तातैं इनि दोऊनि विषैं एक ही भंग ग्रह्या । बहुरि उपरत-बंध की अपेक्षा मनुष्य, तिर्यच-आयु का बंध पूर्वे भया, ताकी अपेक्षा दोय-दोय भंग हैं । दोऊनि विषैं बंध का अभाव, उदय एक स्वकीय भुज्यमान-आयु, सत्ता— एक भंग विषैं स्वकीय भुज्यमान-आयु अर मनुष्यायु, दूसरा-भंग विषैं स्वकीय-भुज्यमान-आयु अर तिर्यचायु— असैं दोय-भंग भए ।

असैं देव वा नारक विषैं पांच-पांच अपुनरुक्त-भंग जानने ।

याही प्रकार मनुष्य, तिर्यच-गति विषैं बध्यमान-आयु का प्रमाणरूप च्यारि का गुणकार था, तिनमें एक घटाएं तीन रहै सो पूर्वोक्त बारह-बारह भंगनि मै तीन-तीन घटाएं नव-नव अपुनरुक्त-भंग हो हैं, तहां आयुबंध की अपेक्षा नरक-तिर्यच, मनुष्य, देव के बंधकरि च्यारि-भंग हैं तिनविषैं बंधतौ क्रम तैं नरक, तिर्यच, मनुष्य, देवायु का जानना । उदय तिर्यच-गति विषैं तिर्यचायु का, मनुष्यगति विषैं मनुष्यायु का जानना । सत्ता— एक भुज्यमान-आयु, एक बध्यमान-आयु— असैं दोय-दोय की जाननी तिनविषैं भी जो आयु भुज्यमान होइ सोई बध्यमान होइ, तहां एक आयु ही की सत्ता जाननी— असैं च्यारि-भंग हैं ।

बहुरि आयु का अबंध विषैं च्यारि-गति का बंध नाही, इस अपेक्षा च्यारि-भंग होइ ; परंतु ये च्यारूं समान हैं ; जातैं सवनि विषैं बंध का अभाव उदय वा सत्ता भुज्यमान स्वकीय-आयु एक ; तातैं च्यार्यो विषैं एक ही ग्रह्या । बहुरि उपरत बंध की अपेक्षा भी च्यारि आयुकरि च्यारि-भंग हैं । तिनविषैं बंध का अभाव, उदय वा सत्ता जैसे बंध अपेक्षा करि कहीं, तैसे जाननी । ऐसे च्यारि-भंग हैं ।

या प्रकार मनुष्य-तिर्यच विषैं अपुनरुक्त नव-नव भंग जानने ॥ ६४५ ॥

**पण णव-णव पण भंगा, आउचउक्केसु होंति मिच्छम्मि ।**

**णिरयाउबंधभंगेणूणा ते चेव बिदियेगुणे ॥ ६४६ ॥**

पंच नव नव पंच भंगा, आयुश्चतुष्केषु भवन्ति मिथ्ये ।

निरयायुर्बंधभंगे, नोनास्ते चैव द्वितीयगुणे ॥ ६४६ ॥

टीका — ते अपुनरुक्त-भंग मिथ्यादृष्टि विषैं तौ नरकादिक-गति विषैं क्रम तैं पंच, नव, नव,

पांच जानने । बहुरि दूसरा सासादन-गुणस्थान विषै मनुष्य-तिर्यच विषै जे आयुबंध की अपेक्षा च्यारि-भंग कहे थे, तिनमै नरकायु का बंधरूप भंग इहां नाहीं ; तातैं नरकादिक-गति विषै क्रम तैं पांच, आठ, आठ, पांच भंग जानने ॥ ६४६ ॥

ना	ति	मा	दे
५१५	८१९	८१९	८१९

**सव्वाउबंधभंगे, णूणा मिस्सिम्मि अयदसुरणिरये ।**

**णरतिरिये तिरियाऊ, तिण्णाउगबंधभंगूणा ॥ ६४७ ॥**

सर्वायुर्बंधभंगे, नोना मिश्रे अयतसुरनिरये ।

नरतिरिश्चि तिर्यगायु, त्रिकायुष्कबंधभंगोनाः ॥ ६४७ ॥

**टीका** - मिश्र विषै जे आयुबंध की अपेक्षा भंग कहे थे, ते सर्व घटाएं नरकादिक-गति विषै क्रम तैं तीन, पांच, पांच, तीन भंग हैं । बहुरि असंयत विषै देवनारक-गति विषै आयुबंध की अपेक्षा तिर्यचायु का बंधरूप भंग नाहीं ; तातैं च्यारि-च्यारि भंग हैं । बहुरि मनुष्य, तिर्यच-गति विषै आयु-बंध की अपेक्षा नरक, तिर्यच, मनुष्यायु का बंधरूप तीन भंग नाहीं, तातैं छह-छह भंग हैं, जातैं इनके बंध का सासादन विषै ही व्युच्छेद भया ॥ ६४७ ॥

**देस णरे तिरिये तिय, तियभंगा होंति छट्टसत्तमगे ।**

**तियभंगा उवसमगे, दो द्वो खवगेसु एक्केक्को ॥ ६४८ ॥**

देशे नरे तिरिश्चि, त्रिक त्रिक भंगा भवन्ति षष्ठसप्तमके ।

त्रिभंगा उपशमके, द्वौ द्वौ क्षपकेष्वेकैकः ॥ ६४८ ॥

**टीका** - देश-संयत विषै तिर्यच, मनुष्य विषै बंध, अबंध, उपरत-बंध की अपेक्षा एक देवायु करि तीन-तीन भंग हैं । बहुरि छठे, सातवें गुणस्थान मनुष्य विषै ही बंध, अबंध, उपरतबंध की अपेक्षा एक देवायु ही करि तीन-तीन भंग हैं । बहुरि उपशमश्रेणी विषै देवायु का बंध भी नाहीं ; तातैं देवायु का बंध वा उपरत-बंध की अपेक्षा दोय-दोय भंग हैं । बहुरि क्षपक-श्रेणी विषै उपरत-बंध भी नाहीं ; तातैं अबंध अपेक्षा करि एक-एक ही भंग है ॥ ६४८ ॥

आगैं गुणस्थाननि विषै कहे जे सर्वगति संबन्धी आयु के भंग तिन्का जोड़ कहैं हैं—

**अडछव्वीसं सोलस, वीसं छत्तिगतिगं च चदुसु दुगं ।**

**असरिसभंगा तत्तो, अजोगिअंतेसु एक्केक्को ॥ ६४९ ॥**

अष्टषड्विंशतिः षोडश, विंशतिः षट् त्रिकत्रिकं च चतुर्षु द्विकं ।

असदृशभंगास्ततो, ऽयोग्यतेष्वेकैकः ॥ ६४९ ॥

टीका - मिलि करि असदृश कहिए अपनुरुक्त-भंग मिथ्यादृष्टि विषै अट्टाईस, सासादन विषै छबीस, मिश्र विषै सोलह, असंयत विषै बीस, देश-संयत विषै छह, प्रमत्त-अप्रमत्त विषै तीन-तीन ; उपशम-श्रेणीवालों विषै दोय-दोय ; क्षपक-श्रेणीवाले अयोगी पर्यत तिन विषै एक-एक जानने ॥ ६४९ ॥

आगै वेदनीय, गोत्र, आयु इनके मिथ्यादृष्टि आदि सर्व गुणस्थाननि विषै केते-केते भंग भए सो कहै हैं—

**बादालं पणुवीसं, सोलसअहियं सयं च वेयणिये ।**

**गोदे आउम्मि हवे, मिच्छादिअजोगिणो भंगा ॥ ६५० ॥**

द्वाचत्वारिंशत्, पंचविंशतिः, षोडशाधिकं शतं च वेदनीये ।

गोत्रे आयुषि भवेयुर्मिथ्याद्ययोगिनो भंगाः ॥ ६५० ॥

टीका - पूर्वे मिथ्यादृष्ट्यादि अयोगीपर्यत गुणस्थाननि विषै जे भंग कहे, तिनका जोडदीएं वेदनीय के वियालीस, गोत्र के पचीस, आयु के एकसौ सोलह भंग हो हैं ॥ ६५० ॥

आगै पूर्वे कहे वेदनीय, गोत्र, आयु के सामान्यपनें मूलभंग-तिनकी संख्या कहै हैं—

**वेयणिये अडभंगा, गोदे सत्तेव होंति भंगा हु ।**

**पण णव णव पण भंगा, आउचउक्केसु विसरित्था ॥ ६५१ ॥**

वेदनीय अष्ट भंगा, गोत्रे सप्तैव भवन्ति भंगा हि ।

पंच नव नव पंच भंगा, आयुश्चतुष्केषु विसदृशाः ॥ ६५१ ॥

टीका - तिन पूर्वोक्त भंगनि विषै अपनुरुक्त मूल-भंग वेदनीय विषै आठ, गोत्र विषै सात, च्यार्यो-आयु विषै क्रम तैं पांच, नव, नव पांच जानने ॥ ६५१ ॥

आगै मोहनीय के त्रिसंयोगरूप भंगनि कौ कहै हैं—

**मोहस्स य बंधोदय, सत्तट्टाणाण सव्वभंगा हु ।**

**पत्तेउत्तं व हवे, तियसंजोगेवि सव्वत्थ ॥ ६५२ ॥**

मोहस्य च बंधोदयसत्त्वस्थानानां सर्वभंगा हि ।

प्रत्येकोक्तं व भवन्ति, त्रिकसंयोगेऽपि सर्वत्र ॥ ६५२ ॥

टीका - मोहनीय के बंध, उदय, सत्त्व-स्थाननि विषै सर्व-भंग जैसें पूर्वे जुदा-जुदा बंध, उदय, सत्त्व का कथन करते कहे थे, तैसें ही बंध, उदय, सत्त्व इनिका संयोगरूप त्रिसंयोग विषै भी भंग हो हैं ॥ ६५२ ॥

आगँ गुणस्थाननि विषैँ मोह के स्थाननि की संख्या कहैँ हैं—

अट्टसु एक्को बंधो, उदया चदु ति दुसु चउसु चत्तारि ।

तिण्णि य कमसो सत्तं, तिण्णेगदु चउसु पणग तियं ॥ ६५३ ॥

अणियट्टीबंधतियं, पणदुगएक्कारसुहुमउदयंसा ।

इगि चत्तारि य संते, सत्तं तिण्णेव मोहस्स ॥ ६५४ ॥ जुम्मं ।

अष्टसु एको बंध, उदयाः चत्वारस्रयः द्वयोश्चतुर्षु चत्वारः ।

त्रीणी च कमशः सत्त्वं त्रयेकद्विकं पंचकं त्रिकं ॥ ६५३ ॥

अनिवृत्तिबंधत्रिकं, पंचद्विकैकादश सूक्ष्मोदयांशाः ।

एकश्वत्वारश्च शांते, सत्त्वं त्रीण्येव मोहस्य ॥ ६५४ ॥ युग्मं ।

टीका - पूर्वे जे मोहनीय के— बंध के उदय के सत्त्व के स्थान कहे थे, तिनविषैँ आदि के आठ गुणस्थाननि विषैँ यथासंभव बंधस्थान तो एक-एक ही है । बहुरि उदयस्थान आदि के गुणस्थाननि विषैँ च्यारि, ताके ऊपरि दोय विषैँ तीन-तीन, च्यारि विषैँ च्यारि-च्यारि, एक विषैँ तीन जानने । बहुरि सत्त्वस्थान क्रम तैँ मिथ्यादृष्टि विषैँ तीन, सासादन विषैँ एक, मिश्र विषैँ दोय, ऊपरि च्यारि-गुणस्थाननि विषैँ पांच-पांच, एक विषैँ तीन जानने । बहुरि अनिवृत्ति-करण विषैँ बंध, उदय, सत्त्वस्थान अनुक्रम तैँ पांच, दोय, ग्यारह जानने । सूक्ष्म-सांपराय विषैँ बंधस्थान का अभाव, उदयस्थान एक, सत्त्वस्थान च्यारि जानने । बहुरि उपशांत-मोह विषैँ बंध-उदय-स्थान नाहीं, सत्त्वस्थान ही तीन पाइए हैं ॥ ६५३-६५४ ॥

तें स्थान कौन ? सो कहैँ हैं—

बावीसं दसयचऊ, अडवीसतियं च मिच्छबंधादी ।

इगिवीसं णवयतियं, अट्टावीसे च बिदियगुणे ॥ ६५५ ॥

द्वाविंशतिः दशकचतुष्क, मष्टाविंशति त्रिकं च मित्ये बंधादिः ।

एकविंशतिर्नवकत्रिक, मष्टाविंशतिश्च द्वितीयगुणे ॥ ६५५ ॥

टीका - मिथ्यादृष्टि विषैँ बंधस्थान एक वाईस का ही है । उदय-स्थान दशकानैँ आदि दैकरि च्यारि हैं । सत्त्वस्थान अठाईसकानैँ आदि दैकरि तीन हैं । बहुरि सासादन विषैँ बंधस्थान एक इकवीस का ही है । उदयस्थान नवकानैँ आदि दैकरि तीन हैं । सत्त्वस्थान अठाईस ही का है ॥ ६५५ ॥

सत्तरसं णवयतियं, अडचउवीसं पुणोवि सत्तरसं ।

णवचउ अडचउवीस य, तिवीसतियमंसयं चउसु ॥ ६५६ ॥



सप्तदश नवकत्रय, मष्टचतुर्विंशं पुनरपि सप्तदश ।

नवचतुष्कमष्टचतुर्विंशं, च त्रयोविंशत्रयमेशकं चतुर्षु ॥ ६५६ ॥

टीका - मिश्र विषे बंधस्थान एक सतरह ही का है । उदयस्थान नवकानें आदि दैकरि तीन हैं । सत्त्वस्थान अठाईस का वा चौईस का दोय हैं । बहुरि असंयत विषे बंधस्थान सतरह का एक ही है । उदयस्थान नवकानें आदि दैकरि च्यारि हैं । सत्त्वस्थान अठाईस, चौईस के दोय अर तेईसकानें आदि दैकरि तीन— अैसे पांच हैं । ई पंच-सत्त्वस्थान अप्रमत्त पर्यंत जानने । ६५६ ॥

तेरदुचऊ देसे, पमदिदरे णव सगादिचत्तारि ।

तो णवगं छादितियं, अडचउरिगिवीसयं च बंधतियं ॥ ६५७ ॥

त्रयोदशाष्टचतुष्कं देशे, प्रमत्तेतरयोर्नव सप्तकादिचत्वारि ।

अतो नवकं षडादित्रय, मष्टचतुरेकविंशकं च बंधत्रयं ॥ ६५७ ॥

टीका - देश-संयत विषे बंधस्थान तेरह का एक ही है । उदयस्थान आठकानें आदि दैकरि च्यारि हैं । सत्त्वस्थान पांच है । बहुरि प्रमत्त, अप्रमत्त विषे बंधस्थान एक नव का ही है । उदयस्थान सातकानें आदि दैकरि च्यारि हैं । सत्त्वस्थान पांच हैं । बहुरि अपूर्वकरण विषे बंधस्थान नव का एक ही है, उदयस्थान छहकानें आदि दैकरि तीन हैं । सत्त्वस्थान अठाईस, चौईस, इकईस के तीन हैं । क्षपक विषे इकईस ही का है ॥ ६५७ ॥

पंचादिपंचबंधो, णवमगुणे दोणिण एक्कमुदयो दु ।

अदुचदुरेक्कवीसं, तेरादीअदुयं सत्तं ॥ ६५८ ॥

पंचादिपंचबंधो, नवमगुणे द्वौ एक उदयस्तु ।

अष्टचतुरेकविंशं, त्रयोदशाष्टकं सत्त्वं ॥ ६५८ ॥

टीका - नवमां-गुणस्थान विषे बंधस्थान पांचकानें आदि दैकरि पांच हैं । उदयस्थान दोय अर एक प्रकृतिरूप दोय हैं । सत्त्वस्थान अठाईस, चौईस, इकईस के तीन हैं । क्षपकश्रेणीवाले के तेरहकानें आदि दैकरि आठ सत्त्व-स्थान पाइए हैं । ऊपरि मोह के बंध का अभाव है ; तातें उदय, सत्त्व दोय ही कहने ॥ ६५८ ॥

लोहेक्कुदओ सुहुमे, अडचउरिगिवीसमेक्कयं सत्तं ।

अडचउरिगिवीसंसा, संते मोहस्स गुणठाणे ॥ ६५९ ॥

लोभैकोदयः सूक्ष्मे, अष्टचतुरेकविंशमेकं सत्त्वं ।

अष्टचतुरेकविंशांशाः, शांते मोहस्य गुणस्थाने ॥ ६५९ ॥

टीका - सूक्ष्मसांपराय विषे उदय-स्थान एक-सूक्ष्म-लोभरूप ही है । सत्त्वस्थान अठाईस,

चौईस, इकईस के तीन वा क्षपकवाले के एक प्रकृतिरूप एक है । ऊपरि मोह का उदय नाही सत्त्व ही है । बहुरि उपशांतकषाय विषै सत्त्वस्थान ही अठाईस, चौईस, इकईस— ए तीन जानने । ऊपरि मोह का सत्त्व नाही ॥ ६५९ ॥

आगै मोहनीय के बंध, उदय, सत्त्वस्थान— तिनके त्रिसंयोग विषै विशेष कहै हैं—

**बंधपदे उदयंसा, उदयद्विगणेवि बंध सत्तं च ।**

**सत्ते बंधुदयपदं, इगिअधिकरणे दुगाधेज्जं ॥ ६६० ॥**

बंधपदे उदयांशा, उदयस्थानेऽपि बंधः सत्त्वं च ।

सत्ते बंधोदयपदमेकाधि, करणे द्विकाधेयं ॥ ६६० ॥

टीका - बंधस्थान विषै उदयस्थान, सत्त्वस्थान ए दोय । बहुरि उदयस्थान विषै बंधस्थान, सत्त्वस्थान— दोय । बहुरि सत्त्वस्थान विषै बंधस्थान, उदयस्थान— ए दोय— असै एक अधिकरण विषै दोय आधेय हो हैं ।

जिसविषै कहिए ताकाँ अधिकरण वा आधार कहिए । बहुरि तिस अधिकरण विषै जाकाँ कहिए, ताकाँ आधेय कहिए ।

सो जहां इतनी प्रकृति का बंध होइ, तहां उदय इतनी-इतनी प्रकृतिनि का हो है वा सत्त्व इतनी-इतनी प्रकृतिनि का होइ, असा जहां कहना, तहां बंध तौ अधिकरण भया अर उदय-सत्त्व आधेय भए । असै ही उदयस्थान विषै जहां बंधस्थान, सत्त्वस्थान कहिए तहां उदयस्थान तौ अधिकरण अर बंधस्थान, सत्त्वस्थान आधेय जानने । बहुरि सत्त्वस्थान विषै जहां बंधस्थान, उदयस्थान कहिए, तहां सत्त्वस्थान अधिकरण अर बंधस्थान, उदयस्थान आधेय जानने ॥ ६६० ॥

**बावीसयादिबंधे, सुदयंसा चदुतितिगिचऊपंच ।**

**तिसु इगि छहो अट्ट य, एक्कं पंचेव तिद्विगणे ॥ ६६१ ॥**

द्वाविंशकादिबंधे, षूदयांशश्चतुस्त्रिकैकचतुः पंच ।

त्रिष्वेकः षट् द्वौ अष्ट च, एकः पंचैव त्रिस्थाने ॥ ६६१ ॥

टीका - तहां प्रथम ही बंधस्थान विषै उदय, सत्त्वस्थान कहै हैं, सो वाईसकानै आदि दैकरि बंधस्थाननि विषै पहिला-वाईस का स्थान विषै उदयस्थान च्यारि, सत्त्वस्थान तीन हैं । दूसरा बंधस्थान विषै उदयस्थान-तीन, सत्त्वस्थान एक है । ऊपरि तीन बंध-स्थाननि विषै उदयस्थान च्यारि-च्यारि, सत्त्वस्थान पांच-पांच हैं । ऊपरि एक-बंध-स्थान विषै उदय-स्थान-एक, सत्त्वस्थान-छह हैं । अन्य एक-बंधस्थान विषै उदयस्थान दोय, सत्त्वस्थान आठ हैं । तीन बंध - स्थान विषै उदयस्थान-एक, सत्त्वस्थान-पांच हैं ॥ ६६१ ॥

दसयचऊ पढमतियं, णवतियमडवीसयं णवादिचऊ ।

अडचदुतिदुइगिवीसं, अडचदु पुत्रं व सत्तं तु ॥ ६६२ ॥

दशकचतुष्कं प्रथमत्रिकं, नवत्रिकमष्टाविंशकं नवादिचतुष्कं ।

अष्टचतुस्त्रिद्वयेकविंश, मष्टचतुष्कं पूर्वं व सत्त्वं तु ॥ ६६२ ॥

टीका - तहां बाईस का बंधस्थान विषैं उदयस्थान दशकानैं आदि दैकरि च्यारि हैं । सत्त्वस्थान अठाईसकानैं आदि दैकरि तीन हैं ।

भावार्थ-जिस जीव कैं जिसकाल विषैं वाईस का बंध है, ताकैं उदय-दश का पाइए वा नव का वा आठ का सात का भी पाइए । बहुरि सत्त्व-अठाईस का वा सताईस का वा छवीस का पाइए- अैसें ही आगैं भी कथन जानि लेना ।

बहुरि इकईस का बंधस्थान विषैं उदयस्थान नवकानैं आदि दैकरि तीन हैं । सत्त्वस्थान-एक-अठाईस का ही है । बहुरि सतरह का बंध-स्थान विषैं उदयस्थान नवकानैं आदि देकरि चार हैं । सत्त्वस्थान अठाईस, चौईस, तेईस, बाईस, इकईस के पांच हैं । बहुरि तेरह का बंधस्थान विषैं उदयस्थान आठकानैं आदि दैकरि च्यारि हैं । सत्त्वस्थान पूर्वोक्त पांच हैं ॥ ६६२ ॥

सगचउ पुव्वं वंसा, दुगमडचउरेक्कवीस तेरतियं ।

दुगमेक्कं च य सत्तं, पुव्वं वा अत्थि पणगदुगं ॥ ६६३ ॥

सप्तचतुष्कं पूर्वं वांशा, द्विकमष्टचतुरेकविंशं त्रयोदशत्रयं ।

द्विकमेकं च च सत्त्वं, पूर्वं वा अस्ति पंचकद्विकं ॥ ६६३ ॥

टीका - नव का बंधस्थान विषैं उदयस्थान सातकानैं आदि दैकरि च्यारि हैं । सत्त्वस्थान पूर्वोक्त पांच हैं । बहुरि पांच का बंधस्थान विषैं उदयस्थान एक- दोय ही का है । सत्त्वस्थान उपशमक कैं अठाईस, चौईस, इकईस के तीन अर क्षपक कैं तेरहनैं आदि दैकरि तीन हैं- अैसें छह हैं । बहुरि च्यारि का बंधस्थान विषैं उदयस्थान दोय वा एक प्रकृतिरूप दोय हैं । सत्त्वस्थान पूर्वोक्त छह, पांचकानैं आदि दैकरि दोय- अैसें आठ हैं ॥ ६६३ ॥

तिसु एक्केक्कं उदओ, अडचउरिगिवीससत्तसंजुत्तं ।

चदुतिदयं तिदयदुगं, दो एक्कं मोहणीयस्स ॥ ६६४ ॥

त्रिषु एकैक उदयोऽष्टचतुरेकविंशसत्त्वसंयुक्तं ।

चतुस्त्रितयं त्रितयद्विकं द्वे एकं मोहनीयस्य ॥ ६६४ ॥

टीका - तीन, दोय, एक प्रकृतिरूप तीन-बंधस्थाननि विषैं उदयस्थान एक प्रकृतिरूप ही है । बहुरि सत्त्वस्थान अठाईस, चौईस, इकईस के तीन, तीनका बंधस्थान विषैं च्यारिका वा तीन

का सहित पांच हैं। दोय का बंधस्थान विषै दोय का तीन का सहित पांच हैं। एक का बंधस्थान विषै दोय का एक का सहित पांच सत्त्वस्थान हैं। यह बंधस्थान अधिकरण अर उदय, सत्त्व आधेयरूप भंग हैं। ते गुणस्थान विवक्षाकरि कह्या है, तथापि तिन-तिन प्रकृतिनि की बंध वा उदय की व्युच्छित्ति अर क्षपणा-उद्वेलनाकरि सत्त्व की व्युच्छित्ति कौं यादिकरि जानने ॥ ६६४ ॥

आगैं उदयस्थान अधिकरण अर बंध-सत्त्व आधेय ऐसा भंग कहै हैं—

**दसयादिसु बंधसा, इगितिय तियछक्क चारिसत्तं च ।**

**पणपण तियपण दुगपण, इगितिग दुगछच्चऊणवयं ॥ ६६५ ॥**

दशकादिषु बंधांशा, एकत्रिकं त्रिकषट्कं चतुःसप्त च ।

पंचपंच त्रिकपंच द्विकपंच, एकत्रिकं द्विकषट् चतुर्नवकं ॥ ६६५ ॥

**टीका** - दशकानैं आदि दैकरि जे उदयस्थान, तिनविषै अनुक्रम तैं बंधस्थान अर सत्त्वस्थान क्रमतैं एक, तीन अर तीन, छह अर च्यारि, सात, अर पांच, पांच अर तीन, पांच अर दोय, पांच अर एक, तीन अर दोय, छह अर च्यारि, नव जानने ॥ ६६५ ॥

तैं कौन ? सो कहैं हैं—

**पढमं पढमतिचउपण, सत्तरतिग चदुसु बंधयं कमसो ।**

**पढमतिछस्सगमडचउ, तिदुइगिवीसंसयं दोसु ॥ ६६६ ॥**

प्रथमं प्रथमत्रिचतुः पंच, सप्तदशत्रिकं चतुर्षु बंधक क्रमशः ।

प्रथमत्रिषट्सप्त अष्टचतु, त्रिद्विकैकविंशांशकं द्वयोः ॥ ६६६ ॥

**टीका** - दशकानैं आदि दैकरि पंच-उदयस्थान, तिनविषै पहिला विषै तौ बंधस्थान वाईस का है जिस जीव कैं जिसकाल दश-प्रकृतिनि का उदय है, तिसकैं तिसकाल वाईस ही का बंध है। औसैं ही और भी जानि लेना ।

बहुरि दूसरा विषै बंधस्थान वाईसकानैं आदि दैकरि तीन हैं। तीसरा विषै वाईसकानैं आदि दैकरि च्यारि हैं। चौथा विषै वाईसकानैं आदि दैकरि पांच हैं। पांचवां विषै सतरहकानैं आदि दैकरि तीन हैं।

बहुरि सत्त्वस्थान पहिला-उदयस्थान विषै तौ अठाईसकानैं आदि दैकरि तीन हैं। जिसकाल दश का उदय है, तिसकाल कोई कैं अठाईस का, सत्ताईस का ; कोई कैं छब्बीस का सत्त्व पाइए— औसैं अन्यत्र भी जानना दूसरा विषै अठाईसकानैं आदि दैकरि छह हैं। तीसरा विषै अठाईसकानैं आदि दैकरि सात हैं। चौथा-पांचवां— दोय विषै अठाईस, चौबीस, तेवीस, बावीस, इक्कीस के पंच-पंच हैं ॥ ६६६ ॥

तेरदु पुव्वं वंसा, णवमडचउरेक्कवीससत्तमदो ।

पणदुगमडचउरेक्कावीसं तेरसतियं सत्तं ॥ ६६७ ॥

त्रयोदशद्विकं पूर्वं वांशा, नवममष्टचतुरेकविंशसत्त्वमतः ।

पंचद्विकमष्टचतुरेकविंशं त्रयोदशत्रिकं सत्त्वं ॥ ६६७ ॥

टीका - पांच का उदयस्थान विषै बंधस्थान तेरहकानै आदि दैकरि दोय हैं, सत्त्वस्थान पूर्वोक्त पांच हैं । बहुरि च्यारि का उदयस्थान विषै बंधस्थान नव का ही है, सत्त्वस्थान अठाईस, चौईस, इकईस के तीन हैं । बहुरि याके ऊपरि दोय का उदयस्थान विषै बंधस्थान पांचकानै आदि दैकरि दोय ही हैं । सत्त्वस्थान अठाईस, चौईस, इकवीस, वा तेरहनै आदि दैकरि तीन—असै छह हैं ॥ ६६७ ॥

चरमे चदुत्तिदुगेक्कं, अट्टयचदुरेक्कसंजुदं वीसं ।

एक्कारादीसव्वं, कमेण ते मोहणीयस्स ॥ ६६८ ॥

चरमे चतुस्त्रिद्विकैकमष्टकचतुरेकसंयुतं विंशं ।

एकादशादिसर्वं, क्रमेण तानि मोहनीयस्य ॥ ६६८ ॥

टीका - एक का उदयस्थान विषै बंध-स्थान च्यारि, तीन, दोय, एक के च्यारि हैं । सत्त्वस्थान अठाईस, चौईस, इकवीस के अर ग्यारहकानै आदि दैकरि सर्व छह—असै नव, ते सर्व-मोहनीय के जानने ॥ ६६८ ॥

आगै सत्त्व-अधिकरण अर बंध, उदय आधेयरूप भंग कहै हैं—

सत्तपदे बंधुदया, दसणव इगिति दुसु अडड तिपण दुसु ।

अडसग दुगि दुसु बिबिगिगि, दुगि तिसु इगिसुण्णमेक्कं च ॥ ६६९ ॥

सत्त्वपदे बंधोदया, दशनव एकत्रिकं द्वयोरष्टाष्टत्रिपंचद्वयोः ।

अष्टसप्त द्वयेकं द्वयोर्द्विद्विकमेकैकं, द्वयेकं त्रिषु एकशून्यमेकं च ॥ ६६९ ॥

टीका - अठाईसकानै आदि दैकरि सत्त्वस्थान तिनविषै अनुक्रम तै बंधस्थान अर उदयस्थान, पहला सत्त्व-स्थान विषै दश, नव अर पीछै दोय विषै एक, तीन ; एक विषै आठ, आठ ; दोय विषै तीन, पांच ; एक विषै आठ, सात ; दोय विषै दोय, एक ; एक विषै दोय, दोय ; एक विषै एक, एक ; तीन विषै दोय, एक ; एक विषै एक वा शून्य अर एक है ॥ ६६९ ॥

ते कौन ? सो कहै हैं—

स	२८	२७	२६	२४	२३	२२	२१	१३	१२	११	५	४	३	२	१
बं	१०	१	१	८	३	३	८	२	२	२	१	२	२	२	१०
उ	९	३	३	८	५	५	७	१	१	२	१	१	१	१	१

सर्वं सयलं पढमं, दसतिय दुसु सत्तरादियं सर्वं ।

णवयप्पहुदीसयलं, सत्तरति णवादिपण दुपदे ॥ ६७० ॥

सर्व सकलं प्रथमं, दशत्रिकं द्वयोः सप्तदशादिकं सर्वं ।

नवकप्रभृति सकलं, सप्तदशत्रिकं नवादिपंच द्विपदे ॥ ६७० ॥

**टीका** — अठावीस का सत्त्वस्थान विषै बंधस्थान वाईसकानै आदि दैकरि सर्व दश हैं । जिसकै जिसकाल अठाईस का सत्त्व है, तिसकै तिसकाल कोई जीव कै वाईस का, कोई जीव कै इकईस का— अैसे करि सर्व-स्थानरूप प्रकृतिनि का बंध पाइए । अैसे अन्यत्र भी कथन जानना ।

उदयस्थान दशकानै आदि दैकरि सर्व नव हैं । इहां भी अठाईस का सत्त्व होतै, कोई जीव कै दश का कोई जीव कै नव का इत्यादि उदय जानना । अैसे ही अन्यत्र जानना ।

बहुरि सत्ताईस, छब्बीस का सत्त्वस्थान विषै बंधस्थान वाईस ही का है । उदयस्थान दशकानै आदि दैकरि तीन हैं । बहुरि चौवीस का सत्त्वस्थान विषै बंधस्थान सतरहकानै आदि दैकरि सर्व-आठ हैं । उदयस्थान नवकानै आदि दैकरि सर्व आठ हैं । बहुरि तेवीस, बावीस का दोय-सत्त्वस्थाननि विषै बंधस्थान सतरहकानै आदि दैकरि तीन हैं । उदयस्थान नवकानै आदि दैकरि पंच हैं ॥ ६७० ॥

सत्तरसादि अडादीसर्वं पण चारि दोणिण दुसु तत्तो ।

पंचचउक्क दुगेक्कं, चदुरिगि चदुतिणिण एक्कं च ॥ ६७१ ॥

सप्तदशादि अष्टादि, सर्व पंच चत्वारि द्वे द्वयोस्ततः ।

पंचचतुष्कं द्विकैकं, चतुरेकं चतुस्त्रीणि एकं च ॥ ६७१ ॥

**टीका** — इकईस का सत्त्वस्थान विषै बंधस्थान सतरहकानै आदि दैकरि सर्व आठ हैं । उदय-स्थान आठकानै आदि दैकरि सर्व सात हैं । बहुरि तेरह, बारह के दोय सत्त्वस्थाननि विषै बंधस्थान पांच च्यारि के दोय हैं । उदय दोय ही का है । बहुरि ग्यारह का सत्त्वस्थान विषै बंधस्थान पांच, च्यारि के दोय हैं । उदयस्थान दोय, एक के दोय हैं । बहुरि पांच का सत्त्वस्थान विषै बंधस्थान च्यारि का एक ही है । उदयस्थान एक का एक ही है । बहुरि च्यारि का सत्त्वस्थान विषै बंधस्थान च्यारि तीन के दोय हैं । उदयस्थान एक का एक ही है ॥ ६७१ ॥

तत्तो तियदुगमेक्कं, दुप्पयडीएक्कमेक्कठाणं च ।

इगिणभबंधो चरिमे, एउदओ मोहणीयस्स ॥ ६७२ ॥

ततस्त्रिकद्विकमेकं, द्विप्रकृत्येकमेकस्थानं च ।

एकन भोबंधश्चरमे, एकोदयो मोहनीयस्य ॥ ६७२ ॥

टीका - तहां पीछें तीन का सत्त्वस्थान विषै बंधस्थान तीन, दोय के दोय हैं । उदयस्थान एक का एक ही है । बहुरि दोय का सत्त्वस्थान विषै बंधस्थान दोय, एक के दोय हैं । उदयस्थान एक का एक ही है । मोहनीय का एक का सत्त्वस्थान विषै बंध एक का वा शून्य-बंध का अभाव है । उदयस्थान एक का एक ही है ॥ ६७२ ॥

आगै मोहनीय के बंध, उदय, सत्त्वनि विषै दोय आधार, एक आधेय करि कहै हैं—

**बंधुदये सत्तपदं, बंधंसे णेयमुदयठाणं च ।**

**उदयंसे बंधपदं, दुट्टाणाधारमेक्कमाधेज्जं ॥ ६७३ ॥**

बंधोदये सत्त्व-पदं, बंधाणे ज्ञेयमुदयस्थानं च ।

उदयांसे बंधपदं, द्विस्थानाधारमेकमाधेयं ॥ ६७३ ॥

टीका - बंध-उदय के स्थान विषै सत्त्व, बहुरि बंध-सत्त्वस्थान विषै उदय, बहुरि उदय-सत्त्वस्थान विषै बंध— अिसैं दोय स्थान आधार, एक स्थान आधेय— सो तीनप्रकार जानना । तहां इतने का बंध अर इतने का उदय जिसकैं होइ, तिस किसी जीव कैं इतने का सत्त्व पाइए, किसी कैं इतने का सत्त्व पाइए— अिसैं कहिए । तहां बंध-उदय तौ आधार अर सत्त्व आधेय जानना । बहुरि इतने का बंध अर इतने का सत्त्व जिस जीव कैं होइ, तिस किसी जीव कैं इतने का उदय, किसी कैं इतने का उदय पाइए अिसा कहिए तहां बंध सत्त्व-आधार उदय-आधेय जानना । बहुरि इतने का उदय इतने का सत्त्व जिस जीव कैं पाइए, तिस किसी जीव कैं इतने का बंध, किसी कैं इतने का बंध पाइए— अिसा कहिए तहां उदय, सत्त्व-आधार, बंध आधेय जानना— अिसैं तीन प्रकार कहे ॥ ६७३ ॥

तहां पहिला प्रकार छह गाथानि करि कहै हैं—

**बावीसेण णिरुद्धे, दसचउरुदये दसादिठाणतिये ।**

**अट्टावीसति सत्तं, सत्तुदये अट्टावीसेव ॥ ६७४ ॥**

द्वाविंशेन निरुद्धे, दशचतुष्कोदये दशादिस्थानत्रये ।

अष्टाविंशत्रिकं सत्त्वं, सप्तोदयेऽष्टविंशमेव ॥ ६७४ ॥

बं । उ	बं । स	उ । स
स	उ	बं

टीका - वाईस का बंध सहित जीव विषै दशकानैं आदि दैकरि च्यारि उदयस्थान हैं । तिनविषै दशकानैं आदि दैकरि तीन विषै तौ सत्त्व अठईसकानैं आदि दैकरि तीन हैं । सात का विषै अठईस का ही सत्त्व है ॥ ६७४ ॥

**इगिवीसेण णिरुद्धे, णवयतिये सत्तमट्टावीसेव ।**

**सत्तरसे णवचदुरे, अडचउतिदुगेक्कवीसंसा ॥ ६७५ ॥**

१४४]

[गोम्पटसार कर्मकाण्ड उत्तरार्द्ध गाथा- ६७५, ६७६, ६७७, ६७८

एकविंशेन निरुद्धे, नवकत्रये सत्त्वमष्टाविंशमेव ।

सप्तदशे नवचतुष्के, अष्टचतुस्त्रिद्विकैकविंशांशाः ॥ ६७५ ॥

टीका - इकवीस का बंध सहित जीव विषै नवकानै आदि दैकरि तीन का उदय होतै, सत्त्व अठाईस ही का है । बहुरि सतरह का बंधसहित जीवविषै नवकानै आदि दैकरि च्यारि का उदय होतै, सत्त्व अठाईस, चौईस, तेईस, वाईस, इकईस के हैं ॥ ६७५ ॥

तहां इतना विशेष है—

इगिवीसं ण हि पढमे, चरिमे तिदुवीसयं ण तेरणवे ।

अडचउसगचउरुदये, सत्तं सत्तरसयं व हवे ॥ ६७६ ॥

एकविंशं नहि प्रथमे, चरमे त्रिद्विविंशकं न त्रयोदशनवके ।

अष्टचतुः सप्तचतुरुदये, सत्त्वं सप्तदशकं व भवेत् ॥ ६७६ ॥

टीका - नव का उदय होतै इकईस का सत्त्व न हो है । वा छह का उदय होतै तेवीस, बावीस का सत्त्व न हो है । बहुरि तेरह का बंधसहित आठकानै आदि दैकरि च्यारि-उदयस्थान होतै वा नव का बंध सातकानै आदि दैकरि च्यारि उदयस्थान होतै, सत्त्व सतरह का बंध सहित विषै जैसे कह्या, तैसे जानना ॥ ६७६ ॥

इतना विशेष है—

णवरि य अपुव्वणवगे, छादितियुदयेवि णत्थि तिदुवीसा ।

पणबंधे दोउदये, अडचउरिगिवीसतेरसादितियं ॥ ६७७ ॥

नवरि चापूर्वनवके, षडादित्रयोदयेऽपि नास्ति त्रिद्विविंशं ।

पंचबंधे द्विकोदये, अष्टचतुरेकविंशत्रयोदशादित्रयं ॥ ६७७ ॥

टीका - अपूर्वकरण विषै नव का बंध सहित छैकानै आदि दैकरि तीन का उदय होतै तेवीस, बावीस का सत्त्व नाही है, इतना विशेष है । बहुरि पांच का बंध सहित दोय का उदय होतै, सत्त्व अठाईस, चौवीस, इकईस के वा तेरहकानै आदि दैकरि तीन हैं ॥ ६७७ ॥

चदुबंधे दोउदये, सत्तं पुव्व व तेण एक्कुदये ।

अडचउरेक्कावीसा, एयारतिगं च सत्ताणि ॥ ६७८ ॥

चतुर्बंधे द्विकोदये, सत्त्वं पूर्वं व तेन एकोदये ।

अष्टचतुरेकविंशानि, एकादशत्रिकं च सत्त्वानि ॥ ६७८ ॥

टीका - च्यारि का बंध सहित दोय का उदय होतै सत्त्व, पांच का बंध सहित विषै, जैसे कह्या तैसे जानना । च्यारि का बंध सहित एक का उदय होतै सत्त्व, अठाईस, चौईस, इकवीस के ग्यारहकानै आदि दैकरि तीन जानने ॥ ६७८ ॥



तिदुइगिबंधेक्कुदये, चदुतियठाणेण तिदुगठाणेण ।

दुगठाणेण य सहिता, अडचउरिगिवीसया सत्ता ॥ ६७९ ॥

त्रिद्विकैकबंधे एकोदये, चतुस्त्रिस्थानेन त्रिद्विकस्थानेन ।

द्विकैकस्थानेन च सहितानि, अष्टचतुरेकविंशकानि सत्त्वानि ॥ ६७९ ॥

टीका - तीन दोय, एक का बंध सहित एक का उदय होतैं सत्त्वस्थान-अठाईस, चौबीस, इकईस के तीन का बंध सहित विषैं तौ च्यारि, तीन का संयुक्त, दोय का बंध सहित विषैं तीन-दोय का संयुक्त, एक का बंध सहित विषैं दोय ; एक का संयुक्त पांच-पांच पाइए । इहां यहु अर्थ है—

मोहनीय की सर्व बंध-प्रकृतिनि विषैं च्यारि-गति का मिथ्यादृष्टि जीव वाईस का बंध करै । तिनकैं मिथ्यात्व सहित अर अनंतानुबंधी सहित वा रहित आठ-कूट कहे थे । तिनतैं उत्पन्न भए औसैं अपुनरुक्त-दशकानैं आदि दैकरि च्यारि उदयस्थान एक जीव अपेक्षा तौ अनुक्रम तैं अर नानाजीव अपेक्षा युगपत् संभवै हें । तिनविषैं तीन-विषैं तौ एक जीव अपेक्षा अनुक्रम तैं नानाजीव अपेक्षा युगपत् अठाईसकानैं आदि दैकरि तीन का सत्त्व संभवै है । बहुरि सात का उदयस्थान विषैं अठाईस ही का सत्त्व है, सत्ताईस, छब्बीस का नाहीं ।

काहै तैं ?—जातैं असंयतादिक च्यारि विषैं एक किसी गुणस्थान विषैं अनंतानुबंधी का विसंयोजन करि मिथ्यात्व के उदय तैं मिथ्यादृष्टि भया, तहां प्रथम-समय विषैं बाईस का बंध कीया । तहां अनंतानुबंधी का एक समय-प्रबद्ध बंध्या, तिसकी उदीरणा अचलावली कालपर्यंत न संभवै है । अर अनंतानुबंधी का उदयरहित तिस जीव कैं सम्यक्त्व-मोहनी, मिश्रमोहनी का वेदक-काल है, उपशमकाल नाहीं ; तातैं ताकैं सम्यक्त्वमोहनी, मिश्रमोहनी की उद्वेलना न होइ । पूर्वे वेदककाल उपशम-काल का लक्षण कहि आए हें । वा वेदक-काल विषैं इनकी उद्वेलना का अभाव कहि आए हें ।

बहुरि च्यारि गति का सासादन विषैं इकईस का बंध, तहां एकजीव अपेक्षा क्रम तैं अर नानाजीव अपेक्षा युगपत् नवकानैं आदि दैकरि तीन-उदयस्थान हें । तिनविषैं अठाईस का ही सत्त्व है, सत्ताईस, छब्बीस का नाहीं ; जातैं उपशम-सम्यक्त्व ही तैं भ्रष्ट होइ सासादन हो है । ताकी स्थिति एक समय तैं लगाय छह-आवली पर्यंत एक-एक समय बधता काल प्रमाण लीए है तातैं सम्यक्त्वमोहनी, मिश्रमोहनी की उद्वेलना का अवसर रूप जो उपशमकाल सो इहां न संभवै है । बहुरि इहां चौबीस का भी सत्त्व नाहीं, जातैं अनंतानुबंधी का विसंयोजन वेदक-सम्यग्दृष्टि ही कैं होइ, सो वेदक-सम्यग्दृष्टी सासादन विषैं आवै नाहीं ।

बहुरि च्यारि-गति का मिश्र विषैं सतरह का बंध, तहां एक-जीव अपेक्षा क्रम तैं नाना-जीव अपेक्षा युगपत् नवकानैं आदि दैकरि तीन उदयस्थान हें, तहां अठाईस वा चोईस ही का सत्त्व

है ; तेवीस, बावीस का नाही ; जातैं मिश्रमोहनी का उदय होतैं दर्शन-मोह की क्षपणा का प्रारंभ न हो है ।

बहुरि च्यारि-गति का असंयतविषैं सतरह का बंध, तहां एक-जीव अपेक्षा क्रम तैं नानाजीव अपेक्षा युगपत् च्यारि-उदयस्थान हैं । तिनविषैं नव का उदय होतैं वेदक-सम्यग्दृष्टीपना है ; तातैं दर्शन-मोहनी की क्षपणा का प्रारंभ होने तैं अनंतानुबंधी, मिथ्यात्व, मिश्रमोहनी इनकरि सहित वा रहित सत्त्वस्थान संभवैं हैं ; तातैं कर्मभूमिया मनुष्य विषैं एक-जीव अपेक्षा क्रम तैं, नानाजीव अपेक्षा युगपत् अठाईस, चौबीस, तेवीस, बावीस का सत्त्व संभवैं है । इकईस का सत्त्व क्षायिक-सम्यग्दृष्टी ही कैं होइ ; तातैं न संभवैं है । बहुरि आठ का वा सात का उदय होतैं प्रथमोपशम-सम्यक्त्व विषैं तौ अठाईस ही का सत्त्व, द्वितीयोपशम-सम्यक्त्व विषैं अठाईस वा चौईस का सत्त्व वेदक-सम्यक्त्व विषैं अठाईस, चौईस, तेईस, बावीस का सत्त्व एक-जीव अपेक्षा क्रम तैं, नाना-जीव अपेक्षा युगपत् संभवैं है । क्षायिक-सम्यक्त्व विषैं इकईस ही का सत्त्व है । बहुरि छह का उदय होतैं सम्यक्त्व-मोहनीय रहितपने तैं क्षायिक-सम्यक्त्वी विषैं तौ इकईस ही का सत्त्व है । उपशम-सम्यक्त्व विषैं अठाईस वा चौईस का सत्त्व है ।

बहुरि तेरह का बंध सहित देशसंयत विषैं तिर्यच वा मनुष्य के उपशमक वा वेदक-सम्यक्त्व हो है । क्षायिक-सम्यक्त्व मनुष्य ही कैं हो है । तहां आठ का उदय होतैं सत्त्व वेदक-सम्यक्त्वी तिर्यच विषैं तो अठाईस, चौवीस, के दोय अर मनुष्य विषैं अठाईस, चौवीस के दोय अर तेवीस, बावीस के दोय— अैसे च्यारि हैं । बहुरि सात व छह का उदय होतैं तिर्यच, मनुष्य के उपशम-सम्यक्त्व विषैं तौ अठाईस, चौबीस के दोय, वेदक-सम्यक्त्वी तिर्यच विषैं तेई दोय । वेदक-सम्यक्त्वी मनुष्य विषैं ते ई दोय अर तेवीस, बावीस के दोय— अैसे च्यारि हैं । बहुरि क्षायिक-सम्यग्दृष्टी मनुष्य ही हो हैं ; तातैं इकईस ही का सत्त्व है । बहुरि पांच का उदय होतैं उपशम-सम्यग्दृष्टी तिर्यच, मनुष्य विषैं अठाईस वा चौईस का सत्त्व है । क्षायिक-सम्यग्दृष्टी-मनुष्य विषैं इकईस ही का सत्त्व है ।

बहुरि नव का बंध सहित प्रमत्त-अप्रमत्त, तिनके च्यारि उदयस्थान । तिनविषैं सात का उदय होतैं वेदक-सम्यक्त्वी ही है ; तातैं अठाईस, चौईस, तेवीस, बावीस के च्यारि-सत्त्व हैं । बहुरि छह वा पांच का उदय होतैं, उपशम-सम्यक्त्व विषैं तो अठाईस, चौबीस का सत्त्व है । वेदक-सम्यक्त्व विषैं अठाईस, चौबीस, तेवीस, बावीस का सत्त्व है । क्षायिक-सम्यक्त्व विषैं इकवीस ही का सत्त्व है । बहुरि च्यारि का उदय होतैं, उपशम-सम्यक्त्व विषैं अठाईस, चौबीस का सत्त्व है । क्षायिक-सम्यक्त्व विषैं इकवीस ही का सत्त्व है ।

बहुरि नव का बंध सहित अपूर्वकरण विषैं छह वा पांच वा च्यारि का उदय होतैं उपशम-सम्यक्त्व विषैं अठाईस, चौईस का सत्त्व है । क्षायिक-सम्यक्त्व विषैं इकईस ही का सत्त्व है ।

बहुरि पांच, च्यारि का बंध, दोय का उदय सहित अनिवृत्तिकरण विषैँ उपशम-सम्यक्त्व विषैँ तौ सत्तावीस वा अठावीस वा चौबीस का क्षायिक-सम्यक्त्व विषैँ इकवीस, तेरह, बारह, ग्यारह का है । बहुरि-च्यारि का बंध एक का उदयसहित, विषैँ उपशम-सम्यक्त्व विषैँ अठाईस, चौईस का क्षायिक-सम्यक्त्व विषैँ इकईस, ग्यारह, पांच, च्यारि का है । बहुरि तीन का बंध ; एक का उदय सहित विषैँ, उपशम-सम्यक्त्व विषैँ तौ अठावीस, चौवीस का ; क्षायिक-सम्यक्त्व विषैँ इकईस, च्यारि, तीन का सत्त्व है ।

बहुरि दोय का बंध ; एक का उदय सहित अनिवृत्तिकरण विषैँ उपशम-सम्यक्त्व विषैँ तो अठावीस, चौबीस का ; क्षायिक-सम्यक्त्व विषैँ इकवीस, तीन, दोय का सत्त्व है । बहुरि एक का बंध, एक का उदयसहित विषैँ उपशम-सम्यक्त्व विषैँ तौ अठाबीस, चौबीस का ; क्षायिक-सम्यक्त्व विषैँ इकवीस, दोय, एक का सत्त्व है । इहां क्षपक-अनिवृत्तिकरण विषैँ च्यारि, तीन, दोय, एक का बंध होतैँ— क्रम तैँ पांच, च्यारि, च्यारि, तीन, तीन, दोय, दोय, एक का सत्त्व है । तहां पहले-पहले वेद वा कषायनि के नवक-समय-प्रबद्ध के उच्छिष्टावली मात्र निषेक अवशेष रहै हैं, तिनकी विवक्षा करि जानने ॥ ६७९ ॥

आगैँ बंध, सत्त्व-आधार ; उदय-आधेय कौँ पांच गाथानिकरि कहैँ हैं—

**बावीसे अडवीसे, दसचउरुदओ अणे ण सगवीसे ।**

**छव्वीसे दसयतियं, इगिअडवीसे दु णवयतियं ॥ ६८० ॥**

द्वाविंशतौ अष्टविंशतौ, दशचतुष्कोदयः अने न सप्तविंशतौ ।

षड्विंशतौ दशकत्रयमेकाष्टविंशतौ तु नवकत्रयं ॥ ६८० ॥

टीका - बाईस का बंध सहित च्यारि गति का मिथ्यादृष्टी-जीव विषैँ अठाईस का सत्त्व होतैँ, उदय-स्थान दशकानैँ आदि दैकरि च्यारि हैं, जातैँ इहां अनंतानुबंधी रहित भी उदयस्थान संभवै हैं । बहुरि बावीस का बंध सहित सत्ताईस, छव्वीस का सत्त्व होतैँ दशकानैँ आदि दैकरि तीन ही स्थाननि का उदय है, जातैँ इहां सम्यक्त्वमोहनी, मिश्रमोहनीय की उद्वेलना युक्तपनैँ तैँ अनंतानुबंधी रहितपने का अभाव है । बहुरि इकईस का बंध सहित च्यारिगति का सासादनविषैँ अठाईस का सत्त्व होतैँ मिथ्यात्व का उदय के अभाव तैँ नवकानैँ आदि दैकरि तीन उदयस्थान हैं ॥ ६८० ॥

**सत्तरसे अडचदुवीसे णवयचदुरुदयमिगिवीसे ।**

**णो पढमुदओ एवं, तिदुवीसे णंतिमस्सुदओ ॥ ६८१ ॥**

सप्तदशाष्टचतुर्विंशे नवकचतुष्कोदय एकविंशे ।

नो प्रथमोदय एवं, त्रिद्विंशे नांतिमस्योदयः ॥ ६८१ ॥

१४८ ]

[गोम्पटसार कर्मकाण्ड उत्तरार्द्ध गाथा- ६८१, ६८२, ६८३]

**टीका** — सतरह का बंध सहित च्यारिगति का जीव विषैँ अठाईस, चौईस का सत्त्व होतैँ नवकानैँ आदि दैकरि च्यारि-उदयस्थान हैं । तहां मिश्रविषैँ मिश्रमोहनी संयुक्त च्यारि-कूटनि तैँ उपजे तीन ही उदयस्थान हैं । असंयत विषैँ सम्यक्त्वमोहनी सहित वा रहित आठ-कूटनि तैँ उपजैँ— अैसे च्यारि उदय-स्थान हैं । बहुरि सतरह का बंधसहित इकईस का सत्त्व होतैँ, च्यारि-गति के असंयत विषैँ क्षायिक-सम्यक्त्वपने तैँ सम्यक्त्व-मोहनीय सहित च्यारि-कूटनि का अभाव तैँ, पहिला नव का उदयस्थान नाहीं ; आठकानैँ आदि दैकरि तीन ही हैं । बहुरि सतरह का बंधसहित तेवीस, बावीस का सत्त्व होतैँ, दर्शनमोहनीय की क्षपणासंयुक्त मनुष्य-वेदक-सम्यक्त्वी असंयत विषैँ सम्यक्त्व-मोहनीय का उदय सहित ही कूट हैं ; तातैँ अंत का छह का उदयस्थान नाहीं, नवकानैँ आदि दैकरि तीन ही हैं ॥ ६८१ ॥

**तेरणवे पुव्वंसे, अडादिचउ सगचउण्हमुदयाणं ।**

**सत्तरसं व विचारो, पणगुवसंते सगेसु दो उदया ॥ ६८२ ॥**

त्रयोदशनवमे पूर्वांशे, अष्टादिचतुष्कं सप्तचतुष्कमुदयानां ।

सप्तदशं व विचारः, पंचकोपशांते स्वकेषु द्वौ उदयौ ॥ ६८२ ॥

**टीका** — तेरह का बंधसहित तिर्यच-मनुष्य देशसंयत विषैँ, बहुरि नव का बंध सहित प्रमत्त-अप्रमत्त, दोऊ श्रेणी का अपूर्वकरण विषैँ सतरह का बंधसहित विषैँ सत्त्व कह्या । तिस सत्त्व कौँ होतैँ देशसंयत विषैँ आठकानैँ आदि दैकरि च्यारि, अवशेषनि विषैँ सातकानैँ आदि दैकरि च्यारि-च्यारि उदयस्थान हैं ।

इतना विशेष-इकईस का सत्त्व होतैँ तेरह का बंधसहित विषैँ तो पहला आठ का उदयस्थान नाहीं । नव का बंध सहित विषैँ सात का उदयस्थान नाहीं । बहुरि तेवीस, बावीस का सत्त्व होतैँ तेरह का बंध सहित विषैँ अंत का पांच का उदयस्थान नाहीं । नव का बंध सहित विषैँ च्यारि का उदयस्थान नाहीं । सो यहु विशेष विचार सतरह का बंध विषैँ जैसैँ क्षायिक वा दर्शनमोह का क्षपक-वेदक सम्यक्त्वी की अपेक्षा कह्या तैसैँ ही जानना । बहुरि उपशांत-कषाय विषैँ कहे, जे अठावीस, चौबीस, इकबीस का सत्त्व, तिनकौँ होतैँ पंच का बंध सहित अनिवृत्तिकरण विषैँ दोय का उदय है । बहुरि पांच वा च्यारि का बंध सहित विषैँ भी दोय का उदय है ॥ ६८२ ॥

सो कहिए हैं—

**तेणेवं तेरतिये, चदुबंधे पुव्वसत्तगेसु तहा ।**

**तेणुवसंतंसेयारतिए एक्को हवे उदओ ॥ ६८३ ॥**

तेनैव त्रयोदशत्रये, चतुर्बन्धे पूर्वसत्त्वकेषु तथा ।

तेनोपशांतांशे, एकादशत्रये एको भवेदुदयः ॥ ६८३ ॥

**टीका** - तीहिं पंच का बंध सहित क्षपक-अनिवृत्तिकरण विषैं तेरह, बारह, ग्यारह का सत्त्व होतैं तथा च्यारि का बंध सहित अठाईसकानैं आदि दैकरि तीन वा तेरहनै आदि दैकरि तीन का सत्त्व होतैं दोय का उदय है । बहुरि च्यारि का बंध सहित उपशांतकषाय विषैं कहे— अैसे अठाईसकानैं आदि दैकरि तीन का सत्त्व होतैं वा ग्यारहनै आदि दैकरि तीन का सत्त्व होतैं, अनिवृत्तिकरण विषैं एक का उदय है ॥ ६८३ ॥

**तिदुइगिबंधे अडचउरिगिवीसे चदुतिण ति दुगेण ।**

**दुगिसत्तेण य सहिदे, कमेण एक्को हवे उदओ ॥ ६८४ ॥**

त्रिद्वयेकबंधे अष्टचतुरेकविंशे चतुस्त्रिकेण त्रिद्विकेन ।

द्वयेकसत्त्वेन च सहिते, क्रमेणैको भवेदुदयः ॥ ६८४ ॥

**टीका** - तीन, दोय, एक का बंध सहित अनिवृत्तिकरण विषैं अठावीस, चौवीस, इकबीस का सत्त्व होतैं वा च्यारि, तीन का सत्त्व होतैं वा तीन, दोय का सत्त्व होतैं वा दोय, एक का क्रम तैं सत्त्व होतैं एक-एक ही का उदय है । “इहां नवक समय-प्रबद्ध की विवक्षा-अविवक्षा करि दोय, दोय प्रकार सत्त्व कहे हैं” ॥ ६८४ ॥

आगैं उदय, सत्त्व-आधार, बंध-आधेय कौं सात गाथानि करि कहैं हैं—

**दसगुदये अडवीसतिसत्ते बावीसबंध णवअट्टे ।**

**अडवीसे बावीसतिचउबंधो सत्तवीसदुगे ॥ ६८५ ॥**

दशकोदये अष्टविंशत्रिसत्त्वे द्वाविंशबंधो नवाष्ट के ।

अष्टविंशतौ द्वाविंशतित्रिचतुर्बंधः सप्तविंशद्विके ॥ ६८५ ॥

**टीका** - दश का उदय सहित अठावीसकानैं आदि दैकरि तीन का सत्त्व होतैं बाईस का ही बंध है । यहु मिथ्यादृष्टी सर्व मोहनीय का सत्त्व सहित वा सम्यक्त्व-मोहनी की उद्वेलना सहित वा मिश्रमोहनी की उद्वेलना सहित जानना । बहुरि नव का उदय सहित असंयतपर्यंत वा आठ का उदय सहित देशसंयत पर्यंत विषैं अठाईस का सत्त्व होतैं अनुक्रम तैं बाईसकानैं आदि दैकरि तीन अर च्यारि बंधस्थान हैं ॥ ६८५ ॥

बहुरि तिन ही विषैं सत्ताईस वा छब्बीस का सत्त्व होतैं कहैं हैं—

**बाबीसबंध चदुतिदुवीससे सत्तरसयददुगबंधो ।**

**अट्टुदये इगिवीसे, सत्तरबंधं विसेसं तु ॥ ६८६ ॥**

द्वाविंशबंधः चतुस्त्रिद्विंशांशे सप्तदशायातद्विकबंधः ।

अष्टोदये एकविंशे, सप्तदशबंधो विशेषस्तु ॥ ६८६ ॥

१५० ]

[गोम्मटसार कर्मकाण्ड उत्तरार्द्ध गाथा- ६८६, ६८७, ६८८

**टीका** - तहां बाईस ही का बंध है । बहुरि तिन पूर्वोक्त उदयसहित विषै, मिश्रविषै तौ चौईस का सत्त्व होतैं असंयत विषै चौईसकानैं आदि दैकरि तीन सत्त्व होतैं सतरह का बंध है । आठ का उदय सहित चौईसकानैं आदि दैकरि तीन-सत्त्व होतैं, देश-संयत विषै तेरह का बंध है । इकईस का सत्त्व होतैं क्षायिक-सम्यग्दृष्टी-असंयत विषै, सतरह का बंध है, विशेषकरि ॥ ६८६ ॥

**सत्तुदये अडवीसे, बन्धो बावीसपंचयंतेण ।**

**चउवीसतिगे अयदतिबंधो इगिवीसगयददुगबंधो ॥ ६८७ ॥**

सप्तोदये अष्टविंशे, बंधो द्वाविंशपंचकं तेन ।

चतुर्विंशत्रिके अयतत्रिबंध एकविंशे अयतद्विकबंधः ॥ ६८७ ॥

**टीका** - सात का उदय सहित अठाईस का सत्त्व होतैं बाईसकानैं आदि दैकरि पंच बंध-स्थान हैं ; जातैं अनंतानुबंधी रहित मिथ्यादृष्टि विषै, भय-जुगुप्सारहित, सासादन विषै, भय-जुगुप्सा विषै एककरि सहित मिश्रविषै, वेदक-सम्यग्दृष्टी-असंयतविषै, वेदक-उपशम-सम्यक्त्वी देश-संयत विषै, वेदक-सम्यक्त्वी प्रमत्त-अप्रमत्त विषै सात का उदय, अठाईस का सत्त्व संभवै है । बहुरि सात का उदय सहित चौईसकानैं आदि दैकरि तीन-सत्त्व होतैं, सतरहकानैं आदि दैकरि तीन बंध-स्थान हैं, जातैं चौबीस का सत्त्व-संयुक्त तौ भय-जुगुप्सा रहित मिश्र-असंयतविषै, तेईस-बाईस का सत्त्व-संयुक्त दर्शन-मोहक्षपणा प्रारंभक अर चौबीस का सत्त्व संयुक्त अनंतानुबंधी का सत्त्व रहित मनुष्य-असंयतादि च्यारि गुणस्थानवर्ती, तिनविषै सात का उदय संभवै है । बहुरि सात का उदय, इकईस का सत्त्व होतैं क्षायिक-सम्यग्दृष्टी च्यारि-गति का असंयत विषै सतरह का बंध है । देशसंयत-मनुष्य विषै तेरह का बंध है ॥ ६८७ ॥

**छप्पणउदये उवसंतंसे अयदतिगदेसदुगबंधो ।**

**तेण तिनोवीसंसे, देसदुणवबंधयं होदि ॥ ६८८ ॥**

षट्पंचोदये उपशांतांशे अयतत्रिकदेशद्विकबंधः ।

तेन त्रिद्विंशांशे, देशद्विनवबंधकं भवति ॥ ६८८ ॥

**टीका** - छह का उदय सहित अठाईस, चौईस, इकईस, का सत्त्व होतैं, सतरहनैं आदि दैकरि तीन बंधस्थान हैं । बहुरि पांच का उदयसहित तीन-तीन सत्त्व होतैं, तेरहनैं आदि दैकरि दोय बंधस्थान हैं; जातैं असंयतादिक पंचनि विषै छह का अर उपशम, क्षायिक-सम्यक्त्वी देश-संयतादिक च्यारि विषै पांच का उदय पाइए है । बहुरि छह का उदय सहित वेदक-सम्यग्दृष्टी विषै, मिथ्यात्व कौं खिपाइ तेवीस का सत्त्व होतैं, मिश्रमोहनी कौं खिपाइ बावीस का सत्त्व होतैं, देशसंयत विषै तेरह का बंध है । पांच का उदय सहित प्रमत्त-अप्रमत्त विषै नव का बंध है ॥ ६८८ ॥

चउरुदयुवसंतसे, णवबंधो दोण्णिउदयपुव्वंसे ।

तेरसतियसत्तेवि य, पण चउ ठाणाणि बंधस्स ॥ ६८९ ॥

चतुरुदयोपशांतांशे, नवबंधो द्विकोदयपूर्वांशे ।

त्रयोदशत्रिसत्त्वेऽपि च, पंचचतुः स्थानानि बंधस्य ॥ ६८९ ॥

टीका — च्यारि का उदय सहित दोऊ श्रेणी के अपूर्वकरण विषै, उपशांत-कषाय विषै पाइए— अइसै अठाईस, चौबीस, इकवीस, के सत्त्व होतैं नव का बंध है । बहुरि दोय का उदय सहित सवेद-अनिवृत्तिकरण विषै तिन तीन सत्त्व होतैं पुरुष-वेद का उदय का चरमसमयपर्यंत पांच का बंध है । नपुंसक, स्त्रीवेद का उदय सहित श्रेणी चद्दया, ताके तहां च्यारि का बंध हैं । बहुरि क्षपक-श्रेणी विषै आठ-कषाय, नपुंसक, स्त्रीवेद, पुरुषवेद का क्षपणरूप भागनि विषै इकईस, तेरह, बारह, ग्यारह का सत्त्व होतैं, पांच का बंध है । अन्य वेद का उदय सहित तेरह, बारह का सत्त्व होतैं, च्यारि का बंध है ॥ ६८९ ॥

एक्कुदयुवसंतसे, बंधो चदुरादिचारि तेणेव ।

एयारदु चदुबंधो, चदुरंसे चदुतियं बंधे ॥ ६९० ॥

एकोदयोपशांतांशे, बंधश्चतुरादिचत्वारस्तेनैव ।

एकादशद्विके चतुर्बंधः, चतुरंशे चतुस्त्रिको बंधः ॥ ६९० ॥

टीका — एक का उदयसहित अनिवृत्तिकरण-उपशमक विषै उपशांत-कषायोक्त अठाईस, चौबीस, इकईस के सत्त्व होतैं, च्यारिकानैं आदि दैकरि च्यारि-बंधस्थान हैं । बहुरि एक का उदय सहित ग्यारह, पांच का सत्त्व होतैं, च्यारि का बंध है । बहुरि एक का उदयसहित च्यारि का सत्त्व होतैं, च्यारि का वा तीन का बंध है ॥ ६९० ॥

तेण तिये त्तिदुबंधो, दुगसत्ते दोण्णि एक्कयं बंधो ।

एक्कंसे इगिबंधो, गयणं वा मोहणीयस्स ॥ ६९१ ॥

तेन त्रये त्रिद्विबंधो, द्विकसत्त्वे द्वौ एको बंधः ।

एकांशे एकबंधो, गगनं वा मोहनीयस्य ॥ ६९१ ॥

टीका — तीहिं एक का बंधसहित अनिवृत्तिकरण विषै तीन का सत्त्व होतैं तीन का वा दोय का बंध है । एक का उदय सहित दोय का सत्त्व होतैं दोय का वा एक का बंध हैं । एक ही का उदय वा सत्त्व होतैं एक ही का बंध है वा 'गगन' कहिए बंध का अभाव है । अइसै मोहनीय के त्रिसंयोग-भंग कहे ॥ ६९१ ॥

आगैं नाम-कर्म के स्थाननि का त्रिसंयोग कहे हैं—

णामस्स य बंधोदयसत्तद्वाणाण सव्वभंगा हु ।

पत्तेउत्तं व हवे, तियसंजोगेवि सव्वत्थ ॥ ६९२ ॥

नामश्च बंधोदयसत्त्वस्थानानां सर्वभंगा हि ।

प्रत्येकोक्तं व भवेयुस्त्रिकसंयोगेऽपि सर्वत्र ॥ ६९२ ॥

टीका - नामकर्म के बंध, उदय, सत्त्व-स्थाननि के सर्व-भंग— जैसे प्रत्येक जुदे-जुदे कथन विषैं पूर्वे कहे थे, तैसें ही त्रिसंयोगी विषैं भी सर्वत्र भंग हैं, जैसे प्रगट जानना ॥ ६९२ ॥

छण्णवच्छत्तियसगइगि, दुगतिगदुग तिण्णिअट्टुचत्तारि ।

दुगदुगचदु दुगपणचदु चदुरेयचदू पणेयचदू ॥ ६९३ ॥

एगेगमट्टु एगेगमट्टु चदुमट्टु केवलिजिणाणं ।

एगचदुरेगचदुरे, दोचदु दोछक्क बंधउदयंसा ॥ ६९४ ॥ जुम्मं ।

षट्ठवषट्ठ त्रिकसप्तै, कं द्विकत्रिकद्विकं त्रिकाष्टचत्वारि ।

द्विकद्विकचतुष्कं द्विकपंचचतुष्कं चतुरेकचतुष्कं पंचैकचतुष्कं ॥ ६९३ ॥

एकैकाष्ट एकैकाष्ट चतुरष्ट केवलिजिनानां ।

एकचतुष्कमेकचतुष्कं, द्विचतुष्कं द्विषट्कं बंधोदयांशाः ॥ ६९४ ॥

टीका - तिस नामकर्म के बंधस्थान, उदयस्थान, सत्त्वस्थान अनुक्रम तैं गुणस्थाननि विषैं-मिथ्यादृष्टि विषैं तौ छह, नव, छह ; सासादन विषैं तीन, सात, एक ; मिश्र विषैं दोय, तीन, दोय ; असंयत विषैं तीन, आठ, च्यारि ; देशसंयत विषैं दोय, दोय, च्यारि, प्रमत्त विषैं, दोय, पांच, च्यारि, अप्रमत्त विषैं च्यारि, एक च्यारि, अपूर्वकरण विषैं पांच, एक, च्यारि ; अनिवृत्तिकरण विषैं एक, एक, आठ ; सूक्ष्मसांपराय विषैं भी एक, एक, आठ हैं । ऊपरि बंध का तौ अभाव है । उदय, सत्त्व-स्थान ही उपशांत-कषाय विषैं एक, च्यारि ; क्षीणकषाय विषैं एक, च्यारि ; सयोगी विषैं दोय, च्यारि ; अयोगी विषैं दोय, छह जानने ॥ ६९३-६९४ ॥

णामस्स य बंधोदयसत्ताणि गुणं पडुच्च उताणि ।

पत्तेयादो सव्वं, भणिदव्व अत्थजुत्तीए ॥ ६९५ ॥

नामश्च बंधोदयसत्त्वानि गुणं प्रतीत्योक्तानि ।

प्रत्येकात्सर्वं, भणितव्यमर्थयुक्तया ॥ ६९५ ॥

टीका - नामकर्म के बंध, उदय, सत्त्व-स्थान गुणस्थाननि विषैं कहे, तेई प्रत्येक जुदे-जुदे अर्थ की युक्तिकरि सर्व कहिए हैं ॥ ६९५ ॥



तेवीसादी बंधा, इगिवीसादीणि उदयठाणाणि ।

बाणउदादी सत्तं, बंधा पुण अट्टवीसतियं ॥ ६९६ ॥

त्रयोविंशदयो बंधा, एकविंशदीनि उदयस्थानानि ।

द्वानवत्यादि सत्त्वं, बंधाः पुनः अष्टविंशत्रयं ॥ ६९६ ॥

टीका - मिथ्यादृष्टि विषै बंधस्थान तेवीसकानै आदि दैकरि छह हैं । उदयस्थान इकवीस का आदि नव हैं अर सत्त्वस्थान बाणवै का आदि छह हैं । बहुरि सासादन विषै बंधस्थान अठाईस का आदि तीन हैं ॥ ६९६ ॥

इगिवीसादीएक्कत्तीसंता सत्तअट्टवीसूणा ।

उदया सत्तं णउदी, बंधा पुण अट्टवीसदुगं ॥ ६९७ ॥

एकविंशाद्येकत्रिंशदंताः सप्ताष्टविंशोनाः ।

उदयाः सत्त्वं नवतिर्बंधाः पुनः अष्टविंशद्विकं ॥ ६९७ ॥

टीका - उदयस्थान इकवीस का आदि सत्ताईस, अठाईस का बिना इकतीस का पर्यंत सात हैं । सत्त्वस्थान निवै का ही है । बहुरि मिश्र विषै बंधस्थान अठाईस का आदि दोय हैं ॥ ६९७ ॥

एगुणतीसत्तिदयं, उदयं बाणउदिणउदियं सत्तं ।

अयदे बंधदुणं, अट्टवीसत्तियं होदि ॥ ६९८ ॥

एकोनत्रिंशत्त्रितयमुदयो द्वानवतिनवतिकं सत्त्वं ।

अयते बंधस्थानमष्टाविंशत्रयं भवति ॥ ६९८ ॥

टीका - उदयस्थान गुणतीस का आदि तीन हैं । सत्त्वस्थान बाणवै आदि दोय हैं । बहुरि असंयत विषै बंध-स्थान अठाईस का आदि तीन हैं ॥ ६९८ ॥

उदया चउवीसूणा, इगिवीसप्पहुदिएक्कत्तीसंता ।

सत्तं पढमचउक्कं, अपुव्वकरणोत्ति णायव्वं ॥ ६९९ ॥

उदयाश्चतुर्विंशोना, एकविंशप्रभृत्येकत्रिंशदंताः ।

सत्त्वं प्रथमचतुष्कमपूर्वकरण इति ज्ञातव्यं ॥ ६९९ ॥

टीका - उदयस्थान इकवीस का आदि चौबीस के बिना इकतीसपर्यंत आठ हैं, जातै चौबीस के स्थान का उदय एकेन्द्री ही कै हैं । सत्त्वस्थान तरेणवै का आदि च्यारि हैं । एई च्यारि-च्यारि सत्त्वस्थान अपूर्वकरणपर्यंत जानने ॥ ६९९ ॥

अडवीसदुगं बंधो, देसे पमदे य तीसदुगमुदओ ।

पणवीससत्त्वीसप्पहुदीचत्तारि ठाणाणि ॥ ७०० ॥

अष्टाविंशद्विकं बंधो, देशे प्रमत्ते च त्रिंशद्विकमुदयः ।

पंचविंशसप्तविंशप्रभृतिचत्वारि स्थानानि ॥ ७०० ॥

टीका - देश-संयत विषै बंधस्थान अठाईसका आदि दोय हैं । उदयस्थान तीस का आदि दोय हैं । सत्त्व-स्थान असंयतवत् च्यारि हैं । बहुरि प्रमत्त विषै बंधस्थान देशसंयतवत् दोय हैं । उदयस्थान पचीस का अर सत्ताईसकानै आदि दैकरि च्यारि— अिसै पांच हैं । सत्त्वस्थान च्यारि ही हैं ॥ ७०० ॥

अपमत्ते य अपुव्वे, अडवीसादीण बंधमुदओ दु ।

तीसमणियट्टिसुहुमे, जसकित्ती एक्कयं बंधो ॥ ७०१ ॥

अप्रमत्ते चापूर्वे अष्टाविंशादीनां बंध उदयस्तु ।

त्रिंशदनिवृत्तिसूक्ष्मयोर्यशस्कीतिरेका बंध ॥७०१ ॥

टीका - अप्रमत्त, अपूर्वकरण विषै बंधस्थान अठाईसकानै आदि दैकरि च्यारि अर पांच क्रम तै जानने । उदयस्थान तीस ही का जानना । सत्त्वस्थान असंयतवत् च्यारि जानने । बहुरि अनिवृत्तिकरण, सूक्ष्म-सांपराय विषै बंधस्थान एक यशस्कीर्ति रूप ही है ॥ ७०१ ॥

उदओ तीसं सत्तं, पढमचउक्कं च सीदिचउ संत्ते ।

खीणे उदओ तीसं, पढमचऊ सीदिचउ सत्तं ॥ ७०२ ॥

उदयस्त्रिंशत सत्त्वं, प्रथमचतुष्कं चाशीतिचतुष्कं शांते ।

क्षीणे उदयस्त्रिंशत्प्रथमचतुष्कमशीतिचतुष्कं सत्त्वं ॥ ७०२ ॥

टीका - उदयस्थान तीस ही का है । सत्त्वस्थान तिरेणवैकानै आदि दैकरि च्यारि अर असीकानै आदि दैकरि च्यारि— अिसै आठ हैं । उपशांत-कषाय, क्षीणकषाय विषै उदयस्थान तीस ही का है । सत्त्वस्थान, उपशांतकषाय विषै तरेणवै का आदि च्यारि अर क्षीणकषाय विषै असी का आदि च्यारि हैं ॥ ७०२ ॥

जोगिम्मि अजोगिम्मि य, तीसिगितीसं णवट्टयं उदओ ।

सीदादिचऊक्कं, कमसो सत्तं समुद्धिट्ठं ॥ ७०३ ॥

योगिन्ययोगिनि च, त्रिंशदेकत्रिंशन्नवाष्टकमुदयः ।

अशीत्यादिचतुःषट्कं, क्रमशः सत्त्वं समुद्धिट्ठं ॥ ७०३ ॥

टीका - सयोगी, अयोगी विषैँ क्रम तैँ उदयस्थान तीस, इकतीस के दोय अर नव, अष्ट के दोय जानने । सत्त्वस्थान असी का आदि च्यारि, छह जानने । सयोगी विषैँ बंध ० ; उदय ३०, ३१ ; सत्त्व ८०, ७९, ७८, ७७ । अयोगी विषैँ बंध ०, उदय ९ । ८ । सत्त्व ८०, ७९, ७८, ७७, १० । ९ ॥ ७०३ ॥

आगैँ चउदह-जीवसमासनि विषैँ कहैँ हैं—

पणदोपणगं पणचदुपणगं बंधुदयसत्त पणगं च ।

पणछक्कपणगछ्छक्कपणगमट्टुमेयारं ॥ ७०४ ॥

सत्तेव अपज्जत्ता, सामी सुहुमो य बादरो चेव ।

वियलिंदिया य तिविहा, होन्ति असण्णी कमा सण्णी ॥७०५ ॥ जुम्म ।

पंचद्विपंचकं पंचचतुः पंचकं बंधोदयसत्त्वं पंचकं च ।

पंचषट्पंचकं षट्षट्पंचकमष्टाष्टैकादश ॥ ७०४ ॥

सप्तैवापर्याप्ताः, स्वामिनः सूक्ष्मश्च बादरश्चैव ।

विकलेन्द्रियाश्च त्रिविधा, भवंत्यसंज्ञिनः क्रमात्संज्ञिनः ॥ ७०५ ॥ युग्मम् ।

टीका - अपर्याप्त सात जीवसमासनि विषैँ बंध, उदय, सत्त्व-स्थान अनुक्रम तैँ पांच, दोय, पांच, अर सर्व सूक्ष्म-जीवनि विषैँ पांच, च्यारि, पांच अर सर्व वादर-जीवनि विषैँ पांच, पांच, पांच अर विकलत्रय विषैँ पांच, छह, पांच ; असंज्ञी विषैँ छह, छह, पांच ; संज्ञी विषैँ आठ, आठ, ग्यारह जानने ॥ ७०४-७०५ ॥

तैँ कौन ? सो कहैँ हैं—

बंधा तियपणछण्णववीसत्तीसं अपुण्णगे उदओ ।

इगिचउवीसं इगिछव्वीसं थावरतसे कमसो ॥ ७०६ ॥

बंधान्त्रिकपंचषण्णव, विंशत्रिंशदपूर्ण के उदयः ।

एकचतुर्विंश एकषड्विंश स्थावरत्रसे क्रमशः ॥ ७०६ ॥

टीका - अपर्याप्तक सात जीव-समासनि विषैँ बंध-स्थान तेईस, पचीस, छब्बीस, गुणतीस, तीस के पंच हैं । उदय-स्थान स्थावर-लब्धि-अपर्याप्तकनि विषैँ तौ इकईस, चौबीस के दोय हैं । त्रस-लब्धि-अपर्याप्तकनि विषैँ इकवीस, छबीस के दोय हैं ॥ ७०६ ॥

बाणउदीणउदिचऊ, सत्तं एमेव बंधयं अंसा ।

सुहुमिदरे वियलतिये, उदया इगिवीसयादिचउपणयं ॥ ७०७ ॥

द्वानवतिनवतिचतुष्कं, सत्त्वमेवमेव बंधकोऽशाः ।

सूक्ष्मेतरयोर्विकलत्रये, उदया एकविंशकादिचतुः पंचकं ॥ ७०७ ॥

१५६ ]

[गोम्पटसार कर्मकाण्ड उत्तरार्द्ध गाथा- ७०८, ७०९, ७१०, ७११

टीका - सत्त्वस्थान बाणवै का अर निवैकानै आदि दैकरि च्यारि— औसैं पांच हैं। बहुरि सूक्ष्म, बादर अर विकलत्रय इनिविषैं बंधस्थान अर सत्त्वस्थान तौ औसैं ही अपर्याप्तवत् जानने। उदयस्थान सूक्ष्मविषैं इकईसकानै आदि दैकरि च्यारि हैं। बादर विषैं पांच हैं ॥ ७०७ ॥

**इगिछक्कडणववीसत्ती, सिगितीसं च वियलठाणं वा ।**

**बंधतियं सण्णदरे, भेदो बंधदि हु अडवीसं ॥ ७०८ ॥**

एकषट्काष्टनवविंश, त्रिंशदेकत्रिंशच्च विकलस्थानं वा ।

बंधत्रयं संज्ञीतरस्मिन्, भेदो बंधाति हि अष्टाविंशं ॥ ७०८ ॥

टीका - विकलत्रय विषैं उदयस्थान इकवीस, छबीस, अठाईस, गुणतीस, तीस, इकतीस के पांच हैं। बहुरि असंज्ञी विषैं बंध, उदय, सत्त्वस्थान विकलत्रयवत् जानने। विशेष इतना— जो असंज्ञी अठाईस के कौं भी बांधैं; तातैं बंधस्थान छह हैं ॥ ७०८ ॥

**सण्णम्मि सव्वबंधो, इगिवीसप्पहुदिएक्कतीसंता ।**

**चउवीसूणा उदओ, दसणवपरिहीणसव्वयं सत्तं ॥ ७०९ ॥**

संज्ञिनि सर्वबंध, एकविंशप्रभृत्येकत्रिंशदंताः ।

चतुर्विंशोना उदयो, दशनवपरिहीनसर्वकं सत्त्वं ॥ ७०९ ॥

टीका - संज्ञी विषैं बंधस्थान सर्व ही आठ हैं। उदयस्थान इकवीसकानै आदि दैकरि चौबीस के बिना इकतीस के पर्यंत आठ हैं। सत्त्वस्थान दश का, नव का बिना सर्व ग्यारह हैं ॥ ७०९ ॥

आगैं चौदह-मार्गणानि विषैं कहैं हैं—

**दोछक्कडुचउक्कं, णिरयादिसु णामबंधठाणाणि ।**

**पणणवएगारपणयं, तिपंचबारसचउक्कं च ॥ ७१० ॥**

द्विषट्काष्टचतुष्कं, निरयादिषु नामबंधस्थानानि ।

पंचनवैकादशपंचकं, त्रिपंचद्वादशचतुष्कं च ॥ ७१० ॥

टीका - नारक आदि च्यारि-गतिनि विषैं क्रम तैं नामकर्म के बंधस्थान दोय, छह, आठ, च्यारि; उदयस्थान पांच, नव, ग्यारह, पांच; सत्त्वस्थान के तीन, पांच, बारह, च्यारि जानने ॥ ७१० ॥

इंद्रियमार्गणा विषैं कहैं हैं—

**एगे वियले सयले, पण पण अड पंच छक्केगार पणं ।**

**पणतेरं बंधादी, सेसादेसेवि इदि णेयं ॥ ७११ ॥**

एके विकले सकले, पंच, पंचाष्ट पंच षट्कैकादश पंच ।  
पंचत्रयोदश बंधादीनि, शेषादेशेऽपीति ज्ञेयं ॥ ७११ ॥

टीका - एकेन्द्री, विकलेन्द्री, पंचेन्द्री विषै क्रम तै बंधस्थान पंच ; पंच, आठ हैं । उदयस्थान पांच, छह, ग्यारह हैं । सत्त्वस्थान पांच-पांच, तेरह हैं । जैसे ही अवशेष कायादिक मार्गणानि विषै जानने ॥ ७११ ॥

ते कौन ? सो कहै हैं—

णिरयादिणामबंधा, उगुतीसं तीसमादिमं छक्कं ।

सर्वं पणछक्कुत्तरवीसुगुतीसंदुगं होदि ॥ ७१२ ॥

निरयादिनामबंधा, एकोनत्रिंशत् त्रिंशदादिमं षट्कं ।

सर्वं पंचषट्कोत्तर, विंशैकोनत्रिंशद्विकं भवति ॥ ७१२ ॥

टीका - नामकर्म के बंधस्थान नरकगति विषै गुणतीस वा तीस के दोय हैं । तिर्यचगति विषै आदि के तेईसकानै आदि दैकरि छह हैं । मनुष्यगति विषै सर्व हैं । देवगति विषै पचीस, छबीस, गुणतीस, तीस के च्यारि हैं ॥ ७१२ ॥

उदया इगिपणसगअडणववीसं एक्कवीसपहुदिणवं ।

चउवीसहीणसर्वं इगिपणसगअट्टणववीसं ॥ ७१३ ॥

उदया एकपंचसप्ताष्ट, नवविंशभेकविंशप्रभृतिनव ।

चतुर्विंशहीनं सर्वं, मेकपंचसप्ताष्टनवविंश ॥ ७१३ ॥

टीका - उदयस्थान नरकगति विषै इक्कीस, पचीस, सत्ताईस, अठाईस, गुणतीस के पांच हैं । तिर्यचगति विषै इक्कीसकानै आदि दैकरि नव हैं । मनुष्यगति विषै चौवीस के बिना सर्व हैं । देवगति विषै इक्कीस, पचीस, सत्ताइस, अठाईस, गुणतीस के पंच हैं ॥ ७१३ ॥

सत्ता बाणउदितियं, बाणउदीणउदिअट्टसीदितियं ।

बासीदिहीणसर्वं, तेणउदिचउक्कयं होदि ॥ ७१४ ॥

सत्ता द्वानवतित्रयं, द्वानवतिनवत्यष्टाशीतित्रयं ।

द्वयशीतिहीनसर्वं, त्रिनवतिचतुष्कं भवति ॥ ७१४ ॥

टीका - सत्त्वस्थान नरकगति विषै बाणवैकानै आदि दैकरि तीन हैं । तिर्यचगति विषै बाणवै, निव्वै कै अर अठासीकानै आदि दैकरि तीन— जैसे पांच हैं । मनुष्यगति विषै वियासी का बिना सर्व हैं । देवगति विषै तरेणवै का आदि च्यारि हैं ॥ ७१४ ॥

इगिविगल बंधठाणं, अडवीसूणं तिवीसछक्कं तु ।

सयलं सयले उदया, एगे इगिवीसपंचयं वियले ॥ ७१५ ॥

एकविकले बंधस्थान, मष्टाविंशोनं त्रयोविंशदकं तु ।

सकलं सकले उदया, एकस्मिन्नेकविंशपंचकं विकले ॥ ७१५ ॥

टीका - इंद्रिय-मार्गणा विषै बंधस्थान एकेन्द्री, विकलेन्द्री विषै अठाईस का बिना तेवीसकानै आदि दैकरि छह हैं । पंचेन्द्री विषै सर्व हैं । बहुरि उदयस्थान एकेन्द्री विषै इकईसकानै आदि दैकरि पांच हैं ॥ ७१५ ॥

इगिछक्कडणववीसं, तीसदु चउवीसहीणसव्वुदया ।

णउदिचऊ बाणउदी, एगे वियले य सव्वयं सयले ॥ ७१६ ॥

एकषट्काष्टनवविंशं, त्रिंशद्विकं चतुर्विंशहीनं सर्वमुदयाः ।

नवतिचतुष्कं द्वानवतिः, एके विकले च सर्व सकले ॥ ७१६ ॥

टीका - विकलेन्द्री विषै इकईस, छवीस, अठाईस, गुणतीस, तीस, इकतीस के छह हैं । पंचेन्द्री विषै चौवीस के बिना सर्व हैं । बहुरि सत्त्वस्थान एकेन्द्री, विकलत्रय विषै बाणवै, निब्बे, अट्टासी, चौरासी, वियासी के हैं । पंचेन्द्री विषै सर्व हैं ॥ ७१६ ॥

पुढवीयादीपंचसु, तसे कमा बंधउदयसत्ताणि ।

एयं वा सयलं वा, तेउदुगे णत्थि सगवीसं ॥ ७१७ ॥

पृथिव्यादिपंचसु, त्रसे क्रमात् बंधोदयसत्त्वानि ।

एकं वा सकलं वा, तेजोद्विके नास्ति सप्तविंशं ॥ ७१७ ॥

टीका - कायमार्गणा विषै पृथ्वी आदि पांच स्थावरनि विषै बंध, उदय, सत्त्वस्थान एकेन्द्रीवत् जानने । त्रस विषै पंचेन्द्रीवत् जानने । विशेष इतना तेज, वातकायिक विषै सत्ताईस के का उदय नाही ; जातै सत्ताईस का आतप वा उद्योत सहित है, सो इनका इनकै उदय नाही ॥ ७१७ ॥

मणिवचि बंधुदयंसा, सव्वं णववीसतीसइगितीसं ।

दसणवदुसीदिवज्जिदसव्वं ओरालतम्मिस्से ॥ ७१८ ॥

मनोवचसोर्बधोदयांशाः, सर्वं नवविंशत्रिंशदेकत्रिंशत् ।

दशनवद्वयशीतिवर्जितं, सर्वमौरालतन्मिश्रे ॥ ७१८ ॥

टीका - योगमार्गणा विषै मन, वचन-योग विषै तौ प्रत्येक बंधस्थान सर्व हैं । उदयस्थान गुणतीस, तीस, इकतीस के तीन हैं । सत्त्वस्थान दश का, नव का, बियासी का बिना सर्व हैं ॥ ७१८ ॥

सर्वं तिवीसछक्कं, पणुवीसादेक्कतीसपेरंतं ।

चउछक्कसत्तवीसं, दुसु सर्वं दसयणवहीणं ॥ ७१९ ॥

सर्वं त्रयोविंशषट्कं, पंचविंशदेकत्रिंशत्पर्यंतं ।

चतुःषट्कसप्तविंशं, द्वयोः सर्वं दशकनवहीनं ॥ ६१९ ॥

टीका - औदारिक विषै बंधस्थान सर्व हैं । औदारिक-मिश्र विषै तेवीसकानै आदि दैकरि बंधस्थान छह हैं । बहुरि उदयस्थान औदारिक विषै पचीसकानै आदि दैकरि इकतीस का पर्यंत सात हैं । औदारिक-मिश्र विषै चौबीस, छबीस, सत्ताईस के तीन उदयस्थान हैं । सत्त्वस्थान औदारिक वा औदारिक-मिश्र विषै दश का, नव का बिना सर्व हैं ॥ ७१९ ॥

वेगुव्वे तम्मिस्से, बंधंसा सुरगदीव उदयो दु ।

सगवीसतियं पणजुद, वीसं आहारतम्मिस्से ॥ ७२० ॥

वैगूर्वे तम्मिश्रे, बंधांशाः सुरगतिरिवोदयस्तु ।

सप्तविंशत्रयं पंच, युतविंशमाहारतम्मिश्रे ॥ ७२० ॥

टीका - वैक्रियिक वा वैक्रियिक-मिश्र विषै बंधस्थान, सत्त्वस्थान तौ देवगतिवत् जानने । बहुरि उदयस्थान सत्ताईस का आदि तीन हैं । अर मिश्र विषै पचीस ही का है ॥ ७२० ॥

बंधतियं अडवीसदु, वेगुव्वं वा तिणउदिबाणउदी ।

कम्मे वीसदुगुदओ, ओरालियमिस्सयं व बंधंसा ॥ ७२१ ॥

बंधत्रयमष्टाविंश, द्विकं वैगूर्वं वा त्रिनवतिद्वानवती ।

कर्मणि विंशद्विकोदय, औरालिकमिश्रकं च बंधांशाः ॥ ७२१ ॥

टीका - आहारक, आहारकमिश्र विषै बंधस्थान अठाईस, गुणतीस के दोय हैं । उदयस्थान वैक्रियिकवत् सत्ताईस का आदि तीन हैं अर मिश्र विषै पचीस का ही है अर सत्त्वस्थान तरेणवै, बाणवै के दोय हैं । बहुरि कार्माण विषै उदयस्थान बीस, इकईस के दोय हैं । बंधस्थान, सत्त्वस्थान औदारिक-मिश्रवत् हैं ॥ ७२१ ॥

वेदकसाये सर्व्वं, इगिवीसणवं तिणउदिक्कारं ।

थीपुरिसे चउवीसं, सीदडसदरी ण थीसंढे ॥ ७२२ ॥

वेदकषाये सर्वमेकविंशानवं त्रिनवत्येकादश ।

स्त्रीपुरुषे चतुर्विंशमशीत्यष्टसप्तती न स्त्रीषंढे ॥ ७२२ ॥

टीका - वेद वा कषायमार्गणा विषै बंधस्थान सर्व हैं । उदयस्थान इकवीसकानै आदि दै करि नव हैं । सत्त्वस्थान तरैणवैकानै आदि दैकरि ग्यारह हैं । इतना विशेष स्त्री, पुरुष वेदविषै

१६० ]

[ गोमटसार कर्मकाण्ड उत्तरार्द्ध गाथा- ७२३, ७२४, ७२५, ७२६

चौबीस के का उदय नहीं ; जातैं ताका एकेन्द्री विषै ही उदय है । बहुरि स्त्री, नपुंसकवेद विषै अस्सी, अठत्तरि के दोय सत्त्व नाही ; जातैं तीर्थकर-सत्त्व का धारी पुरुषवेद सहित ही क्षपकश्रेणी चढै है ॥ ७२२ ॥

**अण्णाणदुगे बंधो, आदीछ णउंसयं व उदयो दु ।**

**सत्तं दुणउदिछक्कं, विभंगबंधा हु कुमदि व ॥ ७२३ ॥**

अज्ञानद्विके बंध, आदि षट् नपुंसकं व उदयस्तु ।

सत्त्वं द्विनवतिषट्कं, विभंगबंधा हि कुमतिर्व ॥ ७२३ ॥

**टीका** - ज्ञानमार्गणा विषै कुमति, कुश्रुति विषै बंधस्थान तेईसकानैं आदि दैकरि छह हैं । उदयस्थान नपुंसकवेदवत् नव हैं । सत्त्वस्थान बाणवै का आदि छह हैं । बहुरि विभंग विषै बंधस्थान तौ कुमतिवत् हैं ॥ ७२३ ॥

**उदया उणतीसतियं, सत्ता णिरयं व मदिसुदोहीए ।**

**अडवीसपंच बंधा, उदयो पुरिसं व अट्टेव ॥ ७२४ ॥**

उदया एकोनत्रिंशत्तयं, सत्ता निरयं व मतिश्रुतावधिषु ।

अष्टाविंशपंचबंधा, उदयाः पुरुषो व अष्टैव ॥ ७२४ ॥

**टीका** - उदयस्थान गुणतीसकानैं आदि दैकरि तीन हैं । सत्त्वस्थान नरकगतिवत् हैं । बहुरि मति, श्रुत, अवधि विषै बंध-स्थान अठाईसकानैं आदि दैकरि पांच हैं । उदयस्थान पुरुषवेदवत् आठ हैं ॥ ७२४ ॥

**पढमचऊसीदिचऊ, सत्तं मणपज्जवमिह बंधंसा ।**

**ओहिं व तीसमुदयं, ण हि बंधो केवले णाणे ॥ ७२५ ॥**

प्रथमचतुष्कमशीतिचतुष्कं, सत्त्वं मनःपर्यये बंधांशाः ।

अवधिरिव त्रिंशदुदयो, नहि बंधः केवलेज्ञाने ॥ ७२५ ॥

**टीका** - सत्त्वस्थान तरेणवै का आदि च्यारि, असी का आदि च्यारि— अिसैं आठ हैं । बहुरि मनःपर्यय विषै बंधस्थान, सत्त्वस्थान अवधिज्ञानवत् हैं । उदयस्थान तीस ही का है । बहुरि केवलज्ञान विषै बंध नाही हैं ॥ ७२५ ॥

**उदयो सव्वं चउपण, वीसूणं सीदिछक्कयं सत्तं ।**

**सुदमिव सामयियदुगे, उदओ पणुवीससत्तवीसचऊ ॥ ७२६ ॥**

उदयः सर्वं चतुःपंचविंशोनमशीतिषट्कं सत्त्वं ।

श्रुतमिव सामायिकद्विके, उदयः पंचविंशसप्तविंशचतुष्कं ॥ ७२६ ॥



टीका - उदयस्थान चौबीस, पचीस के बिना सर्व हैं। सत्त्वस्थान असी का आदि छह हैं। बहुरि संयम-मार्गणा विषै सामायिक, छेदोपस्थापन विषै बंधस्थान, सत्त्वस्थान श्रुतज्ञानवत् है। उदयस्थान पचीस का अर सत्ताईस का आदि च्यारि— अैसे पांच हैं ॥ ७२६ ॥

परिहारे बंधतियं, अडवीसचऊ य तीसमादिचऊ ।

सुहुमे एक्को बंधो, मणं व उदयंसठाणाणि ॥ ७२७ ॥

परिहारे बंधत्रय, मष्टाविंशचतुष्कं च त्रिंशमादिचतुष्कं ।

सूक्ष्मे एको बंधो, मनो व उदयांशस्थानानि ॥ ७२७ ॥

टीका - परिहार-विशुद्धी विषै बंध, उदय, सत्त्व, क्रम तैं अठाईसकानैं आदि दैकरि च्यारि का बंध अर उदय तीस ही का अर तरेणवै का आदि च्यारि का सत्त्व जानना। बहुरि सूक्ष्मसांपराय विषै बंध एक का ही है। उदय, सत्त्व मनः पर्यय-ज्ञानवत् हैं ॥ ७२७ ॥

जहखादे बंधतियं, केवलयं वा तिणउदिचउ अत्थि ।

देसे अडवीसदुगं, तीसदु तेणउदिचारि बंधतियं ॥ ७२८ ॥

यथाख्याते बंधत्रयं, केवलं वा त्रिनवतिचतुष्कमस्ति ।

देशे अष्टाविंशद्विकं, त्रिंशद्विकं त्रिनवतिचत्वारि बंधत्रयं ॥ ७२८ ॥

टीका - यथाख्यात विषै बंध, उदय, सत्त्व केवलज्ञानवत् हैं। विशेष इतना— सत्त्व तरेणवै का आदि च्यारि का भी पाइए है। बहुरि देशसंयत विषै बंधादिक तीन क्रम तैं अठाईस का आदि दोय का बंध अर तीस आदि दोय का उदय अर तरेणवै का आदि च्यारि का सत्त्व है ॥ ७२८ ॥

अविरमणे बंधुदया, कुमदिं व तिणउदिसत्तयं सत्तं ।

पुरिसं वा चक्खिदरे, अत्थि अचक्खुम्मि चउवीसं ॥ ७२९ ॥

अविरमणे बंधोदयाः, कुमतिर्व त्रिनवतिसप्तकं सत्त्वं ।

पुरुषं वा चक्षुरितरयो, रस्ति अचक्षुषि चतुर्विंश ॥ ७२९ ॥

टीका - असंयत विषै बंध, उदयस्थान कुमति-ज्ञानवत् है। सत्त्वस्थान तरेणवै का आदि सात हैं।

बहुरि दर्शन-मार्गणा विषै चक्षु-अचक्षु विषै बंध, उदय, सत्त्व पुरुषवेदवत् हैं। विशेष इतना अचक्षुदर्शन विषै चौबीस के का भी उदय है ॥ ७२९ ॥

ओहिदुगे बंधतियं, तण्णाण वा किलिट्टेलेस्सतिये ।

अविरमणं वा सुहजुग, लुदओ पुंवेदयं व हवे ॥ ७३० ॥

अडवीसचऊ बंधा, पणछव्वीसं च अत्थि तेउम्मि ।

पढमचउक्कं सत्तं, सुक्के ओहिं व वीसयं चुदओ ॥ ७३१ ॥ जुम्मं ।

अवधिद्विके बंधत्रयं, तज्ज्ञानं वा क्लिष्टलेश्यत्रये ।

अविरमणं वा शुभयुगुलोदयः पुंवेदको व भवेत् ॥ ७३० ॥

अष्टाविंशचत्वारो बंधाः, पंचषड्विंश चास्ति तेजसि ।

प्रथमचतुष्कं सत्त्वं, शुक्लायामवधिर्वं विंशकं चोदयः ॥ ७३१ ॥ युग्मं ।

टीका - अवधि वा केवल-दर्शन विषै बंध, उदय, सत्त्व अवधि-केवलज्ञानवत् जानने ।

बहुरि लेश्या-मार्गणा विषै कृष्णादिक तीन विषै तौ बंध, उदय, सत्त्वस्थान असंयतवत् हैं । तेजः पद्म विषै उदयस्थान पुरुषवेदवत् हैं । बंधस्थान पद्म विषै अठाईसकानै आदि दैकरि च्यारि हैं । तेज विषै ते च्यारि अर पचीस, छबीस के— अिसै छह हैं । सत्त्वस्थान दोऊनि विषै आदि के च्यारि हैं । बहुरि शुक्लेश्या विषै बंध, उदय, सत्त्व अवधिज्ञानवत् हैं । विशेष इतना— तहां बीस के का भी उदय है ॥ ७३०-७३१ ॥

भव्वे सव्वमभव्वे, बंधुदया अविरदव्व सत्तं तु ।

णउदिचउ हारबंधण, दुगहीणं सुदमिवुवसमे बंधो ॥ ७३२ ॥

भव्वे सर्वमभव्वे, बंधोदया अविरत इव सत्त्वं तु ।

नवतिचतुष्कमाहारबंधन, द्विकहीनं श्रुतमिवोपशमे बंधः ॥ ७३२ ॥

टीका - भव्य-मार्गणा विषै बंध, उदय, सत्त्वस्थान सर्व ही हैं । अभव्य-मार्गणा विषै बंध, उदय तौ असंयमवत् जानने । सत्त्वस्थान निवैकानै आदि दैकरि च्यारि जानने अर बंध विषै उद्योतसहित तीस का है, आहारक-द्विकसहित तीस का बंध नाही हैं— इतना विशेष है । बहुरि सम्यक्त्वमार्गणा विषै उपशम-सम्यक्त्व विषै तौ बंधस्थान श्रुतज्ञानवत् हैं ॥ ७३२ ॥

उदया इगिपणवीसं, णववीसतियं च पढमचउ सत्तं ।

उवसम इव बंधंसा, वेदगसम्मे ण इगिबंधो ॥ ७३३ ॥

उदया एकपंचविंशं, नवविंशत्रयं च प्रथमचतुष्कं सत्त्वं ।

उपशम इव बंधांशा, वेदकसम्ये नैकबंधः ॥ ७३३ ॥

टीका - उदयस्थान इकईस, पचीस के अर गुणतीसकेनै आदि दैकरि तीन— अिसै पांच हैं । सत्त्वस्थान तरेणवै का आदि च्यारि हैं । बहुरि वेदक-सम्यक्त्व विषै बंध, सत्त्व तौ उपशमवत् हैं, विशेष इतना— एक का बंधस्थान नाही है ॥ ७३३ ॥

उदया मर्दि व खडये, बंधादी सुदमिवत्थि चरिमदुगं ।

उदयंसे वीसं च य, साणे अडवीसतियबंधो ॥ ७३४ ॥

उदया मतिर्व क्षायिके, बंधादि श्रुतमिवास्ति चरमद्विकं ।

उदयांशे विंशं च च, साने अष्टाविंशत्रिकबंधः ॥ ७३४ ॥

टीका - उदयस्थान मतिज्ञानवत् आठ हैं । बहुरि क्षायिक विषै बंध, उदय, सत्त्व, श्रुतज्ञानवत् पांच, आठ, आठ हैं । विशेष इतना— उदय, सत्त्व विषै अंत के दोय, दोय भी पाइए हैं वा उदय विषै बीस का भी स्थान पाइए हैं । बहुरि सासादनरुचि विषै बंधस्थान अठाईस का आदि तीन हैं ॥ ७३४ ॥

उदया इगिवीसचऊ, णववीसतियं च णउदियं सत्तं ।

मिस्से अडवीसदुगं, णववीसतियं च बंधुदया ॥ ७३५ ॥

उदया एकविंशचत्वारः, नवविंशत्रयश्च नवतिकं सत्त्वं ।

मिश्रेऽष्टाविंशद्विकं, नवविंशत्रयं च बंधोदयाः ॥ ७३५ ॥

टीका - उदयस्थान इकईस का आदि च्यारि, गुणतीस का आदि तीन— औसैं सात हैं । तहां सत्ताईस, अठाईस का उदय आवने का कालपर्यंत सासादनपना एकेन्द्रियादिक कै संभवै नाहीं ; तातैं न कहे । सत्त्वस्थान निवै ही का है । बहुरि मिश्ररुचि विषै बंधस्थान अठाईस का आदि दोय हैं । उदयस्थान गुणतीस का आदि तीन हैं ॥ ७३५ ॥

बाणउदिणउदिसत्तं, मिच्छे कुमर्दि व होदि बंधतियं ।

पुरिसं वा सण्णीये, इदरे कुमर्दि व णत्थि इगिणउदी ॥ ७३६ ॥

द्वानवतिनवतिसत्त्वं, मिच्छे कुमतिर्व भवति बंधत्रयं ।

पुरुषो वा संज्ञिनि, इतरस्मिन् कुमतिर्व नास्त्येकनवतिः ॥ ७३६ ॥

टीका - सत्त्व बाणवै, निवै के दोय हैं । बहुरि मिथ्यारुचि विषै बंध, उदय, सत्त्वस्थान कुमतिज्ञानवत् जानना ।

बहुरि संज्ञीमार्गणा विषै बंध, उदय, सत्त्व पुरुषवेदवत् हैं । असंज्ञी विषै कुमतिज्ञानवत् है । विशेष इतना— इक्याणवै का सत्त्व नाहीं है ॥ ७३६ ॥

आहारे बंधुदया, संढं वा णवरि णत्थि इगिवीसं ।

पुरिसं वा कम्मंसा, इदरे कम्मं व बंधतियं ॥ ७३७ ॥

आहारे बंधोदयाः षंढो वा नवरि नास्ति एकविंशं ।

पुरुषो वा कर्माशाः, इतरस्मिन् कर्म व बंधत्रयं ॥ ७३७ ॥

१६४]

[गोम्पटसार कर्मकाण्ड उत्तरार्द्ध गाथा- ७३८, ७३९, ७४०, ७४१

टीका - आहारमार्गणा विषै बंध, उदयस्थान तौ नपुंसकवेदवत् है । विशेष इतना— इकवीस का उदयस्थान नाही है । सत्त्वस्थान पुरुषवेदवत् है । बहुरि अनाहार विषै बंध, उदय, सत्त्व कार्माणकाय योगवत् है, विशेष इतना है ॥ ७३७ ॥

अत्थि णवट्टु य दुदओ, दसणवसत्तं च विज्जदे एत्थ ।

इदि बंधुदयप्पहुदी, सुदणामे सारमादेसे ॥ ७३८ ॥

अस्ति नवाष्ट च द्वयुदयो, दशनवसत्त्वं च विद्यतेऽत्र ।

इति बंधोदयप्रभृतिश्रुतनाम्नि सारमादेशे ॥ ७३८ ॥

टीका - तहां अनाहार विषै अयोगी का उदय नव का वा आठ का है । सत्त्व दश का वा नव का है । औसै बंध, उदय सत्त्व का त्रिसंयोग प्रगट नामकर्म विषै है, सो चौदह-मार्गणा विषै सार समीचीन कहा है ॥ ७३८ ॥

चारुसुदंसणधरणे, कुवलयसंतोसणे समत्थेण ।

माधवचंदेण महा, वीरेणत्थेण वित्थरिदो ॥ ७३९ ॥

चारुसुदर्शनधरणे, कुवलसंतोषणे समर्थेन ।

माधवचंद्रेण महा, वीरेणार्थेन विस्तरितः ॥ ७३९ ॥

टीका - चारु-उत्कृष्ट सम्यग्दर्शन का धरनै विषै अर पृथ्वीसमूह का आनंद उपजावने विषै समर्थ औसा जु 'माधवचंद्र' वा 'महावीरस्वामी', तिनकरि औसा कथन परमार्थ तै विस्ताररूप कीया है । इहां 'माधवचंद्र' तौ 'नेमिनाथ-तीर्थकर' अर 'महावीर'- 'वर्धमान-तीर्थकर' का नाम जानना । अथवा 'माधवचंद्र' अर 'वीरनंदी' दोऊ आचार्यानि के नाम जानने ॥ ७३९ ॥

आगै इस त्रिसंयोग का एक आधार दोय आधेय कौ कहै हैं, तहां प्रथम ही बंध आधार, उदय, सत्त्व आधेय कौ दोय गाथानि करि कहै हैं—

णवपंचोदयसत्ता, तेवीसे पण्णुवीस छव्वीसे ।

अट्टुचदुरट्टुवीसे, णवसत्तुगुतीसतीसम्मि ॥ ७४० ॥

एगेगं इगितीसे, एगे एगुदयमट्टुसत्ताणि ।

उवरबंधे दस दस, उदयंसा होंति णियमेण ॥ ७४१ ॥

नवपंचोदयसत्ता, स्रयोविंशे पंचविंशे षड्विंशे ।

अष्टचतुष्कमष्टाविंशे, नवसप्तैकोनत्रिंशत्तिं शतोः ॥ ७४० ॥

एकैकमेकत्रिंशतौ, एकस्मिन्नेकोदयोष्टसत्त्वानि ।

उपरतबंधे दश दश, उदयांशा भवंति नियमेन ॥ ७४१ ॥

टीका - तेवीस, पचीस, छवीस, के बंधस्थाननि विषैँ उदयस्थान नव अर सत्त्वस्थान पांच हैं। अठाईस का बंधस्थाननि विषैँ उदयस्थान आठ, सत्त्वस्थान च्यारि हैं। गुणतीस, तीस के बंधस्थाननि विषैँ उदयस्थान नव सत्त्वस्थान सात हैं। इकतीस का बंधस्थान विषैँ उदयस्थान एक, सत्त्वस्थान एक है। एक का बंधस्थान विषैँ उदयस्थान एक, सत्त्वस्थान आठ हैं। 'उपरतबंध' कहिए बंधरहित स्थान विषैँ उदयस्थान वा सत्त्वस्थान दश-दश नियमकरि हैं।

भावार्थ-जिस जीव कैँ जिस काल इतनी-इतनी प्रकृतिनि का बंध होइ, तिसिकाल तिसि किसी जीव कैँ कोई, किसी कैँ कोई—असैँ नाना-जीव अपेक्षा उदयस्थान वा सत्त्वस्थान पाइए ॥

७४०-७४१ ॥

ते कौन ? सो कहैँ हैं—

उदयंसद्वाणाणि य , सामित्तादो दु जाणिदव्वाणि ।

बंधुदयं च णिरुंभिय, सत्तस्स य संभवगदीए ॥ १ ॥

तियपणछबीसबंधे, इगिवीसादेक्कतीसचरिमुदया ।

बाणउदी णउदिचऊ, सत्तं अडवीसगे उदया ॥ ७४२ ॥

त्रिकपंचषड्विंशबंधे, एकविंशादेकत्रिंशचरमोदयाः ।

द्वानवतिर्नवतिचतुष्कं, सत्त्वमष्टाविंशके उदयाः ॥ ७४२ ॥

टीका - तेवीस, पचीस, छवीस के बंधस्थाननि विषैँ इकईसनैँ आदि दैकरि, इकतीसपर्यंत उदयस्थाननव हैं। सत्त्वस्थान बाणवै का अर निवै का आदि च्यारि—असैँ पांच हैं ॥ ७४२ ॥

पुव्वं व ण चउवीसं, बाणउदिचउक्कसत्तमुगुतीसे ।

तीसे पुव्वं बुदया, पढमिल्लं सत्तयं सत्तं ॥ ७४३ ॥

पूर्व व न चतुर्विंश, द्वानवतिचतुष्कसत्त्वमेकोनत्रिंशे ।

त्रिंशे पूर्व वोदयाः प्रथमाद्यं सप्तकं सत्त्वं ॥ ७४३ ॥

टीका - अठाईस का बंधस्थान विषैँ उदयस्थान पूर्ववत् नव विषैँ चौबीस का नाहीं ; तातैँ आठ हैं। सत्त्वस्थान बाणवै का आदि च्यारि हैं। बहुरि गुणतीस, तीस का बंधस्थान विषैँ उदयस्थान पूर्वोक्त नव हैं अर सत्त्वस्थान तरेणवै का आदि सात हैं ॥ ७४३ ॥

इगितीसे तीसुदओ, तेणउदी सत्तयं हवे एगे ।

तीसुदओ पढमचऊ, सीदादिचउक्कमवि सत्तं ॥ ७४४ ॥

एकत्रिंशे त्रिंशोदय, स्त्रिनवतिः सत्त्वं भवति एकस्मिन् ।

त्रिंशोदयः प्रथम्वचतुष्कं, मशीत्यादिचतुष्कमपि सत्त्वं ॥ ७४४ ॥

**टीका** — इकतीस का बंधस्थान विषै उदयस्थान तीस का एक है । सत्त्वस्थान तरेणवै का एक है । बहुरि एक का बंधस्थान विषै उदयस्थान तीस का एक है । सत्त्वस्थान तरेणवै का आदि च्यारि अर असी का आदि च्यारि— अैसेँ आठ हैं ॥ ७४४ ॥

**उवरदबंधेसुदया, चउपणवीसूण सव्वयं होदि ।**

**सत्तं पढमचउक्कं, सीदादीछक्कमवि होदि ॥ ७४५ ॥**

उपरतबंधेषूदया, श्चतुःपंचविंशोनं सर्वं भवति ।

सत्त्वं प्रथमचतुष्कं, मशीत्यादिषट्कमपि भवति ॥ ७४५ ॥

**टीका** — उपरतबंध जो बंध-रहित तीहिं विषै उदयस्थान चौबीस, पचीस के बिना सर्व दश हैं । सत्त्वस्थान तरेणवै का आदि च्यारि, असी का आदि छह— अैसेँ दश हैं । अब इनिका स्वरूप दिखाइए हैं—

तहां पहिला त्रिसंयोग विषै बंधस्थान तेवीस का विषै उदयस्थान नव, सत्त्वस्थान पंच कहे ; सो तेवीस का बंध एकेन्द्री-अपर्याप्त सहित है ; तातैं इस स्थान कौं देवनारकी बिना अन्य त्रस-स्थावर-तिर्यच वा मनुष्य-मिथ्यादृष्टि ही बांधैं हैं । तहां एकेन्द्रियादिक सर्व तिर्यचनि के बंध एकेन्द्री-अपर्याप्त सहित तेबीस का होइ, तहां उदय इकईस, चौईस, पचीस, छवीस, सत्ताईस, अठाईस, गुणतीस, तीस, इकतीस का है । सत्त्व बाणवै, निवै, अट्यासी, चौरासी, बियासी का है । बहुरि मनुष्य-कर्मभूमियानि कैं एकेन्द्री-अपर्याप्तयुत तेईस का बंध होइ, तहां उदय इकवीस, छवीस, अठाईस, गुणतीस, तीस का है । सत्त्व बाणवै, निवै, अट्यासी, चौरासी का है ।

बहुरि पचीस का बंध एकेन्द्री-पर्याप्त वा त्रस-अपर्याप्त सहित है ; तातैं याकौं तिर्यच, मनुष्य, देव-मिथ्यादृष्टि ही बांधैं है । तहां सर्व तिर्यचनि के एकेन्द्री-पर्याप्त, त्रस-अपर्याप्त युत पचीस का बंध होइ, तहां उदय इकईस, चौबीस, पचीस, छबीस, सत्ताईस, अठाईस, गुणतीस, तीस, इकतीस का है । सत्त्व बाणवै, निवै अट्यासी, चौरासी, बियासी का है । मनुष्यनि कैं तैसा ही बंध होइ, तहां उदय इकवीस, छबीस, अठाईस, गुणतीस, तीस का है । सत्त्व बाणवै, निवै अट्यासी, चौरासी का है । भवनत्रिक, सौधर्मद्विक-देवनि कैं एकेन्द्री-पर्याप्तयुत ही पचीस का बंध हैं । तहां उदय इकईस, पचीस, सत्ताईस, अठाईस, गुणतीस है । सत्त्व बाणवै, निवै का है ।

बहुरि छबीस का बंध एकेन्द्री-पर्याप्त अर उद्योत-आतप विषै एककरि सहित है ; तातैं याकौं तिर्यच, मनुष्य देव, विषै मिथ्यादृष्टि ही बांधैं हैं । तहां भी तेज, बात, साधारण, सूक्ष्म, अपर्याप्तनि कैं, ताका उदय नाहीं है । तहां तिर्यचनि कैं एकेन्द्री-पर्याप्त-उद्योत वा आतप सहित छबीस का बंध होई, तहां इकईस, चौईस, पचीस, छबीस, सत्ताईस, अठाईस, गुणतीस, तीस, इकतीस का है । सत्त्व बाणवै, निवै, अट्यासी, चौरासी, बियासी का है । मनुष्यनि कैं तैसा बंध होइ, तहां उदय

इकईस, छबीस, अठाईस, गुणतीस, तीस का है । सत्त्व बाणवै, निवै, अठ्यासी, चौरासी का है ।

भवनत्रिक, सौधर्मद्विक देवनि कै तैसा ही बंध होइ, तहां उदय इकईस, पचीस, सत्ताईस, अठाईस, गुणतीस का है । सत्त्व बाणवै, निवै का है । बहुरि अठाईस का बंध नरक, देवगति युत है ; तातैं असंज्ञी-संज्ञी तिर्यच वा मनुष्य हैं ते विग्रहगति, मिश्र-शरीरकाल कौं उलंघि पर्याप्तकाल विषैं बांधै हैं ।

तहां तिर्यचनि कै मिथ्यादृष्टि विषैं नरक, देवयुत अठाईस का बंध होइ । तहां उदय अठाईस, गुणतीस, तीस, इकतीस का है । सत्त्व बाणवै, निवै, अठ्यासी का है । सासादन विषैं देवयुत ही अठाईस का बंध है । तहां सासादन विषैं उदय तीस, इकतीस का सत्त्व निवै का है । मिश्र विषैं उदय तीस, इकतीस का ; सत्त्व बाणवै, निवै का है । असंयत विषैं उदय इकईस, छबीस, अठाईस, गुणतीस, तीस, इकतीस का ; सत्त्व बाणवै, निवै का है । देशसंयत विषैं उदय तीस, इकतीस का ; सत्त्व बाणवै, निवै का है ।

बियासी का सत्त्व सहित तेज-बातकायवाले मरि तिर्यच विषैं उपजैं, तिनकैं विग्रहगति वा मिश्र-शरीरकाल विषैं तिर्यचगतियुत तेवीस, पचीस, छबीस, गुणतीस का बंध होतैं, बियासी का सत्त्व संभवै है । मनुष्यद्विक सहित पचीस, गुणतीस का बंध होतैं, बियासी का सत्त्व न संभवै हैं । बहुरि चौरासी का सत्त्व एकेन्द्री, विकलेन्द्री कै नारकचतुष्क की उद्वेलना भए होइ, ते मरि पंचेन्द्री-पर्याप्त-तिर्यचनि विषैं उपजैं, तिनके भी पूर्वोक्त दोऊकालनि विषैं चौरासी का सत्त्व संभवै है ; तातैं अठाईस का बंध होने का काल विषैं वियासी, चौरासी का सत्त्व न कह्या ।

बहुरि मनुष्यनि कै मिथ्यादृष्टि विषैं नरक वा देव सहित अठाईस का बंध होइ, तहां उदय अठाईस, गुणतीस, तीस का है । सत्त्व बाणवै, इक्याणवै, निवै, अठ्यासी का है । मनुष्यद्विक की उद्वेलना भए वा न भए, तेज, बातकायिकनि के मनुष्यायु के बंध का अभाव तैं मनुष्यनि विषैं उपजना नाही है ; तातैं वियासी का सत्त्व नाही । बहुरि नारकचतुष्क की उद्वेलना सहित एकेन्द्री, विकलेन्द्री, मनुष्य विषैं उपजैं, तिनकैं विग्रहगति मिश्र-शरीर-काल विषैं अठाईस का बंध नाही ; तातैं चौरासी का भी सत्त्व नाही, शरीर-पर्याप्ति भए नारकचतुष्क वा देवचतुष्क का बंध होइ जाइ, तहां अठ्यासी ही का सत्त्व है ।

बहुरि पूर्वै नारकायु बंध सहित असंयत दूसरी, तीसरी पृथ्वी का गमन कौं सन्मुख होइ, तहां मिथ्यादृष्टी होइ नरकगति सहित अठाईस का बंध करै, तहां तीस का उदय सहित इक्याणवै का सत्त्व संभवै है । बहुरि मनुष्यनि कै सासादनादिक विषैं देवगतिसहित ही विषैं अठाईस का बंध है । तहां सासादन विषैं उदय-तीस का, सत्त्व निवै का है अर मिश्र विषैं उदय तीस का अर

सत्त्व बाणवै, निवै का है । असंयत विषै उदय इकईस, छबीस, अठाईस, गुणतीस, तीस का है । सत्त्व निवै बाणवै का है । इहां इक्याणवै का सत्त्व नाही ; जातै तीर्थकर-बंध का प्रारंभ भए पीछै, पूर्वे नरकायु-बंध बिना सम्यक्त्व तै भ्रष्टता न होइ अर तीर्थकर का बंध निरंतर है ; तातै देवगति, तीर्थ सहित गुणतीस का ही बंध होइ अठाईस का न होइ । देशसंयत विषै उदय तीस का ; सत्त्व बाणवै, निवै का है । प्रमत्त विषै उदय पचीस, सत्ताईस, अठाईस, गुणतीस, तीस का ; सत्त्व बाणवै, निवै का है । अप्रमत्त विषै उदय तीस का, सत्त्व बाणवै, निवै का है । अपूर्वकरण विषै उदय तीस का ; सत्त्व बाणवै, निवै का है ।

बहुरि गुणतीस का बंध वेन्द्रियादिक-त्रसपर्याप्त सहित वा तिर्यचगति वा मनुष्यगति सहित वा देवगति, तीर्थकर सहित हो है । सौ याकौ च्यार्यो-गति के जीव बांधै हैं । तहां नारकीनि कै मिथ्यादृष्टि विषै पंचेन्द्री-तिर्यच वा मनुष्य सहित गुणतीस का बंध होइ, तहां उदय इकईस, पचीस, सत्ताईस, अठाईस, गुणतीस का है । सत्त्व बाणवै, इक्याणवै, निवै का है । इहां इक्याणवै का सत्त्व घर्मादि तीन नरकनि विषै अपर्याप्त-काल विषै ही संभवै है । सासादन विषै तैसा ही बंध होइ, तहां उदय गुणतीस का, सत्त्व बाणवै वा निवै का है । मिश्र विषै मनुष्य सहित ही गुणतीस का बंध होइ, तहां उदय गुणतीस का ; सत्त्व बाणवै वा निवै का है । असंयत विषै भी मनुष्य सहित ही गुणतीस का बंध होइ, तहां घर्मा-नरक विषै तौ उदय इकईस, पचीस, सत्ताईस, अठाईस, गुणतीस का है । सत्त्व बाणवै, निवै का है । वंशा-मेघा विषै उदय गुणतीस का ; सत्त्व बाणवै, निवै का है । अंजनादिकनि विषै उदय गुणतीस का ; सत्त्व बाणवै, निवै का है ।

बहुरि तिर्यचनि कै मिथ्यादृष्टि विषै वेन्द्री, तेन्द्री, चौन्द्री, पंचेन्द्री-तिर्यच वा मनुष्य सहित गुणतीस का बंध होइ, तहां उदय इकईस, चौईस, पचीस, छबीस, सत्ताईस, अठाईस, गुणतीस, तीस, इकतीस का है । सत्त्व बाणवै, निवै, अठ्यासी, चौरासी, बियासी का है । सासादन विषै पंचेन्द्री-तिर्यच वा मनुष्य सहित गुणतीस का बंध होइ । तहां उदय इकईस, चौबीस, छबीस, तीस का है । सत्त्व निवै का है । इहां पचीस, सत्ताईस, अठाईस, गुणतीस का उदय नाही है । बहुरि मिश्रादि तीन विषै गुणतीस का बंध नाही ; जातै तिर्यचनि कै तिर्यच, मनुष्यगति की सासादन विषै ही व्युच्छिति भई है । तहां देवगतियुत अठाईस का ही बंध है ।

बहुरि मनुष्यनि कै मिथ्यादृष्टि विषै वेन्द्री, तेन्द्री, चौन्द्री, पंचेन्द्री, तिर्यच वा मनुष्यसहित गुणतीस का बंध होइ, तहां उदय इकईस, छबीस, अठाईस, गुणतीस, तीस का है । सत्त्व बाणवै, इक्याणवै, निवै, अठ्यासी, चौरासी का है । इहां मनुष्य विषै तेज, वातकायिक न उपजै ; तातै बियासी का सत्त्व न कह्या । बहुरि पूर्वे जाकै नरकायु का बंध भया— अैसा जीव तीर्थकर का बंध करि नरक कौ जाता मिथ्यादृष्टी भया, तहां मनुष्यगति सहित गुणतीस का बंध करै, ताही कै तीस का उदय सहित इक्याणवै का सत्त्व जानना ।



सासादन विषै पंचेन्द्री-तिर्यच वा मनुष्य सहित गुणतीस का बंध होइ, तहां उदय इकईस, छबीस, तीस का ; सत्त्व निवै का है । मिश्र विषै गुणतीस का बंध ही नाही । असंयतादिक विषै देवगति, तीर्थकर सहित गुणतीस का बंध है । तहां असंयत विषै उदय इकईस, छबीस, अठाईस, गुणतीस, तीस का ; सत्त्व तरेणवै, इक्याणवै का है । देशसंयत विषै उदय तीस का ; सत्त्व तरेणवै, इक्याणवै का है । प्रमत्त विषै उदय पचीस, सत्ताईस, अठाईस, गुणतीस, तीस का ; सत्त्व तरेणवै, इक्याणवै का है ।

बहुरि देवनि कै भवनत्रिकादिक सहस्रार पर्यंत मिथ्यादृष्टि विषै संज्ञी-पंचेन्द्री-पर्याप्त-तिर्यच वा मनुष्य सहित गुणतीस का बंध होइ । तहां उदय इकईस, पचीस, सत्ताईस, अठाईस, गुणतीस का ; सत्त्व बाणवै, निवै का है । तहां उदय इकईस, पचीस, सत्ताईस, अठाईस, गुणतीस का ; सत्त्व निवै का है । मिश्र विषै मनुष्ययुत गुणतीस का बंध होइ । तहां उदय गुणतीस का ; सत्त्व बाणवै, निवै का है । असंयत विषै मनुष्ययुत गुणतीस का बंध होइ ।

तहां उदय भवनत्रिक कै गुणतीस ही का, औरनि कै इकईस, पचीस, सत्ताईस, अठाईस, गुणतीस का है । सत्त्व सबनि कै बाणवै, निवै का है । बहुरि आनतादिक उपरिम-प्रैवेयक-पर्यंत कै मनुष्ययुत ही गुणतीस का बंध है । तहां मिथ्यादृष्टि विषै उदय इकईस, पचीस, सत्ताईस, अठाईस, गुणतीस का ; सत्त्व बाणवै, निवै का है । सासादन विषै उदय इकईस, पचीस, सत्ताईस, अठाईस, गुणतीस का; सत्त्व निवै का है । मिश्र विषै उदय गुणतीस का ; सत्त्व बाणवै, निवै का है । असंयत विषै उदय इकईस, पचीस, सत्ताईस, अठाईस, गुणतीस का ; सत्त्व बाणवै, निवै का है । बहुरि अनुदिश-अनुत्तर कै असंयत विषै मनुष्ययुत गुणतीस का बंध होइ, तहां उदय इकईस, पचीस, सत्ताईस, अठाईस, गुणतीस का ; सत्त्व बाणवै, निवै का है ।

बहुरि तीस का बंध त्रस-पर्याप्त-उद्योत-तिर्यचगति सहित वा मनुष्यगति-तीर्थकर सहित वा देवगति, आहारकद्विक सहित हो है । याकों च्यार्यो गति के जीव बांधै हैं । तहां सर्व नारकीनि कै मिथ्यादृष्टि, सासादन विषै पंचेन्द्री तिर्यच, उद्योत सहित तीस का बंध होइ । तहां मिथ्यादृष्टि विषै उदय इकईस, पचीस, सत्ताईस, अठाईस, गुणतीस का सत्त्व बाणवै, निवै का है । सासादन विषै उदय गुणतीस का ; सत्त्व, निवै का है । मिश्र विषै तीस का बंध ही नाही । असंयत विषै मनुष्य, तीर्थकर सहित तीस का बंध होइ ।

तहां धर्मा विषै तौ उदय इकईस, पचीस, सत्ताईस, अठाईस, गुणतीस, का ; सत्त्व इक्याणवै का है । वंशा, मेघा विषै उदय गुणतीस का ; सत्त्व इक्याणवै का है । अंजनादिक विषै औसा बंध नाही ।

बहुरि तिर्यचनि कै मिथ्यादृष्टि विषै तिर्यच-उद्योत युत तीस का बंध होइ । तहां उदय इकईस,

चौबीस, पचीस, छबीस, सत्ताईस, अठाईस, गुणतीस, तीस का है ; सत्त्व बाणवै, निवै, अट्यासी, चौरासी, वियासी का है । सासादन विषै पंचेन्द्री-तिर्यच-उद्योत सहित तीस का बंध होइ । तहां उदय इकईस, चौबीस, छबीस, तीस, इकतीस का ; सत्त्व निवै का है । मिश्रादिक विषै असा बंध ही नाही ।

बहुरि मनुष्यनि कै मिथ्यादृष्टि विषै वेन्द्री, तेन्द्री, चौन्द्री, पंचेन्द्री-तिर्यच-उद्योत युत तीस का बंध होइ, तहां उदय इकईस, छबीस, अठाईस, गुणतीस, तीस का है । सत्त्व बाणवै, निवै, अट्यासी, चौरासी का है । सासादन विषै तिर्यच-उद्योत युत तीस का बंध होइ, तहां उदय इकईस, छबीस, तीस का ; सत्त्व निवै का है । मिश्रादिक च्यारि विषै तीस का बंध नाही । अप्रमत्त, अपूर्वकरण विषै देवगति, आहारक सहित तीस का बंध होइ, तहां उदय तीस का ; सत्त्व बाणवै का है ।

बहुरि देवनि कै भवनत्रिकादिक सहस्रार पर्यंत तिर्यच-उद्योत सहित तीस का बंध होइ, तहां मिथ्यादृष्टि विषै उदय इकईस, पचीस, सत्ताईस, अठाईस, गुणतीस, तीस का ; सत्त्व बाणवै, निवै का है । सासादन विषै उदय इकईस, पचीस, गुणतीस, (तीस) का ; सत्त्व निवै का है । मिश्र विषै भवनत्रिक का, असंयत विषै तीस का बंध नाही । मनुष्यगति युत गुणतीस ही का बंध है । बहुरि सौधर्मादिक सहस्रार पर्यंत असंयत विषै मनुष्य तीर्थकर सहित तीस का बंध होइ, तहां उदय इकईस, पचीस, सत्ताईस, अठाईस, गुणतीस का ; सत्त्व तरेणवै, इक्याणवै का है । आनतादि उपरिम-ग्रैवेयक पर्यंत मिथ्यादृष्ट्यादि तीन विषै तीस का बंध नाही । आनतादि सवार्थसिद्धिपर्यंत असंयत विषै मनुष्य, तीर्थयुत तीस का बंध होइ । तहां उदय इकईस, पचीस, सत्ताईस, अठाईस, गुणतीस, (तीस) का ; सत्त्व तरेणवै, इक्याणवै का है ।

बहुरि इकतीस का बंध देवगति, आहारकद्विक, तीर्थकर सहित हो है ;

तातै याकौ अप्रमत्त, अपूर्वकरणवाले ही बांधै हैं, तहां उदय तीस का सत्त्व तरेणवै का । बहुरि एक ही जहां बंध पाइये, तहां अपूर्वकरण विषै उदय तीस का, सत्त्व तरेणवै का आदि च्यारि हैं । अनिवृत्तिकरण विषै उदय तीस का ; सत्त्व तरेणवै का आदि च्यारि, असी का आदि च्यारि हैं । सूक्ष्मसांपराय विषै उदय तीस का ; सत्त्व तरेणवै का आदि च्यारि, असी का आदि च्यारि हैं । बहुरि जहां बंध न पाइए तहां उपशांतकषाय विषै उदय तीस का ; सत्त्व तरेणवै का आदि च्यारि हैं । क्षीणकषाय विषै उदय तीस का ; सत्त्व असी का आदि च्यारि हैं । सयोगी विषै स्वस्थानकेवली विषै तो उदय तीस, इकतीस का ; सत्त्व असी आदि च्यारि का है । समुद्घातकेवली विषै उदय बीस, इकईस, छबीस, सत्ताईस, अठाईस, गुणतीस, तीस, इकतीस का ; सत्त्व असी आदि च्यारि हैं । अयोगी विषै उदय तीस, इकतीस, नव, आठ का है । सत्त्व असी, गुणयासी, अठहत्तरि, सतहत्तरि, दश, नव का है ॥ ७४५ ॥

आगै दूसरा भेद उदय-आधार, बंध-सत्त्व आधेयरूप, ताकौ कहै हैं—

वीसादिसु बंधंसा, णभदु छण्णव पणपणं च छसत्तं ।

छण्णव छड दुसु छदस, अट्टदसं छक्कछक्कं णभति दुसु ॥ ७४६ ॥

विंशादिषु बंधांशा, नभोद्विकं षण्णव पंच पंच च षट्सप्त ।

षण्णव षडष्ट द्वयोः षड्दश, अष्टदश षट्कषट्कं नभस्त्रिकं द्वयोः ॥ ७४६ ॥

टीका - बीसकानै आदि दैकरि जे उदयस्थान, तिनविषै क्रम तै बंधस्थान, सत्त्वस्थान बीसका विषै शून्य दोय-इकईस का विषै छह, नव, चौबीस का विषै पांच-पांच-पचीस का विषै छह, सात ; छबीस का विषै छह, नव ; सत्ताईस-अठाईस का विषै छह, आठ ; गुणतीस का विषै छह, दश, तीस का विषै आठ, दश, इकतीस का विषै, छह, छह, नव ; आठ का विषै शून्य, तीन जानने । इतनी-इतनी प्रकृतिनि का उदय हौतै किसी जीव कै कोई, किसी जीव कै कोई— अैसे बंधस्थान, सत्त्वस्थान जानने ॥ ७४६ ॥

ते कौन ? सो कहिए है—

वीसुदये बंधो ण हि, उणसीदीसत्तसत्तरी सत्तं ।

इगिवीसे तेवीसप्पहुदीतीसंतया बंधा ॥ ७४७ ॥

विंशोदये बंधो नहि एकोनाशीतिसप्तसप्तती सत्त्वं ।

एकविंशे त्रयोविंश, प्रभृतित्रिंशांत का बंधाः ॥ ७४७ ॥

टीका - बीस का उदयस्थान विषै बंध नहीं । सत्त्व गुण्यासी, सतहत्तरि के दोय हैं । इकवीस का उदय विषै बंध तेवीस का आदि तीस का पर्यंत छह हैं ॥ ७४७ ॥

सत्तं तिणउदिपहुदी, सीदंता अट्टसत्तरी य हवे ।

चउवीसे पढमतियं, णववीसं तीसयं बंधो ॥ ७४८ ॥

सत्त्वं त्रिनवतिप्रभृत्य शीत्यंतानि अष्टसप्ततिश्च भवेत् ।

चतुर्विंशे प्रथमत्रयं, नवविंशं त्रिंशत्कं बंधः ॥ ७४८ ॥

टीका - सत्त्व तरेणवैकानै आदि दैकरि असी का पर्यंत अर अठहत्तरि का है । बहुरि चौबीस का उदय विषै बंध पहिले आदि के तीन स्थान अर गुणतीस, तीस— अैसे पांच हैं ॥ ७४८ ॥

बाणउदी णउदिचऊ, सत्तं पणछस्सगट्टणववीसे ।

बंधा आदिमछक्कं, पढमिल्लं सत्तयं सत्तं ॥ ७४९ ॥

द्वानवतिर्नवतिचतुष्कं, सत्त्वं पंचषट्सप्ताष्टनवविंशे ।

बंधा आदिमषट्कं, प्रथमाद्यं सप्तकं सत्त्वं ॥ ७४९ ॥

१७२ ]

[गोम्पटसार कर्मकाण्ड उत्तरार्द्ध गाथा - ७५०, ७५१, ७५२

टीका - सत्त्व बाणवै का अर निवैकानै आदि दैकरि च्यारि— अैसें पांच हैं। बहुरि पचीस, छबीस, सत्ताईस, अठाईस, गुणतीस, तीस का उदय विषै बंध तेवीसकानै आदि दैकरि छह हैं। सत्त्व पचीस का उदय विषै आदि के सात हैं ॥ ७४९ ॥

ते णवसगसदरिजुदा, आदिमछस्सीदिअट्टुसदरीहिं ।

णवसत्तसत्तरीहिं, सीदिचउक्केहिं सहिदाणि ॥ ७५० ॥

तानि नवसप्तसप्ततियुतानि आदिमषडशीत्यष्टसप्ततिभिः ।

नवसप्तसप्ततिभिरशीतिचतुष्कैः

सहितानि ॥ ७५० ॥

टीका - छबीस का उदय विषै सत्त्व ते आदि के सात अर गुण्यासी, सतहत्तरि के दोय— अैसें नव हैं। सताईस का उदय विषै सत्त्व आदि के छह, असी, अठहत्तरि के दोय— अैसें आठ हैं। अठाईस का उदय विषै सत्त्व आदि के छह, गुण्यासी, सतहत्तरि के दोय— ऐसें आठ हैं। गुणतीस का उदय विषै सत्त्व आदि के छह, असीकानै आदि दैकरि च्यारि— अैसें दश हैं ॥ ७५० ॥

तीसे अट्टुवि बंधो ऊणत्तीसं व होदि सत्तं तु ।

इगितीसे तेवीसप्य हुदीतीसंतयं बंधो ॥ ७५१ ॥

त्रिंशे अष्टापि बंध, एकोनत्रिंशं न भवति सत्त्वं तु ।

एकत्रिंशे त्रयोविंश, प्रभृतित्रिंशांत को बंधः ॥ ७५१ ॥

टीका - तीस का उदय विषै बंधस्थान आठ, सत्त्व गुणतीस का उदयवत् दश हैं। इकतीस का उदय विषै बंध तेवीस का आदि तीस का पर्यंत छह हैं ॥ ७५१ ॥

सत्तं दुणउदिणउदी, तिय सीदडहत्तरी य णवगट्टे ।

बंधो ण सीदिपहुदी, सुसमविसमं सत्तमुद्धिदुं ॥ ७५२ ॥

सत्त्वं द्विनवतिनवति, त्रिकमष्टाशीत्यष्टसप्ततिश्च नवकाष्टसु ।

बंधो नाशीतिप्रभृति, सुषमविषमं

सत्त्वमुद्धिदुं ॥ ७५२ ॥

टीका - सत्त्व बाणवै का अर निवै का आदि तीन अर असी, सतहत्तरि के दोय— अैसें छह हैं। नव का, आठ का, उदय विषै बंध नाहीं, सत्त्व असी नै आदि दैकरि छह विषै समरूप तौ नव का विषै तीन अर विषमरूप आठ का विषै तीन जानने। अब इनिका विशेष कहिए हैं—

बीस का उदय तीर्थकर-रहित सामान्यकेवली का समुद्घात विषै होइ, तहां बंध का अभाव, सत्त्व गुण्यासी सतहत्तरि के दोय हैं।

बहुरि इकईस का उदय तीर्थकर का प्रतर करने समेटने विषै बा लोक-पूरण विषै होइ, तहां बंध नाहीं, सत्त्व असी अठहत्तरि के दोय हैं। बहुरि आनुपूर्वी सहित इकईस का उदय च्यारू-गति

का विग्रहगतिकाल विषै होइ, तहां नारकीनि के घर्मादि तीन का मिथ्यादृष्टि विषै बंध-पंचेन्द्री-तिर्यच वा मनुष्ययुत गुणतीस का वा तिर्यच-उद्योत सहित तीस का है । सत्त्व बाणवै, इक्याणवै, निवै का है । सासादन विषै, मिश्र विषै इकईस का उदय ही नहीं । असंयत विषै घर्मा नरक विषै ही इकईस का उदय है । तहां बंध मनुष्ययुत गुणतीस वा तीर्थ-सहित तीस का है । सत्त्व बाणवै, इक्याणवै, निवै का है । अंजनादि तीन का मिथ्यादृष्टि विषै बंध पंचेन्द्री-तिर्यच वा मनुष्ययुत गुणतीस का वा तिर्यच- उद्योत सहित तीस का है । सत्त्व बाणवै, निवै का है । इहां सासादनादि विषै इकईस का उदय नहीं ।

बहुरि तिर्यचनि कै मिथ्यादृष्टि विषै बंध— तेवीस, पचीस, छबीस, गुणतीस, तीस का है । सत्त्व बाणवै, निवै, अठ्यासी, चौरासी, बियासी का है । सासादन विषै बंध पंचेन्द्री-तिर्यच वा मनुष्य युत गुणतीस का वा तिर्यच-उद्योत सहित तीस का है । सत्त्व निवै का है । मिश्र, देशसंयत विषै इकईस का उदय नहीं, असंयत विषै है, तहां बंध देवयुत अठाईस का ; सत्त्व बाणवै, निवै का है ।

बहुरि मनुष्यनि कै इकईस का उदय होइ, तहां मिथ्यादृष्टि विषै बंध तेवीस, पचीस, छबीस, गुणतीस, तीस का है । सत्त्व बाणवै, निवै अठ्यासी, चौरासी का है । सासादन विषै बंध पंचेन्द्री-तिर्यच मनुष्ययुत गुणतीस का वा तिर्यच-उद्योत युत तीस का है । सत्त्व निवै का है । मिश्र विषै इकईस का उदय नहीं । असंयत विषै बंध देवयुत अठाईस, देव-तीर्थयुत गुणतीस का है । सत्त्व तरेणवै, बाणवै, इक्याणवै का है । देशसंयतादिक विषै इकईस का उदय ही नहीं ।

बहुरि देवनि का भवनत्रिक देव, कल्पवासिनी-स्त्रीनि कै इकईस का उदय होइ, तहां मिथ्यादृष्टि विषै बंध पचीस, छबीस, गुणतीस, तीस का है । सत्त्व बाणवै, निवै का है । सासादन विषै बंध तिर्यच-मनुष्ययुत गुणतीस वा तिर्यच-उद्योतयुत तीस का है । सत्त्व निवै का है । मिश्र, असंयत विषै असा उदय नहीं है ।

बहुरि सौधर्म विषै असा उदय होइ, तहां मिथ्यादृष्टि विषै बंध पचीस, छबीस, गुणतीस, तीस का है । सत्त्व बाणवै, निवै का है । सासादन विषै बंध-तिर्यच, मनुष्ययुत गुणतीस वा तिर्यच-उद्योत युत तीस का है । सत्त्व निवै का है । मिश्र विषै नहीं । असंयत विषै बंध मनुष्ययुत गुणतीस का मनुष्य, तीर्थयुत तीस का है । सत्त्व तरेणवै आदि च्यारि का है ।

ऊपरि दश-स्वर्गनि विषै मिथ्यादृष्टि विषै बंध-तिर्यच-मनुष्ययुत गुणतीस वा तिर्यच-उद्योत सहित तीस का है । सत्त्व बाणवै, निवै का है । सासादन, अविरत विषै सौधर्मद्विकवत् जानना । ऊपरि-ग्रैवेयक-पर्यत मिथ्यादृष्टि विषै बंधस्थान मनुष्ययुत गुणतीस का ; सत्त्व बाणवै, निवै का है । सासादन विषै बंध मनुष्ययुत गुणतीस का ; सत्त्व निवै का है । मिश्र विषै नहीं । असंयत विषै बंध मनुष्ययुत गुणतीस वा तीर्थयुत तीस का है । सत्त्व तरेणवै आदि च्यारि का है । ऊपरि चौदह बिमान संबंधी असंयत विषै भी असै ही दोय-बंध, च्यारि-सत्त्व है ।

बहुरि चौबीस का उदय अपर्याप्त-एकेन्द्री-मिथ्यादृष्टि विषै ही है । तहां लब्धि-अपर्याप्तक विषै बंध तेवीस, पचीस, छबीस, गुणतीस, तीस का ; सत्त्व बाणवै, निवै, अट्यासी, चौरासी, बियासी का है । असैं ही निवृत्ति-अपर्याप्तक विषै हैं ।

विशेष इतना—

जो तेज, बातकायिक-जीवनि कै मनुष्यगति सहित बंध-स्थानकनि के भेद, बहुरि सर्व सूक्ष्म, अपर्याप्त, तेज, बात, साधारण सहित आतप-उद्योत युत बंध के भेद छोडि देने ।

बहुरि पचीस का उदय च्यारूंगति के जीवनि कै अपर्याप्त-काल विषै वा पर्याप्त-एकेन्द्री विषै संभवै है । तहां पचीस का उदय होतैं सर्व-नारकीनि कै मिथ्यादृष्टि विषै वा घर्मा-नरक का असंयत विषै इकईस का उदयवत् बंध वा सत्त्व जानना । नारकीनि कै अपर्याप्त-काल विषै अन्य गुणस्थान हैं नाहीं । बहुरि एकेन्द्री विषै परघातयुत पचीस का उदय होय, तहां बंध तेवीस, पचीस, छबीस, गुणतीस, तीस का है । सत्त्व बाणवै, निवै, अट्यासी, चौरासी, बियासी का है । त्रस विषै पचीस का उदय नाहीं, जातैं तहां अंगोपांग, संहनन, सहित छबीस का ही उदय हो है । बहुरि मनुष्य-प्रमत्त गुणस्थानवर्ती कै आहारक-शरीर विषै संहनन रहित अंगोपांग सहित पचीस का उदय है । तहां बंध देवयुत अठाईस वा देव, तीर्थसहित गुणतीस का है । सत्त्व तरेणवै, बाणवै का है । बहुरि देवनि कै पचीस का उदय होइ, तहां जैसे इकईस का उदय विषै बंध-सत्त्व कहे, तैसे ही बंध-सत्त्व जानने ।

बहुरि छवीस का उदय त्रस-लब्धि-अपर्याप्त, निवृत्ति-अपर्याप्तक कै संहनन सहित है । तहां मिथ्यादृष्टि विषै बंधस्थान तेवीस का आदि अठाईस का बिना तीस का पर्यंत पांच है । सत्त्वस्थान बाणवै का अर निवै का आदि च्यारि हैं । बहुरि एकेन्द्री-मिथ्यादृष्टि कै शरीर-पर्याप्ति विषै उद्योत वा आतप-उच्छ्वास सहित छबीस का उदय है । तहां बंध तेईस, पचीस, छबीस, गुणतीस, तीस का है । सत्त्व बाणवै, निवै, अट्यासी, चौरासी, बियासी का है । सासादन विषै छबीस का उदय नाहीं, जातैं इस उदय के होतैं पहिलैं ही सासादन काँ छांडै हैं । तहां चौबीस का ही उदय है ।

बहुरि तिर्यच-पंचेन्द्री के सासदन विषै छबीस का उदय होइ, तहां बंध गुणतीस, तीस के दोय हैं । सत्त्व निवै ही का है । 'मिच्छदुगे देवचऊ ण' इस वचन तैं अठाईस का बंध नाहीं । मिश्र विषै छबीस का उदय नाहीं । असंयत विषै बंध देवयुत अठाईस का सत्त्व बाणवै, निवै का है । देशसंयत विषै छबीस का उदय नाहीं ।

बहुरि मनुष्यनि कै छबीस का उदय होइ, तहां मिथ्यादृष्टि विषै बंध तेवीस, पचीस, छबीस, गुणतीस, तीस का है । सत्त्व बाणवै, निवै, अट्यासी, चौरासी का है । सासादन विषै बंध तिर्यच, मनुष्ययुत गुणतीस का वा तिर्यच-उद्योत सहित तीस का ; सत्त्व निवै का है । मिश्र विषै असा उदय नाहीं । असंयत विषै बंध देवयुत अठाईस का, देव-तीर्थसहित गुणतीस का है । सत्त्व

तरेणवै आदि च्यारि का है । देशसंयतादिक विषैँ ऐसा उदय नाहीं । तीर्थकर बिना सामान्य-केवली कैँ कपाट विषैँ छबीस का उदय होइ, तहां बंध नास्ति, उदय गुण्यासी वा सतहत्तरि का है ।

बहुरि सत्ताईस का उदय च्यारूँ-गति विषैँ शरीरपर्याप्ति विषैँ एकेन्द्री के उच्छवास-पर्याप्ति काल विषैँ हो है । सो जहां सत्ताईस का उदय होइ, तहां नारकीनि कैँ घर्मादि तीन नरकनि विषैँ मिथ्यादृष्टि विषैँ बंध तिर्यच-मनुष्ययुत गुणतीस का वा तिर्यच-उद्योतयुत तीस का है । सत्त्व बाणवै, निवै का है । इहां तीर्थकर सहित सत्त्वस्थान न संभवै है ; जातैँ शरीर-पर्याप्ति के ऊपरि तीर्थसत्त्व सहित नारकीनि कैँ सम्यक्त्व ही होइ जाइ, तब चौथा-गुणस्थान होइ । बहुरि सासादन, मिश्र विषैँ ऐसा उदय ही नाहीं । असंयत विषैँ घर्मादि विषैँ तो बंध मनुष्ययुत गुणतीस वा मनुष्य-तीर्थयुत तीस का है । सत्त्व बाणवै, इक्याणवै, निवै का है । बंशा, मेघा विषैँ बंध मनुष्य-तीर्थसहित तीस ही का है ; सत्त्व इक्याणवै का है ।

बहुरि अंजनादि तीन विषैँ मिथ्यादृष्टि विषैँ बंध तिर्यच-मनुष्ययुत गुणतीस वा तिर्यच-उद्योतयुत तीस का है । सत्त्व बाणवै, निवै का है । माघवी विषैँ बंध तिर्यचयुत गुणतीस वा तिर्यच-उद्योतयुत तीस का है । सत्त्व बाणवै, निवै का है । सासादनादिक विषैँ ऐसा उदय नाहीं ।

बहुरि एकेन्द्रियनि कैँ उश्वास-निश्वासयुत वा आतप, उद्योत विषैँ एककरियुत सत्ताईस का बंध होइ । तहां बंध तेवीस, पचीस, छबीस, गुणतीस, तीस का है । सत्त्व बाणवै, निवै, अठ्यासी, चौरासी का है । तेज-बात बिना अन्य एकेन्द्रियनि कैँ उश्वास-पर्याप्तिकाल विषैँ मनुष्यद्विक का बंध संभवै है ; तातैँ बियासी का सत्त्व यथासंभव जानना

बहुरि आहारक-शरीरवाले कैँ सत्ताईस का उदय होइ, तहां बंध देवयुत अठाईस वा देव, तीर्थयुत गुणतीस का है । सत्त्व तरेणवै, बाणवै का है । तीर्थकर का कपाट-समुद्घात विषैँ सत्ताईस का उदय होइ, तहां बंध का अभाव ; सत्त्व असी, अठहत्तरि का है ।

बहुरि देवनि कैँ भवत्रिक-देव, कल्पवासिनी-स्त्रीनि कैँ तौ मिथ्यादृष्टि विषैँ बंध पचीस, छबीस, तिर्यच-मनुष्ययुत गुणतीस, तिर्यच-उद्योतयुत तीस का है । सत्त्व बाणवै, निवै का है । सासादनादिक विषैँ ऐसा उदय ही नाहीं । इहां शरीरपर्याप्तिकाल विषैँ सासादन छोडि मिथ्यादृष्टि होइ जाइ ; तातैँ सासादन भी न कह्या है ।

सौधर्मद्विक का मिथ्यादृष्टि विषैँ बंध वा सत्त्व भवनत्रिकवत् है । सासादन मिश्र विषैँ ऐसा उदय नाहीं । असंयत विषैँ बंध मनुष्ययुत गुणतीस वा मनुष्य-तीर्थयुत तीस का है । सत्त्व तरेणवै आदि च्यारि का है । ऊपरि दश-स्वर्गनि विषैँ मिथ्यादृष्टि विषैँ बंध तिर्यचमनुष्ययुत गुणतीस का, तिर्यच-उद्योतयुत तीस का है । सत्त्व बाणवै, निवै का है । सासादन, मिश्र विषैँ नाहीं । असंयत विषैँ सौधर्मद्विकवत् बंध, सत्त्व है । उपरि ग्रैवेयक पर्यंत मिथ्यादृष्टि विषैँ बंध मनुष्ययुत गुणतीस का ; सत्त्व बाणवै, निवै का है । असंयत विषैँ वा अनुदिश, अनुत्तर का असंयत विषैँ बंध मनुष्ययुत गुणतीस वा मनुष्य-तीर्थयुत तीस का है । सत्त्व तरेणवै आदि च्यारि का है ।

बहुरि अठाईस का उदय तिर्यच-मनुष्य के शरीरपर्याप्तिकाल विषे वा देव-नारकी के उश्वासपर्याप्तिकाल विषे है । सो जहां अठाईस का उदय होइ, तहां नारकीनि के घर्मा विषे— मिथ्यादृष्टि विषे तौ बंध तिर्यच-मनुष्ययुत गुणतीस वा तिर्यच-उद्योतयुत तीस का ; सत्त्व बाणवै, निवै का है । इहां इक्याणवै का सत्त्व नाही ; जातै तिस सत्त्ववाला घर्मा-नरक विषे जाइ, सो सम्यक्त्व तै विषे भ्रष्ट न होइ । सासादन-मिश्र विषे ऐसा उदय नाही । असंयत विषे बंध मनुष्ययुत गुणतीस वा मनुष्य-तीर्थयुत तीस का है । सत्त्व बाणवै, इक्याणवै, निवै का है ।

वंशा, मेघा विषे मिथ्यादृष्टि विषे बंध, सत्त्व घर्मावत् । सासादन-मिश्र विषे नाही । असंयत विषे मनुष्य, तीर्थयुत तीस का ही, सत्त्व इक्याणवै ही का है । अंजनादि तीनि विषे मिथ्यादृष्टि विषे बंध-सत्त्व घर्मावत् है । सासादनादिक विषे ऐसा उदय ही नाही । माघवी विषे मिथ्यादृष्टि विषे बंध तिर्यचयुत गुणतीस का, तिर्यच-उद्योतयुत तीस का है । सत्त्व बाणवै, निवै का है । सासादनादिक विषे ऐसा उदय नाही ।

बहुरि तिर्यचनि के अठाईस का उदय होतै— मिथ्यादृष्टि विषे बंध तेवीस, पचीस, छबीस, अठाईस, गुणतीस, तीस का है । सत्त्व बाणवै, निवै, अठ्यासी, चौरासी का है । सासादन-मिश्र विषे ऐसा उदय नाही । असंयत विषे बंध देवयुत अठाईस का ; सत्त्व बाणवै, निवै का है । देशसंयत विषे नाही ।

बहुरि मनुष्यनि के मिथ्यादृष्टि विषे बंध, सत्त्व तिर्यचवत् । सासादन, मिश्र विषे नाही । असंयत विषे बंध देवयुत अठाईस वा देवतीर्थयुत गुणतीस का है । सत्त्व तरेणवै आदि च्यारि का है । देशसंयत विषे नाही । आहारक का उश्वास-पर्याप्ति विषे अठाईस का उदय होइ, तहां बंध देवयुत अठाईस वा देव-तीर्थयुत गुणतीस का ; सत्त्व तरेणवै, बाणवै, का है । तीर्थकर-रहित का दंड-समुद्घात का औदारिक-योग विषे अठाईस का उदय होइ तहां बंध का अभाव ; सत्त्व गुणयासी, सतहत्तरि का है । बहुरि देवनि के जैसे सत्ताईस का उदय विषे बंध, सत्त्व कहे, तैसे ही अठाईस का उदय होतै भी जानने ।

बहुरि गुणतीस का उदय नारकीनि के भाषा-पर्याप्तिकाल विषे दुःस्वर सहित हो है । तहां सर्व नारकीनि के मिथ्यादृष्टि विषे बंध मनुष्य-तिर्यचयुत गुणतीस वा तिर्यच-उद्योतयुत तीस का है । तहां माघवी विषे मनुष्ययुत का बंध नाही है । सत्त्व बाणवै, निवै का है । सासादन विषे बंध मिथ्यादृष्टिवत् ; सत्त्व निवै का है । मिश्र विषे बंध मनुष्ययुत गुणतीस का ; सत्त्व बाणवै, निवै का है । असंयत विषे घर्मा, वंशा, मेघा नरक विषे तौ बंध मनुष्ययुत गुणतीस वा मनुष्य-तीर्थयुत तीस का है । सत्त्व बाणवै, निवै, इक्याणवै का है । अंजनादि च्यारि विषे बंध मनुष्ययुत गुणतीस का ; सत्त्व बाणवै, निवै का है ।

बहुरि त्रस-तिर्यचनि के शरीर-पर्याप्तिकाल विषे उद्योतयुत गुणतीस का उदय होय । तहां मिथ्यादृष्टि विषे बंध तेवीस, पचीस, छबीस, अठाईस, गुणतीस, तीस का है । सत्त्व बाणवै, निवै,



अठ्यासी, चौरासी का है। सासादन, मिश्र विषै नहीं। असंयत विषै बंध देवयुत अठाईस का ; सत्त्व बाणवै, निवै का है। देशसंयत विषै नाही।

बहुरि मनुष्यनि कै उश्वास-पर्याप्तिकाल विषै उश्वासयुत गुणतीस का उदय होय। तहां मिथ्यादृष्टि विषै बंध, सत्त्व तिर्यचवत्। सासादन, मिश्र विषै नहीं। असंयत विषै बंध देवयुत अठाईस वा देव-तीर्थयुत गुणतीस का ; सत्त्व तरेणवै आदि च्यारि का है। देश-संयत विषै नाही। आहारक-शरीर का भाषापार्याप्ति-काल विषै सुस्वर सहित गुणतीस का उदय होइ, तहां बंध देवयुत अठाईस, देव-तीर्थयुत गुणतीस का ; सत्त्व तरेणवै, बाणवै का है। तीर्थकर का दंड-समुद्घात विषै गुणतीस उदय होइ, तहां बंध का अभाव ; सत्त्व असी, अठहत्तरि का है। तीर्थकर-रहित केवली कै मूल-शरीर विषै प्रवेश करतां उश्वास-पर्याप्तिकाल विषै उश्वासयुत गुणतीस का उदय होइ। तहां बंध का अभाव ; सत्त्व गुण्यासी, सतहत्तरि का है।

देवनि कै भाषापार्याप्ति-काल विषै सुस्वर सहित गुणतीस का उदय होइ। तहां मिथ्यादृष्टि विषै भवनत्रिक, कल्पवासिनी-स्त्री के बंध पचीस, छबीस, गुणतीस, तीस का है। बारह-स्वर्गनि विषै तिर्यच-मनुष्ययुत गुणतीस वा तिर्यच-उद्योतयुत तीस का है। ऊपरि प्रैवेयक पर्यंत मनुष्य युत गुणतीस का ही है। सत्त्व सर्वत्र, बाणवै, निवै का है। अर सासादन विषै भवनत्रिकादि बारहवां स्वर्गपर्यंत तिर्यच-मनुष्ययुत गुणतीस का वा तिर्यच-उद्योतयुत तीस का, ऊपरि-प्रैवेयक पर्यंत मनुष्ययुत गुणतीस ही का है। सत्त्व सर्वत्र निवै का है। मिश्र विषै सर्वत्र ऊपरि-प्रैवेयक पर्यंत बंध मनुष्ययुत गुणतीस का ; सत्त्व बाणवै, निवै का है। असंयत विषै भवनत्रिक, कल्पवासिनी-स्त्री कै बंध मनुष्ययुत गुणतीस का ; सत्त्व बाणवै निवै का है। सौधर्मादिक अनुत्तर-बिमान पर्यंत बंध मनुष्ययुत गुणतीस वा मनुष्य-तीर्थयुत तीस का ; सत्त्व तरेणवै, बाणवै, इक्याणवै, निवै का है।

बहुरि तीस का उदय तिर्यच-मनुष्यनि ही कै संहनन सहित है। तहां तिर्यचनि कै उश्वास-पर्याप्ति विषै उद्योतयुत तीस का उदय होइ। तहां मिथ्यादृष्टि विषै बंध तेवीस, पचीस, छबीस, अठाईस, गुणतीस, तीस का है। सत्त्व बाणवै, निवै, अठ्यासी, चौरासी का है। सासादन, मिश्र विषै नाही। असंयत विषै बंध देवयुत अठाईस का, सत्त्व बाणवै, निवै का है। देश-संयत विषै नाही। बहुरि भाषापार्याप्ति विषै उद्योत रहित अर सुस्वर-दुःस्वर विषै एककरि सहित भी तीस का उदय तिर्यच कै होइ।

तहां मिथ्यादृष्टि विषै बंध तेईस, पचीस, छबीस, अठाईस, गुणतीस, तीस का ; सत्त्व बाणवै, निवै, अठ्यासी, चौरासी का है। इहां अठ्यासी, चौरासी का सत्त्व विकलत्रय की अपेक्षा कह्या है ; जातै विकलत्रय जीवनि कै सुरद्विक, नारक-चतुष्क की उद्वेलना भए पीछै, फेरि बंध का अभाव है। बहुरि सासादन विषै बंध तिर्यच-मनुष्य सहित गुणतीस वा तिर्यच-उद्योत सहित तीस का है। सत्त्व निवै का है। मिश्र, असंयत, देश-संयत विषै बंध देवयुत अठाईस का ; सत्त्व बाणवै, निवै का है।

बहुरि मनुष्यनि कै तीर्थकर के मूल-शरीर विषै प्रवेश करता उश्वास सहित तीस का उदय होइ, तहां बंध का अभाव ; सत्त्व असी, अठहत्तरि का है । तीर्थकर बिना मूल-शरीर विषै प्रवेश करता, भाषापर्याप्ति-काल विषै सुस्वर वा दुःस्वर युत तीस का उदय होइ, तहां बंध का अभाव ; सत्त्व गुण्यासी वा सतहत्तरि का है ।

बहुरि सामान्य-मनुष्यनि कै भाषापर्याप्ति विषै सुस्वर वा दुःस्वर सहित तीस का उदय होइ, तहां मिथ्यादृष्टि विषै बंध तेईस, पचीस, छबीस, अठाईस, गुणतीस, तीस का ; सत्त्व बाणबै, इक्याणबै, निवै का है । इहां इक्याणबै का सत्त्व नरक-गमन कौ सन्मुख तीर्थकर-सत्त्ववाले की अपेक्षा है । सासादन विषै बंध तिर्यच-मनुष्ययुत गुणतीस वा तिर्यच-उद्योत सहित तीस का है । सत्त्व निवै का है । मिश्र विषै बंध देवयुत अठाईस का ; सत्त्व बाणबै, निवै, काहै । असंयतादि अपूर्वकरण का छठा-भागपर्यंत बंध देवयुत अठाईस वा देव, तीर्थयुत गुणतीस का है ; सत्त्व तरेणवै आदि च्यारि का है । अपूर्वकरण का सातवां-भाग विषै बंध एक का ; सत्त्व तरेणवै आदि च्यारि का है । अनिवृत्तिकरण, सूक्ष्म-सांपराय विषै बंध एक का ; सत्त्व तरेणवै आदि च्यारि अर असी आदि च्यारि का है । ऊपरि बंध का अभाव है । सत्त्व उपशांत कषाय विषै तरेणवै आदि च्यारि का है । क्षीणकषाय, सयोगी विषै असी आदि च्यारि का है । अयोगी विषै तीस का उदय ही नाहीं ।

बहुरि इकतीस का उदय त्रस-उद्योत सहित भाषापर्याप्ति विषै सुस्वर वा दुःस्वर विषै एक सहित तिर्यचनि कै हो है । तहां जैसे उद्योत रहित भाषापर्याप्ति विषै तीस का उदय होता तिर्यच कै बंध सत्त्व कहे थे, तैसे ही इहां जानना । मनुष्य विषै क्षीणकषाय पर्यंत इकतीस का उदय नाहीं । तीर्थकर के भाषापर्याप्ति विषै उदय है । तहां बंध का अभाव ; सत्त्व असी, अठहत्तरि का है । बहुरि नव का उदय तीर्थकर कै अयोगी विषै होइ, तहां सत्त्व असी, अठहत्तरि, दश का है । बहुरि तहां ही सामान्य-केवली कै आठ का उदय होइ, तहां सत्त्व गुण्यासी, सतहत्तरि, नव का है । बंध का दोऊनि विषै अभाव है ॥ ७५२ ॥

अैसे उदय-आधार, बंध सत्त्व आधेय का आगम अनुसारि जोडि, आगै सत्त्वस्थान-आधार, बंध-उदय आधेय को सात गाथानि करि कहै हैं—

**सत्ते बंधुदया चदु, सग सगणव चदुसगं च सगणवयं ।**

**छण्णव पण्णव पणचदु, चंदुसिगिछक्कं णभेक्क सुण्णेगं ॥ ७५३ ॥**

सत्त्वे बंधोदया चतुः, सप्त सप्तनव चतुःसप्त च सप्तनवकं ।

षण्णव पंचनव पंचचतुष्कं, चतुर्ध्वेकषट्कं नभएकं शून्यमेकं ॥ ७५३ ॥

**टीका** - तरेणवैकानै आदि दैकरि जे सत्त्वस्थान, तिनविषै बंधस्थान वा उदयस्थान अनुक्रम तै च्यारि, सात अर सात, नव अर च्यारि, सात अर सात, नव अर छह, नव अर पांच, नव अर पांच, च्यारि, अर च्यारि सत्त्वस्थाननि विषै एक, छह, शून्य, एक अर, शून्य, एक जानने । इहां इतने-इतने का सत्त्व होतै कोई जीवकै कोई , कोई जीव कै कोई— अैसे बंध वा उदय पाइए है— अैसा कहिए है ॥ ७५३ ॥

ते कौन ? सो कहैं हैं—

**तेणउदीए बंधो उगुतीसादीचउक्कमुदओ दु ।**

**इगिपणछस्सगअडुय, णववीसं तीसयं णेयं ॥ ७५४ ॥**

त्रिनवत्यां बंध, एकोनत्रिंशादिचतुष्कमुदयस्तु ।

एकपंचषट्सप्ताष्टक, नवविंशं त्रिंशत्को ज्ञेयः ॥ ७५४ ॥

टीका - तरेणवै का सत्त्वस्थान विषै बंधस्थान गुणतीस का आदि च्यारि हैं । उदयस्थान इकईस, पचीस, छबीस, सत्ताईस, अठाईस, गुणतीस, तीस के हैं ॥ ७५४ ॥

**वाणउदीए बंधा, इगितीसूणाणि अट्टाणाणि ।**

**इगिवीसादीएक्क, तीसंता उदयठाणाणि ॥ ७५५ ॥**

द्वानवत्यां बंधा, एकत्रिंशोनान्यष्टस्थानानि ।

एकविंशाद्येक, त्रिंशांतानि उदयस्थानानि ॥ ७५५ ॥

टीका - बाणवै का सत्त्वस्थान विषै बंधस्थान इकतीस का बिना अवशेष सात हैं । उदयस्थान इकईस का आदि इकतीस का पर्यंत नव हैं ॥ ७५५ ॥

**इगिणवदीए बंधा, अडवीसत्तिदयमेक्कयं चुदओ ।**

**तेणउदिं वा णउदी, बंधा बाणउदियं व हवे ॥ ७५६ ॥**

एकनवत्यां बंधा, अष्टविंशत्रितयमेकश्चोदयः ।

त्रिनवतिर्वा नवतिबंधा द्वानवतिर्व भवेत् ॥ ७५६ ॥

टीका - इक्याणवै का सत्त्वस्थान विषै बंधस्थान अठाईस का आदि तीन अर एक का— अइसैं च्यारि हैं । उदयस्थान तरेणवै का वत् सात हैं । बहुरि निवै का सत्त्वस्थान विषै बंधस्थान बाणवै का वत् सात हैं ॥ ७५६ ॥

**चरिमदुवीसूणुदयो, तिसु दुसु बंधा छ तुरियहीणं च ।**

**बासीदी बंधुदया, पुव्वं विगिवीसचत्तारि ॥ ७५७ ॥**

चस्मद्विंशिनोदय, स्त्रिषु द्वयोर्बंधाः षट् तुरियहीणं च ।

द्वयशीत्यां बंधोदयाः, पूर्वमिवैकविंशचत्वारः ॥ ७५७ ॥

टीका - उदयस्थान अंत के दोय अर बीस का— इन तीन बिना नव हैं । त्रिषु कहिए अठ्यासी, चौरासी का सत्त्वस्थान विषै भी एई नव उदयस्थान हैं । अठ्यासी, चौरासी का विषै बंधस्थान तेवीसकानैं आदि दैकरि छह अर तिनि विषै अठाईस का बिना पांच हैं । बियासी का सत्त्वस्थान विषै बंधस्थान चौरासी का वत् पांच हैं । उदयस्थान इकईसकानैं आदि दैकरि च्यारि हैं । सत्त्व ८२ । बंध २३, २५, २६, २९, ३० । उदय २१, २४, २५, २६ ॥ ७५७ ॥

सीदादिचउसु बंधा, जसकित्ती समपदे हवे उदओ ।

इगिसगणवधियवीसं, तीसेक्कत्तीसणवगं च ॥ ७५८ ॥

अशीत्यादिचतुर्षु बंधो यशस्कीर्तिः समपदे भवेदुदयः ।

एकसप्तनवाधिकविंशं, त्रिंशैकत्रिंशनवकं च ॥ ७५८ ॥

टीका - असीनै आदि दैकरि च्यारि सत्त्वस्थाननि विषै बंधस्थान एक यशस्कीर्ति है । उदयस्थान असी, अठहत्तरि के समगणनारूप स्थाननि विषै इकईस, सत्ताईस, गुणतीस, तीस, इकतीस, नव के हैं ॥ ७५८ ॥

वीसं छडणववीसं, तीसं चटुं च विसमठाणुदया ।

दसणवगे ण हि बंधो, क्रमेण णवअट्टयं उदओ ॥ ७५९ ॥

विंशः षडष्टनवविंशं, त्रिंशच्चाष्ट च विषमस्थानोदयाः ।

दशनवके न हि बंधः, क्रमेण नवाष्टक उदयः ॥ ७५९ ॥

टीका - गुण्यासी सतहत्तरि का विषम गणनारूप सत्त्वस्थाननि विषै बीस, छबीस, अठाईस, गुणतीस, तीस, आठ के उदयस्थान हैं । दश का, नव का सत्त्वस्थाननि विषै बंध का अभाव है । उदय क्रम तै नव का अर आठ का है । असै कह्या आधार-आधेय, ताकौ च्यार्यो गति का गुणस्थाननि विषै लगाइए है—

तहां तरेणवै का सत्त्व कर्मभूमिया-पर्याप्त-निर्वृत्ति-अपर्याप्त-मनुष्य अर वैमानिक-देवनि कै ही पाइए । तहां भी तित्याहार इत्यादिक सूत्र करि मिथ्यादृष्टि आदि तीन गुणस्थाननि विषै तरेणवै का सत्त्व न पाइए है । तहां मनुष्य कै जहां तरेणवै का सत्त्व पाइए, तहां असंयत विषै बंध देव-तीर्थ सहित गुणतीस का, उदय इकईस, छबीस, अठाईस, गुणतीस, तीस का है । देश-संयत विषै बंध देव-तीर्थयुत गुणतीस का, उदय तीस का है । प्रमत्त विषै बंध देव-तीर्थयुत गुणतीस का, उदय पचीस, सत्ताईस, अठाईस, गुणतीस, तीस का है । अप्रमत्त विषै बंध देव-तीर्थयुत गुणतीस वा आहारक-तीर्थयुत इकतीस का, उदय तीस का है । उपशमक-अपूर्वकरण विषै अप्रमत्तवत् बंध, सत्त्व हैं । अर अनिवृत्तिकरण, सूक्ष्म-सांपराय विषै बंध एक का, उदय तीस का है । उपशांत-कषाय विषै बंध का अभाव, उदय तीस का है । क्षीणकषायादिक विषै तरेणवै का सत्त्व नाही ।

बहुरि वैमानिक-देवनि कै असंयत विषै तरेणवै का सत्त्व होइ । तहां बंध मनुष्य-तीर्थ सहित तीस का, उदय इकईस, पचीस, सत्ताईस, अठाईस, गुणतीस का है । इहां असंयतादिक विषै अठाईस कौ न बांधै ; जातै नरक जाने कौ सन्मुख जीव बिना अन्य जीव तीर्थकर सत्त्ववाला, ताकै तीर्थकर-बंध का सर्वदा सद्भाव है ।

बहुरि बाणवै का सत्त्व च्यार्यो गति विषै पाइए, तहां नारकीनि कै जहां बाणवै का सत्त्व पाइए, तहां घर्मा विषै मिथ्यादृष्टि विषै बंध तिर्यच वा मनुष्ययुत गुणतीस का वा तिर्यच-उद्योतयुत तीस का है। उदय इकईस, पचीस, सत्ताईस, अठाईस, गुणतीस का है। सासादन विषै बाणवै का सत्त्व ही नाहीं। मिश्र विषै बंध मनुष्ययुत गुणतीस का, उदय गुणतीस का है। अर असंयत विषै बंध मनुष्ययुत गुणतीस का ; उदय इकईस, पचीस, सत्ताईस, अठाईस, गुणतीस का है। वंशा तैं मघवीपर्यत मिथ्यादृष्टि विषै घर्मावत् सासादनमिश्र विषै अैसा सत्त्व नाहीं। असंयत विषै बंध मनुष्ययुत गुणतीस का उदय गुणतीस का है। माघवी विषै मिथ्यादृष्टि विषै बंध तिर्यचयुत गुणतीस वा तिर्यच-उद्योतयुत तीस का ; उदय घर्मावत् है। सासादनमिश्र विषै नाहीं। असंयत विषै बंध मनुष्ययुत गुणतीस का, उदय गुणतीस का है।

बहुरि तिर्यचनि कै जहां बाणवै का सत्त्व पाइए, तहां मिथ्यादृष्टि विषै बंध तेवीस, पचीस, छबीस, अठाईस, गुणतीस, तीस का है। उदय इकईस, चौबीस, पचीस, छबीस, सत्ताईस, अठाईस, गुणतीस, तीस, इकतीस का है। सासादन विषै नाहीं। मिश्र विषै बंध देवयुत अठाईस का ; उदय तीस-इकतीस का है। असंयत विषै बंध देवयुत अठाईस का ; उदय इकईस, छबीस, अठाईस, गुणतीस, तीस, इकतीस का है। देश-संयत विषै बंध देवयुत अठाईस का ; उदय तीस, इकतीस का है।

बहुरि मनुष्यनि कै जहां बाणवै का सत्त्व पाइए, तहां मिथ्यादृष्टि विषै बंध तेईस, पचीस, छबीस, अठाईस, गुणतीस, तीस का ; उदय इकईस, छबीस, अठाईस, गुणतीस, तीस का है। सासादन विषै बाणवे का सत्त्व ही नाहीं। मिश्र विषै बंध देवयुत अठाईस का, उदय तीस का है। असंयत विषै बंध देवयुत अठाईस का ; उदय इकईस, छबीस, अठाईस, गुणतीस, तीस का है। देशसंयत विषै बंध देवयुत अठाईस का, उदय तीस का है। प्रमत्त विषै बंध देवयुत अठाईस का ; उदय पचीस, सत्ताईस, अठाईस, गुणतीस, तीस का है। अप्रमत्त, अपूर्व करण विषै बंध देवयुत अठाईस का वा देव-आहारकयुत तीस का, उदय तीस का है। अनिवृत्तिकरण, सूक्ष्म-सांपराय विषै बंध एक का ; उदय तीस का है। उपशांतकषाय विषै बंध का अभाव, उदय तीस का है। क्षीणकषायादि विषै बाणवै का सत्त्व ही नाहीं।

बहुरि देवनि कै जहां बाणवै का सत्त्व पाइए, तहां भवनत्रिक, सौधर्माद्विक-मिथ्यादृष्टि विषै बंध पचीस, छबीस, गुणतीस, तीस का ; उदय इकईस, पचीस, सत्ताईस, अठाईस, गुणतीस का है। सासादन विषै नाहीं। मिश्र विषै बंध मनुष्ययुत गुणतीस का, उदय गुणतीस का है। असंयत विषै बंध मनुष्ययुत गुणतीस का ; उदय भवनत्रिक कै तौ गुणतीस ही का, सौधर्माद्विक कै इकईस, पचीस, सत्ताईस, अठाईस, गुणतीस का है। बहुरि ऊपरि मिथ्यादृष्टि विषै बंध सहस्वार पर्यत तिर्यच वा मनुष्ययुत गुणतीस का वा तिर्यच-उद्योतयुत तीस का, उपरि-ग्रैवेयक पर्यत मनुष्ययुत गुणतीस ही का है ; उदय ग्रैवेयक-पर्यत इकईस, पचीस, सत्ताईस, अठाईस, गुणतीस का है। सासादन विषै नाहीं, मिश्र विषै उपरि-ग्रैवेयक पर्यत बंध मनुष्ययुत गुणतीस का, उदय

गुणतीस का है । असंयत विषै अनुत्तर-विमान पर्यत बंध मनुष्ययुत गुणतीस का ; उदय इकईस, पचीस, सत्ताईस, अठाईस, गुणतीस का है ।

बहुरि इक्याणवै का सत्त्व 'तिरियेण तित्थसत्तं' इस बचन तै तिर्यच बिना देव, नारकी, मनुष्य विषै ही है, सो जहां इक्याणवै का सत्त्व होइ, तहां नारकीनि कै घर्मा विषै मिथ्यादृष्टि विषै तो बंध मनुष्ययुत गुणतीस का ; उदय इकईस, पचीस का है । सत्ताईस आदिक का इहां उदय नाही ; जातै शरीरपर्याप्ति के ऊपरि तीर्थसत्त्ववाला मनुष्य-सम्यग्दृष्टी ही हो है । सासादन, मिश्र विषै इक्याणवै का सत्त्व ही नाही । असंयत विषै बंध तीर्थ-मनुष्ययुत तीस का ; उदय इकईस, पचीस, सत्ताईस, अठाईस, गुणतीस का है । वंशा, मेघा विषै भी घर्मावत् है । विशेष इतना-असंयत विषै उदय सत्ताईस, अठाईस, गुणतीस ही का है । अंजनादिक विषै इक्याणवै का सत्त्व ही नाही ।

मुनष्यनि कै इक्याणवै का सत्त्व होइ । तहां मिथ्यादृष्टि विषै बंध नरकयुत अठाईस का वा मनुष्ययुत गुणतीस का, उदय तीस का है । सासादन, मिश्र विषै नाही । असंयत विषै बंध देव-तीर्थसहित गुणतीस का ; उदय इकईस, छबीस, अठाईस, गुणतीस का है । देशसंयत, प्रमत्त, अप्रमत्त, अपूर्वकरण का छठा-भाग पर्यत बंध देव-तीर्थ सहित गुणतीस का, अपूर्वकरण का सातवां-भाग, अनिवृत्तिकरण, सूक्ष्म-सांपराय विषै बंध एक का, उपशांतकषाय विषै बंध नाही, उदय देशसंयतादि उपशांतकषायपर्यत तीस ही का है ।

बहुरि देवनि कै इक्याणवै का सत्त्व, भवनत्रिक-कल्पवासिनी बिना वैमानिक-देवनि कै असंयत विषै ही होइ । तहां बंध मनुष्य-तीर्थयुत तीस का ; उदय इकईस, पचीस, सत्ताईस, अठाईस, गुणतीस का है ।

बहुरि निवै का सत्त्व नारकीनि कै होइ । तहां सर्वनारकीनि कै मिथ्यादृष्टि विषै बंध— तिर्यच वा मनुष्य सहित गुणतीस वा तिर्यच-उद्योत सहित तीस का है । तहां माघवी विषै मनुष्ययुत का बंध नाही है । उदय इकईस, पचीस, सत्ताईस, अठाईस, गुणतीस का है । सासादन विषै बंध मिथ्यादृष्टिवत्, उदय गुणतीस का है । मिश्र विषै बंध मनुष्ययुत गुणतीस का, उदय गुणतीस का है । असंयत विषै बंध-मनुष्ययुत गुणतीस का है ; उदय घर्मा विषै इकईस, पचीस, सत्ताईस, अठाईस, गुणतीस का वंशादिक विषै गुणतीस ही का है ।

बहुरि तिर्यचनि कै निवै का सत्त्व होइ । तहां मिथ्यादृष्टि विषै बंध तेईस, पचीस, छबीस, अठाईस, गुणतीस, तीस का है । उदय इकईस, चौईस, पचीस, छबीस, सत्ताईस, अठाईस, गुणतीस, तीस, इकतीस का है । सासादन विषै बंध देवयुत अठाईस वा तिर्यच वा मनुष्ययुत गुणतीस वा तिर्यच-उद्योत युत तीस का है । उदय इकईस, चौबीस, छबीस, तीस, इकतीस का है । मिश्र विषै बंध देवयुत अठाईस का ; उदय तीस, इकतीस का है । असंयत विषै बंध देवयुत अठाईस का ; उदय इकईस, छबीस, अठाईस, गुणतीस, तीस, इकतीस का है । देशसंयत विषै बंध देवयुत अठाईस का उदय तीस, इकतीस का है ।

बहुरि मनुष्यनि कै निवै का सत्त्व होइ, तहां मिथ्यादृष्टि विषै बंध तेईस, पचीस, छबीस, अठाईस, गुणतीस, तीस का ; उदय इकईस, छबीस, अठाईस, गुणतीस, तीस का है । सासादन विषै बंध देवयुत अठाईस का वा तिर्यच वा मनुष्ययुत गुणतीस का वा तिर्यच-उद्योतयुत तीस का ; उदय इकईस, छबीस, तीस का है । मिश्र विषै बंध देवयुत अठाईस का ; उदय तीस का है । असंयत विषै बंध देवयुत अठाईस का ; उदय इकईस, छबीस, अठाईस, गुणतीस, तीस का है । देशसंयत, प्रमत्त, अप्रमत्त विषै बंध देवयुत अठाईस का, अपूर्वकरण विषै बंध देवयुत अठाईस का वा एक का, अनिवृत्तिकरण, सूक्ष्मसांपराय विषै बंध एक का, उपशांत-कषाय विषै बंध का अभाव है । उदय देशसंयतादि उपशांतकषाय पर्यंत तीस ही का है ।

बहुरि देवनि कै निवै का सत्त्व होइ । तहां मिथ्यादृष्टि विषै भवनत्रिक-सौधर्मद्विक कै तौ बंध पचीस, छबीस, गुणतीस, तीस का है । सहस्रार पर्यंत तिर्यच वा मनुष्ययुत गुणतीस वा तिर्यच-उद्योतयुत तीस का है । उपरि-ग्रैवेयक पर्यंत मनुष्ययुत गुणतीस ही का है । उदय उपरि-ग्रैवेयक पर्यंत इकईस, पचीस, सत्ताईस, अठाईस, गुणतीस का है । सासादन विषै बंध सहस्रारपर्यंत तिर्यच वा मनुष्ययुत गुणतीस वा तिर्यच-उद्योतयुत तीस का है । उपरि-ग्रैवेयक पर्यंत मनुष्ययुत गुणतीस ही का है । उदय उपरि-ग्रैवेयक पर्यंत इकईस, पचीस, गुणतीस का है । मिश्र विषै उपरि-ग्रैवेयक पर्यंत बंध मनुष्ययुत गुणतीस का ; उदय गुणतीस ही का है । असंयत विषै भवनत्रिक कै उदय गुणतीस ही का, सौधर्मादिक अनुत्तर-विमान पर्यंत इकईस, पचीस, सत्ताईस, अठाईस, गुणतीस का है ।

बहुरि अठ्यासी का सत्त्व देव-द्विक की उद्वेलना भए एकेन्द्री, विकलत्रय कै होइ वा ते मरि जहां उपजै, तहां भी होय । सो तिर्यच-मनुष्य मिथ्यादृष्टि ही कै होइ । तहां बंध तेईस, पचीस, छबीस, अठाईस, गुणतीस, तीस का है । उदय तिर्यचनि कै इकईस, चौबीस, पचीस, छबीस, सत्ताईस, अठाईस, गुणतीस, तीस, इकतीस का है । मनुष्यनि कै इकईस, छबीस, अठाईस, गुणतीस, तीस का है । यहु अठ्यासी का सत्त्व पंचेन्द्री-तिर्यच ; मनुष्य-मिथ्यादृष्टी शरीर-पर्याप्तिकाल विषै नरकगतियुत अठाईस का बंध करै वा तिर्यच, मनुष्यगति सहित गुणतीस वा तिर्यच-उद्योत सहित तीस का बंध करै, तब पाइए । अथवा एकेन्द्री, विकलत्रय, नारक-चतुष्क की उद्वेलना करि मरि पंचेन्द्री-तिर्यच वा मनुष्य होइ, शरीरपर्याप्त-काल विषै देव-चतुष्क कौ बांधै, तब पाइए है ।

बहुरि चौरासी का सत्त्व नारक-चतुष्क की उद्वेलना भए एकेन्द्री, विकलेन्द्री कै पाइए वा ते मरि मनुष्य-तिर्यच विषै जहां उपजै, तहां मिथ्यादृष्टि विषै ही पाइए, सो तहां बंध वा उदय अठ्यासी का सत्त्व विषै कह्या, तैसे ही जानना । विशेष इतना— इहां अठाईस का बंध नाहीं है । यहु चौरासी का सत्त्व शरीरपर्याप्त-कालादिक विषै तिर्यच-मनुष्यगति का बंध भए हो है । पंचेन्द्री-तिर्यच वा मनुष्य कै देव, नरक का बंध भए ऐसा सत्त्व न हो है ।

बहुरि बियासी का सत्त्व मनुष्यद्विक की उद्वेलना भए तेज, वातकायिक कै होइ वा ते मरि तिर्यच विषै जहां उपजै तहां होइ, तहां बंध तेईस, पचीस, छबीस, गुणतीस, तीस का ; उदय इकईस, चौबीस, पचीस, छबीस का । इहां तेज, वातकायिक विषै आतप वा उद्योत का उदय नाहीं ; तातै पचीस ही का उदय है । छबीस का नाहीं ।

बहुरि असी का सत्त्व क्षपकश्रेणीवाला अनिवृत्तिकरणादिक कै वा तीर्थकर-केवली कै हो है । तहां अनिवृत्तिकरण, सूक्ष्मसांपराय विषै बंध एक का, ऊपरि बंध का अभाव ; उदय क्षीणकषाय पर्यंत तीस का, सयोगी विषै स्वस्थान-केवली कै तीस ही का, समुद्घात-केवली कै इकईस, सत्ताईस, गुणतीस, तीस, इकतीस का, अयोगी विषै नव का है ।

बहुरि गुण्यासी का सत्त्व तीर्थकर-रहित है । अठहत्तरि का तीर्थकर-सहित, आहारक-रहित है । सतहत्तरि का तीर्थकर-आहारकद्विक रहित है । सो इन तीनों विषै बंध, उदय, सत्त्व क्षपक-अनिवृत्तिकरण तै क्षीणकषाय पर्यंत तौ असी का विषै कह्या, तैसै ही जानना । सयोग विषै गुण्यासी वा सतहत्तरि का सत्त्व विषै तौ स्वस्थान-केवली कै तीस का, समुद्घातकेवली कै बीस, छबीस, अठाईस, गुणतीस का उदय है । अठहत्तरि का सत्त्व विषै, असी का सत्त्व विषै कह्या, तैसै जानना । अयोगी विषै गुण्यासी, सतहत्तरि का सत्त्व विषै, आठ का उदय ; अठहत्तरि का सत्त्व विषै नव का उदय जानना । बहुरि दश का, नव का, सत्त्व अयोगी कै चरम-समय-तीर्थसहित वा रहित है । तहां बंध का अभाव है । सत्त्व क्रम तै नव का— आठ का जानना ॥ ७५९ ॥

औसै सत्त्वस्थान, आधार विषै बंध उदय आधेयकरि व्याख्यान कीया ।

आगै बंध, उदय दोय तौ आधार अर सत्त्वस्थान एक आधेय, ताकौ नव-गाथानि करि कहै हैं । इहां इतने का बंध, इतने का उदय होतै, सत्त्व कितने-कितने का पाइए, औसा कथन कहिए है—

**तेवीसबंधगे इगिवीसणवुदयेसु आदिमचउक्के ।**

**बाणउदिणउदिअडचउ, बासीदी सत्तठाणाणि ॥ ७६० ॥**

त्रयोविंशबंधके एकविंशनवोदयेषु आदिमचतुष्के ।

द्वानवतिनवत्यष्टचतुद्वयशीतिः सत्त्वस्थानानि ॥ ७६० ॥

टीका - तेवीस का बंध विषै इकवीस का आदि नव उदयस्थान हैं । तिनविषै आदि के च्यारि उदयस्थाननि विषै तौ बाणवै, निवै, अठ्यासी, चौरासी, बियासी के पंच-सत्त्वस्थान हैं ॥७६० ॥

**तेणुवरिमपंचुदये, ते चेवंसा विवज्ज बासीदिं ।**

**एवं पणछव्वीसे, अडवीसे एक्कवीसुदये ॥ ७६१ ॥**



तेनोपरिमपंचोदये, ते चैवांशा विवर्ज्य द्वयशीतिं ।

एवं पंचषड्विंशे, अष्टविंशेन एकविंशोदये ॥ ७६१ ॥

टीका - तीहिं तेवीस का बंध सहित ऊपरि के सत्ताईसकानै आदि दैकरि पंच उदय-स्थाननि विषै तिन पंचनि मेंस्यों बियासी का बिना च्यारि ही सत्त्वस्थान हैं । बहुरि पचीस का वा छबीस का बंध सहित उदयस्थान तेवीस का सहितवत् हैं । तिनविषै सत्त्व भी तेवीस का सहित विषै, जैसे कहा तैसे ही हैं ॥ ७६१ ॥

बहुरि अठाईस का बंध सहित इकवीस का उदय विषै कहै हैं—

बाणउदिणउदिसत्तं, एवं पणुवीसयादिपंचुदये ।

पणसगवीसे णउदी, विगुव्वणे अत्थि णाहारे ॥ ७६२ ॥

द्वानवतिनवतिसत्त्वमेवं पंचविंशतिकादिपंचकोदये ।

पंचसप्तविंशे नवतिर्विगुर्वणेऽस्ति नाहारे ॥ ७६२ ॥

टीका - बाणवै, निवै का सत्त्व है, जैसे ही अठाईस का बंध सहित पचीस का आदि पांच, उदय विषै सत्त्व है । इतना विशेष— जो पचीस, सताईस का उदय विषै जो निवै का सत्त्व है, सो वैक्रियिक अपेक्षा है, आहारक अपेक्षा नहीं है ॥ ७६२ ॥

तेण णभिगितीसुदये, बाणउदिचउक्कमेक्कतीसुदये ।

णवरि ण इगिणउदिपदं, णववीसिगिवीसबंधुदये ॥ ७६३ ॥

तेन नभ एकत्रिंशोदये, द्वानवतिचतुष्कमेकत्रिंशोदये ।

नवरि न एकनवतिपदं, नवविंशैकविंशबंधोदययोः ॥ ७६३ ॥

टीका - तीहिं अठाईस का बंध सहित तीस, इकतीस, का उदय होतैं बाणवै आदि च्यारि का सत्त्व है । इतना विशेष— जो इकतीस का उदय होतैं इक्याणवै का सत्त्व नहीं है ॥ ७६३ ॥

बहुरि गुणतीस का बंध सहित इकईस का उदय विषै कहै हैं—

तेणवदिसत्तसत्तं, एवं पणछक्कवीसठाणुदये ।

चउवीसे वाणउदी, णउदिचउक्कं च सत्तपदं ॥ ७६४ ॥

त्रिनवतिसप्तसत्त्व, मेवं, पंचषट्कविंशस्थानोदये ।

चतुर्विंशे द्वानवति, नवतिचतुष्कं च सत्त्वपदं ॥ ७६४ ॥

टीका - तरेणवै आदि सात का सत्त्व है । जैसे गुणतीस का बंध सहित पचीस, छबीस का उदय होतैं भी सत्त्व है । गुणतीस का बंधसहित चौबीस का उदय विषै बाणवै अर निवै आदि च्यारि का सत्त्व है ।

सगवीसचउक्कुदये, तेणउदीछक्कमेवमिगितीसे ।

तिगिणउदी ण हि तीसे, इगिपणसगअट्टणवयवीसुदये ॥ ७६५ ॥

सप्तविंशचतुष्कोदये, त्रिनवतिषट्कमेवमेकत्रिंशे ।

त्रयेकनवतिर्नहित्रिंशे, एक पंचसप्ताष्टनवकविंशोदये ॥ ७६५ ॥

टीका - गुणतीस का बंध सहित सत्ताईस आदि च्यारि का उदय होतैं, तरेणवै आदि छह का सत्त्व है । असै ही इकतीस का उदय विषैं भी है । विशेष इतना— इहां तरेणवै, इक्याणवै का सत्त्व नाही है ॥ ७६५ ॥

बहुरि तीस का बंध सहित इकईस, पंचीस, सत्ताईस, अठाईस, गुणतीस का उदय होतैं कहैं—

तेणउदिछक्कसत्तं, इगिपणवीसेसु अत्थि बासीदी ।

तेण छचउवीसुदये, बाणउदी णउदिचउसत्तं ॥ ७६६ ॥

त्रिनवतिषट्कसत्त्व, मेकपंचविंशयोरस्ति द्वयशीतिः ।

तेन षट्चतुर्विंशोदये, द्वानवतिः नवतिचतुष्कं सत्त्वं ॥ ७६६ ॥

टीका - तरेणवै आदि छह का सत्त्व है । इतना विशेष—बियासी का सत्त्व इकईस, पंचीस का उदय होतैं ही हो है, और उदय होतैं न हो है । बहुरि तीहिं तीस का बंध सहित चौबीस, छबीस का उदय होतैं, बाणवै वा निवै आदि च्यारि का सत्त्व है ॥ ७६६ ॥

एवं खिगितीसे ण हि, बासीदी एक्कतीसबंधेण ।

तीसुदये तेणउदी, सत्तपदं एक्कमेव हवे ॥ ७६७ ॥

एवं खैकत्रिंशे न हि, द्वयशीतिरेकत्रिंशबंधेन ।

त्रिंशोदये त्रिनवतिः, सत्त्वपदमेकमेव भवेत् ॥ ७६७ ॥

टीका - तीस का बंध सहित, तीस, इकतीस का उदय होतैं, सत्त्व चौबीस का, उदय विषैं कह्या तैसै ही है । विशेष इतना— इहां बियासी का सत्त्व नाही है । बहुरि इकतीस का बंध सहित तीस का उदय होतैं, सत्त्व तरेणवै का एक ही है ॥ ७६७ ॥

इगिबंधट्टाणेण दु, तीसट्टाणोदये णिरुंधम्मि ।

पढमचऊसीदिचऊ, सत्तट्टाणाणि णामस्स ॥ ७६८ ॥

एकबंधस्थानेन तु, त्रिंशस्थानोदये निरोधे ।

प्रथमचतुष्काशीति, चतुष्कं सत्त्वस्थानानि नाम्नः ॥ ७६८ ॥

टीका - एक का बंध सहित तीस ही का उदय है, तहां सत्त्व पहिलैं तरेणवै आदि च्यारि का वा असी आदि च्यारि का सत्त्वस्थान नामकर्म के हैं ॥ ७६८ ॥

आगै बंध-सत्त्व आधार विषै उदयस्थान कौं आधेयकरि छह गाथानि विषै कहैं हैं, तहां इतने का बंध, इतने का सत्त्व होतैं, उदय इतने-इतने का होइ, अैसा कथन कहिए है—

**तेवीसबंधठाणे, दुखणउदडचदुरसीदिसत्तपदे ।**

**इगिवीसादिणउदओ, बासीदे एक्कवीसचऊ ॥ ७६९ ॥**

त्रयोविंशबंधस्थाने, द्विखनवत्यष्टचतुरशीतिसत्त्वपदे ।

एकविंशादिनवोदयो, द्वयशीतौ एकविंशचतुष्कं ॥ ७६९ ॥

**टीका** — तेवीस का बंधस्थान सहित बाणवै, निवै, अठ्यासी, चौरासी का सत्त्व होतैं इकईस का आदि नव उदय-स्थान हैं । तेवीस का बंध सहित बियासी का सत्त्व विषै इकईस का आदि च्यारि उदयस्थान हैं ॥ ७६९ ॥

**एवं पणछव्वीसे, अडवीसे बंधगे दुणउदंसे ।**

**इगिवीसादिणवुदया, चउवीसट्टाणपरिहीणा ॥ ७७० ॥**

एवं पंचषड्विंशे, अष्टविंशे बंधके तु द्वानवत्यंशे ।

एकविंशादिनवोदयाश्चतुर्विंशस्थानपरिहीणाः ॥ ७७० ॥

**टीका** — पचीस, छबीस का बंध सहित भी सत्त्वस्थान तेवीस का सहितवत् है । तहां उदयस्थान भी तेवीस का सहित विषै, जैसें कहे-तैसें ही हैं । बहुरि अठाईस का बंधसहित बाणवै का सत्त्व होतैं, इकईसकानैं आदि नव, चौबीस का बिना उदय-स्थान हैं ॥ ७७० ॥

**इगिणउदीए तीसं, उदओ णउदीए तिरियसण्णि वा ।**

**अडसीदीए तीसदु, णववीसे बंधगे तिणउदीए ॥ ७७१ ॥**

एकनवत्यां त्रिंश, उदयो नवत्यां तिर्यक्संज्ञी वा ।

अष्टाशीतौ त्रिंशद्विकं, नवविंशे बंधके त्रिनवत्यां ॥ ७७१ ॥

**टीका** — अठाईस का बंध सहित इक्याणवै का सत्त्व होतैं, उदय तीस का है । अठाईस का बंध सहित निवै का सत्त्व होतैं, संज्ञी-तिर्यच विषै कहे अैसें इकवीस, छबीस, अठाईस, गुणतीस, तीस, इकतीस के उदयस्थान हैं । बहुरि अठाईस का बंध, अठ्यासी का सत्त्व होतैं, इकतीस का उदय है ॥ ७७१ ॥

बहुरि गुणतीस का बंध सहित तरेणवै का सत्त्व होतैं कहै हैं—

**इगिवीसादडुदओ, चउवीसूणो दुणउदिणउदितिये ॥**

**इगिवीसणविगिणउदे, णिरयं व छवीसतीसधिया ॥ ७७२ ॥**

एकविंशादष्टौदयश्चतुर्विंशोनो द्विनवतिनवतित्रये ।

एकविंशनवैकनवत्यां, निरयो व षड्विंशत्रिंशाधिकाः ॥ ७७२ ॥

१८८ ]

[ गोमटसार कर्मकाण्ड उत्तरार्द्ध गाथा- ७७२, ७७३, ७७४, ७७५ ]

**टीका -** इकवीस का आदि आठ, चौबीस का बिना उदयस्थान हैं । बहुरि गुणतीस का बंध बाणवै का वा निवै आदि तीन का सत्त्व होतैं, इकईस का आदि नव का उदय है । बहुरि गुणतीस का बंध इक्याणवै का सत्त्व होतैं नरकगति विषैं कहे असै इकईस, पचीस, सत्ताईस, अठाईस, गुणतीस के अर छबीस, तीस के उदय-स्थान हैं ॥ ७७२ ॥

**बासीदे इगिचउपण, छव्वीसा तीसबंधतिगिणउदी ।**

**सुरमिव दुणउदिणउदी, चउसुदओ ऊणतीसं वा ॥ ७७३ ॥**

द्वयशीत्यामेकचतु ; पंच, षड्विंशः त्रिंशबंधे त्रयेकनवतौ ।

सुर इव द्विनवतिनवति, चतुर्षूदय एकोनत्रिंशं वा ॥ ७७३ ॥

**टीका -** गुणतीस का बंध सहित बियासी का सत्त्व विषैं इकईस, चौबीस, पचीस, छबीस के उदयस्थान हैं । बहुरि तीस का बंध सहित तरेणवै, इक्याणवै का सत्त्व होतैं, देवगति विषैं कहे— असै पांच उदयस्थान हैं । बहुरि तीस का बंध सहित बाणवै का वा निवै आदि च्यारि का सत्त्व होतैं, गुणतीस का बंध सहित विषैं कहे, तैसें ही नव उदय-स्थान हैं । बहुरि तीस का बंध बियासी का सत्त्व होतैं गुणतीस का बंध सहितवत् च्यारि उदयस्थान हैं ॥ ७७३ ॥

**इगितीसबंधठाणे, तेणउदे तीसमेव उदयपदं ।**

**इगिबंध तिणउदिचऊ, सीदिचउक्केवि तीसुदओ ॥ ७७४ ॥**

एकत्रिंशबंधस्थाने त्रिनवत्यां त्रिंशमेव उदयपदं ।

एकबंधे त्रिनवतिचतुष्के अशीतिचतुष्केऽपि त्रिंशोदयः ॥ ७७४ ॥

**टीका -** इकतीस का बंध-स्थान सहित तरेणवै का सत्त्व होतैं तीस का ही एक उदय-स्थान है । बहुरि एक का बंध सहित तरेणवै आदि च्यारि का वा असी आदि च्यारि का सप्त विषैं भी उदयस्थान तीस ही का है । आगैं बंध का अभाव है ; तातैं दोय स्थान आधार, एक स्थान आधेय संभवै नाहीं ॥ ७७४ ॥

आगैं उदय-सत्त्व स्थान आधार, बंधस्थान आधेय असा दश गाथानि करि कहैं हैं । तहां इतने का उदय, इतने का सत्त्व होतैं, किसी कैं इतने का किसी के इतने का, बंध पाइए ऐसा कथन कहिए है—

**इगिवीसट्टाणुदये, तिगिणउदे णवयवीसदुगबंधो ।**

**तेण दुखणउदिसत्ते, आदिमछक्कं हवे बंधो ॥ ७७५ ॥**

एकविंशस्थानोदये, त्रयेकनवत्यां नवविंशद्विकबंधः ।

तेन द्विखनवतिसत्ते, आदिमषट्कं भवेद् बंधः ॥ ७७५ ॥

टीका - इकईस का उदय सहित तरेणवै, इक्याणवै का सत्त्व विषै गुणतीस, तीस के दोय बंधस्थान हैं। बहुरि इकईस का उदय बाणवै, निवै का सत्त्व होतैं आदि के छह बंधस्थान हैं ॥७७५ ॥

**एवमडसीदितिदए, ण हि अडवीसं पुणोवि चउवीसे ।**

**दुखणउदडसीदितिए, सत्ते पुव्वं व बंधपदं ॥ ७७६ ॥**

एवमष्टाशीतित्रितये, न ह्यष्टविंशं पुनरपि चतुर्विंशे ।

द्विखनवत्यष्टाशीतित्रये, सत्त्वे पूर्व व बंधपदं ॥ ७७६ ॥

टीका - बहुरि इकईस का उदय सहित अट्यासी आदि तीन का सत्त्व होतैं बंधस्थान आदि के छह तिनविषै अठईस का बिना पांच है। बहुरि चौबीस का उदय सहित बाणवै, निवै का, अट्यासी आदि तीन का सत्त्व होतैं तेई पांच बंधस्थान हैं ॥ ७७६ ॥

**पणवीसे तिगिणउदे, एगुणतीसं दुगं दुणउदीए ।**

**आदिमछक्कं बंधो, णउदिचउक्केवि णडवीसं ॥ ७७७ ॥**

पंचविंशे त्रयेकनवतौ, एकोनत्रिंशद्विकं द्विनवत्यां ।

आदिमषट्कं बंधो, नवतिचतुष्केऽपि नाष्टाविंशं ॥ ७७७ ॥

टीका - पचीस का उदय सहित तरेणवै, इक्याणवे का सत्त्व विषै गुणतीस, तीस के दोय बंधस्थान हैं। बहुरि पचीस का उदय, बाणवै का सत्त्व विषै आदि के छह बंधस्थान हैं। बहुरि पचीस का उदय, निवै आदि च्यारि का सत्त्व होतैं आदि के छह विषै अठईस का बिना पंच बंधस्थान हैं ॥ ७७७ ॥

**छव्वीसे तिगिणउदे, उणतीसं बंध दुगखणउदीए ।**

**आदिमछक्कं एवं, अडसीदितिए ण अडवीसं ॥ ७७८ ॥**

षड्विंशे त्रयेकनवतौ, एकोनत्रिंशं बंधो द्विकखनवत्यां ।

आदिमषट्कमेव मष्टाशीतित्रये नाष्टाविंशं ॥ ७७८ ॥

टीका - बहुरि छबीस का उदय सहित तरेणवै, इक्याणवै का सत्त्व होतैं गुणतीस ही का बंधस्थान है। बहुरि छबीस का उदय ; बाणवै, निवै का सत्त्व होतैं आदि के छह बंधस्थान हैं। बहुरि छबीस का उदय ; अट्यासी आदि तीन का सत्त्व होतैं आदि के छह विषै, अठईस का बिना पंच बंधस्थान हैं ॥ ७७८ ॥

**सगवीसे तिगिणउदे, णववीसदुबंधयं दुणउदीए ।**

**आदिमछण्णउदितिए, एयं अडवीसयं णत्थि ॥ ७७९ ॥**

१९० ]

[गोमटसार कर्मकाण्ड उत्तरार्द्ध गाथा- ७७९, ७८०, ७८१, ७८२

सप्तविंशे त्रयेकनवतौ, नवविंशद्विबंधको द्विनवत्यां ।

आदिमषणवतित्रये, एवमष्टाविंशकं नास्ति ॥ ७७९ ॥

**टीका** - सत्ताईस का उदय सहित तरेणवै, इक्याणवै का सत्त्व विषै गुणतीस का आदि दोय बंधस्थान हैं । बहुरि सत्ताईस का उदय, बाणवै का सत्त्व होतैं आदि कै छह बंध-स्थान हैं । बहुरि सत्ताईस का उदय, निवै आदि तीन का सत्त्व होतैं, आदि के छह विषै अठाईस का बिना पंच बंधस्थान हैं ॥ ७७९ ॥

**अडवीसे तिगिणउदे, उणतीसदु दुजुदणउदिणउदितिये ।**

**बंधो सगवीसं वा, णउदीए अत्थि णडवीसं ॥ ७८० ॥**

अष्टाविंशे त्रयेकनवत्यामेकोनत्रिंशद्विकं द्वियुतनवतिनवतित्रये ।

बंधः सप्तविंशं वा, नवतौ अस्ति नाष्टाविंशं ॥ ७८० ॥

**टीका** - अठाईस का उदय सहित तरेणवै, इक्याणवै का सत्त्व होतैं गुणतीस, तीस के दोय बंधस्थान हैं । बहुरि अठाईस का उदय, बाणवै का सत्त्व होतैं वा निवै आदि तीन का सत्त्व होतैं सताईस का उदय सहित विषै, जैसें कहे तैसें ही बंधस्थान हैं । विशेष इतना—निवै का सत्त्व होतैं अठाईस का बंध नाही है ॥ ७८० ॥

**अडवीसमिवुणतीसे, तीसे तेणउदिसत्तगे बंधो ।**

**णववीसेक्कत्तीसं, इगिणउदी अट्टवीसदुगं ॥ ७८१ ॥**

अष्टाविंश इवैकोनत्रिंशे, त्रिंशेत्रिनवतिसत्त्वके बंधः ।

नवविंशैकत्रिंशमेकनवत्यामष्टविंशद्विकं ॥ ७८१ ॥

**टीका** - गुणतीस का उदय सहित तरेणवै, इक्याणवे का सत्त्व विषै वा बाणवै, निवै का सत्त्व विषै वा अठ्यासी, चौरासी का सत्त्व विषै, जैसें अठाईस का उदय सहित विषै कहे, तैसें ही बंधस्थान हैं । बहुरि तीस का उदय सहित तरेणवै का सत्त्व विषै गुणतीस-इकतीस के दोय बंध-स्थान हैं । बहुरि तीस का उदय इक्याणवै का सत्त्व विषै, नरक-गमन काँ सन्मुख तीर्थकर-सत्त्ववाला मिथ्यादृष्टी-मनुष्य कै अठाईस वा गुणतीस का बंध है ॥ ७८१ ॥

**तेण दुणउदे णउदे, अडसीदे बंधमादिमं छक्कं ।**

**चुलसीदेवि य एवं, णवरि ण अडवीसबंधपदं ॥ ७८२ ॥**

तेन द्विनवतौ नवतौ, अष्टाशीतौ बंध आदिमषट्कं ।

चतुरशीत्यामपि च एवं, नवरि नाष्टाविंशबंधपदं ॥ ७८२ ॥

**टीका** - तीस का उदय सहित बाणवै, निवै, अठ्यासी का सत्त्व विषै आदि के छह बंधस्थान हैं । बहुरि तीस का उदय, चौरासी का सत्त्व विषै भी तेई छह, तिन विषै अठाईस का नाही । जैसें पंच बंधस्थान हैं ॥ ७८२ ॥

तीसुदयं विगितीसे, सजोग्गबाणउदिणउदितियसत्ते ।

उवसंतचउक्कुदये, सत्ते बंधस्स ण विचारो ॥ ७८३ ॥

त्रिंशोदयं वैकत्रिंशे, स्वयोग्यद्वानवतिनवतित्रयसत्त्वे ।

उपशांतचतुष्कोदये, सत्त्वे बंधस्य न विचारः ॥ ७८३ ॥

टीका — इकतीस का उदय सहित अपने योग्य बाणवै, निवै, अठ्यासी का सत्त्व विषै वा चौरासी का सत्त्व विषै तीस का उदय सहित विषै, जैसें कहे तैसें आदि के छह वा अठाईस के बिना पंच बंधस्थान हैं । बहुरि उपशांतकषायादिक च्यारि-गुणस्थानकनि विषै उदयस्थान हैं । तिन विषै बंधस्थान का विचार नाही ; जातैं तिन विषै बंध का अभाव है, उदय-सत्त्व ही हैं । तहां उपशांत-कषाय विषै उदय तीस का, सत्त्व तरेणवै आदि च्यारि का है । क्षीणकषाय विषै उदय तीस का, सत्त्व असी आदि च्यारि का है । सयोगी विषै उदय तीस का वा इकतीस का, सत्त्व असी आदि च्यारि का है । अयोगी विषै उदय नव का वा आठ का ; सत्त्व असी आदि च्यारिका वा दश, नव का है ॥ ७८३ ॥

णामस्स य बंधादिसु, दुतिसंजोगा परूविदा एवं ।

सुदवणवसंतगुणगण, सायरचंदेण सम्मदिणा ॥ ७८४ ॥

नामश्च बंधादिषु, द्वित्रिसंयोगाः प्ररूपिता एवं ।

श्रुतवनवसंतगुणगण सागरचंद्रेण सन्मतिना ॥ ७८४ ॥

टीका — जैसें नामकर्म के बंध, उदय, सत्त्व-स्थाननि विषै द्विसंयोग वा त्रिसंयोग प्ररूपण किए हैं । कौन कीए हैं ? श्रुत जो जैन-सिद्धांत सोई भया वन, ताके प्रफुल्लित करने कौ वसंत-ऋतु समान अर गुणां का गण समूह, सोई भया सागर-समुद्र, ताके बधावने कूं चंद्रमा समान— असा जु भलेज्ञान का धारक सन्मति-वर्धमान स्वामी, तीहिं प्ररूपणा कीए हैं । इहां द्विसंयोग, त्रिसंयोग विषै जे बंध, उदय, सत्त्वस्थान कहे हैं, तिनका जुदा-जुदा पहिलैं कथन गुणस्थानादि विषै किया है, ताकौं यादिकरि यथासंभव विचारने ॥ ७८४ ॥

आस्रवाधिकारः ॥ ६ ॥

आस्रव भाव-अभाव तैं, भए स्वभाव-स्वरूप ।

नमौं सहज आनंदमय, अचलित-अमल-अनूप ॥ ६ ॥

आगैं प्रत्यय जु है कर्म आवने कौं कारण— असा आस्रव, ताका अधिकार कौं प्रारंभै हैं । तहां प्रथम ही निर्विघ्नपनैं समाप्त होने के अर्थि, अपने इष्ट-गुरु कौं नमस्कार करैं हैं—

णमिऊण अभयणंदिं, सुदसायरपारगिंदणंदिगुरुं ।

वरवीरणंदिणाहं, पयडीणं पच्चयं वोच्छं ॥ ७८५ ॥

नत्वाभयनंदिं, श्रुतसागरपारगेंद्रनंदिगुरुं ।  
वरवीरनंदिनाथं, प्रकृतीनां प्रत्ययं वक्ष्ये ॥ ७८५ ॥

टीका - 'अभयनंदी' नामा मुनीश्वर, बहुशास्त्र समुद्र का पारगामी 'इंद्रनंदि' नामा गुरु, बहुरि उत्कृष्ट 'वीरनंदी' नामा स्वामी— इनि अपने गुरुनि कौं नमस्कार करि, कर्म-प्रकृतिनि का प्रत्यय कहिए कारण— असा आस्रव, ताकौं कहोंगा ॥ ७८५ ॥

**मिच्छत्तं अविरमणं, कषायजोगा य आसवा होंति ।**

**पण बारस पणुवीसं, पण्णरसा होंति तब्भेया ॥ ७८६ ॥**

मिथ्यात्वमविरमणं, कषाययोगौ चास्रवा भवन्ति ।  
पंच द्वादश पंचविंशं, पंचदश भवन्ति तद्भेदाः ॥ ७८६ ॥

टीका - मिथ्यात्व, अविरत, कषाय, योग— ए च्यारि मूल-आस्रव हैं । आस्रवन्ति कहिए कार्माण-स्कंध हैं ते कर्मरूपपने कौं प्राप्त हो हैं इनकरि ; तातैं इनकौं आस्रव कहिए । तिनके भेद क्रम तैं पंच, बारह, पचीस, पंद्रह जानने । तहां एकांत, विनय, संशय, विपरीत, अज्ञान— ऐ तौ पांच-मिथ्यात्व हैं । पांच इंद्रि, छठा मन का वशीभूतपना नाही ; पंच स्थावर, छठे त्रस की दया नाही— असाँ बारह-अविरत हैं । अनंतानुबंधी, अप्रत्याख्यानावरण, प्रत्याख्यानावरण, संज्वलन, क्रोध-मान-माया-लोभ— ए सोलह-कषाय अर हास्य, रति, अरति, शोक, भय, जुगुप्सा, पुरुष, स्त्री, नपुंसक वेद— ए नव नोकषाय— असाँ पचीस-कषाय हैं । सत्य, असत्य, उभय, अनुभयरूप च्यारि मनोयोग, सत्य, असत्य, उभय, अनुभयरूप च्यारि वचन-योग, औदारिक, औदारिकमिश्र, वैक्रियिक, वैक्रियिकमिश्र, आहारक, आहारकमिश्र, कार्माण रूप सात-काययोग— असाँ पंद्रह योग हैं ।

या प्रकार सत्तावन उत्तर-प्रत्यय हैं ॥ ७८६ ॥

आगैं मूल-प्रत्यय कौं गुणस्थाननि विषैं कहै हैं—

**चदुपच्चइगो बंधो, पढमे णंतरतिगे तिपच्चइगो ।**

**मिस्सगबिदियं उवरिम, दुगं च देसेक्कदेसम्मि ॥ ७८७ ॥**

चतुःप्रत्ययिको बंधः, प्रथमेऽनंतरत्रिके त्रिप्रत्ययकः ।  
मिश्रकद्वितीय उपरिम, द्विकं च देशैकदेशे ॥ ७८७ ॥

टीका - मिथ्यादृष्टि विषैं बंध च्यार्यो प्रत्यय तैं हैं । सासादनादि तीन विषैं मिथ्यात्व बिना तीन-प्रत्यय तैं है । देश कहिए लेश-किंचित् एक जु है असंयम, ताकौं दिशति कहिए परिहरै-त्यागै असाँ देशैकदेश कहिए देश-संयत, तिसविषैं भी तीन-प्रत्यय ही तैं बंध है । इतना विशेष—तहां अविरत है सो विरति करि मिश्ररूप है ॥ ७८७ ॥



उवरिल्लपंचये पुण, दुपच्चया जोगपच्चओ तिण्हं ।

सामण्णपच्चया खलु, अट्टण्हं होति कम्माणं ॥ ७८८ ॥

उपरिमपंचके पुनर्द्विप्रत्ययौ योगप्रत्ययस्त्रयाणां ।

सामान्यप्रत्ययाः खलु, अष्टानां भवन्ति कर्मणां ॥ ७८८ ॥

टीका - बहुरि ऊपरि के पंच गुणस्थाननि विषैँ दोय ही प्रत्यय हैं, ते योग अर कषाय हैं । बहुरि उपशांतकषायादि तीन विषैँ योग-प्रत्यय एक ही है ।

औसैँ सामान्य-प्रत्यय आठ कर्मनि के कारण, ते गुणस्थाननि विषैँ जानने ॥ ७८ ॥

मि	सा	मि	अ	दे	प्र	अ	अ	अ	सू	उ	क्षी	स	अ
४	३	३	३	३	२	२	२	२	२	१	१	१	०

आगैँ उत्तर-प्रत्ययनि कौं गुणस्थाननि विषैँ कहैँ हैं—

पणवण्णा पण्णासा, तिदाल छादाल सत्ततीसा य ।

चदुवीसा बावीसा, बावीसमपुव्वकरणोत्ति ॥ ७८९ ॥

थूले सोलसपहुदी, एगूणं जाव होदि दसठाणं ।

सुहुमादिसु दस णवयं, णवयं जोगिम्मि सत्तेव ॥ ७९० ॥

पंचपंचाशत् पंचाशत्, त्रिचत्वारिंशत् षट्चत्वारिंशत्सप्तत्रिंशच्च ।

चतुर्विंशतिर्द्वाविंशतिः, द्वाविंशमपूर्वकरण इति ॥ ७८९ ॥

स्थूले षोडशप्रभृतय, एकोना यावद्भवति दशस्थानं ।

सूक्ष्मादिषु दश नवकं, नवकं योगिनि सप्तैव ॥ ७९० ॥

टीका- उत्तर-प्रत्यय गुणस्थाननि विषैँ कहिए है । तहां मिथ्यादृष्टि विषैँ आहारक-आहारकमिश्र नाही ; तातैँ पचावन-प्रत्यय हैं । सासादन विषैँ पांच-मिथ्यात्व नाही ; तातैँ पचास हैं । मिश्र विषैँ औदारिकमिश्र, वैक्रियिकमिश्र, कार्माण योग, अनंतानुबंधी-चतुष्क नाही ; तातैँ तियालीस हैं । असंयत विषैँ जे मिश्र विषैँ तीन-योग घटाए थे, तिनके मिलने तैँ छियालीस हैं । देश-संयत विषैँ ते तीन-योग अर वैक्रियिककाय-योग अर त्रस-हिंसारूप अविरति अर प्रत्याख्यान च्यारि कषाय नाही ; तातैँ सैंतीस हैं । प्रमत्त विषैँ अवशेष ग्यारह-अविरति अर अप्रत्याख्यान-चतुष्क— ए पंद्रह नाही अर आहारकद्विक मिलैँ ; तातैँ चौबीस हैं ।

अप्रमत्त आदि दोय विषै आहारकद्विक नाही ; तातै बावीस है । स्थूल जो अनिवृत्तिकरण तीहि विषै छह हास्यादिक नोकपाय नाही तब सोलह, नपुंसक-वेद नाही तब पंद्रह, स्त्रीवेद नाही तब चौदह, पुरुषवेद नाही तब तेरह, संज्वलन-क्रोध नाही तब बारह, मान नाही तब ग्यारह, माया नाही तब दश है । सूक्ष्मसांपराय विषै वादर-लोभ नाही सूक्ष्म-लोभ है ; तातै इहां भी दश ही है । उपशांतकपाय, क्षीणकपाय विषै सो सूक्ष्मलोभ भी नाही ; तातै नव-नव है । सयोगी विषै सत्य-अनुभय-मन, सत्य-अनुभय-वचन, औदारिक, औदारिकमिश्र, कार्माणयोग— ए सात-प्रत्यय हैं । अयोगी विषै शून्य-प्रत्यय का अभाव है ॥ ७८९-७९० ॥

प्रत्ययव्युच्छिति	मि५	म४	मि०	अ९	दे१५	प्र२	अ०	अ६	अ१	१	१	१	१	१	१	सू१	उ०	क्षी४	स७	अ०
प्रत्ययोदय	५५	५०	४३	४६	३७	२४	२२	२२	१६	१५	१४	१३	१२	११	१०	१०	९	९	७	०
प्रत्ययानुदय	२	७	१४	११	२०	३३	३५	३५	४१	४२	४३	४४	४५	४६	४७	४८	४८	५०	५७	

आगै प्रत्ययनि की व्युच्छिति वा अनुदय का वर्णन रूप छह-गाथा केशव-ब्रह्मचारीकरि कहिए है—

पण चदु सुण्णं णवयं, पण्णारस दोण्णि सुण्ण छक्कं च ।

एक्केक्कं दस जाव य, एक्कं सुण्णं च चारि सग सुण्णं ॥ १ ॥

दोण्णि य सत्त य चोदस, णुदयेवि एयार वीस तेत्तीसं ।

पणतीस दुसिगिदालं, सत्तेतालदुदाल दुसु पण्णं ॥ २ ॥

पंच चतुष्कं शून्यं नवकं, पंचदश द्वे शून्यं षट्कं च ।

एकैकं दश यावच्च, एकं शून्यं च चत्वारि सप्त शून्यं ॥ १ ॥

द्वौ च सप्त च चतुर्दशा, नुदयेऽपि एकादश विंशं त्रयस्त्रिंशत् ।

पंचत्रिंशत् द्वयोरेकचत्वारिंशत्सप्तचत्वारिंशदष्टचत्वारिंशद् द्वयोः पंचाशत् ॥ २ ॥

टीका - मिथ्यादृष्ट्यादि गुणस्थाननि विषै क्रम तै पांच, च्यारि, शून्य, नव, पंद्रह, दोय, शून्य, छह ; पीछै दश आस्रव रहै, तहां पर्यंत एक-एक । बहुरि एक, शून्य, च्यारि, सात, शून्य रूप आस्रवनि की व्युच्छिति है । बहुरि तिन गुणस्थाननि विषै अनुदय जो आस्रव का अभाव, सो क्रम तै दोय, सात, चौदह, ग्यारह, बीस, तैतीस, पैतीस, पैतीस, इकतालीस, सैंतालीस, अठतालीस, अठतालीस, पचास का जानना ॥ १-२ ॥

ते व्युच्छिति कौन सो कहै है—

मिच्छे पणमिच्छत्तं, पढमकसायं तु सासणे मिस्से ।

सुण्णं-अविरदसम्मे, बिदियकसायं विगुव्वदुग कम्मं ॥ ३ ॥

सम्यग्ज्ञानचन्द्रिका भाषा टीका ]

ओरालमिस्स तसवह, णवयं देसम्मि अविरदेक्कारा ।  
 तदियकसायं पण्णर, पमत्तविरदम्मि हारदुगछेदो ॥ ४ ॥  
 सुण्णं प्रमादरहिदेऽपुव्वे छण्णोकसायवोच्छेदो ।  
 अणियट्टिमि य कमसो, एक्केक्कं वेदतियकसायतियं ॥ ५ ॥  
 सुहुमे सुहुमो लोहो, सुण्णं उवसंतगेषु खीणेषु ।  
 अलीयुभयवयणमणचउ, जोगिमि य सुणह वोच्छामि ॥ ६ ॥  
 सच्चाणुभयं वयणं, मणं च ओरालकायजोगं च ।  
 ओरालमिस्स कम्मं, उवयारेणेव सत्त्भाओ ॥ ७ ॥

मिथ्ये पंचमिथ्यात्वं, प्रथमकषायस्तु सासादने मिश्रे ।  
 शून्यमविरतसम्ये, द्वितीयकषायो वैगूर्वद्विकं कर्म ॥ ३ ॥  
 औरालमिश्रं त्रसबधो, नवकं देशेऽविरता एकादश ।  
 तृतीयकषायः पंचदश, प्रमत्तविरते आहारकद्विकच्छेदः ॥ ४ ॥  
 शून्यं प्रमादरहिते, अपूर्वे षण्णोकषायव्युच्छेदः ।  
 अनिवृत्तौ च क्रमशः, एकैकं वेदत्रयकषायत्रयं ॥ ५ ॥  
 सूक्ष्मे सूक्ष्मो लोभः, शून्यमुपशांतकेषु क्षीणेषु ।  
 अलीकोभयवचनमनश्चतुष्कं योगिनि च श्रृणुत वक्ष्यामि ॥ ६ ॥  
 सत्यानुभयं वचनं, मनश्च औरालकाययोगश्च ।  
 औरालमिश्रं कार्मणमुपचारेणैव सद्भावः ॥ ७ ॥ कुलकं ।

टीका - मिथ्यात्व विषैं पांच-मिथ्यात्व व्युच्छित्ति भए । ऊपरि के गुणस्थाननि विषैं नाहीं । सासादन विषैं प्रथम च्यारि-कषाय, मिश्र विषैं शून्य, अविरत विषैं दूसरा च्यारि-कषाय, वैक्रियिकद्विक, कार्माण, औदारिक-मिश्र, त्रस-हिंसा— ए नव देशसंयत विषैं अविरत-ग्यारह, तीसरा-च्यारि-कषाय—असैं पन्द्रह । प्रमत्तविरत विषैं आहारकद्विक, अप्रमत्त विषैं शून्य । अपूर्वकरण विषैं छह-नोकषाय । अनिवृत्तिकरण विषैं क्रम तैं एक-एक करि तीन वेद, तीन कषाय सूक्ष्मसांपराय विषैं सूक्ष्म-लोभ । उपशांतकषाय विषैं शून्य । क्षीणकषाय विषैं असत्य-उभय मन वा वचन— ए च्यारि व्युच्छित्ति हैं । बहुरि सयोगी विषैं कहों हों तू सुनि-सत्य-अनुभय वचन अर मन अर औदारिक, औदारिकमिश्र, कार्माण— ए सात-योग हैं । सो उपचार करि ही है ॥ ३-७ ॥

आगैं आस्रवनि के विशेष कहने कौं अधिकार कहैं हैं—

अवरादीणं ठाणं, ठाणपयारा पयारकूडा य ।

कुडुच्चारणभंगा, पंचविहा होंति इगिसमये ॥ ७९१ ॥

अवरादीनां स्थानं, स्थानप्रकाराः प्रकारकूटाश्च ।

कूटोच्चारणभंगाः, पंचविधा भवन्ति एकसमये ॥ ७९१ ॥

टीका - जघन्य, मध्यम, उत्कृष्ट-स्थान बहुरि स्थानप्रकार, बहुरि कूट-प्रकार, बहुरि कूटोच्चारणविधान, बहुरि भंग— अैसेँ प्रत्ययनि कै पांच-प्रकार हैं, ते एक काल विषै हो हैं ॥७९१ ॥

तिन प्रकारनि कौं क्रम तैं छह-गाथानिकरि कहैं हैं—

दस अट्टारस दसयं, सत्तर णव सोलसं च दोणहंपि ।

अट्ट य चोदस, पणयं, सत्त तिये दुति दुगेगमेगमदो ॥ ७९२ ॥

दश अष्टादश दशकं, सप्तदश नव षोडश च द्वयोरपि ।

अष्ट च चतुर्दश पंचकं, सप्त त्रिके द्वित्रिकं द्विकैकमेकमतः ॥ ७९२ ॥

टीका - एक जीव कैँ एक काल विषै संभवै ऐसा प्रत्ययनि का समूह सो स्थान कहिए । सो गुणस्थाननि विषै कहिए है—

मिथ्यादृष्टि विषैँ जघन्य दश का, मध्यम एक-एक अधिक, यावत् उत्कृष्ट-अठारह का स्थान हो है ।

भावार्थ - मिथ्यादृष्टि विषैँ एक-जीव कैँ, एक कालि सत्तावन-आस्रवनि विषैँ, जघन्य तौ दश होय, मध्यम-ग्यारह वा बारह वा तेरह वा चौदह वा पंद्रह वा सोलह वा सतरह होइ । उत्कृष्ट-अठारह होइ । अैसेँ ही अन्यत्र जानना । सासादन विषैँ जघन्य-दश का, मध्यम तैसेँ ही एक-एक अधिक, यावत् उत्कृष्ट-सतरह का स्थान है । मिश्र विषैँ जघन्य-नव का, मध्यम तैसेँ ही एक-एक अधिक, यावत् उत्कृष्ट-सोलह का स्थान है । 'द्वयोरपि च' इस वचन तैं अविरत विषैँ भी मिश्रवत् स्थान हैं । देशसंयत विषैँ जघन्य-आठ का, मध्यम तैसेँ ही एक-एक अधिक, यावत् उत्कृष्ट-चौदह का स्थान हैं ।

प्रमत्त आदि तीन विषैँ प्रत्येक जघन्य-पांच का, मध्यम-छह का, उत्कृष्ट-सात का स्थान है । अनिवृत्तिकरण विषैँ जघन्य-दोय का, मध्यम नाही । उत्कृष्ट-तीन का स्थान है । सूक्ष्मसांपराय विषैँ जघन्यादि भेद बिना दोय का एक ही स्थान है । उपशांतकषायादि विषैँ जघन्यादि भेद बिना एक का एक ही है । अयोगी विषैँ शून्य है ॥ ७९२ ॥

आगैं ए स्थान कहे, ते केते-केते प्रकारकरि पाइए है, ऐसा स्थान प्रकारकरि कहैं हैं—

एककं च तिण्णि पंच य, हेदुवरीदो दु मज्झिमे छक्कं ।

मिच्छे ठाणपयारा, इगिदुगमिदरेसु तिण्णि देसोत्ति ॥ ७९३ ॥

एकश्च त्रयः पंच च, अधस्तनोपरितस्तु मध्यमे षट्कं ।

मिथ्ये स्थानप्रकाराः, एकद्विकमितरेषु त्रयोदश इति ॥ ७९३ ॥

टीका- मिथ्यादृष्टि विषै आठ-स्थान कहे, तिनविषै दश, ग्यारह, बारह के तीन नीचले स्थान अर अठारह सतरह, सोलह के तीन ऊपरि के स्थान- इनविषै तौ क्रम तै एक, तीन, पांच प्रकार हैं ।

भावार्थ-दश वा अठारह के स्थान तौ एक-एक प्रकारकरि ही हैं । ग्यारह, सतरह के स्थान तीन-तीन प्रकार करि हैं । बारह, सोलह के स्थान पांच-पांच प्रकारकरि हैं । औसै ही अन्यत्र जानना । बहुरि मध्य के तेरह, चौदह, पंद्रह के तीन स्थान छह-छह प्रकार हैं ।

बहुरि सासादनादिक देशसंयत पर्यंत विषै नीचला-पहिला वा दूसरा-स्थान अर ऊपरला-अंत का वा अंत तै नीचला-स्थान सो एक, दोय प्रकार है । पहिला अर अंत का स्थान तो एक-एक प्रकार है । अर दूसरा अंत के तै लगता ही नीचला-स्थान दोय-दोय प्रकार हैं । इनके मध्य जेते-जेते स्थान रहे, ते सर्व तीन प्रकार हैं । बहुरि प्रमत्तादिक के सर्व ही स्थान एक-एक प्रकार हैं ॥ ७९३ ॥

आगै ए कहे स्थान-प्रकार, तिनके जानने के अर्थि कूट-प्रकार कहै हैं-

मिथ्या.

१०	११	१२	१३	१४	१५	१६	१७	१८
१	३	५	६	६	६	५	३	१

सासादन-

१०	११	१२	१३	१४	१५	१६	१७
१	२	३	३	३	३	२	१

मिश्र-

९	१०	११	१२	१३	१४	१५	१६
१	२	३	३	३	३	२	१

असंयत-

९	१०	११	१२	१३	१४	१५	१६
१	२	३	३	३	३	२	१

उ .

देशसंयत—

८	९	१०	११	१२	१३	१४
१	२	३	३	३	२	१

१
१

प्रमत्त	५	६	७	अप्रमत्त	५	६	७	अपूर्व-	५	६	७	अनिवृ-	२	३	सू	२	क्षी	१	स	१
	१	१	१		१	१	१		१	१	१		१	१	१		१	१	१	१

भयदुगरहियं पढमं, एक्कदरजुदं दुसहियमिदि तिण्णं ।

सामण्णा तियकूडा, मिच्छा अणहीणतिण्णवि य ॥ ७९४ ॥

भयद्विकरहितं प्रथममेकतरयुतं द्विसहितमिति त्रयः ।

सामान्यानि त्रिकूटानि, मिथ्या अनहीनत्रीण्यपि च ॥ ७९४ ॥

टीका — कूट के आकारि रचना करनी । तहां नीचै ही नीचै तौ पांच-मिथ्यात्व विषैँ एक जीव कैँ एकैँ कालि एक ही होइ ; तातैँ पंच-मिथ्यात्व बरोबरि स्थापने । तिनकी सहनानी पांच जायगा एक लिखने । बहुरि तिनके ऊपरि पांच-इन्द्रिय, एक मन— इन छहौँ इंद्रियनि विषैँ, एक जीव कैँ एकैँ-कालि एक ही का विषय की प्रवृत्ति होइ, सो इनकौँ स्थापने, सो इनकी सहनानी छह जायगा एक लिखने ।

बहुरि तिनके ऊपरि छह-काय की हिंसा विषैँ एकैँ जीव कैँ एकैँ-कालि एक-काय की हिंसा होइ वा दोय काय की हिंसा होइ वा तीन की वा च्यारि की वा पांच की वा छह की हिंसा होइ, सो इनकौँ स्थापने । इनकी सहनानी एक, दोय, तीन, च्यारि, पांच छह के अंक बरोबरि क्रम तैँ लिखने । बहुरि तिनके ऊपरि सोलह कषायनि विषैँ एक-जीव कैँ एकैँ कालि अनंतानुबंधी आदि च्यारि-क्रोध का वा च्यारि मान का वा च्यारि माया का वा च्यारि लोभ का उदय पाइए, सो इनकौँ स्थापने । इनकी सहनानी च्यारि जायगा च्यारि के अंक लिखने ।

बहुरि तिनके ऊपरि तीनवेदनि विषैँ एक-जीव कैँ एकैँ कालि एक वेद ही का उदय होय, सो इनकौँ स्थापने । इनकी सहनानी तीन जायगा एक का अंक लिखिए । बहुरि तिनके ऊपरि एकैँ जीव कैँ एकैँ कालि हास्य-रति होइ, कैँ अरति-शोक होइ, सो इनकौँ स्थापने । इनकी सहनानी दोय जायगा दोय का अंक लिखने । बहुरि तिनके ऊपरि पंद्रह-योगनि मैँ आहारकद्विक मिथ्यादृष्टि विषैँ नाहीं ; तातैँ तेरह-योगनि विषैँ एक-जीव कैँ एकैँ कालि एक ही योग पाइए, सो इनकौँ स्थापने । इनकी सहनानी तेरह जायगा एक का अंक लिखने । सो अँसैँ-अँसैँ तीन कूट करने ।

तिनविषैँ पहिला-कूट भय-जुगुप्सा रहित हैं ; तातैँ ऊपरि ही ऊपरि विंदी लिखनी । दूसरा-कूट भय, जुगुप्सा विषैँ एक करि सहित है ; जातैँ ऊपरि ही ऊपरि दोय जायगा एक का अंक लिखने । तीसरा कूट भय-जुगुप्सा दोऊनिकरि सहित है, तातैँ ऊपरि ही ऊपरि दोय ही का अंक

एक जायगा लिखना । कोई जीव कैं कोई काल विषैं भय-जुगुप्सा दोऊ न होइ वा दोऊ विषैं एक कोई होइ वा दोऊ ही होइ ।

अनंतानुबंधी सहित मिथ्यादृष्टि के कूट ३ ।

०	१ १	२
१११११११११११११	१११११११११११११	१११११११११११११
२	२	२
१ १ १	१ १ १	१ १ १
४ ४ ४ ४	४ ४ ४ ४	४ ४ ४ ४
१ २ ३ ४ ५ ६	१ २ ३ ४ ५ ६	१ २ ३ ४ ५ ६
१ १ १ १ १ १	१ १ १ १ १ १	१ १ १ १ १ १
१ १ १ १ १	१ १ १ १ १	१ १ १ १ १

तातैं औसैं तीन कूट कीए, सो ए तीन तौ मूलकूट भए । बहुरि अनंतानुबंधी विसंयोजनवाला मिथ्यादृष्टी होइ, ताकैं आवलीकाल पर्यंत अनंतानुबंधी का उदय नाही; तातैं तीन-कूट अनंतानुबंधी रहित करने । जहां च्यारि जायगा च्यारि च्यारि कषाय लिखे हैं, तहां तीन-तीन लिखने । बहुरि यहु अनंतानुबंधी विसंयोजनवाला पर्याप्त ही है । तातैं तेरह-योगनि की जायगा दश ही योग लिखने । औसैं मिलि करि मिथ्यादृष्टि विषैं छह कूट भए ।

बहुरि सासादन विषैं तिन तीन सामान्य-कूटनि विषैं नीचै ही नीचै पंच-मिथ्यात्व लिखे थे, तहां विंदी लिखनी— औसैं तीन-कूट होइ । बहुरि मिश्र विषैं अनंतानुबंधी नाही; तातैं च्यारि-च्यारि कषायनि की जायगा तीन-तीन ही लिखने । अर तीन मिश्रयोग नाही; तातैं तेरह-योग लिखे थे, सो तहां दश ही लिखने— औसैं तीन-कूट ही करने । बहुरि असंयत विषैं तीन-योग मिलि गए; तातैं तेरह-योग लिखने— औसे तीन-कूट करने ।

बहुरि देश-संयत विषैं च्यारि अप्रत्याख्यान भी नाही; तातैं कषायनि की जायगा दोय-दोय ही च्यार्यों जायगा कषाय लिखने अर त्रसहिंसा नाही; तातैं कायबध की जायगा छह का अंक न लिखना अर तीन-मिश्रयोग, एक वैक्रियिक-योग नाही; तातैं तेरह-योगनि की जायगा नव ही लिखने— औसैं तीन-कूट करने ।

बहुरि प्रमत्त विषैं बारह-अविरत नाही; तातैं इंद्रिय वा कायबध की जायेगा सर्वत्र विंदी लिखना । प्रत्याख्यान-कषाय नाही; तातैं कषाय एक ही लिखना । आहारकद्विक मिलै; तातैं योग ग्यारह लिखने— औसैं तीन-कूट करने ।

बहुरि अप्रमत्त विषैं आहारकद्विक नाही; तातैं नव ही योग लिखने— औसैं तीन-कूट करने । औसैं ही अपूर्वकरण विषैं तीन-कूट करने । बहुरि अनिवृत्तिकरण विषैं जिस-जिस भाग विषैं वेद वा कषाय वा हास्यादिक छह का अभाव भया होइ, तिस-तिस भाग विषैं तिस तिस जायगा विंदी लिखि, एक-एक ही कूट करना । सर्व ही कूटनि विषैं भय-जुगुप्सा का अभाव है; तातैं एक-एक ही कूट हो है ।

बहुरि सूक्ष्मसांपराय विषैं बादर-लोभ नाही, सूक्ष्म-लोभ है ; तातैं सर्व कषायनि की जायगा विंदी तीन जायगा, एक जायगा एका लिखना असा एक-कूट करना । उपशांतकषाय, क्षीणकषाय विषैं सूक्ष्म-लोभ भी नाही ; तातैं सर्व कषायनि की जायगा विंदी लिखनी — असा एक-एक कूट करना । सयोगी विषैं असत्य वा उभय मन वा वचन नाही ; तातैं योग-सात ही लिखने— असा एक कूट करना । अयोगी विषैं सर्वत्र शून्य ही है ।

असैं ए कहे कूट तिनविषैं अनंतानुबंधी रहित मिथ्यादृष्टि का पहिला-कूट करि मिथ्यात्वनि विषैं एक अर इंद्रयनि विषैं एक अर षट्काय-हिंसा विषैं एक पृथ्वी की हिंसा अर अनंतानुबंधी बिना क्रोधादि च्यारि-कषायनि का त्रिक विषैं एक त्रिक अर वेदनि विषैं एक अर दोऊ युगलनि विषैं एक युगल अर यह पर्याप्त ही है ; तातैं दशयोगनि विषैं एक योग— असैं मिलि दश का आस्रव हो है । बहुरि इनविषैं पृथ्वी की हिंसा घटाइ पृथ्वी आदि दोय की हिंसा मिलाए, ग्यारह का आस्रव हो है । बहुरि पृथ्वी आदि दोय की हिंसा कौं घटाइ पृथ्वी आदि तीन की हिंसा मिलाए, बारह का आस्रव हो है । बहुरि तीन की हिंसा कौं घटाएं पृथ्वी आदि च्यारि की हिंसा मिलाएं, तेरह का हो है । बहुरि च्यारि की हिंसा कौं घटाएं पृथ्वी आदि पांच की हिंसा मिलाएं, चौदह का हो है । बहुरि पांच की हिंसा कौं घटाइ पृथ्वी आदि छह की हिंसा मिलाएं पंद्रह का हो है ।

एसैं अनंतानुबंधी रहित प्रथम-कूट विषैं दशकानैं आदि दैकरि छह-स्थान भए । याही प्रकार दूसरा - कूट विषैं भय-जुगुप्सा विषैं एक एक के मिलने तैं ग्यारहकानैं आदि दैकरि छह-स्थान हो है । तीसरा कूटविषैं भय-जुगुप्सा दोऊनि के मिलने तैं बारहकानैं आदि दैकरि छह-स्थान हो है ।

बहुरि अनंतानुबंधी सहित तीन-कूटनि विषैं एक अनंतानुबंधी-कषाय बधता है ; तातैं प्रथम-कूट विषैं ग्यारहकानैं आदि दैकरि छह-स्थान, दूसरा-कूट विषैं बारहकानैं आदि दैकरि छह स्थान, तीसरा कूट विषैं तेरहकानैं आदि दैकरि छह आस्रव-स्थान हो हैं । असैं इन कूटनि विषैं दश का अर अठारह का आस्रव तौ एक-एक प्रकार ही है ; जातैं दश का आस्रव तौ अनंतानुबंधी रहित प्रथमकूट विषैं ही है अर अठारह का आस्रव अनंतानुबंधी सहित अंत का कूट विषैं ही है अन्यत्र नाही ।

बहुरि असैं ही कूटनि विषैं विचारि ग्यारह, सतरह के आस्रव के स्थान तीन-तीन प्रकार हैं । बारह, सोलह के पांच-पांच प्रकार हैं । तेरह, चौदह, पंद्रह के छह-छह प्रकार हैं ।

याही प्रकार सासादनादिक विषैं जे कूट कहे तिनका विचार करि आस्रवनि के स्थान वा तिन स्थाननि के प्रकार जानने । असैं मन में धारि आचार्य नैं पहिलै-दोय गाथानि करि स्थान वा स्थान प्रकार का प्रतिपादन कीया है ॥ ७९४ ॥

आगैं जे स्थान-प्रकार कहे, तिनकौं कैसे करि कहने में आवै, असा जानने के अर्थि कूटोच्चारण प्रकार कहै हैं—



मिच्छताणण्णदरं, एक्केणक्खेण एक्ककायादी ।

ततो कसायवेददु , जुगलाणेक्कं च जोगाणं ॥ ७९५ ॥

मिथ्यात्वानामन्यतरमेकेनाक्षेण एककायादि ।

ततः कषायवेदद्वि, युगलानामेक च योगानां ॥ ७९५ ॥

टीका - मिथ्यात्वनि विषैँ कोई एक अर छह इंद्रियनि विषैँ एक , इनकरि सहित एक, दोय आदि काय की हिंसा, तहां पीछैँ कषायनि विषैँ एक जाति अर वेदनि विषैँ एक अर दोऊ युगलनि विषैँ एक अर चकार तैँ संभवता-स्थान विषैँ भय-जुगुप्सा विषैँ एक वा दोऊ अर योगनि विषैँ एक कहिए— अैसेँ कूटनि के उच्चारने का विधान हो है । सोई कहिए है—

जीवकांड का गुणस्थान-अधिकार विषैँ विकथादिक का अक्ष-संचारादिक करि जैसेँ प्रमादनि के भंग कीए हैं, तैसेँ पंच-मिथ्यात्वादिकनि का अक्ष-संचारादिक करि आस्रवनि के भंग जानने । तहां अनंतानुबंधी रहित प्रथम-कूट विषैँ एकांत-मिथ्यात्व ; स्पर्शनइंद्री ; पृथ्वीकाय का बध ; तीन प्रकार क्रोध, नपुंसकवेद, हास्य-रति का युगल, सत्य-मनोयोग, असत्य-मनोयोग इनविषैँ अक्ष कौँ धारिए तब एकांत-मिथ्यादृष्टि-स्पर्शन-इंद्रिय के वशीभूत, पृथ्वीकाय का हिंसक, तीन प्रकार क्रोध का धारक, नपुंसक-वेदी, हास्य-रतिसंयुक्त, सत्य मनोयोगी अैसेँ आस्रव का एक-भंग भया । बहुरि जहां पृथ्वी का हिंसक कह्या, तहां जल का कहिए वा तेज का, वायु का वा, वनस्पती का वा, त्रस का क्रम तैँ कहिए— अैसेँ प्रत्येक-भंग छह भए । बहुरि पृथ्वी-जल का वा पृथ्वी-अग्नि का इत्यादि दोय का संयोगरूप पंद्रह-भेदनि विषैँ एक-एक का हिंसक कहैँ, द्विसंयोगी-भंग पंद्रह होइ ।

बहुरि पृथ्वी, जल, अग्नि का वा पृथ्वी, जल, पवन का इत्यादि तीन का संयोगरूप बीस भेदनि विषैँ एक-एक का हिंसक कहैँ, त्रिसंयोगी-भंग बीस होइ । बहुरि पृथ्वी, जल, अग्नि, पवन का वा पृथ्वी जल, अग्नि, वनस्पती का इत्यादि च्यारि का संयोगरूप पंद्रह-भेदनि विषैँ एक-एक का हिंसक कहैँ चतुःसंयोगी-भंग पंद्रह होइ । बहुरि पृथ्वी, जल, अग्नि, पवन, वनस्पति का वा पृथ्वी, जल, अग्नि, पवन, त्रस वा जल, अग्नि, पवन, वनस्पती, त्रस का इत्यादि पांच का संयोगरूप छह-भेदनि विषैँ एक-एक का हिंसक कहैँ, पंच-संयोगी-भंग छह होइ । बहुरि पृथ्वी, जल, अग्नि, पवन, वनस्पती, त्रस— इन छहौँ का संयोगरूप एक भेद, ताका हिंसक कहैँ, छह संयोगी-भंग एक होइ । अैसेँ मिलिकरि सर्व तरेसठि-भंग भए ।

बहुरि जहां एकांत-मिथ्यात्वी कह्या था, तहां विपरीत-मिथ्यात्वी कहिँ पूर्वोक्त प्रकार तरेसठि-भंग करने । अैसेँ पांच मिथ्यात्वनि करि तीन सैँ पंद्रह भंग भए ।

बहुरि इन सबनि विषैँ स्पर्शन-इंद्री के वशीभूत जहां कह्या, तहां रसना-इंद्री के वशीभूत कहना, तब तितने ही भंग होइ । अैसेँ पांच-इंद्री, छठा मनकरि अठारसैँ निवैँ भंग होइ ।

बहुरि इन सबनि विषै जहां तीन प्रकार क्रोध संयुक्त कह्या था, तहां तीन प्रकार मान संयुक्त कहिए, तब भी तितने ही भंग होइ हैं। जैसे लोभपर्यंत च्यारि-कषायनि करि पिचहत्तरिसै साठि-भंग होइ।

बहुरि इन सबनि विषै जहां नपुंसक-वेदी कह्या, तहां स्त्रीवेदी कहिए, तब तितने ही होइ वा पुरुषवेदी कहिए, तब तितने ही होइ। जैसे तीन वेदनि करि बाईस हजार छसै असी-भंग भए।

बहुरि इन सर्व भेदनि विषै जहां हास्य-रति संयुक्त कह्या, तहां अरति-शोक, संयुक्त कहिए, तब भी तितने ही भंग होइ। जैसे पैतालीस हजार तीनसै साठि-भंग भए। अर इस कूट विषै भय-जुगुप्सा है ही नाही।

बहुरि इन सबनि विषै जहां सत्य-मनोयोग कह्या, तहां असत्य-मनोयोग कहिए, तब भी तितने ही भंग होइ। जैसे करि वैक्रियिक-योगपर्यंत-पर्याप्त दश योगनि करि च्यारि लाख तरेपन हजार छसै-भंग होइ। मिथ्यात्व विषै अनंतानुबंधी का अनुदय पर्याप्त-दशा ही विषै होइ; तातैं औदारिक-मिश्र, वैक्रियिकमिश्र, कार्माण— ए तीन योग न ग्रहे।

जैसे अनंतानुबंधी रहित मिथ्यादृष्टि का कूट विषै इतने भंग भए। इहां अक्ष अपने अंतपर्यंत पहुँचै, तब तिस सहित सर्व पहिलै भए अक्ष, ते आदि-स्थान विषै प्राप्त होइ। उत्तर-अक्ष अपने दूसरे-स्थानक कौं प्राप्त होइ। जैसे पांच-मिथ्यात्व का अक्ष अज्ञानपर्यंत पहुँच्या, तब पीछै मिथ्यात्व का अक्ष तौ एकांत कौं प्राप्त भया अर उत्तर इंद्रि अक्ष था, सो रसनारूप द्वितीयस्थान कौं प्राप्त भया। बहुरि तैसे ही होतैं-होतैं सर्व अक्ष, अंत-स्थान कौं पहुँचे, तब तहां अक्ष-संचार होइ निवरै, सो अक्ष-संचार का विधान प्रमाद कथन विषै जैसे पूर्वे कह्या था तैसे इहां भी जानि लेना।

जैसे अनंतानुबंधी-रहित मिथ्यादृष्टि का प्रथमकूट का कूटोच्चारण-विधान पूर्ण भया।

याही प्रकार मिथ्यादृष्टि के अवशेष कूट वा सासादनादिक के कूट, तिनका भी कूटोच्चारण विधान, जितने अक्ष वा अक्षनि का प्रमाण होइ, तिनकरि जानना ॥ ७९५ ॥

आगैं इनि भंगनि का प्रमाण ल्यावने के अर्थि भंगानयन प्रकार कहैं हैं—

**अणरहिदसहिदकूडे, बावत्तरिसय सयाण तेणउदी ।**

**सद्धी धुवा हु मिच्छे, भयदुगसंजोगजा अधुवा ॥ ७९६ ॥**

अनरहितसहितकूटे, द्वासप्ततिशतं शतानां त्रिनवतिः ।

षष्ठिर्धुवा हि मिथ्ये, भयद्विकसंयोगजा अधुवाः ॥ ७९६ ॥

टीका - मिथ्यात्वादिकनि की संख्या कौं परस्पर गुणै जो प्रमाण होइ, सोई अक्ष-संचार करि भंगनि का प्रमाण हो है ; तातैं मिथ्यादृष्टि विषै अनंतानुबंधी-रहित कूटनि विषै तौ

मिथ्यात्व-पांच, इंद्री-छह, कषायत्रिक (चतुष्क) च्यारि, वेद तीन, हास्य-अरति युगल दोय, योग दश ५, ६, ४, ३, २, १० । इनकों परस्पर गुणें बहत्तरिसै होइ । बहुरि अनंतानुबंधी सहित कूट विषैं मिथ्यात्व-पांच, इंद्री-छह कषायचतुष्क च्यारि, वेद-तीन, हास्य-अरति युगल दोय, योग-तेरह ५, ६, ४, ३, २, १३ । इनकों परस्पर गुणें तरेणवैसै साठि होई । दोऊनि कौं मिलाएं सोलह हजार पांचसै साठि तौ ध्रुवगुण्य होइ ।

बहुरि एक-एक प्रति भय-जुगुप्सा रहित अर भय सहित अर जुगुप्सा सहित अर भय-जुगुप्सा सहित— ए च्यारि-भंग पाइए हैं । बहुरि कायहिंसा के तरेसठि-भंग पाइए हैं ; तातैं च्यारि अर तरेसठि-अध्रुव-गुणकार हैं । सो तिस ध्रुव-गुण्य कौं च्यारि करि गुणिए, बहुरि तरेसठि करि गुणिये, तब सर्व प्रत्ययभंग मिथ्यादृष्टि विषैं, इकतालीस लाख तिहत्तरि हजार एकसौ बीस हो हैं । इहां मिथ्यात्वादिक विषैं तौ एक-एक ही अवश्य निश्चल होइ ; तातैं ध्रुव-संज्ञा कही । भयद्विक वा कायबध विषैं कदाचित् किछू कदाचित् किछू, चलरूप पाइए ; तातैं ध्रुव-संज्ञा न कही ।

बहुरि सासादन विषैं छह-इन्द्री, च्यार-कषाय-जाति, तीन-वेद, युगल-दोय, वैक्रियिक-मिश्र बिना बारह योग, इनिकौं परस्पर गुणें सतरहसै अठाईस अर वैक्रियिक-मिश्र विषैं नपुंसक-वेद नाही ; तातैं इंद्री-छह, कषाय-च्यारि, वेद-दोय, योग-एक कौं परस्पर गुणें छिनवै, मिलिकरि अठारहसै चौबीस ध्रुव-गुण्य भए । इनिकौं च्यारि अर तरेसठि अध्रुव-गुणकार करि गुणिए, तब सर्वभंग च्यारि लाख गुणसाठि हजार छसै अठतालीस हो हैं ।

बहुरि मिश्रविषैं इंद्री-छह, कषाय-च्यारि, वेद-तीन, युगल-दोय, योग-दश, परस्पर गुणें चौदहसै चालीस ध्रुव-गुण्य हो हैं । याकौं च्यारि अर तरेसठि अध्रुव-गुणकार करि गुणिए, तब तीन लाख बासठि हजार आठसै असी भंग होंहि ।

बहुरि असंयत विषैं इंद्री-छह, कषाय-च्यारि, वेद-तीन, युगल-दोय, योग-पर्याप्त संबंधी दश, इनिकौं परस्पर गुणें, चौदहसै चालीस अर वैक्रियिक-मिश्र, कार्माण विषैं स्त्रीवेद नाही ; तातैं इंद्री-छह, वेद-दोय, युगल-दोय, योग-दोय— इनिकौं गुणै एकसौ वाणवै अर औदारिक-मिश्र विषैं एक पुरुषवेद ही है ; तातैं इंद्री-छह, कषाय-च्यारि, वेद-एक, युगल-दोय, योग-एक— इनिकौं गुणें अठतालीस—इन सबनि कौं मिलाए ध्रुवगुण्य सोलहसै असी भए । इनिकौं च्यारि अर तरेसठि अध्रुव-गुणकार करि गुणै सर्व-भंग च्यारि लाख तेवीस हजार तीनसै साठि हो हैं ।

बहुरि देशसंयत विषैं वैक्रियिक-योग भी नाही ; तातैं इंद्री-छह, कषाय-च्यारि, वेद-तीन, युगल-दोय, योग-नव— इनिकौं परस्पर गुणें, बारहसै छिनवै होइ । इनिकौं च्यारि तौ भय-जुगुप्सा संबंधी अर इहां त्रसबध नाही ; तातैं पांच-स्थावर बध ही की अपेक्षा इक संयोगी नै आदि दैकरि इकतीस कायबधसंबंधी अध्रुव-गुणकार करि गुणै, एक लाख साठि हजार सातसै च्यारि-भंग हो हैं ।

बहुरि प्रमत्त विषै कषाय-च्यारि, वेद-तीन, युगल-दोय, योग-नव— इनिकौं परस्पर गुणै, दोय से सोलह अर आहारक-योग विषै, कषाय-च्यारि, वेद-एक-पुरुष, युगल-दोय, योग-दोय— इनिकौं गुणै सोलह, मिलिकरि दोयसै बत्तीस होइ । इनिकौं भय-जुगुप्सा संबंधी ही च्यारि अध्रुव गुणकार करि गुणै, सर्व-भंग नवसै अठईस हो हैं ।

बहुरि अप्रमत्त विषै कषाय-च्यारि, वेद-तीन, युगल-दोय, योग-नव— इनिकौं गुणै दोयसे सोलह, इनिकौं अध्रुव-गुणकार च्यारि करि गुणै आठसै चौसठि-भंग हो हैं । बहुरि अपूर्वकरण विषै भी असै ही आठसै चौसठि-भंग हो हैं ।

बहुरि अनिवृत्तिकरण का वेदसहित भाग विषै कषाय-च्यारि, वेद-तीन, योग - नव— इनिकौं परस्पर गुणै एकसौ आठ हो हैं । इहां तै अध्रुव-गुणकार का अभाव है । बहुरि तिस वेदसहित भाग विषै ही कषाय-च्यारि, वेद-दोय, योग-नव गुणै बहत्तरि हो हैं । बहुरि वेदरहित भाग विषै कषाय-च्यारि, योग-नव गुणै छत्तीस हो हैं । क्रोधरहित भाग विषै कषाय-तीन, योग-नव गुणै सत्ताईस हो हैं । मानरहित भाग विषै कषाय-दोय, योग-नव गुणै अठारह हो हैं । मायारहित भाग विषै कषाय-एक, योग-नव गुणै नव होइ । सर्व मिलि अनिवृत्तिकरण विषै दोयसै सत्तरि भंग हो हैं ।

बहुरि सूक्ष्मसांपराय विषै कषाय-एक, योग-नव गुणै नव-भंग हो हैं । बहुरि उपशांतकषाय विषै नव-योग ही है ; तातै नव-भंग हो हैं । क्षीणकषाय विषै भी नव ही भंग हो हैं । सयोगी विषै योगनि ही तै सात-भंग हो हैं । अयोगी विषै प्रत्यय का अभाव है ॥ ७९६ ॥

असै कहे भंग तिनकौं कहै हैं—

चउवीसद्वारसयं, तालं चोद्दस असीदि सोलसयं ।

छण्णउदी बारसयं, बत्तीसं बिसद सोल विसदं च ॥ ७९७ ॥

सोलस बिसदं कमसो, ध्रुवगुणगारा अपुव्वकरणोत्ति ।

अध्रुवगुणिदे भंगा, ध्रुवभंगाणं ण भेदादो ॥ ७९८ ॥ जुम्मं ।

चतुर्विंशष्टदशशतं, चत्वारिंशच्चतुर्दशाशीतिः षोडशशतं ।

षण्णवतिर्द्वादशशतं, द्वात्रिंशद्द्विंशतं षोडशद्विंशतं च ॥ ७९७ ॥

षोडश द्विंशतं क्रमशो, ध्रुवगुणकारा अपूर्वकरण इति ।

अध्रुवगुणिते भंगा, ध्रुवभंगानां न भेदात् ॥ ७९८ ॥ युग्मं ।

टीका - ध्रुवगुण्य अपूर्वकरण पर्यंत क्रम तै मिथ्यादृष्टि विषै तौ पूर्वोक्त, सासादन विषै अठारहसै चौबीस, मिश्र विषै चौदहसै चालीस, असंयत विषै सोलहसै अस्सी, देशसंयत विषै बारहसै छिनवै, प्रमत्त विषै दोयसै बत्तीस, अप्रमत्त विषै दोयसै सोला, अपूर्वकरण विषै दोयसै सोला, सो इन ध्रुव-गुण्यनि कौं अपने अध्रुवगुणकार करि गुणै तहां-तहां भंग हो हैं । ऊपरि

केवल ध्रुव-भंग ही हैं, तहां भय-जुगुप्सा अविरतिनि का अभाव है ; तातैं अध्रुवगुणकार नाहीं है ॥ ७९७-७९८ ॥

पूर्वै प्रत्येक, द्विसंयोगी, त्रिसंयोगी इत्यादि कायबध विषैं भंग कहि अक्ष-संचार कह्या, तिन भंगनि के साधने के अर्थि अन्य-उपाय कहैं हैं—

**छप्पंचादेयंतं, रूवुत्तरभाजिदे कमेण हदे ।**

**लब्धं मिच्छचतुष्के, देसे संजोगगुणगारा ॥ ७९९ ॥**

षट्पंचादेकांतं, रूपोत्तरभाजिते क्रमेण हते ।

लब्धं मिथ्यचतुष्के, देशे संयोगगुणकाराः ॥ ७९९ ॥

**टीका** - जहां प्रत्येक, द्विसंयोगी, त्रिसंयोगी, इत्यादि भेद करने होंहि, तहां विवक्षित का जो प्रमाण होहि, तिस प्रमाण तैं लगाय, एक-एक घटता एक अंक पर्यंत अनुक्रम तैं लिखने— सो ए तौ भाज्य भए अर तिनके नीचैं एक आदि एक-एक बधता तिस प्रमाण का अंक पर्यंत अंक क्रम तैं लिखने— ए भागहार भए । सो भाज्यनि कौं अंश कहिए, भागहारनि कौं हार कहिए । सो भिन्न गणित विषैं भाग-प्रभाग विधान है, तिसकरि क्रम तैं पूर्व अंशनि करि अगले अंश कौं अर पूर्वहारनि करि अगले हार कौं गुणि जो-जो अंशनि का प्रमाण होइ, ताकौं हार प्रमाण का भाग दीएं जो-जो प्रमाण आवै, तितने-तितने तहां भंग जानने । सो इहां मिथ्यादृष्टि आदि च्यारि-गुणस्थाननि विषैं काय-बध का प्रमाण छह है, तहां छह, पांच, च्यारि, तीन, दोय एक— ए तौ अंश क्रम तैं लिखने अर तिनके नीचैं एक, दोय, तीन, च्यारि, पांच, छह— ए हार क्रमतैं लिखने—

६	५	४	३	२	१
१	२	३	४	५	६

तहां प्रथम अपने अंश छह, तिनकौं हार एक का भाग दीएं छह पाए— सो प्रत्येक-भंग तौ छह हैं । बहुरि पूर्व छह करि अगला पंच गुणै तीस-अंश भए, तिनकौं पूर्व एक करि अगला दोय गुणै दोय हार भए, तिनका भाग दीएं पंद्रह पाए— सो इतने द्विसंयोगी-भंग हैं । बहुरि पूर्व तीस करि अगला च्यारि गुणै एकसौ बीस अंश भए । तिनकौं पूर्व दोय करि अगला तीन गुणै छह हार भए, तिनकौं भाग दीएं बीस पाए— सो इतने त्रिसंयोगी-भंग हैं ।

बहुरि पूर्व एकसौ बीसकरि अगला तीन गुणै तीनसै साठि अंश भए, तिनकौं पूर्व छह करि अगला च्यारि गुणै चौईस हार भए, तिनका भागदीएं पंद्रह पाए— सो इतने चतुःसंयोगी-भंग हैं ।

बहुरि पूर्व तीनसै साठि करि अगिले दोय कौं गुणै सातसै बीस अंश भए तिनकौं पूर्व चौईस करि अगिला पांच गुणै एकसौ बीस हार भए, तिनका भाग दीए छह पाए— सो इतने पंच-सयोगी भंग हैं ।

बहुरि पूर्व सातसै बीस करि अगिला एक गुणै सातसै बीस अंश भए, तिनकौं पूर्वे एकसौ बीस करि अगिला छह गुणै सातसै बीस हार भए, तिनका भाग दीए एक पाया—सो छह संयोगी भंग ए कहे ॥

असैसँ सर्व मिलि तरेसठि-भंग भए ।

बहुरि देशसंयत विषै त्रस-बध नाही ; तातैं पांच ही की हिंसा है । सो पांच आदि एक पर्यंत अंश क्रम तैं लिखने । तिनके नीचे एक आदि पांच पर्यंत हार क्रम तैं लिखने ।

५	४	३	२	१
१	२	३	४	५

तहां पूर्वोक्त प्रकार पांच कौं एक का भाग दीए पांच पाए, सो पांच तौ प्रत्येक-भंग है । बहुरि पांच गुणा च्यारि अंश कौं, एक गुणा दोयहार का भाग दीएं दश पाए, सो इतने द्विसंयोगी-भंग हैं । बहुरि बीस गुणा तीन अंश कौं दोगुणा तीन हार का भाग दीएं दश पाए, सो इतने त्रिसंयोगी-भंग हैं । बहुरि साठि गुणा दोय अंश कौं छह गुणा च्यारि हार का भाग दीएं, पांच पाए, सो इतने चतुःसंयोगी-भंग हैं । बहुरि एकसौ बीस गुणा एक अंश कौं चौईस गुणा पांच हार का भाग दीएं, एक पाया, सो पंच संयोगी-भंग एक हैं ।

असैसँ मिलि करि देश-संयत विषै कायबध के इकतीस-भेद भए ।

सो असैसँ कायबधसंबंधी अध्रुव-गुणकार है, सो छह-कायहिंसा विषै पृथ्वी, अप, तेज, वायु, वनस्पती, त्रस की एक-एक की हिंसा तैं प्रत्येक भेद तौ छह भए । बहुरि पृथ्वी-अपकी, पृथ्वी-तेज की, पृथ्वी-वायु की, पृथ्वी-वनस्पती की, पृथ्वी-त्रस की, अप-तेज की, अप-वायु की, अप-वनस्पती की, अप-त्रस की, तेज-वायु की, तेज-वनस्पती की, तेज-त्रस की, वायु-वनस्पती की, वायु-त्रस की, वनस्पती-त्रस की, हिंसा के भेद तैं द्विसंयोगी पंद्रह भए— असैसँ ही अन्य जानिलेने ॥ ७९९ ॥

आगैं प्रत्ययनि के उदय के कार्यभूत असैसँ जु जीव के परिणाम, तिनके ज्ञानावरणादिक कर्म के बंध का कारणभूतपना दिखावै हैं—

**पडिणीगमंतराय, उवघादो तप्पदोसणिहवणे ।**

**आवरणदुगं भूयो, बंधदि अच्चासणाएवि ॥ ८०० ॥**

प्रत्यनीकमंतराय, उपघातस्तत्रदोषनिहवने ।

आवरणद्विकं भूयो, बध्नाति अत्यासादनयापि ॥ ८०० ॥

**टोका** - शास्त्र वा शास्त्र के धारक इत्यादि विषै अविनय रूप प्रवृत्तिनिस्यों प्रतिकूल होना, सो प्रत्यनीक कहिए । बहुरि ज्ञान विषै विच्छेद करना, सो अंतराय कहिए । बहुरि मनकरि वा

वचनकरि प्रशस्तज्ञान का दोषी होना वा अभ्यासक जीवनि कौं क्षुधादिक बाधा का करना, सो उपघात कहिए । बहुरि तत्त्वज्ञान विषै हर्ष का अभाव अथवा मोक्ष का साधनभूत तत्त्वज्ञान का उपदेश होतै, किसी को न सुहावै, ताके अंतरंग विषै दुष्टता, सो प्रद्वेष कहिए । बहुरि किसी कारण तैं आप जानता हुवा भी, असैं नाहीं वा मैं न जानूं असा कहै अथवा जिसतैं आपको ज्ञान प्राप्त भया अर वह जगत विषै प्रसिद्ध नाहीं है, तिस अप्रसिद्ध-गुरु कौं छिपाइ, जगत विषै प्रसिद्ध तीर्थकरादि को गुरु कहना, सो निहव कहिए । बहुरि काय, वचन करि अनुमोदना न करनी वा काय करि, वचन करि और कार्य का प्रकाश करि ज्ञानाभ्यास का वर्जन, सो आसादन कहिए । इन छह कार्यनि कौं होत संतैं जीव है, सो ज्ञानावरणदर्शनावरण कौं भूयः कहिए स्थिति, अनुभाग की प्रचुरता लीएं बांधै है ।

इहां संदेह होता कि बंध तौ समय-समय विषै निरन्तर है— इहां इनके होतैं ही बंध कैसे कह्या ?

तातैं आचार्य ने भूयः असा विशेषण कह्या, जो इनके होतैं स्थिति-अनुभाग की बहुलता लीएं बंध हो है । इनकौं न होतैं स्थिति, अनुभाग की हीनता लीएं बंध हो है । असैं औरनि विषै भी जानि लेना ।

बहुरि ए छहौं युगपत् ज्ञानावरण वा दर्शनावरण दोऊनि के बंध कौं कारण हैं । अथवा विषयभेद तैं आस्रव विषै भेद है । जो ज्ञान विषै ते छह होइ, तौ ज्ञानावरण का बंध प्रचुर होइ अर दर्शन विषै ते छह होइ, तौ दर्शनावरण का बंध प्रचुर होइ ॥ ८०० ॥

**भूदानुकंपवदजो, गजुंजिदो खंतिदाणगुरुभक्तो ।**

**बंधदि भूयो सादं, विवरीयो बंधदे इदर ॥ ८०१ ॥**

भूतानुकंपव्रतयोगयुजितः क्षांतिदानगुरुभक्तः ।

बध्नाति भूयः सातं, विपरीतो बध्नातीतरत् ॥ ८०१ ॥

**टीका -** गति-गति विषै कर्म के उदय तैं भवंति कहिए उपजैं असे भूत कहिए प्राणी, तिनविषै अनुकंपा, दया अर हिंसादि का त्याग रूप व्रत अर समाधि भला परिणाम, सो योग, इनकरि जो जीव संयुक्त होइ, बहुरि क्रोधादिका त्याग - रूप क्षमा अर च्यारि प्रकार दान अर पंच परमेष्ठी की भक्ति इनकरि संयुक्त होइ, सो जीव सातावेदनीय कौं तीव्र अनुभाग लीएं प्रचुर बांधै है ।

१- भूतवृत्त्यनुकम्पादानसरागसंयमादियोगः क्षांतिः शौचमिति सद्देघस्य ॥ मोक्ष. ६-१२ ।

२- दुःखशोकतापाक्रन्दनबधपरिदेवनान्यात्मपरोभयस्थानान्यसद्देघस्य ॥ मोक्ष. ६-११ ।

२०८]

[गोम्पटसार कर्मकाण्ड उत्तरार्द्ध गाथा- ८०१, ८०२, ८०३, ८०४

इहां तीव्र अनुभाग ही कह्या, स्थिति न कही ; ताका हेतु यह है जो स्थिति-बंध की अधिकता विशुद्ध परिणामनि तैं न हो है ।

बहुरि पूर्वोक्त तैं विपरीत अदया आदि का धारक जो जीव होइ, सो तीव्र स्थिति, अनुभाग लीएं असाता-वेदनीय कौं प्रचुर बांधै है ॥ ८०१ ॥

**अरहंतसिद्ध चेदियतवसुदगरुधम्मसंघपडिणीगो ।**

**बंधदि <sup>१</sup>दंसणमोहं, अणंतसंसारिओ जेण ॥ ८०२ ॥**

अर्हत्सिद्धचैत्य, तपः श्रुतगुरुधर्मसंघप्रत्यनीकः ।

बध्नाति दर्शनमोहमनंतसांसारिको येन ॥ ८०२ ॥

**टीका -** जो जीव अरहंत अर सिद्ध अर चैत्य कहिए प्रतिमा अर तपश्चरण अर जैन-शास्त्र अर निर्ग्रन्थ-गुरु अर जिन-प्रणीत-धर्म अर मुन्यादिक का समूह रूप संघ, इनस्यों प्रतिकूली होइ— इनके स्वरूप तैं विपरीत का ग्रहण करै, सो जीव दर्शन-मोह कौं बांधै है, जाके उदय करि जीव अनंत-संसारी हो है ॥ ८०२ ॥

**तिव्वकसाओ बहुमोहपरिणदो रागदोससंतत्तो ।**

**बंधदि <sup>२</sup>चरित्तमोहं, दुविहंपि चरित्तगुणघादी ॥ ८०३ ॥**

तीव्रकषायो बहुमोह, परिणतो रागद्वेषसंतप्तः ।

बध्नाति चारित्रमोहं, द्विविधमपि चारित्रगुणघाती ॥ ८०३ ॥

**टीका -** जो जीव तीव्रकषाय अर नोकषाय संयुक्त होइ, बहुत मोहरूप परिणमै राग-द्वेष विषैं आसक्त होइ, चारित्रगुण के नाश करने का जाका स्वभाव होइ, सो जीव कषाय, नोकषाय भेद कौं लीए दोय प्रकार चारित्र-मोह कौं बांधै हैं ॥ ८०३ ॥

**मिच्छो हु महारंभो, णिस्सीलो तिव्वलोहसंजुत्तो ।**

**<sup>३</sup>णिरयाउगं णिबंधइ, पावमई रुद्धपरिणामी ॥ ८०४ ॥**

मिथ्यो हि महारंभो, निश्शीलः तीव्रलोभसंयुक्तः ।

निरयायुष्कं निबध्नाति, पापमतिः रुद्धपरिणामी ॥ ८०४ ॥

**टीका -** जो जीव मिथ्यामतरूप मिथ्यादृष्टि होइ, बहुत आरंभी होइ, शीलरहित होइ, तीव्र-लोभ

१- केवलश्रुतसंघधर्मदेवावर्णवादो दर्शनमोहस्य ॥ मोक्षशास्त्र ६-१३ ॥

२- कषायोदयात्तीव्रपरिणामश्चारित्रमोहस्य ॥ मोक्षशास्त्र ६-१४ ॥

३- बह्वारम्भपरिग्रहत्वं नारकस्यायुषः ॥ मोक्षशास्त्र ६/१५ ॥



संयुक्त होइ, रौद्र-परिणामी होइ, पापकार्य विषै जाकी बुद्धि होइ, सो जीव नरकायु कौं बांधै है ॥ ८०४ ॥

**उम्मगदेसगो भग्गणासगो गूढहियय माइल्लो ।**

**सठसीलो य ससल्लो, <sup>१</sup>तिरियाउं बंधदे जीवो ॥ ८०५ ॥**

उन्मार्गदिश कोमार्गनाशको गूढहृदयो मायावी ।

शठशीलश्च सशल्यः, तिर्यगायुष्कं बध्नाति जीवः ॥ ८०५ ॥

टीका - जो जीव विपरीत-मार्ग का उपदेशक होइ, भला-मार्ग का नाशक होइ, गूढ-और के जानने में न आवै, असा जाका हृदय-परिणाम होइ, मायावी-कपटी होइ अर शठ-मूर्खता संयुक्त जाका सहज होइ, शल्यकरि संयुक्त होइ, सो जीव तिर्यच-आयु कौं बांधै है ॥ ८०५ ॥

**पयडीए तणुकसाओ, दाण, रदी सीलसंजमविहीणो ।**

**मज्झिमगुणेहिं जुत्तो, <sup>२</sup>मणुवाउं बंधदे जीवो ॥ ८०६ ॥**

प्रकृत्या तनुकषायो, दानरतिः शीलसंयमविहीनः ।

मध्यमगुणैर्युक्तो, मानवायुष्कं बध्नाति जीवः ॥ ८०६ ॥

टीका - जो जीव विचार बिना प्रकृति-स्वभाव ही करि मंद-कषायी होइ, दान विषै प्रीतिसंयुक्त होइ, शील-संयम कर रहित होइ, न उत्कृष्ट-गुण न दोष ऐसे मध्यम-गुणनि करि संयुक्त होइ, सो जीव मनुष्यायु कौं बांधै है ॥ ८०६ ॥

**अणुवदमहव्वदेहिं य, बालतवाकामणिज्जराए य ।**

**<sup>३</sup> देवाउगं णिबंधइ, सम्माइट्टी य जो जीवो ॥ ८०७ ॥**

अणुव्रतमहाव्रतैश्च, बालतपोऽकामनिर्जरया च ।

देवायुष्कं निबध्नाति, सम्यग्दृष्टिश्च यो जीवः ॥ ८०७ ॥

टीका- जो जीव सम्यग्दृष्टी है, सो केवल सम्यक्त्व करि वा साक्षात् अणुव्रत, महाव्रतनि करि देवायु कौं बांधै है । बहुरि जो मिथ्यादृष्टि जीव है, सो उपचाररूप अणुव्रत, महाव्रतनि करि वा अज्ञानरूप बालतपश्चरण करि वा बिना इच्छा बंधादिक तैं भई- असी अकाम-निर्जरा करि देवायु कौं बांधै है ॥ ८०७ ॥

१- मायातैर्यग्योनस्य ॥ मोक्ष शास्त्र ६-१६ ॥

२- अल्पारम्भपरिग्रहत्वं मानुषस्य ॥ मोक्षशास्त्र ६-१७ ॥ स्वभावमार्दवं च ॥ वहीं ६-१८ ॥

३- सरागसंयमसंयमासंयमाकामनिर्जरावालितपांसि दैवस्य मोक्ष शास्त्र - अ. ६ सू. २० ॥ सम्यक्त्वं च मोक्ष शास्त्र अ. ६ सू. २१ ॥

मणवयणकायवक्त्रो, माइल्लो गारवेहिं पडिबद्धो ।

१ असुहं बंधदि णामं, तप्पडिवक्खेहिं २ सुहणामं ॥ ८०८ ॥

मनोवचनकायवक्त्रो, मायावी गारवैः प्रतिबद्धः ।

अशुभं बध्नाति नाम, तत्प्रतिपक्षेः शुभनाम ॥ ८०८ ॥

टीका - जो जीव मन, वचन, काय करि वक्रहोइ-सरल न होइ, मायावी-कपटी होइ, तीन प्रकार गारव-बढाई करि सहित होइ; सो जीव नरक, तिर्यच-गति आदि अशुभ-अप्रशस्त नाम-कर्म बांधै है । बहुरि पूर्वोक्त तैं विपरीत सरल, निष्कपट, गारव रहित जो जीव होइ सो शुभ-प्रशस्त नाम-कर्म को बांधै है ॥ ८०८ ॥

अरहंतादिसु भत्तो, सुत्तरुची पढणुमाणगुणपेही ।

बंधदि ३ उच्चागोदं, विवरीओ बंधदे ४ इदरं ॥ ८०९ ॥

अर्हदादिषु भक्तः सूत्ररुचिः पठनानुमननगुणदर्शी ।

बध्नाति उच्चगोत्र, विपरीतो बध्नातीतरत् ॥ ८०९ ॥

टीका - जो जीव अरहंतादिक विषैं भक्तिवंत होइ, गणधरादिक कह्या शास्त्र विषैं जाकी रुचि होइ वा अध्ययन के अर्थि विचार-विनयादिक गुण का प्रेक्षक-दर्शक होइ, सो जीव उच्चगोत्र कौं बांधै है । तिस पूर्वोक्त तैं विपरीत-जीव नीचगोत्र कौं बांधै है ॥ ८०९ ॥

पाणवधादीसु रदो, जिणपूजामोक्खमग्गविग्घयरो ।

अज्जेइ ५ अंतरायं, ण लहइ जं इच्छियं जेण ॥ ८१० ॥

प्राणवधादिषु रतो, जिनपूजामोक्षमार्गविघ्नकरः ।

अर्जयति अंतरायं, न लभते यदीप्सितं येन ॥ ८१० ॥

टीका - जो जीव आप करि वा अन्य करि करी एकेन्द्री आदि प्राणीनि की हिंसा, तीहिं विषैं प्रीतिवंत होइ । जिनेश्वर की पूजा अर रत्नत्रय की प्राप्ति रूप मोक्षमार्ग, तिसविषैं आपकैं वा अन्यजीव कैं विघ्न करै, सो जीव अंतराय-कर्म उपजावै है । जाके उदयं आवने करि वांछित न पावै है ॥ ८१० ॥

एतत्विषयक विशिष्ट परिज्ञानार्थ तत्त्वार्थसार चतुर्थाधिकार १३ से ५८ श्लोक पर्यंत तथा सर्वार्थसिद्धि एवं राजवार्तिकगत षष्ठम अध्याय-१० से २७ सूत्र पर्यंत वृत्ति एवं वार्तिक देखिये ।

१-योगवक्रता विसंवादनं चाशुभस्य नाम्नः ॥ मोक्षशास्त्र ६-२२ ॥

२-तद्विपरीतं शुभस्य ॥ मोक्ष शास्त्र ६-२३ ॥

३-तद्विपर्ययो नीचैर्वृत्यनुत्सेकौ चोत्तरस्य ॥ वही ६-२६ ॥

४-परमात्मनिन्दाप्रशंसे सदसद्गुणोच्छादनोद्भावने च नीचैर्गोत्रस्य ॥ वही ६-२५ ॥

५- विघ्नकरणमन्तरायस्य ॥ मोक्षशास्त्र ६-२७ ॥

## भावचूलिकाधिकारः ॥ ७ ॥

करि अभाव भवभाव सब, सहज भाव निज पाय ।

जय अपुनर्भवभावमय, भये परम शिवराय ॥ १ ॥

अथ भाव-चूलिका का प्रारंभ करै हैं । तहां प्रथम निर्विघ्न समाप्त होने के अर्थ अपने इष्ट-देव कौं नमस्कार करै हैं—

गोम्मटजिणिंदचंद्रं, पणमिय गोम्मटपयत्थसंजुत्तं ।

गोम्मटसंगहविसयं, भावगयं चूलियं वोच्छं ॥ ८११ ॥

गोम्मटजिनेन्द्रचंद्रं प्रणम्य गोम्मटपदार्थसंयुक्तां ।

गोम्मटसंग्रहविषयां, भावगतां चूलिकां वक्ष्ये ॥ ८११ ॥

टीका - गोम्मट जिनेन्द्र कहिए वर्धमान-स्वामी वा नेमिनाथ-स्वामी का प्रतिबिंब, सो ही भया चंद्रमा, ताहि नमस्कार करि समीचीन पद, शब्द अर अर्थ करि संयुक्त वा भले पदार्थनि का वर्णन करि संयुक्त— ऐसी जो गोम्मटसार ग्रंथ विषै पाइए वा तीर्थकर का शास्त्र के गोचर भावनि का कथन कौं प्राप्त भावगत-चूलिका, ताहि कहों हों ॥ ८११ ॥

जेहिं दु लक्खिज्जंते, उवसमआदीसु जणिदभावेहिं ।

जीवा ते गुणसण्णा, णिद्धिद्धा सव्वदरसीहिं ॥ ८१२ ॥

यैस्तु लक्ष्यंते उपशमादिषु जनितभावैः ।

जीवास्ते गुणसंज्ञा, निर्दिष्टाः सर्वदर्शिभिः ॥ ८१२ ॥

टीका - जिन अपने प्रतिपक्षी-कर्मनि के उपशमादि कौं होत संतै निपजै— ऐसै औपशमिकादि भावनि करि जीव लखेजांहि, पहिचाने जांहि ते भाव-गुण ऐसी संज्ञा करि सर्वदर्शीनि करि कहै हैं ॥ ८१२ ॥

उवसम खइओ मिस्सो, ओदयियो पारिणामियो <sup>१</sup>भावो ।

<sup>२</sup>भेदा दुग णव ततो, दुगुणिगिवीसं तियं कमसो ॥ ८१३ ॥

औपशमिकः क्षायिको मिश्र, औदयिकः पारिणामिको भावः ।

भेदा द्विकं नव ततो, द्विगुणमेकविंशतिस्त्रयः क्रमशः ॥ ८१३ ॥

टीका - ते मूल भाव औपशमिक, क्षायिक, मिश्र, औदयिक, पारिणामिक— ए पंच हैं । तहां पीछै तिनके भेद अनुक्रम तैं दोय, नव, अठारह, इकईस, तीन जानने ॥ ८१३ ॥

१- औपशमिक-क्षायिकौ भावौ मिश्रश्च जीवस्य स्वतत्त्व-मौदयिक-पारिणामिकौ च ॥ मोक्ष शास्त्र अ. २ सू. १ ॥

२- द्विनवाष्टा दशैकविंशति-त्रि-भेदा यथाक्रमम् ॥ मोक्ष शास्त्र अ. २ सू. २ ॥

कम्पुवसमम्पि उवसमभावो खीणम्पि खइयभावो दु ।

उदयो जीवस्स गुणो, खओवसमिओ हवे भावो ॥ ८१४ ॥

कर्मोपशमे उपशमभावः क्षीणे क्षायिकभावस्तु ।

उदयो जीवस्य गुणः, क्षायोपशमिको भवेत् भावः ॥ ८१४ ॥

टीका - प्रतिपक्षी-कर्म के उपशम होतैं औपशमिक-भाव होवै । बहुरि तिस प्रतिपक्षी-कर्म के समस्त क्षय होतैं क्षायिक-भाव हो हैं । बहुरि प्रतिपक्षी-कर्म का उदय भी होय अर जीव का गुण भी जहां प्रगट होय, तहां दोऊ मिश्ररूप क्षायोपशमिक-भाव हो हैं ॥ ८१४ ॥

कम्पुदयजकम्पिगुणो, ओदियियो तत्थ होदि भावो दु ।

कारणणिरवेक्खभवो, सभावियो होदि परिणामो ॥ ८१५ ॥

कर्मोदयजकर्मिगुण, औदयिकस्तत्र भवति भावस्तु ।

कारणनिरपेक्षभवः, स्वाभाविको भवति परिणामः ॥ ८१५ ॥

टीका - कर्म का उदय तैं निपज्या संसारी-जीव कैं गुण सो उदय, ताकौं होतैं जो भया, सो औदयिक-भाव है । बहुरि उपशम, क्षय, क्षयोपशम, उदय की अपेक्षा करि रहित— अैसा जो भाव, सो पारिणामिक-भाव है ॥ ८१५ ॥

आगैं उत्तर-भावनि कौं कहैं हैं—

उवसमभावो उवसमसम्मं चरणं च तारिसं खइओ ।

खाइय णाणं दंसण, सम्म चरित्तं च दाणादी ॥ ८१६ ॥

उपशमभाव उपशमसम्यक्त्वं चरणं च तादृशः क्षायिकः ।

क्षायिकं ज्ञानं दर्शनं, सम्यक्त्वं चारित्रं च दानादयः ॥ ८१६ ॥

टीका - औपशमिक भाव है, सो उपशम-सम्यक्त्व, उपशम-चारित्र— अैसैं दोय प्रकार हैं । बहुरि क्षायिक-भाव है, सो क्षायिकज्ञान, दर्शन, सम्यक्त्व, चारित्र, दान, लाभ, भोग, उपभोग, वीर्य— अैसैं नवप्रकार है ॥ ८१६ ॥

खाओवसमियभावो, चउणाण तिदंसणं तिअण्णाणं ।

दाणादिपंच वेदगसरागचारित्तदेसजमं ॥ ८१७ ॥

क्षायोपशमिकभावश्चतुर्ज्ञानं त्रिदर्शनं त्र्यज्ञानं ।

दानादिपंच वेदकसरागचारित्रदेशयमं ॥ ८१७ ॥

टीका - क्षायोपशमिक भाव है सो मति, श्रुति, अवधि, मनःपर्यय— ए च्यारि ज्ञान अर चक्षु, अचक्षु, अवधि— ए तीन दर्शन अर कुमति, कुश्रुत, विभंग— ए तीन अज्ञान अर क्षयोपशमरूप दान, लाभ, भोग, उपभोग, वीर्य— ए पंच अर वेदक-सम्यक्त्व अर सरागचारित्र अर देशसंयम— ऐसैं अठारह प्रकार हैं । मतिज्ञानावरणादि के क्षयोपशम होतैं मतिज्ञानादिक होय ; यातैं इनकौं क्षायोपशमिक-भाव कहै ॥ ८१७ ॥

ओदयिया पुण भावा, गदिलिंगकसाय तह य मिथ्यात्वं ।

लेस्या सिद्धा संजम अण्णाणं होति इगवीसं ॥ ८१८ ॥

औदयिकाः पुनर्भावा, गतिलिंगकषायास्तथा च मिथ्यात्वं ।

लेस्यासिद्धासंयमाज्ञानं भवन्ति एकविंशतिः ॥ ८१८ ॥

टीका - बहुरि औदयिक-भाव है, सो च्यारि-गति, तीन-वेद, च्यारि-कषाय, एक-मिथ्यात्व, छह-लेश्या ; बहुरि सामान्य-कर्म के उदयरूप सिद्ध-पद का अभाव, सो असिद्धत्व अर चारित्र-मोह का सर्व-घातिया का उदय तैं चारित्र का अभाव, सो असंयम अर ज्ञानावरण के उदय तैं जो ज्ञान प्रगट नाही, सो अज्ञान, छद्मस्थ कैं जितना ज्ञान प्रगट भया है सो क्षयोपशम रूप है अर जितना ज्ञान प्रगट नाही सो औदयिक अज्ञानरूप है । ऐसैं इकईस प्रकार हैं ॥ ८१८ ॥

जीवत्तं भव्यत्वमभव्यत्तादी हवन्ति <sup>१</sup>परिणामा ।

इदि मूलुत्तरभावा भंगवियप्ये बहू जाणे ॥ ८१९ ॥

जीवत्वं भव्यत्वमभव्यत्वादयो भवन्ति परिणामाः ।

इति मूलोत्तरभावाः, भंगविकल्पे बहवो जानीहि ॥ ८१९ ॥

टीका - जीवत्व, भव्यत्व, अभव्यत्व— ऐसैं पारिणामिक-भाव तीन प्रकार हैं । जीवत्व तौ द्रव्यस्वभाव है ही अर भव्यत्व, अभव्यत्व भी कोई कर्म के निमित्त तैं नाही, अनादि तैं, जैसे हैं-तैसे ही हैं ; तातैं इनकौं भी पारिणामिक कहे ।

ऐसैं भूलाभाव-पांच हैं । उत्तर - भाव तरेपन हैं अर भंग विकल्प करि बहुत हैं — ऐसैं जानहु ॥ ८१९ ॥

ओघादेसे संभवभावं मूलुत्तरं ठवेदूण ।

पत्तेये अविबुद्धे, परसगजोगेवि भंगा हु ॥ ८२० ॥

ओघादेशे संभवभावं मूलोत्तरं स्थापयित्वा ।

प्रत्येके अविरुद्धे, परस्वकयोगेऽपि भंगा हि ॥ ८२० ॥

टीका - ओघ कहिए गुणस्थान, आदेश कहिए मार्गणास्थान, इनविषै संभवते असै जु मूलभाव अर उत्तर-भाव, तिनकौं स्थापि करि जैसे गुणस्थानाधिकार विषै प्रमादनि का कथन करतैं, अक्षसंचार-विधान कह्या, तैसें ही इहां अक्ष-संचार का विधान करि भावनि के बदलने तैं प्रत्येक-भंग अर विरुद्धरहित परसंयोगी अर स्वसंयोगी विषै भंग हो हैं । जहां जुदे-जुदे भाव कहिए तहां प्रत्येक-भंग जानने । बहुरि जहां अन्य-अन्य भाव के संयोगरूप भंग होइ, तहां परसंयोगी कहिए ।

जैसें औदयिक का कोई भेद जहां पाइए अर तहां ही औपशमादिक का कोई भेद पाइए, तहां औदयिक, औपशमादिक का संयोगरूप परसंयोगी होइ । जैसें ही अन्यत्र भी जानने ।

बहुरि जहां निज-भाव के भेदनि का संयोगरूप ही भंग होइ, तहां स्वसंयोगी कहिए । जैसें औदयिक का कोई भेद जहां पाइए अर तहां ही औदयिक का अन्य भेद भी पाइए, तहां औदयिक विषै औदयिक असा स्वसंयोगी भंग होइ— ऐसें ही अन्यत्र भी जानने । सो गुणस्थाननि विषै कहिए हैं—

नानाजीव, नाना-काल अपेक्षा भाव कहना सुगम है ; जातैं पूर्वे सबनि का कथन होइ हीं आया, तथापि मंदबुद्धिनि के समझने के निमित्त कहिए है—तहां मूलभाव मिथ्यादृष्ट्यादि तीन विषै औदयिक, क्षायोपशमिक, पारिणामिक— जैसें तीन-तीन हैं । असंयतादि आठ विषै सर्व पांच-पांच हैं । क्षीणकषाय विषै औपशमिक बिना च्यारि हैं । सयोगी, अयोगी विषै औदयिक, क्षायिक, पारिणामिक— ए तीन-तीन हैं । सिद्धनि विषै क्षायिक, पारिणामिक— ए दोय हैं ।

अब उत्तर-भाव कहिए है—

मिथ्यादृष्टि विषै औदयिक के इकईस अर तीन-अज्ञान, दोय-दर्शन, पांच-लब्धि— ए क्षायोपशमिक के दश अर तीन पारिणामिक कै— जैसें चौतीस-भाव हैं । बहुरि सासादन विषै मिथ्यात्व बिना औदयिक के बीस अर तीन अज्ञान, दोय दर्शन, पांच लब्धि— ए क्षायोपशमिक के दश अर जीवत्व-भव्यत्व— ए पारिणामिक के दोय— जैसें बत्तीस-भाव हैं । बहुरि मिश्र विषै मिथ्यात्व बिना औदयिक के बीस अर मिश्र रूप तीन-ज्ञान, तीन-दर्शन, पांच-लब्धि— ए क्षायोपशमिक के ग्यारह अर भव्यत्व, जीवत्व— ए पारिणामिक के दोय— जैसें तेतीस-भाव हैं । बहुरि असंयत विषै मिथ्यात्व बिना औदयिक के बीस अर तीन-ज्ञान, तीन-दर्शन, पांच-लब्धि, एक सम्यक्त्व— ए क्षायोपशमिक के बारह अर औपशमिक-सम्यक्त्व अर, क्षायिक-सम्यक्त्व अर जीवत्व-भव्यत्व— ए पारिणामिक— जैसें छत्तीस-भाव हैं ।

बहुरि देशसंयत विषै मनुष्य-तिर्यच गति दोय, च्यारि-कषाय, तीन-लिंग, तीन-शुभलेश्या,

असिद्धत्व, अज्ञान— ए औदयिक के चौदह अर तीन-ज्ञान, तीन-दर्शन, पांच-लब्धि, सम्यक्त्व, देशचारित्र— ए क्षायोपशमिक के तेरह अर औपशमिक-सम्यक्त्व अर क्षायिक-सम्यक्त्व अर जीवत्व, भव्यत्व— पारिणामिक— अैसें इकतीस-भाव हैं । बहुरि इनविषै तिर्यच-गति, देश-चारित्र घटाइ, मनःपर्ययज्ञान, सरागचारित्र मिलाएं, प्रमत्त-अप्रमत्त विषै इकतीस-इकतीस भाव हैं । बहुरि इनविषै पीत-पद्मलेश्या अर क्षायोपशमिक-सम्यक्त्व-चारित्र घटाइ औपशमिक-चारित्र, क्षायिक-चारित्र मिलाएं अपूर्वकरण, अनिवृत्तिकरण विषै, गुणतीस, गुणतीस भाव हैं । इन विषै लोभ बिना तीन-कषाय अर तीन-लिंग घटाएं सूक्ष्म-सांपराय विषै, तेवीस-भाव हैं । बहुरि इनविषै लोभकषाय, क्षायिक-चारित्र घटाएं उपशांत-कषाय विषै, इकईस-भाव हैं । बहुरि इनविषै औपशमिक के दोय घटाइ क्षायिक-चारित्र मिलाएं, क्षीणकषाय विषै, बीसभाव हैं । बहुरि मनुष्यगति, शुक्ललेश्या, असिद्धत्व— ए औदयिक के तीन, क्षायिक के सर्व नव, जीवत्व, भव्यत्व, पारिणामिक— अैसें सयोगी विषै चौदह-भाव हैं । बहुरि इनविषै शुक्ललेश्या घटाएं अयोगी विषै तेरह-भाव हैं । बहुरि सम्यक्त्व, ज्ञान, दर्शन, वीर्य— ए क्षायिक के च्यारि अर जीवत्व-पारिणामिक— अैसें सिद्ध विषै पांच-भाव हैं ।

अैसें नानाजीव, नानाकाल अपेक्षा जानना ।

बहुरि इहां एक-जीव के एकै-कालि जितने-जितने भाव संभवै, तिस अपेक्षा कथन करिए है—

सो मिथ्यादृष्ट्यादिक तीन-गुणस्थाननि विषै मूलभाव तीन-तीन पाइए है । तहां परसंयोग विषै प्रत्येक-भंग तीन औदयिक, मिश्र, पारिणामिक — ए जुदे-जदे जानने । अर द्विसंयोगी भंग तीन—औदयिक-मिश्र, औदयिक-पारिणामिक, मिश्रपारिणामिक । बहुरि औदयिक, मिश्र, पारिणामिक इन तीनों का संयोग रूप त्रिसंयोगी-भंग एक । बहुरि स्वसंयोगी विषै भंग तीन-औदयिक विषै औदयिक, मिश्र विषै मिश्र पारिणामिक विषै पारिणामिक— अैसें सर्व मिलि दश-भंग भए ।

प्रत्येक द्विसंयोगी, त्रिसंयोगी आदि भंग ल्यावने का विधान, जैसें आस्रवाधिकार विषै कह्या था, तैसें जानना । विवक्षित-संख्या का प्रमाणरूप अंक तैं लगाय एक-एक घाटि संख्यारूप लिखने, ते अंश जानने । तिनके नीचै एक तैं लगाय एक-एक अधिक अंक लिखने, ते हार जानने । तहां पहिले अंशनि करि अगला अंश कौं अर पहिले हारनि करि अगिले हार कौं गुणि अंश-प्रमाण कौं हार-प्रमाण का भाग दीएं, क्रम तैं प्रत्येक, द्विसंयोगी आदि भंगनि का प्रमाण आवै है ।

सो यहां मिथ्यादृष्टी आदि तीन विषै तीन मूलभाव हैं । सो तीन तैं एक-एक घाटि करि अंक लिखने, सो तीन, दोय, एक के अंक लिखने । तिनके नीचै एक, दोय, तीन के अंक लिखने— तहां पहिलै तीन कौं एक का भाग दीएं तीन पाए, सो तीन तौ प्रत्येक-भंग हैं । बहुरि तीन करि

२१६ ]

[गोप्यटसार कर्मकाण्ड उत्तरार्द्ध गाथा- ८२०

दोय कौं गुणि, ताकौं एक गुणा दोय का भाग दीएं, तीन पाया, सो तीन द्विसंयोगी-भंग हैं ।  
 बहुरि छह करि एक कौं गुणि, ताकौं दोयगुणा तीन का भाग दीएं, एक पाया, सो एक त्रिसंयोगी-भंग है । इस ही विधान तैं आगैं मूलभाव, उत्तर-भावनि का कथन विषैं भी प्रत्येक, द्विसंयोगी, त्रिसंयोगी आदि भंगनि का विधान जानना ।

३	२	१
१	२	३

बहुरि असंयतादि च्यारि-गुणस्थाननि विषैं मूलभाव पांच-पांच पाइए, तहां पूर्वोक्त विधान तैं परसंयोगी विषैं प्रत्येक-भंग तौ पांच पाइए ।

५	४	३	२	१
१	२	३	४	५

बहुरि द्विसंयोगी-भंग दश होंइ तिनविषैं इहां औपशमिक, क्षायिक का संयोगरूप एक भंग नाही ; तातैं नव ही हैं ; जातैं इहां औपशमिक का अर क्षायिक का कोई भी भेद परस्पर मिलै नाही ।

बहुरि त्रिसंयोगी-भंग दश होंइ । तिनविषैं औपशमिक, क्षायिक अर एक औदयिक वा क्षायोपशमिक वा पारिणामिक विषैं कोई इन तीन के संयोगरूप तीन-भंग इहां नाही ; तातैं सात ही हैं ।

बहुरि चतुःसंयोगी पांच होंइ, तिनविषैं औपशमिक, क्षायिक अर दोय औदयिक-क्षायोपशमिक वा क्षायोपशमिक-पारिणामिक वा औदयिक-पारिणामिक विषैं कोई इनके संयोगरूप तीन इहां नाही ; तातैं दोय ही हैं । बहुरि उपशम, क्षायिक का मिलन नाही ; तातैं पंच-संयोगी-भंग का अभाव है ।

बहुरि स्वसंयोगी-भंग मिश्र विषैं मिश्र, औदयिक विषैं औदयिक, पारिणामिक विषैं पारिणामिक— अिसैं तीन-भंग हैं । इहां उपशम-सम्यक्त्व विषैं उपशम-चारित्र वा क्षायिक-सम्यक्त्व विषैं क्षायिकचारित्रादिक संभवै नाही ; तातैं औपशमिक विषैं औपशमिक अर क्षायिक विषैं क्षायिक— ए दोय-भंग न कहे— अिसैं मिलिकरि छब्बीस-भंग भए ।

बहुरि उपशमश्रेणी के च्यारि-गुणस्थाननि विषैं पांच-पांच मूलभाव हैं । तहां परसंयोगी विषैं प्रत्येक भंग पांच, द्विसंयोगी दश, त्रिसंयोगी दश, चतुःसंयोगी पांच, पांचसंयोगी एक-भंग है । इहां क्षायिक-सम्यक्त्व होतैं उपशमचारित्र संभवै है ; तातैं उपशम, क्षायिक का भी संयोग जानना । बहुरि स्वसंयोगी विषैं क्षायिक विषैं क्षायिक नाही ; जातैं इहां क्षायिक-सम्यक्त्व विषैं और कोई क्षायिक का चारित्रादिक भेद संभवै नाही ; तातैं अवशेष च्यारि भाग संबंधी च्यारि-भंग जानना । अिसैं सर्व मिलि पैतीस-भंग भए ।

बहुरि क्षपकश्रेणी का च्यारि-गुणस्थाननि विषैं क्षायिक, मिश्र, औदयिक, पारिणामिक— ए च्यारि-च्यारि ही भाव हैं । तहां परसंयोग विषैं प्रत्येक-भंग च्यारि, द्विसंयोगी-छह, त्रिसंयोगी-च्यारि,



चतुःसंयोगी एक-भंग है । बहुरि स्वसंयोगी विषैँ इहां क्षायिक-सम्यक्त्व विषैँ क्षायिक-चारित्र भी संभवैँ हैं ; तातैँ च्यार्यो-भावनि की अपेक्षा च्यारि-भंग हैं । औसैँ मिलि करि उगणीस-भंग भए ।

बहुरि सयोगी, अयोगी विषैँ क्षायिक, औदयिक, पारिणामिक ए तीन-तीन भाव हैं । तहां परसंयोगी विषैँ प्रत्यैक-भंग-तीन, द्विसंयोगी-तीन, त्रिसंयोगी-एक । बहुरि स्वसंयोगी तीनों भावनि की अपेक्षा तीन— औसैँ मिलि दश-भंग भए ।

बहुरि सिद्धनि विषैँ क्षायिक, पारिणामिक— ए मूलभाव दोय हैं, तहां प्रत्यैक-भंग दोय, द्विसंयोगी एक, स्वसंयोगी दोय— औसैँ मिलि पंच-भंग भए ॥ ८२० ॥

कही जो मूलभावनि की संख्या अर स्वपर का संयोगरूप संख्या, ताकौँ कहैँ हैं—

**मिच्छतिये तिचउक्के, दोसुवि सिद्धेवि मूलभावा हु ।**

**तिग पग पणगं चउरो, तिग दोण्णि य संभवा हौंति ॥ ८२१ ॥**

मिथ्यत्रये त्रिचतुष्के द्वयोरपि सिद्धेऽपि मूलभावा हि ।

त्रिकं पंच पंचकं चत्वारः त्रिकं द्वौ च संभवा भवंति ॥ ८२१ ॥

टीका - मिथ्यादृष्ट्यादि तीन विषैँ, असंयतादि च्यारि विषैँ, उपशमश्रेणी के च्यारि विषैँ, क्षपक-श्रेणी के च्यारि विषैँ, सयोगी आदि दोय विषैँ, सिद्ध विषैँ अनुक्रम तैँ संभवते मूलभाव तीन, पांच, पांच, च्यारि, तीन, दोय हैं ॥ ८२१ ॥

**तत्थेव मूलभंगा, दस छव्वीसं क्रमेण पणतीसं ।**

**उगुवीसं दस पणगं, ठाणं पडि उत्तरं वोच्छं ॥ ८२२ ॥**

तत्रैव मूलभंगा, दश षट्विंशं क्रमेण पंचत्रिंशत् ।

एकोनविंशं दश पंचकं, स्थानं प्रति उत्तरं वक्ष्यामि ॥ ८२२ ॥

टीका - तिनही पूर्वोक्त छह विषैँ क्रम तैँ मूलभंग दश, छवीस, पैँतीस, उगणीस, दश, पांच है ॥ ८२२ ॥

आगैँ गुणस्थाननि प्रति उत्तर-भावनि कौँ कहोंगा—

**उत्तरभंगा दुविहा, ठाणगया पदगयात्ति पढमम्मि ।**

**सगजोगेण य भंगा, णयणं णत्थित्ति णिद्धिं ॥ ८२३ ॥**

उत्तरभंगा द्विविधाः, स्थानगताः पदगता इति प्रथमे ।

स्वयोगेन च भंगानयनं नास्तीति निर्दिष्टं ॥ ८२३ ॥

टीका - उत्तर-भावनि के भंग दोय प्रकार-स्थानगत अर पदगत । तहां एक-जीव कैँ एकै-काल

२१८]

[गोम्मटसार कर्मकाण्ड उत्तरार्द्ध गाथा- ८२३, ८२४, ८२५, ८२६

जितने-जितने भाव पाइए, तिनके समूह का नाम स्थान है, ताकी अपेक्षा करि जे भंग करिए, तिनकों स्थानगत कहिए। बहुरि एक जीव के एक-कालि जे भाव पाइए, तिनकी एक-जाति का वा जुदे-जुदे का नाम पद कहिए, ताकी अपेक्षा जे भंग करिए, तिनकों पदगत कहिए। तहां एक जीव के एक कालि, एकै स्थान विषैं अन्य कोई स्थान संभवै नाहीं; तातैं स्थानगत भंगनि विषैं स्वसंयोगी-भंग नाहीं प्राप्त हो है। अइसा कहा है ॥ ८२३ ॥

**मिच्छदुगे मिस्सतिये, पमत्तसत्ते य मिस्सठाणाणि ।**

**तिग दुग चउरो एक्कं, ठाणं सव्वत्थ ओदयियं ॥ ८२४ ॥**

मिश्यद्विके मिश्रत्रये, प्रमत्तसत्त के च मिश्रस्थानानि ।

त्रिकं द्विकं चत्वारि, एकं-स्थानं सर्वत्र औदयिकं ॥ ८२४ ॥

**टीका** - मिथ्यादृष्ट्यादि दोय गुणस्थान विषैं अर मिश्रादि तीन विषैं अर प्रमत्तादि सात विषैं अनुक्रम तैं क्षायोपशमिकभाव के स्थान तीन, दोय, च्यारि जानने। बहुरि औदयिक-भाव का स्थान सर्व चौदह-गुणस्थाननि विषैं एक-एक ही जानना ॥ ८२४ ॥

**तत्थावरणजभावा, पणछस्सत्तेव दाणपंचेव ।**

**अयदचउक्के वेदकसम्मं देसम्मि देसजमं ॥ ८२५ ॥**

तत्रावरणजभावा, पंचषट्सत्तैव दानपंचैव ।

अयतचतुष्के वेदकसम्यं देशे देशयमं ॥ ८२५ ॥

**टीका** - तहां पूर्वोक्त तीन विषैं क्षायोपशमिक के ज्ञानावरण, दर्शनावरण के निमित्त तैं भए-असै भाव मिथ्यादृष्टि, सासादन विषैं तीन-अज्ञान, दोय-दर्शन-असै पांच हैं। मिश्रादिक तीन विषैं, आदि के तीनज्ञान, तीन-दर्शन हैं। प्रमत्तादिक सात विषैं मनःपर्यय सहित च्यारि-ज्ञान, तीन-दर्शन हैं। बहुरि दानादिक पंच-भाव मिथ्यादृष्टि तैं क्षीणकषाय पर्यंत हैं। वेदक-सम्यक्त्व, असंयतादिक च्यारि विषैं है। देशसंयम, देशसंयत विषैं है ॥ ८२५ ॥

**रागजमं तु पमत्ते, इदरे मिच्छादिजेट्टाणाणि ।**

**वेभंगेण विहीणं, चक्खुविहीणं च मिच्छदुगे ॥ ८२६ ॥**

रागयमं तु प्रमत्ते, इतरस्मिन् मिथ्यादिज्येष्ठस्थानानि ।

वेभंगेण विहीणं, चक्षुर्विहीणं च मिश्यद्विके ॥ ८२६ ॥

**टीका** - बहुरि सराग-चारित्र प्रमत्त-अप्रमत्त विषैं ही हैं। असै यथासंभव भाव मिलाए मिथ्यादृष्ट्यादि-क्षीणकषाय पर्यंत अनुक्रम तैं क्षायोपशमिक के उत्कृष्टस्थान दश, दश, ग्यारह, बारह, तेरह, चौदह, चौदह, बारह, बारह, बारह, बारह, बारह रूप जानने। तहां मिथ्यादृष्टि, सासादन

विषैँ तीन-अज्ञान, दोय-दर्शन, पांच-दानादिक— अँसँ दश, दश का उत्कृष्टस्थान जानना । उत्कृष्ट इतने भाव होंइ । मिश्र विषैँ तीन-ज्ञान, तीन-दर्शन, पंच-दानादिक— अँसँ ग्यारह का है । असंयत विषैँ वेदक-सम्यक्त्व सहित बारह का है । देशसंयत विषैँ देश-संयम सहित तेरह का है । प्रमत्त, अप्रमत्त विषैँ देश-संयम बिना अर सराग-संयम, मनःपर्यय सहित चौदह का है । अपूर्वकरणादि क्षीणकषायपर्यत च्यारि-ज्ञान, तीन-दर्शन, पंच-दानादिक— अँसँ बारह-बारह का उत्कृष्ट-स्थान है । बहुरि मिथ्यादृष्ट्यादि दोय विषैँ, एक तौ दश का उत्कृष्टस्थान अर एक विभंग रहित नव का स्थान, एक चक्षुर्दर्शन करि भी रहित आठ का स्थान— अँसँ तीन-तीन स्थान हैं ॥ ८२६ ॥

**अवधिदुगेण विहीणं, मिस्सतिए होदि अण्णठाणं तु ।**

**मण्णणोणवधिदुगेणुभयेणूणं तदो अण्णे ॥ ८२७ ॥**

अवधिद्विकेन विहीनं, मिश्रत्रये भवत्यन्यत्स्थानं तु ।

मनोज्ञानेनावधिद्विके, नोभयेनोनं ततोऽन्यानि ॥ ८२७ ॥

**टीका** – मिश्रादिक तीन विषैँ एक अपना-अपना उत्कृष्ट-स्थान । बहुरि अवधिज्ञान, दर्शनरहित मिश्र विषैँ नव का, असंयत विषैँ, दश का, देशसंयत विषैँ ग्यारह का स्थान— अँसँ दोय-दोय स्थान हैं । बहुरि प्रमत्तादि सात विषैँ एक-एक अपना उत्कृष्टस्थान । बहुरि एक-एक मनःपर्यय रहित अर एक-एक अवधिज्ञान, अवधिदर्शन रहित अर एक-एक अवधिज्ञान, अवधिदर्शन, मनःपर्यय रहित प्रमत्त-अप्रमत्त विषैँ तेरह, बारह, ग्यारह के, अपूर्वकरणादि पंच विषैँ ग्यारह, दश, नव के तीन-तीन स्थान— अँसँ च्यारि-च्यारि स्थान जानने ।

बहुरि औदयिक के इकईसभाव तिन विषैँ एक-जीव कँ एकै-कालि मिथ्यादृष्टि विषैँ च्यारि-गति, तीन-वेद, च्यारिकषाय, छह-लेश्यानि विषैँ एक-एक अर मिथ्यात्व, असिद्धत्व, असंयम, अज्ञान— अँसँ आठ-भाग पाइए है । बहुरि सासादनादि तीन विषैँ मिथ्यात्व बिना सात-सात पाइए । बहुरि देश-संयतादि अनिवृत्तिकरण का सवेदभाग पर्यत असंयम बिना छह-छह पाइए है । बहुरि अवेद-भाग विषैँ अर सूक्ष्मसांपराय विषैँ वेद बिना पांच पाइए है । बहुरि उपशांत-कषाय, क्षीणकषाय विषैँ कषाय बिना च्यारि-च्यारि पाइए है । बहुरि सयोगी विषैँ अज्ञान बिना तीन पाइए है । बहुरि अयोगी विषैँ लेश्या बिना मनुष्यगति अर असिद्धत्व— ए दोय पाइए है ॥ ८२७ ॥

आगँ कहे औदयिक के स्थान, तिनविषैँ भावनि के बदलने तँ भए जे भंग, तिनकौँ गुणस्थाननि विषैँ कहिए हैं—

**लिंगकसाया लेस्सा, संगुणिदा चदुगदीसु अविरुद्धा ।**

**बारस बावत्तरियं, तत्तियमेत्तं च अडदालं ॥ ८२८ ॥**

लिंगकषाया लेश्याः, संगुणिताश्चतुर्गतिष्वविरुद्धाः ।

द्वादश द्वासप्ततिः, तावन्मात्रं चाष्टचत्वारिंशत् ॥ ८२८ ॥

**टीका -** च्यारि गतिनि विषैँ अविरुद्ध यथासंभव लिंग, कषाय, लेश्यानि कौँ परस्पर गुणिए । तहां नरकगति विषैँ तौ नपुंसक-वेद, च्यारि-कषाय, तीन-अशुभ-लेश्या के परस्पर गुणने तैँ बारह होइ । तिर्यच वा मनुष्यगति विषैँ तीन-वेद, च्यारि-कषाय, छह-लेश्यानि कौँ परस्पर गुणें बहत्तरि-बहत्तरि होइ । देवगतिविषैँ स्त्री-पुरुष दोय लिंग, च्यारि-कषाय, तीन-शुभ-लेश्या अर भवनत्रिक कैं अपर्याप्त-दशा में तीन-अशुभ-लेश्या भी होई ; तातैं छह-लेश्या, इनकौँ परस्पर गुणें अठतालीस होइ— अैसैँ सर्व मिलि करि दोयसैँ च्यारि भए, सो इतने तौ मिथ्यादृष्टि अर सासादन विषैँ गुण्य जानने । जाकौँ गुणकार करि गुणिए, ताकौँ गुण्य कहिए । सो इनका आगे गुणकार करि गुणन कीजिए, तातैं इनकौँ गुण्य कहे । इहां अक्ष-संचार करि भावनि के बदलने तैं जितने भंग होइहिं, तितने ही परस्पर गुणें भंग होइहिं ; तातैं गुणन-विधान करि अक्ष-भंग कहे हैं ॥ ८२८ ॥

**णवरि विसेसं जाणे, सुर मिस्से अविरदे य सुहलेस्सा ।**

**चदुवीस तत्थ भंगा असहायपरक्कमुद्धिटा ॥ ८२९ ॥**

नवरि विशेष जानीहि, सुरे मिश्रेऽविरते च शुभलेश्याः ।

चतुर्विंशं तत्र भंगा, असहायपराक्रमोद्धिष्टाः ॥ ८२९ ॥

**टीका -** मिश्र विषैँ अर असंयत विषैँ पूर्ववत् नरकगति विषैँ बारह, तिर्यच, मनुष्य विषैँ बहत्तरि-बहत्तरि । देवगति विषैँ इहां तीन शुभलेश्या हैं, इतना नवीन विशेष जानहु ; जातैं भवनत्रिक का अपर्याप्तपना इहां न संभवै है ; तातैं स्त्री-पुरुषवेद, च्यारि-कषाय, तीन-शुभलेश्यानि कौँ परस्पर गुणें देवगति विषैँ चौईस ही भंग भए, अैसा असहाय, पराक्रमी श्रीवर्धमानस्वामी, तिननै कह्या है, सो ए सर्व मिलि एकसौ असी गुण्य भया ।

बहुरि देशसंयत विषैँ तीन-लिंग, च्यारि-कषाय, तीन-शुभलेश्या कौँ परस्पर गुणें तिर्यच वा मनुष्यगति विषैँ छत्तीस-छत्तीस होइ, मिलि करि बहत्तरि भए । बहुरि प्रमत्त वा अप्रमत्त विषैँ मनुष्यगति विषैँ तीन-लिंग, च्यारि-कषाय, तीन-शुभलेश्यानि के गुणनि करि छत्तीस भए । बहुरि अपूर्वकरण वा सवेद-अनिवृत्तिकरण विषैँ, मनुष्यगति विषैँ, तीन-लिंग, च्यारि-कषाय, एक-शुक्ललेश्या करि बारह भए ।

बहुरि अवेद-अनिवृत्तिकरण विषैँ मनुष्यगति विषैँ च्यारि-कषाय, शुक्ललेश्याकरि च्यारि भए । बहुरि अनिवृत्तिकरण का मानभाग विषैँ मनुष्यगति, तीन-कषाय, शुक्ललेश्याकरि तीन भए । मायाभाग विषैँ मनुष्यगति, दोय-कषाय, शुक्ललेश्या करि दोय भए । लोभ-भाग विषैँ मनुष्यगति, वादर-लोभ, शुक्ललेश्या करि एक ही भया । बहुरि सूक्ष्मसांपराय विषैँ मनुष्यगति, सूक्ष्म-लोभ, शुक्ललेश्या करि एक ही भया । उपशांत-कषायादि तीन विषैँ मनुष्यगति, कषाय का अभाव, शुक्ललेश्या करि एक भया । अयोगी विषैँ मनुष्यगतिरूप एक भया ।

अैसैँ ए भंग भए । तिनकौँ गुण्य स्थापन करने ॥ ८२९ ॥

चक्षुषूण मिच्छसासणसम्मा तेरिच्छगा हवंति सदा ।

चारिकसायतिलेस्साणब्भासे तत्थ भंगा हु ॥ ८३० ॥

चक्षुरूनं मिथ्यासासनसम्यंच तैरश्रिका भवंति सदा ।

चतुःकषायत्रिलेश्यानामभ्यासे तत्र भंगा हि ॥ ८३० ॥

टीका - बहुरि चक्षुदर्शन रहित मिथ्यादृष्टि वा सासादन-सम्यग्दृष्टी सदा तिर्यच ही हैं ; तातैं तहां तिर्यचगति विषैं नपुंसकवेद, च्यारि-कषाय, तिन-अशुभलेश्यानि का परस्पर-गुणन तैं बारह-भंग प्रगटपने जानने ॥ ८३० ॥

खाइयअविरदसम्मे, चउ सोल बिहत्तरी य बारं च ।

तद्देशो मणुसेव य, छत्तीसा तब्भवा भंगा ॥ ८३१ ॥

क्षायिकाविरतसम्ये, चत्वारः षोडश द्वासप्ततिश्च द्वादश च ।

तद्देशो मनुष्य एव, षट्त्रिंशत्तद्भवा भंगाः ॥ ८३१ ॥

टीका - क्षायिक-सम्यग्दृष्टी-असंयत विषैं नारकी विषैं तौ नपुंसकवेद, च्यारि-कषाय, कपोत लेश्या करि च्यारि ही भंग हैं । तिर्यच विषैं पुरुष-वेद, च्यारि-कषाय, च्यारि-लेश्या करि सोलह-भंग हैं । मनुष्य विषैं तीन-वेद च्यारि-कषाय छह लेश्या करि बहत्तरि-भंग हैं । देवगति विषैं पुरुषवेद, च्यारि-कषाय, तीन-शुभलेश्या करि बारह-भंग हैं— औसैं मिलिकरि एकसौ च्यारि भंग भए । बहुरि क्षायिक-सम्यग्दृष्टी-देश-संयत मनुष्य ही होइ, तहां तीन-वेद, च्यारि-कषाय, तीन-शुभलेश्याकरि छत्तीस-भंग हैं ॥ ८३१ ॥

परिणामो दुट्ठाणो, मिच्छे सेसेसु एक्कठाणो दु ।

सम्मे अण्णं सम्मं, चारित्ते णत्थि चारित्तं ॥ ८३२ ॥

परिणामो द्विस्थानो, मिथ्ये शेषेषु एकस्थानस्तु ।

सम्ये अन्यत्सम्यं, चारित्रे नास्ति चारित्रं ॥ ८३२ ॥

टीका - पारिणामिक-भाव का मिथ्यादृष्टि विषैं दोय-स्थान है— जीवत्व-भव्यत्व अर जीवत्व-अभव्यत्व । बहुरि अवशेष गुणस्थाननि विषैं वा सिद्ध विषैं जीवत्व-भव्यत्व औसा एक ही स्थान है । आगैं गुणस्थाननि विषैं प्रत्येक, द्विसंयोगी आदि भेद कहने के अर्थि कहैं हैं—

सम्यक्त्वसहित स्थान विषैं अन्य सम्यक्त्व न होइ । चारित्र सहित स्थान विषैं, अन्य चारित्र न होइ । जैसैं जहां उपशम-सम्यक्त्व पाइए, तहां वेदक वा क्षायिक-सम्यक्त्व न पाइए । औसैं ही अन्य विषैं भी जानना ॥ ८३२ ॥

**मिच्छदुगयदचउक्के, अट्टाणेण खयियठाणेण ।**

**जुद परजोगजभंगा, पुध आणिय मेलिदव्वा हु ॥ ८३३ ॥**

मिथ्यद्विकायतचतुष्के, अष्टस्थानेन क्षायिकस्थानेन ।

युतं परयोगजभंगाः, पृथगानीय मेलयितव्या हि ॥ ८३३ ॥

**टीका** - मिथ्यादृष्टि, सासादन विषै चक्षुदर्शन रहित क्षायोपशमिक आठ का स्थान, तीहिं विषै औदयिक के भंग कहे, तिनकरि संयुक्त अर असंयतादि च्यारि विषै क्षायिक-सम्यक्त्व का स्थान विषै औदयिक के भंग कहे, तिनकरि संयुक्त परसंयोग करि उपजे भंग, तिनकाँ जुदे-जुदे विचारि अपना-अपना राशि विषै मिलावने ॥ ८३३ ॥

पूर्वै कहे थे गुण्य, तिनके गुणकार अर क्षेप प्रगट करै हैं—

**उदयेणक्खे चडिदे, गुणगारा एव होंति सव्वत्थ ।**

**अवसेसभावठाणेणक्खे संचारिदे खेवा ॥ ८३४ ॥**

उदयेनाक्षे चटिते, गुणकारा एव भवन्ति सर्वत्र ।

अवशेषभावस्थानेनाक्षे संचारिते क्षेपाः ॥ ८३४ ॥

**टीका** - गुणस्थान प्रति पूर्वै कहे जे मिश्र वा औदयिक वा पारिमाणिक-भाव के स्थान, तिन स्थाननि के अक्ष-संचार-विधान करि बदलने तै भंग उपजावने के अर्थि अनुक्रमतै स्थापन करि, तहां औदयिक-भाव का स्थान करि अक्ष का संचार करि सर्वत्र जे भंग होंहि, ते भंग गुणकार जानने । अवशेष भावनि का स्थान विषै अक्ष का संचार करि जे भंग होंहि, ते क्षेप जानने ।

**भावार्थ**-भावनि के जे स्थान कहे, तिनकाँ यथा-संभव जुदे-जुदे कहिए, ते प्रत्येक-भंग जानने । तहां औदयिक का स्थानरूप जो प्रत्येक-भंग, सो तौ गुणकाररूप जानना । अवशेष भाव का स्थानरूप जे प्रत्येक-भंग ते क्षेपरूप जानने । बहुरि जहां दोय, तीन आदि भावनि के स्थाननि का संयोग करिए, तहां दोय-संयोगी, तीन-संयोगी आदि भंग होंहि, तिनविषै जहां औदायिक-भाव का संयोग सहित दोइसंयोगी आदि भंग होंइ, तै भंग तौ गुणकाररूप जानने । बहुरि जहां औदयिक-भाव का तौ संयोग न होइ, अन्य-भावनि का ही संयोग तै दोय-संयोगी आदि भंग होंइ, ते भंग क्षेपरूप जानने । सो जिसकरि गुणिए, ताकाँ गुणकार कहिए अर जिनकाँ मिलाइए, तिनकाँ क्षेप कहिए । सो पूर्वै जो-जो गुण्य कहा था, ताकाँ इहां कहिए है—

गुणकार तीहिं-तीहिंकरि गुणिए अर गुणन कीएं जो प्रमाण होइ, तीहिविषै जो क्षेप का प्रमाण होइ, ताकाँ मिलाइए, यों करता जितने होंइ, तितने तहां भंग जानने । अैसा विधान करतै जितने होंहि, तितने ही यथासंभव भावनि के स्थान बदलने तै भंग हो है ; तातै थोरे में आवने के अर्थि ऐसा विधान कहा है । सोई कहिए है—

मिथ्यादृष्टि विषैँ मिश्र के तो दश का अर नव का ऐसे दोयस्थान, औदयिक का आठ का एक स्थान, पारिणामिक के जीवत्व सहित भव्य वा अभव्यरूप दोय-स्थान—

मि	औ	पा
१०	८	भ
९	०	अ

अैसैँ पांच-स्थान हैं । तथा प्रत्येक-भंग पांच, तिनविषैँ औदयिक का आठ का स्थानरूप एक प्रत्येक-भंग तो गुणकार जानना । अवशेष दोय मिश्र के, दोय पारिणामिक के— अैसैँ च्यारि-भंग क्षेप जानने । बहुरि दोय संयोगी-भंग विषैँ औदयिक का आठ का स्थानसहित मिश्र का दश का अर नव का स्थान करि दोय-भंग अर पारिणामिक का भव्यरूप वा अभव्यरूप स्थान करि दोय भंग— अैसैँ च्यारि-भंग तौ गुणकाररूप जानने ।

बहुरि मिश्र का दश का स्थान सहित पारिणामिक का भव्य, अभव्य रूप दोय स्थान करि दोय-भंग अर मिश्र का नव का स्थान सहित, तिनही पारिणामिक के दोय-स्थान का संयोगरूप दोय भंग— अैसैँ च्यारि-भंग क्षेपरूप जानने ।

बहुरि तीन संयोगी विषैँ औदयिक का आठ का स्थान अर मिश्र का दश का स्थान सहित पारिणामिक के दोय-स्थाननि करि दोय-भंग भए । बहुरि औदयिक का आठ का स्थान अर मिश्र का नवस्थान सहित पारिणामिक के दोय स्थाननि करि दोय भंग— अैसैँ च्यारि-भंग, गुणकाररूप जानने । इहां औदयिक का संयोग बिना त्रिसंयोगी नाहीं ; तातैँ त्रिसंयोगी विषैँ क्षेप नाहीं है ।

अैसैँ सर्व मिलि नव तौ गुणकार अर आठ-क्षेप भए । तहां पूर्वेँ औदयिक-भाव के भंगनि करि मिथ्यादृष्टि विषैँ दोय से च्यारि गुण्य कह्या था, तिनकोँ गुणकार नव करि गुणिये, तब अठारहसैँ छत्तीस होंइ, तिनविषैँ आठ-क्षेप मिलाइए, तब अठारहसैँ चवालीस-भंग होंहि । बहुरि चक्षुदर्शन-रहित मिथ्यादृष्टि विषैँ मिश्र का आठ ही का एक स्थान औदयिक का आठ का एक स्थान, पारिणामिक का भव्य-अभव्यरूप दोय स्थान—

मि	औ	पा
८	८	भ
		अ

अैसैँ च्यारि स्थान हैं । इहां प्रत्येक-भंग च्यारि, तिनविषैँ एक मिश्र का आठ का स्थान रूप ही प्रत्येक-भंग ग्रहण करना ; जातैँ अन्य-तीन प्रत्येक-भंग पुनरुक्त हैं । चक्षुदर्शन सहित मिथ्यादृष्टि विषैँ पूर्वेँ कहे तिनके समान हैं ; तातैँ एक ही ग्रह्या, सो क्षेपरूप है ।

बहुरि दोय-संयोगी विषैँ मिश्र का आठ का स्थान अर औदयिक का आठ का स्थान, इन दोऊनि का संयोगरूप एक-भंग गुणकार जानना । बहुरि औदयिक का स्थान अर भव्य-अभव्य का स्थान के संयोग तैँ जे द्विसंयोगी होंहि, ते पुनरुक्त हैं ; तातैँ न ग्रहे । बहुरि मिश्र का आठ का स्थान अर भव्यत्व-अभव्यत्वरूप पारिणामिक के दोयस्थान, तिनके संयोग तैँ, जे दोय संयोगी-भंग, दोय होंहि, ते क्षेपरूप जानने । बहुरि तीन संयोगी विषैँ, मिश्र का आठ का स्थान, औदयिक का आठ का स्थान, तिनके भव्य वा अभव्यरूप दोय स्थाननि के संयोग तैँ दोय-भंग भए, ते गुणकाररूप हैं । अैसैँ चक्षुदर्शन-रहित मिथ्यादृष्टि कैँ पूर्वेँ जे बारह-गुण्य कहे थे, तिनके

मिलिकरि तीन-गुणकार अर तीन-क्षेप भए । तहां गुण्य कौं गुणकार करि गुणै, क्षेप कौं मिलाए, गुणतालीस-भंग भए ।

अैसे चक्षुदर्शन सहित वा रहित मिथ्यादृष्टि कै सर्वभंग मिलाएं अठारहसै तियासी-भंग भए ।

बहुरि याही प्रकार सासादनादि विषै भी जितने-भावनि के स्थान पाइए, तितने तौ प्रत्येक-भंग जानने । तहां औदयिक का जो स्थान होइ, सो गुणकार जानना । अन्य भावनि के जे स्थान होंहि, ते क्षेपरूप जानने । बहुरि जे दोय, तीन आदि भावनि के संयोग तैं भंग होंहि, ते दोय-संयोगी, तीन-संयोगी आदि जानने । तहां औदयिक-भाव अर अन्य कोई भाव के संयोग तैं जे दोयसंयोगी आदि भंग होंहि, ते गुणकाररूप जानने अर औदयिक-भाव बिना अन्य ही भावनि के संयोग तैं, जे दोय-संयोगी आदि भंग होंहि, ते क्षेपरूप जानने । तहां पहले जिन भंगनि कौं कहि आए अर तिनही के समान पीछे जे भंग होंहि, ते पुनरुक्त जानने । तिनका ग्रहण न करना । अैसे करतैं जे गुणकार होंहि, तिनकौं मिलाएं जो प्रमाण होइ, ताकरि पूवै जो गुण्य कहि आए थे, ताकौं गुणिए जो प्रमाण होइ, तिसविषै क्षेप कौं जोडैं, जो प्रमाण होइ, ताकौं मिलाइए । यों करते जो प्रमाण होइ, तितने भंग जानने ।

सो सासादन विषै मिश्र के दश का, नव का, दोय-स्थान, औदयिक का सात का एक-स्थान, पारिणामिक का भव्यरूप एक-स्थान— अैसे च्यारि-स्थान हैं । तहां प्रत्येक-भंग विषै गुणकार-एक, क्षेप-तीन अर दोय-संयोगी विषै गुणकार-तीन, क्षेप-दोय ; बहुरि तीन-संयोगी विषै गुणकार-दोय मिलिकरि गुणकार-छह, क्षेप-पांच । तहां गुण्य दोयसै च्यारि कौं यथोक्त करतैं बारहसै गुणतीस-भंग भए ।

बहुरि चक्षुदर्शन रहित सासादन विषै मिश्र का आठ का स्थान, औदायिक का सात का स्थान पारिणामिक का भव्य-स्थान— अैसे तीन स्थान । तहां प्रत्येक-भंग विषै क्षेप-एक, अन्य पुनरुक्त हैं । दोय संयोगी विषै गुणकार-एक, क्षेप-एक, त्रिसंयोगी विषै, गुणकार-एक मिलिकरि गुणकार-दोय, क्षेप-दोय । तहां पूर्वोक्त गुण्य-बारह यथोक्त करतैं सर्व-भंग छब्बीस भए ।

दोऊ मिलाएं सासादन विषै सर्व भंग बारहसै पचावन हो हैं ।

बहुरि मिश्र-गुणस्थान विषै मिश्र के ग्यारह-नव के दोय, औदयिक का सात का, पारिणामिक का भव्यरूप— अैसे च्यारि स्थान हैं । तहां प्रत्येक-भंग विषै गुणकार-एक, क्षेप-तीन अर दोय-संयोगी विषै गुणकार-तीन, क्षेप-दोय अर तीन-संयोगी विषै गुणकार-दोय मिलिकरि गुणकार-छह, क्षेप-पांच, पूर्वोक्त गुण्य एकसौ असी यथोक्त करते सर्वभंग एक हजार पिच्चासी हो हैं ।

बहुरि असंयत विषै औपशमिक का उपशम-सम्यक्त्वरूप एक, मिश्र के बारह-दश के दोय, औदयिक का सात का एक, पारिणामिक का भव्यत्वरूप एक— अैसे पांच-स्थान हैं । तहां प्रत्येक-भंग विषै गुणकार-एक, क्षेप-च्यारि ; दोय-संयोगी विषै गुणकार-च्यारि, क्षेप-पांच ;



तीन-संयोगी विषै गुणकार-पांच, क्षेप-दोय ; च्यारि संयोगी विषै गुणकार-दोय, मिलिकरि गुणकार-बारह, क्षेप-ग्यारह, पूर्वोक्त गुण्य एकसौ असी, सर्व-भंग इकईससै इकहत्तरि-भंग हो हैं । बहुरि क्षायिक-सम्यग्दृष्टी के क्षायिक का क्षायिक-सम्यक्त्वरूप एक ; मिश्र के बारह-दश के दोय ; औदयिक का सात का एक ; पारिणामिक का भव्यत्वरूप एक— अैसें पांच-स्थान । तहां प्रत्येक-भंग विषै क्षेप-एक ; दोय संयोगी विषै गुणकार-एक, क्षेप तीन ; तीन-संयोगी विषै गुणकार-तीन, क्षेप-दोय ; च्यारि-संयोगी विषै गुणकार-दोय हैं । अवशेष गुणकार वा क्षेप पुनरुक्त जानने, मिलिकरि गुणकार-छह, क्षेप-छह, पूर्वोक्त गुण्य एकसौ च्यारि, सर्व-भंग छसै तीस हो हैं । दोऊनि कौं मिलाएं, असंयत विषै सर्व-भंग अठाईससै एक हो हैं ।

बहुरि देशसंयत विषै उपशम का उपशम-सम्यक्त्व रूप एक, मिश्र के तेरह-ग्यारह के दोय, औदयिक का छह का एक, पारिणामिक का भव्यत्वरूप एक— अैसें पांच-स्थान हैं । तहां प्रत्येक-भंग विषै गुणकार-एक, क्षेप-च्यारि ; दोय-संयोगी विषै गुणकार-च्यारि, क्षेप-पांच ; तीन-संयोगी विषै गुणकार-पांच, क्षेप-दोय ; च्यारि-संयोगी विषै गुणकार-दोय, मिलिकरि गुणकार-बारह, क्षेप-ग्यारह, पूर्वोक्त गुण्य बहत्तरि, सर्व-भंग आठसै पिचहत्तरि हो हैं । बहुरि क्षायिक-सम्यक्त्व विषै उपशम का स्थान जायगा, क्षायिक-सम्यक्त्वरूप क्षायिक का स्थान कहना अन्य पूर्ववत् । तहां प्रत्येक भंग विषै क्षेप-एक ; दोय-संयोगी विषै गुणकार-एक, क्षेप-तीन ; तीन-संयोगी विषै गुणकार-तीन, क्षेप-दोय ; च्यारि-संयोगी विषै गुणकार-दोय, अवशेष गुणकार वा क्षेप पुनरुक्त जानने । मिलिकरि गुणकार-छह, क्षेप-छह, पूर्वोक्त गुण्य छत्तीस, सर्व-भंग दोयसै बाईस हो हैं । दोऊ मिलि देशसंयत विषै सर्व-भंग एक हजार सत्याणवै हो हैं ।

बहुरि प्रमत्त विषै उपशम का उपशम-सम्यक्त्वरूप एक, क्षायिक का क्षायिक-सम्यक्त्वरूप एक ; मिश्र के चौदह, तेरह, बारह, ग्यारह के च्यारि ; औदयिक का छह का एक ; पारिणामिक का भव्यत्वरूप एक — अैसें आठ स्थान हैं । तहां प्रत्येक-भंग विषै गुणकार-एक, क्षेप-सात ; दोय-संयोगी विषै गुणकार-सात, क्षेप-चौदह ; तीन-संयोगी विषै गुणकार-चौदह, क्षेप-आठ ; च्यारि संयोगी विषै गुणकार-आठ मिलिकरि गुणकार-तीस, क्षेप गुणतीस, पूर्वोक्त गुण्य छत्तीस, सर्व-भंग ग्यारहसै नव हो हैं ।

बहुरि अप्रमत्त विषै प्रमत्तवत् स्थान-आठ, गुणकार-तीस, क्षेप-गुणतीस, पूर्वोक्त गुण्य छत्तीस, सर्व-भंग ग्यारहसै नव हो हैं ।

बहुरि क्षपक-श्रेणी विषै अपूर्वकरण विषै क्षायिक का सम्यक्त्वचारित्ररूप एक-स्थान, मिश्र के बारह, ग्यारह, दश, नव ; च्यारि औदयिक का छह का एक, पारिणामिक का भव्यत्वरूप एक— अैसें सात-स्थान हैं । तहां प्रत्येक-भंग विषै गुणकार-एक, क्षेप-छह ; दोय संयोगी विषै गुणकार छह, क्षेप नव, तीन संयोगी विषै गुणकार नव, क्षेप च्यारि, च्यारि संयोगी विषै गुणकार च्यारि, मिलि करि गुणकार-बीस, क्षेप-उगणीस ; पूर्वोक्त गुण्य बारह, भंग दोयसै गुणसठि हो हैं ।

बहुरि अनिवृत्तिकरण विषै वेदसहित भाग विषै अपूर्वकरणवत् च्यारि-भाव के सात-स्थान हैं । तहां गुणकार-बीस, क्षेप-उगणीस, पूर्वोक्त गुण्य बारह, भंग दोयसै गुणसठि जानने । वेदरहित भाग विषै भी तैसै ही च्यारि भाव के सात-स्थान हैं । विशेष इतना-इहां औदयिक का पांच का एक स्थान जानना । तहां अपूर्वकरणवत् गुणकार-बीस, क्षेप-उगणीस । इहां पूर्वोक्त गुण्य च्यारि, भंग निन्याणवै हैं । बहुरि क्रोधरहित भाग विषै भी तैसै ही वेद रहित भागवत् जानना । तहां गुणकार-बीस, क्षेप-उगणीस, पूर्वोक्त गुण्य-तीन, भंग गुण्यासी जानने । मानरहित भाग विषै भी तैसै ही हैं । तहां गुणकार-बीस, क्षेप-उगणीस, पूर्वोक्त गुण्य दोय भंग गुणसठि जानने । माया रहित भाग विषै भी तैसै ही जानना तहां गुणकार बीस क्षेप उगणीस पूर्वोक्त गुण्य एक, भंग गुणतालीस जानने ।

बहुरि सूक्ष्मसांपराय विषै भी तैसै ही गुणकार-बीस, क्षेप-उगणीस, गुण्य-एक, भंग-गुणतालीस हैं ।

बहुरि क्षीणकषाय विषै भी तैसै ही गुणकार-बीस, क्षेप-उगणीस, गुण्य-एक, भंग-गुणतालीस हैं ।

बहुरि सयोगी विषै क्षायिक का एक, औदयिक का तीन का-एक, पारिणामिक का एक—असै तीन स्थान हैं । तहां प्रत्येक भंग विषै गुणकार-एक, क्षेप-दोय ; दोय संयोगी विषै गुणकार-दोय, क्षेप-एक ; तीन संयोगी विषै गुणकार-एक मिलिकरि गुणकार-च्यारि, क्षेप-तीन, गुण्य-एक, भंग-सात जानने ।

बहुरि अयोगी विषै क्षायिक का एक, औदयिक का दोय का, एक पारिणामिक का एक—असै तीन-स्थान हैं । तहां सयोगीवत् गुणकार-च्यारि, क्षेप-तीन, गुण्य-एक, भंग-सात जानने । बहुरि सिद्ध विषै क्षायिक का एक, पारिणामिक का जीवत्वरूप एक—असै दोय-स्थान हैं । तहां प्रत्येक-भंग विषै क्षेप-दोय ; दोय संयोगी विषै एक-क्षेप मिलिकरि तीन-भंग हैं ।

बहुरि उपशम-श्रेणी विषै अपूर्वकरणादि उपशांत-कषाय पर्यंत उपशम का सम्यक्त्व-चारित्ररूप एक स्थान ; क्षायिक का सम्यक्त्वरूप एक स्थान, मिश्र के बारह, ग्यारह, दश, नव के च्यारि-स्थान ; औदयिक का अपूर्वकरण वा वेदसहित अनिवृत्ति-करण विषै छह का अर ऊपरि उपशांतकषाय पर्यंत पांच का एक स्थान ; पारिणामिक का भव्यत्वरूप एक स्थान—असै आठ-आठ स्थान हैं । तहां प्रत्येक-भंग विषै गुणकार-एक, क्षेप-सात ; दोय-संयोगी विषै गुणकार-सात, क्षेप-पंद्रह ; तीन-संयोगी विषै गुणकार-पंद्रह, क्षेप-तेरह ; च्यारि-संयोगी विषै गुणकार-तेरह, क्षेप-च्यारि ; पंच-संयोगी विषै गुणकार-च्यारि मिलिकरि गुणकार-चालीस, क्षेप-गुणतालीस भए ।

तहां अपूर्वकरण विषै गुण्य-बारह, भंग-पांचसै उगणीस ; अनिवृत्तिकरण का वेदसहित भाग

विषै गुण्य-बारह, भंग-पांचसै उगणीस ; वेदरहित भाग विषै गुण्य-चारि, भंग-एकसै निन्याणवै, क्रोधरहित-भाग विषै गुण्य-तीन, भंग-एकसौ गुणसठि; मानरहित भाग विषै गुण्य-दोय, भंग-एकसौ उगणीस ; मायारहित-भाग विषै गुण्य-एक, भंग-गुण्यासी ; सूक्ष्मसांपराय विषै गुण्य-एक, भंग-गुण्यासी ; उपशांतकषाय विषै गुण्य-एक, भंग-गुण्यासी जानने ॥ ८३४ ॥

आगै कहे जे ए गुण्यादिक, तिनकौं कहै हैं—

दुसु दुसु देसे दोसुवि, चउरुत्तरदुसदगसिदिसहिदसदं ।

बावत्तरि छत्तीसा, बारमपुव्वे गुणिज्जपमा ॥ ८३५ ॥

बारचउत्तिदुगमेक्कं, थूले तो इगि हवे अजोगित्ति ।

पुण बार बार सुण्ण, चउसद छत्तीस देसोत्ति ॥ ८३६ ॥ जुम्मं ।

द्वयोर्द्वयोर्देशे द्वयोरपि, चतुरुत्तरद्विशतकमशीतिसहितशतं ।

द्वासप्ततिः षट्त्रिंशद् द्वादश अपूर्वे गुण्यप्रमाः ॥ ८३५ ॥

द्वादशचतुस्त्रिद्विकैकं, स्थूलेऽत एको भवेदयोगीति ।

पुनर्द्वादश द्वादश शून्यं, चतुःशतं षट्त्रिंशद्देश इति ॥ ८३६ ॥ युग्मं ।

टीका - औदयिक के गुण्यरूप भंग मिथ्यादृष्ट्यादिक दोय विषै प्रत्येक-चारि अधिक दोयसे हैं । मिश्रादिक दोय विषै असी अधिक सौ हैं । देशसंयत विषै बहत्तरि हैं । प्रमत्तादि दोय विषै छत्तीस हैं । अपूर्वकरण विषै बारह हैं । अनिवृत्तिकरण के भागनि विषै क्रम तैं बारह, चारि, तीन, दोय, एक हैं ; तातैं ऊपरि अयोगीपर्यंत एक-एक हैं । बहुरि मिथ्यादृष्ट्यादि देशपर्यंत चक्षुदर्शन रहित वा क्षायिक-सम्यक्त्व की अपेक्षा क्रम तैं बारह, बारह, शून्य, एकसौ-चारि, छत्तीस गुण्यरूप भंग हैं ॥ ८३५-८३६ ॥

वामे दुसु दुसु दुसु तिसु, खीणे दोसुवि कमेण गुणगारा ।

णव छब्बारस तीसं, बीसं बीसं चउक्कं च ॥ ८३७ ॥

वामे द्वयोर्द्वयोर्द्वयोस्त्रिषु क्षीणे द्वयोरपि क्रमेण गुणकाराः ।

नव षट् द्वादश त्रिंशं, विंशं विंशं चतुष्कं च ॥ ८३७ ॥

टीका - तिन गुण्यनि कौं जिनकरि गुणिए— अिसै गुणकार क्रम तैं मिथ्यादृष्टि विषै नव, सासादनादि दोय विषै छह, असंयतादि दोय विषै बारह, प्रमत्तादि दोय विषै तीस, अपूर्वकरणादि तीन अर क्षीणकषाय विषै बीस, सयोगी-अयोगी विषै चारि हैं ॥ ८३७ ॥

पुणरवि देसोत्ति गुणो, तिदुणभच्छक्कयं पुणो खेवा ।

पुव्वपदे अड पंचयमेगारमुगुतीसमुगुवीसं ॥ ८३८ ॥

२२८ ]

[गोम्पटसार-कर्मकाण्ड उत्तरार्द्ध गाथा- ८३८, ८३९, ८४०, ८४१]

पुनरपि देश इति गुणस्त्रिद्विनभः षट्षट्कं पुनः क्षेपाः ।

पूर्वपदे अष्ट पंचकमेकादश एकोनत्रिंशमेकोनविंशं ॥ ८३८ ॥

टीका - बहुरि चक्षुदर्शन रहित वा क्षायिक-सम्यक्त्व अपेक्षा मिथ्यादृष्ट्यादि देशसंयत पर्यंत विषै क्रम तै गुणकार तीन, दो, शून्य, छह, छह जानने । बहुरि गुण्य कौ गुणकार करि गुणै जो प्रमाण होइ, तिस विषै जिनकौ मिलाइए— औसै क्षेप पूर्वोक्त ठिकाने विषै प्रत्येक मिथ्यादृष्टि विषै आठ, सासादनादि दोय विषै पांच, असंयतादि दोय विषै ग्यारह, प्रमत्तादि दोय विषै गुणतीस, अपूर्वकरणादि तीन विषै उगणीस हैं ॥ ८३८ ॥

उगुवीस तियं तत्तो, तिदुणभछछक्कयं च देसोत्ति ।

चउसुवसमगेषु गुणा, तालं रूऊणया खेवा ॥ ८३९ ॥

एकोनविंशं त्रयस्ततस्त्रिद्विनभः षट्षट्कं च देश इति ।

चतुर्षूपशामकेषु गुणाः, चत्वारिंशत् रूपोनाः क्षेपाः ॥ ८३९ ॥

टीका - क्षीणकषाय विषै उगणीस, सयोगी-अयोगी विषै तीन हैं । बहुरि चक्षुदर्शन रहित वा क्षायिक-सम्यग्दृष्टी अपेक्षा मिथ्यादृष्ट्यादि देशसंयतपर्यंत क्रम तै तीन, दोय, शून्य, छह, छह-क्षेप हैं । बहुरि च्यारि उपशम-श्रेणी के गुणस्थाननि विषै गुणकार-चालीस, क्षेप-गुणतालीस हैं ॥ ८३९ ॥

मिच्छादिठाणभंगा, अट्टारसया हवंति तेसीदा ।

बारसया पणवण्णा, सहस्ससहिया हु पणसीदा ॥ ८४० ॥

मिथ्यादिस्थानभंगा, अष्टादशशतं भवंति त्रयशीतिः ।

द्वादशशतं पंचपंचाशत्, सहस्रसहिता हि पंचाशीतिः ॥ ८४० ॥

टीका - पूर्वोक्त गुण्य कौ गुणकार करि गुणै, क्षेप कौ मिलाएं, उत्तर-भावनि के स्थाननि के भंग मिथ्यादृष्टि विषै अठारहसै तियासी, सासादन विषै बारहसै पचावन, मिश्र विषै, एक हजार पिच्यासी हो हैं ॥ ८४० ॥

रूवहियडवीससया, सगणउदा दससया णवेणहिया ।

एक्कारसया दोण्हं, खवगेषु जहाकमं वोच्छं ॥ ८४१ ॥

रूपाधिकाष्टविंश, शतानि, सप्तनवतिर्दशशतानि नवेनाधिकाः ।

एकादशशतानि द्वयोः, क्षपकेषु यथाक्रमं वक्ष्यामि ॥ ८४१ ॥

टीका - असंयत विषै अठाईससै एक, देशसंयत विषै सत्याणवै अधिक दशसै, प्रमत्तादि दोय विषै नव अधिक ग्यारहसै भंग हो हैं । क्षपक-श्रेणीवालों विषै यथाक्रम कहों हों ॥ ८४१ ॥

**पुव्वे पंचणियट्टी, सुहुमे खीणे दहाण छव्वीसा ।**

**तत्तियमेत्ता दसअड, छच्चदुचदुचदुय एगूणं ॥ ८४२ ॥**

अपूर्वै पंचानिवृत्ति, सूक्ष्मे क्षीणे दशानां षड्विंशतिः ।

तावन्मात्रा दशाष्टषट्चतुश्चतुश्चतुष्कमेकोनं ॥ ८४२ ॥

टीका - अपूर्वकरण, अनिवृत्तिकरण के पंच-भाग, सूक्ष्मसांपराय, क्षीणकषाय— इन आठों क्षपकनि विषै क्रम तैं दश गुणै छव्वीस, एक घाटि तिनके दोयसै गुणसठि बहुरि तितने ही दोय से गुणसठि, बहुरि दशगुणे दश, एक घाटि तिनके निन्याणवै, बहुरि दशगुणे आठ, एक घाटि तिनके गुण्यासी, बहुरि दशगुणे छह, एक घाटि तिनके गुणसठि, बहुरि दशगुणे च्यारि, एक घाटि तिनके गुणतालीस, बहुरि दशगुणे च्यारि, एक घाटि तिनके गुणतालीस, बहुरि दशगुणे च्यारि, एक घाटि तिनके गुणतालीस-भंग हैं ॥ ८४२ ॥

**उवसामगेसु दुगुणं, रूवहियं होदि सत्त जोगिम्हि ।**

**सत्तेव अजोगिम्मि य, सिद्धे तिण्णेव भंगा हु ॥ ८४३ ॥**

उपशामकेषु द्विगुणं, रूपाधिकं भवति सप्त योगिनि ।

सप्तैवायोगिनि च, सिद्धे त्रय एवं भंगा हि ॥ ८४३ ॥

टीका - उपशामक च्यारि गुणस्थाननि विषै, क्षपक-श्रेणी के च्यारि-गुणस्थाननि विषै जितने भंग कहे, तितने दूणे, एक अधिक जानने । सयोगी विषै सात, अयोगी विषै सात, सिद्धनि विषै तीन भंग जानने । कथन पूर्वे करि ही आए हैं । असै स्थान-भंग का कथन कहा ॥ ८४३ ॥

आगै पदभंग कहै हैं—

**दुविहा पुण पदभंगा, जादिगपदसव्वपदभवात्ति हवे ।**

**जातिपदखइगमिस्से, पिंडेव य होदि सगजोगो ॥ ८४४ ॥**

द्विविधाः पुनः पदभंगा, जातिगपदसर्वपदभवा इति भवेत् ।

जातिपदक्षायिकमिश्रे, पिंडे एव च भवति स्वकयोगः ॥ ८४४ ॥

टीका - बहुरि पदभंग दोय प्रकार हैं । जाति पदभंग, सर्वपद भंग । सो जहां एक जाति का ग्रहण कीजिए, जैसे मिश्रभाव विषै ज्ञान के च्यारि-भेद होतैं भी एक-ज्ञान जाति का ग्रहण करना । असै जाति ग्रहणकरि जे भंग करिए ते जातिपद भंग जानने । बहुरि जे जुदे-जुदे सर्व-भावनि का ग्रहण करि भंग कीजिए ते सर्वपद-भंग जानने । तहां जातिपद रूप क्षायिक-भाव अर मिश्रभाव इनके पिंड पदरूप जे भाव, तिनवषै स्वसंयोगी-भंग भी पाइए हैं । क्षायिक विषै

२३० ]

[ गाम्पटसार कर्मकाण्ड उत्तरार्द्ध गाथा- ८४५, ८४६, ८४७

लब्धि के पांच-भेद हैं ; तातैं लब्धि पिंडपदरूप है । मिश्र विषैं ज्ञान, अज्ञान, दर्शन, लब्धि— ए पिंडपदरूप हैं, सो इनविषैं एक भेद होतैं, अन्य भेद जहां पाइए— जैसे दान होतैं लाभ पाइए, तहां स्वसंयोगी भी भंग पाइए हैं ॥ ८४४ ॥

**अयदुवसमगचउक्के, एक्कं दो उवसमस्स जादिपदो ।**

**खड्गपदं तत्थेक्कं, खवगे जिणसिद्धगोसु दु पण चदू ॥ ८४५ ॥**

अयतौपशमिकचतुष्के, एकं द्वे उपशमस्य जातिपदं ।

क्षायिकपदं तत्रैकं, क्षपके जिनसिद्धकेषु द्वे पंच चत्वारि ॥ ८४५ ॥

**टीका** - औपशमिकभाव के जाति-पद असंयतादि च्यारि विषैं तौ सम्यक्त्वरूप एक ही हैं । उपशम-श्रेणी के च्यारि गुणस्थाननि विषैं सम्यक्त्व अर चारित्र— जैसे दोग्य जातिपद हैं । बहुरि क्षायिकभाव के जातिपद असंयतादि च्यारि विषैं क्षायिक-सम्यक्त्वरूप एक है । क्षपक-श्रेणी के च्यारि गुणस्थाननि विषैं सम्यक्त्व अर चारित्र— जैसे दोग्य हैं । सयोगी, अयोगी विषैं सम्यक्त्व, ज्ञान, दर्शन, चारित्र, लब्धि— जैसे पांच हैं । सिद्ध विषैं चारित्र बिना च्यारि हैं ॥ ८४५ ॥

**मिच्छतिथे मिस्सपदा, तिण्णि य अयदम्मि होंति चत्तारि ।**

**देसतिथे पंचपदा, ततो खीणोत्ति तिण्णिपदा ॥ ८४६ ॥**

मिश्यत्रये मिश्रपदानि, त्रीणी चायते भवंति चत्वारि ।

देशत्रये पंचपदानि, ततः क्षीण इति त्रिपदानि ॥ ८४६ ॥

**टीका** - मिश्रभाव के जातिपद मिथ्यादृष्टि-सासादन विषैं अज्ञान, दर्शन, लब्धि, अर मिश्र विषैं ज्ञान, दर्शन, लब्धि— जैसे तीन हैं । असंयत विषैं ज्ञान, दर्शन, लब्धि, सम्यक्त्व— जैसे च्यारि हैं । देश-संयतादि तीन विषैं ज्ञान, दर्शन, लब्धि, सम्यक्त्व— च्यारि तौ ए अर देशसंयत विषैं देशसंयम, प्रमत्त-अप्रमत्त विषैं सरागसंयम— जैसे पांच हैं । तहां ऊपरि क्षीणकषायपर्यंत ज्ञान, दर्शन, लब्धि— जैसे तीन हैं ॥ ८४६ ॥

**मिच्छे अट्टुदयपदा, ते तिसु सत्तेव तो सवेदोत्ति ।**

**छस्सुहुमोत्ति य पणगं, खीणोत्ति जिणोसु चदुत्तिदुगं ॥ ८४७ ॥**

मिश्येऽष्टोदयपदानि, तानि त्रिषु सप्तैवातः सवेदे इति ।

षट् सूक्ष्म इति च पंचकं, क्षीण इति जिनेषु चतुस्त्रिद्विकं ॥ ८४७ ॥

**टीका** - औदयिक-भाव के जातिपद मिथ्यादृष्टि विषैं आठ-गति, कषाय, लिंग, लेश्या, मिथ्यात्व, अज्ञान, असंयम, असिद्धत्व । बहुरि सासादनादि तीन विषैं मिथ्यात्व बिना सात, ऊपरि अनिवृत्ति के सवेद-भागपर्यंत असंयम बिना छह, ऊपरि सूक्ष्मसांपराय पर्यंत वेद बिना पांच, ऊपरि क्षीणकषाय पर्यंत कषाय बिना च्यारि, सयोगी विषैं अज्ञान बिना तीन, अयोगी विषैं लेश्या बिना दोग्य जानने ॥ ८४७ ॥

मिच्छे परिणामपदा, दोष्णिण य सेसेसु होदि एक्कं तु ।

जातिपदं पडि वोच्छं, मिच्छादिसु भंगपिंडं तु ॥ ८४८ ॥

मिथ्ये परिणामपदे, द्वे च शेषेषु भवति एकं तु ।

जातिपदं प्रति वक्ष्यामि, मिथ्यादिषु भंगपिंडं तु ॥ ८४८ ॥

टीका — पारिणामिक-भाव के जातिपद मिथ्यादृष्टि विषै भव्य-अभव्यरूप दोय, अवशेष गुणस्थाननि विषै वा सिद्ध विषै भव्य वा जीवत्वरूप ही एक जानना । बहुरि जातिपद अपेक्षा गुणस्थाननि विषै भंगनि का समुदाय कहौ हौं । सोई कहिए है—

जाति-पद— दोय-औपशमिक के, पंच-क्षायिक के, सात-क्षायोपशमिक के, आठ-औदयिक के, तीन-पारिणामिक के हैं । तहां यथासंभव औदयिक के जितने जातिपद पाइए, तितने तो गुण्य जानने । बहुरि ताके गुणकार अर क्षेप कहने के अर्थि प्रत्येक-भंगादिक करने विषै मिश्रादिक के तो जितने जातिपद होंहि, तितने भेद ग्रहण करने अर औदयिक का जातिपद का समूहरूप एक ही भेद ग्रहण करना— अैसे करि प्रत्येक-भंग विषै, औदयिक का भेद तौ गुणकार रूप जानना, अन्य-भावनि के भेद क्षेप-रूप जानने ।

बहुरि दोय-संयोगी आदि भंगनि विषै औदयिक का भेद अर अन्यभावनि के भेद सहित जे भंग होंहि, ते गुणकाररूप जानने । अर औदयिक बिना अन्यभावनि के ही संयोग तै जे द्विसंयोगी आदि भंग होंहि, ते क्षेपरूप जानने । बहुरि क्षायिक वा मिश्र के एक जातिपद का भेद विषै ताही का अन्य भेद जहां संभवै, तहां स्वसंयोगी-भंग होंहि, ते क्षेपरूप जानने । सो गुण्य कौ गुणकार करि गुणै क्षेप कौ मिलाएं, जितने होंहि, तितने तहां भंग जानने । सो मिथ्यादृष्टि विषै मिश्र के अज्ञान, दर्शन, लब्धि— ए तीन ; औदयिक के आठ ; पारिणामिक के भव्य-अभव्यरूप दोय जाति-पद हैं । तहां औदयिक के आठ हैं, ते गुण्य जानने । बहुरि प्रत्येक-भंग विषै औदयिक का आठ का समूहरूप एक तौ गुणकार जानना अर तीन-मिश्र के, दोय-पारिणामिक के— ए पांच-क्षेप जानने । बहुरि दोय-संयोगी विषै औदयिक का आठ का समूहरूप एक का योग लिए, तीन-मिश्र के अर दोय पारिणामिक के — अैसे पांच तौ गुणकार जानने । बहुरि तीन मिश्र के संयोग सहित दोय-पारिणामिक के भेदरूप छह, दोय-संयोगी-क्षेप जानने ।

बहुरि तीन-संयोगी विषै औदयिक का आठ का समूहरूप एक अर भव्य-पारिणामिक इनका संयोग सहित तीन, मिश्र के अर औदयिक का आठ का समूहरूप एक अर अभव्य-पारिणामिक इनका संयोग सहित तीन मिश्र के अैसे छह-भंग गुणकाररूप जानने ।

बहुरि स्वसंयोगी विषै एक अज्ञान होतै अन्य अज्ञान पाइए है । जैसे कुमति होतै कुश्रुतादि पाइए हैं । बहुरि एक-दर्शन होतै अन्य-दर्शन पाइए, जैसे चक्षुदर्शन होतै अन्य दर्शन पाइए । वा एक लब्धि होतै अन्य लब्धि पाइए, जैसे दान होतै लाभादि पाइए । अैसे ए तीन भंग-क्षेप जानने ।

मिलिकरि गुण्य-आठ, गुणकार-बारह, क्षेप-चौदह । तहां गुण्य कौं गुणकार करि गुणै, क्षेप कौं मिलाएं एकसौ दश-भंग हो हैं ।

बहुरि याही प्रकार सासादन विषै, मिश्र के अज्ञान, दर्शन, लब्धिरूप तीन, औदयिक के सात, पारिणामिक का भव्यरूप एक जातिपद है । तहां गुण्य सात, प्रत्येक भंग विषै गुणकार-एक, क्षेप च्यारि, दोय संयोगी-भंग विषै गुणकार-च्यारि, क्षेप-तीन ; तीन संयोगी विषै गुणकार-तीन, स्वसंयोगी विषै क्षेप-तीन, मिलिकरि गुण्य-सात, गुणकार-आठ, क्षेप-दश, भंग-छयासठि हैं ।

बहुरि मिश्र विषै मिश्र के ज्ञान, दर्शन, लब्धि— ए तीन ; औदयिक के सात ; पारिणामिक का भव्यरूप एक जातिपद है । तहां गुण्य सात, प्रत्येक-भंग विषै गुणकार-एक, क्षेप-च्यारि ; दोय-संयोगी-भंग विषै गुणकार-च्यारि, क्षेप-तीन ; तीन-संयोगी भंग विषै गुणकार-तीन ; स्वसंयोगी-भंग विषै क्षेप-तीन, मिलिकरि गुण्य-सात, गुणकार-आठ, क्षेप-दश, भंग-छयासठि हैं ।

बहुरि असंयत विषै उपशमक का एक-सम्यक्त्व, क्षायिक का एक-सम्यक्त्व ; मिश्र के तीन-ज्ञान, दर्शन, लब्धि, औदयिक के सात ; पारिणामिक का एक भव्यरूप जाति-पद हैं । तहां गुण्य-सात, प्रत्येक-भंग विषै गुणकार-एक, क्षेप-सात ; दोय-संयोगी विषै गुणकार-सात, क्षेप-बारह ; तीन-संयोगी विषै गुणकार-बारह, क्षेप-छह ; च्यारि संयोगी विषै गुणकार-छह ; पांच-संयोगी का अभाव है ; जातैं क्षायिक-सम्यक्त्व, उपशम-सम्यक्त्व का संयोग नाहीं । स्वसंयोगी विषै क्षेप-तीन, मिलिकरि गुण्य-सात, गुणकार-छब्बीस, क्षेप-अठाईस, भंग-दोयसै दश हैं ।

बहुरि देश-संयतादि तीन विषै उपशमक का एक-सम्यक्त्व अर क्षायिक का एक-सम्यक्त्व अर मिश्र के च्यारि-ज्ञान, दर्शन, लब्धि, वेदक ; चारित्र अर औदयिक के छह अर पारिणामिक का एक भव्यत्व— अैसैं जातिपद हैं । तहां गुण्य-छह, प्रत्येक-भंग विषै गुणकार एक, क्षेप-आठ ; दोय संयोगी विषै गुणकार-आठ, क्षेप-पंद्रह ; तीन-संयोगी, विषै गुणकार-पंद्रह, क्षेप-आठ ; च्यारि संयोगी विषै गुणकार-आठ, स्वसंयोगी विषै क्षेप-तीन, मिलिकरि गुण्य-छह, गुणकार-बत्तीस, क्षेप-चौतीस, भंग-दोयसै छबीस हैं ।

बहुरि उपशम-श्रेणी विषै अपूर्वकरण अर वेद सहित-अनिवृत्तिकरण विषै औपशमिक के दोय-सम्यक्त्व, चारित्र, अर क्षायिक का एक-सम्यक्त्व अर मिश्र के तीन-ज्ञान, दर्शन, लब्धि, अर औदयिक के छह अर पारिणामिक का एक भव्यत्व— अैसैं जातिपद हैं । तहां गुण्य छह ; प्रत्येक-भंग विषै गुणकार-एक, क्षेप-सात ; दोय-संयोगी विषै गुणकार-सात, क्षेप-सोलह ; तीन-संयोगी विषै गुणकार-सोलह, क्षेप-तेरह ; च्यारि संयोगी विषै गुणकार-तेरह, क्षेप-तीन ; पंच-संयोगी विषै गुणकार-तीन ; इहां क्षायिक-सम्यक्त्व होतैं उपशम-चारित्र पाइए हैं ; तातैं



सम्यग्ज्ञानचन्द्रिका भाषा टीका ]

पंच-संयोगी भी हैं। स्वसंयोगी विषै क्षेप तीन, मिलिकरि गुण्य-छह, गुणकार-चालीस, क्षेप-बियालीस, भंग-दोयसै बियासी हैं।

बहुरि वेदरहित अनिवृत्तिकरण अर सूक्ष्मसांपराय विषै उपशम के दोय— सम्यक्त्व अर चारित्र, अर क्षायिक का एक-सम्यक्त्व अर मिश्र के तीन— ज्ञान, दर्शन, लब्धि अर औदयिक के पांच अर पारिणामिक का एक भव्यत्व— असै जातिपद हैं। इहां गुण्य-पांच, प्रत्येक-भंग विषै गुणकार-एक, क्षेप-सात ; दोय संयोगी विषै गुणकार-सात क्षेप-सोलह ; तीन-संयोगी विषै गुणकार-सोलह, क्षेप-तेरह, च्यारि-संयोगी विषै गुणकार-तेरह, क्षेप-तीन, पांच-संयोगी विषै गुणकार-तीन ; स्वसंयोगी विषै क्षेप-तीन, मिलिकरि गुण्य-पांच, गुणकार-चालीस, क्षेप-बियालीस, भंग-दोयसै बियालीस हैं। इहां कषाय का जातिपद एक ग्रह्या ; तातै कषाय रहित भागनि के विशेष न कीए।

बहुरि उपशांत-कषाय विषै भी सूक्ष्मसांपरायवत् जातिपद हैं। विशेष इतना-औदयिक के च्यारि ही हैं। तहां गुण्य-च्यारि, गुणकार अर क्षेप पूर्वोक्त प्रकार चालीस, बियालीस हैं ; भंग-दोयसै दोय हैं।

बहुरि क्षपकश्रेणी विषै अपूर्वकरण वा वेदसहित-अनिवृत्तिकरण विषै क्षायिक के दोय-सम्यक्त्व अर चारित्र अर मिश्र के तीन-ज्ञान, दर्शन, लब्धि ; औदयिक के छह अर पारिणामिक का एक भव्यत्व— असै जातिपद हैं। तहां गुण्य छह ; प्रत्येक-भंग विषै गुणकार-एक, क्षेप-छह, दोय-संयोगी विषै गुणकार-छह, क्षेप-ग्यारह ; तीन-संयोगी विषै गुणकार-ग्यारह, क्षेप-छह ; च्यारि-संयोगी विषै गुणकार-छह ; स्वसंयोगी विषै क्षेप-तीन मिलिकरि गुण्य-छह, गुणकार-चौईस, क्षेप-छब्बीस, भंग-एकसौ सत्तरि हैं।

बहुरि वेद रहित अनिवृत्तिकरण वा सूक्ष्म-सांपराय विषै भी अपूर्वकरणवत् जातिपद हैं। विशेष इतना-इहां औदयिक के पांच ही हैं ; तातै तहां गुण्य-पांच, गुणकार-चौईस, क्षेप-छब्बीस, भंग-एकसौ छियालीस हैं।

बहुरि क्षीणकषाय विषै भी तैसै ही जातिपद हैं। विशेष इतना— इहां औदयिक के च्यारि ही हैं ; तातै गुण्य-च्यारि, गुणकार-चौईस, क्षेप-छब्बीस, भंग-एकसौ बावीस हैं।

बहुरि संयोगी विषै क्षायिक के पांच-ज्ञान, दर्शन, सम्यक्त्व, चारित्र, लब्धि ; औदयिक के तीन, पारिणामिक का एक भव्यत्व— असै जातिपद हैं। तहां गुण्य-तीन ; प्रत्येक-भंग विषै गुणकार-एक, क्षेप-छह ; दोय-संयोगी विषै गुणकार-छह, क्षेप-पांच ; तीन-संयोगी विषै गुणकार-पांच ; स्वसंयोगी विषै कोई एक क्षायिक-लब्धि विषै अन्य क्षायिक-लब्धि पाइए ; तातै क्षेप-एक, मिलिकरि गुण्य-तीन, गुणकार-बारह, क्षेप-बारह, भंग-अठतालीस हैं।

बहुरि अयोगी विषै भी संयोगीवत् जातिपद हैं। विशेष इतना-इहां औदयिक के दोय ही हैं ; तातै गुण्य-दोय, गुणकार-बारह, क्षेप-बारह, भंग-छत्तीस हैं।

बहुरि सिद्धि विषै क्षायिक के च्यारि-सम्यक्त्व, ज्ञान, दर्शन, वीर्यरूप-लब्धि अर पारिणामिक का एक जीवत्व जातिपद है । तहां प्रत्येक भंग विषै क्षेप-पांच ; द्विसंयोगी विषै क्षेप-च्यारि मिलिकरि नव-भंग भए ॥ ८४८ ॥

आगै ए कहे जे गुण्यादिक, तिनकी संख्या कहै हैं—

**अट्ट गुणिज्जा वामे, तिसु सग छच्चउसु छक्क पणगं च ।**

**थूले सुहुमे पणगं, दुसु चउतियदुगमदो सुण्णं ॥ ८४९ ॥**

अष्ट गुण्यानि वामे, त्रिषु सप्त षट् चतुर्षु षट्कं पंचकं च ।

स्थूले सूक्ष्मे पंचकं, द्वयोश्चतुस्त्रिकद्विकमतः शून्यं ॥ ८४९ ॥

टीका — जिनकौ गुणिए औसै गुण्य, ते मिथ्यादृष्टि विषै आठ, सासादनादि तीन विषै, देशसंयतादि तीन वा क्षपक-उपशमक-अपूर्वकरण विषै छह, अनिवृत्तिकरण विषै छह वा पांच, सूक्ष्मसांपराय विषै पांच, उपशांत-कषाय, क्षीणकषाय विषै च्यारि, संयोगी विषै तीन, अयोगी विषै दोय, सिद्ध विषै शून्य जानने ॥ ८४९ ॥

**बारदुदुछवीसं, तिसु तिसु बत्तीसयं च चउवीसं ।**

**तो तालं चउवीसं, गुणगारा बार बार णभं ॥ ८५० ॥**

द्वादशाष्टाष्ट षड्विंशं, त्रिषु त्रिषु द्वात्रिंशत्कं च चतुर्विंशं ।

अतश्चत्वारिंशच्चतुर्विंशं, गुणकारा द्वादश द्वादश नभः ॥ ८५० ॥

टीका — जिनकरि गुणिए औसे गुणकार, मिथ्यादृष्टि विषै बारह, सासादनादि दोय विषै आठ-आठ, असंयत विषै छब्बीस, देशसंयतादि तीन विषै बत्तीस, क्षपक-अपूर्वकरणादि तीन विषै चौबीस, उपशमक-अपूर्वकरणादि च्यारि विषै चालीस, क्षीणकषाय विषै चौईस, संयोगी-अयोगी विषै बारह, सिद्ध विषै शून्य जानने ॥ ८५० ॥

**वामे चउदस दुसु दस, अडवीसं तिसु हवंति चोत्तीसं ।**

**तिसु छव्वीस दुदालं, खेवा छव्वीस बार बार णवं ॥ ८५१ ॥**

वामे चतुर्दश द्वयोः दश, अष्टाविंशं त्रिषु भवंति चतुस्त्रिंशत् ।

त्रिषु षड्विंशं द्विचत्वारिंशत्क्षेपाः षड्विंशं द्वादश द्वादश नव ॥ ८५१ ॥

टीका — जिनकौ मिलाइए औसे क्षेप, मिथ्यादृष्टि विषै चौदह, सासादन-मिश्र विषै दश, असंयत विषै अठाईस, देशसंयतादि तीन विषै चौतीस, क्षपक-अपूर्वकरणादि तीन विषै छबीस, उपशमक-अपूर्वकरणादि च्यारि विषै वियालीस, क्षीणकषाय विषै छबीस, संयोगी-अयोगी विषै बारह-बारह, सिद्ध विषै नव जानने ॥ ८५१ ॥

एक्कारं दसगुणियं, दुसु छावट्टी दसाहियं बिसयं ।

तिसु छव्वीसं बिसयं, वेदुवसामोत्ति दुसय बासीदी ॥ ८५२ ॥

एकादश दशगुणितं, द्वयोः षट्षष्टिः दशाधिकं द्विशतं ।

त्रिषु षड्विंशं द्विशतं, वेदोपशम इति द्विशतं द्वयशीतिः ॥ ८५२ ॥

टीका — गुण्य कौं गुणकारकरि गुणैं क्षेप कौं मिलाएं, भंग, मिथ्यादृष्टि विषैं एकसौ दश, सासादन ; मिश्र विषैं छ्यासठि, असंयत विषैं दश अधिक दोय से, देशसंयतादि तीन विषैं छबीस अधिक दोयसै, उपशमक-अपूर्वकरण, सवेद अनिवृत्तिकरण विषैं दोयसै बियासी हैं ॥ ८५२ ॥

बादालं बेणिसया, ततो सुहुमोत्ति दुसय दोसहियं ।

उवसंतम्मि य भंगा, खवगेसु जहाकमं वोच्छं ॥ ८५३ ॥

द्वाचत्वारिंशद्द्विशतं, ततः सूक्ष्म इति द्विशतं द्विसहितं ।

उपशांते च भंगाः, क्षपकेषु यथाक्रमं वक्ष्यामि ॥ ८५३ ॥

टीका — तातैं ऊपरि उपशमक-वेदरहित-अनिवृत्तिकरण-सूक्ष्मसांपराय विषैं दोसै बियालीस, उपशांतकषाय विषैं दोयसै दोय-भंग हैं ॥ ८५३ ॥

अब क्षपक विषैं यथाक्रम कहां हों—

सत्तरसं दसगुणितं, वेदित्ति सयाहियं तु छादालं ।

सुहुमोत्ति खीणमोहे, बावीससयं हवे भंगा ॥ ८५४ ॥

सप्तदश दशगुणितं, वेद इति शताधिकं तु षट्चत्वारिंशत् ।

सूक्ष्म इति क्षीणमोहे, द्वाविंशशतं भवेयुर्भंगाः ॥ ८५४ ॥

टीका — अपूर्वकरण, संवेद-अनिवृत्तिकरण विषैं दश गुणे सतरह, तिनके एकसौ सत्तरि, वेदरहित-अनिवृत्तिकरण, सूक्ष्म-सांपराय विषैं एकसौ छियालीस, क्षीणकषाय विषैं एकसौ बाईस-भंग हैं ॥ ८५४ ॥

अडदालं छत्तीसं, जिणेषु सिद्धेषु होंति णव भंगा ।

एत्तो सव्वपदं पडि, मिच्छादिसु सुणह वोच्छामि ॥ ८५५ ॥

अष्टचत्वारिंशत्, षट्त्रिंशत् जिणेषु सिद्धेषु भवन्ति नव भंगाः ।

एतस्मात्सर्वपदं प्रति, मिथ्यादिषु श्रृणुत वक्ष्यामि ॥ ८५५ ॥

टीका — सयोगी विषै अठतालीस, अयोगी विषै छत्तीस, सिद्ध विषै नव-भंग हैं ॥ ८५५ ॥

इहां तैं आगैं सर्व-पदनि कौं आश्रयकरि मिथ्यादृष्ट्यादि विषै भंग कहों हों, तुम सुनहु—

**भव्विदराणण्णदरं, गदीण लिंगाण कोहपहुदीणं ।**

**इगिसमये लेस्साणं, सम्पत्ताणं च णियमेण ॥ ८५६ ॥**

भव्येतरयोरन्यतरत्, गतीनां लिंगानां क्रोधप्रभृतीनां ।

एकसमये लेश्यानां, सम्यक्त्वानां च नियमेन ॥ ८५६ ॥

टीका — ते सर्वपद दोयप्रकार हैं— पिंडपद, प्रत्येकपद । तहां जिस भाव-समूह, एकै कालि, एक जीव कै एक-एक ही संभवै, सर्व न संभवै ; जैसे च्यारों-गति विषै एक जीव कै, एकै-काल विषै, एक-गति ही संभवै, च्यारों न संभवै, तिस भाव-समूह कौं पिंडपद कहिए । बहुरि जे भाव, एक-जीव कै, एक-काल विषै, युगपत् भी संभवै, जैसे भाव, तिनकौं प्रत्येकपद कहिए । तहां भव्य-अभव्य अर गति अर लिंग अर क्रोधादिक च्यारि अर लेश्या अर सम्यक्त्व— ए पिंडपद हैं, सो इनविषै एक-कालि, एक-जीव कै, गुणस्थाननि विषै, यथायोग्य एक-एक ही, नियम करि युगपत् संभवै है ॥ ८५६ ॥

**पत्तेयपदा मिच्छे, पण्णरसा पंच चेव उवजोगा ।**

**दाणादी ओदयिये, चत्तारि य जीवभावो य ॥ ८५७ ॥**

प्रत्येकपदानि मिच्छे, पंचदश पंच चैव उपयोगाः ।

दानादय औदयिके, चत्वारि च जीवभावश्च ॥ ८५७ ॥

टीका — युगवत् संभवै जैसे प्रत्येकपद, मिथ्यादृष्टि विषै पंद्रह ही हैं । ते कौन ? तीन अज्ञान, दोय दर्शन— ए पांच उपयोग अर दानादिक पांच क्षयोपशम-लब्धि अर औदयिक विषै मिथ्यात्व, अज्ञान, असंयम, असिद्धत्व— ए च्यारि अर जीवत्व-पारिणामिक— ऐसे पंद्रह जानने ॥ ८५७ ॥

**पिंडपदा पंचेव य, भव्विदरदुगं गदी य लिंग च ।**

**कोहादी लेस्सावि य, इदि वीसपदा हु उड्डेण ॥ ८५८ ॥**

पिंडपदानि पंचैव च, भव्येतरद्विकं गतिश्च लिंगं च ।

क्रोधादयः लेश्या अपि च, इति विंशपदानि हि वृद्ध्या ॥ ८५८ ॥

टीका — तिन पंद्रह-प्रत्येकपदनि के ऊपरि पिंडपद, मिथ्यादृष्टि विषै पांच हैं, ते कौन ? भव्य-अभव्य युगल अर गति अर लिंग, अर क्रोधादि अर लेश्या— जैसे पांच हैं, मिलिकरि बीस-पद भए । ते ऊर्ध्वरूप ऊपरि-ऊपरि स्थापन करने ॥ ८५८ ॥

पत्तेयाणं उवरिं, भव्विदरदुगस्स होदि गदिलिंगे ।

कोहादिलेस्ससम्पत्ताणं रयणा तिरिच्छेण ॥ ८५९ ॥

प्रत्येकानामुपरि, भव्येतरद्विकस्य भवति गतिलिङ्गयोः ।

क्रोधादिलेश्यासम्यक्त्वानां रचना तिरश्चा ॥ ८५९ ॥

टीका — प्रत्येक-पदनि के ऊपरि जिनका स्थापन पाइए— अैसे भव्य-अभव्य अर गति अर लिङ्ग, अर क्रोधादिक अर लेश्या अर सम्यक्त्व, तिनकी रचना तिर्यग् रूप बरोबरि करनी ।

भावार्थ अैसा—जो नीचै तो प्रत्येक-पद ऊपरि लिखने । तिनके ऊपरि मूल-पिंडपद ऊपरि-ऊपरि लिखने । तहां अपने-अपने पिंड-पद के भेद आगै-आगै बरोबरि लिखने, सो रचना आगै लिखैंगे, तहां देखिलेने ॥ ८५९ ॥

एक्कादी दुगुणकमा, एक्केक्कं रुधिऊण हेडुम्मि ।

पदसंजोगे भंगा, गच्छं पडि होति उवरुवरिं ॥ ८६० ॥

एकादि द्विगुणक्रमा, देकैकं रुद्ध्वा अधस्तने ।

पदसंयोगे भंगा, गच्छं प्रति भवन्त्युपर्युपरि ॥ ८६० ॥

टीका — एक तै लगाय दूणे-दूणे अनुक्रम तै एक-एक पद का अवलंबनकरि नीचले-नीचले पदनि के संयोग तै गच्छ जो जेथवां पद होइ, ताका प्रमाण तीहि प्रति ऊपरि-ऊपरि भंग हो है । सोई कहिए है—

मिथ्यादृष्टि विषै प्रत्येकपद नीचै ही नीचै कुमति स्थाप्या, तिस विषै प्रत्येक-भंग एक ही है । बहुरि ताके ऊपरि कुश्रुत, तिस विषै प्रत्येक-भंग एक अर याके नीचै कुमति, ताका संयोग कीएं दोय-संयोगी भंग एक— अैसै दोय-भंग भए । बहुरि ताके ऊपरि विभंग, तिस विषै प्रत्येक-भंग एक अर याके नीचले कुश्रुत वा कुमति का संयोग तै दोय-संयोगी-भंग दोय । बहुरि तीनुं का संयोग तै तीन-संयोगी-भंग एक— अैसै च्यारि-भंग भए । बहुरि ताके ऊपरि चक्षु-दर्शन, तिसविषै प्रत्येक-भंग एक अर याके नीचले विभंग, कुश्रुत, कुमति, तिनका संयोग तै, चक्षुदर्शन तै कीएं दोय-संयोगी-भंग तीन अर चक्षु, कुमति, कुश्रुत वा चक्षु, कुमति, विभंग वा चक्षु, कुश्रुत, विभंग का संयोग तै तीन-संयोगी-भंग तीन । बहुरि च्यार्यो के संयोग तै च्यारि-संयोगी-भंग एक— अैसै आठ भए ।

बहुरि ताके ऊपरि अचक्षुदर्शन, तिस विषै प्रत्येक-भंग एक अर याके नीचले चक्षुदर्शन, विभंग, कुश्रुत, कुमति, तिनका संयोग क्रम तै अचक्षु-दर्शन तै कीएं दोय-संयोगी-भंग च्यारि । बहुरि अचक्षु, चक्षु, कुमति वा अचक्षु, चक्षु, कुश्रुत वा अचक्षु, चक्षु, विभंग वा अचक्षु, कुमति, कुश्रुत वा अचक्षु, कुमति, विभंग वा अचक्षु, कुश्रुत, विभंग के संयोग तै तीन-संयोगी-भंग छह ।

बहुरि अचक्षु, चक्षु, कुमति, कुश्रुत वा अचक्षु, चक्षु कुमति, विभंग वा अचक्षु, चक्षु, कुश्रुत, विभंग वा अचक्षु कुमति, कुश्रुत, विभंग के संयोग तैं च्यारि-संयोगी-भंग च्यारि । बहुरि अचक्षु, चक्षु, विभंग, कुश्रुत, कुमति— इनि पंचनि के संयोग तैं पंच-संयोगी-भंग एक— मिलिकरि सोलह भए ।

याही प्रकार ताके ऊपरि दान-लब्धि, तिसविषैं प्रत्येक-भंग एक अर बहुरि याके नीचले चक्षु आदि, तिनके संयोग तैं दोय-संयोगी-भंग पांच, तीन-संयोगी दश, च्यारि-संयोगी दश, पांच-संयोगी पांच, छह-संयोगी एक, मिलिकरि बत्तीस-भंग भए ।

औसैं ही ऊपरि-ऊपरि एक-एक पद प्रति दूणे-दूणे भंग होंहि, तिनि विषैं प्रत्येक-भंग तौ एक अर दोय-संयोगी आदि भंग नीचले भावनि के संयोग के बदलने तैं जितने-जितने होंहि, तितने-तितने जानने । सो लाभ-लब्धि विषैं चौसठि, भोग विषैं एकसौ अठाईस, उपभोग विषैं दोयसै छप्पन, वीर्य विषैं पांचसै बारह, मिथ्यात्व विषैं एक हजार चौईस, अज्ञान विषैं दोय हजार अठतालीस, असंयम विषैं च्यारि हजार छिनवै, असिद्धत्व विषैं इक्यासीसै बाणवै, जीवत्व विषैं सोलह हजार तीनसै चौरासी-भंग होंहि ।

तहां पंद्रह्वां जीव-पद विषैं इतने भंग कैसें होंइ, सो कहिए है—

प्रत्येक-भंग तौ एक, बहुरि दोय-संयोगी अर चौदह-संयोगी चौदह-चौदह हैं । बहुरि तीन संयोगी अर तेरह-संयोगी-भंग, दोय घाटि गच्छ प्रमाण का एकबार संकलनमात्र हैं, सो इक्याणवै-इक्याणवै हैं । बहुरि च्यारि-संयोगी अर बारह-संयोगी भंग, तीन घाटि गच्छ का दोयवार संकलनमात्र हैं, ते तीनसै इकसठि-तीनसै इकसठि हैं । बहुरि पांच-संयोगी अर ग्यारह-संयोगी भंग च्यारि घाटि गच्छ का तीनबार संकलनमात्र हैं । ते एक हजार एक, एक हजार एक भंग हैं । बहुरि छह-संयोगी अर दश-संयोगी भंग, पांच घाटि गच्छ का च्यारिवार संकलनमात्र हैं, ते दोय हजार दोय, दोय हजार दोय भंग हैं । बहुरि सात-संयोगी अर नव-संयोगी भंग, छह घाटि गच्छ का पांच बार संकलन मात्र हैं, ते तीन हजार तीन, तीन हजार तीन भंग हैं । बहुरि आठ संयोगी भंग, सात घाटि गच्छ का छहवार संकलन-मात्र हैं, ते चौंतीससे बत्तीस-भंग हैं ।

औसैं सर्व मिलि पंद्रह्वां-जीवपद विषैं सोलह हजार तीनसै चौरासी-भंग जानने । सो पण्णट्टी का चौथा भाग भया ; जातैं पैसठि हजार पांच सै छत्तीस रूप प्रमाण की पण्णट्टी औसी संज्ञा है ।

इहां एक-बार, दोय-बार आदि संकलन का विधान वा भंग ल्यावने का विधान, जैसें जीवकांड का ज्ञानाधिकार विषैं पर्याय-समास श्रुतज्ञान का वर्णन करते पत्तेयभंगमेगं, इत्यादि सूत्र करि कह्या था, तैसें इहां भी जानना । सो इहां जीव-पद पंद्रह्वां हैं ; तातैं गच्छ का प्रमाण पंद्रह जानना । तहां दोय घाटि गच्छ का एकबार संकलन करने कौं पूर्वोक्त सूत्र अनुसारि तेरह, चौदह कौं परस्पर गुणि, ताकौं दोय, एक कौं परस्पर गुणि, ताका भाग दीए इक्याणवै हो हैं ।

बहुरि तीन घाटि गच्छ का दोयबार संकलन करने कौं बारह, तेरह, चौदह कौं परस्पर गुणि, ताकौं तीन, दोय, एक कौं परस्पर गुणि, ताका भाग दीए तीनसै चौसठि हो हैं । बहुरि च्यारि घाटि गच्छ का तीनबार संकलन करने कौं ग्यारह, बारह, तेरह, चौदह कौं परस्पर गुणि, ताकौं च्यारि, तीन, दोय, एक कौं परस्पर गुणि, ताका भाग दीए एक हजार एक हो है । बहुरि पांच बार गच्छ का च्यारिबार संकलन करने कौं दश, ग्यारह, बारह, तेरह, चौदह कौं परस्पर-गुणि, ताकौं पांच, च्यारि, तीन, दोय, एक कौं परस्पर-गुणि, ताका भाग दीए दोय हजार दोय हो हैं ।

बहुरि छह घाटि गच्छ का पांचबार संकलन करने कौं नव, दश, ग्यारह, बारह, तेरह, चौदह कौं परस्पर गुणि, ताकौं छह, पांच, च्यारि, तीन, दोय, एक कौं परस्पर गुणि, ताका भाग दीए तीन हजार तीन हो हैं । बहुरि सात घाटि गच्छ का छहबार संकलन ल्यावने कौं आठ, नव, दश, ग्यारह, बारह, तेरह, चौदह कौं परस्पर गुणि, ताकौं सात, छह, पांच, च्यारि, तीन, दोय, एक कौं परस्पर गुणि, ताका भाग दीए चौतीससै बत्तीस हो हैं, औसै विधान जानना ॥ ८६० ॥

आगै भंगनि के मिलावने के अर्थि संकलन सूत्र कहैं हैं—

**इष्टपदे रुऊणे, दुगसंवग्गम्मि होदि इष्टधणं ।**

**असरित्थाणंतधणं, दुगुणेगूणे सगीयसव्वधणं ॥ ८६१ ॥**

इष्टपदे रूपोने, द्विकसंवर्गे भवतीष्टधनं ।

असदृशानामंतधनं, द्विगुणे एकोने स्वकीयसर्वधनं ॥ ८६१ ॥

**टीका** - विवक्षित जेथवां पद होहि, तामैं एक घटाएं जितने रहैं, तितने दूवे माडि परस्पर गुणै, विवक्षित पद विषै भंगनि का प्रमाणरूप इष्टधन होइ । जैसे जीवपद पंद्रह का है, तामैं एक घटाएं चौदह भए सो चौदह जायगा दूवे माडि परस्पर गुणै सोलह हजार तीनसै चौरासी भए, सो इतने ही जीवपद विषै भंग हैं । बहुरि तिस इष्टधन कौं दूणाकरि, तामैं एक घटाएं जो प्रमाण होइ, तितना प्रथम-पद तैं लगाय विवक्षित-पद पर्यंत, सर्व पदनि के भंगनि का जोडरूप सर्व-धन हो है ।

जैसे विवक्षित जीवपद पंद्रहवां, ताका इष्ट-धन पण्णट्टी का चौथा-भाग, ताकौं दूणा करि, तामैं एक घटाएं प्रथमपद तैं पंद्रहवां-पद पर्यंत सर्वपदनि के भंगनि का जोडरूप प्रमाण हो हैं । बहुरि जो जीवपद विषै इष्ट-धन कह्या, ताका दूणा आधा पण्णट्टी प्रमाण, भव्य-भाव के भंग हो हैं अर इतने ही अभव्य-भाव के भंग हो हैं । मिलिकरि दोऊनि के पण्णट्टी प्रमाण-भंग हो हैं । बहुरि इनकौं दूणे कीजिये, तब एक-गति के भंग होंहि, सो नरक, तिर्यच, मनुष्य, देवगति के इतने-इतने भंग जानने । च्यारुं गति के भंग जोडें पण्णट्टी तैं आठ-गुणे भए । बहुरि एकगति के, पण्णट्टी तैं दूणे भंग कहे, तिनकौं दूणे किए एक लिंग के भंग होइ, तिनकौं नरक-गति विषै एक लिंग, तिर्यच विषै तीनलिंग, मनुष्य विषै तीन-लिंग, देव विषै दोय-लिंग—मिलिकरि नव भए, तिनिकरि गुणे पण्णट्टी तैं छत्तीस-गुणें भंग भए ।

बहुरि एक लिंग के पण्णट्टी तैं चौगुणे-भंग, तिनकौं दूणे कीए एक-कषाय के भंग होंहि, तिनकौं नरकगति विषै एकलिंग सहित च्यारि-कषाय, तहां च्यारि करि गुणै ; तिर्यच विषै

तीन-लिंग सहित च्यारि-कषाय, तहां बारह करि गुणै ; मनुष्य विषै तीन-लिंगसहित च्यारि-कषाय, तहां बारह करि गुणै ; देव विषै दोय-लिंग सहित च्यारि-कषाय, तहां आठकरि गुणै भंग होहिं; सो मिलिकरि छत्तीस करि पण्णट्टी तैं आठगुणै भंगनि कौ गुणै पण्णट्टी तैं दोयसै अठ्यासी गुणे भंग भए ।

बहुरि एक-कषाय के पण्णट्टी तैं आठ-गुणे भंग, तिनकौं दूणे कीएं एक लेश्या के भंग होहि, तिनकौं नरक विषै एकलिंग, च्यारि-कषाय सहित तीनलेश्या, तहां बारह करि गुणै ; तिर्यच विषै तीन-लिंग च्यारि-कषाय सहित छह लेश्या, तहां बहत्तरिकरि गुणै ; मनुष्य विषै तीन-लिंग, च्यारि-कषाय सहित छह-लेश्या, तहां बहत्तरि करि गुणै, देव विषै दोय-लिंग, च्यारि-कषाय सहित छह-लेश्या, तहां अठतालीस-करि गुणै भंग होहि— मिलिकरि दोयसै च्यारि करि पण्णट्टी तैं सोलह-गुणे भंगनि कौ गुणै पण्णट्टी तैं बत्तीससै चौसठि गुणै-भंग हो हैं, सर्व मिलि पिंडपदनि के भंग १ । ८ । ३६ । २८८ । ३२६४ । पण्णट्टी तैं पैतीससै सत्याणवैं गुणे हो हैं । इनिविषै नीचले प्रत्येक-पदनि के भंग एक घाटि पण्णट्टी तैं अश्वे कहे थे, तिनकौं मिलाएं मिथ्यादृष्टि विषै सर्वपदभंग पण्णट्टी कौ सात हजार एकसौ पिच्याणवै का आधा प्रमाण करि गुणि, तामैं एक घटाएं जो प्रमाण होइ, तितने भंग हो हैं ।

मिथ्यादृष्टि विषै प्रत्येकपद-पिंडपदनि की रचना, इहां पण्णट्टी की सदृष्टि ऐसी ६५ =				
नरकलिंग १ क ४ ले ३ भंग ६५ = १६	तिर्यचलिं ३ क ४ ले ६ भंग ६५ = १६	मनुष्य लिं ३ क ४ ले ६ भंग ६५ = १६	देवलिंग २ क. ४ ले ६ भंग ६५ = १६	भंग ६५ = ३२ ६४
नरकलिंग १ क ४ भंग ६५ = ८	तिर्यच लिं ३ क ४ भंग ६५ = ८	मनुष्य लिं ३ क ४ भंग ६५ = ८	देवलिंग २ क ४ भंग ६५ = ८	भंग ६५ = २८८
नरकलिंग १ भंग ६५ = ४	तिर्यच लिंग ३ भंग ६५ = ४	मनुष्य लिं ३ भंग ६५ = ४	देवलिंग २ भंग ६५ = ४	भंग ६५ = ३६
नरकगति भंग ६५ = २	तिर्यच भंग ६५ = २	मनुष्य भंग ६५ = २	देव, भंग ६५ = २	भंग ६५ = ८
	भव्यत्व भंग ६५ = २	अभव्य = २	६५ भंग ६५	



जीव	अ	अ	अ	मि	वी	उ	भो	ला	दा	अ	च ८	वि ४	कुश्रु	कुम
१६३८४	८१९२	४०९६	२०४८	१०२४	५१२	२५६	१२८	६४	३२	१६			२	१

इनकी ऊर्ध्व, तिर्यक् लिखने की रचना दिखाइए है— प्रत्येकपद तौ कुमति आदि नीचे लिखने । तिनके ऊपरि भव्य-अभव्य बरोबरि लिखने । तिनके ऊपरि च्यारिगति बरोबरि लिखनी । तिनके ऊपरि लिंग यथासंभव बरोबरि लिखने । तिनके ऊपरि च्यारि-च्यारि कषाय बरोबरि लिखने । तिनके ऊपरि लेश्या यथासंभव बरोबरि लिखनी औसैं इनकी रचना करनी ।

बहुरि जैसैं मिथ्यादृष्टि विषैं भंग वा रचना का विधान कह्या, तैसैं ही सासादनादि विषैं यथासंभव भंग वा रचना का विधान जानना । तहां सासादन विषैं मिथ्यात्व प्रत्येक-पद का तौ अभाव है अर भव्य-अभव्य पिंडपद कह्या था, सो इहां अभव्यत्व का अभाव है ; तातैं प्रतिपक्षी के अभाव तैं भव्यत्व कौं भी प्रत्येक-पद कहिए, औसैं प्रत्येकपद पंद्रह, पिंडपद च्यारि हैं । तहां पूर्वोक्त प्रकार कुमति १, कुश्रुत २, विभंग ४, चक्षु ८, अचक्षु १६, दान ३२, लाभ ६४, भोग १२८, उपभोग २५६, वीर्य ५१२, अज्ञान १०२४, असंयम २०४८, असिद्धत्व ४०९६, जीवत्व ८१९२, भव्यत्व १६३८४ इनके दूणे-दूणे भंग जानने ।

तहां भव्यत्व के पण्णट्टी का चौथा-भाग प्रमाण भंग भए, तिनकौं दूणे-दूणे कीएं पण्णट्टी के आधे एक गति के भंग होंहि । तिनकौं चौगुणे कीएं च्यारिगति के भंग मिलि पण्णट्टी तैं दूणे होंहि । बहुरि एक-गति के भंग दूणे कीएं पण्णट्टी प्रमाण एक लिंग के होंहि, तिनकौं नरक विषैं एक, तिर्यच विषैं तीन, मनुष्य विषैं तीन, देव विषैं दोय-लिंगनि करि गुणै मिलिकरि पण्णट्टी तैं नौगुणें भंग भए । बहुरि एक लिंग के भंगनि तैं दूणे एक-कषाय के भंग पण्णट्टी तैं दूणे होंहि, तिनकौं नरकविषैं एक वेदसहित च्यारि-कषाय, तिर्यच विषैं तीन-वेदसहित च्यारि-कषाय, मनुष्य विषैं तीन-वेदसहित च्यारि-कषाय, देवविषैं दोय-वेदसहित च्यारि-कषाय करि गुणै मिलिकरि पण्णट्टी कौं दूणे करि छत्तीस-गुणेकरि इतने भंग भए ।

बहुरि एक-कषाय के भंगनि तैं दूणे एक-लेश्या के पण्णट्टी तैं चौगुणे-भंग होंहि । तिनकौं नरक विषैं एक-लिंग, च्यारि-कषाय सहित तीन-लेश्या, तिर्यच विषैं तीन-वेद, च्यारि-कषाय सहित छह-लेश्या ; मनुष्य विषैं तीन-वेद, च्यारि-कषाय सहित छह-लेश्या ; देव विषैं दोय-वेद, च्यारि-कषाय सहित छह-लेश्यानि करि गुणै— मिलिकरि पण्णट्टी कौं चौगुणे करि दोय सैं च्यारि गुणे करिए । इतने पण्णट्टी तैं आठसैं सोलह गुणें भंग भए । औसैं प्रत्येकपद-पिंडपदनि के मिलिकरि सासादन विषैं पण्णट्टी कौं सतरहसैं निन्याणवै का आधाकरि गुणिए, तामें एक घटाइए इतने सर्वपद-भंग भए ।

बहुरि मिश्रविषैँ प्रत्येकपद मिश्ररूप मति १, श्रुत २, अवधिज्ञान ४, अर चक्षु ८, अचक्षु १६, अवधिदर्शन ३२, दान ६४, लाभ १२८, भोग २५६, उपभोग ५१२, वीर्य-लब्धि १०२४, अज्ञान २०४८, असंयम ४०९६, असिद्धत्व ८१९२, जीवत्व १६३८४, भव्यत्व ३२७६८ हैं, तिनविषैँ दूणे-दूणे भंग जानने । बहुरि पिंडपद—गति, लिंग, कषाय, लेश्या हैं ।

तहां भव्यत्व के पण्णट्टी तैं आधे भंग, तिनकौं दूणे कीएं एक गति के होंहि, नरक, तिर्यच, मनुष्य, देव च्यारि गति के मिलिकरि पण्णट्टी तैं चौगुणे होंहि । बहुरि एक गति के भंगनि तैं दूणे, एक लिंग के पण्णट्टी तैं दूणे भंग होंहि, तिनकौं नरक विषैँ एक, तिर्यच विषैँ तीन मनुष्य विषैँ तीन, देव विषैँ दोय-लिंगनिकरि गुणैँ, मिलिकरि पण्णट्टी कौं दूणेकरि नव गुणे करिए इतने भंग होंहि ।

बहुरि एक लिंग के भंगनि तैं दूणे एक-कषाय के भंग पण्णट्टी तैं चौगुणे होंहि, तिनकौं नरक विषैँ एक वेदसहित च्यारि-कषाय, तिर्यच विषैँ तीन-वेदसहित च्यारि-कषाय, मनुष्य विषैँ तीन वेद सहित च्यारि-कषाय, देव विषैँ दोय-वेदसहित च्यारि-कषायनि करि गुणैँ मिलिकरि पण्णट्टी कौं चौगुणे करि छत्तीस गुणे करिए इतने भंग भए ।

बहुरि एक-कषाय के भंगनि तैं दूणे एक-लेश्या के भंग पण्णट्टी तैं आठगुणे होंहि, तिनकौं नरकविषैँ एक-वेद, च्यारि-कषाय सहित तीन-लेश्या ; तिर्यच विषैँ तीन-वेद, च्यारि-कषाय सहित छह-लेश्या ; मनुष्य विषैँ तीन-वेद, च्यारि-कषाय सहित छह-लेश्या ; देव विषैँ दोय-वेद च्यारि-कषाय सहित छह-लेश्यानिकरि गुणैँ मिलिकरि पण्णट्टी कौं आठगुणाकरि एकसौ असी गुणां करिए, इतने भंग भए । औसैं प्रत्येकपद-पिंडपदनि के मिलिकरि मिश्रविषैँ पण्णट्टी कौं सोलहसैँ सातकरि गुणि, तामैं एक घटाएं जो प्रमाण होइ, तितने सर्वपद-भंग हो हैं ।

बहुरि असंयत विषैँ प्रत्येकपद सोलह— मति १, श्रुति २, अवधि ४, चक्षु ८, अचक्षु १६, अवधि ३२, दान ६४, लाभ १२८, भोग २५६, उपभोग ५१२, वीर्य १०२४, अज्ञान २०४८, असंयम ४०९६, असिद्धत्व ८१९२, जीवत्व १६३८४, भव्यत्व ३२७६८ हैं । तिनविषैँ दूणे-दूणे भंग जानने । बहुरि पिंडपद च्यारि पूर्वोक्त अर एक सम्यक्त्व— औसैं पांच हैं ।

तिनविषैँ भव्यत्व विषैँ पण्णट्टी तैं आधे भंग भए, तिनकौं दूणे कीएं पण्णट्टी प्रमाण एक-गति के भंग होंहि, ते प्रत्येक नरक, तिर्यच, मनुष्य, देवगति के मिलाएं पण्णट्टी तैं चौगुणे भए । बहुरि एकगति के भंगनि के दूणे एक लिंग के भंग पण्णट्टी तैं दूणे होंहि, तिनकौं नरक विषैँ एक-लिंग, तिर्यच विषैँ तीन-लिंग, मनुष्य विषैँ तीन-लिंग, देव विषैँ दोय-लिंगकरि गुणैँ, मिलिकरि पण्णट्टी कौं दूणा करि नव गुणा करिए, इतने भंग भए ।

बहुरि एक-लिंग के भंगनि तैं दूणे एक-कषाय के भंग पण्णट्टी तैं चौगुणे भए । तिनकौं नरक विषैँ एक-लिंगसहित च्यारि-कषाय ; तिर्यच विषैँ तीन-लिंग सहित च्यारि-कषाय, मनुष्य विषैँ

तीन-लिंगसहित च्यारि-कषाय ; देव विषैँ दोय-लिंग सहित च्यारि-कषायनिकरि गुणैँ मिलिकरि पण्णट्टी कौ चौगुणाकरि छत्तीस-गुणाकरिए, इतने भंग भए ।

बहुरि एक कषाय के भंगनि तैँ दूणे एक-लेश्या के भंग पण्णट्टी तैँ आठगुणे हैं । तिनकौँ नरक विषैँ एक-लिंग, च्यारि-कषाय सहित तीन-अशुभ लेश्या ; तिर्यच विषैँ तीन-लिंग, च्यारि-कषाय सहित छह-लेश्या ; मनुष्य विषैँ तीन-लिंग, च्यारि-कषाय सहित छह-लेश्या ; देव विषैँ दोय लिंग, च्यारि-कषाय सहित तीन-शुभलेश्यानिकरि, मिलिकरि पण्णट्टी कौँ आठ गुणाकरि एकसौ असी गुणा करिए— इतने-भंग भए ।

बहुरि एक-लेश्या के भंगनि तैँ दूणैँ एक-सम्यक्त्व के भंग पण्णट्टी तैँ सोलह गुणे हैं । तिनकौँ नरक विषैँ एक-लिंग, च्यारि-कषाय, तीन-लेश्या ; तिर्यच विषैँ तीन-लिंग, च्यारि-कषाय, छह-लेश्या ; मनुष्य विषैँ तीन-लिंग, च्यारि-कषाय, छह-लेश्या ; देव विषैँ दोय-लिंग, च्यारि-कषाय, तीन-लेश्यानिकरि गुणैँ, मिलाए तैँ पण्णट्टी कौँ सोलह-गुणाकरि एकसौ असी गुणाकरिए, इतने भंग उपशम-सम्यक्त्व के अर इतने ही भंग वेदकसम्यक्त्व के हैं ।

बहुरि क्षायिक-सम्यक्त्व का जुदा कथन है, सो एक-लेश्या के भंगनि तैँ दूणे क्षायिक-सम्यक्त्व के भंग पण्णट्टी तैँ सोलह-गुणे हैं । तिनकौँ नरक विषैँ एकलिंग, च्यारि-कषाय, एक लेश्या ; तिर्यच विषैँ एक-लिंग, च्यारि-कषाय, च्यारि-लेश्या ; मनुष्य विषैँ तीन-लिंग, च्यारि-कषाय, छह-लेश्या ; देव विषैँ एकलिंग, च्यारि-कषाय, तीन लेश्यानिकरि गुणैँ मिलिकरि पण्णट्टी कौँ सोलह-गुणेकरि एकसौ च्यारि गुणे करिए, इतने-भंग भए ।

असंयत विषैँ प्रत्येकपद-पिंडपदनि के भंग जोडैँ पण्णट्टी तैँ तिहत्तरिसैँ सडसठि गुणे एक घाटि सर्वपद भंग हो हैं । क्षायिकसम्यक्त्व के पण्णट्टी तैँ सोलहसैँ चौसठि गुणे भंग हो हैं ।

बहुरि देशसंयत विषैँ असंयम की जायगा देशसंयम भया ; देव, नरकगति का अभाव भया, तहां प्रत्येकपद सोलह— मति १, श्रुत २, अवधि ४, चक्षु ८, अचक्षु १६, अवधि ३२, दान, ६४, लाभ १२८, भोग २५६, उपभोग ५१२, वीर्य १०२४, अज्ञान २०४८, देशसंयम ४०९६, असिद्धत्व ८१९२, जीवत्व १६३८४, भव्यत्व ३२७६८ है । तिनके दूणे-दूणे भंग जानने ।

बहुरि भव्यत्व विषैँ पण्णट्टी तैँ आधे भंग, तिनके दूणे पण्णट्टी प्रमाण एक गति के भंग हैं, तिनकौँ तिर्यच, मनुष्य दोय-गति करि गुणे पण्णट्टी तैँ दूणे-भंग भए । बहुरि एक गति के भंगनि तैँ दूणे एक लिंग के भंग पण्णट्टी तैँ दूणे हैं । तिनकौँ तिर्यच विषैँ तीन-लिंग, मनुष्य विषैँ तीन-लिंग करि गुणैँ मिलि करि पण्णट्टी कौ दूणाकरि छह-गुणा करिए, इतने भंग भए । बहुरि एकलिंग के भंगनि तैँ दूणे एक-कषाय के भंग पण्णट्टी तैँ चौगुणे हैं । तिनकौँ तिर्यच विषैँ तीन-लिंग सहित च्यारि-कषाय ; मनुष्य विषैँ तीन-लिंग सहित च्यारि-कषायनि करि गुणैँ, मिलिकरि पण्णट्टी कौँ चौगुणाकरि चौबीस-गुणा करिए इतने भंग भए ।

बहुरि एक-कषाय के भंगनि तैं दूणे एक-लेश्या के भंग पण्णट्टी तैं अठगुणे हैं । तिनकौं तिर्यच विषैं तीन-लिंग, च्यारि-कषाय सहित तीन-लेश्या ; मनुष्य विषैं तीन-वेद, च्यारि-कषाय सहित तीन-लेश्यानिकरि गुणै मिलिकरि पण्णट्टी कौं अठगुणाकरि बहत्तरिगुणा करिए इतने भंग हो हैं । बहुरि एक-लेश्या के भंगनि तैं दूणे एक-सम्यक्त्व के पण्णट्टी तैं सोलह-गुणे भंग हैं, तिनकौं तिर्यच विषैं तीन-लिंग, च्यारि-कषाय, छह-लेश्या ; मनुष्य विषैं तीन-लिंग, च्यारि-कषाय, छह-लेश्यानिकरि गुणै, पण्णट्टी कौं सोलह-गुणाकरि बहत्तरिगुणा कीजिए इतने भंग भए, सो इतने उपशम-सम्यक्त्व के इतने ही वेदक-सम्यक्त्व के जानने ।

बहुरि क्षायिक-सम्यक्त्व विषैं एक लेश्या के भंगनि तैं दूणे पण्णट्टी तैं सोलह गुणे भंग, तिनकौं मनुष्यगति विषैं तीन-लिंग, च्यारि-कषाय, तीन-लेश्यानि करि गुणै पण्णट्टी कौं सोलह-गुणाकरि छत्तीस-गुणा करिए, इतने भंग भए ।

असैं देशसंयत विषैं मिलिकरि पण्णट्टी तैं गुणतीससै इक्याणवै गुणै एक घाटि अर क्षायिक-सम्यक्त्व अपेक्षा पण्णट्टी तैं पांचसै छिहत्तरि गुणै सर्वपद भंग हो हैं ।

बहुरि प्रमत्त विषैं मनःपर्ययज्ञान प्रत्येक पद भया । देश-संयम की जायगा सराग-संयम भया । और गति के अभाव तैं मनुष्यगति भी प्रत्येकपद ही भया । असैं प्रत्येकपद अठारह—मति १, श्रुत २, अवधि ४, मनःपर्यय ८, चक्षु १६, अचक्षु ३२, अवधि ६४, दान १२८, लाभ २५६, भोग ५१२, उपभोग १०२४, वीर्य २०४८, अज्ञान ४०९६, असिद्धत्व ८१९२, सकलसंयम १६३८४, जीवत्व ३२७६८, भव्यत्व ६५ = मनुष्य ६५ = २ हैं । तिनके दूणे-दूणे भंग जानने । बहुरि पिंडपद लिंग, कषाय, लेश्या, सम्यक्त्व, तिन विषैं मनुष्यगति के भंग पण्णट्टी तैं दूणे भए, तिनके दूणे एक लिंग के भंग पण्णट्टी तैं चौगुणे हैं, तिनकौं तीन-वेदकरि गुणै पण्णट्टी तैं बारह भए ।

बहुरि एक-लिंग के भंगनि तैं दूणे पण्णट्टी तैं अठगुणे एक-कषाय के भंग हैं । तिनकौं तीन वेदसहित च्यारि कषाय करि गुणै पण्णट्टी तैं छिनवैगुणे भंग हो हैं । बहुरि एक कषाय के भंगनि तैं दूणे एक लेश्या के भंग, पण्णट्टी तैं सोलह गुणे हैं, तिनकौं तीन-लिंग, च्यारि-कषाय सहित तीन-लेश्यानिकरि गुणै पण्णट्टी तैं पांचसै छिहत्तरि गुणे भंग हो हैं । बहुरि एक लेश्या के भंगनि तैं दूणे एक-सम्यक्त्व के भंग पण्णट्टी तैं बत्तीस-गुणे हैं, तिनकौं तीन-वेद, च्यारि-कषाय, तीन-लेश्या सहित तीन सम्यक्त्व करि गुणै पण्णट्टी तैं चौतीससै छप्पन-गुणे भंग हो हैं । मिलि करि प्रमत्त विषैं पण्णट्टी तैं इकतालीस से चवालीस गुणे एक घाटि सर्वपद-भंग हो हैं ।

बहुरि अप्रमत्त विषैं भी प्रमत्तवत् पण्णट्टी तैं इकतालीससै चवालीस गुणे एक घाटि-भंग हैं ।

बहुरि उपशमश्रेणी विषैं अपूर्वकरण विषैं और लेश्या के अभाव तैं शुक्ललेश्या भी प्रत्येकपद है । तहां मति १, श्रुत २, अवधि ४, मनःपर्यय ८, चक्षु १६, अचक्षु ३२, अवधि ६४, दान १२८,

लाभ २५६, भोग ५१२, उपभोग १०२४, वीर्य २०४८, अज्ञान ४०९६, असिद्धत्व ८१९२, उपशमचारित्र १६३८४, जीवत्व ३२७६८, भव्यत्व ६५ = मनुष्य-गति ६५ = २, शुक्ललेश्या ६५ = ४ प्रत्येकपद हैं, तिनके दूणे-दूणे भंग हैं। बहुरि पिंडपद लिंग, कषाय, सम्यक्त्व तिनविषैँ शुक्ललेश्या के भंग पण्णट्ठी तैँ चौगुणे, तिनतैँ दूणे एक-लिंग के भंग पण्णट्ठी तैँ अठगुणे हैं। तिनकौँ तीन-लिंगकरि गुणैँ षण्णट्ठी तैँ चौबीस-गुणे भए।

बहुरि एक-लिंग के भंगनि तैँ दूणे एक-कषाय के भंग पण्णट्ठी तैँ सोलह गुणैँ हैं। तिनकौँ तीन वेदसहित च्यारि-कषायनि करि गुणैँ पण्णट्ठी तैँ एकसौ बाणवैँ गुणे भंग हो हैं। बहुरि एक-कषाय के भंगनि तैँ दूणे एक-सम्यक्त्व के भंग पण्णट्ठी तैँ बत्तीसगुणे हैं। तिनकौँ तीन-वेद, च्यारि-कषायसहित दोय सम्यक्त्व करि गुणैँ पण्णट्ठी तैँ सातसैँ अडसठि गुणे भंग हो हैं, मिलिकरि अपूर्वकरण विषैँ पण्णट्ठी तैँ नवसैँ बाणवैँ गुणे एक घाटि सर्वपद-भंग हो हैं।

बहुरि वेदसहित-अनिवृत्तिकरण विषैँ भी अपूर्वकरणवत् पण्णट्ठी तैँ नवसैँ बाणवैँ गुणे एक घाटि भंग हैं।

बहुरि वेदरहित-अनिवृत्तिकरण विषैँ प्रत्येकपद मति १, श्रुत २, अवधि ४, मनःपर्यय ८, चक्षु १६, अचक्षु ३२, अवधि ६४, दान १२८, लाभ २५६, भोग ५१२, उपभोग १०२४, वीर्य २०४८, अज्ञान ४०९६, असिद्धत्व ८१९२, उपशम-संयम १६३८४, जीवत्व ३२७६८, भव्यत्व ६५ = मनुष्यगति ६५ = २ शुक्ललेश्या ६५ = ४ है, तिनके दूणे-दूणे भंग हैं। बहुरि पिंडपद विषैँ शुक्ललेश्या के पण्णट्ठी तैँ चौगुणे-भंग, तिनतैँ दूणे एक-कषाय के पण्णट्ठी तैँ अठगुणे भंग हैं, तिनकौँ च्यारि-कषायनिकरि गुणैँ पण्णट्ठी तैँ बत्तीस-गुणे भंग हो हैं। बहुरि एक-कषाय के भंगनि तैँ दूणे पण्णट्ठी तैँ सोलह-गुणे एक-सम्यक्त्व के भंग हैं, तिनकौँ च्यारि-कषाय सहित दोय-सम्यक्त्व निकरि गुणैँ पण्णट्ठी तैँ एकसौ अठाईस-गुणे भंग हो हैं।

प्रत्येकपद-पिंडपद के भंग मिलिकरि पण्णट्ठी तैँ एकसौ अडसठिगुणे एक घाटि भंग भए।

बहुरि सूक्ष्मसांपराय विषैँ प्रत्येकपद मति १, श्रुत २, अवधि ४, मनःपर्यय ८, चक्षु १६, अचक्षु ३२, अवधि ६४, दान १२८, लाभ २५६, भोग ५१२, उपभोग १०२४, वीर्य २०४८, अज्ञान ४०९६, असिद्धत्व ८१९२, उपशम-संयम १६३८४, जीवत्व ३२७६८, भव्यत्व ६५ = मनुष्य ६५ = २ शुक्ललेश्या ६५ = ४ सूक्ष्मलोभ ६५ = ८ हैं, तिनके दूणे-दूणे भंग जानने। बहुरि पिंडपद विषैँ सूक्ष्मलोभ के पण्णट्ठी तैँ अठगुणे भंगनि तैँ दूणे एक सम्यक्त्व के भंग हैं, तिनकौँ उपशम-क्षायिक सम्यक्त्वकरि गुणैँ पण्णट्ठी तैँ बत्तीस गुणे-भंग भए।

प्रत्येकपद-पिंडपद के मिलि पण्णट्ठी तैँ अठतालीसगुणे एक घाटि सर्वपद भंग भए।

बहुरि उपशांतकषाय विषैँ प्रत्येकपद मति १, श्रुत २, अवधि ४, मनःपर्यय ८, चक्षु १६, अचक्षु ३२, अवधि ६४, दान १२८, लाभ २५६, भोग ५१२, उपभोग १०२४, वीर्य २०४८, अज्ञान ४०९६, असिद्धत्व ८१९२, उपशम-संयम १६३८४, जीवत्व ३२७६८, भव्यत्व ६५ =

मनुष्य ६५ = २ शुक्ललेश्या ६५ = ४ हैं, तिनके दूणे-दूणे भंग हैं। बहुरि पिंडपद विषै शुक्ललेश्या के पण्णट्टी तै चौगुणे-भंगनि तै दूणे एक सम्यक्त्व के भंग, सो इतने ही उपशमसम्यक्त्व के इतने ही क्षायिक-सम्यक्त्व के मिलिकरि पण्णट्टी तै सोलह-गुणे भए।

प्रत्येकपद-पिंडपद के मिलि पण्णट्टी तै चौबीस-गुणे एक घाटि सर्वपद-भंग भए।

बहुरि क्षपकश्रेणी विषै-अपूर्वकरण विषै मति १, श्रुत २, अवधि ४, मनःपर्यय ८, चक्षु १६, अचक्षु ३२, अवधि ६४, दान १२८, लाभ २५६, भोग ५१२, उपभोग १०२४, वीर्य २०४८, अज्ञान ४०९६, असिद्धत्व ८१९२, क्षायिक-संयम १६३८४, जीवत्व ३२७६८, भव्यत्व ६५ = मनुष्यगति ६५ = २ शुक्ललेश्या ६५ = ४ क्षायिक-सम्यक्त्व ६५ = ८ हैं, तिनके दूणे-दूणे भंग हैं। बहुरि क्षायिकसम्यक्त्व के पण्णट्टी तै अठगुणे-भंगनि तै दूणे एकलिंग के भंग हैं। तिनकाँ तीन-वेदकरि गुणै पण्णट्टी तै अठतालीस गुणै भए। बहुरि एक-लिंग के भंगनि तै दूणे एक-कषाय के भंग पण्णट्टी तै बत्तीस-गुणे हैं, तिनकाँ तीन-वेदसहित च्यारि-कषायनि करि गुणै पण्णट्टी तै तीनसै चौरासी गुणे भए।

सर्व प्रत्येकपद-पिंडपद के मिलिकरि पण्णट्टी तै च्यारिसै अठतालीसगुणै एक घाटि सर्वपद-भंग हैं।

बहुरि तैसै ही अपूर्वकरणवत् वेदसहित अनिवृत्तिकरण विषै भी पण्णट्टी तै च्यारिसै अठतालीस गुणे एक घाटि सर्वपद भंग हैं।

बहुरि वेदरहित अनिवृत्तिकरण विषै मति १, श्रुत २, अवधि ४, मनःपर्यय ८, चक्षु १६, अचक्षु ३२, अवधि ६४, दान १२८, लाभ २५६, भोग ५१२, उपभोग १०२४, वीर्य २०४८, अज्ञान ४०९६, असिद्धत्व ८१९२, क्षायिक-संयम १६३८४, जीवत्व ३२७६८, भव्यत्व ६५ = मनुष्यगति ६५ = २ शुक्ललेश्या ६५ = ४ क्षायिक-सम्यक्त्व ६५ = ८ हैं, तिनतै दूणे-दूणे भंग हैं। बहुरि पिंडपद विषै क्षायिकसम्यक्त्व के पण्णट्टी तै अठगुणे भंगनि तै दूणे एक-कषाय के भंग हैं। तिनकाँ च्यारि कषायनि करि गुणै पण्णट्टी तै चौसठि गुणे भए।

प्रत्येकपद-पिंडपद के मिलिकरि सर्वपद-भंग पण्णट्टी तै असीगुणे एक घाटि भए।

बहुरि सूक्ष्मसांपरायादिक विषै प्रत्येकपद ही है, पिंडपद नाही। तहां सूक्ष्मसांपराय विषै मति १, श्रुत २, अवधि ४, मनःपर्यय ८, चक्षु १६, अचक्षु ३२, अवधि ६४, दान १२८, लाभ २५६, भोग ५१२, उपभोग १०२४, वीर्य २०४८, अज्ञान ४०९६, असिद्धत्व ८१९२, संयम १६३८४, जीवत्व ३२७६८, भव्यत्व ६५ = मनुष्यगति ६५ = २ शुक्ललेश्या ६५ = ४ क्षायिक-सम्यक्त्व ६५ = ८ सूक्ष्मलोभ ६५ = १६ हैं। तिनके दूणे-दूणे भंग मिलिकरि सर्वपद-भंग पण्णट्टी तै बत्तीसगुणे एक घाटि भए।

बहुरि क्षीणकषाय विषै मति १, श्रुत २, अवधि ४, मनःपर्यय ८, चक्षु १६, अचक्षु ३२, अवधि ६४, दान १२८, लाभ २५६, भोग ५१२, उपभोग १०२४, वीर्य २०४८, अज्ञान ४०९६, असिद्धत्व

८१९२, संयम १६३८४, जीवत्व ३२७६८, भव्यत्व ६५ = मनुष्यगति ६५ = २ शुक्ललेश्या ६५ = ४ क्षायिक-सम्यक्त्व ६५ = ८ प्रत्येकपद वीस हैं। तिनके दूणे-दूणे भंग मिलिकरि 'अंतधणं गुणगुणियं' इत्यादि करण-सूत्र करि पण्णट्ठी तैं सोलहगुणे एक घाटि सर्वपद-भंग हो हैं।

बहुरि सयोगी विषैं केवलज्ञान १, केवल दर्शन २, क्षायिकसम्यक्त्व ४, यथाख्यात-चारित्र ८, क्षायिकदान १६, लाभ ३२, भोग ६४, उपभोग १२८, वीर्य २५६, असिद्धत्व ५१२, जीवत्व १०६४, भव्यत्व २०४८, मनुष्यगति ४०९६, शुक्ललेश्या ८१९२ प्रत्येकपद हैं, तिनके दूणे-दूणे भंग मिलिकरि दोयसै छप्पन तैं चौसठि गुणै एक घाटि भंग हो हैं।

बहुरि अयोगी विषैं केवलज्ञान १, केवल दर्शन २, क्षायिकसम्यक्त्व ४, यथाख्यात-चारित्र ८, क्षायिकदान १६, लाभ ३२, भोग ६४, उपभोग १२८, वीर्य २५६, असिद्धत्व ५१२, जीवत्व १०२४, भव्यत्व २०४८, मनुष्यगति ४०९६ प्रत्येकपद हैं। तिनके दूणे-दूणे भंग मिलिकरि दोयसै छप्पन तैं बत्तीसगुणे एकघाटि सर्वपद-भंग हो हैं।

बहुरि सिद्ध विषैं केवल ज्ञान १, केवल दर्शन २, क्षायिक-सम्यक्त्व ४, अनंतवीर्य ८, जीवत्व १६, प्रत्येकपद हैं। तिनके दूणे-दूणे भंग मिलिकरि इकतीस-भंग हो हैं।

असैं प्रत्येकपद-पिंडपदनि करि भंग कहे। प्रत्येक पद का नाम असदृशपद भी है; जातैं इनके प्रतिपक्षीकरि समानता नाहीं हैं अर पिंडपद का नाम सदृशपद भी है; जातैं इनके प्रतिपक्षी करि समानता पाइए है ॥ ८६१ ॥

आगैं इस ही कथन कौं गाथानि करि कहै हैं—

**तेरिच्छा हु सरित्था, अविरददेशाण खयियसम्पत्तं ।**

**मोत्तूण संभवं पडि, खयिगस्सवि आणए भंगे ॥ ८६२ ॥**

तिर्यचि हि सदृशानि, अविरतदेशयोः क्षायिकसम्यक्त्वं ।

मुक्त्वा संभवं प्रति, क्षायिकस्याप्यानयेदभंगान् ॥ ८६२ ॥

टीका — गुणस्थाननि विषैं कहे जो पिंडपदरूप भाव, तिनकौं तिर्यक् कहिए बरोबरि रचनारूपकरि तहां असंयत अर देशसंयत विषैं क्षायिकसम्यक्त्व का जुदा ही कथन है; तातैं तहां क्षायिकसम्यक्त्व कौं छोडि औरनि विषैं गुणस्थाननि का आश्रय करि यथासंभव भंग जानने। बहुरि तहां क्षायिकसम्यक्त्व के भी यथा-संभव जुदे भंग जानने ॥ ८६२ ॥

**उडुतिरिच्छपदाणं, दव्वसमासेण होदि सव्वधणं ।**

**सव्वपदाणं भंगे, मिच्छादिगुणेषु णियमेण ॥ ८६३ ॥**

ऊर्ध्वतिर्यक्पदानां, द्रव्यसमासेन भवति सर्वधनं ।

सर्वपदानां भंगे, मिश्यादिगुणेषु नियमेन ॥ ८६३ ॥

**टीका** - सर्वपदभंगनि के जानने के अर्थि मिथ्यादृष्ट्यादि गुणस्थाननि विषै ऊर्ध्वरूप जिनकी रचना कही— जैसे प्रत्येकपद, तिनका भंग रूप धन अर तिर्यगरूप जिनकी रचना कही— जैसे पिंडपद, तिनका भंगरूप धन, तिन दोऊनि कौं जुदे-जुदे जानि तिन दोऊनि का समास कहिए मिलावना, तिसकरि तिस गुणस्थान का सर्वपदनि के भंग रूप सर्व-धन हो है नियम करि ॥ ८६३ ॥

**मिच्छादीणं दुति दुसु, अपुव्वअणियट्टिखवगसमगेसु ।**

**सुहुमुवसमगे संते, सेसे पत्तेयपदसंखा ॥ ८६४ ॥**

**पण्णर सोलट्टारस, वीसुगुवीसं च वीसमुगुवीसं ।**

**इगिवीस वीसचउदस, तेरसपणगं जहाकमसो ॥ ८६५ ॥ जुम्मं ।**

मिथ्यादीनां द्वित्रिषु, द्वयोरपूर्वानिवृत्तिक्षपकोपशमकेषु ।

सूक्ष्मोपशमके शांते, शेषे प्रत्येकपदसंख्या ॥ ८६४ ॥

पंचदश षोडशाष्टादश, विंशैकोनविंशं च विंशमेकोनविंशं ।

एकविंशं विंशचतुर्दश, त्रयोदशपंचकं यथाक्रमशः ॥ ८६५ ॥ युग्मं ।

**टीका** — ते प्रत्येकपद क्रमकरि मिथ्यादृष्टि आदि दोय विषै पंद्रह, मिश्रादि तीन विषै सोलह, प्रमत्तादि दोय विषै अठारह, दोऊ श्रेणी के अपूर्वकरणादिक दोय विषै बीस अर उगणीस अर उपशमक-सूक्ष्मसांपराय विषै बीस, उपशांतकषाय विषै उगणीस, क्षपक-सूक्ष्मसांपराय विषै इकईस, क्षीणकषाय विषै बीस, सयोगी विषै चौदह, अयोगी विषै तेरह, सिद्ध विषै पांच जानने ॥ ८६४-८६५ ॥

**मिच्छाइट्टिप्पहुदिं, खीणकसाओत्ति सव्वपदभंगा ।**

**पण्णट्टिं च सहस्सा, पंचसया होंति छत्तीसा ॥ ८६६ ॥**

मिथ्यादृष्टिप्रभृति, क्षीणकषाय इति सर्वपदभंगाः ।

पंचषष्टिश्च सहस्राणि, पंचशतानि भवन्ति षट्त्रिंशत् ॥ ८६६ ॥

**टीका** — मिथ्यादृष्ट्यादि क्षीणकषायपर्यंत सर्वपद-भंग कहिए है, तहां पैसठि हजार पांचसै छत्तीस गुण्य जानना, इस प्रमाण ही का नाम पण्णट्टी है। सो इस गुण्य कौं आगै कहिए हैं गुणाकार, तिसकरि गुणिए ॥ ८६६ ॥

**तग्गुणगारा कमसो, पण णउदेयत्तरीसयाण दलं ।**

**ऊणट्टारसयाणं, दलं तु सत्तहियसोलसयं ॥ ८६७ ॥**

तद्गुणकाराः क्रमशः, पंच नवत्येकसप्ततिशतानां दलं ।

एकोनमष्टादशशतानां, दलं तु सप्ताधिकषोडशशतं ॥ ८६७ ॥



टीका — तिस गुण्य के गुणकार क्रम तैं मिथ्यादृष्टि विषैँ इकहत्तरिसैँ पिच्याणवैँ का आधा प्रमाण है । सासादन विषैँ एक घाटि अठारहसैँ का आधा प्रमाण है । मिश्र विषैँ सात अधिक सोलहसैँ है ॥ ८६७ ॥

तेवत्तरिं सयाइं, सत्तावट्टी य अविरदे सम्मे ।

सोलस चेव सयाइं, चउसट्टी खयियसम्मस्स ॥ ८६८ ॥

त्रिसप्ततिशतानि, सप्तषष्टिश्च अविरते सम्ये ।

षोडश चैव शतानि, चतुःषष्टिः क्षायिकसम्यस्य ॥ ८६८ ॥

टीका — असंयत सम्यग्दृष्टि विषैँ तेहत्तरिसैँ सडसठि है, तहां ही क्षायिकसम्यक्त्व विषैँ सोलहसैँ चौसठि है ॥ ८६८ ॥

ऊणत्तीससयाइं, एक्काणउदी य देसविरदम्मि ।

छावत्तरि पंचसया, खइयणरे णत्थि तिरियम्मि ॥ ८६९ ॥

एकोनत्रिंशच्छतानि, एकनवतिश्च देशविरते ।

षट्सप्ततिः पंचशतानि, क्षायिकनरे नास्ति तिरिश्चि ॥ ८६९ ॥

टीका — देशसंयत विषैँ गुणतीससैँ इक्याणवैँ है । तहां ही क्षायिक-सम्यग्दृष्टी मनुष्य विषैँ पांचसैँ छिहत्तरि है । तहां तिर्यच विषैँ गुण्य-गुणकार नाहीँ है; जातैँ क्षायिकसम्यक्त्वी तिर्यच-देशव्रती न होइ ॥ ८६९ ॥

इगिदालं च सयाइं, चउदालं च य प्रमत्त इदरे य ।

पुव्वुवसमगे वेदाणियट्टिभागे सहस्समड्डुणं ॥ ८७० ॥

एकचत्वारिंशच्च शतानि, चतुश्चत्वारिंशच्च च प्रमत्ते इतरस्मिंश्च ।

अपूर्वोपशमके वेदा, निवृत्तिभागे सहस्रमष्टेनं ॥ ८७० ॥

टीका — प्रमत्त वा अप्रमत्त विषैँ इकतालीससैँ चवालीस है । उपशमश्रेणी विषैँ अपूर्वकरण वा सवेद-अनिवृत्तिकरण विषैँ आठ घाटि एक हजार है ॥ ८७० ॥

अडसट्टी एक्कसयं, कसायभागम्मि सुहुमगे संते ।

अडदालं चउवीसं, खवगेषु जहाकमं वोच्छं ॥ ८७१ ॥

अष्टषष्टिः एकशतं, कषायभागे सूक्ष्मके शांते ।

अष्टचत्वारिंशच्चतुर्विंशं, क्षपकेषु यथाक्रमं वक्ष्यामि ॥ ८७१ ॥

टीका — बहुरि कषाय सहित वेदरहित अनिवृत्तिकरण के भाग विषैँ एकसौ अडसठि हैं । सूक्ष्मसांपराय विषैँ अड़तालीस हैं । उपशांत-कषाय विषैँ चौबीस हैं । अब क्षपक-श्रेणी विषैँ यथाक्रम कहैँ हैं ॥ ८७१ ॥

अडदालं चारिसया, पुव्वे अणियट्टिवेदभागे य ।

सीदी कसायभागे, ततो बत्तीस सोलं तु ॥ ८७२ ॥

अष्टचत्वारिंशत् चतुःशतान्यपूर्वे अनिवृत्तिवेदभागे च ।

अशीतिः कषायभागे, ततो द्वात्रिंशत् षोडश तु ॥ ८७२ ॥

टीका — अपूर्वकरण वा अनिवृत्तिकरण का सवेद-भाग विषैँ च्यारिसैँ अडतालीस है । अनिवृत्तिकरण का कषाय-भाग विषैँ असी है । तहां तैँ ऊपरि सूक्ष्मसांपराय विषैँ बत्तीस है । क्षीणकषाय विषैँ सोलह है ।

असैँ ये पण्णडी के गुणकार कहे ॥ ८७२ ॥

जोगिम्मि अजोगिम्मि य, बेसदछप्पणयाण गुणगारा ।

चउसट्टी बत्तीसा, गुणगुणिदेक्कूणया सव्वे ॥ ८७३ ॥

योगिन्ययोगिनि च, द्विशतषट्पंचाशतां गुणकाराः ।

चतुःषष्टिः द्वात्रिंशत्, गुण्यगुणिते एकोनकाः सर्वे ॥ ८७३ ॥

टीका — सयोगी-अयोगी विषैँ वेसदछप्पण कहिए दोयसैँ छप्पन गुण्य जानना । तिसके गुणकार सयोगी विषैँ चौंसठि, अयोगी विषैँ बत्तीस है । असैँ गुणकार करि गुण्य कौं गुणैँ जो-जो प्रमाण आवै, तिस-तिस विषैँ सर्वत्र एक-एक घटाय देना, असैँ करतैँ सर्वपद-भंगनि का प्रमाण आवै है ॥ ८७३ ॥

सिद्धेसु सुद्धभंगा, एक्कत्तीसा हवंति णियमेण ।

सव्वपदं पडि भंगा, असहायपरक्कमुद्धिटा ॥ ८७४ ॥

सिद्धेषु शुद्धभंगा, एकत्रिंशत् भवंति नियमेन ।

सर्वपद प्रति भंगा, असहायपराक्रमोद्धिष्टाः ॥ ८७४ ॥

टीका — सिद्धनि विषैँ शुद्ध गुण्य-गुणकार के भेदरहित नियमकरि इकतीस ही सर्वपद-भंग हैं, असैँ सहाय-रहित पराक्रम-शक्ति का धारक वर्धमानस्वामीकरि सर्व प्रति-भंग कहे है ॥ ८७४ ॥

आदेसेवि य एवं, संभवभावेहिं ठाणभंगाणि ।

पदभंगाणि य कमसो, अव्वामोहेण आणेज्जो ॥ ८७५ ॥

आदेशेऽपि च एवं, संभवभावैः स्थानभंगाः ।

पदभंगाश्च क्रमशः अव्यामोहेन आनेयाः ॥ ८७५ ॥

टीका — जैसे गुणस्थाननि विषैँ कहे—असैँ ही यथासंभव भावनिकरि आदेश जो मार्गणास्थान, तिसविषैँ स्थानभंग अर पदभंग क्रम तैँ मोहरहित सावधान होइ, यथासंभव जानने ॥ ८७५ ॥

आगैँ जिनविषैँ सर्वथा एक नय का ग्रहण पाइए असैँ एकांतमत, तिनके भेद कहे हैँ—

असिदिसदं किरियाणं, अक्किरियाणं च आहु चुलसीदी ।

सत्तट्टुण्णाणीणं, वेणयियाणं तु बत्तीसं ॥ ८७६ ॥

अशीतिशतं क्रियाणामक्रियाणां चाहुश्चतुरशीतिः ।

सप्तषष्टिरज्ञानिनां, वैनयिकानां तु द्वात्रिंशत् ॥ ८७६ ॥

टीका — क्रियावादीनि के एकसौ असी, अक्रियावादीनि के चौरासी, अज्ञानवादीनि के सडसठि, वैनयिकवादीनि के बत्तीस भेद हैँ ॥ ८७६ ॥

तहां क्रियावादीनि के मूलभंग कहैँ हैँ—

अत्थि सदो परदोवि य, णिच्चाणिच्चत्तणेण य णवत्था ।

कालीसरप्पणियदिसहावेहि य ते हि <sup>१</sup>भंगा हु ॥ ८७७ ॥

अस्ति स्वतः परतोऽपि च, नित्यानित्यत्वेन च नवार्थाः ।

कालेश्वरात्मनियति, स्वभावैश्च ते हि भंगा हि ॥ ८७७ ॥

टीका — प्रथम तौँ अस्ति असैँ एकपद लिखना । ताके ऊपरि आपतैँ, परतैँ, नित्यपनेकरि, अनित्यपनेकरि— असैँ च्यारि पद लिखने । तिनके ऊपरि जीव, अजीव, पुण्य, पाप, आस्रव, संवर, निर्जरा, बंध, मोक्ष— असैँ नव पद लिखने । तिनके ऊपरि काल, ईश्वर, आत्मा, नियति, स्वभाव— असैँ पंचपद लिखने । तिनिविषैँ जैसैँ जीवकांड का गुणस्थानाधिकार विषैँ प्रमादनि का भंग करतैँ अक्षसंचार-विधान कह्या था, तैसैँ इन पदनि के बदलने तैँ अक्षसंचारकरि एक, च्यारि, नव, पांच के परस्पर गुणनरूप एकसौ असी भंग हो हैँ । सोई कहिए है—

आपतैँ जीव कालकरि अस्ति करिए है, परतैँ जीव कालकरि अस्ति करिए है, नित्यपनेकरि

१-

काल । ईश्वर । आत्म । निय । स्वभा ५

जी अ पु पा आ सं नि बं मो ९

अस्ति १

स्वयं से, पर से, नित्यपने से, अनित्यपने से ४

जीव कालकरि अस्ति करिए है, अनित्यपनै करि जीव कालकरि अस्ति करिए है— अिसैं च्यारि-भंग भए । बहुरि जीव की जायगा क्रम तैं अजीवादिक कहै च्यारि-च्यारि भंग होंइ, तहां नव-पदार्थ के बदलने तैं एक कालसहित छत्तीस-भंग भए । बहुरि काल की जायगा क्रम तैं ईश्वरादिक कहैं छत्तीस-छत्तीस भंग होंइ । तहां पंचपद के बदलने तैं एकसौ असी क्रियावादिनि के भंग हो हैं ॥ ८७७ ॥

**अत्थि सदो परदोवि य, णिच्चाणिच्चत्तणेण य णवत्था ।**

**एसिं अत्था सुगमा, कालादीणं तु वोच्छामि ॥ ८७८ ॥**

अस्ति स्वतः परतोऽपि च, नित्यानित्यत्वेन च नवार्थाः ।

एषामर्थाः सुगमाः, कालादीनां तु वक्ष्यामि ॥ ८७८ ॥

**टीका** — अस्ति-आप तैं, पर तैं, नित्यपनै करि, अनित्यपनै करि नव-पदार्थ— इनका अर्थ तौ सुगम हैं । अस्ति का तौ “है” अिसा अर्थ है, सो क्रियावादी वस्तु कूं अस्तिरूप ही मानिकरि क्रिया का स्थापन करै है । तहां आप तैं कहिए अपने स्वरूप-चतुष्टय की अस्ति मानै है । अर पर तैं कहिए परचतुष्टय तैं भी अस्तिरूप ही मानै है । नित्यपनेकरि कहिए शाश्वता अस्तिरूप मानै है । अनित्यपनै कहिए क्षणिक अस्तिरूप मानै है । अिसैं जीव, अजीव, पुण्य, पाप, आस्रव, बंध, संवर, निर्जरा, मोक्षरूप नव-पदार्थनि कौं मानै हैं, सो इन चौदह का तौ अर्थ सुगम है ; तातैं इनका विशेष न कह्या । बहुरि कालवादादिकनि का अर्थ क्रमकरि कहों हों—

**कालो सव्वं जणंयदि, कालो सव्वं विणस्सदे भूदं ।**

**जागत्ति हि सुत्तेसु वि, ण सक्कदे वंचिदुं कालो ॥ ८७९ ॥**

कालः सर्वं जनयति, कालः सर्वं विनाशयति भूतं ।

जागर्ति हि सुप्तेष्वपि, न शक्यते वंचितुं कालः ॥ ८७९ ॥

**टीका** — काल ही सर्व कों उपजावै है, काल ही सर्व को विनाशै हैं । सूता प्राणीनि विषै भी काल ही प्रगट जागै हैं, काल के ठिगने कौं-बंचने कौं समर्थ न होइए है । अिसैं काल ही करि सबकौं मानना, सो कालवाद का अर्थ जानना ॥ ८७९ ॥

**अण्णाणी हु अणीसो, अप्पा तस्स य सुहं च दुक्खं च ।**

**सग्गं णिरयं गमणं, सव्व ईसरकयं होदि ॥ ८८० ॥**

अज्ञानी ह्यनीश, आत्मा तस्य च सुखं च दुःखं च ।

स्वर्गं निरयं गमनं, सर्वमीश्वरकृतं भवति ॥ ८८० ॥

टीका - आत्मा अज्ञानी-ज्ञानरहित है। बहुरि अनीश कहिए अनाथ-कछू करने कौं समर्थ नाहीं— अैसा है। तिस आत्मा के सुख-दुःख, स्वर्ग-नरकादिक विषैं गमनागमनादिकं सर्व ईश्वर का कीया हो है। अैसै ईश्वरकरि कीया सबकौं मानना, सोई ईश्वरवाद का अर्थ है ॥ ८८० ॥

एक्को चेव महप्पा, पुरिसो देवो य सव्ववावी य ।

सव्वंगणिगूढोवि य, सचेयणो णिग्गुणो परमो ॥ ८८१ ॥

एकश्चैव महात्मा, पुरुषो देवश्च सर्वव्यापी च ।

सर्वांगनिगूढोऽपि च, सचेतनो निर्गुणः परमः ॥ ८८१ ॥

टीका - एक ही महात्मा है। सोई पुरुष है। देव है। सर्व विषैं व्यापक है। सर्वांगपनै निगूढ कहिए अगम्य है। चेतना सहित है। निर्गुण है। परम-उत्कृष्ट है। अैसैं एक आत्मा ही करि सबकौं मानना, सो आत्मवाद का अर्थ है ॥ ८८१ ॥

जत्तु जदा जेण जहा, जस्स य णियमेण होदि तत्तु तदा ।

तेण तहा तस्स हवे, इदि वादो णियदिवादो दु ॥ ८८२ ॥

यत्तु यदा येन यथा, यस्य च नियमेन भवति तत्तु तदा ।

तेन तथा तस्य भवे, इति वादो नियतिवादस्तु ॥ ८८२ ॥

टीका - जो जिसकाल, जिहिकरि, जैसैं, जिसकैं नियमकरि है ; सो तिसकाल, तीहिकरि, तैसैं, तिसही कैं हो है ; अैसा नियमकरि ही सबकौं मानना, सो नियतिवाद का अर्थ है ॥ ८८२ ॥

को करइ कंटयाणं, तिक्खत्तं मियविहंगमादीणं ।

विविहत्तं तु सहाओ, इदि सव्वंपि य सहाओत्ति ॥ ८८३ ॥

कः करोति कंटकानां, तीक्ष्णत्वं मृगविहंगमादीनां ।

विविधत्वं तु स्वभाव, इति सर्वमपि च स्वभाव इति ॥ ८८३ ॥

टीका - कांटानै आदि दैकरि जे तीखे वस्तु हैं, तिनकैं कौंन तीक्षणपना करै है ? बहुरि मृग अर-विहंगी पक्षी इत्यादिकनि कैं नानाप्रकारपना पाइए है, सो कौंन करै है ? अैसा प्रश्न होतैं, अैसा ही उत्तर कहैं कि—स्वभाव ही है। अैसैं सबकौं कारण बिना-स्वभाव ही करि मानना, सो स्वभाववाद का अर्थ है।

ऐसैं कालादि करि पूर्वोक्तप्रकार एकांतग्रहण तैं क्रियावाद हो है ॥ ८८३ ॥

आगैं अक्रियावादिनि के भंग कहिए है—

णत्थि सदो परदोवि य, सत्तपयत्था य पुण्णपाऊणा ।

कालादियादिभंगा, सत्तरि चदुपंतिसंजादा<sup>१</sup> ॥ ८८४ ॥

नास्ति स्वतः परतोऽपि च, सप्तपदार्थाश्च पुण्यपापोनाः ।

कालादिकादिभंगाः, सप्ततिश्चतुःपंक्तिसंजाताः ॥ ८८४ ॥

**टीका** — प्रथम नास्ति ऐसा पद लिखना, ताके ऊपरि आप तैं, परतैं— असैं दोय पद लिखने । तिनके ऊपरि पुण्य-पाप बिना सात-पदार्थ लिखने । तिनके ऊपरि काल नैं आदि दैकरि पंच-पद लिखने । असैं च्यारि-पंक्ति करनी, तिनविषैं पूर्वोक्त अक्षसंचार-विधान करि भंग हो हैं । आपतैं जीव कालकरि नास्ति करिए है, परतैं जीव कालकरि नास्ति करिए है । असैं ही जीव की जायगा अजीवादिक कहैं चौदह-भंग एक कालकरि भए । बहुरि काल की जायगा ईश्वर आदि कहैं, सत्तरि-भंग हो हैं ।

**भावार्थ**— ऐसा कि—अक्रियावादी, वस्तु कौं नास्तिरूप मानि क्रिया का स्थापन नाहीं करै हैं ॥ ८८४ ॥

का । ई । आ । नि । स्व । ५ ।
जी । अ । आ । सं । नि । बं । मो । ७ ।
स्वतः १ परतः २
नास्ति १

णत्थि य सत्तपदत्था, णियदीदो कालदो तिपंतिभवा ।

चोद्दस इदि णत्थित्ते, अक्करियाणं च चुलसीदी ॥ ८८५ ॥

नास्ति च सप्तपदार्था, नियतितः कालतस्त्रिपंक्तिभवाः ।

चतुर्दश इति नास्तित्वे, अक्रियाणां च चतुरशीतिः ॥ ८८५ ॥

**टीका** — प्रथम नास्तित्व ऐसा पद लिखना । ताके ऊपरि सात पदार्थ लिखने । तिनके ऊपरि नियति, काल— असैं दोय पद लिखने । तहां अक्षसंचार करि जीव-नियति तैं नास्ति करिए है । जीव-काल तैं नास्ति करिए है । बहुरि जीव की जायगा अजीवादिक कहैं, चौदह-भेद हो हैं ।

इहां अक्रियावाद का जैसैं प्रकार हैं, तैसैं सत्तरि-भेद जुदे-जुदे कहे, मिलिकरि अक्रियावादनिके चौरासी-भेद भए ॥ ८८५ ॥

१-

नियति १ काल २
जी । अ । आ । सं । नि । बं । मो । ७ ।
नास्ति १

आगैं अज्ञानवाद के भेद कहैं हैं—

को जाणइ णवभावे, सत्तमसत्तं दयं अवच्चमिदि ।

अवयणजुद सत्ततयं, इदि भंगा होंति तेसट्टी ॥ ८८६ ॥

को जानाति नवभावेषु, सत्त्वमसत्त्वं द्वयमवाच्यमिति ।

अवचनयुतं सत्ततयमिति भंगा भवन्ति त्रिषष्टिः ॥ ८८६ ॥

टीका — जीवादिक नवपदार्थनि विषैं एक-एक का सप्तभंग अपेक्षा न जानना । जीव अस्ति  
ऐसा कौन जानै है ? जीव नास्ति ऐसा कौन जानै है ? जीव अस्ति-नास्ति ऐसा कौन जाने  
है ? जीव अवक्तव्य ऐसा कौन जानै है ? जीव अस्ति-अवक्तव्य ऐसा कौन जानै है ?  
जीव नास्ति-अवक्तव्य ऐसा कौन जाने है ? जीव अस्ति-नास्ति अवक्तव्य ऐसा कौन जानै  
है ? जैसे ही जीव की जायगा अजीवादिक कहैं, तरेसठि भेद हो हैं ॥ ८८६ ॥

को जाणइ सत्तचऊ, भावं शुद्धं खु दोण्णिपंतिभवा ।

चत्तारि होंति एवं, अण्णाणीणं तु सत्तट्टी ॥ ८८७ ॥

को जानाति सत्त्वचतुष्कं, भावं शुद्धं खलु द्विपंक्तिभवाः ।

चत्वारो भवन्ति एवमज्ञानिनां तु सप्तषष्टिः ॥ ८८७ ॥

टीका — प्रथम शुद्धपदार्थ ऐसा लिखिए, ताके ऊपरि अस्ति आदि च्यारि लिखिए । इन  
दोऊ-पंक्तिनि करि उपजे च्यारि-भंग हो हैं । शुद्ध-पदार्थ अस्ति ऐसा कौन जानै है ?  
शुद्धपदार्थ-नास्ति ऐसा कौन जाने है ? शुद्ध पदार्थ अस्ति-नास्ति ऐसा कौन जानै है ?  
शुद्धपदार्थ अवक्तव्य ऐसा कौन जानै है ? जैसे च्यारि तौं ए अर पूर्वोक्त तरेसठि मिलिकरि  
अज्ञानवाद सडसठि हो हैं ।

भावार्थ—अज्ञानवादवाले वस्तु का न जानना ही मानै हैं ॥ ८८७ ॥

अस्ति । नास्ति । अस्तिनास्ति । अवक्तव्य ४

शुद्धपदार्थः १

आगैं वैनयिकवादनि के मूलभंग कहैं हैं—

मणवयणकायदाणगविणवो सुरणिवइणाणिजदिवुट्टे ।

वाले मादुपिदुम्मि च , कायव्वो चेदि अट्टुचऊ ॥ ८८८ ॥

मनोवचनकायदान, विनयः सुरनृपतिज्ञानियतिवृद्धे ।

बाले मातृपित्रोश्च, कर्तव्यश्चेत्यष्टचतुष्कं ॥ ८८८ ॥

टीका — देव, राजा, ज्ञानी, जती, बूढ़ा, बालक, माता-पिता इन आठनि का मन करि, वचनकरि, कायकरि, दान देने करि च्यारि प्रकार विनय करना— अैसें वैनयिकवाद बत्तीस हैं ।

भावार्थ—विनयवादी गुण-अगुण की परीक्षारहित विनय ही तैं सिद्धि मानै हैं ॥ ८८८ ॥

सच्छंददिट्टीहिं वियप्पियाणि, तेसट्टिजुत्ताणि सयाणि तिण्णि ।

पाखंडिणं वाउलकारणाणि, अण्णाणिचित्ताणि हरंति ताणि ॥ ८८९ ॥

स्वच्छंददृष्टिभिर्विकल्पितानि, त्रिषष्टियुक्तानि शतानि त्रीणी ।

पाखंडिणां व्याकुलकारणानि, अज्ञानिचित्तानि हरंति तानि ॥ ८८९ ॥

टीका — स्वच्छंद मनकल्पित है दृष्टि-श्रद्धान जिनिका, तिनिकरि विकल्पनारूप कीएं— अैसें तरेसठि सहित तीनसै पाखंडीनि के, जीवनि कूं व्याकुलता के कारणभूत वचन, ते मिथ्यात्व के उदय तैं अज्ञानी-जीवनि के चित्त कूं हरै हैं ॥ ८८९ ॥

आगैं और भी एकांतवाद कहैं हैं—

आलसद्धो णिरुच्छाहो, फलं किंचि ण भुंजदे ।

थणक्खीरादिपाणं वा, पउरुसेण विणा ण हि ॥ ८९० ॥

आलस्याद्यो निरुत्साहः, फलं किंचिन् भुंक्ते ।

स्तनक्षीरादिपानं वा, पौरुषेण विना नहि ॥ ८९० ॥

टीका — आलस्यकरि संयुक्त होय, उत्साह-उद्यमरहित होइ, सो किछू भी फल कूं भोगवै नाहीं । जैसे स्तन का दूध उद्यम ही तैं पीवने में आवै है, पौरुष विना पीवने में न आवै है, तैसें सर्व पौरुषकरि सिद्धि है । अैसा पौरुषवाद है ।

भावार्थ—पौरुषवादी पुरुषार्थ ही तैं सर्वसिद्धि मानै हैं ॥ ८९० ॥

दइवमेव परं मण्णे, धिप्पउरुसमणत्थयं ।

एसो सालसमुत्तुंगो, कण्णो हण्णइ संगरे ॥ ८९१ ॥

दैवमेव परं मन्ये, धिक् पौरुषमनर्थकं ।

एष सालसमुत्तुंगः, कर्णो हन्यते संगरे ॥ ८९१ ॥



टीका — दैव ही कौं केवल मानो हौं, निरर्थक पौरुष कौं धिक्कार होहु। देखहु यहु कोटिसारिखा ऊँचा करण-नामा राजा, सो संग्राम विषै मारिये है। अइसा दैववाद है।

भावार्थ— दैववादी दैव ही तैं सर्वसिद्धि मानै हैं ॥ ८९१ ॥

संजोगमेवेति वदंति तण्णा, णेवेक्कचक्केण रहो पयादिं ।

अंधो य पंगू य वणं पविट्ठा, ते संपजुत्ता णयरं पविट्ठा ॥ ८९२ ॥

संयोगमेवेति वदंति तज्जा, नैवेकचक्रेण रथः प्रयाति ।

अंधश्च पंगुश्च वनं प्रविष्टौ, तौ संप्रयुक्तौ नगरं प्रविष्टौ ॥ ८९२ ॥

टीका — तज्ज यथार्थ-ज्ञानी हैं, ते संयोग ही कौं कहैं हैं, एक पहिये करि रथ चालै नाहीं। आंधा अर पांगला वन विषै तिष्ठते थे, ते संयोग करि आंधा-कांधा ऊपरि पांगला चढि दोऊ नगर विषै प्रवेश करैं हैं, अइसा संयोगवाद है।

भावार्थ—संयोगवादवाले वस्तुनि के मिलाप तैं ही सर्वसिद्धि मानै हैं ॥ ८९२ ॥

सइउट्टिया पसिद्धी, दुव्वारा मेलिदेहिंवि सुरेहिं ।

मज्झिमपांडवखित्ता, माला पंचसुवि खित्तेव ॥ ८९३ ॥

सकृदुत्थिता प्रसिद्धिर्दुव्वारा मिलितैरपि सुरैः ।

मध्यमपांडवक्षिप्ता, माला पंचस्वपि क्षिप्तैव ॥ ८९३ ॥

टीका — सकृत-एकबार ही उट्टी मिले हुए देवनिकरि भी प्रसिद्धपनैं निवारी न जाय—अइसी द्रौपदी करि मध्यम-पांडव-अर्जुन, तिसविषै क्षेपी हुई माला, सौ पांचू ही पांडवनि विषै क्षेपी— अइसा लोकवाद है।

भावार्थ—लोकवादी लोक विषै जो प्रवृत्तिरूप होइ, तिस ही कौं मानै हैं। बहुत कहने करि कहा ॥ ८९३ ॥

जावदिग्गा वयणवहा, तावदिया चेव होंति णयवादा ।

जावदिया णयवादा, तावदिया चेव होंति परसमया ॥ ८९४ ॥

यावंतो वचनपथाः, तावंतश्चैव भवंति नयवादाः ।

यावंतो नयवादास्तावंतश्चैव भवंति परसमयाः ॥ ८९४ ॥

टीका — जितने वचन के मार्ग हैं, तितने ही नयवाद हैं। जितने नयवाद हैं, तितने ही परसमय हैं।

**भावार्थ**—जो किछू वचन बोलिए है, सो किछू अपेक्षा कौं लिएं बोलिए है, तहां तिस अपेक्षारूप सोई नय जानना । बहुरि जहां तिसही कौं अन्य अपेक्षारहित ग्रहण करिए, तहां ही मिथ्यामत हो है ; तातैं जितने वचन के प्रकार तितने नय, जितने नय तितने मिथ्यामत हैं ॥ ८९४ ॥

तहां परसमयी-मिथ्यामती, तिनके वचन असत्य कैसें कहिए है ? सो कारण कहै हैं—

**परसमयाणं वयणं, मिच्छं खलु होइ सव्वहा वयणा ।**

**जेणाणं पुण वयणं, सम्मं खु कहंचिवयणादो ॥ ८९५ ॥**

परसमयानां वचनं, मिथ्या खलु भवन्ति सर्वथा बचनात् ।

जैनानां पुनर्वचनं, सम्यक् खलु कथंचिद्वचनात् ॥ ८९५ ॥

**टीका** - परसमयी-मिथ्यामती तिनके वचन मिथ्या हैं-असत्य हैं ; जातैं इनके सर्वथा वचन हैं ।

परसमयी जिस वचन कौं कहैं हैं, तिसही कौं सर्वथा एकांतपने करि कहैं हैं, तिसके प्रतिपक्षी कौं नाहीं कहै हैं । अर वस्तु है सो तिसरूप भी है, अर तिसके प्रतिपक्षी स्वरूप भी है ; तातैं तिनका वचन असत्य है । जैसे वस्तु तौ नित्य-अनित्य दोऊरूप है, कोऊ नित्य ही कहै वा कोऊ अनित्य ही कहै हैं, तिनके वचन कैसें प्रमाण होइ ? बहुरि जिन-देव के उपासक जैनी हैं, तिनके वचन सम्यक् हैं-सत्य हैं ; जातैं इनके कथंचित् वचन हैं ।

जैनमत स्याद्वादरूप है । स्यात् इस शब्द का अर्थ कथंचित् है । जिस वचन कौं जैनी कहैं हैं, तिसकौं कोई एकप्रकार करि कहै हैं । सर्वथा नियम नाहीं कहैं हैं । वस्तु भी तिसरूप कोई एकप्रकार करि ही है । जैसे वस्तु, द्रव्य अपेक्षा नित्य है, पर्याय अपेक्षा अनित्य है ; तातैं जैनिनि के वचन सत्य हैं ।

**भावार्थ**—जितने वचन के मार्ग तितने नय हैं, तिनकौं प्रतिपक्षी की अपेक्षारहित एकांतपनैं ग्रहण कीएं मिथ्यारूप हो हैं । बहुरि प्रतिपक्षी की सापेक्षा लीएं स्याद्वादपने ग्रहण कीएं सम्यकरूप हो हैं ॥ ८९५ ॥

इति आचार्य श्रीनेमिचन्द्रसिद्धांतचक्रवर्तिविरचित गोम्मटसार द्वितीय पंचसंग्रह नामा ग्रंथ की जीवतत्वप्रदीपिका नाम संस्कृतटीका के अनुसारि सम्यग्ज्ञानचंद्रिका नामा भाषाटीका विषै कर्मकांड विषै भावचूलिका नामा सातवां अधिकार संपूर्ण भया ॥ ७ ॥

## अथ त्रिकरणाचूलिकाधिकारः ।

करि निज कारज करणकरि, कर्मसमूह खिपाय ।

भए शुद्ध परमात्मा, नमौ-नमौ शिवराय ॥ ८ ॥

णमह गुणरयणभूषण, सिद्धंतामियमहब्धिभवभावं ।

वरवीरणंदिचंद्रं, णिम्मलगुणमिदणंदिगुरुं ॥ ८९६ ॥

नमत गुणरत्नभूषण ! सिद्धंतामृतमहाब्धिभवभावं ।

वरवीरणंदिचंद्रं, निर्मलगुणमिदणंदिगुरुं ॥ ८९६ ॥

टीका - गुणरूपी रत्न का है आभूषण जाकैं - ऐसा चामुंडराजा ताका संबोधन हे गुणरत्नभूषण ! तुम उत्कृष्ट 'वीरनंदी' नामा आचार्य, सोई भया चंद्रमा ताहि नमस्कार करहु । सो लोक विषैं चंद्रमा कौं समुद्र तैं उपज्या कहिए है । वीरनंदिरूप चंद्रमा, सिद्धांतरूपी अमृतमयी-महासमुद्र, तीहिकरि भया है सद्भाव जाका ऐसा है । बहुरि निर्मलगुण जिस विषैं पाइए- ऐसा 'इंद्रनंदि' नामा गुरु, ताहि तुम नमस्कार करहु । जैसे श्रोतृजन कौं सावधान करि तीन-करणनि का व्याख्यान करैं हैं । सो प्रसंग पाइ जीवकांड का गुणस्थानाधिकार विषैं तीन-करणनि का स्वरूप कह्या । इहां आचार्य जुदा अधिकार करि कहैं हैं । सो इहां कोई अर्थ नीकैं जान्या न जाय, सो तहां देख लेना ॥ ८९६ ॥

इगिवीसमोहखवणुवसमणणिमित्ताणि तिकरणाणि तहिं ।

पढमं अधापवत्तं, करणं तु करेदि अपमत्तो ॥ ८९७ ॥

एकविंशतिमोहक्षपणोपशमननिमित्तानि त्रिकरणानि तस्मिन् ।

प्रथममधः प्रवृत्तं, करणं तु करोत्यप्रमत्तः ॥ ८९७ ॥

टीका - अनंतानुबंधी का चतुष्क बिना अवशेष इकवीस-चारित्रमोहनी की प्रकृति, तिनकी क्षपणा वा उपशम कौं कारणभूत जैसे तीन अधःप्रवृत्त, अपूर्व, अनिवृत्ति-करण हैं । तिनविषैं पहिला अधः प्रवृत्तकरण कौं सातिशय अप्रमत्त-गुणस्थानवर्ती ही करै है ॥ ८९७ ॥

जम्हा उवरिमभावा, हेड्डिमभावेहिं सरिसगा होंति ।

तम्हा पढमं करणं, अधापवत्तोत्ति णिदिदुं । ८९८ ॥

यस्मादुपरितनभावा, अधस्तनभावैः सदृशका भवन्ति ।

तस्मात्प्रथमं करणमधः प्रवृत्तमिति निर्दिष्टं ॥ ८९८ ॥

टीका - जातैं इस करण विषैं ऊपरि के समयसंबंधी भाव नीचै के समयसंबंधी भावनि करि समान हो हैं । जैसे कोई जीव का दूसरा, तीसरा आदि समय विषैं जैसा भाव होइ, तैसा

ही भाव कोई जीव का पहिलै ही समय होइ ; तातैं पहिला-करण अधःप्रवृत्त है— अइसा कहा है ॥ ८९८ ॥

**अंतोमुहुत्तमेत्तो, तक्कालो होदि तत्थ परिणामा ।**

**लोगाणमसंखपमा, उवरुवरिं सरिसवड्ढिगया ॥ ८९९ ॥**

अंतर्मुहूर्तमात्र स्तत्कालो भवति तत्र परिणामाः ।

लोकानामसंख्यप्रमा, उपर्युपरि सदृशवृद्धिगताः ॥ ८९९ ॥

**टीका** — तिस अधःप्रवृत्त-करण का काल अंतर्मुहूर्तमात्र है । तिस काल विषै संभवै— अइसै विशुद्धतारूप कषायनि के परिणाम, ते असंख्यात-लोकप्रमाण हैं । ते परिणाम पहले समय तैं लगाय, ऊपरि-ऊपरि समान चयवृद्धिकरि बंधैं हैं । पहिले समय के परिणामनि तैं दूसरे समय के परिणाम जितने बधती हैं, तितने ही दूसरे समय के परिणामनि तैं तीसरे समय के परिणाम बधती हैं । अइसैं अंतसमयपर्यंत समान वृद्धि जाननी ॥ ८९९ ॥

**बावत्तरितिसहस्सा, सोलस चउ चारि एक्कयं चैव ।**

**धणअद्धाणविसेसे, तियसंखा होइ संखेज्जे ॥ ९०० ॥**

द्वासप्तस्त्रीसहस्राणि, षोडश चतुष्कं चत्वारि एकं चैव ।

धनाध्वानविशेषाः, त्रयसंख्या भवति संख्येये ॥ ९०० ॥

**टीका** - तहां प्रथम-अंकनि की सहनानी करि कथन दिखावै हैं । तहां सर्वधन तीनहजार बहत्तरि अर ऊर्ध्वरूप अध्वान जो गच्छ, सो सोलह अर तिर्यग्रूप गच्छ च्यारि अर ऊर्ध्वरूप विशेष च्यारि, तिर्यग्रूप विशेष एक अर चय का साधन के अर्थि संख्यात की सहनानी तीन है । तहां करण के सर्वसमयसंबंधी परिणामनि का समूह, सो सर्वधन है । बहुरि करणकाल के जितने समय होंहि, तिनकी ऊपरि-ऊपरि रचना करनी ; तातैं तिसकाल का समयनि का प्रमाण, सो ऊर्ध्व-गच्छ वा पद जानना । बहुरि एक समय विषै कोऊ जीव कै कितने परिणाम पाइए, कोई कै कितने परिणाम पाइए— अइसैं जितने एक समय विषै खंड होंहि, तिनकी विवक्षित-समय की रचना के बरोबरि रचना करनी ; तातैं तिन खंडनि का जो प्रमाण सो अनुकृष्टि का तिर्यग्-गच्छ वा पद कहिए है । बहुरि समय-समय विषै जितने-जितने परिणाम क्रम तैं बंधती होंइ, ताकाँ ऊर्ध्व रूप अनुकृष्टि का विशेष वा चय वा प्रचय वा उत्तर कहिये । बहुरि खंड २ विषै जितने-जितने परिणाम क्रम तैं बंधती होंइ, ताकाँ तिर्यग्रूप अनुकृष्टि का विशेष वा चय वा प्रचय वा उत्तर कहिए । बहुरि आगैं चय का प्रमाण जानने के अर्थि संख्यात का भाग दीजिएगा, तहां अंकसंदृष्टि विषै संख्यात की जायगा तीन का अंक जानना ॥ ९०० ॥

**आदिधणादो सव्वं, पचयधणं संख्खभागपरिमाणं ।**

**करणे अधापवत्ते, होदित्ति जिणेहि णिहिद्धं ॥ ९०१ ॥**

आदिधनात्सर्वं, प्रचयधनं संख्यभागपरिमाणं ।

करणेऽधःप्रवृत्ते, भवतीति जिनैर्निर्दिष्टं ॥ ९०१ ॥

**टीका** — अधःप्रवृत्तकरण विषैँ सर्व प्रचयधन आदि धन तैँ संख्यातवैँ-भाग प्रमाण है । सर्व समयसंबंधी जे चय, तिनका जोड दीं जो प्रमाण होइ, सो प्रचयधन कहिए है । जे-जे चय बंधे तिन बिना सर्व समयसंबंधी आदि-धन का जोड दीं जो प्रमाण होइ, सो आदिधन कहिए है । सो 'पदकृत्या संख्यातेन सर्वधने भक्ते ऊर्ध्वचयप्रमाणंस्यात्' पद की कृति अर संख्यात का भाग सर्वधन कौँ दीं ऊर्ध्वचय का प्रमाण हो है । सो पद कहिए गच्छ सोलह, ताकी कृति कहिए, वर्ग दोयसे छप्पन अर संख्यात की सहनानी तीन, इनका भाग सर्वधन तीन हजार बहत्तरि कौँ दीं च्यारि पाए, सोई ऊर्ध्वचय का प्रमाण जानना । बहुरि "व्येकपदार्धधनचयगुणो गच्छ उत्तरधनं" एक घाटि पद का आधा कौँ चय करि अर गच्छ करि गुणैँ प्रचयधन हो है, सो एक घाटि गच्छ पंद्रह का आधा साढा सात, ताकौँ चय करि गुणैँ तीस, ताकौँ गच्छकरि गुणैँ च्यारिसै असी, सो ही उत्तरधन जानना । इसकौँ सर्वधन तीन हजार बहत्तरि मैँ घटाएं पचीससै बाणवै रहे, सो आदिधन जानना । बहुरि प्रमाधराशि च्यारिसै असी अर फलराशि शलाका एक अर इच्छा पचीससै बाणवैँ, तहां फलकरि इच्छा कौँ गुणि प्रमाण का भाग दीं सत्ताईस का पांचवां भाग प्रमाण शलाका भई । बहुरि प्रमाण-शलाका सत्ताईस का पांचवां-भाग अर फल पचीससै बाणवैँ अर इच्छा एक शलाका, तहां फलकरि इच्छा कौँ गुणि प्रमाण का भाग दीं च्यारिसै असी पाए । अँसैँ त्रैराशिक करि सर्वधन तीन हजार बहत्तरि कौँ सत्ताईस का पांचवां-भाग का भाग दीजिए, तब उत्तरधन च्यारिसै असी होइ ; तातैँ आदि-धन के संख्यातवैँ-भागि उत्तर-धन कह्या है ॥ ९०१ ॥

**उभयधणे संमिलिते, पदकदिगुणसंख्खरूपहदपचयं ।**

**सव्वधणं तं तम्हा, पदकदिसंख्खेण भाजिते पचयं ॥ ९०२ ॥**

उभयधने संमिलिते, पदकृतिगुणसंख्खरूपहदप्रचयः ।

सर्वधनं तत्तस्मात्, पदकृतिसंख्खेण भाजिते प्रचयं ॥ ९०२ ॥

**टीका** — आदि-धन अर प्रचय-धन दोऊ मिलाएं सर्वधन होइ, सो गच्छ का वर्ग कौँ संख्यातकरि गुणि अर चयकरि गुणैँ जो प्रमाण होइ, तितना होइ । सो गच्छ-सोलह, ताका वर्ग दोयसे छप्पन, संख्यात की सहनानी तीन, ताकरि गुणैँ सातसै अडसठि, चय च्यारिकरि गुणैँ तीन हजार बहत्तरि होइ, सोइ आदिधन-उत्तरधन मिलाएं होइ ; तातैँ पद का वर्ग अर संख्यात, ताका भाग सर्वधन कौँ दीं जो प्रमाण होइ, सोई चय का प्रमाण कह्या है ॥ ९०२ ॥

चयधनहीणं द्रव्यं, पदभजिदे होदि आदिपरिमाणं ।

आदिष्मि चये उद्धे, पडिसमयधनं तु भावाणं ॥ ९०३ ॥

चयधनहीनं द्रव्यं, पदभक्ते भवति आदिपरिमाणं ।

आदौ चये वृद्धे, प्रतिसमयधनं तु भावानां ॥ ९०३ ॥

टीका - तीहिं सर्वधन तीन हजार बहत्तरि कौ चयधन च्यारिसै असीकरि हीन करिए, तब पचीससै बाणवै होइ, ताकों पद जो गच्छ-सोलह, ताका भाग दीजिए, तब एकसौ बासठि पाया, सोई प्रथम समयसंबंधी विशुद्ध-परिणामनि का प्रमाण जानना । तामैं एक चय च्यारि मिलाएं एकसौ छ्यासठि दूसरा-समय संबंधी जानना । तामैं एक चय मिलाएं एकसौ सत्तरि तीसरा-समयसंबंधी जानना । असैं ऊपरि-ऊपरि रचना करि एक-एक चय बधाएं समय-समय प्रति अधः प्रवृत्तकरण के विशुद्ध-परिणामनि का प्रमाण आवै है । १६२, १६६, १७०, १७४, १७८, १८२, १८६, १९०, १९४, १९८, २०२, २०६, २१०, २१४, २१८, २२२ ॥ ९०३ ॥

पचयधनस्साणयणे, पचयं पभवं तु पचयमेव हवे ।

रूऊणपदं तु पदं, सव्वत्थवि होदि णियमेण ॥ ९०४ ॥

प्रचयधनस्यानयने, प्रचयः प्रभवस्तु प्रचय एव भवेत् ।

रूपोनपदं तु पदं, सर्वत्रापि भवति नियमेन ॥ ९०४ ॥

टीका - प्रचय-धन के ल्यावने के अर्थि आदि-उत्तर गच्छ स्थापि श्रेणी व्यवहार-विधान कहिए है— तहां प्रचय कहिए जितना-जितना बधै, सो उत्तर अर प्रभव कहिए आदि विषै होइ, सो आदि— ए दोऊ तौ इहां प्रचय का जो प्रमाण है, तीहिं प्रमाण जानने । बहुरि पहिला-स्थान विषै चय का अभाव है ; तातैं इहां गच्छ का प्रमाण विवक्षित-गच्छ का प्रमाण तैं एक घाटि जानना । सो इहां ऊर्ध्व-रचना विषै चय का प्रमाण च्यारि है ; तातैं आदि-च्यारि अर उत्तर-च्यारि अर गच्छ का प्रमाण सोलह है ; तातैं तामैं एक घटाएं गच्छ-पंद्रह । तहां—

पदमेगेण विहीणं, दु भाजिदं उत्तरेण संगुणिदं ।

पभवजुदं पदगुणिदं, पदगुणिदं होदि सव्वत्थ<sup>१</sup> ॥ १६४ ॥ त्रिलोकसार ।

इस करण-सूत्र करि जोडिए है । एक घाटि-पद कौ दोय का भाग देइ, चयकरि गुणि, आदि कौ मिलाय गच्छ करि गुणिए, तब गच्छ का जोड होइ, सो इहां गच्छ-पंद्रह मैं एक घटाएं, एक घाटि पद-चौदह, ताकौ दोय का भाग दीएं सात, ताकौ चय च्यारिकरि गुणैं अठाईस, तामैं आदि च्यारि मिलाएं बत्तीस, ताकौ गच्छ-पंद्रह करि गुणैं च्यारिसै असी होइ । सोई प्रचय-धन का प्रमाण जानना ॥ ९०४ ॥

१-त्रिलोकसार में चतुर्थपाद में “पदगणिदं तं विजाणाहि” पाठ है । अन्यत्र यह गाथा अनुपलब्ध है ।

आगैं अनुकृष्टि कहिए नीचले-ऊपरले समयनि विषैं समानता का खंड कहै हैं, तहां प्रथम-खंड का प्रमाण कहै हैं—

**पडिसमयधणेवि पदं, पचयं पभवं च होइ तेरिच्छे ।**

**अणुकृष्टिपदं सव्वद्धाणस्स य संख्यभागो हु ॥ ९०५ ॥**

प्रतिसमयधनेऽपि पदं, प्रचयः प्रभवश्च भवति तिरश्चि ।

अनुकृष्टिपदं सर्वाध्वानस्य च संख्यभागो हि ॥ ९०५ ॥

टीका - अनुकृष्टि का समय-समय प्रति धन ल्यावने के अर्थ अनुकृष्टि का गच्छ-चयादिक सर्व तिर्यग्रूप ही है। जहां पहिले समय संबंधी परिणाम लिखे थे, तिसही के आगैं बरोबरि पहिले समय संबंधी अनुकृष्टि के खंडनि के परिणाम लिखने। जैसे ही सर्व समयप्रति तिर्यग्र-रचना जाननी। तहां अनुकृष्टि का गच्छ ऊर्ध्वगच्छ के संख्यातवें-भाग प्रमाण है। अंकनि की सहनानी करि ऊर्ध्व-गच्छ सोलह, ताकौं संख्यात की सहनानी च्यारि का भाग दीएं अनुकृष्टि का गच्छ च्यारि जानना ॥ ९०५ ॥

**अणुकृष्टिपदेण हदे, पचये पचयो दु होइ तेरिच्छे ।**

**पचयधणूणं दव्वं, सगपदभजिदं हवे आदी ॥ ९०६ ॥**

अनुकृष्टिपदेन हते, प्रचये प्रचयस्तु भवति तिरश्चि ।

पचयधनोनं द्रव्यं, स्वकपदभाजितं भवेदादि ॥ ९०६ ॥

टीका - अनुकृष्टि का गच्छ का भाग ऊर्ध्वचय कौं दीएं जो प्रमाण होइ, सो अनुकृष्टि का चय का प्रमाण जानना। सो अनुकृष्टि का गच्छ-च्यारि, ताकौं ऊर्ध्वचय च्यारि का भाग दीएं एक पाया, सोई अनुकृष्टि का चय जानना। बहुरि 'व्येकपदार्धधनचयगुणो गच्छ उत्तरधनं' इस सूत्र करि एक घाटि गच्छ तीन, ताका आधा ड्योढ, ताकौं चय एककरि गुणैं भी ड्योढ अर गच्छकरि गुणैं छह भए, सो अनुकृष्टि विषैं प्रचयधन जानना। सो प्रथम-समय संबंधी जो परिणाम एकसौ बासठि, सो ही प्रथम-समय संबंधी अनुकृष्टि का सर्व-धन, तामैं प्रचय-धन छह घटाएं एकसौ छप्पन रहे, ताकौं अनुकृष्टि-गच्छ का भाग दीएं गुणतालीस पाया, सोई प्रथम-समय संबंधी अनुकृष्टि का प्रथम खंड का प्रमाण जानना ॥ ९०६ ॥

**आदिम्मि कमे वडुदि, अणुकृष्टिस्स य चयं तु तेरिच्छे ।**

**इदि उडुतिरियरयणा, अथापवत्तम्मि करणम्मि ॥ ९०७ ॥**

आदौ क्रमेण वर्धते, अनुकृष्टेश्च चयस्तु तिरश्चि ।

इति ऊर्ध्वतिर्यग्रचना, अद्यः प्रवृत्ते करणे ॥ ९०७ ॥

**टीका** — तिस आदि-खंड तैं दूसरा आदि-खंडनि विषैं क्रमकरि तिर्यगरूप एक-एक अनुकृष्टि का चय बधाइए, सो अनुकृष्टि का चय एक-एक बधै गुणतालीस, चालीस, इकतालीस, बियालीस, प्रमाण हो है (३९, ४०, ४१, ४२) । बहुरि याही प्रकार दूसरा समय संबंधी अनुकृष्टि के खंड विषैं चालीस, इकतालीस, बियालीस, तियालीस प्रमाण हो है (४०, ४१, ४२, ४३) । सो दूसरा-समय संबंधी अर पहला-समय संबंधी चालीस, इकतालीस, बियालीस का प्रमाण की समानता भई । औसैं तृतीयादिक समयनि विषैं अनुकृष्टि-रचना करि खंडनि विषैं परिणामनि का प्रमाण वा नीचले समयसंबंधी परिणामनि तैं समानता जाननी । औसैं ऊर्ध्वरूप वा तिर्यगरूप दोऊ रचना अधःप्रवृत्तकरण विषैं है सो जाननी ।

### अंक-संदृष्टि अपेक्षा अधःकरण-रचना ।

अनुकृष्टिरूप एक-एक समयसंबंधी च्यारि खंडनि की तिर्यक्-रचना ।				
सोलह समयनि की ऊर्ध्व रचना	प्रथमखंड	द्वितीयखंड	तृतीयखंड	चतुर्थखंड
२२२	५४	५५	५६	५७
२१८	५३	५४	५५	५६
२१४	५२	५३	५४	५५
२१०	५१	५२	५३	५४
२०६	५०	५१	५२	५३
२०२	४९	५०	५१	५२
१९८	४८	४९	५०	५१
१९४	४७	४८	४९	५०
१९०	४६	४७	४८	४९
१८६	४५	४६	४७	४८
१८२	४४	४५	४६	४७
१७८	४३	४४	४५	४६
१७४	४२	४३	४४	४५
१७०	४१	४२	४३	४४
१६६	४०	४१	४२	४३
१६२	३९	४०	४१	४२



जैसे अंकनि की सहनानी करि दृष्टांतरूप कथन दिखाया, तैसे ही अर्थसंदृष्टि करि कथन जानना । तहां अर्थसंदृष्टि तो आगै संदृष्टि-अधिकार विषै लिखैगे तहां जानना । अर अर्थ इहां लिखिए है—

अधःप्रवृत्तकरण का सर्व परिणाम असंख्यातलोकप्रमाण, सो सर्वधन जानना । अधःप्रवृत्तकरण का काल का समयनि का प्रमाण, सो गच्छ जानना । गच्छ का वर्ग कौ संख्यातगुणा करि ताका भाग सर्वधन कौ दीएं जो प्रमाण होइ, सो ऊर्ध्वचय जानना । एक घाटि गच्छ का आधा कौ चयकरि गुणि गच्छ करि गुणिए, सो प्रचयधन जानना । इनकौ सर्वधन में घटाएं जो रहै, ताकौ गच्छ का भाग दीएं जो प्रमाण आवै, सो प्रथम समयसंबंधी परिणामनि का प्रमाण है । यामै एक चय मिलाएं दूसरा समय संबंधी होइ— अैसे एक-एक चय मिलाएं तैं दोय घाटि गच्छ प्रमाण चय मिलै द्विचरम समयसंबंधी होइ । यामै एक चय मिलाएं अंत के समय संबंधी होइ । अब अनुकृष्टि-रचना कहिए है—

जिस समयसंबंधी अनुकृष्टि होइ, तिस समय के परिणामनि का समूह, सो तिस अनुकृष्टि का सर्वधन है । बहुरि अधःप्रवृत्तकरण का काल के जितने समय हैं, तिसकौ संख्यात का भाग दीएं जो प्रमाण होइ, सो अनुकृष्टि का गच्छ जानना । अनुकृष्टि का गच्छ का ऊर्ध्वचय कौ भाग दीएं अनुकृष्टि विषै चय का प्रमाण होइ । एक घाटि अनुकृष्टि का गच्छ का अर्धप्रमाण कौ अनुकृष्टि का चयकरि गुणि गच्छ करि गुणै अनुकृष्टि का प्रचयधन का प्रमाण होइ । ताकौ प्रथम समय संबंधी परिणामनि मैस्यो घटाइ अवशेष रहै, तिनकौ अनुकृष्टि के गच्छ का भाग दीएं जो प्रमाण होइ । सोई प्रथम-समय संबंधी अनुकृष्टि का प्रथमखंड विषै प्रमाण होइ । यामै एक चय मिलाएं दूसरा-खंड विषै प्रमाण होइ । अैसे एक-एक चय मिलाएं तौं एक घाटि अनुकृष्टि का गच्छ प्रमाण चय मिलै प्रथम-अनुकृष्टि का अंत-खंड विषै प्रमाण हो है ।

बहुरि तिस प्रथम समयसंबंधी अनुकृष्टि का प्रथम-खंड का प्रमाण विषै एक अनुकृष्टि का चय मिलै दूसरा समयसंबंधी अनुकृष्टि का प्रथमखंड विषै प्रमाण हो है । बहुरि द्वितीयादि खंडनि विषै एक-एक चय मिलाइ एक घाटि अनुकृष्टि का गच्छ प्रमाण चय मिलै दूसरा समयसंबंधी अनुकृष्टि का अंत का खंड विषै प्रमाण हो है । बहुरि प्रथम समय संबंधी अनुकृष्टि का प्रथमखंड का प्रमाण विषै दोय घाटि ऊर्ध्वगच्छ प्रमाण अनुकृष्टि के चय मिलै द्विचरम संबंधी अनुकृष्टि का प्रथमखंड विषै प्रमाण हो है ।

बहुरि द्वितीयादि खंडनि विषै एक-एक चय मिलाएं एक घाटि अनुकृष्टि का गच्छ प्रमाण चय मिलै तिस ही का अंत-खंड विषै प्रमाण हो है । बहुरि द्विचरम समयसंबंधी अनुकृष्टि का प्रथमखंड का प्रमाण विषै एक अनुकृष्टि-चय मिले अंत-समयसंबंधी अनुकृष्टि का प्रथमखंड विषै प्रमाण हो है । बहुरि द्वितीयादि-खंडनि विषै एक-एक चय मिलाइ एक घाटि अनुकृष्टि का गच्छ प्रमाण चय मिलै अधः प्रवृत्तकरण का अंत समयसंबंधी अनुकृष्टि का अंत-खंड विषै प्रमाण हो है । इहां ऐसा अर्थ जानना ।

अप्रमत्तसंयमी उपशमश्रेणी वा क्षपकश्रेणी चढने कौं अधः प्रवृत्तकरण करै है, तिसका काल अंतर्मुहूर्तमात्र है तथापि अनिवृत्ति-करण के काल तैं संख्यातगुणा औसा जो अपूर्वकरण का काल, तिसतैं भी संख्यातगुणा हैं ! तहां संज्वलन-कषाय के देशघातिया-स्पर्धकनि के उदयरूप विशुद्धि-परिणामनि के स्थान, ते अन्य प्रत्याख्यानादि-कषायनि के सहित जिनका उदय होइ, औसैं संज्वलन के सर्वघातिया-स्पर्धकनि के उदयरूप संक्लेश-स्थान, तिनके असंख्यातवें-भाग हैं तथापि ते असंख्यात-लोकप्रमाण हैं। तहां भी अनुकृष्टि का जघन्य पहिला-खंड का विशुद्धि-जघन्य परिणामरूप स्थान सो सर्वज्ञकरि जैसा देख्या, तैसा अष्टांक कहिए अनंतगुणवृद्धि लिए है। पूर्व परिणाम के अविभाग-प्रतिच्छेदनि का प्रमाण तैं अनंतगुणा-अविभाग-प्रतिच्छेदनि का समूहरूप स्थान है। कषायनि के उदयरूप के स्थान असंख्यात हैं। तहां अविभाग-प्रतिच्छेदनि करि परिणामनि का प्रमाण अनंत है, सो जैसैं-जैसैं निर्मलता हो हैं, तैसैं-तैसैं विशुद्धता के अविभाग-प्रतिच्छेद बधते हो हैं ; तातैं इहां अनंतगुणपना संभवै है। बहुरि तिस पहिला-खंड का जघन्य तैं तिस ही का उत्कृष्ट-अनंतगुणा है।

काहे तैं ? तिस जघन्य के ऊपरि सूच्यंगुल का असंख्यातवां-भागप्रमाण अनंतभागवृद्धिरूप स्थान भए एकबार असंख्यातभागवृद्धि स्थान हो है। याप्रकार तितने ही तैसैं असंख्यातभागवृद्धि-स्थान भए। बहुरि एकबार पूर्ववत् भएं अंत विषैं असंख्यात-भागवृद्धि के ठिकानैं संख्यातभागवृद्धि हो है। बहुरि याप्रकार तितने ही तैसैं संख्यात-भागवृद्धिरूप स्थान भए। बहुरि एकबार पूर्ववत् भएं अंत विषैं संख्यात-भागवृद्धि के ठिकाने संख्यातगुणवृद्धि हो है। याप्रकार तितने ही तैसैं संख्यातगुणवृद्धिरूप स्थान भए।

बहुरि एकबार पूर्ववत् भएं अंत विषैं संख्यातगुणवृद्धि के ठिकानैं असंख्यातगुणवृद्धि हो है। बहुरि याप्रकार तितने ही तैसैं असंख्यातगुणवृद्धिरूप स्थान भए। बहुरि एकबार तैसैं ही भएं अंतविषैं असंख्यातगुणवृद्धि के ठिकानैं अनंतगुणवृद्धि हो है। औसै एक अधिक सूच्यंगुल का असंख्यातवां-भाग का घन करि तिस ही के वर्ग कौं गुणैं जो प्रमाण होइ, तीहि प्रमाण वृद्धि की पलटनि भएं एक षट्-स्थानपतित-वृद्धिरूप स्थान हो है। सो जीवकांड का ज्ञानमार्गणा-अधिकार विषैं पर्याय-समास-श्रुतज्ञान का वर्णन विषैं षट्स्थान-वृद्धि का जैसैं विशेष करि कथन कीया है, तैसैं इहां भी जानना।

सो ए षट्-वृद्धिस्थान तिस कषायस्थान विषैं असंख्यातलोकप्रमाण पाइए है ; जातैं जघन्य तैं उत्कृष्ट कौं अनंत गुणा कह्या। बहुरि प्रथम-खंड के उत्कृष्ट तैं दूसरे-खंड का जघन्य अनंत-गुणा है ; जातैं षट्-वृद्धिस्थान विषैं आठ का अंक की सहनानीरूप अनंत-गुणवृद्धि पीछै ही पीछै होइ, तहां दूसरा-खंड का जघन्यपणा हो है। बहुरि इसतैं याका उत्कृष्ट अनंतगुणा है। औसैं सर्व-खंडनि विषैं अपने-अपने जघन्य तैं अपना-अपना उत्कृष्ट अनंतगुणा अर तिस उत्कृष्ट तैं अनंतर-स्थान का जघन्य-अनंतगुणा जानना। बहुरि तिस प्रथम-समय का पहिला-खंड अर

सम्यग्ज्ञानचन्द्रिका भाषा टीका ]

[२६७

अंत-समय का अंत-खंड बिना सर्व ऊपरि के खंड संबंधी परिणामनि के नीचले-खंड संबंधी परिणामनिस्यों यथासंभव समानता है । औसैं इस करण का नाम अधःप्रवृत्त हैं ॥ ९०७ ॥

**अंतोमुहुत्तकालं, गमिऊण अधापवत्तकरणं तु ।**

**पढिसमयं सुज्झंता, अपुव्वकरणं समल्लियइ ॥ ९०८ ॥**

अंतर्मुहूर्तकालं, गमयित्वा अधःप्रवृत्तकरणं तु ।

प्रतिसमयं शुद्धयन्न-पूर्वकरणं समाश्रयति ॥ ९०८ ॥

टीका- अंतर्मुहूर्त काल ताई समय-समय अनंतगुणी-विशुद्धताकरि बधता सातिशय-अप्रमत्त-संयमी तिस अधःप्रवृत्तकरण कौं समाप्त करि अपूर्वकरण कौं प्राप्त हो हैं ॥ ९०८ ॥

**छण्णउदिचउसहस्सा, अट्ट य सोलस धणं तदध्वानं ।**

**परिणामविसेसोवि य, चउ संखापुव्वकरणसंदिट्ठी ॥ ९०९ ॥**

षण्णवतिचतुःसहस्री, अष्टौ च षोडश धनं तदध्वानः ।

परिणामविशेषोपि च, चत्वारि संख्यातान्यपूर्वकरणसंदृष्टिः ॥ ९०९ ॥

टीका - तिस अपूर्वकरण विषैं अंकनि की सहनानी सर्वधन च्यारि हजार छिनवै अर अध्वान कहिए गच्छ सो आठ अर परिणाम विशेष सोलह अर संख्यात का प्रमाण च्यारि जानना । इहां अपूर्वकरण के सर्वस्थाननि का प्रमाण, सो सर्वधन जानना । अपूर्वकरण के काल का समयनि का प्रमाण, सो गच्छ जानना । समय-समय प्रति जितने जितने बधती होंइ, सो परिणाम विशेष जानना इस ही का नाम चय है । चय का साधन के अर्थि संख्यात का प्रमाण जानना ॥ ९०९ ॥

**अंतोमुहुत्तमेत्ते, पडिसमयमसंखलोगपरिणामा ।**

**कमउड्ढापुव्वगुणे, अणुकट्ठी णत्थि णियमेण ॥ ९१० ॥**

अंतर्मुहूर्तमात्रे, प्रतिसमयमसंखलोकपरिणामाः ।

क्रमवृद्धाः अपूर्वगुणे, अनुकृष्टिर्नास्ति नियमेन ॥ ९१० ॥

टीका - तिस अपूर्वकरण का काल अंतर्मुहूर्त मात्र है । तिसविषैं समय-समय प्रति असंख्यात-लोकप्रमाण परिणाम पाइए है, ते प्रथम-समय तैं लगाय अंत-समय पर्यंत समान चयकरि बधते-बधते हैं । तिनविषैं अनुकृष्टि-रचना नाही है ; जातैं ऊपरि समय संबंधी परिणामनि कैं नीचले समय संबंधी परिणामनि तैं समानता न पाइए है । कोई जीव का प्रथम-समय विषैं उत्कृष्ट परिणाम होइ अर कोई जीव का दूसरे समय जघन्य-परिणाम होइ, तो भी तिसतै ताकैं अधिकता ही पाइए है, सो इहां जिनकौं अपूर्वकरण मांडे पहला-समय है, तिन अनेक-जीवनि

के परिणामनि की समानता भी होइ वा असमानता भी होइ ; परन्तु जिनकों करण मांडें द्वितीयादिक समय भए, तिनकें परिणामनि तैं कदाचित् समानता न होइ, असै ही जिनकों अपूर्वकरण मांडें द्वितीयादिक समय भए हैं, तिनके परस्पर समानता वा असमानता अर ऊपरि के वा नीचले समयवाले तैं असमानता ही परिणामनि की जाननी । या ही तैं अपूर्वकरण असै नाम है ।

तहां सर्वधन च्यारि हजार छिनवै 'पदकदिसंखेण भाजिदे पचयं' इस सूत्र करि गच्छ आठ, ताका वर्ग चौंसठ, संख्यात की सहनानी च्यारि, इनका भाग सर्वधन कौ दीएं चय का प्रमाण सोलह आवै है । बहुरि 'व्येकपदार्धघ्नचयगुणो गच्छ उत्तरधनं' इस सूत्र करि एक घाटि गच्छ का आधा साढा तीन कौ चय सोलह करि गुणि, गच्छ आठकरि गुणिए, तब च्यारिसै अठतालीस होइ, सो प्रचय-धन जानना ।

बहुरि 'चयधणहीणं दव्वं पदभजिदे होदि आदिधणं'; इस सूत्र करि चयधन च्यारिसै अठतालिस कौ सर्वधन च्यारिहजार छिनवै मैस्यौं घटाएं छतीससै अठतालीस रहे, तिनकों गच्छ आठ का भाग दीएं च्यारिसै छप्पन पाए, सोई प्रथम-समय संबंधी भावनि का प्रमाण जानना । बहुरि 'आदिम्मि चये उड्डे पडिसमयधणं तु भावाणं' इस सूत्रकरि आदि के प्रमाण विषैं एक-एक चय का प्रमाण सोलह-सोलह क्रम तैं मिलाएं समय-समय संबंधी भावनि का प्रमाण होय । प्रथम-समय च्यारिसै छप्पन मै एक-चय मिलैं दूसरे समय च्यारिसै बहत्तरि, यामैं एक चय मिलैं तीसरे-समय च्यारिसै अठ्यासी— असैं ही अंत-समय पर्यंत जानना ।

अंकसंदृष्टि अपेक्षा

अपूर्वकरण का यंत्र

५६८
५५२
५३६
५२०
५०४
४८८
४७२
४५६
जोड़
४०९६

इस दृष्टांत करि अर्थ असै जानना अधःप्रवृत्तकरण के परिणाम असंख्यातलोक प्रमाण, तिनकों असंख्यातलोक गुणां कीएं अपूर्वकरण का सर्वधन हो है । अपूर्वकरण के काल का समयनि का प्रमाण सो गच्छ है । गच्छ का वर्ग कौ संख्यात-गुणा करि, ताका भाग सर्वधन कौ दीएं चय का प्रमाण हो हैं । एक घाटि गच्छ का आधा कौ चय करि गुणि गच्छकरि गुणैं प्रचय-धन का प्रमाण हो है । प्रचय-धन कौ सर्व-धन मैस्यौं घटाएं अवशेष कौ गच्छ का भाग दीएं प्रथम-समय के भावनि का प्रमाण हो है । द्वितीयादि समयनि विषैं प्रमाण के अर्थि एक-एक चय मिलाव तैं एक घाटि गच्छ प्रमाण चय मिलैं, अंत-समय विषैं प्रमाण हो हैं । इनकी संदृष्टि आगैं संदृष्टि-अधिकार विषैं लिखैंगे तहां

जाननी । बहुरि इहां यहु अर्थ है—

अपूर्वकरण का सर्वधन अधःप्रवृत्तकरण का सर्वधनस्यो असंख्यातलोक-गुणा है । तहां प्रथम-समय संबंधी परिणाम असंख्यात-लोक प्रमाण हैं । तिहिस्यो द्वितीयादिक-समयनि विषैं भी असंख्यात-लोक प्रमाण ही हैं, तथापि चयप्रमाणकरि बधते-बधते हैं । तहां प्रथम समय

संबंधी जघन्य-विशुद्धि परिणाम अधःप्रवृत्तकरण का अंत का समय का अंत का अनुकृष्टि-खंड के विशुद्धि-परिणाम तैं अनन्त-गुणा है । तिसतैं प्रथम-समय संबंधी उत्कृष्ट अनन्तगुणा है ; जातैं इहां भी असंख्यात-लोक प्रमाण षट्स्थान संभवै हैं । तीहिस्यों दूसरा-समय संबंधी जघन्य-परिणाम अनन्त-गुणा है ।

औसैं अंतसमय पर्यन्त जानना । बहुरि इहां ऊपरि के समय संबंधी परिणाम नीचले समय सम्बन्धी परिणामनि के समान कदाचित् न हो हैं ; तातैं अपूर्वकरण औसा नाम कहिए है ॥ ९१० ॥

आगैं अनिवृत्तिकरण का स्वरूप कहैं हैं—

**एकम्हि कालसमये, संठाणादीहिं जहा णिवट्टंति ।**

**ण णिवट्टंति तहावि य, परिणामेहिं मिहो जे हु ॥ ९११ ॥**

एकस्मिन् कालसमये, संस्थानादिभिर्यथा निवर्तते ।

न निवर्तते तथापि च, परिणामैर्मिथो ये हि ॥ ९११ ॥

**टीका** - जे जीव अनिवृत्तिकरण-काल का विवक्षित एक-समय विषैं शरीर का संस्थान, वर्ण, वय आदिकरि जैसैं निवर्तते कहिए भेदरूप हैं, कोई जीव कैं कैसा ही संस्थान, वर्णादिक पाइए, कोई जीव कैं कैसा ही पाइए है, तैसैं परिणामनि करि अधःकरण, अपूर्वकरणवत् नाहीं भेदरूप हो हैं । जिनकौं अनिवृत्तिकरण मांडैं पहिला-समय हो है औसैं त्रिकाल-संबंधी अनंते जीवनि के समान परिणाम ही होइ, अन्य-अन्य रूप सर्वथा न होइ । औसैं ही द्वितीयादिक समयवर्ती जीवनि कैं परस्पर समानता जाननी ॥ ९११ ॥

इस ही अर्थ कौं प्रगट करैं हैं—

**होति अणियट्टिणो ते, पडिसमयं जस्सिमेक्कपरिणामो ।**

**विमलयरझाणहुदवह, सिहाहि णिद्दुकम्मवणा ॥ ९१२ ॥**

भवन्ति अनिवर्तिनस्ते, प्रतिसमयं येषामेकपरिणामः ।

विमलतरध्यानहुतवह, शिखाभिर्निर्दग्धकर्मवनाः ॥ ९१२ ॥

**टीका** - जिस करण विषैं समय-समय प्रति अनेक जीवनि कैं एकरूप-एकरूप ही परिणाम हैं, ते परिणाम अतिशयकरि निर्मल ध्यान-सोई भया अग्नि, तिसकी शिखा करि दग्ध किए हैं कर्मरूप वन जिनकरि— औसे अनिवृत्तिरूप कहिए है । तिसका काल प्रमाणरूप गच्छ, सो अंक सहनानी करि च्यारि है । अर्थकरि अंतर्मुहूर्त प्रमाण है ॥ ९१२ ॥

इत्याचार्य श्री नेमिचन्द्र सिद्धान्त चक्रवर्ति विरचित गोम्मटसार द्वितीयनाम पंच संग्रह ग्रन्थ की जीवतत्त्व प्रदीपिका नामा संस्कृत टीका के अनुसार सम्यग्ज्ञानचन्द्रिका नामा भाषा टीका विषैं कर्मकाण्ड विषैं त्रिकरणचूलिका नामा आठवां अधिकार संपूर्ण भया ॥ ८ ॥

करि विनष्ट सवकर्मकी, थिति रचना सद्भाव ।  
परमेष्ठी परमात्मा, भए भजौं शिवराव ॥ ९ ॥

सिद्धे विसुद्धणिलये, पणडुकम्मे विणडुसंसारे ।

पणमिय सिरसा वोच्छं, कम्मड्डिरयणसब्भावं ॥ ९१३ ॥

सिद्धान् विशुद्धनिलयान् प्रणष्टकर्मणः निवष्टसंसारान् ।

प्रणम्य शिरसा वक्ष्यामि, कर्मस्थितिरचनासद्भावं ॥ ९१३ ॥

टीका — प्रकर्षपनै नष्ट भए हैं घाति-अघाति कर्म जिनके, बहुरि विशेषपनै नष्ट किया है संसार जिनिकरि, बहुरि शुद्ध-आत्मप्रदेशनि विषै हैं निलय-स्थान जिनिका—अैसे जु सिद्ध-परमेष्ठी, तिनहिं मस्तक नमाय प्रकर्षपनै नमस्कार करि कर्म-स्थिति रचना सद्भाव कौं कहौं हौं । कर्मनि की जो स्थिति, तिसविषै समय-समय प्रति निषेकनि विषै केता-केता कार्माण द्रव्य पाइए, अैसी रचना का जो अस्तित्व सत्तारूप कथन ताहि कहौं हौं । सो यहु कथन पूर्व भी प्रसंग पाइ जीवकांड का योग-अधिकार विषै वा कर्मकांड का बंध-उदय-सत्त्व अधिकार विषै कहा है ॥ ९१३ ॥

इहां गाथानि करि आचार्य कहै हैं—

कम्मसरूपेणागत, दव्वं ण य एदि उदयरूपेण ।

रूपेणोदीरणस्स य, आबाहा जाव ताव हवे ॥ ९१४ ॥

कर्मरूपेणागत, द्रव्यं न चैति उदयरूपेण ।

रूपेणोदीरणाया वा, आबाधा यावत्तावद्भवेत् ॥ ९१४ ॥

टीका — कर्मस्वरूप होइ करि परिणम्या अैसा जो कार्माण-द्रव्य सो यावत् काल उदयरूप होइ करि वा उदीर्णारूप होइ करि नाहीं परिणमै, तावत् काल आबाधा अैसा नाम कहिए है ।

भावार्थ—कर्म बंधै पीछै यावत् काल उदय वा उदीरणा रूप न होइ सकै, तिस काल का नाम आबाधा-काल है ॥ ९१४ ॥

उदयं पडि सत्तण्हं, आबाहा कोडिकोडि उवहीणं ।

वाससयं तप्पडिभागेण य सेसडिदीणं च ॥ ९१५ ॥

उदयं प्रति सप्तानामाबाधा कोटीकोटिरुद्धीनां ।

वर्षशतं तत्रतिभागेण च शेषस्थितीनां च ॥ ९१५ ॥

टीका — आयु का जुदा कथन कहैंगे ; तातैं सात मूल-प्रकृतिनि की आबाधा उदय की अपेक्षा एक कोडा-कोडि सागर की स्थिति की सौ-वर्ष है । शेष स्थितिनि की भी आबाधा इसही प्रतिभाग करि जाननी । सोई कहिए है—

एक कोडाकोडी-सागर स्थिति की आबाधा सौ वर्ष है ; तो ज्ञानावरण, दर्शनावरण, वेदनीय, अंतराय इनकी तीस कोडाकोडी-सागर स्थिति की कितनी आबाधा होइ ? जैसे प्रमाणराशि एक कोडाकोडी सागर, फलराशि सौ वर्ष, इच्छाराशि तीस कोडाकोडी सागर, फल करि इच्छा कौ गुणि प्रमाण का भाग दीएं तीन हजार वर्ष की आबाधा हो है । जैसे ही मोहनीय की सत्तरि कोडाकोडी सागर की सात हजार वर्ष आबाधा हो है । नाम, गोत्र की बीस कोडाकोडी सागर की दोय हजार वर्ष आबाधा भई ॥ ९१५ ॥

बहुरि विशेष कहैं हैं—

**अंतोकोडाकोडिट्टि दिस्स अंतोमुहुत्तमाबाहा ।**

**संखेज्जगुणविहीणं, सव्वजहण्णट्टिदिस्स हवे ॥ ९१६ ॥**

अंतः कोटीकोटि, स्थितेरंतर्मुहूर्त आबाधा ।

संख्यातगुणविहीनः सर्वजघन्यस्थितेर्भवेत् ॥ ९१६ ॥

टीका — कोडि तैं ऊपरि कोडाकोडी के नीचै होइ सो अंतः कोटाकोटि कहिए, सो इतने सागरनि की स्थिति की आबाधा अंतर्मुहूर्तमात्र है । एक कांडक का प्रमाण चौहत्तरि लाख सात हजार च्यारिसै सात अर ग्यारह का सत्ताईसमां-भाग, ताकौं दश कोडि सागर मैस्यों घटाएं नव कोडि पचीस लाख बाणवै हजार पांचसै बाणवै अर सोलह का सत्ताईसमां-भाग रहै, सो इतनी स्थिति की आबाधा-उत्कृष्ट अंतर्मुहूर्त प्रमाण है, तीहिस्यों संख्यातगुणी घाटि— ऐसी जु जघन्य-स्थिति, ताकी आबाधा तिसस्यों संख्यातगुणी घाटि है । उत्कृष्ट-अंतर्मुहूर्त कै संख्यातवें-भाग है ॥ ९१६ ॥

आयु की आबाधा कहैं हैं—

**पुव्वाणं कोडितिभागादासंखेपअद्ध वोत्ति हवे ।**

**आउस्स य आबाहा, ण ट्टिदिपडिभागमाउस्स ॥ ९१७ ॥**

पूर्वाणां कोटिभिर्भागादासंक्षेपाद्धा वा इति भवेत् ।

आयुषश्चाबाधा, न स्थितिप्रतिभाग आयुषः ॥ ९१७ ॥

टीका — आयुर्कर्म की आबाधा कोडि पूर्ववर्ष की तीसरा-भाग प्रमाण तैं लगाय असंक्षेपाद्धा पर्यंत एक-एक समय घाटि सर्व-भेद लीएं हैं । बहुरि कोडि पूर्ववर्ष की आबाधा तिसका त्रिभाग है, तौ तीन पल्य की स्थिति की आबाधा कितनी हो है— जैसे स्थिति का प्रतिभाग करि आयु की आबाधा का प्रमाण सिद्ध न हो है ; जातैं भुज्यमान-आयु अवशेष जितनी रहैं, परभव का आयु बधै तितना ही तहां बध्यमान-आयु की आबाधा का प्रमाण है, सो कर्मभूमि विषैं आयु का त्रिभाग अवशेष रहैं अर भोगभूमिया वा देव-नारकी कै नवमास वा छःमास अवशेष रहैं आयु-बंध की योग्यता हो हैं ; तातैं उत्कृष्ट-आबाधा पूर्वकोडिवर्ष का तीसरा-भाग है, सो जानना । बहुरि नहीं पाइए है आयु की आबाधा का संक्षेप घाटिपना ; जातैं ऐसा जो अद्धा-काल सो

असंक्षेपाद्धा कहिए है, सो जघन्य-आबाधा असंक्षेपबाद्धा-प्रमाण जाननी । ऐसैं उदय अपेक्षा आबाधा कही । बंधे पीछैं उदय होइ, तौ इतने काल पीछै हो है ॥ ९१७ ॥

आगैं उदीरणा अपेक्षा कहै हैं—

**आवलियं आबाहा, उदिरणमासिज्ज सत्तकम्माणं ।**

**परभवियआउगस्स य, उदीरणा णत्थि णियमेण ॥ ९१८ ॥**

आवलिकमाबाधा, उदीरणामाश्रित्य सप्तकर्मणां ।

परभवीयायुष्कस्य च, उदीरणा नास्ति नियमेन ॥ ९१८ ॥

टीका — उदीरणा का आश्रय करि आयु बिना सात-कर्म की आबाधा आवलीमात्र है, बंधे पीछैं उदीरणा होइ, तौ आवलीकाल भए ही हो जाइ । बहुरि परभव का बध्यमान आयु, ताकी नियमकरि उदीरणा नहीं है ; जातैं उदय आया भुज्यमान-आयु ही की उदीरणा देवनारकी अर उत्कृष्ट चरम शरीरी अर असंख्यात-वर्ष आयु के धारक मनुष्य, तिर्यच— इन बिना औरनि कै संभवै है ॥ ९१८ ॥

**आवाहूणियकम्म, द्विदी णिसेगो दु सत्तकम्माणं ।**

**आउस्स णिसेगो पुण, सगद्विदी होदि णियमेण ॥ ९१९ ॥**

आबाधोनितकर्मस्थि तिर्निषेकस्तु सप्त कर्मणां ।

आयुषो निषेकः पुनः, स्वकस्थितिर्भवति नियमेन ॥ ९१९ ॥

टीका — आयु बिना सात-कर्मनि की जेती उत्कृष्टादि-स्थिति है, तामैं आबाध-काल घटाएं जो रहैं, तिस काल के समयनि का प्रमाण, सोई निषेकनि का प्रमाण जानना । बहुरि आयुकर्म की जेती-स्थिति होइ, तिसके समयनि का जो प्रमाण, सोई निषेकनि का प्रमाण जानना । जातैं आयु की आबाधा पूर्वभव की आयु विषैं व्यतीत हो है ॥ ९१९ ॥

**आबाहं बोलाविय, पढमणिसेगम्मि देय बहुगं तु ।**

**ततो विसेसहीणं, बिदियस्सादिमणिसेओत्ति ॥ ९२० ॥**

आबाधां वा अपलाप्य, प्रथमनिषेके देयं बहुकं तु ।

ततो विशेषहीनं, द्वितीयस्यादिमनिषेक इति ॥ ९२० ॥

टीका — ज्ञानावरणादि कर्मनि की स्थिति विषैं आबाधाकाल भए पीछैं, पहिले-समय प्रथम-गुणहानि का प्रथमनिषेक है । तिसविषैं बहुत द्रव्य दीजिए है । ताके ऊपरि दूसरी-गुणहानि का प्रथम-निषेक पर्यंत एक-एक चय करि घाटि-घाटि द्रव्य दीजिए है ॥ ९२० ॥

**बिदिये बिदियणिसेगे, हाणी पुव्विल्लहाणिअद्धं तु ।**

**एवं गुणहाणिं पडि, हाणी अद्धद्धयं होदि ॥ ९२१ ॥**



द्वितीये द्वितीयनिषेके, हानिः पूर्वहान्यर्थं तु ।

एवं गुणहानिं प्रति, हानिरर्थार्थं भवति ॥ १२१ ॥

टीका — बहुरि दूसरी गुणहानि का दूसरा निषेक विषै तिस ही का पहला-निषेक तैँ एक-चय घाटि द्रव्य जानना । सो पहिली गुणहानि विषै जो निषेक-निषेक प्रति हानिरूप चय का प्रमाण था, तिसतैँ दूसरी गुणहानि विषै हानिरूप चय का प्रमाण आधा जानना । असैँ ऊपरि ऊपरि गुणहानि-गुणहानि प्रति हानिरूप चय का प्रमाण आधा-आधा जानना ॥ १२१ ॥

द्व्वं ठिदिगुणहाणीणद्धाणं दलसला णिसेयछिदी ।

अण्णोण्णगुणसलावि य, जाणेज्जो सव्वठिदिरयणे ॥ १२२ ॥

द्रव्यं स्थितिः गुणहानीनामध्वानं दलशला निषेकच्छितिः ।

अन्योन्यगुणशला अपि च, ज्ञातव्यं सर्वस्थितिरचनायां ॥ १२२ ॥

टीका — सर्व कर्मनि की स्थिति-रचना विषै द्रव्य एक, स्थिति-आयाम, गुणहानि-आयाम, दलशलाका कहिए नाना-गुणहानि, निषेकच्छेद कहिए दो-गुणहानि, अन्योन्याभ्यस्त— ए छहराशी जानने । तहां कर्मरूप परिणए पुद्गल-परमाणुं, तिनका प्रमाण, सो द्रव्य-राशि जानना । बहुरि पूर्वोक्त प्रकार कर्मनि की स्थिति के समयनि का प्रमाण, सो स्थिति-राशि जानना । बहुरि जहां दूणा-दूणा घाटि द्रव्य दीजिए— असैी गुणहानि, तिस एक गुणहानि विषै समयनि का प्रमाण, सो गुणहानि-आयाम-राशि जानना । बहुरि सर्वस्थिति विषै जितनी गुणहानि पाइए, तिनका प्रमाण, सो नाना-गुणहानि-राशि जानना । बहुरि गुणहानि के आयाम के प्रमाण कौं दूणा कीए जो प्रमाण होइ, सो दो-गुणहानि-राशि जानना । बहुरि नानागुणहानि का जितना प्रमाण होइ, तितने दोइ के अंक मांडि परस्पर गुणै जो प्रमाण होइ, सो अन्योन्याभ्यस्तराशि जानना ॥ १२२ ॥

१तेवद्धिं च सयाइं, अडदाला अट्टु छक्क सोलसयं ।

चउसद्धिं च विजाणे, दव्वादीणं च संदिट्ठी ॥ १२३ ॥

त्रिषष्टिश्च शतानि, अष्टचत्वारिंशदष्ट षट्कं षोडशकं ।

चतुःषष्टिं च विजानीहि, द्रव्यादीनां च संदृष्टिः ॥ १२३ ॥

टीका — तहां अंकनि की सहनानी विषै दृष्टांतरूप द्रव्य-तरेसठिसैँ, स्थिति-अडतालीस, गुणहानि-आयाम-आठ, नानागुणहानि-छह, दो गुणहानि सोलह, अन्योन्याभ्यस्त-चौंसठि जानने ॥ १२३ ॥

१-	अंकसंदृष्टिः	द्रव्य ६३००	स्थिति ४८	गुणहानि ८	नानागुणहा ६	दो गुणहा १६	अन्योन्याभ्यस्त ६४ ॥
	अर्थसंदृष्टिः	द्रव्य । स७	स्थिति । प	गुण = प छेना व छे	नागुणहा = छै व छे	दोगुण । प । २ छे व छे	अन्योन्याभ्यस्त । प व

द्रव्यं समयप्रबद्धं, उक्तप्रमाणं तु होदि तस्सेव ।

जीवसहस्यणकालो, ठिदिअद्धा संखपल्लमिदा ॥ ९२४ ॥

द्रव्यं समयप्रबद्धं, उक्तप्रमाणं तु भवति तस्यैव ।

जीवेन सह स्थानकालः, स्थित्यद्धा संख्यपल्यमिता ॥ ९२४ ॥

टीका - अर्थ-संदृष्टि विषै दृष्टांतरूप यथार्थ कथन करि द्रव्य तौ पूर्वोक्त प्रमाण समय-प्रबद्ध जानना, एक समय विषै जितने परमाणू बंधै, तिनका कथन पूर्वे प्रदेश-बंधाधिकार में करि आए हैं, सो तिनका प्रमाणरूप तौ द्रव्यराशि है । बहुरि जो बंध्या समयप्रबद्ध, सो यावतकाल जीव की साथि अवस्थानरूप रहै, सो स्थिति का अद्धा कहिए-आयाम है, सो स्थिति संख्यात-पल्यप्रमाण है, सो तिसके समयनि का प्रमाण सोई स्थितिराशि है ॥ ९२४ ॥

मिच्छे वर्गशलाय, प्पहुदिं पल्लस्स पढममूलोत्ति ।

वर्गहदी चरिमो तच्छि, दिसंकलिदं चउत्थो य ॥ ९२५ ॥

मिच्छे वर्गशलाक, प्रभृति पल्यस्य प्रथममूलमिति ।

वर्गहतिश्चरम तच्छिति संकलितं चतुर्थश्च ॥ ९२५ ॥

टीका - द्रव्य, स्थिति, गुणहानि आयाम, दो गुणहानि— इनकी संदृष्टि तौ सातौ-कर्मनि की समान हैं । इहां द्रव्यस्थिति यद्यपि हीनाधिक है, तथापि सामान्यपनै द्रव्य समय-प्रबद्ध प्रमाण, स्थिति संख्यात-पल्य प्रमाण कहनेकरि समानता जाननी । बहुरि नानागुणहानि अर अन्योन्याभयस्तराशि समान नाही है ; तातैं इनिका विशेष कह्या चाहैं हैं । तहां ही सत्तरि कोडाकोडि-सागर की जाकी स्थिति अैसा मिथ्यात्व नामा कर्म विषै प्रथम ही कहै हैं । तहां पल्य की वर्गशलाका आदि पल्य का प्रथम मूलपर्यंत जे द्विरूप-वर्गधारा के स्थान, तिनकौं अर तिनहीं के अर्धच्छेदनि कौं अर तिनहीं की वर्गशलाकानि कौं स्थापनकरि तीन पंक्ति करिए ।

प्रथम-पंक्ति विषै तौ पल्य की वर्गशलाका का प्रमाण नीचै लिखिए, याका वर्ग याके ऊपरि लिखिए । अैसैं क्रम तैं प्रथम मूलपर्यंत वर्गस्थान लिखिए । दूसरी-पंक्ति विषै पल्य की वर्गशलाका के अर्धच्छेदनि तैं लगाय दूणे-दूणे पल्य का प्रथम-वर्गमूल के अर्धच्छेद पर्यंत लिखिए । तीसरी-पंक्ति विषै पल्य की वर्गशलाका की वर्गशलाका तैं लगाय एक-एक अधिक प्रमाण लीएं पल्य का प्रथममूलकी वर्गशलाकापर्यंत लिखिए ।

तहां प्रथम-पंक्ति के राशि, तिनकौं परस्पर गुणै पल्य की वर्गशलाका का भाग पल्य कौं दीएं जो प्रमाण आवै, तितना भया, सोई चरमः कहिए अंत का छठा अन्योन्याभ्यस्त-राशि प्रमाण जानना । बहुरि दूसरी-पंक्ति का जोड़ दीं पल्य की वर्गशलाका का अर्धच्छेदनि का प्रमाण कौं पल्य का अर्धच्छेदनि का प्रमाण मैस्यो घटाएं जो प्रमाण रहै, तितना भया । कैसै ? सो कहिए है—

द्विरूप वर्गधारा विषै अर्धच्छेद स्थान-स्थान प्रति दूणे कहे थे, सो 'अंतधणं गुणगुणियं आदिविहीणं रूऊणुत्तर पदभजियं' इस करण-सूत्र करि जोड़ दीजिए । गुणकार करतां अंत विषै जो प्रमाण होइ, ताकौं जितने का गुणकार होइ ताकरि गुणिए । तिसविषै पहिलैं जितना-प्रमाण होइ सो घटाइए । जो प्रमाण होइ, ताकौं एक घाटि गुणकार का भाग दीजिए, यों करता जो प्रमाण होइ, सो ही गुणकार रूप सर्व-स्थाननि का जोड़ जानना ।

सो इहां अंत विषै पल्य के अर्धच्छेदनि तैं आधे पल्य के प्रथम-मूल के अर्धच्छेद हैं । तिनकौं गुणकार इहां दोय, तिनकरि गुणिए तब पल्य का अर्धच्छेद प्रमाण भया, तिस विषै पल्य की वर्गशलाका का अर्धच्छेदनि का प्रमाण घटाइए, तब पल्य की वर्गशलाका का अर्धच्छेद-राशि करि हीन पल्य का अर्धच्छेद-राशि का जो प्रमाण तितना भया । गुणकार दोय में एक घटाएं एक रह्या, ताका भाग दीएं तितने ही रहे, सो इहां चौथाराशि नानागुणहानि ताका प्रमाण जानना । इस कथन कौं अंकसंदृष्टि करि दिखाइए है—

पल्य का प्रमाण पण्णट्टी (६५५३६) तिसकी वर्गशलाका च्यारि, ताका वर्ग सोलह, ताका वर्ग पण्णट्टी का प्रथम वर्गमूल दोयसै छप्पन— ए तीनों प्रथम-पंक्ति विषै लिखने । बहुरि इन तीनों के अर्धच्छेद च्यारि के तौ दोय, सोलह के च्यारि, दोयसै छप्पनके आठ— ए तीनों दूसरी-पंक्ति विषै लिखने । बहुरि तिनही तीनों की वर्गशलाका च्यारि की तौ एक, सोलह की दोय, दोयसै छप्पन की तीन— ए तीनों तीसरी-पंक्ति विषै लिखने ।

तहां प्रथम-पंक्ति विषै च्यारि, सोलह, दोयसौ छप्पन कौं परस्पर-गुणे सोलह हजार तीनसै चौरासी होइ । बहुरि पण्णट्टी कौं अपनी वर्गशलाकाच्यारि का भाग दीएं भी इतने ही हो हैं । बहुरि दूसरी-पंक्ति विषै दोय, च्यारि, आठ, तहां अंतधणं गुणगुणियं इत्यादि सूत्रकरि जोडिए, तब अंतधन आठ, ताकौं गुणकार दोयकरि गुणै सोलह, तामैं आदि दोय घटाएं चौदह, एक घाटि गुणकार एक का भाग दीएं भी चौदह, तिन तीनों का जोड़ जानना । सोई पण्णट्टी के अर्धच्छेद सोलह, तामैं तिस पण्णट्टी का वर्गशलाका च्यारि, ताके अर्धच्छेद दोय घटाएं भी चौदह ही होइ । तीसरी-पंक्ति का इहां प्रयोजन नाही । इस दृष्टांत करि पूर्वोक्त कथन कौं नीकैं समझना । औसैं सत्तर कोडाकोडि सागर स्थिति का धारी मिथ्यात्व नामा कर्म की अन्योन्याभ्यस्तराशि वा नानागुणहानिराशि कह्या । औरनि की आगैं कहेंगे ॥ ९२५ ॥

**वग्गसलायेणवहिद पल्लं अण्णोण्णगुणिदरासी हु ।**

**णाणागुणहाणिसला, वग्गसलच्छेदणूणपल्लच्छिदी ॥ ९२६ ॥**

वर्गशलाकयावहित, पल्यमन्योन्यगुणितराशिर्हि ।

नानागुणहानिशला, वर्गशलच्छेदन्यूनपल्यच्छित्तिः ॥ ९२६ ॥

**टीका** — जैसे पल्य की वर्गशलाका का भाग पल्य कौं दीएं जो प्रमाण होइ, तितना तौ अन्योन्याभ्यस्तराशि जानना । बहुरि पल्य की वर्गशलाका के अर्धच्छेदनि कौं पल्य के अर्धच्छेदनि में घटाएं जो प्रमाण होइ, तितना नानागुणहानि-राशि जानना ॥ ९२६ ॥

आगैं गुणहानि-आयाम का प्रमाण कहैं हैं—

**सव्वसलायाणं जदि, पयदणिसेये लहेज्ज एक्कस्स ।**

**किं होदित्ति णिसेये, सलाहिदे होदि गुणहाणी ॥ ९२७ ॥**

सर्वशलाकानां यदि, प्रकृतनिषेके लभ्यते एकस्य ।

किं भवतीति निषेके, शलाहिते भवति गुणहानिः ॥ ९२७ ॥

**टीका** — सर्व नानागुणहानि-शलाकानि का जो स्थिति के सर्व-निषेक होंइ, तौ एक गुणहानि-शलाका के केते निषेक होंइ— जैसे त्रैराशिक करना । तहां प्रमाणराशि नानागुणहानि का प्रमाण, सो इहां पल्य की वर्गशलाका का अर्धच्छेदनि करि हीन पल्य का अर्धच्छेद प्रमाण है । अर फलराशि सर्व-स्थिति के निषेक, सो इहां संख्यात-पल्य-प्रमाण हैं । अर इच्छाराशि शलाका एक-तहां फलकरि इच्छा कौं गुणि प्रमाण का भाग दीएं जो प्रमाण होइ, सोई गुणहानि-आयाम का प्रमाण जानना । जैसे अंकसंदृष्टि करि प्रमाणराशि नानागुणहानि छह, फलराशि स्थिति-अडतालीस, इच्छाराशि एक गुणहानि । फल करि इच्छा कौं गुणि प्रमाण का भाग दीएं गुणहानि-आयाम का प्रमाण आठ हो है । एक गुणहानि विषैं एते निषेक पाइए है ॥९२७ ॥

आगैं दो गुणहानि का प्रमाण वा ताका प्रयोजन कहैं हैं—

**दोगुणहाणिपमाणं, णिसेयहारो दु होइ तेण हिदे ।**

**इद्वे पढमणिसेये, विसेसमागच्छदे तत्थ ॥ ९२८ ॥**

द्विगुणहानिप्रमाणं, निषेकहारस्तु भवति तेन हिते ।

इष्टे प्रथमनिषेके, विशेष आगच्छति तत्र ॥ ९२८ ॥

**टीका** — गुणहानि-आयाम के प्रमाण कौं दूणा कीएं दो गुणहानि हो है । इसही का निषेकहार ऐसा नाम है । इस दो गुणहानि प्रमाण भागहार का भाग विवक्षित-गुणहानि के पहिले निषेक कौं दीएं जो प्रमाण आवै, सोई तिस गुणहानि विषैं विशेष जानना । निषेक-निषेक प्रति जितने-जितने आदि-निषेक तैं अंत-निषेक पर्यंत घटते जांहि वा अंत-निषेक तैं आदि-निषेकपर्यंत बधते जाहि, तितने प्रमाण का नाम विशेष है वा इसही का नाम चय है ॥ ९२८ ॥

जैसे द्रव्यादि का प्रमाण का ज्ञान करवाय अन्य कार्य कहैं हैं—

रूऊणणोण्णब्भत्थ, वहिददव्वं च चरिमगुणदव्वं ।

होदि तदो दुगुणकमो, आदिमगुणहाणिदव्वोत्ति ॥ १२९ ॥

रूपोनान्योन्याभ्यस्ता, वहितद्रव्यं च चरमगुणद्रव्यं ।

भवति ततो द्विगुणक्रममादिमगुणहानिद्रव्यमिति ॥ १२९ ॥

टीका — एक घाटि अन्योन्याभ्यस्त-राशि का भाग सर्व-द्रव्य कौं दीएं जो प्रमाण आवै, सोई अंत-गुणहानि का द्रव्य जानना । यातैं दूणा-दूणा आदि-गुणहानिपर्यंत द्रव्य जानना । अंकसंदृष्टि करि मिथ्यात्व का सर्वद्रव्य तरेसठिसै, याकौं एक घाटि अन्योन्याभ्यस्तराशि तरेसठि का भाग दीएं सौ पाए, “सौ” अंत की छठी-गुणहानि का द्रव्य जानना । यातैं पंचमी आदि गुणहानि विषैं दूणा-दूणा द्रव्य पहिली-गुणहानि पर्यंत जानना—

१००
२००
४००
८००
१६००
३२००

॥ १२९ ॥

असै नाना-गुणहानि विषैं द्रव्य जानि कहा करना ? सो कहै हैं—

रूऊणद्धाणद्धेणूणेण णिसेयभागहारेण ।

हदगुणहाणिविभजिदे, सगसगदव्वे विसेसा हु ॥ १३० ॥

रूपोनाध्वानार्धेनेनेन निषेकभागहारेण ।

हतगुणहानिविभाजिते, स्वकस्वकद्रव्ये विशेषा हि ॥ १३० ॥

टीका — विवक्षित-गुणहानि के द्रव्य कौं एक घाटि गुणहानि-आयाम प्रमाण जो गच्छ, ताका आधा प्रमाण कौं निषेक-भागहार जो दो गुणहानि, तामैं घटाएं जो प्रमाण रहै, ताकरि गुणहानि-आयाम कौं गुणैं जो प्रमाण होइ, ताका भाग दीएं जो प्रमाण आवै, सोई तिस गुणहानि विषैं विशेष जानना । अंक-संदृष्टि करि गुणहानि-आयाम का प्रमाण आठ, एक घटाएं सात, ताके आधे साढा तीन, याकौं निषेक भागहार सोलह में घटाएं साढा बारा, ताकरि गुणहानि आयाम-आठ कौं गुणैं सौ होइ, ताका भाग प्रथम-गुणहानि का द्रव्य बत्तीससै कौं दीएं बत्तीस पाया, सोई प्रथम गुणहानि विषैं चय का प्रमाण हो है । दूसरी-गुणहानि का द्रव्य सोलहसै कौं ताका भाग दीएं सोलह पाया, सोई द्वितीय गुणहानि विषैं चय है । असैं ही तृतीयादि-गुणहानि का द्रव्य आठसै, च्यारिसै, दोयसै, सौ कौं ताका भाग दीएं आठ, च्यारि, दोय, एक पाए, सोई तिन गुणहानि विषैं चय जानना । चय कौं जानने कौं पूर्व विधान कह्या था ; परंतु पहिले ही आदि-निषेक का ज्ञान कैसे होइ ? तातैं इहां अन्य विधान कह्या ॥ १३० ॥

पचयस्य य संकलणं, सगसगगुणहाणिद्व्वमज्झमिह ।

अवणिय गुणहाणिहिदे, आदिपमाणं तु सव्वत्थ ॥ ९३१ ॥

प्रचयस्य च संकलनं, स्वकस्वकगुणहानिद्रव्यमध्ये ।

अपनीय गुणहानिहिते, आदिप्रमाणं तु सर्वत्र ॥ ९३१ ॥

टीका — विवक्षित-गुणहानि कौं मिलाएं सर्व चयधन का जो प्रमाण होइ, ताकौं अपना-अपना गुणहानि का सर्वद्रव्य मैस्यों घटाएं जो प्रमाण रहै, ताकौं गुणहानि-आयाम का भाग दीएं जो प्रमाण आवै, सोई, आदि कहिए चयरहित अंत का निषेक विषै प्रमाण जानना । यामैं क्रम तैं एक-एक चय बधावतैं एक घाटि गुणहानि प्रमाण चय मिलैं प्रथम-निषेक विषै प्रमाण हो है । अंकसंदृष्टि करि प्रथम-गुणहानि विषै 'व्येकपदार्धघ्नचयगुणो गच्छ उत्तरधनं' इस करण सूत्र करि एक घाटि गच्छ सात, ताकौं आधा साढा तीन, ताका चय, बत्तीस करि गुणै एकसौ बारह, ताकौं गच्छ आठ करि गुणै आठसै छिनवै होइ, सोई प्रचयधन जानना । याकौं सर्वद्रव्य बत्तीससै में घटाएं तेईससै च्यारि रहै । तिन कौं गुणहानि आठ का भाग दीएं दोयसै अठ्यासी भए, सोई अंत-निषेक का प्रमाण है । यामैं एक-एक चय बत्तीस-बत्तीस बधाएं द्वितीयादि निषेकनि विषै प्रमाण हो है । याही प्रकार द्वितीयादि गुणहानि विषै चय का प्रमाण आधा-आधा है ; तातैं प्रचयधन भी आधा-आधा है । ताकौं सर्व-द्रव्य भी आधा-आधा है, तामैं घटाएं जो-जो प्रमाण रहै, ताकौं गुणहानि-आयाम का भाग दीएं अंत-निषेक होइ, यामैं अपना-अपना एक चय मिलाएं अन्य निषेक हो है ।

### अंक-संदृष्टि करि निषेकनि का यंत्र

प्रथम गुणहानि	द्वितीय गुणहानि	तृतीय गुणहानि	चतुर्थ गुणहानि	पंचम गुणहानि	षष्ठ गुणहानि
२८८	१४४	७२	३६	१८	९
३२०	१६०	८०	४०	२०	१०
३५२	१७६	८८	४४	२२	११
३८४	१९२	९६	४८	२४	१२
४१६	२०८	१०४	५२	२६	१३
४४८	२२४	११२	५६	२८	१४
४८०	२४०	१२०	६०	३०	१५
५१२	२५६	१२८	६४	३२	१६
जोड ३२००	१६००	८००	४००	२००	१००

याप्रकार जैसे अंकसंदृष्टि करि कथन कीया तैसे ही यथार्थ कथन जानना । विशेष इतना—  
इहां प्रमाण जैसा कहिए तैसे जानना । सो अर्थ दिखाए हैं—


कोई जीव विवक्षित एक समय विषै मिथ्यात्व, अविरत, कषाय, योगनि करि आयु बिना सात-कर्मनि के उत्कृष्ट-समय प्रबद्ध कौं सर्व आत्मा के प्रदेशनि करि ग्रहण करै है । सो उत्कृष्ट-समय-प्रबद्ध, जघन्य-समय-प्रबद्ध तैं पल्य के अर्धच्छेदां के असंख्यातवें-भाग गुणा है । अपवर्तन कीएं जघन्य-समय-प्रबद्ध तैं असंख्यात-गुणा है । इस उत्कृष्ट समय-प्रबद्ध के परमाणूनि का प्रमाणरूप द्रव्य कौं सात का भाग दीएं मोहनीय का द्रव्य होइ । बहुरि याकों अनंत का भाग दीएं मोहनीय का सर्वघाती-द्रव्य होई, याकों एक-मिथ्यात्व, सोलह-कषाय— इनि सतरहनि का भाग दीएं मिथ्यात्व का द्रव्य होइ, सो यहु तौ सर्वद्रव्य का प्रमाण जानना । बहुरि इस मिथ्यात्व की सत्तर कोडाकोडि सागर के जेते समय होंहि तीहि प्रमाण स्थिति जाननी । बहुरि पल्य की वर्गशलाका का अर्धच्छेदनि करि हीन जैसे पल्य के अर्धच्छेदनि का जेता प्रमाण, तितनी नानागुणहानि है । बहुरि नानागुणहानि प्रमाण दोय का अंक मांडि परस्पर गुणै पल्य की वर्गशलाका करि हीन पल्यप्रमाण अन्योन्याभ्यस्तराशि जाननी । इस अन्योन्याभ्यस्तराशि मैस्यो एक घटाय, याका भाग सर्वद्रव्य कौं दीएं, जो प्रमाण होइ, सो अंत का गुणहानि का द्रव्य जानना । तीसूं नीचे २ आदि की गुणहानिपर्यंत द्रव्य दूणा-दूणा जानना । बहुरि—

रूऊणद्धाणद्धेणूणेण णिसेयभागहारेण ।

हदगुणहाणिविभजिदे सगसग (गुणहाणि) दव्वे विसेसा हु ॥ ९३० ॥ कर्म ।

इस सूत्र करि एक घाटि गुणहानि-आयाम प्रमाण गच्छ, ताका आधा प्रमाण कौं दो-गुणहानि मैस्यो घटाएं जो प्रमाण अर्ध अधिक ड्योढ-गुणहानि प्रमाण भया, ताकों गुणहानि-आयाम करि गुणै जो प्रमाण होइ, ताका भाग विवक्षित-गुणहानि के द्रव्य कौं दीएं जो प्रमाण आवै, तितना-तितना अपनी-अपनी गुणहानि विषै विशेष जानना । बहुरि 'व्येकपदार्धघ्नचयगुणो गच्छ उत्तरधनं' इस सूत्र करि एक घाटि गुणहानि-आयाम प्रमाण गच्छ का आधा कौं अपना-अपना चयकरि गुणि तिस गच्छ करि गुणै जो-जो प्रमाण होइ, तितना-तितना अपनी-अपनी गुणहानि विषै प्रचयधन जानना । बहुरि प्रचयधन कौं अपनी-अपनी गुणहानि का द्रव्य मैस्यो घटाएं अवशेष रहै, ताकों गुणहानि-आयाम का भाग दीएं जो-जो प्रमाण होइ, सो-सो अपनी-अपनी गुणहानि का अंतनिषेक विषै द्रव्य हो हैं । यामै एक-एक अपना-अपना चय प्रथम-निषेक पर्यंत मिलाएं, अन्य निषेकनि विषै प्रमाण हो है । एक घाटि गुणहानि प्रमाण चय अंत-निषेक विषै मिलै आदि-निषेक विषै चय कौं दो-गुणहानि करि गुणै जो प्रमाण होइ, तितना प्रमाण हो है । जैसे अंत-निषेक कौं आदि स्थापि क्रम तैं चय करि बधता-बधता अनुक्रम करि कथन कीया । बहुरि प्रथम-निषेक तैं अंत-निषेकपर्यंत घटता-घटता अनुक्रम करि त्रिकोणरचनावत् जानना । सो कहिए है—

प्रथम-गुणहानि के द्रव्य कौं गुणहानि-आयाम का भाग दीएं बीचि विषै प्रमाणरूप मध्यम-धन होइ । जैसे— प्रथम-गुणहानि का द्रव्य बत्तीससै कौं गुणहानि आठ का भाग दीएं मध्य-धन च्यारिसै होइ । इहां चौथा, पांचवां निषेक का प्रमाण मिलाय आधा कीजिए, सोई मध्य-धन जानना । याकौं एक घाटि गुणहानि-आयाम का आधा करि हीन निषेक भागहार का भाग दीएं चय का प्रमाण हो है । जैसे एक घाटि गुणहानि सात, ताका आधा साढा तीन, सो निषेक-भागहार सोला-मैं घटाएं साढा बारा हैं ताका भाग मध्यधन च्यारिसै कौं दीएं चय का प्रमाण बत्तीस हो है । इस चय कौं दोयगुण-हानि करि गुणै प्रथम-निषेक हो है । जैसे चय प्रमाण बत्तीस कौं दोगुणहानि सोला करि गुणै पांचसै बारह प्रमाण रूप प्रथम-निषेक हो है । यामैं एक २ चय घटाएं अंत-निषेक एक अधिक गुणहानि प्रमाण चय रूप होइ । जैसे गुणहानि आठ, एक अधिक कीएं नव अर चय प्रमाण बत्तीस, सो नव बत्तीस के दोयसै अठ्यासी भए, सोई अंतनिषेक विषै प्रमाण जानना । जैसे ही और गुणहानि विषै भी जानना । संदृष्टि—



इस रचना विषै प्रथम-गुणहानि का आदि-निषेक विषै पांचसै बारह, मध्यनिषेक के ग्रहणनिमित्त बीचि बिंदी लिखीं, अंतनिषेक विषै दोयसै अठ्यासी । बहुरि मध्यगुणहानि के निषेक ग्रहणनिमित्त बीचि बिंदी लिखीं । बहुरि अंत-गुणहानि विषै प्रथम-निषेक सोलह, बीचि के ग्रहण निमित्त बिंदी, अंतनिषेक विषै नव— ऐसी अंक-संदृष्टि है । अर्थ-संदृष्टि सबही आगें संदृष्टि-अधिकार विषै लिखेंगे तहां जाननी । जैसे यहु मिथ्यात्व का कथन उत्कृष्ट-स्थिति वा उत्कृष्ट समय-प्रबद्ध की अपेक्षा कहा है, तैसे याही का मध्य, जघन्य-स्थिति वा समय-प्रबद्ध की अपेक्षा वा अन्य-प्रकृतिनि की यथासंभव विवक्षित-स्थिति वा समय-प्रबद्ध की अपेक्षा कथन जानना । जैसी जहां स्थिति होइ, तैसा तहां स्थिति का प्रमाण जानना । बहुरि जैसा जहां समयप्रबद्ध होइ, तैसा तहां द्रव्य का प्रमाण जानना । दो गुणहानि अर गुणहानि-आयाम का प्रमाण सर्व विषै समान



जानना । नाना-गुणहानि अन्योन्याभ्यस्तराशि स्थिति के अनुसारि जानना । ऐसैं आयु बिना सात-कर्मनि की स्थिति विषैं निषेक-रचना समय-समय प्रति हो हैं ॥ ९३१ ॥

**सव्वासिं पयडीणं, णिसेयहारो य एयगुणहाणी ।**

**सरिंसा हवंति णाणा, गुणहाणिसलाउ वोच्छामि ॥ ९३२ ॥**

सर्वासां प्रकृतीनां, निषेकहारश्च एकगुणहानिः ।

सदृशे भवन्ति नाना, गुणहानिशला वक्ष्यामि ॥ ९३२ ॥

टीका - सर्व मूलोत्तर प्रकृतिनि का निषेकहार जो दोगुणहानि अर एक-गुणहानि-आयाम-ए दोऊ तौ समान हैं । बहुरि नानागुणहानि-शलाका स्थिति के अनुसारि हैं ; तातैं समान नाहीं । सो तिन नाना-गुणहानि शलाकानि कौं कहैं हैं ॥ ९३२ ॥

**मिच्छत्तस्स य उत्ता, उवरीदो तिण्णि तिण्णि संमिलिदा ।**

**अट्टगुणेणूणकमा, सत्तसु रइदा तिरिच्छेण ॥ ९३३ ॥**

मिथ्यात्वस्य च उक्ता, उपरितः त्रयस्त्रयः संमिलिताः ।

अष्टगुणेनोन्क्रमाः, सप्तसु रचिता तिरश्चा ॥ ९३३ ॥

टीका - मिथ्यात्व-प्रकृति के जे पल्य वर्गशलाका के अर्धच्छेदनि कौं आदि दैकरि पल्य के प्रथम-मूल के अर्धच्छेदनि पर्यंत दूणे-दूणे अर्धच्छेद एक-एक वर्गस्थान विषैं कहे, तिनिकौं स्थापन करि ऊपरि तैं पल्य का प्रथम-मूल तैं लगाय तीन-तीन वर्ग-स्थाननि के अर्धच्छेदराशि मिलाइए, ते आठ-आठ गुणा घाटि अनुक्रम तैं हो हैं । सोही कहिए है—

पल्य के प्रथम-वर्गमूल के अर्धच्छेद पल्य के अर्धच्छेदनि तैं आधे, इनतैं आधे पल्य के दूसरा-वर्गमूल के अर्धच्छेद, इनतैं आधे पल्य के तीसरा-वर्गमूल के अर्धच्छेद, इनि तीनू का जोड़ दीजिए 'अंतधणं गुणगुणियं आदिविहीणं रूऊणुत्तरभजियं' इस सूत्र करि अंत विषैं धन पल्य के अर्धच्छेदनि तैं आधे प्रथम-मूल के अर्धच्छेद, इनकौं गुणकार दौय करि गुणै पल्य के अर्धच्छेद प्रमाण होहि, इनविषैं आदि के पल्य के तीसरा-मूल के अर्धच्छेद, पल्य के अर्धच्छेदनि के आठवें-भाग तैं घटाइए, तब सात-गुणा पल्य के अर्धच्छेदनि का आठवां-भाग आया, एक घाटि गुणकार एक ताका भाग दीएं भी तितने ही रहे, सोई तिन तीनू राशीनि का जोड़ जानना ।

ऐसैं ही करि पल्य के चौथा, पांचवां, छठा वर्गमूल के अर्धच्छेद पल्य के अर्धच्छेदनि तैं सोलहे बत्तीसवें, चौसठिवें भाग हैं । तिन तीनों राशि का जोड़ पूर्ववत् दीएं सात-गुणा पल्य के अर्धच्छेदनि का चौसठिवां-भाग भया, सो पूर्वले जोड़ तैं आठ-गुणा घाटि हूवा । ऐसैं ही पहले-पहलैं तैं आधे-आधे सातवां, आठवां, नवां, पल्य का वर्गमूल के अर्धच्छेदनि कौं जोड़े सातगुणा पल्य के अर्धच्छेदनि का पांचसै बारहवां भाग भया, सो पूर्वले जोड़ तैं आठ-गुणा घाटि हूवा ।

याहीं प्रकार उतरि-उतरि करि तीन-तीन वर्गस्थाननि के अर्धच्छेद जोड़ें आठ-आठ गुणे घाटि होते जायं, बहुरि उतरते-उतरते पल्य की वर्ग-शलाका का आठवां, सातवां, छठा वर्ग के अर्धच्छेद पल्य की वर्ग-शलाका के अर्धच्छेदनि तैं दोयसै छप्पन गुणे, एकसौ अट्ठाईसगुणे, चौसठ गुणे हैं। तिन तीन-राशि कौं जोड़ें पल्य-वर्गशलाका का अर्धच्छेदनि तैं च्यारिसै अठतालीस गुणा हूवा।

बहुरि पल्य की वर्ग-शलाका का पांचवां, चौथा, तीसरा वर्ग के अर्धच्छेद, पल्य की वर्गशलाका का अर्धच्छेदनि तैं बत्तीस, सोलह, आठ गुणे हो हैं। तिन तीन-राशि के जोड़ें पल्य-वर्गशलाका अर्धच्छेदनि तैं छप्पन गुणे हो हैं, ते पूर्वाशि तैं आठगुणे घाटि भए। बहुरि पल्य की वर्गशलाका का दूसरा-वर्ग, पहला-वर्ग अर वर्गशलाका इन तीनों के अर्धच्छेद पल्य की वर्गशलाका का अर्धच्छेदनि तैं चौगुणे, दूणे, इकगुणे हैं, तिन तीनों के जोड़ें पल्य की वर्गशलाका के अर्धच्छेदनि तैं सात-गुणे हो हैं। सो पूर्वाशि तैं आठगुणा घाटि भए।

असै आठ-आठ गुणा घाटि जानना। इहां पल्य का वर्गमूल करिए, सो प्रथम-मूल जानना। प्रथम मूल का वर्गमूल करिए, सो दूसरा मूल जानना। दूसरा मूल का वर्गमूल करिए, सो तीसरा मूल जानना। असै ही चौथा आदि मूल जानने।

बहुरि पल्य की वर्गशलाका का वर्ग करिए, सो प्रथम-वर्ग जानना। प्रथम-वर्ग का वर्ग करिए, सो दूसरा-वर्ग जानना। ताका वर्ग करिए, सो तीसरा वर्ग जानना। असै ही चौथा आदि वर्ग जानना। सो पल्य का पहला, दूसरा, तीसरा मूल के अर्धच्छेद जोड़ें जो राशि भई, तीहिस्यों लगाय तीन-तीन स्थाननि के अर्धच्छेद जोड़ें, जो-जो राशि पल्य की वर्ग-शलाका का दूसरा, पहला-वर्ग अर पल्य की वर्ग शलाका, इन तीनों के अर्धच्छेद जोड़ें, जो-जो राशि होइ, तहां पर्यंत सर्व जोडे हुए असंख्यात-राशि जुदे-जुदे सात-स्थाननि विषै आगै-आगै रचना रूप करने ॥९३३॥

छे७ ८	छे७ ८	छे७ ८	छे७ ८	छे७ ८	छे७ ८
छे७ ८१८	छे७ ८१८	छे७ ८१८	छे७ ८१८	छे७ ८१८	छे७ ८१८
छे७ ८१८१८	छे७ ८१८१८	छे७ ८१८१८	छे७ ८१८१८	छे७ ८१८१८	छे७ ८१८१८
०	०	०	०	०	०
०	०	०	०	०	०
०	०	०	०	०	०
वछे७।८।८	वछे७।८।८	वछे७।८।८	वछे७।८।८	वछे७।८।८	वछे७।८।८
वछे७।८	वछे७।८	वछे७।८	वछे७।८	वछे७।८	वछे७।८
वछे७	वछे७	वछे७	वछे७	वछे७	छे७

तत्थंतिमच्छिदिस्स य, अट्टमभागो सलायछेदा हु ।

आदिमरासिप्रमाणं, दसकोडाकोडिपडिबद्धे ॥ ९३४ ॥

तत्रांतिमच्छित्तेश्चाष्टमभागः शलाकच्छेदा हि ।

आदिमराशिप्रमाणं, दशकोटीकोटिप्रतिबद्धे ॥ ९३४ ॥

टीका - तिन पूर्वोक्त सात-पंक्तिनि विषेँ पहली-पंक्ति विषेँ जो-जो तीन-तीन का जोड दीएं राशि भया, तिन सबनि कौं जुदा-जुदा फलराशि करिए अर सबनि विषेँ दश कोडाकोडि सागर प्रमाण इच्छा राशि करिए, अर सत्तर कोडाकोडि सागर प्रमाणराशि करिए— अैसें त्रैराशिक करि फलराशि कौं इच्छाराशि करि गुणें प्रमाण का भाग दीए जो-जो प्रमाण होइ, सो-सो मांडि तिन सबनि का जोड दीए जो प्रमाण होइ, तितनी दश कोडाकोडि सागर प्रमाण स्थिति संबंधी नानागुणहानि शलाका जाननी । तिनिके जोड़ देने का विधान कहिए है—

‘अंतधणं गुणगुणियं आदिविहीणं’ रूऊणुत्तरभजियं; इस सूत्र करि पल्य का पहिला, दूसरा, तीसरा वर्गमूल के अर्धच्छेद मिलै सातगुणा पल्य के अर्धच्छेदनि के आठवें भागि भए, तिनकौं दस कोडाकोडि सागर करि गुणिए, सत्तर कोडाकोडि सागर का भाग दीए, पल्य का अर्धच्छेदनि के आठवें-भाग प्रमाण भया, सो इहां अंत-धन जानना । याकौं जोड-जोड़ प्रति गुणकार आठ, सो आठ करि गुणें पल्य के अर्धच्छेद प्रमाण भया, या मैस्यों आदि घटावना, सो पल्य की वर्ग-शलाका का दूसरा, पहिला वर्ग अर पल्य की वर्ग-शलाका— इन तीनों के अर्धच्छेद मिलै सातगुणें पल्य की वर्ग-शलाका के अर्धच्छेद भए, तिनकौं दश कोडाकोडी सागर करि गुणें सत्तर कोडाकोडि सागर का भाग दीएं पल्य की वर्गशलाका के अर्धच्छेद प्रमाण भया, सोई आदि जानना । इतने घटाएं अवशेष जे रहे तिनकौं गुणकार आठ मैं एक घटाएं सात, ताका भाग दीएं जो पल्य की वर्गशलाका का अर्धच्छेदनि करि हीन पल्य के अर्धच्छेदनि का सातवां-भाग प्रमाण भया, सो दस कोडाकोडि सागर स्थिति संबंधी नानागुणहानि शलाका का प्रमाण जानना ।

बहुरि इतने दूवे मांडि परस्पर गुणें अन्योन्याभ्यस्त-राशि होइ, ताका प्रमाण ल्यावने कौं तीहि नाना-गुण हानि विषेँ ऋणरूप पल्य की वर्ग-शलाका के अर्धच्छेदनि का सातवां-भाग कह्या, सो ताकौं तौ जुदा राखिए अर अवशेष पल्य के अर्धच्छेदनि का सातवां-भाग रह्या, ताकी सहनानी के अर्थि आठ ही का गुणकार करिए अर आठ ही का भागहार करिए । तहां गुणकार मैस्यों एक घटाइ जुदा राखिए अवशेष सात का गुणकार रह्या अर पहलै सात का भागहार था, सो दोऊनि कौं समान जानि अपवर्तन कीजिए— दोऊनि कौं दूरि कीजिए ।

अैसें करतैं पल्य का अर्धच्छेदनि का आठवां-भाग भया, सो इतने दोय के अंक मांडि परस्पर-गुणें पल्य का तीसरा-वर्गमूल भया ; जातैं भागहार के जेते अर्धच्छेद होहि, तितने वर्ग-स्थान भाज्यराशि तैं नीचैं कौं गए उत्पन्नराशि का प्रमाण हो है । सो इहां भागहार आठ है, सो ताके अर्धच्छेद तीन, सो पल्य तैं नीचैं तीसरा-वर्गस्थान पल्य का तृतीय-मूल है । बहुरि जो गुणकार मैस्यों एक जुदा राख्या था, सो पल्य का छप्पनवां-भाग गुणकार था, तिसतैं पल्य का छप्पनवां-भाग प्रमाण रह्या, तामैं ऋणरूप पल्य की वर्गशलाका के अर्धच्छेदनि का सातवां-भाग

घटाएं जो अवशेष रहें, तितने दोय के अंक मांडि परस्पर-गुणें असंख्यात-गुणा पल्य का पांचवां वर्गमूल मात्र असंख्यात प्रमाण भया सो—

विरलिदरासीदो पुण जेत्तियमेत्ताणि अहियरूवाणि ।

तेसिं अण्णोण्हदी गुणगारो लद्धरासिस्सु ॥ ११० ॥ त्रिलोकसार ॥

इस सूत्र के अनुसारि तैं अधिक राशि का परस्पर गुणन तैं राशि होइ सो जो गुणकार रूप हो है तातैं तिस असंख्यात करि पल्य के तीसरे-वर्गमूल कौं गुणें जो प्रमाण होइ, तितना दश कोडाकोडी सागर संबंधी अन्योन्याभ्यस्त-राशि जानना ॥ ९३४ ॥

आगैं बीस कोडाकोडि आदि स्थितिसंबंधी नानागुणहानि वा अन्योन्याभ्यस्तराशि कहिये है—

इगिपंतिगदं पुध पुध, अप्पिट्टेण य हदे हवे णियमा ।

अप्पिट्टस्स य पंती, णाणागुणहाणिपडिबद्धा ॥ ९३५ ॥

एकपंक्तिगतं पृथक् पृथगात्पेष्टेन च हते भवेन्नियमात् ।

आत्पेष्टस्य च पंक्तयो, नानागुणहानिप्रतिबद्धाः ॥ ९३५ ॥

टीका — अवशेष छह-पंक्तिनि विषैं एक-एक पंक्ति विषैं जैसें दश कोडाकोडी सागर संबंधी प्रथम-पंक्ति विषैं सर्व तीन-तीन स्थान का जोड़ रूप-राशि जुदा-जुदा फल-राशि कीया था, तैसें ही सब छहौं-पंक्तिनि विषैं फलराशि करना । बहुरि प्रथम-पंक्ति विषैं इच्छाराशि दश कोडाकोडी सागर कहा, तिस इच्छाराशि करि फलराशि का गुणन कीया । इहां छह-पंक्तिनि विषैं अपने-अपने इष्टरूप प्रथम-पंक्ति विषैं बीस कोडाकोडी सागर, दूसरी-पंक्ति विषैं तीस कोडाकोडी सागर प्रमाण, तीसरी-पंक्ति विषैं चालीस कोडाकोडी सागर, चौथी-पंक्ति विषैं पचास कोडाकोडी सागर, पांचवीं-पंक्ति विषैं साठ कोडाकोडी सागर, छठी-पंक्ति विषैं सत्तर कोडाकोडी सागर प्रमाण इच्छाराशि करि गुणन करना । बहुरि जैसें प्रथम-पंक्ति विषैं प्रमाणराशि सत्तर कोडाकोडी सागर का भाग दीया था, तैसें इहां भी सर्वत्र प्रमाणराशि सत्तर कोडाकोडी सागर का भाग देना । यों करता जो-जो प्रमाण आवै, सो-सो अपने इष्टरूप बीस कोडाकोडि सागर आदि स्थिति संबंधी नाना गुणहानि-शलाका की पंक्ति हो है ॥ ९३५ ॥

अप्पिट्टपंतिचरिमो, जेत्तियमेत्ताण वग्गमूलाणं ।

छिदिणिवहोत्ति णिहाणिय, सेसं य य मेलिदे इट्ठा ॥ ९३६ ॥

आत्पेष्टपंक्तिचरमः, यावन्मात्राणां वर्गमूलानां ।

छित्तिनिवह इति निर्धार्य, शेषं च च मेलिते इष्टा ॥ ९३६ ॥

टीका — अपनी-अपनी इष्ट-पंक्ति विषैं यावत अंत-स्थान होइ, तितने वर्ग-मूलनि का अर्धच्छेदन का समूह— जैसें निर्धारि करि सबनि कौं मिलाएं अपने-अपने इष्ट-विवक्षित की

नाना-गुणहानि हो है । तहां मिलावने का विधान दश कोडाकोडी सागर संबंधी पंक्ति विषै जैसे कह्या, तैसे ही अंतधणं गुणगुणियं आदिविहीणं रूऊणुत्तरभजियं इस सूत्र करि जानना । विशेष इतना-अंतधन अर आदि इनिका जो प्रमाण दश कोडाकोडी सागर संबंधी पंक्ति विषै कह्या, तिसतै इनि छहौं-पंक्तिनि विषै क्रम तै दूणा, तिगुणा, चौगुणा, पंचगुणा, छहगुणा, सातगुणा जानना ; जातै इच्छाराशि के दुगुणा, तिगुणा आदि होतै पंक्ति विषै सर्व ही दूणे, तिगुणे आदि होइ गये । तहां बीस कोडाकोडी सागर संबंधी पंक्ति विषै अंतधन पल्य का अर्धच्छेदनि के चौथे-भाग, तिसकौं गुणकार आठ करि गुणें पल्य के अर्धच्छेदनि तै दूणा प्रमाण भया तिस विषै आदि का प्रमाण पल्य की वर्गशलाका के अर्धच्छेदनि तै चौदह-गुणे सो घटाइए, सो इस प्रमाण कौं स्तोक जानि तामै किंचित्-ऊन करणा । बहुरि ताकौं एक घाटि गुणकार सात, ताका भाग देना— अैसे करतै किंचित्-ऊन दूणा पल्य के अर्धच्छेदनि का सातवां-भाग प्रमाण जोड भया, सो इतनी नाना-गुणहानि राशि जाननी ।

बहुरि इस प्रमाण कौं पूर्वोक्तप्रकार सहनानी के अर्थि आठ करि गुणिए आठ ही का भाग दीजिए, तहां गुणकार में एक जुदा राखि अवशेष सात का गुणकार रह्या अर पहलै सात का भागहार था, तिनकौं समान जानि अपवर्तन कीया । अवशेष किंचित्-ऊन पल्य के अर्धच्छेदनि के दोय का गुणकार आठ का भागहार रह्या, तिनके अपवर्तन कीएं किंचित्-ऊन पल्य के अर्धच्छेदनि का चौथा-भाग रह्या, सो इतने दूवे मांडि परस्पर-गुणन कीएं किंचित्-ऊन पल्य का द्वितीय मूल भया । बहुरि जो जुदा एक गुणकार राख्या था, सो गुणकार किंचित्-ऊन दूणा पल्य के अर्धच्छेदनि के छप्पनवां-भाग प्रमाण था ; तातै तितने दूवे मांडि परस्पर-गुणे यथायोग्य असंख्यात भया, तिस करि गुणें असंख्यातगुणा किंचित्-ऊन पल्य का द्वितीय-वर्गमूल प्रमाण, ताका अन्योन्याभ्यस्त-राशि भया ।

बहुरि तीस कोडाकोडी सागर संबंधी पंक्ति विषै पूर्वोक्त प्रकार जोड दीएं किंचित्-ऊन तिगुणें पल्य के अर्धच्छेदनि का सातवां-भाग प्रमाण भया, सो इतनी नानागुणहानि-राशि है । बहुरि याकौं सहनानी के अर्थि आठ करि गुणिए आठ का भाग दीजिए गुणकार मैस्यो एक जुदा राखिए अवशेष सात का गुणकार अर पहला सात का भागहार दोऊनि का अपवर्तन करिए— अैसे करतै किंचित्-ऊन तिगुणा पल्य के अर्धच्छेदनि का आठवां-भाग भया, सो इहां तिगुणा पल्य के अर्धच्छेदनि का आठवां-भाग कह्या, तामै एक-गुणा प्रमाण दूवे मांडि परस्पर-गुणें पल्य का तृतीय-मूल भया । अर अवशेष दोयगुणा प्रमाण दूवे मांडि परस्पर-गुणें पल्य का द्वितीय-मूल होइ । इनिकौं परस्पर गुणें पल्य के तीसरे मूल तै गुण्या हूवा पल्य का दूसरा-वर्गमूल प्रमाण होइ, तामै किंचित्-ऊन करना ।

बहुरि एक गुणकार जुदा राख्या था, सो गुणकार किंचित्-ऊन तिगुणा पल्य के अर्धच्छेदनि के छप्पनवां-भाग का भाग था ; तातैं तितने दूवे मांडि परस्पर-गुणें यथायोग्य असंख्यात् भया । ताकरि गुणें असंख्यातगुणा किंचित्-ऊन पल्य का तीसरा-मूल करि गुण्या हुवा पल्य का दूसरा-वर्गमूल प्रमाण अन्योन्याभ्यस्त-राशि हो है ।

बहुरि चालीस कोडाकोडी सागर संबंधी पंक्ति विषैं पूर्वोक्त प्रकार जोड दीएं किंचित्-ऊन चौगुणा पल्य के अर्धच्छेदनि का सातवां-भाग भया, सो इतना नानागुणहानि-राशि जानना । बहुरि याकौं सहनानी के अर्थि आठ करि गुणिए आठ का भाग दीजिये, तहां गुणकार में एक जुदा राखि अवशेष सात का गुणकार अर पूर्वे सात का भागहार था, सो दोऊनि का अपवर्तन कीएं किंचित्-ऊन पल्य के एक अर्धच्छेदनि तैं आधे रहे, सो इतने दूवे मांडि परस्पर-गुणें किंचित्-ऊन पल्य का प्रथम-मूल भया । बहुरि जुदा एक गुणकार राख्या था, सो गुणकार किंचित्-ऊन चौगुणा पल्य के अर्धच्छेदनि के छप्पनवां-भाग का था ; तातैं तितने दूवे मांडि परस्पर-गुणें यथायोग्य-असंख्यात भया । ताकरि गुणें असंख्यात-गुणा किंचित्-ऊन पल्य का प्रथम-मूल प्रमाण अन्योन्याभ्यस्त-राशि हो है ।

बहुरि पचास कोडाकोडी सागर संबंधी पंक्ति विषैं पूर्वोक्त प्रकार जोड दीएं किंचित्-ऊन पांच-गुणा पल्य के अर्धच्छेदनि का सातवां-भाग प्रमाण हो है, सो इतनी तौ नानागुणहानि-राशि जाननी । बहुरि ताकौं सहनानी के अर्थि आठ करि गुणिये आठ का भाग दीजिए, तहां गुणकार विषैं एक जुदा राखि अवशेष सात का गुणकार अर पहलैं सात का भागहार था, सो दोऊनि का अपवर्तन कीएं किंचित्-ऊन पांच-गुणा पल्य का अर्धच्छेदनि का आठवां-भाग प्रमाण होइ । सो इहां पांचगुणा कह्या था, तामैं एक गुणा पल्य के अर्धच्छेदनि का आठवां-भाग प्रमाण दूवा मांडि परस्पर-गुणें पल्य का तृतीय-मूल होइ । अर अवशेष च्यारि-गुणा तीहि प्रमाण दूवे मांडि परस्पर-गुणें पल्य का प्रथम-मूल होइ । इनिकौं परस्पर गुणिए जो राशि होइ, ताकौं एक गुणकार जुदा राख्या था, सो वह किंचित्-ऊन पांच-गुणें पल्य के अर्धच्छेदनि का छप्पनवां-भाग का गुणकार था ; तातैं तितने दूवे मांडि परस्पर गुणें असंख्यात होइ, ताकरि गुणें असंख्यात करि गुणा हूवा किंचित् ऊन पल्य का तीसरा-वर्गमूल करि गुण्या पल्य का प्रथम-मूल प्रमाण अन्योन्याभ्यस्त-राशि हो है ।

बहुरि साठ कोडाकोडी सागर प्रमाण स्थिति संबंधी पंक्ति विषैं पूर्ववत् जोड दीएं किंचित्-ऊन छह-गुणां पल्य का अर्धच्छेदनि का सातवां-भाग हो है । सो इतना नानागुणहानि-राशि है । बहुरि याकौं सहनानी के अर्थि आठ करि गुणिए आठ का भाग दीजिए, तहां गुणकार विषैं एक जुदा राखि अवशेष सात का गुणकार अर अगिला सात का भागहार दोऊनि का अपवर्तन करना । अिसैं करतैं किंचित्-ऊन तिगुणा पल्य के अर्धच्छेदनि का चौथा-भाग भया, सो इतने दूवे मांडि परस्पर गुणें किंचित्-ऊन पल्य का द्वितीय-मूल तैं गुण्या पल्य का प्रथम-मूल प्रमाण हो है ।

बहुरि एक गुणकार जुदा राख्या था, सो वह किंचित् छह-गुणा ऊन पल्य के अर्धच्छेदनि का छप्पनवां-भाग का गुणकार था ; तातैं तितने दूवे मांडि परस्पर-गुणै असंख्यात भया, ताकरि गुणै असंख्यातगुणा किंचित्-ऊन पल्य का द्वितीय-मूल तैं गुण्या हूवा पल्य का प्रथम-मूल प्रमाण अन्योन्याभ्यस्त-राशि हो है ।

बहुरि सत्तर-कोडाकोडी सागर संबंधी पंक्ति विषैँ पूर्ववत् जोड दीएं पल्य की वर्गशलाका का अर्धच्छेदनि करि हीन पल्य के अर्धच्छेद प्रमाण हो है, सो इतनी नानागुणहानि-राशि जानना । बहुरि पल्य के अर्धच्छेद प्रमाण दूवे मांडि परस्पर-गुणै पल्य होइ । बहुरि—

विरलिदरासीदो पुण जेत्तियमेत्ताणि हीणरूवाणि ।

तेसिं अण्णोण्हदी हारो उष्णरासिस्स ॥ १११ ॥ त्रिलोकसार ॥

इस सूत्र के अनुसार तैं जेते हीन रूप थे, तिन प्रमाण परस्पर-गुणन तैं जो राशि होइ, सो उत्पन्नराशि का भागहार होइ ; तातैं पल्य की वर्गशलाका अर्धच्छेद प्रमाण दूवे मांडि परस्पर-गुणै पल्य की वर्गशलाका होइ सो घटाइए— औसैं पल्य की वर्गशलाका करि हीन पल्यप्रमाण अन्योन्याभ्यस्त-राशि हो है । औसैं स्थिति अपेक्षा नानागुणहानि अन्योन्याभ्यस्त-राशि कह्या, सो जिस कर्म-प्रकृति की जितनी स्थिति होइ, ताकी तीहि स्थिति संबंधी यथायोग्य जानना ॥ ९३६ ॥

कहे जे अन्योन्याभ्यस्त-राशि तिनकौं गाथानि करि कहैं हैं—

**इट्टसलायपमाणे, दुगसंवग्गे कदे दु इट्टस्स ।**

**पयडिस्स य अण्णोण्णा, भत्थपमाणं हवे णियमा ॥ ९३७ ॥**

इष्टशलाकाप्रमाणे, द्विकसंवर्गे कृते तु इष्टस्य ।

प्रकृतेश्चान्योन्याभ्यस्तप्रमाणं भवेन्नियमात् ॥ ९३७ ॥

टीका — अपनी-अपनी इष्ट-शलाका जो नाना-गुणहानि-शलाका, तीहिं प्रमाण दोय के अंक मांडि संवर्ग जो परस्पर-गुणन ताकौं कीएं, परस्पर-गुणै अपनी इष्ट प्रकृति का अन्योन्याभ्यस्त-राशि का प्रमाण हो है नियमकरि ॥ ९३७ ॥

सो कहा किस कर्म का हो है, औसा प्रश्न होतैं कहैं हैं—

**आवरणवेदणीये, विग्घे पल्लस्स बिदियतदियपदं ।**

**णामागोदे बिदियं, संख्यातीदं हवंतित्ति ॥ ९३८ ॥**

आवरणवेदनीये, विघ्ने पल्यस्य द्वितीयतृतीयपदं ।

नामगोत्रे द्वितीयं, संख्यातीतं भवंतीति ॥ ९३८ ॥

टीका — ज्ञानावरण, दर्शनावरण, वेदनीय, अंतराय इनि विषैँ उत्कृष्टस्थिति तीस कोडाकोडी सागर है ; तातैँ इनिका अन्योन्याभ्यस्त-राशि है सो पल्य का द्वितीय-मूल कौँ असंख्यात तृतीय-मूलनि करि गुणैँ जो प्रमाण होइ, तितनी है । बहुरि नाम, गोत्र विषैँ उत्कृष्ट-स्थिति बीस कोडाकोडी सागर है ; तातैँ इनिका अन्योन्याभ्यस्त-राशि असंख्यातगुणा पल्य का द्वितीय-वर्गमूल प्रमाण है ॥ ९३८ ॥

आउस्स य संखेज्जा, तप्पडिभागा हवन्ति णियमेण ।

इदि अत्थपदं जाणिय, इट्ठिदिस्साणए मदिमं ॥ ९३९ ॥

आयुषश्च संख्येयास्तत्रतिभागा भवन्ति नियमेन ।

इति अर्थपदं ज्ञात्वा, इष्टस्थितेरानयेत् मतिमान् ॥ ९३९ ॥

टीका — आयुर्कर्म का जुदा ही स्थिति भेद है, सो ताकी नानागुणहानि शलाका स्थिति का बटवारा के अनुसारि नियम तैँ है, सो सत्तर कोडाकोडी सागर स्थिति का पल्य की वर्गशलाका का छेदनि करि हीन पल्य के अर्धच्छेद प्रमाण नानागुणहानि शलाका होइ, तो तेतीस सागर स्थिति की कितनी नानागुणहानि-शलाका होइ— अैसेँ त्रैराशिक करि जो लब्धराशि आवै, तितनी नानागुणहानिशलाका जाननी । अैसेँ ही विवक्षित-स्थान जान बुद्धिमान जीव है, सो विवक्षित-स्थिति की नानागुणहानिशलाका का प्रमाण बनावै । अैसेँ एकगुणहानि-आयाम वा नानागुणहानि शलाका वा निषेक-भागहार वा अन्योन्याभ्यस्तराशि जानैँ कहा सो कहैँ हैं—

उक्कस्सट्ठिदिबंधे, सयलावाहा हु सव्वठिदिरयणा ।

तक्काले दीसदि तो, धोधो बंधट्ठिदीणं च ॥ ९४० ॥

उत्कृष्टस्थितिबंधे, सकलाबाधा हि सर्वस्थितिरचना ।

तत्काले दृश्यते अतोऽधोधो बंधस्थितीनां च ॥ ९४० ॥

टीका — विवक्षित-प्रकृति का उत्कृष्टस्थिति बंध होतैँ तीहि का बंधसमय विषैँ ही उत्कृष्ट आबाधा अर सर्वस्थिति की रचना देखिए है । तिस स्थिति के अंत के निषेक तैँ नीचैँ-नीचैँ प्रथम निषेकपर्यंत स्थितिबंधरूप जे स्थिति, तिनकी एक-एक समय हीनता देखनी । अंत का निषेक की विवक्षित समय-प्रबद्ध की स्थिति-प्रमाण स्थिति है ताके नीचैँ द्विचरम-निषेक की ; तातैँ एक समय घाटि स्थिति है । अैसेँ ही आदि-निषेक पर्यंत जानि लेनी ॥ ९४० ॥

अैसेँ स्थिति की अधिकता कैसैँ देखिये, सो कहिए हैं—



**आबाधाणं बिदियो, तदियो कमसो हि चरमसमयो दु ।**

**पढमो बिदियो तिदियो, कमसो चरिमो णिसेओ दु ॥ ९४१ ॥**

आबाधानां द्वितीयः, तृतीयः क्रमशो हि चरमसमयस्तु ।

प्रथमो द्वितीयः तृतीयः, क्रमशश्चरमो निषेकस्तु ॥ ९४१ ॥

**टीका** - सर्व-प्रकृतिनि का बंध समय विषैँ सर्व आबाधा सर्वनिषेक रूप जो स्थिति, ताका बंध होने के अनंतरि-समयनि विषैँ, आबाधा-काल का दूसरा-समय, तीसरा-समय— अैसेँ एक-एक बंधता आबाधा-काल का अंत विषैँ अंतसमय होइ । तहां पीछैँ पहले समय प्रथम-निषेक, दूसरे-समय दूसरा-निषेक, तीसरे-समय तीसरा-निषेक— अैसेँ ही क्रम तैँ स्थिति का अंत समय विषैँ अंतनिषेक हो है, सो जिस-जिस समय जितनी परमाणूनि का समूहरूप निषेक है, तिस-तिस समय तितनी परमाणू उदयरूप हो है, तिस उदयरूप समय के अनंतरि ते परमाणू कर्मस्वभाव कौं छांडै है— अैसा अर्थ जानना । अैसेँ करि प्रथम-निषेक तैँ द्वितीय-निषेक की एक समय अधिक स्थिति दूसरे तैँ तीसरे की अधिक है । अैसेँ करि एक-एक समय अधिक-स्थिति देखिए है ॥ ९४१ ॥

आगैँ समयप्रबद्धप्रमाण द्रव्य, सो वर्तमान एक समय विषैँ बंधै है, वा उदय रूप हो है अैसा कहै है—

**समयप्रबद्धप्रमाणं, होदि तिरिच्छेण वट्टमाणम्मि ।**

**पडिसमयं बंधुदओ, एक्को समयप्रबद्धो दु ॥ ९४२ ॥**

समयप्रबद्धप्रमाणं, भवति तिरिच्छा वर्तमाने ।

प्रतिसमयं बंधोदय, एकः समयप्रबद्धस्तु ॥ ९४२ ॥

**टीका** - त्रिकोण-रचना विषैँ विवक्षित जो कोई वर्तमान समय, तीहिं विषैँ विवक्षित मोहनीय-कर्म का आबाधारहित उत्कृष्ट-स्थितिमात्र जो काल का प्रमाण, तीहिं विषैँ जे समय-समय बंधे समयप्रबद्ध, तिनविषैँ जिनि निषेकनि की निर्जरा भई सो तौ भई, अवशेष रहे तिन निषेकनि विषैँ प्रथम समय-प्रबद्ध का अंत-निषेक तैँ लगाइ अंत समय-प्रबद्ध का आदि निषेक पर्यंत तिर्यग् बरोबरि रचना रूप एक-एक निषेक मिलि करि संपूर्ण एक समय प्रबद्ध प्रमाण द्रव्य हो है । तिसका वर्तमान समय विषैँ उदय हो है ; तातैँ समय-समय प्रति एक-एक समयप्रबद्ध उदय रूप हो है । बहुरि समय-समय प्रति एक-एक समय-प्रबद्ध का ही बंध हो है ॥ ९४२ ॥

आगैँ समय-समय प्रति बंध, उदय एक-एक समय-प्रबद्ध है, सो यातैँ बंध, उदय का समुदाय रूप सत्त्व भी तितना ही होगा— अैसा संदेह दूरि करने कौं कहै है—

**सत्तं समयप्रबद्धं, दिवडुगुणहाणिताडियं ऊणं ।**

**तियकोणसरूवट्टिद, दव्वे मिलिदे हवे णियमा ॥ ९४३ ॥**

सत्त्वं समयप्रबद्धं द्वयर्धगुणहानिताडितमूनं ।

त्रिकोणस्वरूपस्थितद्रव्यं मिलिते भवेन्नियमात् ॥ १४३ ॥

**टीका** — सत्तारूप परमाणूनि का समूहरूप सत्त्व द्रव्य सो किंचित् ऊन ड्योढ गुणहानि करि गुण्या हूवा समय-प्रबद्ध प्रमाण है, सो त्रिकोणरचना के सर्वद्रव्य का जोड दीएं इतना ही हो है नियम करि सो पूर्वे जीवकांड का योगाधिकार विषै अर कर्मकांड का बंध, उदय, सत्त्व अधिकार विषै प्रसंग पाइ त्रिकोण-यंत्र लिख्या है वा तहां ही कैसे समय-समय प्रति एक-समयप्रबद्ध प्रमाण का उदय हो है ? कैसे किंचित ऊन ड्योढ गुणहानि करि गुणित समय-प्रबद्ध प्रमाण सत्त्व है ? सो कहा है । बंध समय-समय समयप्रबद्ध प्रमाण प्रदेश-बंध का कथन विषै है । सो सर्व कथन तहां तैं जानि लेना । बारंबार न लिखने के अर्थि इहां न लिख्या है । इहां संदृष्टि मात्र अंकसंदृष्टिरूप त्रिकोण-यंत्र लिखिए है—

सो इसका ऐसा अर्थ अंक-संदृष्टि करि जानना, जिस समय-प्रबद्ध के सर्व-निषेक सत्ता रूप पाइए, तिसके अठतालीसौं निषेक नीचैं ही नीचैं लिखे । बहुरि ताके ऊपरि जिस समय-प्रबद्ध का प्रथम-निषेक गलि गया अवशेष सैंतालीस-निषेक रहे ते लिखे । बहुरि ताके ऊपरि जिसका पहला, दूसरा-निषेक गलिगया, तिसके छियालीस-निषेक लिखे— औसैं एक-एक निषेक घाटि लिखतैं अंत विषै जिस समय-प्रबद्ध के सैंतालीस-निषेक गलिगये, ताका अंत का एक निषेक लिख्या— औसैं तौं सत्ता अपेक्षा यहु रचना जाननी । बहुरि वर्तमान विवक्षित-समय तैं आगैं जैसे एक समय-प्रबद्ध का बंध होइ, तैसा ही एक समय-प्रबद्ध की निर्जरा होइ ; तातैं सत्ता की रचना जैसे कही तैसे रहै । इहां दोय यंत्र लिखे हैं, तिनविषै सत्ता विषै पहला-यंत्र ही की रचना का ग्रहण जानना । सो इस सर्व त्रिकोण-यंत्र का जोड दीएं किंचित्-ऊन ड्योढ-गुणहानि-आयाम करि गुणित समय-प्रबद्ध हो है । सोई सत्त्व-द्रव्य का प्रमाण जानना ।

बहुरि विवक्षित वर्तमान-समय विषै जिस समयप्रबद्ध के सैंतालीस-निषेक पूर्वे गलि गए, ताका एक अंत का निषेक उदय रूप है । जाके छियालीस-निषेक गलि गए, ताका द्विचरम-निषेक उदय रूप है, अंत का निषेक अगिले-समय विषै उदय होगा, इसही क्रम तैं जाका एक भी निषेक पूर्वे गल्या नहीं, ताका प्रथम-निषेक उदयरूप है, अन्य निषेक अगले-समयनि विषै उदय होंहिगे । औसैं अंत का निषेक तैं लगाय आदि का निषेक पर्यंत सर्व निषेकनि का जोड दीएं एक समय-प्रबद्ध का उदय हो है । बहुरि ताके ऊपरि तिस विवक्षित-समय के अनंतरि जो समय वर्तमान होइ, तहां जिस समय-प्रबद्ध का पूर्व समय विषै अंतनिषेक का उदय भया था, ताके तौ सर्वनिषेक गलि गये । बहुरि जिसका द्विचरम-निषेक उदय रूप था, ताका तहां अंत का निषेक उदय-रूप हो है ।

बहुरि पूर्वोक्त प्रकार एक-एक निषेक का उदय होतैं जाका प्रथमनिषेक का उदय भया था, ताका इहां दूसरा-निषेक का उदय होइ अर तिस समय-प्रबद्ध के पीछै समयप्रबद्ध बंध्या था,

ताका प्रथम-निषेक इहां उदयरूप होइ । असैं इस समय विषैं भी एक समयप्रबद्ध ही का उदय भया । असैं समय-समय प्रति एक-एक समय-प्रबद्ध का उदय जानना । तिस अपेक्षा त्रिकोण-रचना विषैं जो दोय रचना करी हैं ; तिनकों मिलाये, बरोबरि एक पंक्ति का जोड़ दीएं समय-समय प्रति समयप्रबद्ध प्रमाण का जोड़ आवै है । इस संदृष्टि रूप त्रिकोण-यंत्र विषैं तिर्यक्-रचना वा ऊर्ध्वरचना विषैं कितनेक आदि-निषेक वा कितनेक अंत-निषेक लिखे अर बीचि बिंदी लिखी सो बिंदी लिखने की इहां ऐसी समस्या है जो आदि के वा अंत के निषेक लिखे तिनके बीचि मध्य के जेते निषेक रहे, ते सर्व जानि लेने, सो संपूर्ण त्रिकोण-यंत्र पूर्वे लिख्या है सो जानना ॥१४३ ॥

आगैं इस सत्तारूप त्रिकोण-यंत्र के जोड़ देने का विधान कहैं हैं—

**उवरिमगुणहाणीणं, धनमंतिमहीणपढमदलमेत्तं ।**

**पढमे समयप्रबद्धं, ऊणकमेणडिया तिरिया ॥ १४४ ॥**

उपरितनगुणहानीणां, धनमंतिमहीनप्रथमदलमात्रं ।

प्रथमे समयप्रबद्धमूनक्रमेण स्थितं तिरश्चा ॥ १४४ ॥

टीका - त्रिकोण-रचना विषैं विवक्षित वर्तमान-समय विषैं प्रथमगुणहानि के प्रथम निषेक विषैं तौ तिर्यक्-रूप बरोबरि लिखे निषेक, तिनिका समुदायरूप संपूर्ण समयप्रबद्ध प्रमाण हो है । बहुरि ताके ऊपरि द्वितीय-निषेक तैं लगाय अंत की गुणहानि का अंतनिषेक पर्यंत अनुक्रम तैं चय घाटि का अनुक्रम करि तिर्यक् बरोबरि रचनारूप तिष्ठती द्वितीयादिक-गुणहानि के जोड़ तैं अंत की गुणहानि के जोड़ कौं अपनी-अपनी पहली-गुणहानि का जोड़ मैस्यों घटाएं जो-जो प्रमाण होइ, ताका आधा-आधा हो है । बहुरि प्रथम गुणहानि का जोड़ गुणहानि का प्रमाण करि समय-प्रबद्ध कौं गुणैं जो प्रमाण होइ, तितना हो है ॥

**भावार्थ—**

इहां त्रिकोणरचना विषैं जो नीचै ही नीचै प्रथमपंक्ति विषैं बरोबरि रूप लिख्या, ताकौं प्रथम-गुणहानि का प्रथम-निषेक कहिए । ताके ऊपरि पंक्तिनि विषैं जे लिखे, तिनकौं प्रथम-गुणहानि का द्वितीयादि-निषेक कहिए । बहुरि गुणहानि-आयाम प्रमाण पंक्ति पूर्ण भए पीछै, ताके ऊपरि जो पंक्ति है, ताकौं द्वितीय-गुणहानि का प्रथम-निषेक कहिए । ताके ऊपरि-पंक्ति कौं द्वितीय-निषेक कहिए । एसैं गुणहानि प्रमाण पंक्ति पूर्ण भएं, ताके ऊपर-पंक्ति कौं तृतीय-गुणहानि का प्रथम-निषेक कहिए । असैं ही अंत की गुणहानि पर्यंत जानना । सो याका अर्थ अंकसंदृष्टिरूप त्रिकोणयंत्र विषैं दिखाइए है—

नीचै ही नीचै बरोबरि पंक्ति विषैं नव का निषेकस्यों लगाय पांचसै बारा का निषेक पर्यंत सर्व-निषेक लिखे, ताकौं प्रथम-गुणहानि का प्रथम-निषेक कहिए । सो इस पंक्ति का जोड़ दीएं

संपूर्ण समयप्रबद्धप्रमाण तरेसठिसै हो है । बहुरि ताके ऊपरि दूजी-पंक्ति विषै नव का निषेकस्यो लगाय च्यारिसै असी का निषेक पर्यंत निषेक लिखे, ताकौं प्रथम-गुणहानि का द्वितीय-निषेक कहिए । इस पंक्ति का जोड़ इहां निषेक कौं चय संज्ञा है ; तातैं पांचसै बारा का चय घाटि समय-प्रबद्ध प्रमाण हो है । बहुरि ताके ऊपरि तीसरी-पंक्ति विषै नव का निषेकस्यो लगाय च्यारिसै अठतालीस का निषेकपर्यंत लिखे, ताकौं प्रथम-गुणहानि का तृतीय-निषेक कहिए । इस पंक्ति का जोड़ च्यारिसै असी का एक चय और पूर्व-पंक्ति का जोड़ में घटाइए, तीहि प्रमाण जोड़ हो है ।

असैं एक-एक निषेक रूप चय अनुक्रम तैं अंत की गुणहानि का अंत का निषेक पर्यंत घाटि-घाटि जानना । असैं ऊपरि-ऊपरि अठतालीस-पंक्ति भई, तिनविषै नीचैस्यो लगाय आठ-पंक्तिपर्यंत का प्रथम-गुणहानि का प्रथमादि निषेक कहिए, ताके ऊपरि नवमी-पंक्ति तैं लगाय सोलमी-पंक्ति पर्यंत द्वितीय-गुणहानि के प्रथमादि निषेक कहिए— असैं आठ-आठ पंक्ति कीएं एक-एक गुणहानि जाननी । तहां जे चय घटाए थे, तिनकौं मिलाएं प्रथम-गुणहानि का जोड़ समय प्रबद्ध तिरेसठिसै कौं गुणहानि आठ करि, गुणै, जो प्रमाण होइ तितने हो हैं ।

बहुरि इनविषै अंत की गुणहानि का जोड़ आठ-गुणा सौ घटाएं आठगुणा बासठिसै होइ । ताका आधा आठ-गुणा इकतीससै होइ, सो दूसरी गुणहानि का जोड़ जानना । यामैं अंत की गुणहानि का जोड़ आठ-गुणा सौ घटाए आठ-गुणा तीससै होइ, ताका आधा आठ-गुणा पंद्रहसै होइ, सो तीसरी गुणहानि का जोड़ जानना— असैं अंत की गुणहानि पर्यंत जानना । इनि सबनि का जोड़ देना बहुरि जो प्रथम-गुणहानि विषै जे चय घटे थे, तिनिका जोड़ दीएं प्रथम-गुणहानि विषै ऋण होइ । बहुरि ताका आधा द्वितीय-गुणहानि विषै होइ । असैं आधा-आधा अंत की गुणहानि पर्यंत होइ । तिन सबनि का जोड़ देइ पूर्व प्रमाण मैस्यो घटाएं जो अवशेष रहै, सोई सर्वत्रिकोणयंत्र का जोड़ जानना । सोई दिखाइए है—

त्रिकोण-रचना विषै अनादि-बंधन करि बंधे, तिनविषै निर्जरा रूप गलि गए, पीछै अवशेष रहे— असैं विविक्षित मोहनीय मूल-प्रकृति के समय-प्रबद्ध, ते आबाधा रहित उत्कृष्ट-स्थिति प्रमाण हैं । तहां प्रथम समय-प्रबद्ध का अंत का निषेकस्यो लगाय अंत समय-प्रबद्ध का प्रथम-निषेक पर्यंत बरोबरि रचना रूप चय का आधिक्य लीएं क्रम तैं तिष्ठे एक-एक निषेक, ते मिलि करि विविक्षित वर्तमान-समय विषै एक समय-प्रबद्ध उदय रूप हो है । बहुरि तिस ही समय विषै एक समय-प्रबद्ध बंधै है । बहुरि सत्तारूप द्रव्य किंचित्-ऊन ड्योढ-गुणहानि करि गुणित समय-प्रबद्ध प्रमाण तिष्ठै है । तहां सत्ता अपेक्षा त्रिकोण-रचना विषै प्रथम-गुणहानि का प्रथम-निषेक विषै अनेक समयप्रबद्ध संबंधी एक-एक निषेक मिलि करि संपूर्ण समयप्रबद्ध



इन सबनि विषै अंत की गुणहानि का प्रमाण मिलाएं अर दोय करि भेदें क्रम तैं प्रथमादि गुणहानि विषै बत्तीससौ, सोलहसौ, आठसौ, च्यारिसौ, दोयसौ, सौ का आठ-गुणा अर दोय-गुणा करिए, इतना प्रमाण भया । सबनि का जोड़ 'अंतधणं गुणगुणियं आदिविहीणं', इस सूत्र करि अंत का धन प्रथम-गुणहानि विषै प्रमाण, ताकौं गुणकार दोय करि गुणि, तामैं आदि जो अंत-गुणहानि का धन, ताकौं घटाएं तरेसठसै नैं आठ-गुणा करि दोय-गुणा करिए इतने भए । सो इहां तरेसठसै तौ समय-प्रबद्ध का प्रमाण अर आठ-गुणहानि का प्रमाण दोय-गुणा कीएं दो-गुणहानि का प्रमाण-अैसैं करि दोय गुणहानि करि गुण्या हूवा समय प्रबद्ध प्रमाण जोड़ भया ।

अब इनिविषै ऋण कितना घटावना, सो कहैं हैं—

प्रथम-गुणहानि विषै ऋण बत्तीसनैं आठ, पांच, एक घाटि आठ-आठ गुणाकरि तिनविषै एक-गुणकार जुदा राख्या था अर तिसविषै दोयबार संकलनमात्र चय घटाएं जो प्रमाण भया था, तिसकौं मिलाएं छह का भाग दीएं बारह हजार पांचसै चवालीस भया । काहे तैं ? पांचसै बारा का निषेक सात-पंक्ति विषै घट्या च्यारिसै असी का छह विषै, च्यारिसै अठतालीस का पांच विषै, च्यारिसै सोलह का च्यारि विषै, तीनसै चौरासी का तीन विषै, तीन से बावन का दोय विषै, तीनसै बीस का एक विषै घटैं अर दोयसै अठ्यासी का आठौं ही पंक्ति विषै पाइए ; तातैं घट्या नाहीं । अैसैं इन सबनि का ३५८४, २८८०, २२४०, १६६४, ११५२, ७०४, ३२० जोड़ दीएं बारह हजार पांचसै चवालीस हो है ।

बहुरि प्रथम-गुणहानि के ऋण तैं द्वितीयादिक गुणहानि विषै आधा-आधा ऋण जानना । सब गुणहानि का जोड़ 'अंतधणं गुणगुणियं आदि विहीणं', इस सूत्र करि अंत-धन जो प्रथम-गुणहानि का ऋण, ताकौं गुणकार दोय करि गुणिए, तामैं आदि जो अंत-गुणहानि का ऋण सो घटाइए, सो अंत-धन बारह हजार पांचसै चवालीस कौं दोय करि गुणै पचीस हजार अठ्यासी, तामैं आदि तीनसै बाणवै घटाएं चौईस हजार छसै छिनवै, सर्व-गुणहानि का ऋण हूवा ।

बहुरि अंत की गुणहानि का धन-प्रमाण सर्व-गुणहानि विषै ऋण मिलाया था, तिसका जोड़ दीएं नाना-गुणहानि करि गुणित अंत की गुणहानि का धन-प्रमाण दूसरा ऋण भया, सो अंत का धन आठ-गुणा सौ, ताकौं नाना-गुणहानि छहकरि गुणै अठतालीससै हूवा—अैसैं दोऊ-ऋण का जोड़ दीएं किछू अधिक आधा-गुणहानि का प्रमाणकरि गुणित समय-प्रबद्ध प्रमाण भया । सो गुणतीस हजार च्यारिसै छिनवै हूवा । तहां गुणहानि आठ का आधा च्यारि करि समय-प्रबद्ध कौं गुणै पचीस हजार दोयसै होइ । अवशेष च्यारि हजार दोयसै छिनवै रहे सो अधिक का प्रमाण जानना । अैसैं इनि दोऊ-ऋण के जोड़ देने तैं जो प्रमाण भया, ताकौं पूर्वोक्त दोगुणहानि करि गुण्या हूवा समय-प्रबद्ध मैस्यों घटाएं किंचित्-ऊन ड्योढ-गुणहानि करि गुणित समय-प्रबद्ध प्रमाण भया, सो दोगुणहानिगुणित समय-प्रबद्ध का प्रमाण एक लाख आठसै, तामैं, दोऊ-ऋण के गुणतीस हजार च्यारिसै छिनवै घटाएं इकहतरि हजार तीनसै च्यारि रहै । सोई सर्व त्रिकोण-रचना का जोड़ जानना ।

यथार्थ करि दोय गुणहानि विषै आधा-गुणहानि अर एक-गुणहानि का अठारहवां-भाग अर संख्यात-वर्गशलाका घटाएं, जो किंचित्-ऊन ड्योढ-गुणहानिमात्र प्रमाण रह्या, ताकरि समय-प्रबद्ध कौं गुणै जो प्रमाण होइ, तितना सर्व त्रिकोण-रचना का जोड प्रमित्त किंचित्-ऊन द्वयर्ध गुणहानि गुणित समय-प्रबद्ध प्रमाण सत्त्व-द्रव्य जानना । इहां जोड विषै गुणकार दोय गुणहानि विषै आधा-गुणहानि एक अर गुणहानि का अठारहवां-भाग अर संख्यात-वर्गशलाका कैसै घटी सो विशेष संस्कृत-टीका तै जानना । इहां कठिन जानि नाही लिख्या है । प्रयोजनमात्र लिख्या ही है ॥ ९४४ ॥

आगे स्थिति के भेद कहै है—

**अंतोकोडाकोडिद्वि दित्ति सव्वे णिरंतरट्टाणा ।**

**उक्कस्सट्टाणादो, सण्णिस्स य होंति णियमेण ॥ ९४५ ॥**

अंतः कोटाकोटिस्थितिरिति सर्वाणि निरंतरस्थानानि ।

उत्कृष्टस्थानात्संज्ञिनश्च भवन्ति नियमेन ॥ ९४५ ॥

**टीका** - आयुविना सातकर्मनि के उत्कृष्ट-स्थिति तै लगाय अंतः कोटाकोटी सागर प्रमाण जघन्य-स्थिति पर्यंत एक-एक समय घाटि का अनुक्रम लीएं जे निरंतर-स्थिति के भेद ते संख्यात-पल्य-प्रमाण नियम करि संज्ञी-पंचेन्द्री-जीवनि कै हो हैं । इहां बीस-सागर के उत्कृष्ट-स्थिति धारक कर्मनि की अंतः कोटाकोटी होइ, तौ तीस सागर वालों की कहा होइ ? औसै त्रैराशिक करतां ड्योढी अंतः कोटाकाटी होई— औसै ज्ञानावरणादि-कर्मनि की अंतः कोटाकोटी का प्रमाण साधना ॥ ९४५ ॥

आगे सांतरस्थिति के भेद कहै हैं—

**संखेज्जसहस्साणिवि, सेढीरूढम्मि सांतरा होंति ।**

**सगसगअवरोत्ति हवे, उक्कसादो दु सेसाणं ॥ ९४६ ॥**

संख्येयसहस्राण्यपि, श्रेणीरूढे सांतरा भवन्ति ।

स्वकस्वकावर इति भवेदुत्कृष्टात्तु शेषाणां ॥ ९४६ ॥

**टीका** .- सम्यक्त्व, देशसंयम, सकलसंयम, उपशमक वा क्षपक श्रेणी के सन्मुख भए— औसै क्रम तै मिथ्यादृष्टि, असंयत, देशसंयत, अप्रमत्त, अपूर्वकरणादिक तीन-गुणस्थानवर्ती जीव, बहुरि उपशमक-क्षपक श्रेणी चढे— औसे जीव, तिन विषै सांतर कहिए एक-एक समय घाटि का नियम करि रहित औसे स्थिति के भेद संख्यात हजार हैं । सोई कहिए है—

अधः प्रवृत्तकरण विषै पहले-समय तै लगाय अंतर्मुहूर्त पर्यंत, ज्ञानावरणादिक प्रकृतिनि की अपने योग्य अंतः कोटाकोटी प्रमाण स्थिति बांधै हैं । तहां पीछै अंतर्मुहूर्तपर्यंत पल्य का

२९६ ]

[ गोम्पटसार कर्मकाण्ड उत्तरार्द्ध गाथा- ९४६, ९४७, ९४८ ]

असंख्यातवां-भाग प्रमाण घाटि बांधें हैं । तहां पीछै अंतर्मुहूर्त पर्यंत तिसतैं भी तितनी ही घाटि स्थिति बांधै है । औसैं संख्यात हजार वार करि तिस करण कौं पूर्णकरि अपूर्वकरण, अनिवृत्तिकरण, सूक्ष्म-सांपराय विषैं भी अपने-अपने स्थिति-बंध कौं आलाप करि तितनी-तितनी ही वार करि घटाय वेदनीय की बारह-मुहूर्त पर्यंत, नाम-गोत्र की आठ-मुहूर्त पर्यंत, अवशेषनि की एक-मुहूर्त पर्यंत स्थिति को बांधै है ।

औसैं सांतर-स्थिति के भेद संख्यात-हजार जानने । बहुरि संज्ञी-पर्याप्त-अपर्याप्त बिना अवशेष रहै बारह-जीवसमास, तिनकैं 'एयं पण कदि पण्णं' इत्यादि सूत्र करि 'वासूप' इत्यादि पूर्वे स्थिति-बंध का कथन विषैं जघन्य-स्थिति वा उत्कृष्ट-स्थिति कही है, सो उत्कृष्ट-स्थिति तैं जघन्य-स्थिति पर्यंत एक-एक समय घाटि क्रम लीएं निरंतर-स्थिति के भेद जानने ॥ ९४६ ॥

आगैं स्थिति के भेदनि कौं कारणभूत ऐसे कषायाध्यवसाय कहिए स्थिति-बंधाध्यवसाय स्थान ते मूल-प्रकृतिनि के कितने हैं, सो कहै हैं—

**आउट्टिदिबंधज्झवसाणट्टाणा असंखलोगमिदा ।**

**णामागोदे सरिसं, आवरणदु तदियविग्घे य ॥ ९४७ ॥**

आयुःस्थितिबंधाध्यवसायस्थानानि असंख्यलोकमितानि ।

नामगोत्रे सदृशमावरणद्विके तृतीयविग्घे च ॥ ९४७ ॥

**टीका** - आयु के स्थिति-बंधाध्यवसाय-स्थान सबनि तैं थोरे हैं, तथापि ते भी यथायोग्य असंख्यात-लोक प्रमाण हैं । बहुरि तिनतैं पल्य का असंख्यातवां-भाग गुणा नाम अर गोत्र दोऊनि के स्थिति-बंधाध्यवसाय-स्थान परस्पर समान जानने । बहुरि तिनतैं पल्य का असंख्यातवां-भाग गुणा ज्ञानावरण, दर्शनावरण, वेदनीय, अंतराय— इनि च्यारि के स्थिति-बंधाध्यवसायस्थान परस्पर समान जानने ॥ ९४७ ॥

**सव्वुवरि मोहणीये, असंखगुणिदक्कमा हु गुणगारो ।**

**पल्लासंखेज्जदिमो, पयडिसमाहारमासेज्ज ॥ ९४८ ॥**

सर्वोपरि मोहनीये, असंखगुणितक्रमाणि हि गुणकारः ।

पल्यासंखेयिमः, प्रकृतिसमाहारमासाद्य ॥ ९४८ ॥

**टीका** - सर्व के ऊपरि मोहनीय के स्थिति-बंधाध्यवसायस्थान तिनतैं पल्य का असंख्यातवां-भागगुणां जाननें— औसे प्रकृतिनि का स्थिति-भेदनि की अपेक्षा कषायाध्यवसायस्थान तीनों जायगा क्रम तैं असंख्यात-गुणे जानने । इहां गुणकार का प्रमाण पल्य का असंख्यातवां-भाग जानना । इहां प्रांसंगिकसिद्धांत के वचन कहिये हैं—



ण य सव्वमूलपयडीणं समाणाणं कसायोदयट्टाणाणमेत्थ गहणं, कसायोदयट्टाणेण विणा मूलपयडिबन्धाभावेण सव्वपयडिडिदिबन्धज्झवसाणट्टाणाणं समाणप्पसंगादो तम्हा सव्वमूलपयडीणं सगसगउदयादो समुप्पण्णपरिणामाणं सगसगट्टिदिबन्धकारणत्तेण ठिदिबन्धज्झवसाणट्टाणसण्णिदाणमुत्तरपच्चयाणमेत्थ गहणं । पयडिसमाहारमासज्ज गाणावरणादीणं पयडीणं सगसगट्टिदिबन्धकारणज्झवसाणट्टाणाणि सव्वाणि एगत्त कारुण पमाणं परूविदं । ण ट्टिदि पडि एसा परूवणा होदि उवरिमसुत्तेहि ट्टिदिं पडि अज्झवसाणपमाणस्स परूविज्जमाणत्तादो हेट्टिमेहिंतो उपरिमाणि किमट्टमसंखेज्जगुणाणि साहावियादो मिच्छत्तासंजमकसायपच्चयेहिं सव्वाणि कम्माणि सरसाणि तेण एदेसिं कम्माणमज्झवसाणट्टाणाणि असंखेज्जगुणहाणित्ति ण घडदे हेट्टिमाणं ठिदिबन्धट्टाणेहिंतो उवरिमाणं कम्माणं ठिदिबन्धट्टाणाणि अहियाणित्ति असंखेज्जगुणत्तं ण जुज्जदे हेट्टिमहेट्टिमकम्माणं ठिदिबन्धट्टाणपाओग्ग कसायेहिंतो उवरिमउवरिमाणं कम्माणमहियट्टिदिबन्धट्टाणपाउग्गकसाय उदयट्टाणाणं असमाणाणमणुवलंभेण असंखेज्जगुणत्ताणुववत्तीदो । ण एस दोसो हेट्टिमाणं उदयट्टाणेहिंतो उवरिमाणं कम्माणं उदयट्टाणबहुत्तेण असंखेज्जगुणत्ताधिरोहादो ।

या का अर्थ—

बहुरि नाहीं सर्व मूल-प्रकृतिनि के समान पाइए जैसे जु कषायनि के उदय-स्थान, तिनिका यहां ग्रहण है ; जातैं कषायनि के उदयस्थान बिना मूलप्रकृतिनि के बन्ध का अभाव है, तीहिं करि सर्व-प्रकृतिनि के स्थिति-बन्धाध्यवसाय-स्थानननि की समानता का प्रसंग होय जाय, सो है नाहीं ; तातैं सर्व मूल-प्रकृतिनि का अपने-अपने उदय तैं निपजे जैसे जु आत्मा के परिणाम ते अपना-अपना स्थिति-बन्ध कौ कारण, तीहि करि स्थितिबन्धाध्यवसाय है नाम जिनिका— जैसे जु उत्तर-प्रत्यय कहिए आस्रव-भेद, तिनिका इहां ग्रहण है । प्रकृतिनि का स्थिति-भेदरूप समाहार जो समुदाय, ताकौं आश्रय करि ज्ञानावरणादिक-प्रकृतिनि का अपने-अपने स्थिति बन्ध कौ कारणभूत— जैसे जु अध्यवसायस्थान, तिन सबनि कौं एकठे करि प्रमाण कहा है, नाहीं स्थिति की अपेक्षा ऐसी प्ररूपणा है ; तातैं ऊपरले सूत्रनि करि स्थिति की अपेक्षा अध्यवसाय के प्रमाण का प्ररूपण कीया है । इहां तर्क—

जो अधस्तनेभ्य कहिए पहले कहे आयु नै आदि दैकरि कर्म, तिनके स्थिति-बन्धाध्यवसाय-स्थान, तिनतैं उपरिमाण कहिए पीछे कहे कर्म, तिनके स्थितिबन्धाध्यवसाय-स्थान ते कैसे अर्थ असंख्यातगुणे हैं ; जातैं स्वभाव पणे ही तैं मिथ्यात्व, असंयम, कषाय रूप प्रत्ययनि करि सर्व-कर्म समान हैं । तीहिंकरि हीन-कर्मनि के अध्यवसाय-स्थान असंख्यात-गुणे नाहीं शोभै हैं । अधस्तन जे पहिली कहे आयु आदिक कर्म, तिनके स्थितिबन्ध के स्थान, तिनतैं उपरितन जे पीछे कहे कर्म, तिनके स्थितिबन्ध के स्थान अधिक हैं । जैसे भी असंख्यात-गुणापणे करि युक्त नाहीं हो है ।

**भावार्थ-**

नीचले-कर्मनि तैं ऊपरले-कर्मनि के स्थिति-स्थान अपेक्षा भी अधिकपणो संभवै है । असंख्यात-गुणापणों न संभवै है ।

तहां उत्तर कहिए है, नाहीं यहु दोष है ; जातैं अधस्तन जे पहिली कहे आयु आदि कर्म, तिनके उदय-स्थाननि तैं उपरिम जे पीछैं कहे कर्म, तिनके उदयस्थान बहुत हैं । तीहिं करि असंख्यातगुणापने कौं विरोध नाहीं

अपने-अपने उदय तैं निपजे आत्मा के परिणाम, तिनका स्थितिबंधाध्यवसायस्थाननाम है, सो आयु आदि कर्मनि कैं उदयस्थानकनि तैं नाम आदि कर्मनि कैं उदयस्थान बहुत हैं ; तातैं असंख्यातगुणे कहे ॥ १४८ ॥

आगैं जघन्यादिक स्थिति की अपेक्षा स्थिति-बंधाध्यवसाय-स्थाननि का प्रमाण कहै हैं—

**अवरद्विदिबंधज्झवसाणट्टाणा असंखलोगमिदा ।**

**अहियकमा उक्कस्स, द्विदिपरिणामोत्ति णियमेण ॥ १४९ ॥**

अवरस्थितिबंधाध्यवसायस्थानानि असंख्यलोकमितानि ।

अधिकक्रमाणि उत्कृष्ट, स्थितिपरिणाम इति नियमेन ॥ १४९ ॥

**टीका** - विवक्षित मोहनीय-कर्म की स्थिति सो जघन्य तौ अंतः कोटाकोटी सागर प्रमाण है, सो संख्यात पल्य प्रमाण है । बहुरि उत्कृष्ट स्थिति सत्तर कोडाकोडी सागर प्रमाण है, सो जघन्य-स्थिति तैं संख्यात-गुणी है । तहां जघन्य-स्थिति कौं उत्कृष्ट-स्थित मैस्यों घटाय, तामैं एक और मिलाइए जो प्रमाण होइ, तितने स्थिति के भेद हैं । इनि भेदनि विषैं सर्व जघन्य-स्थिति बंध कौं कारणभूत असैं अध्यवसाय-स्थान, ते असंख्यात-लोक प्रमाण हैं । ताके ऊपरि उत्कृष्ट-स्थिति पर्यंत चय करि अधिक-अधिक हैं नियम करि । जो जघन्य-स्थिति कौं कारण अध्यवसाय-स्थानानि का प्रमाण है, तामैं एक-चय का प्रमाण मिलाइए, तब जघन्य-स्थिति तैं एक समय अधिक स्थिति कौं कारण अध्यवसाय-स्थाननि का प्रमाण हो है । असैं ही उत्कृष्ट-स्थितिपर्यंत जानने ॥ १४९ ॥

**अहियागमणणिमित्तं, गुणहाणी होदि भागहारो दु ।**

**दुगुणं दुगुणं वड्ढी, गुणहाणिं पडि कमेण हवे ॥ १५० ॥**

अधिकागमननिमित्तं, गुणहानिर्भवति भागहारस्तु ।

द्विगुणा द्विगुणा वृद्धि, गुणहानिं प्रति क्रमेण भवेत् ॥ १५० ॥

**टीका** - अधिक रूप जो चय, ताका प्रमाण ल्यावने कौं विवक्षित-गुणहानि विषैं अंत के निषेक कौं दोगुणहानि का भाग दीजिए अर “तु” शब्द करि अथवा प्रथम-निषेक कौं एक अधिक गुणहानि का भाग दीजिए, तब चय का प्रमाण आवै है ।

जैसै— अंक संदृष्टिकरि अंत-गुणहानि विषै अंत का निषेक का प्रमाण सोलह, ताकौ दूणी गुणहानि का प्रमाण सोलह, ताका भाग दीएं एक पाया । अथवा आदि का निषेक का प्रमाण नव, ताकौ एक अधिक गुणहानि प्रमाण नव का भाग दीएं भी एक पाया, सोई तिस गुणहानि विषै चय का प्रमाण जानना । बहुरि तिसतै गुणहानि-गुणहानि प्रति दूणा-दूणा चय का प्रमाण जानना ; जातै गुणहानि-गुणहानि विषै आदि-निषेक वा अंत-निषेक का प्रमाण दूणा-दूणा पाइए है ॥ ९५० ॥

**ठिदिगुणहाणिपमाणं, अज्झवसाणम्मि होदि गुणहाणी ।**

**णाणागुणहाणिसला, असंखभागो ठिदिस्स हवे ॥ ९५१ ॥**

स्थितिगुणहानिप्रमाणमध्यवसाने भवति गुणहानिः ।

नानागुणहानिशला, असंख्यभागः स्थितेर्भवेत् ॥ ९५१ ॥

**टीका** — इहां गुणहानि का प्रमाण पूर्वे बंध का अवसर विषै कर्म-स्थिति की रचना करी है, तहां जैसे गुणहानि का प्रमाण कह्या है, तैसै इहां कषायाध्यवसाय-स्थान का कथन विषै भी जानना ।

**भावार्थ**—जैसै पूर्वे कह्या था जो स्थिति के प्रमाण कौं नानागुणहानि-शलाका प्रमाण का भाग दीएं जो प्रमाण आवै, सो गुणहानि का प्रमाण है । तैसै ही इहां जानना । सो इहां जघन्य-स्थिति तै लगाय उत्कृष्ट-स्थितिपर्यंत जेते स्थिति के भेद, तिनिका जो प्रमाण सोई स्थिति का प्रमाण जानना । याकौं नाना-गुणहानि-शलाका का जो प्रमाण कहिए है ताका भाग दीएं जो प्रमाण आवै, सोई एक गुणहानि-आयाम का प्रमाण जानना । याकौं दूणा कीएं जो प्रमाण होइ, सोई दो गुणहानि का प्रमाण जानना । बहुरि नानागुणहानि का प्रमाण स्थिति-रचना विषै जो नानागुणहानि का प्रमाण कह्या था, ताके असंख्यातवे-भाग जानना । सो विवक्षित-मोहनीय की स्थिति-रचना विषै नाना-गुणहानि शलाका का प्रमाण पल्य के अर्द्धच्छेदनि मैस्यों पल्य की वर्ग-शलाका का अर्द्धच्छेद घटाएं जो प्रमाण होइ, तितना कह्या था ताकौं असंख्यात का भाग दीएं जो प्रमाण होइ, सो इहां कषायाध्यवसाय-रचना विषै नाना-गुणहानि का प्रमाण जानना ।

जैसै स्थितिरचना विषै कथन अंक-संदृष्टयादिक करि कीया था, तैसै इहां भी जानना । इहां जो स्थिति के भेदनि का प्रमाण, सो तौ स्थिति का प्रमाण जानना । तहां जेता गुणहानि-आयाम का प्रमाण है, तितने जघन्यस्यों लगाय जे स्थिति के भेद, तिनविषै प्रथम-गुणहानि कहिए । तहां जघन्य-स्थिति कौं कारण जो अध्यवसायनि का प्रमाण, सो प्रथम-निषेक का प्रमाण जानना । यामै एक चय मिलाएं एक समय अधिक जघन्य-स्थिति कौं कारण अध्यवसायनि का प्रमाण रूप दूसरा-निषेक हो है, सो प्रथम-निषेक कौं एक अधिक गुणहानि-आयाम का भाग दीएं जो प्रमाण होइ, सोई चय का प्रमाण है । अैसै एक-एक चय अधिक प्रथम-गुणहानि का अंत-निषेक

३०० ]

[गोप्यटसार कर्मकाण्ड उत्तरार्द्ध गाथा- ९५२, ९५३

पर्यंत जानना । बहुरि ताके ऊपरि तितने ही स्थिति के भेदनि विषैँ दूसरी-गुणहानि कहिए, तहां निषेक-चयादिक का प्रमाण प्रथम-गुणहानि तैं दूना जानना— अैसेँ ही अंत की गुणहानिपर्यंत कथन जानना ॥ ९५१ ॥

तहां जघन्य-चय का महत्त्वपना कौँ दिखावै हैं—

**लोगाणमसंखपमा, जहण्णउट्ठम्मि तम्मि छट्ठाणा ।**

**ठिदिबंधज्झवसाण, ट्ठाणाणं होंति सत्तण्हं ॥ ९५२ ॥**

लोकानामसंख्यप्रमाण, जघन्यवृद्धौ तस्मिन् षट्स्थानानि ।

स्थितिबंधाध्यवसायस्थानानां भवंति सप्तानां ॥ ९५२ ॥

टीका - आयु बिना सात मूल-प्रकृतिनि के जे स्थिति-बंधाध्यवसाय-स्थान, तिनिका सर्व गुणहानि संबंधी जे चय, तिनविषैँ प्रथम-जघन्य वृद्धि जो प्रथम-गुणहानि संबंधी चय का प्रमाण, तिसविषैँ परिणामनि का अविभाग-प्रतिच्छेदनि की अपेक्षा असंख्यात-लोक का जो प्रमाण, तितनी बार अनंतभाग-वृद्धि आदि षट् स्थान-पतित वृद्धि पाइए है ॥ ९५२ ॥

आगे आयु-कर्म के स्थिति-बंधाध्यवसायनि विषैँ विशेष है सो कहै हैं—

**आउस्स जहण्णट्ठिदि, बंधणजोग्गा असंखलोगमिदा ।**

**आवलिअसंख भागेणुवरुवरिं होंति गुणिदकमा ॥ ९५३ ॥**

आयुषः जघन्यस्थिति, बंधनयोग्यानि असंख्यलोकमितानी ।

आवल्यसंख्यभागे, नोपर्युपरि भवंति गुणितक्रमाणि ॥ ९५३ ॥

टीका - आयु-कर्म की सर्व जघन्य-स्थितिबंध कौँ योग्य— अैसेँ अध्यवसाय-स्थान, ते असंख्यात-लोक प्रमाण हैं । याकौँ आवली का असंख्यातवां-भाग करि गुणैँ जघन्य तैं एक समय अधिक दूसरी स्थिति के योग्य अध्यवसायस्थान हैं । अैसेँ ही उत्कृष्ट-स्थिति पर्यंत क्रम तैं आवली का असंख्यातवां-भाग करि गुणित अध्यवसाय-स्थान जानने । तहां अंक-संदृष्टि करि कथन दिखाइए हैं—

आयु-कर्म की स्थिति के जेते भेद संख्यात-पल्य प्रमाण हैं, ताकी सहनानी सोलह (१६) । बहुरि जघन्य-स्थिति कौँ योग्य अध्यवसाय-स्थान असंख्यात-लोक प्रमाण, ताकी सहनानी बाईस (२२) । द्वितीयादि-स्थिति विषैँ गुणकार आवली का असंख्यातवां-भाग, ताकी सहनानी च्यारि । बहुरि नाना-जीव अपेक्षा नीचली-स्थिति के बंध कौँ कारण अध्यवसाय-स्थान अर ऊपरली स्थिति के बंध कौँ कारण अध्यवसाय-स्थान, तिनविषैँ समानता भी पाइए है ; तातैं इहां अनुकृष्टि का विधान संभवै है । जातैं ऊपरि नीचे विषैँ समानता का नाम ही अनुकृष्टि है, सो अनुकृष्टि

के गच्छ का प्रमाण अंकसंदृष्टि करि च्यारि जानना । सो स्थिति की रचना तो ऊपरि-ऊपरि जाननी अर एक-एक स्थिति-रचना के बरोबरि अनुकृष्टि-रचना जाननी ।

तहां जघन्य-स्थिति की अनुकृष्टि विषै चय का प्रमाण एक, सर्व-चय का जोड़ रूप चयधन छह, सो प्रथम-स्थिति विषै द्रव्य बाईस, तामै घटाएं सोलह रहे, ताकौं अनुकृष्टि-गच्छ च्यारि का भाग दीएं च्यारि पाए, सो जघन्य-स्थिति विषै जघन्य-अनुकृष्टि का खंड जानना । तातै उत्कृष्ट-खंड पर्यंत एक-एक चय अधिक जानना । सो दूसरा, तीसरा, चौथा-खंड का प्रमाण पांच, छह, सात, जानना— अैसें चारों खंड जोड़ै, बाईस हो है ।

बहुरि दूसरा स्थिति-भेद विषै द्रव्य बाईस, सौ चौगुणा अध्यवसाय है सो अट्यासी हूवा । तिनविषै एक-भाग एक-गुणा बाईस कौं ग्रहि करि प्रथमादि अनुकृष्टि का खंड विषै क्रम तै पांच, छह, सात देने, अवशेष च्यारि रहे सो अर बहुभाग का तिगुणा बाईस रहे, सो अंत का चौथा उत्कृष्ट-खंड विषै देने से अंत का खंड विषै सत्तरि हूवा सर्वमिलि अट्यासी हुवा ।

बहुरि तीसरा स्थिति-भेद विषै बाईस का दोयवार चौगुणा अध्यवसाय है । सो तीनसै बावन हूवा । तहां एक भाग का चौगुणा बाईस जुदा ग्रहि अवशेष चौगुणा बाईससै तिगुणा जो दोयसै चौसठि, सो अंत का चौथा-खंड विषै देना । बहुरि जुदा ग्रह्या जो चौगुणा बाईस, तीहि विषै एक-भाग का एकगुणा बाईस जुदा ग्रहि अवशेष तिगुणा बाईस का छ्यासठि रह्या, सो उपांत जो तीसरा-खंड, तीहिं विषै जानना । बहुरि एक गुणा बाईस रह्या तिस विषै पहला, दूसरा खंड विषै तो छह अर सात देना अर तीसरा, चौथा-खंड विषै पूवै कह्या था तिनविषै च्यारि अर पांच मिल्यावने ।

अैसें करि प्रथम-खंड विषै छह, दूसरा-खंड विषै सात, तीसरा-खंड विषै सत्तरि, चौथा खंड विषै दोयसै गुणहत्तरि (६ । ७ । ७० । २६९) । सबका जोड दीए तीनसै बावन हुवा ।

बहुरि चौथा स्थिति-भेद विषै बाईस कौं तीनबार चौगुणा करिए इतने अध्यवसाय हैं । सो चौदहसै आठ हुवा । तहां एक-भाग का बाईस का दोयवार चौगुणा जुदा ग्रहि करि अवशेष बाईस का दोयवार चौगुणा कौं तिगुणा करिए ताके एक हजार छप्पन भए, सो अन्त का चौथा-खंड विषै देने । बहुरि बाईस का दोयवार चौगुणा जुदा ग्रह्या था, तिनविषै एक-भाग का बाईस तै चौगुणा जुदा राखि अवशेष-चौगुणा बाईस का तिगुणा, ताका दोयसै चौसठि हुवा, सो उपांत तीसरा-खंड विषै देना ।

बहुरि बाईस तै चौगुणा जुदा राख्या था, तामै एक-भाग का इकगुणा बाईस जुदा राखि अवशेष तिगुणा बाईस का छ्यासठि हुवा, सो दूसरा खंड विषै देना । बहुरि इकगुणा बाईस जुदा राख्या था तिनविषै सात तौ प्रथम खंड विषै देने अर च्यारि, पांच, छह ; दूसरा, तीसरा, चौथा खंड का प्रमाण विषै मिलावने । अैसें करि प्रथम खंड विषै सात, दूसरा विषै सत्तरि, तीसरा विषै दोयसै गुणहत्तरि, चौथा विषै एक हजार बासठि (७ । ७० । २६९ । १०६२) । सबका

जोड़ दीएं चौदहसै आठ हुवा । असै ही क्रम तैं पांचवां, छठावां, सातवां, आठवां इत्यादि उपांत का वा अन्त का स्थितिभेद विषै अनुकृष्टि-रचना जाननी ।

सर्वत्र जो नीचला स्थिति-भेद का दूसरा, तीसरा, चौथा अनुकृष्टि-खंड विषै होइ सो ऊपरला स्थिति-भेद का पहिला, दूसरा, तीसरा, अनुकृष्टि-खंड विषै लिखने । बहुरि तिस ऊपरला-स्थिति-भेद का सर्व-द्रव्य मैस्यों तीनों-खंडनि का प्रमाण जोडि घटाएं अवशेष रहै, सो चौथा-खंड विषै प्रमाण लिखना । असै नीचली-स्थितिके ऊपरली-स्थिति के अध्यवसायनि की समानता पाइए है । कोई जीव के जितने अध्यवसायनि करि नीचली-स्थिति बंधै है, तितने ही परिणामनि करि कोई जीव के ऊपरली भी स्थिति बंधै है । असै समानता जानि अनुकृष्टि-रचना कही ।

नीचली-स्थिति का जघन्य-खंड ऊपरली-स्थिति का खंडनिस्यों समान नाहीं । ऊपरली-स्थिति का उत्कृष्ट-खंड नीचली-स्थिति का खंडनिस्यों समान नाहीं— असै जानना । असै करि आयु के स्थिति-बंधाध्यवसाय कहे । अवशेष-कर्मनि के कहिए हैं—

तहां मोहनीय के जघन्यस्थिति संख्यात-पल्यप्रमाण, तीहिस्यों लगाय एक-एक समय बंध्या तीहिं जघन्य-स्थितिस्यों संख्यातगुणा उत्कृष्ट-स्थितिपर्यंत जे स्थिति के भेद होहि, तहां स्थिति-रचना विषै असै



आकार जानना ।

नीचै जो ऊभी लीक करी ते तौ आबाधा-काल के समय जानने । तहां ऊपरि आदि के समय तैं लगाय अन्त पर्यंत घटता २ निषेक हैं । तातैं नीचैस्यों चौरा ऊपरिसे संकोचरूप आकार जानना । सो ते स्थिति के भेद जितने होइ हैं । सो इहां मोहनीय का स्थिति-बंधाध्यवसाय रचना विषै स्थिति का प्रमाण जानना । याकौं पल्य की वर्गशलाका का अर्द्धच्छेद प्रमाण करि हीन असै पल्य का अर्द्धच्छेद प्रमाण का असंख्यातवां-भाग प्रमाण जो नाना-गुणहानि शलाका, ताका भाग दीएं जो प्रमाण आवै, सो गुणहानि-आयाम जानना । याकौं दूणा कीए दो गुणहानि का प्रमाण होइ ।

बहुरि नाना-गुणहानि-शलाका प्रमाण दोय का अंक मांडि परस्पर गुणें जो प्रमाण होइ, सो अन्योन्याभ्यस्त-राशि का प्रमाण जानना सो पल्य का असंख्यातवां-भाग प्रमाण हो है । बहुरि स्थिति-बंधाध्यवसायस्थान असंख्यात-लोक कौं तीनबार पल्य का असंख्यातवां-भाग करि गुणें जो प्रमाण होइ, तितने हैं । सो इहां द्रव्य का प्रमाण जानना । इस द्रव्य कौं एक घाटि अन्योन्याभ्यस्त-राशि का भाग दीएं जो प्रमाण आवै, सो प्रथम-गुणहानि का प्रमाण है । पूर्वै स्थिति-रचना विषै अनुक्रम तैं निषेक घाटि प्रमाण लीएं थे ; तातैं थोरा प्रमाण अंत की गुणहानि के द्रव्य का कह्या था, इहां अनुक्रम तैं अधिक है ; तातैं थोरा प्रमाण प्रथम-गुणहानि द्रव्य का कह्या । इस प्रथम-गुणहानि तैं द्वितीयादि गुणहानि विषै द्रव्य दूणा-दूणा अंत की गुणहानि पर्यंत जानना ।

तहां प्रथम-गुणहानि का द्रव्य का जो प्रमाण, ताकौ **अद्धाणेण खंडिदे मज्झिमघणमागच्छदि** अद्धाण जो गुणहानि-आयाम का प्रमाण रूप गच्छ, ताका भाग दीए मध्यम-धन का प्रमाण आवै है। गच्छ के बीच के निषेक का जो प्रमाण, ताकौ मध्यम-धन कहिए। जो गच्छ का प्रमाण सम संख्या रूप होइ, तहां बीच के दोय निषेकनि का आधा प्रमाण, सो मध्यम-धन जानना।

बहुरि 'तं रूऊणद्धाण अद्धेण ऊणेण णिसेयभागहारेण अवहरिदे पचओ' तिस मध्यम-धन कौं एक घाटि गुणहानि-आयाम का प्रमाण का आधा निषेक भागहार जो दोगुणहानि सो घटाए जो प्रमाण रहै, ताका भाग दीएं जो प्रमाण आवै, सोई चय का प्रमाण जानना। बहुरि इहां निषेकनि का प्रमाण अधिक-अधिक है; तातैं तिस चय-प्रमाण कौं एक अधिक गुणहानि-आयाम का प्रमाण करि गुणें जो प्रमाण होइ, सोई प्रथम-निषेक जानना। यामैं एक-एक चय क्रम तैं मिलाएं द्वितीयादि निषेकनि का प्रमाण होइ करि एक घाटि गुणहानि प्रमाण चय मिले अंत का निषेक हो है।

बहुरि प्रथम गुणहानि तैं गुणहानि गुणहानि प्रति द्रव्य, चय, निषेकनि का प्रमाण दूणा-दूणा जानना—असैं रचना करि अंत की गुणहानि विषैं प्रथम-गुणहानि के द्रव्य कौं अन्योन्याभ्यस्तराशि का आधा प्रमाण करि गुणें द्रव्य का प्रमाण होइ। याकौं गुणहानि-आयाम रूप गच्छ का भाग दीएं मध्यम-धन होइ, तिस मध्यम-धन कौं एक घाटि गच्छ का आधा करि हीन दो गुणहानि का भाग दीएं चय का प्रमाण होइ। याकौं एक अधिक गुणहानि-आयाम करि गुणें प्रथम-निषेक होइ। द्वितीयादि-निषेकनि विषैं यातैं क्रम तैं एक-एक चय अधिक होइ, अंत-निषेक एक घाटि गुण-हानि प्रमाण चय मिलैं हो हैं।

असैं स्थिति-बंधाध्यवसाय-स्थान का बटवारा स्थिति के भेदनि विषैं कहा। अब इस ही कथन कौं अंक-सहनानी करि दिखाइए है—

सर्व स्थिति-बंधाध्यवसाय-स्थान तरेसठिसै याकौं 'रूऊणणोण्णभत्थवहिददव्वं', एक घाटि अन्योन्याभ्यस्त-राशि तरेसठि का भाग दीएं सौ पाया, सो प्रथम-गुणहानि का द्रव्य जानना। याकौं गच्छ का भाग दीएं चौथा, पांचवां मिल्या हुवा निषेकनि का आधा प्रमाण साढा बारा मध्य-धन जानना। याकौं एक घाटि गच्छ सात, ताका आधा साढा तीन, सौ दो गुणहानि सोला में घटाएं रहे साढा बारा, ताका भाग दीएं एक पाया, सो चय का प्रमाण जानना। याकौं एक अधिक गुणहानि का प्रमाण नव ताकरि गुणें नव पाया, सो प्रथम-निषेक जानना। द्वितीयादि निषेकनि विषैं एक-एक चय अधिक होइ। एक घाटि गुणहानि का प्रमाण सात सो इतने चय मिलैं सोला भए सो अंत-निषेक जानना।

असैं द्वितीयादि गुणहानि विषैं द्रव्य, चय, निषेक, दूणा-दूणा होइ। अंत गुणहानि विषैं प्रथम गुणहानि का द्रव्य सौ कौं अन्योन्याभ्यस्त-राशि का आधा बत्तीस करि गुणें बत्तीससै तौ द्रव्य

जानना । याकों गच्छ आठ का भाग दीएं मध्य-धन च्यारि सै । याकों एक घाटि गुणहानि का आधा करि हीन दो गुण-हानि का प्रमाण साडा बारा, ताका भाग दीएं बत्तीस पाया सो चय जानना । याकों एक अधिक गुणहानि का प्रमाण नव करि गुणें दोय सै अठ्यासी हुवा, सो प्रथम-निषेक जानना ।

द्वितीयादि निषेकनि विषै एक-एक चय मिलि एक घाटि गुण-हानि प्रमाण सात-चय मिले, पांचसै बारा हुआ सो अंत का निषेक जानना ।

असै अंक-सहनानी करि कथन दिखाया । इहां भी प्रथम गुणहानि के प्रथम-निषेक प्रमाण अध्यवसाय-स्थान जघन्य-स्थिति कौं कारण जानने । द्वितीय-निषेक प्रमाण ते एक समय अधिक स्थिति कौं कारण जानने । असै ही अंत-गुणहानि का अंत-निषेक प्रमाण स्थिति-बंधाध्यवसाय-स्थान उत्कृष्ट-स्थिति कौं कारण जानने ॥ ९५३ ॥

बहुरि इहां एक-एक स्थिति भेद संबंधी अध्यवसायनि विषै नाना-जीवनि की अपेक्षा-खंड पाइए है । वा कोई जीव के जितने अध्यवसायनि तैं नीचली-स्थिति बंधै है, कोई कैं तितने ही तैं अधिक ऊपरली स्थिति बंधै हैं, सो असै ऊपरि-नीचै समानता जानि अनुकृष्टि-विधान कहिए है—

**पल्लासंखेज्जदिमा, अणुकट्टी तत्तियाणि खंडाणि ।**

**अहियकमाणि तिरिच्छे, चरिमं खंडं य अहियं तु ॥ ९५४ ॥**

पल्यासंखेयिमा, अनुकृष्टिः तावन्ति खंडानि ।

अधिकक्रमाणि तिरिच्छि, चरमं खंडं च अधिकं तु ॥ ९५४ ॥

**टीका** - स्थितिबंधाध्यवसायस्थाननि विषै जो गुणहानि-आयाम का प्रमाण कहा, ताको संख्यात का भाग दीएं सिद्ध भया जो पल्य का असंख्यातवां-भाग, तीहि प्रमाण अनुकृष्टि-रचना विषै गच्छ का प्रमाण जानना । तितने ही अनुकृष्टि के खंड हैं । ते खंड विवक्षित स्थिति भेद-रचना के आगे तिर्यक् बरोबरी रचने, ते प्रथम-खंड तैं लगाय क्रम तैं एक-एक अनुकृष्टि का चय करि अधिक जानने । तथापि जघन्य प्रथम-खंड तैं उत्कृष्ट अंत का खंड अधिक प्रमाण लिए ही हो है दूणा, तिगुणा इत्यादि नहीं है ॥ ९५४ ॥

तिस विशेष प्रमाण कौं जनावै हैं—

**लोगाणमसंखमिदा, अहियपमाणा हवन्ति पत्तेयं ।**

**समुदायेणवि तच्चिय, ण हि अणुकिट्टिमि गुणहाणी ॥ ९५५ ॥**

लोकानामसंखमितानि, अधिकप्रमाणानि भवन्ति प्रत्येकं ।

समुदायेनापि तावन्नहि अनुकृष्टौ गुणहानिः ॥ ९५५ ॥



टीका - अनुकृष्टि का चय गुणहानि-गुणहानि प्रति दूणा-दूणा है, तथापि सामान्यपनै असंख्यात-लोकमात्र ही कहिए है ; जातैं विवक्षित गुणहानि का ऊर्ध्वरचना विषैं जो चय का प्रमाण, ताकौं अनुकृष्टि-गच्छ का भाग दीएं अनुकृष्टि के चय का प्रमाण आवै है, सो स्थूलता करि असंख्यात-लोक प्रमाण ही है । तहां प्रथम-खंड तैं एक-एक चय करि अधिक द्वितीयादिक खंड हैं, तथापि तिन सबनि का प्रमाण असंख्यात-लोक प्रमाण ही कहिए ; जातैं असंख्यात-लोक का भेद असंख्यात-लोक प्रमाण पाइए है । बहुरि अनुकृष्टि का गच्छ विषैं गुणहानि की रचना नाहीं है ; जातैं सर्व उत्कृष्ट-खंडनि कैं जघन्य-खंड तैं एक घाटि गुणहानि का गच्छ प्रमाण चयनि की अधिकता पाइए है । औसैं अनुकृष्टि का गच्छ अर चय का प्रमाण जनाय तिस अनुकृष्टि के खंडनि विषैं स्थिति-बंधाध्यवसायनि का प्रमाण कहिए है—

जघन्य-स्थिति बंध कौं योग्य कषाय परिणाम सो द्रव्य जानना । बहुरि प्रथम-गुणहानि विषैं जो चय का प्रमाण, ताकौं अनुकृष्टि-गच्छ पत्य का असंख्यातवां-भाग प्रमाण, ताका भाग दीएं अनुकृष्टि-चय का प्रमाण भया । बहुरि **व्येकपदार्धधनचयगुणो गच्छ उत्तरधनं**, एक घाटि अनुकृष्टि-गच्छ का आधा कौं अनुकृष्टि-चय करि गुणि अनुकृष्टि गच्छ करि गुणें जो प्रमाण होइ, सो इहां प्रचय-धन जानना ।

बहुरि प्रथम-गुणहानि विषैं जघन्य-स्थिति संबंधी स्थितिबंधाध्यवसायनि का जो प्रमाण, तिन विषैं प्रथम-धन का प्रमाण घटाएं अवशेष रहे, ताकौं अनुकृष्टि-गच्छ का भाग दीएं जो प्रमाण आवै, सो प्रथम-गुणहानि विषैं जघन्य-स्थिति संबंधी अनुकृष्टि का प्रथम-खंड जानना । बहुरि द्वितीयादि खंड एक, एक एक अनुकृष्टि का चय करि अधिक होइ एक घाटि अनुकृष्टि का गच्छप्रमाण चय जघन्य-खंड विषैं अधिक भाएं उत्कृष्ट अंत-खंड हो है । तहां-**पद हतमुखमादिधनं** पद जो अनुकृष्टि का गच्छ ताकरि मुख जो प्रथम-खंड, ताकौं गुणें आदि-धन होइ । बहुरि **व्येकपदार्धधनचयगुणो गच्छ उत्तरधनं** एक घाटि गच्छ का आधा करि चय कौं गुणें चय-धन होइ, सो आदि-धन अर चय-धन मिलाएं जघन्य स्थिति संबंधी अध्यवसायनि का प्रमाण रूप सर्वधन हो है ।

औसैं ही द्वितीयादि निषेकनि विषैं अनुकृष्टि-रचना अनुक्रम तैं करि प्रथम-गुणहानि का अंत का निषेक विषैं जो द्रव्य, तीहि विषैं पूर्वोक्त चयधन घटाएं अवशेष कौं अनुकृष्टि-गच्छ का भाग दीएं प्रथम-खंड होइ । बहुरि द्वितीयादिक खंड एक-एक अनुकृष्टि-चय करि अधिक होइ अंत का खंड एक घाटि अनुकृष्टि का गच्छ प्रमाण चय करि अधिक हो है । बहुरि गच्छ करि प्रथम-खंड गुणें आदि-धन होइ । बहुरि चयधन का प्रमाण के अर्थि 'मुहभूमी जोगदले पदगुणिदे

पदधणं होदि', मुख तौ एक चय अर भूमि एक घाटि अनुकृष्टि का गच्छप्रमाण चय, इनकों जोड़िये पीछे आधा करिये, पीछे एक घाटि अनुकृष्टि का गच्छप्रमाण गच्छ करि गुणिएं, तब चयधन का प्रमाण होइ, सो आदिधन अर चयधन मिलाएं प्रथम गुणहानि का अंत का निषेक विषै प्रमाण होइ । औसै प्रथम-गुणहानि विषै अनुकृष्टि-रचना कही । अब इस अनुकृष्टि के कथन कौं अंक-संदृष्टि करि दिखाइए है—

प्रथम गुणहानि विषै प्रथम-निषेक नव सौ द्रव्य, तामै अनुकृष्टि का गच्छ च्यारि, ताका भाग ऊर्ध्व चय एक कौं दीएं अनुकृष्टि चय चतुर्थाश तहां 'व्येकपदार्धध्यचयगुणो गच्छ उत्तर-धन', इस सूत्र करि चय-धन ड्योढ, ताकौं सर्व-धन नव मैस्यो घटाएं साढा सात, याकौं अनुकृष्टि-गच्छ च्यारि का भाग दीयें प्रथम-खंड अष्टमांश घाटि दोय प्रमाण हुवा, यामै चतुर्थाश प्रमाण अनुकृष्टि का एक-एक चय मिलाएं द्वितीयादिक खंड होइ ; चार्यो खंडनि का जोड़ दीएं नव हो है । औसै ही अंत का निषेक विषै द्रव्य सोलह, तामै चय-धन ड्योढ घटाएं साढा चौदह, याकौं अनुकृष्टि-गच्छ च्यारि का भाग दीएं अष्टमांश अधिक साढा तीन पाए, सो प्रथम-खंड अर यामै चतुर्थाश मात्र एक-एक चय अधिक भएं द्वितीयादि खंड-चार्यों-खंड जोड़ें सोलह होइ । इहां आधा चौथाई कह्या है सो अंक-संदृष्टि करि समझ में आनेवास्ते कह्या है ।

बहुरि महत्प्रमाण रूप अर्थ-संदृष्टि विषै अध्यवसायनि विषै आधा चौथाई है नाहीं । अथवा स्वेच्छा अंक-संदृष्टि करिए तौ त्रिकरण-चूलिका अधिकार विषै अधः प्रवृत्तकरण की रचना विषै जैसै अंक-संदृष्टि करी तैसै करनी । तहां प्रथम-गुणहानि विषै सर्व अध्यवसाय तीन हजार बहत्तरि गुणहानि आयाम सोलह, तहां जघन्य-स्थिति संबधी प्रथम-निषेक एकसौ बासठि, निषेक-निषेक प्रति चयप्रमाण च्यारि । तहां प्रथम-निषेक विषै द्रव्य एकसौ बासठि, तामै चय-धन छह घटाएं एकसौ छप्पन, याकौं अनुकृष्टि-गच्छ च्यारि का भाग दीएं गुणतालीस सो प्रथम-खंड ।

बहुरि द्वितीयादि-खंड विषै अनुकृष्टि-चय का प्रमाण एक, सो एक चय अधिक जानना । च्यारू खंडनि का जोड़ दिएं एकसौ बासठि होइ । औसै ही द्वितीयादि निषेकनि की रचना करि अंत-निषेक विषै द्रव्य दोयसै बाईस, तामै चय-धन छह घटाएं दोयसै सोलह, याकौं अनुकृष्टि-गच्छ च्यारि का भाग दीएं, चौबन, सो प्रथमखंड । बहुरि द्वितीयादि खंड विषै एक-एक चय अधिक जानना । चार्यों खंडनि का जोड़ दीएं दोयसै बाईस होइ । औसै ही अंक-संदृष्टि करि पूर्वोक्त अर्थ जानना । अत्यंत परोक्ष अर्थ जानने कौं यह भी उपाय है । बहुरि याही प्रकार द्वितीयादिक गुणहानि विषै भी अनुकृष्टि का विधान करना । प्रथम गुणहानि का अनुकृष्टि चय वा द्रव्य वा खंडनि तैं द्वितीयादि गुणहानि विषै अनुकृष्टि-चयादिक का प्रमाण दूणा-दूणा जानना ।

अंक संदृष्टि अपेक्षा स्थितिबंधाध्यवसाय रचना ।

अनुकृष्टिरूप एक-एक समय सम्बन्धी खण्डनि विषै तिर्यग्-रचना

जघन्यादि स्थिति

बंध की ऊर्ध्व रचना	प्रथम खंड	द्वितीय खंड	तृतीय खंड	चतुर्थ खंड
२२२	५४	५५	५६	५७
२१८	५३	५४	५५	५६
२१४	५२	५३	५४	५५
२१०	५१	५२	५३	५४
२०६	५०	५१	५२	५३
२०२	४९	५०	५१	५२
१९८	४८	४९	५०	५१
१९४	४७	४८	४९	५०
१९०	४६	४७	४८	४९
१८६	४५	४६	४७	४८
१८२	४४	४५	४६	४७
१७८	४३	४४	४५	४६
१७४	४२	४३	४४	४५
१७०	४१	४२	४३	४४
१६६	४०	४१	४२	४३
१६२	३९	४०	४१	४२

पढमं पढमं खंडं, अण्णोणं पेक्खिणं विसरित्थं ।

हेट्ठिल्लुक्कस्सादोणंतगुणादुपरिमज्जहणं ॥ ९५६ ॥

प्रथमं प्रथमं खंडमन्योन्यमपेक्ष्य विसदृशं ।

अधस्तनोत्कृष्टादनंतगुणादुपरिमज्जघन्यं ॥ ९५६ ॥

टीका — याप्रकार अनुकृष्टि-रचना रूप कीएं प्रथमादि गुणहानि विषै अनुकृष्टि का पहला-पहला खंड परस्पर अपेक्षा करि विसदृश है संख्या करि समान नाही है, जातै तिर्यग् रूप रचना विषै ऊपरि-ऊपरि रचनारूप पहिला-पहिला जो खंड, सो अंत-निषेक का पहला-खंड पर्यंत एक-एक

चय करि अधिक है, तैसें ही शक्ति करि भी अपने नीचले प्रथम-खंड का उत्कृष्ट-स्थान तैं भी ऊपरला प्रथम-खंड का जघन्य-स्थान भी अनंत-गुणा है ; तातैं पहला-पहला खंड परस्पर समान नाहीं है ॥ ९५६ ॥

**विदियं विदियं खंडं, अण्णोण्णं पेक्खिउण विसरित्थं ।**

**हेट्ठिल्लुक्कस्सादोणंतगुणादुवरिमजहण्णं ॥ ९५७ ॥**

द्वितीयं द्वितीयं खंडमन्योऽन्यमपेक्ष्य विसदृशं ।

अधस्तनोत्कृष्टादनंतगुणादुपरिमजघन्यं ॥ ९५७ ॥

**टीका** — गुणहानिनि विषैँ प्रथमादि निषेकनि का दूसरा-दूसरा खंड, सो गुणहानि का अंत के निषेक का दूसरा-खंड पर्यंत निरंतर एक-एक चयकरि अधिक है ; तातैं समान नाहीं है । नीचले दूसरे-खंड के उत्कृष्ट तैं ऊपरला दूसरा-खंड का जघन्य भी अनंत-गुणा है । अैसें ही तीसरा-तीसरा इत्यादि खंडनि की असमानता जाननी ॥ ९५७ ॥

अैसें एक घाटि अनुकृष्टि प्रमाण खंडनि की असमानता होइ कहा ? सो कहैं हैं—

**चरिमं चरिमं खंडं, अण्णोण्णं पेक्खिउण विसरित्थं ।**

**हेट्ठिल्लुक्कस्सादोणंतगुणादुवरिमजहण्णं ॥ ९५८ ॥**

चरमं चरमं खंडमन्योऽन्यमपेक्ष्य विसदृशं ।

अधस्तनोत्कृष्टादनंतगुणादुपरिमजघन्यं ॥ ९५८ ॥

**टीका** — गुणहानि का प्रथमादि निषेकनि का अंत का खंड अंत के निषेकनि का अंत-खंड पर्यंत निरंतर एक-एक चय अधिक है ; तातैं संख्या करि समान नाही । बहुरि शक्ति करि कैँ भी नीचला अंत-खंड का उत्कृष्ट-स्थान तैं भी ऊपरला अंत-खंड का जघन्य-स्थान भी अनंत-गुणा है ॥ ९५८ ॥

तहां कारण कहा ? सो कहैं हैं—

**हेट्ठिमखंडुक्कस्सं, उव्वंकं होदि उवरिमजहण्णं ।**

**अट्ठंकं होदि तदोणंतगुणं उवरिमजहण्णं ॥ ९५९ ॥**

अधस्तनखंडोत्कृष्टमुर्वको भवति उपरिमजघन्यं ।

अष्टांको भवति ततोऽनंतगुणमुपरिमजघन्यम् ॥ ९५९ ॥

**टीका** — जा कारण तैं तिर्यग् रूप रचना विषैँ ऊपरि-ऊपरि लिखे जैँ खंड, तिनके अपने-अपने नीचैँ लिखे खंड, तिनका उत्कृष्ट-अध्यवसाय-स्थान सो उर्वक कहिए—पूर्वस्थान तैं अनंतभाग-वृद्धि कौँ लीए है । बहुरि ऊपरि-ऊपरि का खंड का जघन्य-अध्यवसाय-स्थान सो अष्टांक कहिए—

अनंतगुण-वृद्धि कौं लीए हैं । ताकारण तैं नीचले-खंड का उत्कृष्ट तैं ऊपरले खंड का जघन्य अनंत-गुणा कहा ॥ ९५९ ॥

अवरुक्कस्सठिदीणं, जहण्णमुक्कस्सयं च णिव्वग्गं ।

सेसा सव्वे खंडा, सरिसा खलु होति उड्डेण ॥ ९६० ॥

अवरोत्कृष्टस्थितीनां, जघन्यमुत्कृष्टकं च निर्वर्गं ।

शेषाः सर्वे खंडाः, सदृशाः खलु भवन्ति ऊर्ध्वेन ॥ ९६० ॥

टीका - जघन्य-स्थिति कौं कारणभूत प्रथम-निषेक का जघन्य पहिला-खंड अर उत्कृष्ट स्थिति कौं कारणभूत अंत कै निषेक का उत्कृष्ट अंत का खंड— ए दोऊ तौ निर्वर्ग कहिए— कोऊ खंडनि करि सर्वथा समान नाही है । बहुरि अवशेष सर्व-खंड ऊर्ध्व-रचना करि अन्य-खंडनि के समान हैं ॥ ९६० ॥

अट्टण्हंपि य एवं, आउजहण्णट्टिदिस्स वरखंडं ।

जावय तावय खंडा, अणुकट्टिपदे विसेसहिया ॥ ९६१ ॥

तत्तो उवरिमखंडा, सगसगउक्कस्सगोत्ति सेसाणं ।

सव्वे ठिदियणखंडाऽसंखेज्जगुणक्कमा तिरिये ॥ ९६२ ॥ जुम्मं ।

अष्टानामपि च एवमायुर्जघन्यस्थितेः वरखंडं ।

यावत् तावत्खंडा, अनुकृष्टिपदे विशेषाधिकाः ॥ ९६१ ॥

तत उपरिमखंडाः, स्वकस्वकोत्कृष्टक इति शेषाणां ।

सर्वे स्थितितनखंडा, असंख्येयगुणक्रमास्तिरश्चि ॥ ९६२ ॥ युग्मम् ।

टीका - आठौं ही कर्मनि का जैसे कहा तैसे ही रचना विशेष समान है । जैसे मोहनीय का कहा तैसे ज्ञानावरणादिक का भी जानना । स्थित्यादिक का प्रमाण यथासंभव जानि लेना । बहुरि विशेष इतना जो आयुर्कर्म का अनुकृष्टि-गच्छ विषै खंड हैं, ते जघन्य-स्थिति का अंत का खंड पर्यंत ही तौ चय करि अधिक हैं । बहुरि ताके उत्कृष्ट-खंड तैं उपरिस्थिति के खंड, ते अपने-अपने उत्कृष्ट-खंड पर्यंत तथा अवशेष-स्थितिनि का अपना-अपना जघन्य-खंड तैं अपना-अपना उत्कृष्ट-खंड पर्यंत सर्व बरोबरि रचना रूप असंख्यातगुणे हैं, सो वर्णन करि आये हैं, तिस करि इस कथन का अर्थ जानि लेना ॥ ९६१-९६२ ॥

आगै अनुभाग-बंधाध्यवसाय-स्थाननि का कथन करै हैं, तहां जघन्य-स्थितिसंबंधी अध्यवसायनि विषै जघन्य संबंधी अनुभागाध्यवसाय-स्थाननि कौं कहै हैं—

**रसबंधज्झवसाणट्टाणाणि असंखलोगमेत्ताणि ।**

**अवरट्टिदिस्स अवरट्टिदिपरिणामहि थोवाणि ॥ ९६३ ॥**

रसबंधाध्यवसायस्थानानि असंख्यलोकमात्राणि ।

अवरस्थितेरवरस्थिति, परिणामे स्तोकानि ॥ ९६३ ॥

**टीका** - अनुभागाध्यवसाय-स्थान असंख्यात-लोक कौं असंख्यात-लोक करि गुणिए—  
 असंख्यात-लोक प्रमाण हैं । तहां जघन्य स्थिति-संबंधी स्थिति-बंधाध्यवसाय-स्थाननि विषै  
 जघन्य-स्थिति-बंध योग्य अध्यवसायनि के प्रमाण तैं असंख्यात-लोक गुणे अनुभाग-  
 बंधाध्यवसाय-स्थान हैं, तथापि ते और स्थिति-बंधाध्यवसाय संबंधी अनुभागाध्यवसायनि तैं  
 थोरे हैं । सोई कहिए है—

जघन्य स्थितिसंबंधी स्थिति-बंधाध्यवसाय स्थाननि विषै अनुभागाध्यवसाय-स्थाननि की  
 रचना दिखाइए है— तहां जघन्य-स्थिति संबंधी स्थिति बंधाध्यवसाय-स्थाननि का प्रमाण तैं  
 असंख्यात-लोक गुणे अनुभाग-बंधाध्यवसायनि का प्रमाण है, सो तौ इहां द्रव्य का प्रमाण  
 जानना । बहुरि जघन्य-स्थिति संबंधी स्थिति-बंधाध्यवसाय-स्थाननि का जो प्रमाण, सो इहां  
 स्थिति का प्रमाण जानना । बहुरि आवली कौं दोय बार असंख्यात का भाग दीएं जो प्रमाण  
 आवे सो नाना-गुणहानि शलाका का प्रमाण जानना । बहुरि स्थिति के प्रमाण कौं नाना-गुणहानि  
 का भाग दीएं जो प्रमाण आवे, सो गुणहानि-आयाम का प्रमाण जानना । याकौं दूणा कीएं जो  
 प्रमाण होइ, सो दो गुणहानि का प्रमाण जानना । बहुरि आवली के असंख्यातवें भाग  
 अन्योन्याभ्यस्त-राशि का प्रमाण जानना । तहां द्रव्य कौं एक घाटि अन्योन्याभ्यस्त-राशि का  
 भाग दीएं जो प्रमाण आवे, सो प्रथम-गुणहानि विषै द्रव्य का प्रमाण है । यातैं दूणा-दूणा द्वितीयादि  
 गुणहानि विषै द्रव्य जानना । तहां प्रथम-गुणहानि का द्रव्य कौं गुणहानि-आयाम का भाग दीएं  
 मध्यम-धन का प्रमाण होइ, याकौं एक घाटि गुणहानि-आयाम का आधा करि हीन असा  
 दोगुणहानि के प्रमाण का भाग दीएं चय होइ । इस चय कौं एक अधिक गुणहानि-आयाम करि  
 गुणै प्रथम-निषेक होइ ॥ ९६३ ॥

**तत्तो कमेण वडुदि, पडिभागेण य असंखलोगेण ।**

**अवरट्टिदिस्स जेडुट्टिदिपरिणामोत्ति णियमेण ॥ ९६४ ॥**

ततः क्रमेण वर्धते, प्रतिभागेन च असंख्यलोकेन ।

अवरस्थितेः ज्येष्ठस्थितिपरिणाम इति नियमेन ॥ ९६४ ॥

**टीका** - तहां पीछे जघन्य-स्थिति का जघन्य-परिणाम संबंधी प्रथम-निषेक रूप  
 अनुभागाध्यवसाय-स्थान, तिनतैं तिस ही जघन्य-स्थिति का द्वितीयादिक परिणाम संबंधी द्वितीयादि  
 निषेक रूप अनुभागाध्यवसाय-स्थान प्रथम-गुणहानि का अंत-निषेक रूप अंत का परिणाम पर्यंत

असंख्यात-लोकमात्र प्रमाण प्रतिभाग सर्व-द्रव्य कौं दीये उपज्या जो चय का प्रमाण, तिस एक-एक चय का प्रमाण करि निरन्तर बधते-बधते जानने । तहां आगें गुणहानि-गुणहानि प्रति प्रथम-निषेक तैं प्रथम-निषेक, चय के प्रमाण तैं चय का प्रमाण दूणा-दूणा जानना । औसैं स्थितिबंधाध्यवसाय-स्थान-रचना का जघन्य-स्थिति योग्य प्रथम-निषेक विषैं अनुभागाध्यवसायनि की रचना कही । याही प्रकार द्वितीयादिक स्थिति योग्य द्वितीयादिक निषेकनि विषैं भी उत्कृष्ट-स्थिति रूप अंत-निषेक पर्यंत रचना जाननी । स्थित्यादि प्रमाण यथासंभव जानना । इहां जघन्य-स्थिति संबंधी जघन्य-स्थिति-बंधाध्यवसाय-स्थाननि विषैं प्रथमनिषेक प्रमाण अनुभागाध्यवसाय-स्थान जानने । बहुरि तिसही के दूसरे स्थान विषैं द्वितीय-निषेक प्रमाण जानने— औसैं अनुक्रम हैं । बहुरि अनुभाग-बंधाध्यवसायनि कैं नाना-गुणहानि-शलाका हैं वा नाही हैं औसा आचार्यनि के मतकरि दोऊ उपदेश हैं ॥ ९६४ ॥

आगे मूलग्रंथकर्ता जो 'नेमिचन्द्र-आचार्य' सो अपनी ग्रंथ करने की प्रतिज्ञा पूर्ण करि समाचार कहै हैं—

**गोम्मटसंग्रहसूत्रं, गोम्मटदेवेण गोम्मटं रइयं ।**

**कम्माण णिज्जरट्टं, तच्चट्टवधारणट्टं च ॥ ९६५ ॥**

गोम्मटसंग्रहसूत्रं, गोम्मटदेवेन गोम्मटं रचितं ।

कर्मणां निर्जरार्थं, तत्त्वावधारणार्थं च ॥ ९६५ ॥

टीका - यहु गोम्मटसार ग्रंथ का संग्रह रूप सूत्र सो गोम्मट देव जो श्री 'वीरवर्धमान' नामा तीर्थकर देव, तीहिं करि गोम्मट कहिए नय-प्रमाण के गोचर औसा ज्ञानावरणादिक-कर्मनि की निर्जरा के अर्थि, बहुरि तत्त्वार्थ का निश्चय होने के अर्थि रच्या है ।

भावार्थ औसा—जो यहु ग्रंथ सो वर्धमान-स्वामी की वाणी के अनुसारि बना है, मेरा कर्तव्य नाही है ॥ ९६५ ॥

**जम्हि गुणा विस्संता, गणधरदेवादिइद्धिपत्ताणं ।**

**सो अजियसेणणाहो, जस्स गुरु जयउ सो राओ ॥ ९६६ ॥**

यस्मिन् गुणा विश्रान्ता, गणधरदेवादिऋद्धिप्राप्तानां ।

सोऽजितसेननाथो, यस्य गुरुर्जयतु स रायः ॥ ९६६ ॥

टीका - गणधर देवादिक मुनि जे बुद्धिआदिक ऋद्धि कौं प्राप्त भये, तिनके गुण जाविषैं-विश्राम करि तिष्ठैं हैं, गणधरादिक के से गुण जाविषैं पाइये हैं— औसा 'अजितसेन' नामा मुनिनाथ, जिस राजा का व्रत देनेवाला गुरु है, सो राजा सर्वोत्कृष्टपणाकरि वर्तौ ॥ ९६६ ॥

सिद्धंतुदयतडुग्गय, णिम्मलवरणेमिचंदकरकलिया ।

गुणरयणभूसणंबुहिमइवेला भरउ भुवणयलं ॥ ९६७ ॥

सिद्धांतोदयतटोदगत, निर्मलवरनेमिचंद्रवरकलिता ।

गुणरत्नभूषणाबुधिमतिवेला भरतु भुवनतलं ॥ ९६७ ॥

टीका - सिद्धांतरूपी उदयाचलपर्वत तिसविषै ज्ञानादिक करि उदयमान भया असा निर्मल अर उत्कृष्ट नेमिनाथ रूपी चंद्रमा अथवा नेमिचंद्र-आचार्य रूपी चंद्रमा, ताकै जु वचन रूप किरण तिनकरि बधी हुई असी जो 'गुणरत्नभूषणाबुधि' कहिये गुणरूपी रत्नकरि शोभित असा चामुंडराय नामा राजा, सोई भया समुद्र, ताकी मतिवेला कहिए बुद्धिरूपी बेला, सो 'भुवनतलं भरतु' कहिए जगत विषै विस्तरिकरि भुवनतल कौं पूरो वा समस्त जगत विषै अतिशय करि फैलो— असा आशीर्वाद है ॥ ९६७ ॥

गोम्मटसंगहसुत्तं, गोम्मटसिंहरूवरि गोम्मटजिणो य ।

गोम्मटरायविणिम्मिय, दक्खिणकुक्कुडजिणो जयउ ॥ ९६८ ॥

गोम्मटसंग्रहसूत्रं, गोम्मटशिखरोपरि गोम्मटजिनश्च ।

गोम्मटराजविनिर्मित, दक्षिणकुक्कुटजिनो जयतु ॥ ९६८ ॥

टीका - गोम्मटसार संग्रह का रूप सूत्र जो जयवंत प्रवर्तों । बहुरि गोम्मट-शिखरि के ऊपरि गोम्मट-जिन कहिए चामुंडराय नामा राजा करि निर्मापित जिनमंदिर विषै विराजमान एक हस्त प्रमाण इंद्र-नीलमणिमय 'नेमिनाथ' नामा तीर्थकर-देव का प्रतिबिंब सो, जयवंत प्रवर्तों । बहुरि चामुंडराय नामा राजा ही करि निर्मापित जगत विषै रूढि करि दक्षिण-कुक्कुट-जिन है नाम जाका असा जिन प्रतिबिंब सो जयवंत प्रवर्तों ॥ ९६८ ॥

जेण विणिम्मियपडिमावयणं सव्वडुसिद्धिदेवेहिं ।

सव्वपरमोहिजोगिहिं, दिट्ठं सो गोम्मटो जयउ ॥ ९६९ ॥

येन विनिर्मितप्रतिमा, वदनं सर्वार्थसिद्धिदेवैः ।

सर्वपरमावधियोगिभिः, दृष्टं स गोम्मटो जयतु ॥ ९६९ ॥

टीका - जाकरि निर्मापित जिन-प्रतिमा का मुख सो सर्वार्थसिद्धि के वासी देवनि करि अवधि करि देख्या वा सर्वावधि, परमावधि के धारक योगीश्वरनि करि देख्या, सो चामुंडराय राजा सर्वात्कृष्टपनै करि वर्तों ॥ ९६९ ॥

वज्जयणं जिणभवणं, ईसिपभारं सुवण्णकलसं तु ।

तिहुवणपडिमाणिककं, जेण कयं जयउ सो राओ ॥ ९७० ॥



वज्रतलं जिन भवनमी घत्रभारं सुवर्णकलशं तु ।  
त्रिभुवनप्रतिमानमेकं, येन कृतं जयतु स रायः ॥ ९७० ॥

टीका - वज्र सारिखा जाका अवनितल कहिए पीठबंध, बहुरि ईषत् है प्राग्भार जाका, बहुरि सुवर्णमयी है कलश जाकै, बहुरि तीन-भुवन विषै प्रतिमा कहिए उपमा देने योग्य असा एक कहिए दूसरा नाही— असा जिन-भवन जाकरि निर्माण कीया, सो राजा विराजमान रहो ॥९७० ॥

जेणुब्भियथं भुवरिमजक्खतिरीटग्गकिरणजलधोया ।  
सिद्धाण सुद्धपाया, सो राओ गोम्मटो जयउ ॥ ९७१ ॥

येनोद्धितस्तंभोपरिमयक्षतिरीटाग्रकिरणजलधौतौ ।  
सिद्धानां शुद्धपादौ, स रायो गोम्मटो जयतु ॥ ९७१ ॥

टीका - जाकरि चैत्यालय विषै ऊभा कीया स्तंभ, ताके ऊपर तिष्ठता जो यक्ष का आकार, ताका मुकुट का अग्रभाग की किरण रूपी जल करि सिद्ध-परमेष्ठी के आत्मप्रदेशनि के आकार रूप शुद्ध दोय-चरण ते धोय गए, सो राजा-चामुंडराय जीतिवंत होहु । यद्यपि सिद्धि स्थान पर्यंत यक्ष के मुकुट-किरण कैसेँ प्राप्त होइ ; परन्तु उपमालंकार करि कहने का दोष नाही । इहां इतना अर्थ जानना—

चैत्यालय विषै स्तंभ बहुत ऊँचा बन्या है ता ऊपरि यक्ष का आकार है, ताके मुकुट विषै ज्योतिवंत पदार्थ लगे हैं ॥ ९७१ ॥

गोम्मटसुत्तल्लिहणे, गोम्मटरायेण जा कया देसी ।  
सो राओ चिरं कालं, णामेण य वीरमत्तंडी ॥ ९७२ ॥

गोम्मटसूत्रलेखने, गोम्मटरायेण या कृता देशी ।  
स रायश्चिरं कालं, नाम्नां च वीरमार्तंडी ॥ ९७२ ॥

टीका - गोम्मटसार-ग्रंथ के सूत्र लिखने विषै गोम्मट-राजा करि जो देशी भाषा करी, सो राजा नाम करि वीरमार्तंड चिरकाल पर्यंत जीतिवंत प्रवृत्तौ । असाँ मूल ग्रंथकर्ता श्री 'नेमिचंद्र' नामा आचार्य, तीहिं इस ग्रंथ होने विषै अपने समाचार कहे । अब इस गोम्मटसार-ग्रंथ की जीवतत्वप्रदीपिका नामा संस्कृत-टीका का कर्ता 'केशव' नामा ब्रह्मचारी, सो टीका होने विषै अपने समाचार श्लोकनि करि कहे, ते कहिए है—

कवित्त

वृषभ अजित संभव अभिनंदन, सुमति पद्म प्रभु देव जिनेश,  
श्री सुपार्श्व चंद्रप्रभ सुविधि जु, शीतल श्रेय वासु पूज्येश ।

विमल अनंत धर्म सुरपतिनुत शांति कुंथु अर मल्लि महेश  
मुनिसुव्रत नमि नेमि पार्श्व पति, वर्धमान वंदौ परमेश ॥ १ ॥

दोहा

तीन काल संबंधि सब, तीर्थकर अरहंत ।  
सिद्ध साधु शिव करहु मम, करत भक्ति भगवंत ॥ २ ॥

अडिल्ल

यावत तारे चंद्र दिपें परकाशतें, नंदो तावत् मूल संघ इह जासतें ।  
रत्नत्रय करि पद अरहंत सु पाइकैं, सुरनर सेवित सिद्ध होइ शिव जाइकैं ॥ ३ ॥

दोहा

तहां शारदा गच्छवर, बलात्कार-गण भाय । कुंद-कुंद अन्वय सदा, नंदौ नंद्याम्नाय ॥ ४ ॥

सवैया

जाकौं गण समुदाय मानैं गण भरता, जाकौं ज्ञानभूषण सो नाम गुणवान है ।  
ताहि भट्टारक शिरोमणी कौं मैं नमौं, सदा चारंबार भक्तिभाव लीएं एक ध्यान है ।  
कर्णाटक देशस्वामी मल्लि महीपाल ताकौं, भक्ति तैं दयो है जिहि श्रुत-ज्ञान दान है ।  
अैसे मुनि चंद्र मुनि फुनि नमौं बारबार, जाकी वानी मुनिनि के अमृत समान है ॥

सोरठा

प्रभा चंद्र गुणसेत, नमिए भट्टारक रतन । धर्म वृद्धि के हेत, मोहि सूरिपद जिहि दयो ॥ ६ ॥

सवैया ३१

जो त्रैविद्य विद्या तैं प्रगट असा सूरि जाको, नाम है विशालकीर्ति कीर्ति जाकी घनी है ।  
इस टीका करने में कीनों है सहाय तिहि, सोइ फुनि प्रथम हीऽधीता बुद्धि घनी है ॥  
धर्मचंद्र अभयेंदु गणी वर्णी लालादिक, भव्यनि के हेत अैसें जिनवानी भनी है ।  
कर्णाटक टीका तैं बनाई चित्र कूट नाम, पार्श्वनाथ-आलय में टीका यह बनी है ॥ ७ ॥

दोहा

साधू संगी सहस्स करी, करी प्रार्थना एह । रची मुमुक्षु तबै भली, टीका अर्थ अछेह ॥ ८ ॥

चौपाई—

यहु गोम्पटसार चौपाई की टीक । भव्यनिकरि विस्तारित ठीक ॥  
नंदो, जो कुछ होइ विरुद्ध । श्रुत तैं श्रुतधर करियो शुद्ध ॥

सोरठा —

मुनिनिग्रंथमहंत, वरत्रैविद्यसुचक्रधर । अभय-चंद्रमुनिसंत, सोधिलिख्यो पुस्तकप्रथम ॥ १० ॥

दोहा—

जीवतत्त्व प्रदीपिका, टीका संस्कृतसार । ताके कतनि कहे, अैसेँ स्व समाचार ॥ ११ ॥

आचार्य श्रीनेमिचंद्रविरचित गोम्मटसार द्वितीय नाम पंचसंग्रह ग्रंथकी जीवतत्त्वप्रदीपिका नाम संस्कृत टीका के अनुसारि सम्यग्ज्ञान-चंद्रिका नामा भाषाटीका विषैँ कर्मकांड विषैँ कर्म-रचना का स्वभाव नामा नवम अधिकार संपूर्ण भया । याकौँ होतैँ गोम्मटसार-ग्रंथ पूर्ण भया, सो सर्व जीवों कौँ ज्ञानानंद का कर्ता होहु ॥

आचार्य श्री नेमिचन्द्र विरचित गोम्मटसार द्वितीयनाम पंचसंग्रह ग्रन्थ की जीव तत्त्व प्रदीपिका नाम संस्कृत टीका के अनुसारि सम्यग्ज्ञानचन्द्रिका नामा भाषा टीका विषैँ कर्मकाण्ड विषैँ कर्म रचना का स्वभाव नामा नवमां अधिकार सम्पूर्ण भया । याकौँ होतैँ गोम्मटसार ग्रन्थ पूर्ण भया, सो सर्व जीव कौँ ज्ञानानन्द का कर्ता होहु ॥

अब इहां भाषाटीकाकार करि कहिए है—

दोहा—

कर्म कांड कौँ जानिकैँ, ज्ञानकांडमय होय । परस्वरूप कौँ परिहरैँ, शिवपद पावैँ सोय ॥ १ ॥

सोरठा—

मंगल श्री अरहंत, सिद्ध साधु जिन धर्म फुनि । मंगल चारि महंत, एईँ हैं उत्तम सरण ॥ २ ॥

सवैया—इकतीसा

अर्थ के लोभी हैँ कैँ करि कैँ सहास अति, अगम अपार ग्रंथ पारावारमें परे ।  
थाह तौ न आयो तहां फेर कौन पायो पार, तातैँ सूधे मारग हैँ सारे पार उतरे ॥  
इस आधे माहि कर्मकांड की हैँ मरजाद, याके अर्थ जानैँ निज काज सब सुधरे ।  
निज मति अनुसारि अर्थ गहि टोडर हूँ भाषा बनवाई यानेँ अर्थ गहौँ सगरे ॥ ३ ॥

इति कर्मकाण्ड समाप्त

कवित्त

गोम्मट सार शास्त्र यहु ताके, कहे दोय अधिकार महान ।  
जीव कांड अर कर्म कांड, अब ते तो पूरण भए प्रमाण  
इहां अर्थ संदृष्टि आदि किछु जाने चाहिए ते अमलान ।  
कहिए हैँ जानहु सुज्ञानी, जानि साधिए पद निर्वाण ॥ ४ ॥

इति श्रीगोम्मटसार सूत्रानुसार भाषा संपूर्ण ।

कर्मकाण्ड समाप्त ।